



Wroton of Walerhaugh

DUKE
UNIVERSITY
LIBRARY

Treasure Room





OPERA COLLEGE

THE COLLEGE OF
MUSIC AND
THEATRE

THE COLLEGE OF
MUSIC AND
THEATRE
OF THE
UNIVERSITY OF
MICHIGAN

THE COLLEGE OF
MUSIC AND
THEATRE
OF THE
UNIVERSITY OF
MICHIGAN



THE COLLEGE OF
MUSIC AND
THEATRE
OF THE
UNIVERSITY OF
MICHIGAN

GEORGII BUCHANANI,

Scoti, Poëtarum sui seculi facile Principis,

OPERA OMNIA,

Ad optimorum Codicum fidem summo studio
recognita & castigata.

T O M U S S E C U N D U S :

In quo continentur,

P O E M A T A ejus omnia:

Item,

RUDIMENTA Grammatices *Thomæ Linacri ex Anglico sermone*
in *Latinum* versa,

De PROSODIA Libellus,

Ad viros sui seculi clarissimos eorumque ad eundem EPISTOLÆ
ex ipsis autographis magna ex parte descriptæ.

Accessit de METRIS BUCHANANÆIS Libellus.

P A R S P R I M A.



LUGDUNI BATAVORUM,
Apud JOHANNEM ARNOLDUM LANGERAK,
MDCCXXV.

1732
1733
1734

GEORGI BUCHANANI

Scoti, Lecturam in Poetica Poetice

OPERA OMNIA

Ad optimorum Codicum fidem summo studio

recognita & castigata

TOMUS SECUNDUS

in quo continentur

P O E M A T A ejus omnia

1732

Per Joannem Buchananum Scotum, Poetice

in Latinam versis

De Prosodia Libellus

Ad viros seu sancti clarissimi conpugnati ad eundem Prosodia

ex ipsa antiqua magna ex parte descripta

Edidit Joannes Buchananus

P A R T I S I



LUGDUNI BATAVORUM

JOHANNES ANTONIUS LAURENTIUS

MDCCLXXXV

E
RBR
B918W
V.2

PSALMORUM DAVIDIS

PARAPHRASIS POETICA.

AUCTORE

GEORGIO BUCHANANO, *Scoto,*

POETARUM SUI SEculi FACILE PRINCIPE.

PSALMORUM DAVIDIS

PANAPHRASIS POETICA

DOCTOR

GEORGIO BUCHANANO, 2000

POETARUM SUI SEculi FACILE PRINCIPES

GEORGII BUCHANANI
M A R I A M

ILLUSTRISSIMAM SCOTORUM REGINAM,

GEORGII BUCHANANI *Epigramma.*



LYMPHA, Caledoniæ quæ nunc feliciter oræ

Missa per innumeros sceptrâ tueris avos:

Quæ sortem antevenis meritis, virtutibus annos,

Sexum animis, morum nobilitate genus,

Accipe (sed facilis) cultu donata Latino

Carmina, fatidici nobile regis opus.

Illa quidem, Cirrha procul & Permesside lympa,

Pene sub Arctoi sidere nata poli:

Non tamen ausus eram male natum exponere fœtum,

Ne mihi displiceant quæ placuere tibi.

Nam quod ab ingenio domini sperare nequibant,

Debebunt genio forsitan illa tuo.

GEORGII BUCHANANI

POEMATUM, NONNULLORUMQUE TRACTATUM,
TOMO II. COMPREHENSORUM,

INDEX ET ORDO.

I. PSALMORUM PARAPHRASIS.			
Liber I.	Pag. 1	12. In Paulum Pontificem.	287
Liber II.	47	13. In Pontifices.	ibid.
Liber. III.	81	14. In Romam.	288
Liber IV.	104	15. In eandem.	ibid.
Lib. V.	125	16. In eandem.	ibid.
Hymnus matutinus ad Christum.	167	17. Pasquillus loquitur.	289
Canticum Simconis.	ibid.	18. In Dionem & Clementem.	289
Poëmata & Fragmenta nunquam antea edita.	168	19. Fratres fraterrimi.	290
Comment. in Orat. Cic. pro A. Cæcina.	170	20. In Pantalabum.	ibid.
II. JEPHTHES, TRAGOEDIA.	181	21. In eundem.	ibid.
III. BAPTISTES, TRAGOEDIA.	219	22. De Monachis S. Antonii.	291
IV. FRANCISCANUS.	257	23. In quendam Præsulem.	ibid.
V. FRATRES FRATERRIMI.	283	24. In Pantalabum.	ibid.
1. In Ant. Tomarium Abbatem.	ibid.	25. Fratres extra mundum.	292
2. In Beleagonem.	284	26. In Petrum Gonellum Dominicorum.	ibid.
3. Imago ad peregre venientes religionis ergo.	ibid.	27. In eundem.	ibid.
4. Ad Pasquillum.	285	28. Adventus in Galliam.	ibid.
5. Ad Elisabetham Angliæ Reginam Ode.	ibid.	29. Brasilia.	293
6. Pittoris & Pictoris Dialogus.	286	30. In colonias Brasilienses.	ibid.
7. Ad idolorum cultorem.	ibid.	31. In Antistitem quendam.	294
8. In eundem.	ibid.	32. In Codrum.	ibid.
9. In hypocritam quendam.	287	33. In Chrysalum.	295
10. In Pium Pontificem.	ibid.	34. Somnium.	ibid.
11. In Iulium.	287	35. Palinodia.	ibid.
		36. Palinodia.	296
		VI. ELEGIARUM Liber.	301
		1. Quam misera sit conditio doctentium literas humaniores Lutetia.	301
		2. Majæ Calendæ.	304
		3. Ad Br. Vallium pro Iena Apologia.	308
		4. Ad Pt. Lux. Tastæum & Jac. Tevium cum articulari morbo.	bo-

- bo aboraret. 314
5. Ad Fr. Olivarium Franciæ Cancellarium nomine Scholæ Burdegalensis. 317
6. Ad Alisam e morbo pallidam. 318
7. De Leonora Pieridis lenæ filia. 320
8. In eandem. 322
9. De Neæra. 323
- VII. SILVÆ. 324
1. Ad Carolum V. Imperatorem. 324
2. Desiderium P. Lux. Tastiæ. 326
3. Desiderium Lutetiæ. 329
4. Francisci Valesii & Mariæ Stuartæ Regum Franciæ & Scotiæ Epithalamium. 332
5. Deploratio status rei Galliæ sub mortem Francisci II. Regis. 339
6. De equo elogium. 340
7. Genethliacon Jacobi VI. Regis Scotorum. 340
- VIII. HENDECASYLLABON Liber. 344
1. In Neæram. 344
2. Ad eandem. 345
3. Ad eandem. 345
4. Ad eandem. 345
5. Ad Ant. Goveanum. 346
6. Ad Neæram. 347
7. In Beleagonem. 347
8. In Gelliam. 347
9. Ad Gul. Lurium Longanum Senat. Burdegal. 347
10. Ad Theod. Bezam. 348
11. Adamas a Maria Scota ad Elisabeth. Anglam missa. 348
- IX. IAMBON Liber. 349
1. D. Gualtero Haddono. 349
2. In Leonoram. 350
3. Ad eandem. 351
4. In eandem. 352
5. In eandem. 352
6. Ad Rectorem Scholæ Conimbricæ Mursam. 353
7. In Beleagonem. 353
8. In eundem. 353
9. In eundem. 354
10. E Græco Simonidis. 355
11. E Græco ejusdem. 358
- X. EPIGRAMMATUM. Lib. I. 359
1. In Aulum. 359
2. Ad Jo. Bellaium Cardinalem. 359
3. Ad Car. Marillacum Viennæ Episcopum. 359
4. In Posthumum. 360
5. De Codro & Cæsare. 360
6. Ad amicum difficilem. 360
7. In pinum pro foribus Scholæ rum Cal. Maji erectam. 361
8. In eandem. 361
9. In Codrum. 361
10. E Græco. 361
11. Ad Margaritam Navarra Reginam. 361
12. In Zoilum. 362
13. Ad amicum quendam. 362
14. Ad Ludovicum Regium. 362
15. Ad Leonoram. 363
16. Ad eandem. 363
17. In eandem. 363
18. In Beleagonem. 363
19. In conventum Episcoporum. 364
20. In amicum quendam. 364
21. E Græco. 364
22. In Leonoram. 364
23. In eandem. 365
24. In Midam. 365
25. In Nævolum. 365
26. Ad Neæram. 366
27. Ad eandem. 366
28. In Leonoram. 366
- 29.

29. In Leonoram. 366
 30. E Græco Ruf. 367
 31. De Neæra. ibid.
 32. Ad Ponticum. ibid.
 33. Præpostera pietas. ibid.
 34. E Græco. ibid.
 35. In Phyllidem. 368
 36. E Græco Philodemi. ibid.
 37. E Græco Posidippi. ibid.
 38. Contraria sententia ex Metro-
 doro. ibid.
 39. Ad Rogerum Aschamum. 369
 40. In Gelliam. ibid.
 41. Ad Leonoram. ibid.
 42. Ad Peiridem. 370
 43. Cœna Gavini Archiepiscopi
 Glascuensis. ibid.
 44. E Græco. 371
 45. E Græco. ibid.
 46. In hominem vanum. ibid.
 47. Ad Leonoram. ibid.
 48. Ad Leonem. ibid.
 49. Ad Jul. Cæs. Scaligerum. 372
 50. Ad Margaritam Navarræ Re-
 ginam. ibid.
 51. In Joan. Majorem. 373
 52. Ad Leonoram. ibid.
 53. Nomine Henr. Kilgræi. ibid.
 54. Ad Mortem, eidem Henrico. ib.
 55. Eidem. 374
 56. Eidem ad Dominam navigatu-
 ram. ibid.
 57. De Mellino Sangelasio. 375
 58. In divitem avarum. ibid.
 59. De Adamante a Regina Sco-
 tia ad Reginam Angliæ mis-
 so. ibid.
 60. E Græco. ibid.
 61. E Græco. ibid.
 62. Aliter. ibid.
 63. E Græco. ibid.
 64. In Doletum. 376
 65. E Græco Anacreontis. ibid.
 66. E Græco. 376
 67. In Steph. Doletum. ibid.
 68. E Græco Simonidis. ibid.
 EPIGRAMMATUM Lib. II. JU-
 STA. 377
 1. Jacobo IV. Regi Scotorum. 377
 2. Magdalenzæ Valefzæ Reginæ
 Scotorum. ibid.
 3. Eidem. ibid.
 4. Eidem. ibid.
 5. Briando Vallio. 378
 6. Crittoni. ibid.
 7. Gulielmo Budæo. ibid.
 8. Eidem. ibid.
 9. Gilberto Kennedo Comiti Cas-
 siliffæ. ibid.
 10. Jacobo Silvio. 379
 11. Jacobo Fabro. ibid.
 12. Florentio Voluseno Scoto. ib.
 13. In Rob. Carnicrucium. ibid.
 14. In eundem. ibid.
 15. Joanni Diguallo. 380
 16. Ad Adamum Otterburnum. ib.
 17. Francisco Belcierio. 381
 18. Andreæ Goveano. ibid.
 19. Innocentio Fontano. ibid.
 20. Petrô Plancio. ibid.
 21. Eidem. 382
 22. Henrico Borbonio. ibid.
 23. Patricio Buchanano fratri. 383
 24. Jo. Ransforto Equiti Anglo. ib.
 25. Carolo Cossæo Brixiaci Comi-
 ti. ibid.
 26. Alexandro Cocburno. 384
 27. Rogero Aschamo Anglo. ibid.
 28. Dianæ. ibid.
 29. Jacobo Stuardo Scotorum Pro-
 regi. ibid.
 30. Jo. Hamiltono Fani Andreæ
 Archiepiscopo. 385
 31. Eidem. ibid.
 32. Joanni Juello. ibid.
 33. Eidem. 386
 ICONES. 386
 1. Saturnus. ibid.
 2. Ju-

I N D E X.


2. Jupiter.	386	5. Ad Episcopum indoctum.	ibid.
3. Mars.	ibid.	6. Ad Mariam Scotiæ Reginam.	395
4. Sol.	ibid.	7. Ad Jacobum Stuartum Mora-	ibid.
5. Venus.	387	viæ Comitem.	ibid.
6. Mercurius.	ibid.	8. Loquitur Adamas in cordis ef-	ibid.
7. Luna.	ibid.	figiem sculpsit, quem Ma-	ibid.
8. Tempus.	ibid.	ria Elisabethæ misit.	ibid.
9. Victoria.	ibid.	9. Ad Jacobum Moraviæ Comi-	ibid.
10. Alcyone.	ibid.	tem.	ibid.
11. Helena.	388	10. Ad Elisabetham Angliæ Regi-	ibid.
12. Eadem.	ibid.	nam.	ibid.
13. Penelope.	ibid.	11. Ad Joannam Havartam.	396
14. Dido.	ibid.	12. Ad Mildredam Gul. Cecilii	ibid.
15. Sophonisba.	ibid.	uxorem.	ibid.
16. Alexander Macedo.	ibid.	13. Ad eandem.	397
17. Idem.	389	14. Ad eandem.	ibid.
18. Laurentius Valla.	ibid.	15. Ad eandem.	398
19. Idem.	ibid.	16. Ad Agnetem Cecilii filiam.	ib.
20. Maria Regina Scotiæ puella.	ibid.	17. Ad Antonium Cucum.	ibid.
21. Eadem adulta.	ibid.	18. Ad Jac. Moraviæ Comitem.	399
22. Car. Lotharingus Cardinalis.	ib.	19. Ad Matthæum Levinæ Comi-	ibid.
23. Margarita Regina Navarræ.	390	POMPÆ.	399
24. Maria Regina Angliæ.	ibid.	1. Apollo & Musæ exules.	ibid.
25. In Elisabetham Reginam An-	ibid.	2. Pompa Deorum in nuptiis Ma-	400
gliæ.	ibid.	riæ.	402
26. In eandem.	ibid.	3. Pompæ Equestres.	404
27. Ad Thomam Randolphum An-	ibid.	4. Pompæ Deorum Rusticorum,	405
glum.	ibid.	3.	408
28. In Syllam.	391	VALENTINIANA.	405
29. Amor.	ibid.	XI. MISCELLANEORUM Li-	
30. Chrysalus.	392	ber.	408
31. Joannes Sturmius.	393	1. Ad Henricum II. Franciæ Re-	ibid.
32. Idem.	ibid.	gem post victos Calotes.	409
33. Idem.	ibid.	2. In castitatem.	410
EPIGRAMMATUM Lib. III.		3. De amore Cossæ & Aretes.	411
STRENÆ.	393	4. Ad Franc. Olivarium Franciæ	412
1. Ad Regem Scotiæ Henricum.	ibid.	Cancellarium.	ibid.
2. Ad Mariam Reginam Scotiæ.	394	5. In Polyonymum.	ibid.
3. Ad eandem.	ibid.	6. In Leonoram.	ibid.
4. Ad Discipulos.	ibid.	7. Ad Peiridem lenam.	ibid.
Tem. II.		8. Ad Henricum II. Franciæ Re-	gem
		* *	

I N D E X.

<p>gem. de soluta urbis Medio- matricum obsidione. 413</p> <p>9. Ad juventutem Burdegalen- sem. 414</p> <p>10. Marco Antonio Monlucio. ib.</p> <p>11. Calendæ Majæ. 415</p> <p>12. Alexandro Cocburno. ibid.</p> <p>13. Ad Tho. Cromelium Anglum. 416</p> <p>14. Epitaphium Nicolai Baconis. 417</p> <p>15. Ad Henricum VIII. Angliæ Regem. 417</p> <p>16. Mutuus amor. 418</p> <p>17. In Leonoram. 419</p> <p>18. Ad eandem. ibid.</p> <p>19. In Leonoram. ibid.</p> <p>20. In Neæram. 420</p> <p>21. In Julium II. Pontificem. ibid.</p> <p>22. De Nicotiana falso nomine Me- dicæ appellata. ibid.</p> <p>23. Ad Carolum Cossæum post ca- ptas Vercellas. 421</p> <p>24. Joannis Calvinii Epicedium. 422</p> <p>25. Joanni Aręskino Comiti Mar- riæ Proregi Scotorum. 424</p> <p>26. Matthæo Stuardo Levinæ Co- miti, Scotorum Proregi. ib.</p> <p>27. Annæ Valsingamiæ Tho. Ran- dolphi uxori. ibid.</p> <p>28. Ad Camillam Morelliam. 425</p> <p>29. In Rusticum. ibid.</p> <p>30. E Græco Simonidis. ibid.</p> <p>31. Ex eodem. ibid.</p> <p>32. Ex eodem. ibid.</p> <p>33. Ad Henricum Scotorum Re- gem. 426</p> <p>34. Ad Carolum Utenhovium. ib.</p> <p>35. Ad Salutem in nuptiis Regi-</p>	<p>na. 426</p> <p>36. Hymnus in Christi ascensio- nem. ibid.</p> <p>37. E Græco Stobæi de brevitæte vitæ. 427</p> <p>38. Apud Clem. Alexandrinum. ib.</p> <p>XII. DE SPHÆRA Lib. I. 427</p> <p>Lib. II. 447</p> <p>Lib. III. 465</p> <p>Lib. IV. 481</p> <p>Supplementum lib. IV. per Jo. Pincierum. 485</p> <p>Lib. V. 496</p> <p>Supplementum lib. V. per Jo. Pincierum. 508</p> <p>Supplementum lib. IV. per Ad. Regium. 510</p> <p>Supplementum lib. V. per eun- dem. 525</p> <p>Jo. Pincieri Argumenta in li- bros Sphæræ. 527 & seq.</p> <p>Ad Regii Argumenta in eisdem. 532</p> <p>XIII. EURIPIDIS MEDEA. 539</p> <p>XIV. EURIPIDIS ALCESTIS. 571</p> <p>XV. SATYRA in Carolum Lotha- ringum Cardinalem. 602</p> <p>XVI. DE METRIS BUCHA- NANÆIS. Lib. 607</p> <p>XVII. RUDIMENTA GRAM- MATICES. 648</p> <p>XVIII. DE RATIONE STU- DII. 700</p> <p>XIX. DE PROSODIA LIBEL- LUS. 709</p> <p>XX. EPISTOLÆ Buchanani ad Viros clarissimos, eorum- que ad eundem. 720</p>
--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

GEORGII BUCHANANI PARAPHRASIS In Primum Librum PSALMORUM.

PSALMUS I. *Beatus vir, qui non abiit in consilio, &c.*

- 1  ELIX ille animi, quem non de tramite recto
Impia sacrilegæ flexit contagio turbæ:
Non iter erroris tenuit, sessorve cathedræ
Pestiferæ facilem dedit irrisoribus aurem:
2 Sed vitæ rimatur iter melioris, & alta
Mente Dei leges noctesque diesque revolvit.
3 Ille, velut riguæ quæ margine consita ripæ est
Arbor, erit: ¹ quam non violento Sirius æstu
Exurit, non torret hiems: sed prodiga læto
4 Proventu beat agricolam: nec flore caduco
Arridens, blanda Dominum spe lactat inanem.
Non ita divini gens nescia fœderis, exlex,
5 Contemtrixque poli: subito sed turbine rapti
Pulveris istar erunt, volucris quem concita gyro
Aura levis torquet, ² vacuo ludibria cœlo.
6 Ergo ubi veridicus iudex in nube serena
Dicere jus veniet, scelerisque coarguet orbem;
Non coram impietas mœstos attollere vultus,
Nec misera audebit justæ se adjungere turbæ.
7 Nam pater ætherius justorum & fraude carentum
Novit iter, sensumque tenet: curvosque secuta
Impietas fraudum anfractus scelerata peribit.

PSAL.

¹ *Quam non*] Editio And. Harti 1615.
Quem non, male; hæc enim ad arborem re-
ferri ostendit, præter alia, proximo
versu vox [*prodiga*.]
Tom. II.

² *Vacuo ludibria cælo*] Editiones Anti-
quiores, Henrici & Roberti Stephani,
Argentoratensis anno 1566. Plantiniana
anno 1567. &c. habent, *Celeri ludibria vento*.
A

PSAL. II. *Quare fremuerunt gentes? &c.*

- Q**uid trepidæ gentes vano fremuere tumultu?
 Minisque populi sæviunt inanibus?
- 2 Et cum principibus magni coiere tyranni,
 Dominumque Christumque Domini aduersum truces?
- 3 Vincula quin horum fortes dirumpimus, ajunt,
 Et lora nostris demimus cervicibus?
- 4 At pater ætherius, rerum cui summa potestas,
 Ridebit impotentium irritas minas.
- 5 Tum iusta accensus miseros affabitur ira,
 Et per furorem cæca consilia suum
- 6 Turbabit: Cingamque meum diademate Regem,
 Inquit, Sionis jura sanctis collibus
 (Qui dabit, & late fundet mea jussa per orbem.
- 7 Deinde allocutus Dominus est me: Filius
- 8 Tu meus es, genuite hodie: me posce, daboque
 Omnes ut hæres gentium fines regas,
 Qua circumfusus tellus se porrigit undis,
- 9 Regasque sceptro sempiternum ferreo:
 Cumque voles, tumidosque premas, frangasque rebelles,
 Ut ficta fragili vasa franguntur luto.
- 10 At vos, in populos quibus est permissa potestas,
 Et jus ab alta sede plebi dicitis,
 Errorum tenebras depellite, discite verum:
- 11 Servite Domino cum tremore: gaudiis
 Et timor & Domini accedat reverentia vestris,
- 12 Ut missum ab illo filium amplectamini:
 In vos ne justæ vindictam exerceat iræ,
 De calle recti devios. Nam cum brevi
 Sæviet injustos contra iusta ira, scietis
 Quam sint beati, spes in illo qui locant.

PSAL. III *Domine, quid multiplicati? &c.*

- 2 **H**cu quanta numero viribus-
 que factio
 Me vexat odiis impiis!
 Quam perditorum firma conspi-
 ratio
 Conjurat in meum caput!
- 3 Et asseverant, spem salutis in Deo
- 4 Cum tu sub umbra præliantem
 me tui
 Tam sæpe scuti texeris:
- 5 Cum laudis auctor sis meæ, cum
 gloria
 Meum coronas verticem.

6 Cum

6 Cum nocte Dominus invocan-
tem me suo
De monte sancto exaudiat,
Curis solutus & recumbo & dor-
mio,
Refurgo liber a metu.

7 Domino excubante, nec meum
formidine
Pectus movebunt agmina
Numerosa, nec si sæva feritas
omnium

Conjuret in me gentium.
8 Tu, Domine, in aciem ductor,
ut me liberes,

Prodibis: hostium omnium
Malasque franges, impiorum
& conteres

Dentes potenti dextera.
9 At tu, salutis una spes, popu-
lum tuum
Bonitate solita amplectere.

PSAL. IV. *Cum invocarem, exaudivit, &c.*

2 **O** Pater, o hominum divumque æterna potestas,
Sinceræ mihi conscie mentis,
Qui mihi consilii inopi, incertoque salutis,
Imploranti rebus in arctis,
Tutum pandis iter, latumque educis in æquor:
Nunc oblesso fraude maligna
Da mihi te facilem, & justis bonus annue votis,
Non dura placabilis aure.

3 O hominum cæcæ mentes, quo me usque relicto
Intenti mendacibus umbris,
Sollicita in vanas torquetis pectora curas?
Tandem credite vera monenti:

4 Quem Deus electum miro dignatur honore,
Per discrimina cuncta tuetur.
Me Dominus clamantem ad se, auxiliumque rogantem,
Mitis & exorabilis audit.

5 Ergo Dei, miseri, nunc saltem agnoscite numen,
Et vitiis absistite pravis:
Vobiscum in tacito per noctem expendite lecto
Longi dicta ac facta diei.

6 Non pecudum fibris Domino, sed mente litatur
Innocua: si admoveris aris
Hanc, poteris sperare animi securus ab alto
Dextra munera larga benigna.

7 Poscit opes modo degeneres pars maxima vulgi,
Hæc animos vota una fatigant.

8 At tu me placido tantum bonus adspice vultu:
Aura tui jucunda favoris
Me super irradiet: sat amico te mihi felix.
Alter frugibus horrea stipet,

- Impleat & multas generoso nectare cellas,
 Et congesto gaudeat auro :
 9 Ast ego curarum vacuus de nocte recumbam ;
 Et sine sollicitudine somnos
 Accipiam : tu securam mihi robore mentem,
 Tu certa spe pectora firmas.)

P S A L. V. *Verba mea auribus, &c.*

- | | |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>2 O Potens rerum Deus, aure
 leni
 Mitis exaudi mea verba,
 mentis
 Mente non dura tetricusque tri-
 stes
 Percipe questus.
 3 Adspice attentus, mihi quanta
 tendat
 Vox latus: quando mihi Rex
 Deusque
 Solus es, solum veneror precorque
 Rebus in arctis.
 4 Mane clamantem Deus æquus
 audi:
 Nam tuum casta prece, non ina-
 nem
 Spem fovens, nomen jubar ante
 Eoum
 Mane ciebo.
 5 Tu Deus, latus pietate vera,
 Impii ritus scelus execraris:
 Nec frui pravi studiosa mens te
 Speret amico.
 6 Vis tuos vultus metuit nefasque:
 7 Hostis es fraudum & cupidæ cru-
 oris
 Cædis: audacem simulare lin-
 guam
 Falsa recides.
 8 At tua fretus bonitate sacrum</p> | <p>Limen accedam tua templa inibo:
 Rite adorabo tua sancta castis
 Numina votis.
 9 Tu mihi, ut casses fugiam dolosos
 Hostium, lumen, Deus, æquitatis
 Dux tuæ præfer, dubioque cæcos
 Dirige gressus.
 10 Hostium verum fugit ora, pectus
 Incolit fraus spurcitiesque: guttur
 Tetrius putri est quod hiat reclu-
 dens
 Funera busto.
 Lingua adulatrix tacito veneno
 Blandiens cæcos meditatur ictus.
 11 O Deus, rerum o pater alme,
 gentem
 Perde nefandam.
 Redde conatus, pater alme, vanos:
 Quique te relinquunt, scelerum
 suorum
 Sentiant pœnas meritas, ab ima
 Stirpe recisi.
 12 Sed tua semper bonitate tuti
 Gaudeant qui spem posuere in uno
 Te sibi certam impavidi, tuumque
 Nomen adorant.
 13 Namque tu rectos animique puros
 Larga opum dextra recreas be-
 nignus,
 Et tui (tanquam clypeo) favoris
 Protegis umbra</p> |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

P S A L.

PSAL. VI. *Domine, ne in furore, &c.*

- 2 **D**um fervet ira, Domine, dum
mens æstuat,
Ne me merentem corripe:
Dum sævientis flagrat in cursu
furor,
Exigere pœnas abstine.
3 O parce, parce: languor ægrum
conficit:
Manum salutarem admove.
Corpus, solutis ossium compagi-
bus,
Enerve vires deserunt;
4 Mememque graviter mœror an-
git turbidam,
Quo me usque miserum negli-
ges?
5 Quo me usque linques? jam re-
verte, ac libera
Ægrum inferum de faucibus.
6 Ubi sæva duram mors manum
injecit semel,
Quis amplius meminit tui?
Quis mortis alta subrutus caligine

- Nomen celebrabit tuum?
7 De nocte pectus anxium suspiriis
Pulsans, gemenque, lacrymis
Lavo cubile: strata fletuum madent
Rorata largis imbribus.
8 Caligat acies luminum, doloribus
Hebetata longis: hostium
Interque risus & dolos emarcuit
Color vigorque corporis.
9 At tu sceleribus turba gaudens
impiis,
Faceffe, spem pone irritam:
Lamenta Dominus & meorum
fletuum
Placatus audiit sonum.
10 Dominus benignus supplicem me
exaudiit,
Orationique annuit:
11 Subitus ut hostes obruat pudor
meos,
Vultusque confundat rubor;
Tristi repente ut palleant infamia,
Fugamque turpem mœreant,

PSAL. VII. *Domine Deus meus, in te, &c.*

- 2 **I**nte salutis spem posui meæ,
Servator orbis: faucibus
hostium
Melibera, qui mente sæva
Interitum mihi moliuntur.
3 Si nemo vindex afferat, ut leo
Imbelle crudus dilaniat pecus;
Sic me ferus discerpet hostis,
Innocui sitiens cruoris.
4 Si verus! index me merito ar-
guit,

- Nec falsa mendax crimina texuit,
5 Si damna ² tranquillo creavi,
Promerito male ni peperi:
6 Me persequatur dum capiat se-
quens,
Captumque sternat, stratum &
humi pede
Conculcet, & sceptri superbum
Proterat abjiciatque fastum.
7 Exsurge, justas te furor impius
Meorum in iras excitet hostium:
Ex-

1 Si verus index] Edit. Argent. secunda
And. Hart. Elzev. 1628. Janson. 1640.
Westen. 1687. Si verus judex. repugnante
metro.

2 Si damna tranquillo creavi] Steph.
Plant. Argent. &c.
Si damna pro damnis rependi,
Nec miseris facilis peperi.

- Exsurge, promissamque redde
Perfidiae Deus ultionem.
- 8 Exsurge, terris luceat omnibus
Augulla majestas tua; te suum
Accurrat agnoscatque Regem
Concilium populi, patremque.
- 9 O qui potenti sceptrum tenens
manu,
Gentes per omnes crimina vindic-
cas,
Me vindica, si rite poenas
Ore pio innocuoque posco.
- 10 O juste iudex, cordis in intimo
Quem nil recessu praeterit abdi-
tum,
Frangere impios ausus malorum;
Fulci animos refoveque
justos.
- 11 securus hostes nil metuo, Deo
Custode: quem simplex animi
juvat
- 12 Candor: pios servat, malisque
Exitium assidue minatur.
- 13 Si perstet¹ hostis, jam gladium
tenet,
- 14 Jam tendit arcum promptus, &
arripit
Ferale telum, & igne saevo
Lethiferas acuit sagittas.
- 15 En, qui nefandum parturit scelus,
Concepit ærumnam, pariet velut
Quæ vana per somnum inquit-
etas
Ludificant simulacra mentes.
- 16 Fodit dolosam, ut me caperet,
focum:
Incautus in fossam ipse suam ruit.
- 17 In verticem ipsius recurrit
Pernicies, recidentque frau-
des.
- 18 Ergo expeditus fraudibus &
metu,
Rerum parentis justitiam canam,
Nomenque sanctum: gratiasque
Lætus agam, repetamque
laudes.

PSAL. VIII. *Domine Dominus noster, &c.*

- 2 **G**entis humanæ pater atque
custos,
Quam sancta majestas tui
Nominis terras stupefecit omnes,
Sol quas recurrens adspicit!
Et super cœli radiantis orbes
Tua magnitudo se extulit.
- 3 Quam² pia mundum tuare cura,
Lactentis ævi infantia
Prodit: ut linguæ temere obstre-
pentum
Tibi refutes hostium:
- Hostium, quorum vomitos furo-
rem
In te, sititque sanguinem.
- 4 Luce cum cœlos vitrea serenos,
Pollentis opera dexteræ,
Cerno: cum lunam, nitidasque
stellas
Per te creatas conspicio;
- 5 Quantulus (mecum tacitus re-
volvo)
Homo est, ut ejus sis me-
mor!

Quan-

¹ Si perstet hostis] Steph. Plant. &c.
Nam ni redimus, jam-----

² Quam pia] Steph. Plant. &c.
In Dei laudes prefecit ora

Lactens puelli infantia:
Et tuas vires inimica castra
sensere, & ultrices manus.
Luce &c.

Quantula humanæ est sobolis
propago,
Dignere ut illam visere!
6 Hunc Deo æqualem prope reddidisti:
Ornasti honore & gloria:
7 Et tuæ dextræ super universa
Opera creasti principem:
Cuncta vitalis quibus haustus auræ est,
Illi dedisti sub pedes.
8 Huic boves parent & oves, pecusque

Quodcumque campis pa-
scitur:
9 Quique pennarum celeri volatu
Metitur ales aëra:
Quique pinnarum celeri nata-
tu
Piscis pererrat æquora.
10 Gentis humanæ pater atque
cuslos,
Quam sancta majestas tui
Nominis terras stupefecit omnes,
Sol quas recurrens adpicipit!

PSAL. IX. Confitebor tibi, Domine, &c.

2 **R**erum certa salus, te cano,
gratias
Exsolvo meritis ex animo
tibi:
Et miranda futuris
Pandam facta nepotibus.
3 Tutus præsidio nil metuum tuo:
Latus læta canam sed tibi car-
mina,
Te laudabo supremi:
Æternum ætheris arbi-
trum.
4 Spes hostis temere elatus in im-
probas,
Conversus¹ trepidâ terga dedit
fuga,

Et virtute potentis
Dextræ pectus abiit tuæ.
5 Tu vindex cupidos exitii mei
Perdis; tu trepido præsidium
es reo:
Tu litem mihi iudex
Ex alto dirimis throno:
6 Tu gentis valido robore barbaræ
Compescis furias: destruis impios,
Ut nec nomina seris
Narret fama nepotibus.
7 En,³ hostis tumidæ quo recidunt
minæ!
En, qui sternit humi funditus op-
pida,
Et prostrata perennis
Condit

1 [Clericus in Bilioth. veteri & re-
cent. T. XIX. Part. II. Pag. 142
melius potuisse Buchananum vertere

Angelis æqualem prope reddidisti
Censet. non curat, scilicet, ille an metri
ratio constet, dum sententias, quas fo-
vet, inculcet, & detorqueat divina
Oracula in suos sensus.]

2 *Conversus trepidâ terga dedit fuga*] Qui-
dam forte legendum malint *trepide fugæ*;
ita enim Ovid. Met. V. 322.

---Cunctosque dedisse Terga fugæ---

Et Met. XIII. 879.

Terga fugæ dederat conversa Symæthius heros.
A Buchananano tamen stat Virgilius Geor.

IV. 85.

Aut hos versa fuga victor dare terga subegit
Et Æneid. XII. 462.

---Versique vicissim

Pulverulentæ fugæ Rutuli dant terga per agros.

3 *En hostis*] Steph. Plant. &c.

Tu ferrum e manibus detrahis hostium:
Prosterneque solo funditus oppida,

Et prostrata perennis

Condis nube silentii.

Tu rerum sine fine imperium tenes,

Fixisti solum iustitiæ tibi,

Orbem ut legibus æquis,

Ut iuste populos regas.

- Condit nube silentii!
 8 At rerum Dominus perpetuus
 thronum
 Fixin perpetuum justitiæ sibi,
 9 Orbem ut legibus æquis,
 Ut juste populos regat.
 10 Cum vis incubuit foeta superbia
 Infreni, miseris præsidium pates,
 Tuti pandis asyli
 Arcem rebus in asperis.
 11 In te uno merito spem solidam
 locant,
 Quinoveretuum nomen, & ultimo
 Ut discrimine amicos
 Numquam destituas tuos.
 12 Ergo arcis merita laude Sioniae
 Custodem Dominum pangite:
 consili
 Decreta ardua gentes
 Late ferte per exteras.
 13 Vindex innocui sanguinis expetit
 Pœnas: vi tenues nec finit opprimi
 Impune: applicat aurem
 Clamantum querimoniis.
 14 Afflictas bonus o res propius meas
 Contemplare, odiis quem petit
 improbis
 Vis hostilis: & atræ
 Mortis faucibus cripe.
 15 Ut, qua mole Sion crescit in
 æthera
 Late conspicua, laudibus efferam
- Te, lætusque salutem
 Acceptam referam tibi.
 16 Demersit merito fraus sua perfidas
 Gentes exitio: queis alios plagis
 Irretire parabant,
 Hæfere impliciti pedes.
 17 O miranda Dei judicis æquitas!
 Fraudis fraude sua prenditur arti-
 fex.
 Ores pectoris altis
 Condenda in penetralibus!
 Sic est: interitu devorat impios
 18 Improvisa dies: immemores Dei
 Gentes mors inopina
 Æternis tenebris premit.
 19 At confisa Deo nuda modestia
 Æternum Domini non animo
 excidet,
 Nec læto miserorum
 Spes frustrabitur exitu.
 20 Rerum surge parens, neu sine,
 ut impotens
 Adversus tenues crescat homun-
 culus:
 Et juris preme frenis
 Gentes arbiter impias.
 21 Circumsiste tuæ mole potentiæ,
 Terroremque feris mentibus in-
 gere:
 Agnoscat male firmam
 Sortem gens hominum su-
 am.

PSAL. X. *Ut quid Domine recessisti? &c.*

- 1 **Q**uonam usque custos gentis
 humanæ tuos
 In rebus arctis negliges?
 2 Quonam aberis usque, dum pios
 tyrannide
 Premit arroganter impius?
 O si scelestum vergat in caput
 scelus,
 Suisque pereat artibus.
- 3 Dum mentis explet per nefas li-
 bidinem,
 Sic gloriatur impius,
 Sic gaudet in se, sempiternum
 ceu decus
 Rectis pararit artibus.
 4 Æqui ' atque iniqui negligit dis-
 crimina.
 Infrenis arrogantia,
 Suarque
 Nec

PSALMUS X.

Suxque plaudit suaviter prudentia,
Nullum esse quod putet Deum.
5 Felicitatis somnio indulget suæ,
Quod cuncta cedant prospere:
Nec te futurum cogitat vel iudicem,
Vel perpetrati vindicem.
Hostes minoris æstimat nihilo suos,
6 Sic ipse secum computans,
Incommodi expers ad senectam usque ultimam
Securus ævum transigam:
Non cura lætis ulla sese gaudiis,
Non ægritudo interferet.
7 Os execranda despuat convicia,
Spumatque probris & dolis:
Bonis labores continenter pestilens
Lingua & dolores parturit.
8 Circa viarum compita insidias
locat,
Ut innocentem clam involet:
Intentus oculis intuetur acribus
In transeuntes pauperes.
9 Qualis cruentus subter alta delitet
Spelæa conditus leo:

Sic e latebris corde trepido palpitans,
Infirmioribus iraminet:
10 Et occupatos multinodis nexibus,
Nassæ involutos attrahit,
Malisque subigit: & tenebris occulit
Crudelitatem callidus.
Ah, strage quanta transeuntes perculit,
Grassatus istis artibus!
11 Sic deinde secum colligit male credulus,
Hæc prorsus ignorat Deus:
Avertit ora rebus humanis sua,
Fandi & nefandi negligens.
12 Exsurge, Domine, tolle in altum dexteram,
Librata fige vulnera.
Ope destitutos ne pios silentio
Oblivioso deferere.
13 Tene impiorum pervicax vesania
Sic audeat contemnere?
Secreta secum corde tacito ut murmuret,
Humana non curat Deus.
14 Cernis profecto cuncta, cernis;
& tuam

Scelestus

Nec deest nefandam scurra mentem percitus

*Turpis lucris cupidine,
Linguam procacem probra cælo dicere
Qui prosequatur laudibus.
At ille cæca turgidus vesania,
Et in futurum improvidus,
Dum machinatur seava; securus Dei,
Precipitatum urget nefas.
Seu se tenebris induit nox, seu dies
Lucem refudit auream,
Animum nefandis ille curis carpitur.*

Termin. II.

Scelusque comminiscitur.

Nec te &c.

1 Et occupatos multinodis nexibus, Nassæ involutos attrahit.] Ita omnibus libris dispungitur hoc distichon: mihi vero sententiæ hic ordo videtur, Attrahit occupatos involutos multinodis nexibus nassæ: quo pacto cum nassæ hic non dandi sed gignendi casus sit positum, incisum post nexibus delendum arbitror. Vide Julii Ecphrasin.

B

- Scelestus in manum cader,
 Ut te labores & dolores pauperum
 Non præterire intelligat.
 Tibi relictus est inops atque innocens:
 Tu tutor orbos protegis.
 15 Tu frange vires impii, violentiam
 Tu mentis impræ domas:
 A stirpe cæsa donec impietas simul
 Eliminetur & impius.
 16 Tum firma Dominus seculorum
 in secula
 Sceptra obtinebis imperi,
- Gentesque terræ finibus procui
 tuæ
 Exterminabis impias.
 17 Hæc vota duris obruti laboribus,
 Has supplices fundunt preces:
 Animosque stimulis incitati talibus,
 Te lacrymantes postulant;
 18 Pupillum & inopem ut vindices
 potentium
 Ab impotenti audacia:
 Homo ut feroces spiritus ponat,
 suæ
 Infirmitatis conscius.

PSAL. XI. *In Domino confido, &c.*

- 1 **Q**uum spe salutis non dubia
 fruar,
 Deoque fidam, vos mihi
 dicitis,
 Faceſſe rupes in remotas,
 Antevolans pavidas volucres.
 2 Intendit arcum (en aspicias) impius,
 Nervo sagittas admovet, ut petat
 Incogitantes e latebris
 Innocuos, animique rectos.
 3 At tu potenti, Rex bone, dextera
 Domas rebelles, & facis irrita
 Decreta vefani furoris
 Contra humiles male nil
 merentes.
 4 Æterna cœli templa colens Deus,
 Et lucido astrorum in folio sedens,
- Humana per terras acutis
 Facta oculis speculator omnes.
 5 Non justus illum, non latet impius
 Cuncta intuentem, sed studio ad nefas
 Pronos maligno justus orbis
 Ex animo moderator odit.
 6 Super scelestos retia depluet:
 Ignes remisto sulphure flammeos
 Ad impios eliminandos
 Fulminæ rapient procel-
 læ.
 7 Justosque justus justitiæ parens
 Amore sancto amplectitur unice,
 Et fraudis ignaram ante vultus
 Affidue videt æquitatem.

PSAL. XII. *Salvum me fac Domine, &c.*

- 2 **A**ffer opem, servator opem fer: pulsa recessit
 Intemerata fides:

- 3 Nuda fides¹ hominum fugit commercia: vana
Cum socio loquitur
Quisque suo, blanda exercens mendacia lingua,
Corde scelus meditans.
- 4 Ora Deus fraudum dulci medicata veneno
Conterat, & penitus
Grandiloquam ex ima linguam radice revellat,
Quique pudore carent,
- 5 Dicere nec metuunt; Falsa ad perjuriam linguas
Fortiter intrepidi
Assuescamus, & os, age, confirmemus ad omne
Flagitium: neque enim
Oris frena mei, linguæve repagula quenquam
Me nisi habere puto.
- 6 At Dominus planctus miserorum, & dura ferentum
Aure trahens gemitus,
Surgam, ait, atque inopem, tuta ut respiret in arce,
Insidiisque procul,
- 7 Securum statuam. Hæc Dominus: quod ab ore fideli
Cumque fluit Domini
Auro purius est, auro quod fusile fecit
Septima flamma coquens:
Dum fax in fumos exploratore camino
Crassa abit & cineres.
- 8 Polliciti memor ergo malæ mala toxica linguæ,
Sancte parens, inhibe:
Pestifera de gente hominum nos, optime custos,
Assere perpetuo.
- 9 Nam late impietas grassatur libera, passim
Omnia plena malis,
Quum penes injustos jus est, & jussa malorum
Sunt metuenda bonis.

PSAL. XIII. *Usque quo Domine oblivisceris, &c.*

- | | |
|--------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------|
| <p>2 Quousque, rector unice,
Me destitutum negliges?
An sempiterna me obrutum
Oblivione deferes?
Quousque vultum amabilem
Iratus abscondes mihi?</p> | <p>3 Quousque curæ turbidæ
Mentis quietem distrahent?
Quousque cor cruciabitur
Mœroris æstu fluctuans?
Quousque me prostrato aget
Hostis triumphos insolens?</p> |
|--------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------|
- 4 Regnator

¹ Nuda fides hominum fugit commercia.] jicitur: male mea sententia. Vide
Omnibus libris virgula post [fides] inter. Julii Ecph.
B 2

- 4 Regnator orbis adspice;
Opem fer, & lucem tuam
Infunde, ne mors lumina
Somno perenni sopiat:
5 Ne jactet hostis arrogans
Me viribus fractum suis,

- Ne me perosi perfidi
Meo dolore gaudeant.
6 Tu me salutis recreas
Spe, largus auxili: tuum,
Salute parta, laudibus,
Rex magne, nomen efferam.

PSAL. XIV. *Dixit insipiens in corde, &c.*

- 1 **S**ecum infania callide
Indulgens vitiis sic loquitur,
Deum
Formido sibi credula
Commenta est hominum, cum
temerario
Casu fors ferat omnia.
Ergo flagitiis se penitus dedit
Secura impietas Dei:
2 Nec quisquam ex animo recta se-
qui studet.
De templo atherio Deus
Ad curas hominum lumina ver-
terat,
Si quis non stolide improbus
Ad cultum revocet pectora nu-
minis:
3 Omnes in scelera omnia
Conjurasse putes: fœda, nefaria,
Detestandaque perpetrant:
Nec cuiquam est studium recta
capeffere.
4 Nam qui recta capefferent?
Quem sanis aditum consiliis da-
rent,
Quorum nequitia & scelus

- Infecere animos? qui populum
meum;
Ceum prædam fera, devorant:
Nec rerum Dominum mente co-
lunt Deum.
5 Ast illos gelido metu
Horror concutiet, justitiæ Deus
Cum patronus opem feret
6 Infonti: increpitans talibus impi-
os,
Vobis ludibrio fuit
Infantum pietas: vos inopum pi-
um
Risistis studium, preces,
Spes lentas, trepidas sollicitu-
dines:
At, cui fidit inops, Deus
Spes & vota bonos ducet ad exi-
tus.
7 O si mittat opem suis
Speratam Deus e rupe Sionia.
Nam cum vincula ruperit,
Exsolvetque suos, pectore libero
Gaudebunt Abrahamidæ,
Et justa Isacidæ lætitia frement.

PSAL. XV. *Domine, quis habitabit in tabernaculo, &c.*

- 1 **S**anctæ Sionis templa quis
incolet,
Rex magne, tecum? quem
statues tuum

- Sanctum super montem, ut ma-
lorum
Liber agat placidam quie-
tem?

2 Quem

1 Sanctæ Sionis.] Steph. Plant. &c. Stellata cæli templa-----

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>2 Quem fraudis expers simplicitas juvat,
Urgetque rectum propositi tenax:
Nec mente sævus grata blandam
Edocuit simulare linguam.</p> <p>3 Nec ore mendax exitiabilis
Concinnat artes: nec mala proximis
Excogitat: nec dulcem amicum</p> | <p>Opprobriis maculat pudendis.</p> <p>4 Qui fastuosum despicit impium,
Dei timentem suspicit & pium:
Tenaxque promissi, fidemque
Indocilis temerare patram.</p> <p>5 Qui non egenos scœnore perdidit,
Non innocentes munere prodidit.
In monte sancto, hæc qui peregit,
Perpetua requie fruetur.</p> |
|------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. XVI. *Conserua me Domine, &c.*

- 1 **O** Rerum fator, & salus
Humani generis certa, periculis,
Qui te respicit unum, famulum instantibus eripe.
- 2 Te servus Dominum libens
Agnosco, & populis prædico: sed tibi
Omni ex parte beato officiis nil opus est meis.
- 3 Ergo illuc animum appuli,
Ut gentem studio prosequerer pio,
Quam tu ex omnibus unam populis forte receperas.
- 4 Ast illi immemores tui
Defecere: novos quisque sibi deos
Effinxere, colentes animi ludicra somnia.
Horum sanguineas dapes
Non libabo, epulas respuo, nomina
Testis numquam adhibebo, aut fidei fœdera fanciens.
- 5 At fortis populum meæ
Defendet Domini perpetuus favor,
Mercedemque laborum cumulatam dabit affatim.
- 6 O pulcra agricolatio!
O præclara mei fors patrimonii!
Ut florum undique ridens animum pascit amœnitas!
- 7 Immortalis honor Deo
Æterno, monitu cujus ago dies,
Arcanisque per umbram stimulor pectora motibus.
- 8 Quicquid molior, aut gero,
Præsentem Dominum conspicio: is mihi
Semper dexter adhæret, stabili ne movear gradu.
- 9 Pulsat pectora gaudio

- Cor læto trepidum: lingua tuas avet
 Laudes promere: corpus tacite spes bona recreat.
 10 Nam nec degere tartari
 Permittes animam sub tenebris meam,
 Aut ut putre cadaver resolutum in cineres fluat.
 11 Tu vitæ referas viam:
 De vultu fluvii lætitiæ tuo
 Manant: tu tribuis munifica gaudia dextera.

PSAL. XVII. *Exaudi, Domine, justitiam, &c.*

- | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Æquus exaudi, bone rector
 orbis,
 Æqua poscentem: tibi quas
 profundit
 Lingua non mendax, cape
 non iniqua
 Aure querelas.
 2 Ad tuum læsus fugio tribunal,
 Et fidem appello: mihi cogni-
 torem
 Te peto: oppressos oculis beni-
 gnis
 Adspice justos.
 3 Sæpe, per solas tacitæ tenebras
 Noctis arcanos mihi cogitatus
 Cautus inspexti, trepidoque corda
 Turbida motu.
 Sæpe ceu flammis, animum pro-
 basti
 Casibus duris, neque comperisti
 Conscium fraudis sceleryumque,
 fonti
 Sæva minantem.
 Os fuit concors animo, sonusque
 4 Sensui: legum monitis tuarum
 Pectus innixum scelera impioſque
 Horruit ausus.
 5 Hac via gressus rege per tuarum
 Orbitam legum, dubio vacillent</p> | <p>Ne pedes lapsu, instabilesque tur-
 bent
 Lubrica plantas.
 6 Te voco, duris ad opem periclis
 Sæpe tentatam fugio, precantis
 Admove attentam miseris be-
 nignus
 Questibus autem.
 7 Tu bonus fulci tibi qui salutem
 Spemque committunt: tibi con-
 tumacis
 Spiritus cordis tetricus refrena
 Vindice dextra.
 8 Me velut pupillam oculi tenel-
 lam
 Providus muni: procul impiorum
 Impetu, alarum trepidum tua-
 rum
 Conde sub umbra.
 9 Nam meæ vitæ manus impiorum
 10 Imminet: vallant opibus, superbis
 Intonant linguīs, mala dira sævâ
 Voce minantur.
 11 Obsident cunctos aditus viarum:
 Commoda observant loca, desti-
 nantque
 Ad meam cædem, facinusque
 patrant
 Mentibus absens.</p> |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

21 Qualis

1 Facinusque patrant Mentibus absens.] i. e. ut recte Julius interpretatur, facinus fu-
 surum animo admittunt, quod mihi absenti
 parant: sive, ut aliis verbis idem efferam,

Tot insidias capiti meo struunt, tam fixum im-
 mouuntque eorum animo sedes mei perdendi con-
 silium, ut quam mihi cadem moliantur, non-
 dum licet re vera peractam, mente tamen &

12 Qualis in prædam leo fertur ira
Fervidus, qualis catulus leonis
Lacte depulſus ſpeculatur alto
Abditus antro.

13 Surge, conatus pater anteverte
Impios, ſtratoque in humum tyranno,
Metuo, quo nunc furit ille sævus,
Eripe ferro.

14 Neu ſine, ut me vi premat impotentum
Divitum faſtus; quibus una cura
eſt,
Dum licet, blandæ illecebras
caducas

Carpere vitæ.

His opes terris penitus reſoſſis
De penu fundis locuplete, ventri
Sufficis fruges, hilaraſque multa
Prole penates.

15 Puritas vitæ mihi te tueri
Corporis vinclis tribuet ſoluto.
Illa lux vere faciet me ab omni
Parte beatum:

Lux voluptatum cumulata
cunctis

Gaudiis, quum ſe ſine nube
menti

Pura majeſtas dabit intuendam
Lumine puro.

PSAL. XVIII. *Diligam te, Domine, &c.*

2 Te, Deus alme, colam, te toto pectore amabo,
3 Sancte parens: mea vis, mea ſola potentia, turris,

Præ-

cogitatione precipiant, eamque quaſi jam perpeſſare ſibi videantur. Simili figura utitur Sratius, de equis e carceribus ad curſum emitti ardentibus, lib. VI. 396.

-----*Face lumina ſurgunt,*

Ora ſonant morſu, ſpumæque & ſanguine ferrum

*Uritur, impulſi nequeunt obſiſtere poſſes,
Clauftraque, compreſſæ tranſſumat anhelitus ira:*

Siare adeo miſerum eſt, pereunt veſtigia mille

Ante fugam, abſentemque ferit gravis ungula campum.

i. e. jam videbantur currere in ſtadio, in quo nondum erant. Sic Val. Flaccus lib. III. 587.

Ille velut reſugi quem contigit improba Mauri.

*Lancea, ſanguineus vaſto leo murmure feritur,
Frangit & abſentem vacuis ſub dentibus hoſtem.*

Nec multum abludit illud Virg. Æneid. IV. 85.

Illum abſens abſentem audique viderque.

Et noſter Miſcel. III. 22.

Unam inquieta ſollicitudine

Te ſpectat abſentem-----

Ex hiſce exemplis abunde liquere arbitror ſatis veniſſe ac Poëtica dici *patrare facinus abſens*, atque adeo præter rationem eos facere, qui, ſincerum (quod dicitur) vas in cruſtare cupientes, aliam adjectivo *abſens*, præter vocem *facinus*, ſociam quaerunt: dum alii ſcilicet e ſuperiore ſtrophe *manus impiorum* huc revocant, alii vero vocem *abſens* e ſua quaſi ſede revulſam cum ſequenti proximo verſu voce [*leo*] copulandam volunt: utrique, me iudice, interpretationem, & in ſe ineptam, atque ab optimorum auſtorum uſu & Buchanani mente juxta alienam ſibi comminiſcetes.

[Quidquid dicat vir Cl. non facile, puto perſuadebit, recte dici *mentibus patrare facinus abſens*. Cum certe facinus ſit præſens, ſed in abſentem mentibus parretur, & hoc loca Poëtarum, quæ jam alii adduxerunt, probant, quorum nulla ſimili locutioni patrocinantur. vid. ad Valer. Fl. d. I. ac Petror. cap. CXXIII. recte ergo Julii paraphraſis, facinus quod mihi abſenti parant.]

- Præsidium, spes & rebus solamen in arctis.
 Tu clypeus, ¹ tu tela mihi, tu certa salutis
 Anchora, tu statio tuti placidissima portus.
- 4 Nam simulatque tuas in laudes ora resolvo,
 Te venerans, pacemque petens, inimica faceffunt
 Arma: salus, placidisque comes pax advolat alis.
- 5 Jam me lethiferis mors circumvolverat atra
 Cassibus, obsessum jam me torrentibus orcus
- 6 Impediebat aquis, stygia jam compede victus
 Hærebam, laqueoque pedem retinente trahebar:
- 7 Hic ego deprensus, supplexque humilisque vocavi
 Voce Deum, & dubiis clamavi ad sidera rebus.
- Ille super folio residens flammantis olympi
 Audiit orantem: postquam pervenit in altum
 Clamor, & attentas advertit questibus aures;
- 8 Protinus evultu Domini conterrita tellus
 Intremuit, montesque cava compage soluta
 Nutarunt, penitusque imis fremuere cavernis.
- 9 Fumeus afflatu de naribus æstus anhelò
 Undabat: rapidæ contorto vertice flammæ
 Ore fluunt, vivaque animant attacta favilla.
- 10 Utque suum Dominum terræ demittat in orbem,
 Leniter inclinat jussum fastigia cælum:
 Succedunt pedibus fuscæ caliginis umbræ.
- 11 Ille vehens curru volucris, cui flammeus ales
 Lora tenens levibus ventorum adremigat alis.
- 12 Se circum ² furvo nebularum involvit amictu,
 Prætenditque cavis piceas in nubibus undas.
- 13 Acribus ex oculis vibratæ spicula flammæ
 Discutiunt tristes claro fulgore tenebras.
 Inde ruit crepitans lapidosæ grandinis imber,
 Discursantque vagæ sinuosa volumina flammæ.
- 14 At vero ut sancto sermone silentia rupit,
 Protinus horrifico tonitru cælum omne remugit,
 Grandinis & crebra tellus crepitante procella
- 15 Pulsa sonat, ruptisque micant e nubibus ignes:
 Flammi feræque volant magnum per inane sagittæ,
- 16 Fulguraque ingeminant: laticum concussa lacunas
 Pandit hians tellus, & fontibus ora relaxat:

Suc-

¹ Tu tela.] Ita Steph. edit. anno 1565. alii codices fere omnes *tela*.
 Plant. Argent. And. Hart. 1615. Lond. ² Se circum furvo.] And. Hart. anno
 1620, cui lectioni favet Julii Ecphrasis. 1615. Se circum fulvo, male.

- Succutiturque pavens, & fundamenta revelat,
Et referat chaos. Æterni sic vox tonat oris,
Sic formidandæ grave spiritus infremit iræ.
- 17 Ille salutiferam porrexit ab æthere dextram,
Et me de rapidis pereuntem sustulit undis:
- 18 Hostibus eripuit validis, & acerba potentum
- 19 In me odia elusit: quum me studiosa nocendi
Temporibus duris cæca fraus arte petebat,
- 20 Auxilium tulit, & rebus patefecit in arctis
Latum iter, electumque a morte reduxit amicum.
- 21 Scilicet immunem sceleris mentemque manumque
Adspexit Deus, & merito dignatus honore est.
- 22 Quippe nec impietas, nec pravi credulus error
Avertere meos recto de tramite gressus.
- 23 Ante oculos mihi lex Domini, mihi iussa verenda
- 24 Semper erant animo præsentia: simplice vero
Gaudebam, fraudisque illo sub teste voluntas
Libera, flagitium, & scelerum vitaverat artes.
- 25 Ergo mihi integræ fructum hunc decerpere vitæ
Munificus dedit, & quî conspicit omnia justus
Arbiter innocuam cumulavit munere vitam.
- 26 Quisque suis sibi te conformat moribus: erga
Innocuum innocuus: te sentit amicus amicum:
- 27 Inque bonos bonus es: male cautas ¹cautior artes
- 28 Artibus eludis: duro in discrimine servas
Res humilis populi afflictas, oculique superbos
- 29 Dejecis elati fastus. Tu plebis ab imæ
Coetibus ereptum celebri me in luce reponis;
Illustrasque meas claro splendore tenebras.
- 30 Te duce perrumpo florentes ære phalanges,
Altaque turrigeri supero fastigia muri.
- 31 Scilicet, ut sanctus Deus est, sua signa secutis
Sancta salutiferæ pandit compendia vitæ.
Illius æterno quicumque effluxit ab ore
Sermo repurgato flammis sincerior auro est.
Ille suo clypeo fida spe pectora fulta
Protegit, adversisque vetat succumbere rebus.
- 32 Dicite, qui colitis picti ludibria trunci,
Aut ebur in varias aut saxa excisa figuras:
Ecquis in ætherio rerum moderatur olympo
Frena alius Dominus? quis terræ temperat orbem

Alter,

¹ Male cautas cautior artes.] Steph. Plant. &c. Male cautas callidus artes Artibus illudis.
Tom. II.

- Alter, & invicta quæ vult facit omnia dextra?
 33 Ille Deus viva mihi vi corroborat artus
 Ostenditque viam maculosa labe carentem.
 34 Me pedibus fecit celeri contendere cervo,
 Et procul a sævis subduxit in alta periculis:
 35 Et tractare manu duro in discrimine belli
 Arma dedit facili: solidoque ex ære rigentem
 Flectere, & inflexum confringere viribus arcum.
 36 Ille salutiferi totum munimine scuti
 Me tegit, & dextra nutantem fulcit & auget
 37 Largus opis: perque insidiis obseffa viarum
 Pandit iter tutum, prohibetque per invia plantas
 38 Offenso titubare gradu. Te persequor hostes
 Auspice, disiectos comprehendo: nec ante revertor;
 Quam ¹ cecidere animi fracta virtute minaces,
 39 Affusique cadant pedibus, ne surgere possint
 Rursus, & antiquas armis reparare ruinas.
 40 Tu mihi diffundis vivum per membra vigorem,
 Et validos crudo distendis robore nervos;
 41 Tu bellare doces: tu me quicumque laceffit
 Sternis humi, trepidosque fuga mihi ² disjicis hostes:
 42 Clamantes nemo exaudit. Domini ³ prece poscunt
 Auxilium: averfam negat implorantibus aurem.
 43 Hos ego, ceu versat boreæ violentia nubem
 Pulveream, impello, & turbatis fervidus insto:
 Et pedibus premo, ceu cœnum deforme lutosis
 44 Conteritur triviis Tu me sine nomine plebis
 Contemptu ereptum populos frenare superbos
 45 Imperio facis, & famulas mihi tendere dextras
 Per longinqua jubes ignotas oppida gentes,
 Attonitas famæ novitate, & nomine tantum
 46 Audito: & blandis verba assentantia linguis
 Fingunt, nec tutis satis audent credere muris.
 47 Laus, honor, imperium Domino, qui robore cinctum
 Me tegit, incolumemque rapit de morte propinqua:
 48 Qui mihi perfidiam sceleratam ultricibus armis
 Frangere dat, populosque facit parere volentes:
 49 Securumque vetat belli trepidare tumultus.
 Qui mihi præsidio est, populi quum sæva rebellis
 Ira furit, mentisque malæ scelerata retundit

50 Con.

¹ Quam cecidere.] Idem recidere.² Mihi disjicis hostes.] Steph. Argent. deprecis.³ Domini prece.] Steph. Argent. Dominum. [Quod ego præferrem Sic Psalm. xxx, Te lacrymis madens epem poposci]

- 50 Confilia. Ergo feram late tuâ facta per urbes
Finitimas: semperque meo celebrabere cantu,
51 Sancte parens, Regem qui dura per omnia tutum
Esse jubes, cumulasque opibus: plenoque favore
Ipsum, & perpetuum sobolem amplecteris in ævum.

PSAL. XIX. *Cæli enarrant gloriam Dei. &c.*

- 2 **I**nsanientis ¹ gens sapientiæ,
Addicta mentem erroribus im-
piis,
Tot luce flammarum coru-
scum
Cerne oculis animoque cœ-
lum.
Hinc discæ, prudens quam fuit
artifex
Qui templa olympi fornice flam-
meo
Suspendit, & terræ capacem
Et pelagi sinuavit arcum.
3 Dies tenebras, & tenebræ diem
Semper prementes perpetua vi-
ce,
Non fortuito res caducas
Ire monent per inane lapsu:
4 Sed tota concors fabrica perso-
nat
Dei tuentis cuncta potentiam,
Non voce quæ paucorum ad
aures
Perveniat strepitu maligno.
5 Nam nec remotis barbara finibus
Gens ulla terras incolit ultimas,
Quæ nesciat certa meantis
- Lege poli stabilem tenorem.
Quis nocte clara lumine flam-
meo
Semper micantes non stupeat
² globos?
Aut mane castris prodeuntena
Quum rutilo videt axe So-
lem?
6 Sive ille Eois fluctibus exserit.
Vultus decoros, sponsus uti no-
vus
Auro refulgens, gemmeaque
Tempora conspicuus corona:
Seu quum fugacem præcipitans
diem
Curru citato tempora dividit,
Artusque, viresque, impetum-
que
Centimano similis giganti.
7 Abusque Eoo cardine ad ultimam
Metam occidentis sidera per-
means
Obliqua, vitali calore
Cuncta creatque fovetque
alitque.
8 Sed ordo rerum & conspicuus de-
cor

Non

¹ *Insanientis gens sapientiæ, Addicta men-tem*] Ita libris omnibus (præter unum Nath. Chytræi distinguuntur post sapientiæ: male, me iudice; ordo enim est, Gens addicta mentem erroribus impiis insanientis sapientiæ, i. e. interpretante Julio, homines dedit falsis præceptis philosophiæ a præceptis alienis, qualia scilicet Epicuri sectam securi postea profitebantur, qui, ut Clau-

diani verbis utar, mundum fortuna non arte regi affirmabant. Buchananus oculis obversabatur illud Horatii lib. I. Od. 34.

Parcus Deorum cultor & infrequens, Insanientis dum sapientiæ

Consultus erro-----

² *Non stupeat globos.*] Steph. Plant. Argent. stupuit.

- Non sic tuentum lumina detinent,
Divina ut arcanis habenis
Lex animos ad honesta flectit.
- 9 Promissa fraudis nescia lubricæ
Splendore veri pectora roborant.
Hac plectitur culpa æquitate,
ut
Pœna juvet recreetque damnum.
- 10 Puro recludunt lumine lumina
Præcepta: puro religio nitet
Verenda cultu, quam nec annis
Cuncta domans minuit vetustas.
- Decreta fas & conscia veritas
Astans tabellis servat aheneis,
- 11 Jucundiora melle, & auro
Et nitidis potiora gemmis.
- 12 Signata claustris pectoris intimi
Servus tuetur jugiter hæc tuus:
- Non inscius custodientem
Quam maneat numerosa merces.
- 13 Errata mentis quis meminit vagæ?
Quæ deprehendet vis sapientiæ?
Ergo repurga quas refudit
Clam maculas sinuosus error:
- 14 Fac regna cordis ne sibi vindicet
Vis impotentis dira superbiæ:
Sic me malorum e maximorum
Compedibus facile explicabis.
- 15 Quæ lingua fundit verba, quod in sinu
Secum volutat mens tacito, accipe
Placatus, o nostræ salutis
Arx, Dominus, Deus & Redemptor.

PSAL. XX. *Exaudiat te Dominus in die tribulationis, &c.*

- 2 Cuncta licet ferro late populetur & igni
Infana gentis barbaræ crudelitas,
Tu ne cede malis, sed contra audentior ito:
Moderator orbis audiet preces tuas:
Utque bonus dubiis Jacobum ad sidera rebus
Cum voce palmas proferentem exaudiit;
- 3 Annuet oranti, & te majestatem verendi
Nominis ab hoste sospitem tuebitur.
Ex adyto sacro arcanis tibi viribus artus
Firmabit, animum de Sione fulciet:
- 4 Vota secundabit, memori tua munera mente
Servabit: omnis perlitabit victima.
Protinus in cineres depasta holocausta resolvit
In astra volvens flamma lucem splendidam.
- 5 Ille aderit cœptis, casusque in prospera vertet,
Eventa finget omnia ex sententia.
- 6 Jam tibi plaudemus reduci, auctoremque salutis
Patrium canemus patrio ritu Deum.

Cuncta

Cuncta Deo grates fora, compita, templa sonabunt.

Nomenque sanctum prosequuntur laudibus.

Annuet ille pio quæcunque rogabitur ore,

Lætumque precibus exitum iustis dabit.

7 Quin (scio, nec fallax animum mihi decipit omen,)

Regem reducet hospitem Dominus suum.

Mittet opem, sancti referans sacraria cœli,

Et præpotenti proteget te dextera.

8 Gloria sit Syriæ, turmas numerare curules,

Axæque curvis asperare falcibus:

Fidar equis, lateque vagis discursset habenis,

Sonante Perses arva findens ungula:

Hi currus & equos jactent: nos rebus in arctis

Dei potentis nomen invocabimus.

9 Illis nec currus, nec vis præstabit equorum,

Ne scindat uncis vultur artus unguibus:

Nos humiles favor ætherius penitusque jacentes

Tollet, suoque sustinebit numine.

10 Tu servator opem fer: tu si respicis, arma

Nec socia cupimus, nec timemus hostica.

Respiciet, populique sui Rex optimus omni

Vocatus hora facilis audiet preces.

PSAL. XXI. *Domine, in virtute tua lætabitur Rex, &c.*

2 **Q**uod hoste victo Rex triumphat gaudio,

Curis solutus anxiiis;

Tibi id fatetur, Rex beate cœlitum,

Debere: tu laboribus

Vires ferendis, tu dedisti e prælio

Redire duro hospitem.

3 Nullam repulsam, voce quum te supplice

Rogaret, unquam adhuc tulit.

Nil in latebris pectoris reconditis

Spe concupivit irrita.

4 Et vota supra, & ante vota, hunc omnibus

Vitæ beasti commodis.

Gemmis coronam ferre & auro splendidam

Sacro dedisti vertici.

5 Vitam poposcit: mortis illi est addita

Immunis immortalitas.

6 Tu claritatis auctor illies, inclyta

Per te refulget gloria.

7 Felicitatis ei favor dedit tuus

Exemplar ut sit posteris:

Mensura voti ut matribus sit, quam bene

Blandis precantur liberis.

8 Tu nemp: spes & anchora es fiducia;

Tu portus in rebus malis.

Te fretus uno firmus omnem perferet

Sortis procellam turbidæ.

9 Tu perduelles comprehendes, tu manu

Pœnas reposces vindice.

C 3

10 Cœli

10 Ceu flamma clausis æstuans fornacibus

Antiqua silvæ brachia

Vorat: furoris sic tui nefarios

Afflatus hostes hauriet.

11 A stirpe totam demetes propaginem

Semenque gentis impiæ.

12 Te namque contra moliantur abditam

Fraudem scelusque perfidi:

Et mente prava vota versant irrita,

Et spes inanes concoquunt.

13 Te persequente, pallidi in fugam ruent,

Inhonesto tergo vulnera

Ferent: in ora, fata dum vitant fuga,

Rursus sagittas diriges.

14 O qui potenti frena rerum dextera

Versas perennis arbiter,

Exsurge, vires fac tuas ut hostium

Agnoscat insolentia:

Tum te piorum turba festis cantibus

Orbis parentem concinet,

Votis tuorum supplicum placabilem,

Malisque formidabilem.

PSAL. XXII. *Deus, Deus meus, respice in me, &c.*

2 **C**Ur me relinquis, o Deus? Deus meus,

Cur me relinquis? irrita

3 Heu verba fundo: luce seu terras dies

Retegit, vocantem me dies

Frustra intuetur; sive nox silentibus

Terram tenebris obruit,

Nox me vocantem nulla non audit, meo

Nox nulla questu non sonat.

4 Tu sanctus ille civitatis incola es Sanctæ: Isaci nepotibus

5 Tu carmen es: tu fida spes majoribus

Nostri: salutem qui suam

Tibi credidere, a te salutis compotes

6 Abiere: salvi gratias

Egere, duris qui tuam in malis opem

Petiere: qui tuam in fidem

Se dedidere, non tulere dedecus,

Non hostium ludibria,

7 At vermis ego sum, non homo: sum fabula.

Vulgi, infimorum opprobrium.

8 Nam turba nostris obvia illudit malis:

Nutatque, niçtatque, & caput

9 Motat; labella exporrigit: ludibria

Verbis acerbatur asperis,

En ille Domino carus; en fiducia

Securus ille numinis:

Nunc servet illum, nunc periculis eruat,

Quem tanto amore amplectitur.

10 O Domine, tu me protinus susceperas

Alvo parentis editum.

De te pependi spe, parentis pendulus

Infans adhuc ad ubera.

11 Abusque partu tu Deus meus: tuus
Ex

Ex matris alvo me favor
 12 Est persecutus: ultimo in discrimine
 Jam ne recede longius.
 Discrimen instat ultimum: mortis metu
 Cessere amici territi.
 13 Tauri efferati, tauri obesi me undique
 14 Circumdedere: faucibus
 Hiant, leonum more rugientium,
 Quos incitat spes & fames.
 15 Rivi cruoris corpus omne perluunt
 Exsanguē: laxat artuum
 Compago nexus: pectus intra liquitur,
 Ut sole cera, cor metu.
 16 Exaruerē testæ¹ ad instar costilis
 Defecta membra viribus:
 Rigens adhæsit lingua siccis faucibus:
 Jam sto sepulchri ad aggerem.
 17 Me rabidi ab omni parte latratu canes
 Urgent, petuntque dentibus.
 Mihi pessimorum sæva conspiratio
 Manusque fodit & pedes:
 18 Et ossa numerant, ossa tralucētia
 Per corporis tensi cutem
 Tormenta postquam cuncta consumsit furor,
 Animus adhuc ira tumens
 Se patitur, oculos fatiat, & fruitor meis

Læto in malis spectaculo.
 19 Partiti amictus sunt meos, tunicæ meæ
 Fecere sortes arbitras.
 20 Tu, Domine, saltem ne recede, ne malis
 In ultimis me desere.
 Tu robur unus, tu mea es potentia:
 21 Accurre, festinus meæ
 Succurre vitæ: destitutum² ab omnibus
 Defende: sævorum hostium
 Ferrum cruentum pelle: vim rabidam canum
 22 Inhibe: leonum spumeos
 Compesce rictus: cornua unicornium
 Confringe: serva supplicem.
 23 Tum morte victa sospes auxilio tuo,
 Narrabo fratribus tuum
 Nomen, piorum prædicabo cœtibus
 Robur, fidem, constantiam.
 24 O mente puri qui Deum colitis, Deum
 Laudate puris cantibus.
 Semen Jacobi, magnitudinem Dei
 Celebrate festis laudibus:
 Erga fideles numinis clementiam
 Agnosce, proles Isaci
 25 Non sprevit inopis ille solitudinem,
 Non pauperum fastidio
 Avertit ora: me vocantem exaudivit,
 Vitæque dulci reddidit.
 26 Ergo per oras ultimas mundi tuas
 Sona-

¹ *Ad instar*] Negat Servius recte dici *ad instar*, damnatque Serenum ita loquentem: verum non solus Serenus, sed

Justinus etiam, Solinus & Apulejus sic loquuntur.

Sonabo laudes: gentibus
 Te prædicabo: vota tē timen-
 tium
 Præfente solvam Ecclesia.
 27 Edet modesta turba, fraudis
 nescia,
 Vocata sacras ad dapes;
 Epulisque functa, ac satura dulci
 nectare,
 Laudabit auctorem Deum:
 Deum sonabit, qui vigore flam-
 meo
 In corda se quærentium
 Se tantus infert, mortis ut pro-
 cul metu
 Perenne viva gaudeant.
 28 Ergo excitata tam novo specta-
 culo
 Tellus ab oris ultimis,
 Quacunque colitur, colla sub
 Domini jugum
 Submittet: illi servient,
 Pronæque Domino supplicabunt
 omnium

Omnes familiæ gentium.
 29 Nam sempiterno jure Domino
 competit
 Regnum triformis machinæ.
 Ille universis imperabit gentibus.
 30 Rerum potentes illius
 Mensæ accubabunt, & sacri con-
 vivii
 Dapibus referti sub jugum
 Cedent volentes: flectet illi po-
 plitem
 Pauper sepulchri in limine,
 Qui membra fessis artubus lan-
 guentia
 Fugiente vita vix trahit.
 31 Illumque longa posterī propagi-
 ne
 Colent, suisque posteris
 Per longa deinceps nunciabunt
 secula
 In me favorem numinis.
 32 Hoc semen illi serviet, gens il-
 lius
 In posterum hæc censebitur.

P S A L. XXIII. *Dominus regit me, & nihil, &c.*

Quid frustra rabidi me petitis
 canes?
 Livor propositum cur premis im-
 probum?
 Sicut pastor ovem, me Dominus
 regit:
 Nil deerit penitus mihi.
 2 Per campi viridis mitia pabula,
 Quæ veris teneri pingit amœni-
 tas,
 Nunc pascor placide, nunc satu-
 rum latus
 Fessus molliter explico.
 Puræ rivus aquæ leniter astrepens
 Membris restituit robora langu-
 dis,

Et blando recreat fomite spiritus
 Solis sub face torrida.
 3 Saltus quum peteret mens vaga
 devios,
 Errorum teneras illecebras se-
 quens,
 Retraxit miserans denuo me bonus
 Pastor justitiæ in viam.
 4 Nec si per trepidas luctifica manu
 Intentet tenebras mors mihi vul-
 nera,
 Formidem duce te pergere: me
 pedo
 Securum facies tuo.
 5 Tu mensæ epulis accumulæ, me-
 rum

Tu

Tu plenis pateris sufficis, & ca-
put
Unguento exilaras: conficit æ-
mulus,
Dum spectant, dolor anxius.

6 Me nunquam bonitas destituet
tua,
Profususque bonis perpetuo favor,
Et non sollicitæ longa domi tuæ
Vitæ tempora transigam.

PSAL. XXIV. *Domini est terra & plenitudo ejus, &c.*

- 1 **T**Ota quidem Domini terra est, & quicquid ubique
Vel parca celat, vel benigna sufficit:
Quique colunt montesque feros, camposque feraces,
Urbesque sanctis temperatas legibus.
- 2 Ille super pelagus solidum connexuit orbem,
Stabilis ut undas inter instabiles foret,
Et toties rapidis pulsatus fluctibus, omnes
Compagne firma sustineret impetus.
- 3 Cuncta igitur Domini merito sunt: sed tamen unam
Sedem sibi ille dedicavit propriam.
Ecquis eo scandet? cuive hæc permissa potestas,
Loco ut beatum sistat in sancto gradum?
- 4 Cui manus & mens est insons, nec vana volutat
Animo, nec ulli damna perjurus dedit.
- 5 Huic Dominus donabit opes: hunc numine dextro
A vi procacique eruet calumnia.
- 6 Hæc vera est pietas, hac itur ad æthera, veri
Sic intueri numinis vultum licet.
- 7 Eia aditus referate, fores, age, pandite, portæ,
Portæ perennes sempiternæ regiæ;
Claustra revellite, limina pandite, magnus ut intret
Rex ille, multa clarus ille gloria.
- 8 Quis novus hic sanctis succedit sedibus hospes?
Quis iste multa est inclytus Rex gloria?
Ille potens late Dominus dextraque opibusque,
Belloque multa nobilis victoria.
- 9 Eia aditus referate, fores, age, pandite, portæ,
Portæ perennes sempiternæ regiæ;
Claustra revellite, limina pandite, magnus ut intret
Rex ille, multa clarus ille gloria.
- 10 Quis novus hic sanctis succedit sedibus hospes?
Quis iste multa est inclytus Rex gloria?
Ille potens armis numerosoque agmine ductor,
Hic ille multa est inclytus Rex gloria.

PSAL. XXV. *Ad te, Domine, levavi animam meam, &c.*

- 1 **H**ic fidat armis, plebe se clien-
tium
Defendat alter, militumque co-
piis:
A te, creator orbis, uno spes mea
Pendet, malisque in rebus unum
respicit.
- 2 Tu, sancte genitor, effice inso-
lentibus
Nespes inanes risui sint hostibus.
- 3 Sic me pudore liberabis: nec ru-
bor
Confundet ora ceteris, in te suæ
Qui collocarunt anchoram fidu-
ciæ.
Frustratur illos spes, & irritæ spei
Pudor dolorque torqueat, qui
fordium
Amore sese sordibus contaminant,
Bonosque nulla provocati injuria
- 4 Vexare gaudent. Mihi per an-
fractus vagos
Vitæ, salebras inter & tenebras,
iter
- 5 Ostende rectum, & erutum se-
quacibus
Erroris undis, prævio lucis tuæ
Splendore deduc veritatis in viam.
Te nempe ab uno pendeo spe, te
Deum
Unum & salutis columen agnosco
meæ.
- 6 Si torta vitiis forte morum re-
gula
Deflexit, error si fefellit lubri-
cus,
Fracta illecebris si voluptatis ma-
lis
Incauta vitiis se juvena polluit;
- 7 Benignitatis tu tuæ memor ta-
men,
- Et lenitatis, (qui parentes molli-
bus
Frenans habenis, usque ab incu-
nabulis
Orbis paterna es usus indulgen-
tia,)
Miserere: nostris quod negares
moribus,
Tuæ negare non potes clemen-
tiæ.
Nec denegabis: nec precantes
bona bonus
- 8 Vacuos repelles: nec viam po-
scentibus
Rectam aberis unquam recti &
æqui regula.
- 9 Tu mitis animi amplecteris mo-
destiam,
Docesque recti & improbi discrimina.
- 10 Tu dux comesque tuta per com-
pendia
Ducis carentem fraude mansue-
tudinem:
Peccata bonus & facilis oblivisce-
ris:
Promissa solvis liberali dextera:
Minuitque poenas mitis indul-
gentia:
Fidesque dictis stabilis erga o-
mnes adest
Qui pacta sacri foederis non ne-
gligunt.
- 11 Hanc ut nepotum secula mansue-
tudinem
Noscant, tuique nominis se glo-
ria
Late per omnes fundat orbis an-
gulos;
Ignosce nostris mitis erratis pa-
rens,
- Quæ

- Quæ multa inussit ægritudo, & impotens
Amor, regique contumax ira & dolor,
Errorque veri non acutus arbiter.
- 12 O ter beatum, mente qui pura Deum
Veneratur: illi, quaecunque amplectitur
Vitæ institutum, dux adest semper Deus,
Rectorque, & omnes actiones prosperat.
- 13 Securus animus anxio procul metu
Cunctis fruatur affluenter copiis:
Stirpisque series longa firmabit domum,
Genusque multa floridum propagine
Opes paternas ad nepotes transferet.
- 14 Quin & piorum mentibus mysteria,
Contemta pravis, impie sapientibus
Occulta, Dominus luce profert sua;
Et sacrosancti fœderis scientiam
(Quæ sola vitæ dux beatæ & regula est)
- 15 Docebit. Ergo, Rex beate cœlitum,
Te mente solum quæro, nusquam lumina.
- Abs te reflecto: tu pedes solus mens
Hostis dolosis erues e retibus.
- 16 O sancte custos hominum, amico lumine
In me intueri, & destitutum ab omnibus
Inopemque sancta me tuere dextera:
- 17 Curisque, mentem quæ perurunt plurimæ,
Novisque semper differunt doloribus,
- 18 Exsolve: poenis usque & usque immanibus
Exercitato, & obruto laboribus,
Ignosce: culpas mitis obliviscere.
- 19 Heu quanta vis me factionis impiæ
Persequitur armis! quanta me crudelitas
Inexpiato quærit odio perdere!
- 20 Tu me periculis libera: tu protege
Ejus salutem ab hostium ludibrio,
Omnem salutis qui locavit spem suæ
- 21 In te, nec aliis fidit opibus, quam suæ
Integritatique, & tuæ clementiæ.
- 22 Gens, quæ tuarum jussa legum amplectitur,
Fac unde quaque tuta sit te vindice.

PSAL. XXVI. *Judica me, Domine, &c.*

- 1 **M**E vi tyrannus persequitur palam,
Me clam maligna fraude calumnia:
Te, qui latebras pectoris inspicis,
- Appello, rerum conditor optime:
Mens fraudis experts, & manus innocens,
A vique pura & flagitio: in Deo
Spes fixa, fortis qui violentia
- D 2 Me

- Me sævientis non finet opprimi.
 2 Renesque flammis & penetralia
 Scrutare cordis, cæcæque sensuum
 Arcana, fufum ceu calidis focis
 Explorat aurum callidus artifex:
 3 Mentem videbis munificentiae
 Quæ dona nunquam non meminit tuæ:
 Actæque leges puriter ad tuas
 Vitæ carentem flexibus orbitam.
 4 Procul faceffat, nec socium sibi
 Me vana speret lingua: procul domo
 Nostra recedat, qui didicit suos
 Fucare sensus pectore subdolo.
 5 Odi scelestum concilia; impios
 Cœtus veneno pejus abominor:
 Quorum resultant pectora gaudio,
 Quum perpetrarunt facta nefaria.
 6 Sed mente pravi non sibi conficia,
 Lotusque puris fontibus, ad tuas
 Aras adibo, lætus & offeram
 Lætæ choreæ dux tibi victimas.
 7 Te nostra pangent tympana, te lyra,
 Te vox canoro consona tympano,

- Lyræque; cœtuque in celebri tua
 Miranda pandet facta nepotibus.
 8 Tectumque, nomen quo canitur tuum,
 Ædemque, numen qua colitur tuum,
 Mens ardet: absentem retrahunt tuæ
 Quæ templa celant pignora gloriæ.
 9 Hæc ossa tellus ne sine ut obruat
 Inter cruentos barbara barbaros,
 10 Qui fraudulentæ mente coquunt scelus,
 Captant avara munera dextera.
 11 Ego institutum carpere tragem
 Pergam innocenter: tu propius meis
 Aurem benignus questibus admove,
 Ac me periculis tristibus affere.
 12 Per plana firmo quod gradior pede,
 Quod recta sector, muneris est tui:
 Ergo salutis te columen meæ
 Cœtu in celebri laudibus efferram.

PSAL. XXVII. *Dominus illuminatio mea, &c.*

- 1 **D**Eus in tenebris quum mihi præluceat,
 Vitamque muniat meam,
 Quæ vis aperta terreat me? quæ mihi
 Fraus cæca sit formidini?
 2 Adversus unum quum scelestæ factio
 Cunctas parasset copias,
 Dolosa letho quæ tetenderant meo
 Ipsi incidere in retia.

3 Si

1 *Ego institutum.*] Steph. Plant. Argent. *Ergo institutum.*

- 3 Si comminentur castra, si minacibus
Infesta telis agmina,
Securus animi specto castra, prælia
Timore liber intuo.
- 4 Unum expetivi, & usque & usque id expetam,
Curis ut exemptus malis,
Sim sacrosanctæ semper ædis incolæ,
Augusta mirer atria,
Deoque laudes personem, artus dum regit
Vitalis auræ spiritus.
- 5 Tum me sub umbra conditum tentorii
Celabit, & periculis
Procul remotum, rupis abruptæ velut
In arce positum, muniet:
- 6 Ac ne relictum nunc quidem impiæ sinet
Vi factionis opprimi.
Victorque solvam vota, nec victoriæ
Auctor mihi tacebere.
- 7 Audi invocantem supplicem, & fractum malis
Bonus favensque subleva.
- 8 Te mens anhelat, vultus ad vultum tuum
Intentus usque respicit:
- 9 Ne conde vultus lumen a me amabilis,
Neu me in tenebris desere.
Servum per iram ne sine oppri-

- mi tuum:
Vitamque, quam debet tibi,
Tuere ab hoste, & e periculis eripe,
O spes salutis unica.
- 10 Me cari amici, me propinqui, me pater,
Me blanda mater liquerat:
At non reliquit, qui pios in asperis
Non deferit rebus, Deus.
- 11 Parens benigne, me vias doce tuas,
Rectaque deduc semita:
Ne vis metusque ab hoste me deterritum
De calle recti detrahat.
- 12 Ne me impiorum obnoxium libidini
Relinque. Testes impii
Fingunt maligne falsa de me crimina,
Armantque se mendaciis.
- 13 Mens victa tantis jam fatisceret malis,
Ni spes foveret me tuæ
Benignitatis, post labores anxios
Mox affuturum gaudium.
Vivusque vivos inter ipse comoda
Vitæ beatæ præstolor.
- 14 In rebus ergo turbidis ne concide,
Sed fortis usque sustine:
Te roborabit Dominus, & cor fulciet;
Tu fortis usque sustine.

PSAL. XXVIII. *Ad te, Domine, clamabo, &c.*

- 1 Princeps stelliferis altior orbibus,
Vitæ præsidium & certa salus meæ,

- Aurem suppliciiis da facilem meis,
Ne fiam similis busta petentibus.
- 2 Audi vota, parens, quæ tibi profero
- D 3

Sup.

Supplex cum gemitu, brachia
porrigens
Ad cœlum tremulis pervigiligni-
bus,
Cœlum, templa tuæ conscia glo-
riæ.
3 Ne me connumera cœtibus
impiis,
Neu tanquam socium plecte no-
centibus:
Quorum blanditiis illita molli-
bus
Lingua est, mens, gelido livi-
da toxico.
4 Illis nequitix præmia sint suæ,
Et merces studiis æqua nefariis:
Pro semente legant semina, pes-
simis
Dignum consiliis supplicium
luant.
5 Non his consilii provida vis
tui
(Qui me conspicuis tollis hono-
ribus)
Infectæve manus a scelere avo-
cat,
Aut ¹ infesta odiis pectora miti-
gat.

Ergo nec series longa propa-
ginis
Florebit, patrias nec soboles opes
Longæva accipiet: sed celeri ge-
nus
Clades exitio proruet ac domum.
6 Laus rerum Domino, qui pre-
cibus meis
7 Se non difficilem præbuit: hinc
meæ
Vires, ² hic clypeus rebus in
asperis:
Hinc spes, auxilium hinc non du-
bium in malis.
Hinc cor gestit ovans: carmi-
nibus tuas
8 Laudes ora sonant: qui popu-
lum tuum
In rebus trepidis protegis, & tuum
Regem ex insidiis omnibus eripis.
9 Custodi populum, Rex homi-
num, tuum:
Hebri fac soboles largiter omni-
bus
3 Vitæ continuo fructibus af-
fluat,
Donec perpetuum sol referet
diem.

P S A L. XXIX. *Afferte Domino filii Dei, &c.*

1 **S**eu dives auro es, five opibus
potens,
Seu marte parta clarus ado-
rea;
Agnosce numen gratus, & huc
refer
Quæcunque lætum ducis ad exi-
tum.

2 Huic pange laudes, & prece
supplice
Rerum parentem concilia: &
Dei
Nutu regentis stelliferam domum
Dignare justis nomen honoribus.
3 Cujus liquentes vox gravida
pluit

De

1 *Aut infesta.*] Editio Edinb. And.
Hart. 1615. Lond. 1686. *infesta.*

2 *Hic clypeus.*] Edit. Wetsten. Amst.
1687. *hinc.*

3 *Vitæ continuo fructibus affluat.*] *Coni-*

quo hic pro continenter, assidue, usque,
usurpare noster videtur: quod barbarum
tamen contendit accuratissimus Jo. Ker.
Select. de LL. observ. lib. II.

De nube rores, terrificos ciet
Cœlo tumultus cum tonitru, ma-
ris
Turbata ventis concitat æquo-
ra:
4 Vox dignitatis plena, nec ir-
ritæ
Unquam ad patrandum jussa po-
tentia;
5 Nudare cedris seu Libanum ju-
vat,
Cessasque ventis sternere fraxi-
nos:
6 Seu vineta faxis saxa revellere,
Notisque montes sedibus erutos
Versare, taurum ut verna per
avia
Vexat juventæ læta protervitas.
7 Ad vocis ictum nubibus exfilit
8 Elifus ignis: tesqua Arabum tre-
munt:
9 Feræ pavescent: ante diem fluunt

Partus acerbi: robora conci-
dunt.
Quæcunque templo cœlum
habet aureo,
Quæcunque tellus dædala susti-
net,
Quæ celat undis æquor in abdi-
tis,
Dei fatentur cuncta potentiam.
10 A voce vindex pontus inhor-
ruit,
Undisque montes obruit, arbi-
ter
Æterne rerum, quum libuit tibi
Delere gentes fluctibus impias:
11 Te dante vires, non opibus
feros
Horremus hostes, non numero
graves:
Te dante pacem, progeniem
Hæci
Cornu beabit divite copia

PSAL. XXX. *Exaltabo te, Domine, &c.*

2 **T**E nostra semper carmina, te
lyra
Sonabit, orbis conditor opti-
me:
De faucibus lethi imminentis
Incolumis tibi vota reddam.
Per te superbus nec lacrymis meis
Insultat hostis, nec fruitur ma-
lis:
3 Te rebus, incertus salutis,
Auxilium indubiis poposci.
Per te receptis viribus haurio
Vitalis auræ lumen amabile:
4 Nec inferum sub nocte longa
Et tenebris jaceo sepulchri.
5 O turba puris dedita ritibus
Sacrisque castis, tollite laudibus

Placabilem votis parentem,
Et memori celebrate ple-
ctro.
6 Vanescit iræ vindicis impetus
Bullæ fugacis more: Dei favor
Bonis manu vitam benigna
Tristitiæ vacuum rependit.
Si forte sero vespere fletibus
Vultus rigamur, mox redit au-
rea
Cum luce risusque, & jacen-
tes
Exhilarans animos volu-
ptas.
7 Pacis beatæ eum fruerer bonis,
Mecum loquebar: De stabili gra-
du

Feli.

1 O. bis conditor.] Steph. Plant. Argent. Orbis arbiter.

- Felicitatis nulla sortis
Me dubiæ quatiet procella.
- 8 Te dante vires, divitias, decus,
Te montis instar mœnibus æneis
Firmante regnum, vanum ale-
bat
Credulitas mihi blanda fa-
stum:
- Tu, me relicto stultitiæ meæ,
Dextram retraxisti: retro abiit, do-
mum
Repente turbatam relinquens,
Sors levibus malefida pen-
nis.
- 9 O præses orbis, pectore supplice
Mox te vocavi, te lacrymis ma-
dens
- 10 Opem poposci: Quid profusus
Profuerit tibi sanguis? in-
quam.
Quis mortis usus nostræ erit? An
tuas
- Laudes sonabunt, factaque poste-
ris:
Miranda muti prædicabunt
Sub gelido cineres sepul-
chro?
- 11 Placatus aurem da facilem meis
Votis, severos neu querimoniis
Averte vultus: pelle membris
Pestiferi mala dura morbi.
- 12 Tu supplicanti protinus admoves
Aurem benignus: pro lacrymis
mihi
Risum reducis, pro dolore
Lætitiâque alacremque
plausum.
- 13 Te semper ergo carmina, te ly-
ræ
Nostræ sonabunt: vox tibi ser-
viet
Dicata, præbebitque nostris
Materiam tua laus camœ-
nis.

PSAL. XXXI. *In te, Domine, speravi, &c.*

- 2 **I**N te locavi spem meam,
Rerum creator optime:
At tu benignus prospice,
Ne spei pudeat irrita.
- 3 O iuste vindex, fraudibus
Ab hostium me vindica:
Audi benignus supplicem:
Da promptus abjecto manum.
- 4 Me rupe serva ut invia
Clausum, vel arce ahenea:
Tu rupis es mihi invia
Munimen, arx ahenea.
- 5 Ergo ut timori mentibus
Nomen tuum sit impiis,
Præi viam mihi, abditis
Me libera de cassibus.
- 6 Tu robur es meum: tuæ
Commendo vitam dexteræ:
Me libera pacti Deus
Tenax, memorque fœderum.
- 7 Qui vana stulti somnia
Sectantur, odi pessime.
Tu certa spes mihi es, meæ
Tu portus es fiducia.
- 8 Inter labores asperos
Lumen tuæ clementiæ
Fulgens, repente turbidum
Perfudit animum gaudio.
- 9 Quum me tyrannis impotens
Urgeret hostis impii,
Jamjam imminentis pallidis
Lethi explicasti faucibus.
- 10 Misere te fracti tot malis,
Tot obruti doloribus.
Caligat oculus, mens stupet:
Mœrore corpus tabuit:

- 11 Caduca vita elabitur
Mœrore¹ fracta & luctibus:
Interque clades aridis
Fluxere vires ossibus.
- 12 Me ridet hostis, & meis
Insultat insolens malis:
Horrent propinqui, ceteri
Vitant metu periculi.
- 13 E proximorum mentibus
Obliteror, ceu mortuus.
Contemptior sum civibus
Quam lamina testæ fictilis.
- 14 Me multitudo opprobriis
Coram laceffit asperis:
Vim machinatur in meam
Jurata mortem factio.
- 15 Ego interim fiducia
Opis tuæ, dolos, minas,
Injurias, & hostium
Contemno contumelias.
- 16 Tu fila vitæ temperas
Meæ, regisque tempora:
Tu me impiorum libera
Ab hostium tyrannide.
- 17 Ostende vultum amabilem
Servo bonus tuo & favens:
Et me tuere, qua soles
Semper tuos, clementia.
- 18 Ne sit pudori, quod tuam
Imploro opem: pudor malos
Confundat, & silentium
Longum sepulchris sopiat.
- 19 Assueta vox mendacio
Sit muta, vox procaciter
Solita bonos laceffere,
Et arroganter spernere.
- 20 O quanta te colentibus
Et quot redundant comoda!
Quot teste mundo prosperis
Auges tuos successibus!
- 21 Hos protegis reconditos
Procul a minis potentium,
Tuaque munis in domo
Linguæ veneno ab impiæ
- 22 Tibi perennis gratia
Sit, rector orbis, qui velut
Munita in arce me procul
Periculis submoveras.
- 23 Exspes², inops, vitam fuga
Quum vix tuerer anxiam,
Mecum ipse dixi; Jam truci
Reliquit hosti me Deus.
At tu nec in periculis
Oblitus extremis mei,
Aurem benignam supplici
Ac invocanti admoveras.
- 24 Ergo patrem rerum optimum
Amate candidi & pii,
Qui fastuosos deprimit,
Et obsequentes erigit.
- 25 Qui spem locatis in Deo,
Constanter illi fidite,
Nec robur animi concidat,
Sortis procella turbidæ.

PSAL. XXXII. *Beati quorum remissa sunt, &c.*

- 1 **O** Ter beatum, cui patris opti-
mi
Noxas remisit lethiferas favor,
Cui fœda morum flagitia ob-
ruit
- 2 Oblivioso testæ silentio!
O ter beatum, cui bonus ar-
biter
Non imputavit lubrica devix
Errata vitæ, nec reperit dolum
Cæco

1 *Mœrore fracta.* Steph. Plant. Argent.
Per luctus & suspiria.

2 *Exspes.* And. Hart. 1615. Ex-
pers.

- Cæco in recessu pectoris abdium!
- 3 Donec fovebam sub tacito sinu
Morbum, solutis languidus ossibus
Artus trahebam, luctificus dolor
Questum¹ ciebat non patiens regi.
- 4 Tu me premebas prævalida manu
Infestus, atris seu tenebris diem
Nox condidisset, seu rosea dies
Orbem recurrens luce retexerat.
Sic decolorem tabificus cutem
Mœror coquebat: sic macie dolor
Siccabat artus, messis ut Africæ
Cancris per æstum mitius² areat.
- 5 Tum mente versa vulnera protuli,
Tibi renudavi vitium meum,
Fraudem retexi: ac tu mihi protinus
Noxa soluto conciliatus es.
- 6 Qui mentis ergo pura sacraria
Servare quærit, te prece supplice
Placet: nec, orbem pontus ut
obruat,
Formidet æstus lethiferi minas
- 7 Tu me periclis eripis asperis,
Tutela præsens: tu mihi gaudia
- Toto refundis corpore, ut hostium
Qui vincla fracto carcere depulit.
8 Nec fat: Tenebras pectoris auferam,
Inquis: beatæ qua ferat orbita
Monstrabo vitæ, nec procul a tuis
Unquam reflectam lumina gressibus.
- 9 Mulis equisque ne similis modo
Sis, bruta quorum pectora gratiam
Non mutuam novere, sed asperis
Fracti lupatis servitium ferunt.
- 10 Multa obstinatum nequitiam manent
Tormenta: pura qui Dominum fide
Orabit, huic pacem & veniam dabit,
Non durus unquam parcere supplici.
- 11 Recti tenaces simplicis, & quibus
Est grata fraudum nescia veritas,
Favente læti numine gestibus
Et voce vestrum pandite gaudium.

P S A L. XXXIII. *Exultate iusti in Domino: &c.*

- 1 VOs quibus puræ est amor æquitatis,
Læti pangite carmine
Orbis auctorem Dominum: æquitatis
- Hoc carmen decet æmulos.
2 Tinniat blando chelys hunc furro,
Hunc vocalia nabilia:
Docta bis quinque resonare nervis
Hic

¹ Questum.] And. Hart. 1615, Lond. 1686. — *questus*.

² Areat.] Steph. Plant. Argent. Lond. 1610. *ardeat*.

Hic artem manus approbet:
 3 Huic novos cantus meditemur:
 uni
 Læti clangite buccina:
 4 Nam fides dictis rata veritasque
 est,
 Et factis comes æquitas:
 5 Quippe qui iusti est & amator
 æqui, &
 Veri fallere nescii:
 Perque terrarum sola vasta notæ
 Cunctis munificentia.
 6 Is suo¹ verbo sinuavit orbem
 Lucentem nitidi ætheris:
 Quicquid & puris radiis reni-
 det
 Campis ætheris igneis.
 7 Littus arctavit maris inquieti,
 Compressitque licentiam:
 Et penu clausas sinuavit undas,
 Unde in tempore promeret.
 8 Hunc & occasus metuant & or-
 tus:
 Hunc unum Dominum colat
 Quisquis extremos ubicunque fi-
 nes
 Terræ aut æquoris accolit:
 9 Cujus a nutu viget interitque
 Quodcunque interit aut viget:
 Cujus immotis tremefacta parent
 Cuncta obnoxia legibus.
 10 Qui malas artes populi profani

Ludit callidior suis:
 Et suo injustæ scelerata turbæ
 Fraudat consilia exitu.
 11 At quod arcana sibi mente rerum
 Auctor proposuit semel,
 Dum dies & nox referent se in
 orbem,
 Usque immobile permanet.
 12 O quater, plusquam quater o
 beatos,
 Patronus quibus est Deus!
 Quos sibi excepit, propriamque
 sortem
 Quos dici voluit suam!
 13² Despiciit mundi pater e beata
 Cœli stelliferi domo,
 14 Eque tranquillis adytis labores
 Et curas hominum videt:
 15 Quippe qui cæcos animi recessus
 Humani fabricaverit:
 Nec quod arcano latet in recessu
 Clausum pectoris hunc latet.
 16 Sperat incassum numero tyran-
 nus
 Se tutum fore militum:
 Sperat incassum validis lacertis
 Se miles fore sospitem:
 17 Sæpe spem fallit præeuntis Eu-
 ros
 Bellatoris equi fuga:
 18 At³ Deus justos oculo irretorto
 Semper respicit & pios:

19 Mor-

¹ *Suo verbo.*] Steph. Plant. Argent. *suo nutu.*

² *Despiciit mundi pater.*] Longe major co-
 dicum pars *Despicit*, male; Virgilius enim
 Æn. I. 228.

--- *Jupiter æthere summo*

Despicens velivolum, terrasque jacentes.

Claud. de Conf. Mall. Theod. ver.

6. de virtute.

---- *Immotaque cunctis*

Casibus ex alta mortalia despicit arce.

Et alii passim. *Despicere* autem est e su-

periore loco spectare.

³ *At Deus justos oculo irretorto Semper respi-*
cit.] i. e. Deus justos oculis immotis &
 nusquam deflexis intuetur, sive eorum sa-
 luti & incolumitati oculis perpetuo in-
 tentis invigilat. Cæterum Buchananus a
 quibusdam vitio datur, quod hanc loquen-
 di formulam, a solo, quod sciverim, Ho-
 ratio ante usurpatam, haud paullo di-
 versa ab ea, qua ille usus est, signi-
 ficatione adhibuerit. Horatii locus est
 lib. II. Od. 2

- 19 Mortis ut vertat jacula imminen-
tis,
Diram & sævitiam famis.
20 Una spes nobis opis hinc, ab uno
Certum præsidium in malis.

- 21 Ille perfundet sibi dedicata
Dulci pectora gaudio:
22 Ille fidentum sibi spes preces-
que
Lætum ducet ad exitum.

PSAL. XXXIV. *Benedicam Dominum, &c.*

- 2 **S**eu læta fors me foverit, seu
tristior
Vexarit, omni tempore
Laudabo Dominum, semper il-
lius meum
Os personabit laudibus.
3 Mihi hæc voluptas, hoc erit so-
latium,
Mihi hoc levamen in ma-
lis:
Meoque turba tristis exemplo
suas
Solabitur molestias.
4 Una, agite, cuncti prosequamur
laudibus
Nomenque numenque illius.
5 Ille in periculis me vocantem exau-
diit,
Statimque reppulit metum.
6 Qui cuncta ad illum consilia refe-

- runt sua,
Læto his nitentes gaudio
Vultus renident, nec repulsæ in-
famia
Ruborẽ confundet genas.
7 En, pauper iste quum vocaret,
omnibus
Hunc eruit periculis.
8 Dominum timentum castra mu-
nit Angelus
Demissus ad custodiam:
Et imminentes arcet hostes, &
pios
A vi tuetur impia.
9 Facite periculum, jam scietis,
quam Dei
Immensa sit benignitas:
Quam sint beati, spes in illo qui
suas
Omnes opeſque collocant.

10 Gens

*Quisquis ingentes oculo irretorto
Spectat acervos.*

Ubi, per voces [*oculo irretorto*] intel-
ligi volunt commentatores, *oculo non*
invido, aut avaro, non auri fulgore a-
ciem quasi perstringente retorto aut deflexo.
Immerito autem mea sententia hic Bu-
chananus arguitur: utrobique enim ea-
dem servatur vocis vis & significatio,
quippe qua nihil aliud innuatur quam
oculus rectus, immotus & constans, non
obliquus, aut ab ea re in quam acies dirigi-
tur retortus sive reflexus. Quod autem
Buchanani ab Horatio discrepet senten-
tia, id non ex nativa vocis indole, sed
ex reliqua oratione diversa tum spe-
ctantium tum rerum spectatarum natura
provenit: & quidem, ut rem paullo
clarius exponam, varii sunt animorum

affectus, invidia pura, avaritia, libido,
ira, odium &c. quibus incitati res ho-
minesve obliquis, torvis, limis, re-
flexis aut retortis oculis spectare dici-
mur: contra vero his affectibus vacui,
aut contrariis animi motibus adducti,
oculis rectis, fixis, immotis, æquis,
adeoque irretortis, non reflexis aut de-
tortis, intueri perhibemur. Proinde
Deus, humanos quasi affectus induens,
justos *oculo irretorto* adspicere, *i. e.* per-
petuo amore prosequi, ac vigili semper
cura tueri ac protegere, non minus
Latine ac eleganter, quam vere & pie
dici videtur. Videſis Miscel. III. 21.
[quo sensu Horatium *irretortum ocu-*
lum dixisse credimus, explicuimus ad
Quinctil. declam. VIII. 8.]

- 10 Gens sancta Dominum colite: 18 Justum invocantem Dominus au-
nil deerit Deum
Fideliter colentibus. Eum expedit periculis.
11 Violenta feritas sentiet famem: 19 Quum spes labores deferit mor-
bonis
Cuncta affluenter suppetent. Afflicta quum molestiis
12 Adeste filii, audite, vobis numi-
nis Succumbit oneri mens, Deus
Verum timorem ut indicem. præsens adest,
13 Quicumque curis liberam & lon- Malasque curas diluit.
gam cupis
Vitam beatus ducere; 20 Justis labores suggerit semper piis
14 Linguæ refrena virus, os nefaria Iniqua fors conatibus:
A fraude purum continere: Sed, qui bonorum semper est cu-
15 Capesse recta, curva vita, di- stos, Deus
lige Sortis retundit spicula;
Tranquilla pacis otia. 21 Et ossa servat ne terantur. Im-
22 Ulciscitur scelus suum:
16 Deus innocentes adspicitque, & Et quisquis hostis est piorum,
commodat cum domo
Attentus aures ad preces: A stirpe cæsus interit.
17 Torvo scelestos intuetur lumi- 23 Animas tuetur se colentium
ne, Deus,
Et nomen etiam obliterat. Nec rem domumque deserit.

PSAL. XXXV. *Judica, Domine, nocentes me, &c.*

- 1 **R**erum sancte opifex, ades, Fœdam corripiant fugam;
Et patrocinio protege me Cæcas insidias qui mihi præpa-
tuo: rant.
Et retro refer in meos 5 Ut sævus Boreas levem
Hostes perniciem, quam mihi Raptat præcipiti turbine pulve-
comparant. rem:
2 Scutum cum jaculis cape: Sic illos trepida fuga
3 Ensem stringe: meis hostibus ob- Vindex ' præcipientes urgeat An-
viam gelus.
Prodi: dic animæ meæ, 6 Sit cœno via lubrica,
Secura auxilio nil metuas meo. Et cœlum tenebris lurida nox te-
4 In vultus pudor hostium gat:
Et turpis subeat dedecoris rubor: Et formidine pallida
Vindex
1 Vindex præcipientes,] Steph. Plant. Ar- Vindex præcipientes comprimat Angelus.
gent. Sit cœno via lubrica,
Vindex præcipientes urgeat Angelus: Et cœlum tenebris lurida nox tegat.
Et formidine pallida Nam me, &c.

- Vindex præcipites comprimat
Angelus.
- 7 Nam me fraude mala suis
Conati immeritum prendere cas-
sibus,
Et cæcam innocuo scrobem
Effodere: suis cassibus hæreant,
- 8 Et factam exitium in meum
Cæci. & præcipites in foveam
ruant.
- 9 Perfusa interea mihi
Dulci lætitia pectora gestient:
- 10 Mens secura periculi
Auctorem Dominum lætitiæ co-
let:
Et sensus animi indices
Clamabunt, Domino quis similis
Deo?
Qui fastus gravis improba
Defendit tenues a violentia,
Vexantemque opis indigos
Frangit sævitiam vindice dexte-
ra.
- 11 Conjurata calumnia
In me criminibus sævit atroci-
bus:
Ignotum scelus in meam
- 12 Fingunt perniciem: quæ bene
feceram,
Compensant odiis malis,
Et vitæ invigilant exitio meæ.
- 13 Illos tabificæ luis
Ægris visceribus quum dolor
ureret,
Squalens veste ego lugubri,
Jejunaque fame pallidus & siti,
Et prostratus humi, Deum
Lenibam lacrymis & prece sup-
plice.
- 14 Sic sincerus amici amor
Sub cari interitum luget ami-
culi:
Sic fratrem gemit unicum
- Frater: sic pietas anxia filii
Maternum ad tumulum dolet.
- 15 Me fortuna gravi si tetigit manu,
Concursant, mala gaudia
Inter se celebrant: fæx populi
coit;
Incauto invidiam creant:
- 16 Proscinduntque avida me petu-
lantia:
Scurræ cum balatronibus:
Dentem dente acuunt, & rabiem
vomunt.
- 17 Quem finem patientiæ
Tam lentæ statues, o pater opti-
me?
Arce hoc ludibrium, neque
Desertum rabidis trade leonibus:
- 18 Acceptum ut referam tibi
Quod vivo, & video lumen ama-
bile;
Et cœtu in celebri canam
Te, pronum auxilium ferre vo-
cantibus.
- 19 Fac ne spes alat improbas
Semper turba meis læta mole-
stiis:
Neu nutu ac oculis notet,
Exsultetque meis hostis atrox
malis:
- 20 Qui sermonibus asperis
Insultat, trucibusque insidiis pe-
tit
Pacatum male callidus,
Incautum ut tacitis illaqueet do-
lis.
- 21 Non diducere desinunt
Rictum risu: Oculis (euge) ocu-
lis diem
Lætum vidimus, inquiunt.
- 22 O qui luminibus cuncta tuentibus
Terras respicis, hæc vides?
Ergo seposita protege me mora:
- 23 Jam tandem evigila, & manu
Ultrice

- Ultrice indomitam frange superbiam;
 24 Iusto & supplicio preme,
 Vindex iuste, malos: neu sine,
 de meo
 Luctu lætitiā ferant:
 25 Neu secum tacito pectore murmurent;
 Evax, recte habet: omnia
 Supra vota cadunt: vicimus, en
 jacet.
 26 Fœda ignominia luant
 Stultam lætitiā: dedecoris comes
 Infamis pudor eluat
- Importuna meis gaudia de malis.
 27 At cordi quibus æquitas
 Est nostra, ac animus nil sibi
 conscius,
 Vitam tristitia procul
 Lætā semper agant: ac Dominum ferant
 Cœli ad sidera laudibus,
 Qui curis famulos liberat anxii.
 28 Semper iustitiā mea,
 Custos sancte hominum, lingua
 canet tuam,
 Et præconia, dum mihi
 Impellet calidus pectora spiritus.

PSAL. XXXVI. *Dixit iniustus, ut delinquat, &c.*

- 1 **U**T exta flammis mille sacrificis cremes,
 Oscula des faxis, ingeminesque preces,
 Arasque donis largus accumules tuis,
 Non facies tamen, ut te rear esse pium:
 Scelera reclamant, & negant te credere,
 Consilio mundum qui regat, esse Deum.
 2 Utcunque coram blandiare, non tamen
 Impietas tacito pectore clausa latet:
 Erumpit ignis instar, ac tui trahit
 Secum odium, atque odii perniciem comitem.
 3 Quodcunque loqueris fraude tinctum est: respuis
 Auribus ingratis qui potiora monent.
 4 Scelus nefandum nocte tota cogitas:
- Recta fugis: semper deteriora foves.
 5 O magne rector orbis, indulgentiæ
 Munera terra, fretum sentit, & astra, tuæ.
 Quæcunque cœlum amplectitur, parentia
 Legibus orta vigent, lapsa caduntque tuis.
 6 Modus æquitatis & tuæ sapientiæ,
 Cunctaque quæ fecit, cunctaque facta regit,
 Longe nivosis montium fastigiis
 Altior est, vasti gurgitibusque freti.
 Humana gens hinc haurit auram & spiritum:
 Nec pecudes curam præterire tuam.
 7 Hinc cuncta vitæ suppetunt nobis bona,
 Dum mens corporeo carcere vincta latet.

Fœtus

Fœtus sub alis volucris ut tegit suis,
Præsidii fugimus spe mala cuncta tui.

8 At exul animus morte liber patrum

Quum repeteret limen fidereamque domum;

Illinc egestas & dolores exulant:

Nemo feret votis non potiora suis.

Passim voluptas, pura passim gaudia:

Delicias largo flumine rivus agit.

9 Illic perenni vita fonte profluit,
Vita gravis fati non refecanda manu.

Illinc fatiscent mentium caligines,

Quæ modo sub tenebris pecto-

ra nostra premunt:

Vultuque radius purus effusus tuo;

Lumine nos puræ cognitionis alet.

10 Benignitatis interim tuæ bonis,

Qui te cognoscunt & tua facta, fove:

Qui mente pura veritatem diligunt,

Justitiæ facias commoda ferre tuæ.

11 Me nec feroci calcet arrogans pedes,

Exigat aut tectis impia turba meis.

12 Qui scelere gaudent, scelere sic ruant suo,

Perpetuo ut lapsos iusta ruina premat.

PSAL. XXXVII. *Noli æmulari, &c.*

1 **N**E livor urat æmulus
Te, si beatos videris
Pravos, nec Euris iis opes
Fugaciores invade.

2 Nam sic faceffit illico
Umbratilis felicitas,
Marcent comis arentibus
Ut falce secta gramina.

3 At tu Dei fiducia
Incumbe rectis artibus:
Diuque terram ut incolas
Donabit, ac te nutriet.

4 In hoc sit oblectatio,
In hoc voluptas unica:
Is te fovebit jugiter,
Votique reddet compotem.

5 Committe vitam, rem, decus,
Illius uni arbitrio;
Animi tibi ex sententia
Confecta reddet omnia.

6 Illustris auroræ ut jubar
Tua faciet ut sit æquitas:
Ut luce virtus sit tua
Meridiana clarior.

7 Perfer modeste quod tulit
Fortuna læva: neu tumens
Ira impiorum prosperas
Res cerne torvo lumine.

8 Compesce bilem, noxia
Faceffit indignatio:
Ne fors nefarium ad scelus
Impellat æmulatio.

9 Eliminantur impii
Fumo levi velocius:
Terras modestus incolet,
Serisque linquet posteris.

10 Morare paullum, & impium
Nusquam videbis: adspice
Ædes, superbi vix heri
Agnoveris vestigium.

- 11 Modesta bonitas otio
Lætam senectam transiget;
Et incolenda hæredibus
Paterna linquet prædia.
- 12 Clam rete necit impius,
Bonisque concinnat dolos:
Et dente frendens livido,
Dolore & ira ringitur.
- 13 Hæc cernit ex alto Deus,
Minasque ridet irritas:
Quippe imminentem vertici
Cladem scelesto prospicit.
- 14 Ensemque stringet improbus,
Arcumque tendet, pauperes
Ut perdat, ac innoxios
Figat sagittis impiis:
- 15 Districtus ensis in sui
Domini redibit viscera;
Frangetur arcus lethifer,
Et frustra acuta spicula.
- 16 Præstat supellex sobria,
Recteque parta recula,
Quam rapta per vim divitum
Fastidiosa copia.
- 17 Male parta justus arbiter
Disperget, & potentiam
Franget scelesti: dextera
Justum sua tuebitur.
- 18 Innoxios fovet Deus,
Ac rem tuetur: providet
Longæva ut usque in secula
Sit sempiterna hæreditas.
- 19 Seu pestis atra, seu furor
Turbabit orbem bellicus;
Nil deerit usque innoxio,
Famem nec ægram sentiet.
- 20 Sic hostis impius Dei
Perit repente funditus,
Adeps opimæ ut victimæ
Vanescit in fumos leves.
- 21 Nil donat, usque & foenerat
Injustus: at justo sua
De sorte superat paupere
Quod donet indigentibus.
- 22 Justorum amici prædia
Linquent suæ propagini:
At hostium radicitus
Semen peribit erutum.
- 23 Amatque justum, & dirigit
Ejus Deus vestigia:
- 24 Dextra ruentem sustinet,
Lapsumque dextra sublevat.
- 25 Puer fui, nunc sum senex,
Ope destitutum nec pium
Videre memini, nec stipem
Ejus petentes liberos.
- 26 Justus misertus pauperum
Dat usque & usque mutuum:
Seræ tamen propagini
Non larga deest opulencia.
- 27 Vita scelus nefarium,
Sectare recta: dum diem
Sol fundet aureum, tui
Terras nepotes incolent.
- 28 Deus æquitatem diligit;
Bonos nec unquam deferit:
At interibit funditus
A stirpe semen impii.
- 29 Justus beata jugera
Agri tenebit, & colet
Cum prole, donec ultimus
Instabit orbi terminus.
- 30 Sermo sapiens & æquitas
In ore semper est bonis:
- 31 In corde scripta lex Dei,
Ne pes labet, gressum regit.
- 32 Observat impius pium,
33 Ut perdat: ast illum Deus
Custodit, ante judicem
Tuetur a calumnia.
- 34 Spem colloca in Deo, Dei
Sectare leges: & dabit
Dives potensque ut hostium
Cernas superstes exitum.
- 35 Vidi potentes impios,
Gravique fastu turgidos,
Virescere instar laureæ
Amœna propter flumina.

- 36 Specto repente, en lubricæ
Imago nusquam gloriæ:
Nusquam manent vestigia
Cunctis gravis potentiæ.
37 Iusti intueri & integri
Vitæ statumque & ordinem,
Videbis alto in otio
Latam senectam degere.
38 At prompta semper lædere
Prorsum interibit factio:

- Vitamque claudet terminus
Dignus paratis nequiter.
39 Iustus salutis collocat
Omnem in Deo fiduciam:
Qui fulcit æquos robore,
Adversa cum sors intonat.
40 Dominus petenti fert opem,
Et in periculis liberat
Ab impiis, qui se & suam
Illi salutem credidit.

PSAL. XXXVIII. *Domine, ne in furore, , &c.*

- 2 **N**E me furoris æstuante in-
cendio,
Servator orbis, argue:
Neu promerentem quamlibet
pœnas graves.
Pergas per iram plectere.
3 Hærent medullis penitus infixæ
meis
Tuæ sagittæ dexteræ.
4 Iræ tuæ hinc me, & inde men-
tis consciæ
Sic vis paventem perculit,
Ut nulla plagis faucii pars cor-
poris.
Non langueat lethalibus:
Ossa ut solutis artuum compagi-
bus
Sceleris venenum attraxerint:
5 Sceleris, profundo quod meum
ceu gurgite
Caput resorbens obruit:
Quod in alta rursus me reniten-
tem, velut
Immane saxum degravat.
6 Veteris cicatrix vulneris recru-
duit,
Vomitque tabem luridam:
7 Afflictus, humilis, ultimis pre-
mor malis,
Luctu sitisque qualidus:

- 8 Clausumque cæcis fervet in præ-
cordiis.
Ulcus, nec ulla corporis
9 Expers doloris pars vacat. Sic
debilis.
Et fractus usque & usque sum,
Malis, ut impar voce lamenta-
bili.
Cor ejuletque & rugiat.
10 Dominator orbis, vota nec ani-
mi mei,
Nec te latent suspiria.
11 Pavens tremensque turbidum cor
palpitat:
Defecta membra viribus
Torpore marcent languido: no-
ctem trahens
Caligat acies luminum.
12 Vicini, amici, & sanguinis com-
munio
Quos propior admorat mihi,
Procul abstiteri, fœditatem vul-
nerum
Vix sustinentes cernere.
13 At prompta semper in meum exi-
tium manus,
Molita vim nefariam,
Dolosa tendit continenter re-
tia,
Fraudesque versat impias.

14 Ceu mutus ore, surdus aure, ego
interim
Obtorpui silentio,
15 Elinguis instar & stupentis, cri-
mina
Qui nesciat refellere.
16 In te reposta est spes mea: o re-
rum potens
Rector benignus annue:
17 Ne risus hosti sim superbo, qui
meis
Insultat insolems malis:
Qui, si vacillent lubrico lapsi
pedes,
Læto triumphat gaudio.
18 Ad perferenda sum paratus ver-
bera:
Vibice semper aræ
Cruenta turgēt exarati corporis

Sulcis flagrorum grandibus.
19 Merui scelestus, fateor, heu me-
rui, nocens
Do jure poenas debitas:
20 Sed invalefcit hostis atrox inte-
rim,
Viresque sumit factio:
Vivunt vigentque, & immeren-
tem injuria
21 Me prosequuntur: pro bono
Malum rependunt: jugiter calu-
mnias,
Quia recta sector, ingerunt.
22 Tu ne recede longius, neu dese-
ras
Periculis in ultimis.
23 Accurre: dextram da salutarem,
meæ
Salutis auctor unice.

PSAL. XXXIX. *Dixi, custodiam vias meas, &c.*

2 **Q**Uum sævus hostis me meo
lætus malo
Lacefferet conviciis;
Mecum ipse verbis abstinere ab-
asperis
Et jurgiis decreveram.
3 Linguae obseravi claustra fræno;
pertinax
Obmutui silentio:
Ac, temere ne quid os mali pro-
funderet,
Verbis bonis clausi exitum.
4 At, ignis instar, vetitus egredi
dolor,
Exarsit intus acrius:
Tandem obstinatæ frena perti-
naciæ
Perfregit ira, ac talibus
5 Dominum rogavi: Mihi meæ vi-
tæ modum
Qui sit futurus indica:
Quando evolabo liber hoc mo-
lestiæ

Fastidioso e carcere.
6 Tu clausa nullo secula degis ter-
mino,
In te beatus ac potens:
At nos quod ævi vivimus penè
est nihil,
Ac penè brevius quam nihil;
7 Umbræ fugacis instar, atque
imaginis
Quam reddit æquor vitreum:
Idque ipsum inani in vanitate at-
que anxiiis
Ægrefcit in laboribus:
Animum libido torquet, inflat
gaudium,
Spes tollit, ac timor premit.
Tumultuamur temere: congeri-
mus bona
Incognitiis hæredibus.
8 Quo me ergo vertam? quis labo-
ranti feret
Opem? quis eximet malis?
F 2 9 Spes

- 9 Spes omnis in te: miseræ fontem meæ
Peccata tolle noxia.
Neve esse stultis me finas & improbis
Despectui & ludibrio.
- 10 Hostis protervi lingua me quum turpibus
Proscinderet conviciis;
Obmutui, iræ vindices poenas tuæ
Has esse gnarus scilicet.
- 11 Rector parensque gentis humanæ, tua
Paullisper aufer verbera.
Viresque relinquunt, vita nec semper novis
Plagis ferendis sufficit.
- 12 Te persequente scelera poenis, illico
Vigor decorque defluit,
- Tineis peresæ more vestis. O homo
Caduca res & futilis!
- 13 Parens benigne precibus aurem da meis:
Ncu verba sperne supplicis:
Neu lacrymanti averte vultus hosti:
Namque hospes hanc terram colo:
Nec ego, parentes nec mei certum locum
Habemus hîc: sed in diem
Solliciti & horas, turbidas transigimus
Vitæ brevis molestias.
- 14 Igitur severam paullulum abstine manum,
Fessum ut resumam spiritum:
Mortis priusquam, reditus unde non patet,
Transmiserit me janua.

PSAL. XL. *Exspectans expectavi Dominum, &c.*

- 2 Q Uum circumfremere me timor & minæ,
Intentansque avidam mors fera dexteram,
Spes cœlestis opis, fera licet, tamen
Lenibat trepidam sollicitudinem.
- 3 Advertit Dominus, meque voragine
Cœnosi implicitum gurgitis extulit:
Ac faxi solidis imposito jugis
Monstravit facilem qua graderer viam.
- 4 Afflavitque novo pectora spiritu,
Suffecitque suæ materiam novam
Laudis, quam canerem dulce loquacibus
Nervis, ac numeris lene sonantibus.
Hæc cernant rapidæ qui violentiæ
Fati vel dubiis casibus imputant
Eventa; ac trepidi se Domini infidem
Dent, qui stellifero regnat in æthere.

5 Fe-

2 Turbidas transigimus Vitæ brevis molestias.] Major codicum pars, & ii fere antiquiores, Turbidas molestias Vitæ brevis transigimus. Sed quam nos secuti sumus.

lectio venustior videbatur: magis tamen arrideret transigimus, si syllabæ modulus pateretur.

- 5 Felix, qui stabili spe Domini-
num ac fide
Spectat, quem tumidae pompa
superbiae
Non ad se illecebris ducit inani-
bus,
Fallacique boni ludit imagine.
- 6 In nos, sancte parens, quot vi-
gilantiae
Et quam mira tuae pignora sup-
petunt,
Quae nec mens acie cernere lan-
guida
Possit, nec numero lingua rete-
xere!
- 7 Aures mi tacite vellis, & ad-
mones
Quod labem sceleris nec pre-
mium levet,
Nec sanguis pecudis nil meritae
eluat,
Nec consumpta foci expict ho-
stia.
- 8 Tum dixi, Venio: quod libet
impera:
Adsum, sancte parens, iussa ca-
pessere
Promptus: ceu tabulis scripta fi-
delibus
Edunt perpetui fata voluminis.
- 9 Huc mens, huc studium ten-
dit, uti tuis
Conformem monitis quae gero;
quae loquor,
Quae necum tacitus cogito: nam
tua
Incisa est animo lex penitus meo.
- 10 Famam iustitiae per populos
tuae
Late praeco fero: nec labiis meis
Nec linguae requies, omnibus ut
tua
- Terris (ipse vides) nota sit æqui-
tas.
Nec iustum tacui te mala ple-
ctere,
Promissique tenacem, & miseris
opis
Largum: me bonitas indice gen-
tibus
Cunctis facta palam est, & tua
veritas.
- 12 Defendant igitur me bonitas
tua,
Promissique fides fallere nescia:
Obsessumque malis innumeris tuae
Me, rerum genitor, protege dex-
tera.
- 13 Me poenae, capitis quae supe-
rent pilos,
Omni ex parte premunt, quas
neque luminis
In promptu est acie nosse: animus
stupet,
Curarum innumeris obrutus aesti-
bus.
- 14 At tu, mundi opifex sancte;
salutifer
Adsis: auxilium fer cito, & ul-
timis
Oppressum penitus subtrahe me
malis,
Ut pravi pudeat consilii impro-
bos.
- 15 Turpem ignominiae tristitiam
ferant,
Tendunt exitio qui laqueos meo:
Infamem referant consilii exitum,
Nostris qui capiunt lœtitiâ e
malis.
- 16 Hunc fructum sceleris perci-
pian sui,
In fraudem ut recidant, quam
mihi struxerant.

Finis

1 Defendat igitur. Hart. anno 1615. Defendat: at obstat carminis lex.

- F**rustratus doleatque & rubeat,
meas
Qui ridet lacrymas, & fruitur. 18
malis.
17 Qui credunt fidei se penitus
tuæ,
Illos auxilii spes recreet tui:
Ac semper Domini nomen ama-
bile
Certent tergeminis tollere hono-
ribus.
Exspes, pauper, inops sim li-
cet, at mihi
Custos rerum opifex pervigilex-
cubat.
Vitæ o præsidium & certa salus
meæ,
Adhuc, neu trepida me crucia mora.

PSAL. LXI. *Beatus vir qui intelligit, &c.*

- B**eatus ille, qui misertus pau-
peris,
Fert rebus in duris opem:
Nec arroganti despicit fastidio
Prostratum & oppressum ma-
lis.
3 Quem rere fractum, & penitus
abjectum, Deus
Attollit, & solabitur.
Cura fideli Dominus illum mu-
niet,
Et e periculis eruet:
Interque vivos sospiti dabit frui
Vitæ beatæ commodis.
4 Artus cubili quum dolor prostra-
verit.
Opem feretque, & lectulum
Versabit: omnem prorsus ægri-
tudinem
In dulce vertet gaudium.
5 Quum me doloris vis acerbi af-
fligeret,
Opem poposci te, Deus.
Animæ medere faucibus (dixi) sui
Sceleris pudendo vulnere.
6 Dira imprecatur hostis, ac me
devovet,
Lætus meis incommodis.
Quando interibit, (inquit) &
cum corpore
Nox una nomen obruet?
7 Si forte quis me visit horum;
corporis
Animique morbis anxium,
Vultu dolorem fingit, ac suspi-
ria
Læto trahit de pectore:
Foras profectus conditum in præ-
cordiis
Repente virus evomit.
8 In me susurrat clanculum atque
obmurmurat
Scelestæ conspiratio.
Clam machinantur sæva, in exi-
tium meum
Consilia cuncta conferunt:
9 Secumque jactant; Missa certè
coelitus
Nunc dira vis mali hunc li-
gat:
Prostratus hæret: lectulo affixus
jacet,
Noctem trahens novissimam.
10 Quin & sodalis, & mihi mensa
& domo
Conjunctus, & cui maxime
Fidebam, ad hostes conferens
sele meos,
In me ferox recalcitrat.
11 At tu salutis auctor & custos
meæ,
Benignus in me respice: Ma-

Manum jacenti da salutare, ho-
stibus
Parem ut rependam gratiam.
12 Tui favoris pignus id certissimum
Erit mihi, & constantiæ
In me tuendo, quod malis lætus
meis
Hostis ferox non gestiat.
13 Vires recepit corpus, innocen-
tiam

Servavit animus, dexteram
Te porrigente, qui receperas
tuam
Semper tuendum me in fidem.
14 Agnoscat orbis unicum & colat
Deum,
Quem gens honorat Isaci:
Unumque laudet, temporum do-
nec vices
Luces & umbræ dividunt.

PSALMORUM

Liber Secundus.

PSALMUS XLII. *Quemadmodum desiderat cervus; &c.*

2 **N**ON cervus fluvios sic
avet algidos,
(Cervus turba canum
quem premit) ut tui.
Cor desiderio carpitur anxio,
Rerum conditor optime.
3 Huc me raptat amor dulcis, &
impotens
Ardor ferre moras. O niveum
diem,
Qui templo reducem me statuet
tuo!
O lucis jubar aureum!
4 Jejunus lacrymis pro dape se do-
lor
Pascit, turba meis obvia dum
malis
Illudens rogat, Heus iste tuus
Deus
Cur nunc deferit exulem?
5 Atrursus bonitas quum subiit tua,

Et menti auxilii certa fides tui:
Illuxit trepidæ, temporis illius
Me consolor imagine:
Festis quum populus me reducem
choris,
Faustisque excipiet vocibus, &
Dei,
Pompa cum celebri, me comi-
tabitur
Augusta ad penetralia.
6 Cur me sollicitis teque dolori-
bus
Mens ægra exanimas? pone me-
tum, ac Deo
Te da: quo patriæ vindice red-
ditus,
Grates sospes adhuc agam.
7 Hæc mentem recreat spes, licet
aviis
Jordanis lateam saltibus, Her-
monis

Exull

- Exul dura licet saxa perambu-
lem,
Solis hospita belluis.
- 8 Quamvis agminibus me mala den-
sius
Omni ex parte premant, quam
super horridos
Montes grando sonat, quam ma-
re verberat
Raucis littora fluctibus:
- 9 Tu me si placido lumine vide-
ris,
Cedent tristitiæ nubila: tetricas
Mœroris tenebras discutiet mihi
Lucis dulce jubar tuæ.
- 10 Laudes interea non mihi nox
tuas,
- Non curæ impediunt: O colu-
men meum,
(Dicam) & certa salus, ludibrium
feris:
Cur me deferis hostibus?
- 11 Dirumpor, tacitis æstuat igni-
bus
Pectus, turba meis impia dum
malis
Insultans rogat: Heus iste tuus
Deus
Cur nunc deferit exulem?
- 12 Cur me sollicitis teque doloribus
Mens ægra exanimas? pone me-
tum, ac Deo
Te da: quo patriæ vindice red-
ditus,
Grates lætus adhuc agam.

PSAL. XLIII. *Judica me Deus, & discerne causam meam, &c.*

- V Index esto mihi Deus,
Et patrocínio protege
me tuo,
Oppressum scelere impio:
Et fraudum laqueos frange ne-
farios.
- 2 Vitæ o præsidium meæ,
Cur me præsidio destituis tuo?
Cur luctu vagor obsitus,
Dum sævæ furias vito tyranni-
dis?
- 3 Profer lumen opis tuæ:
Montem pande viam quæ ferat
ad tuum:
Montem, quam proprie do-
mum
- Majestate tui numinis incolis.
- 4 Atque aram adveniam ad tuam,
Ac te, lætitiæ materiam meæ:
Et grata cithara tibi
Grates lætus agam, conditor
optime.
- 5 Cur mœres anime anxie,
Ac me sollicito pectore mace-
ras?
Omnem pone metum, ac
Deo
Curam crede tui, quem super
æthera
Cantu sospes adhuc feram,
Quum salvus patriæ reddar ama-
bili.

PSAL.

[Tu me si placido lumine videris.] Ita
Hart. anno 1621, quod & numerosius
nobis visum: ita enim Psal. LXXX,
Tu nos si placido lumine videris:

aliis autem omnibus, Tu si me placido l. v.
legitur. Horat. lib. IV. Od. 3. unde hæc
deprompta sunt, licet non dirimit.

PSAL. XLIV. *Deus, auribus nostris audivimus, &c.*

- 2 **V**etusta ad aures fama nostras attulit,
Serisque patres posteris
Stupenda facta tradidere a te, Deus,
Patrata priscis seculis:
3 Eliminatis quum profanis gentibus,
Et incolis prioribus,
Eorum labore fructibusque perfrui
Nostris dedisti patribus.
4 Certe nec armis lucidis, nec viribus
Debemus has victorias:
Sed nos favoris aura mollis & tua
Protexit indulgentia.
5 Ergo, salutis auctor unice, o Deus,
Ades piis salutifer.
6 Te dante vires, hostium ferociam.
Tam facile profligabimus,
Taurus minaci quam jacet cornu pilas,
Stipulaeve fasces arida.
Superba Regum colla crasso in pulvere
Prostrata conculcabimus.
7 Non arcus istam lethifer fiduciam,
Non mucro saevus ingerit:
8 Tu nos ab hoste subtrahes, sternes solo
Infensa nobis agmina.
9 Non ergo semper jure te cantabimus.
- Nostræ salutis vindicem?
Ac donec orbis astra volvet ignea,
Te prosequemur laudibus?
10 At nunc relictos objicis ferocium
Injuriam nos hostium,
Nec prodis ante nostra ductor agmina,
Qualis solebas antea.
11 Hosti imminenti terga cogis vertere,
Prædæque das prementibus.
12 Pecus ut macello destinata, exponimur
Cædentium libidini.
Omnesque terras barbararum gentium
Errore complemus vago.
13 Venum dedisti nos palam, nec auctio
Te ditiolem reddidit.
14 Vicina nostris oppida insultant malis,
15 Cladesque rident: fabula
Sumus profanis nationibus: caput
Motant, labella exporrigunt.
16 Oculis oberrat usque contumelia,
Pudorque vultus inficit:
17 Dum voce acerba injurias exasperat,
Minasque torvas adjicit
18 Hostis protervus. ² Obruti tot cladibus,
Tot undequaque instantibus,
Tamen nec unquam est animus oblitus tui,
Tecumque pacti fœderis:

19 Sese

1 *Cantabimus.*] Steph. Plant. Argent. *laudabimus.*

Tom. II.

2 *Obruti tot cladibus.*] Supplendum *licet simus*; quod duriusculum videtur.

G

- 19 Sese nec ullis territus periculis
Avertit aut flexit via
20 Recta pes : etsi penitus abjecti
interim
Abs te : licet draconibus
Imitioris gentis addicti jugo,
Feramus umbram ergastuli;
Et servitutem lugeamus, & ne-
cem
Vitæ precemur tædio.
21 Iniqua meritis si tuis oblivia
Offuderint se mentibus
Nostris, manusve supplices pro-
tendimus
Diis impiarum gentium;
22 Id te lateret, abditas qui pecto-
ris
Prorsus latebras inspicias?
23 Te propter, odio cæteris popu-
lis sumus,
Et instar ovium cædimur.
In te favoris pendimus pœnas :
tui
Amoris odia nos premunt.
24 Exsurge, similem somnolentiæ
moram
Salutis auctor corripe.
25 Cur ora condis, immemorque
negligis
Tuos malis in ultimis?
Afflictus animus, & malis præ-
sentibus
Lassus, futuris anxius,
26 Succumbit oneri : strata tabe-
scunt humi
Defecta membra viribus.
27 Exsurge genitor, & vigore cor-
poris
Animique cassos subleva :
Clemens bonusque nos ab hostis
impii
Immanitate libera.

PSAL. XLV. *Eruclavit cor meum verbum bonum, &c.*

- 2 **C**Or micat, exsultant trepidis præcordia fibris,
Eruclantque novum gravido de pectore carmen:
Certat lingua animum fando, manus æmula linguam
Scribendo exæquare, meo nova carmina Regi
3 Dum cano : Regi, hominum cui nemo e semine cretus
Audeat eximiae contendere munere formæ:
Quem decorat lepor, & roseis affusa labellis
Gratia : cui rerum cæli indulgentia spondet
Hunc fore perpetuum longæva in secla tenorem.
4 Ergo, armis invicte heros, age, fortibus apta
5 Ensem humeris: ensē, per quem te gloria cælo
Æquat; & adversum fidens fer pectus in hostem.
Frena tibi currus Verum moderetur & Æquum,
Et quæ præcipitem Clementia temperat iram.
His ducebus tibi surget honos, tua dextera factis
Clara per ignotas fundet miracula terras,
6 Cordaque vulnificis figens inimica sagittis,
Sponte tibi coges validas procumbere gentes.
7 Nec maris aut terræ spatium, nec terminus ævi
Finiet imperium, sceptri moderamine iusti

Quod

- Quod regis, & leges mollis clementer acerbis.
- 8 Te super æquævos omnes regnator olympi
Diligit, & læto vultum exhilaravit olivo:
Unde tui mulcent populi nova gaudia mentes,
- 9 Pallia quum loculis tibi depromuntur eburnis,
Et myrrhæ passim lacrymæ, stactæque suavis
Halitus, & molles casæ funduntur odores.
- 10 Ancillæ apparent genus alto e sanguine Regum
Inter honoratas promptæ ad tua jussa ministras.
At Regina, thori consors, tibi dextera adhæret,
Auro picta sinus, auro radiata capillos,
Misit ab Eois Ophyre quod flava caminis.
- 11 Tuque adeo Regina audi, & rem pectore conde:
Nec mea dicta nega placidas demittere in aures:
Jam nunc & patriam & patrem obliviscere, jam nunc
Ex animo caros penitus deponere propinquos:
Unum oculis spectâ, unum animo complectere Regem:
Regem oculis animoque, tuo qui pendet ab ore,
Unius & pulchris defixus vultibus hæret.
- 12 Hunc dominum agnosce, & supplex venerare: nec ille
- 13 Officio studioque tibi concedet: & illa
Undarum regina Tyrus te murice & auro
Accumulans colet: & vicina per oppida late
Procumbent tibi suppliciter gazisque potentes,
Aut opibus clari: meritumque feretis honorem
- 14 Hunc populi. Pharii proles generosa tyranni
Tota decens, tota est gemmisque insignis & auro:
Et facies cultum illustrat, facieque decora
- 15 Pulchrior est animus. Tibi, Rex, en ducitur uxor,
Dives opum, dives pictæ vestis & auri,
Virginibus comitata suis, de stirpe propinqua;
Virginibus, quas pompa frequens clamore secundo
- 16 Insequitur, plausuque fremens lætæque choreæ
Cantibus augustam lætas deducet ad aulam.
- 17 Neu desiderio nimium tangere tuorum
Virgo, tibi dulcem patrisque & matris amorem
Leniet adnascens sobolis generosa propago:
Quos regere imperio terras, totumque per orbem
Adspicies populos sceptris frenare superbos.
- 18 Nec tu carminibus Regina tacebere nostris:

Qua-

1 Nec tu carminibus Regina tacebere no-
stris.] Ita omnes libri, præter duas Lon-
dinenfes, Tho. Vautrollerii scil. anno

1580, & Alex. Julii 1620, quibus
Nec tu carminibus, Rex magne, tacebere
nostris,

Quaque patet tellus liquido circumfusa ponto,
 Posteritas te sera canet: dumque aurea volvet
 Altra polus, memori semper celebrabere fama.

PSAL. XLVI. *Deus noster, refugium & virtus, &c.*

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>2 QUum muniat nos præsidio
 suo,
 Virtute firmet, cum gravis in-
 tonat
 Procella, fortunæ periculis
 Eripiat dominator orbis,
 3 Nullam expavemus vim: quatiat
 licet
 Orbem tumultus, terraque fedi-
 bus
 Convulsa, montium ruinis
 Arctet aquas pelagi fremen-
 tis:
 4 Infana quamvis æquora sæviant,
 Et vorticoso gurgite torqueant
 Spumamque limumque, & pro-
 cellis
 Terrificis scopulos flagel-
 lent.
 5 Nam civitatem, cui Deus unice
 Indulget, aris & propriam suis
 Dicavit, argenti pererrans
 Lympha fugax hilaret li-
 quore.
 6 Occulta ne vis aut timor hosticus
 Urbis quietem sollicitet, Deus,
 Gentis suæ intentus saluti,
 Prævenit auxiliis pericla.
 7 Gentes tumultus concitet impias.
 Et regna belli concutiat furor.</p> | <p>Flammis fremit cælum co-
 ruscis,
 Terrificet labefacta tellus:
 8 Hac & duelli, pacis & arbiter
 Stat, præliorum qui regit exitus,
 Munimen, & nostræ salutis
 Præsidium, Deus Abraha-
 mi.
 9 Venite, adeste, & cernite non
 prius
 Audita, mira, incognita, quæ
 Deus
 Patravit in terris ab ortu
 Solis ad Hesperium cubile.
 10 Funesta belli incendia sustulit:
 Fregit cruentæ spicula lanceæ:
 Contrivit arcus, & volucres
 In cinerem minuit quadri-
 gas.
 11 Sedate motus mentis, ait Deus,
 Measque vires noscite, quem co-
 let
 Quocunque sub cælo repostas
 Gens hominum colit orbis
 oras.
 12 Hac & duelli, pacis & arbiter
 Stat, præliorum qui regit exitus,
 Munimen, & nostræ salutis
 Præsidium, Deus Abraha-
 mi.</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL.

Scriptum est, & forte rectius: hæc enim
 ab omnibus fere interpretibus ad JESUM
 CHRISTUM referuntur.

[1 Hac & duelli.] Steph. Plant. Ar-
 gent. Hac is duelli.

PSAL. XLVII. *Omnes gentes plaudite, &c.*

2 **T**elluris omnes incolæ
Deo canoros edite
Plausus, canoris ' pangite
Læti Deum præconiis:
3 Deum verendum & arduum,
Malisque formidabilem,
Qui regna fastu turgida
Frenat potenti dextera:
4 Qui bellicosa compulit
Parere nobis oppida:
Nostrumque gentes inclytas
Armis coëgit sub jugum:
5 Hæreditatem qui suam
Nobis colendam credidit;
Unde Isaci nepotibus
Æterna fulget gloria.
6 En templa scandit prævio
Lætum canente classico:
En scandit auctor omnium
Vulgi secundis plausibus.

7 Cantate læta carmina
Deo, canora carmina
Cantate: Regi psallite
Jucunda vestro carmina.
8 Qui sceptrâ rerum temperat;
Ac regna terræ dividit:
Docti modorum dulcibus
Hunc ferte in astra cantibus:
9 Qui dirigit mortalium
Res, & salubri vinculo
Legum coërcet, lucido
E siderum prætorio.
10 Ad hunc potentes gentium
Se contulere principes:
Ultroque colla sub jugum
Rerum dedere præsidēs.
Nostrum Deum diis cæteris
Sublimiorem agnoscite,
Cælum, solumque, & sidera
Suo regentem numine.

PSAL. XLVIII. *Magnus Dominus & laudabilis, &c.*

2 **R**ector beate cœlitum, cui
nil viget
Simile aut secundum, cœli-
tum
Beate rector, sancta jure te Sion
In astra tollit laudibus:
3 Sion opacam versa ad Arcton,
regia
Formosa Regis optimi:
Sion voluptas gentium, uberis
foli
Arvis beatis accubans.
4 Sensere Domini vindicis poten-
tiam

Solymæ superba moenia:
5 Sensere numen, quum feroces vi-
ribus
Coiere Reges, copiis
Castrisque junctis, servitutem ci-
vibus
Tuis minati & vincula.
6 Perstrinxit oculos intuentium
stupor,
Et horror artus perculit:
7 Quales tremores querulus exci-
tat dolor
Vexante partu fœminas:

8 Pa-

[1 Nescio an auctore bono hanc locutionem adferere posset Buchananus. Mihi numquam lectam fateor, nec verbi proprietati satis convenire videtur, *Deum pangere præconiis*. Videant doctiores. utitur eadem locutione infra Psalm. LXXI. & XCVI. & alibi.]

- 8 Pavorque trepida sparfit attoni-
tos fuga,
Euri procella ut æquora
Excita ab imis penitus evertens
vadis,
Trepidans carinas dissipat.
- 9 Hæc facta priscis rettulere seculis
Parvis parentes liberis:
Hæc nos in urbe vidimus Dei,
ratis
Qui frenat orbem legibus;
Hæc urbe in illa vidimus, cui
pervigil
Deus ipse custos excubat.
- 10 O sancte rerum genitor, in re-
bus malis
Tuam advocamus dexteram:
Tuas ad aras supplices advolvimus.
- 11 O rector orbis optime,
Tua laus per oras ultimas mun-
di, & tuæ
- Imago fulget gloriæ
12 Et æquitatis. Te scelestos verberet
Plectente iusto, gestient
Colles Sionis: nec feret tacitum
suum
Judæ propago gaudium.
- 13 Ite, & Sionem obambulate, mœ-
nia
Spectate, turres arduas
- 14 Numerate, fossam & aggerem
intuemini,
Molesque celsas ædium.
Narrate natis, posterorum ut au-
diant
Et obstupefiant secula:
- 15 Solumque noscant & colant no-
strum Deum,
Ortusque finisque inscium;
Qui sempiternus sempiterna nos
ope
A fraude vique proteget.

PSAL. XLIX. *Audite hæc omnes gentes, &c.*

- 2 **A**udite gentes, ortus & occi-
dens
Advertite aures, & medio dies

Quos torret axe, & qui vitreum
solum
Ponti nivali finditis orbita.

3 Au-

1 *Excita ab imis.*] Mire hic variant
codices: duæ enim Stephanorum fratrum
editiones, anno 1565, & 1566; duæ Ch.
Plantini, anno 1566, & 1567. Argen-
torat. anno 1566, & Londinensis anno
1620, habent

Verrans ab imis penitus excitum vadit.

Idem quoque præfert editio Rob. Step-
hani an. 1575, nisi quod *excitum* pro *excitum*
legatur. Editio autem Rob. Stephani 1580,
Ja. Stoeer 1591, tres Fr. Raphelengii, 1595,
1603, & 1609, And. Hart. 1615, H. Elz.
1621, Gideonis Lithgo 1660, & aliæ,

Excita ab imis penitus everrens vadit.

At Elzev. 1628, Janssonii 1640, Amst.
1665, Joan. Cairns 1677, Lond. 1686,
Westenii 1687,

Excita ab imis penitus evertens vadit:

quam nos lectionem sequendam duximus,

nixi præcipue illo Virgilii *Æn.* 1. v. 43.

Disceatque rates, evertatque æquora ventis;
& illo v. 129.

Emissamque hiemem sensit Neptunus, & imis
Stagna refluxa vadis.

quæ Buchananani animo, cum hæc scriberet,
obversata videntur. Editio denique
Londinensis Tho. Vautrollerii anno 1580.
ab omnibus longe recedit: in qua tamen
haud ineleganter legitur,

Euri procella ut æquorum

Undas ab imis penitus attollens vadis.

[Sine dubio evertere huic loco non conve-
nit, quia de procella agitur, quæ ere-
tit æquor. Verrunt & everrunt mare remi-
ges. Vid. Heinf. ad Ovid. 1. *Amor.*
1x. 14. qui tamen ad Metam. xi. v. 499.
etiam *verrere* tribuit tempestati, cui in
edendo obsecutum me fuisse poenitet.]

3 Audite, sive ignotus, & infima
De plebe pauper, sive opibus
potens,
Multaque fulges plebe clientium,
Aurique gazis ditibus incubas.
4 Fontes recludam jam sapientia:
Plenoque promam pectoris e penu
5 Prudentiam: jam lingua recondita
Oracula gessit carmine pandere.
6 Cur congerendis me cruciem bonis,
Famemque & acrem pauperiem
timens,
Ut vita curis anxia tristibus
Me tristiore tridat ad exitum?
7 Gemmis & auro & murice divites
Superbientes adspice, qui sibi
Gaudent beato plaudere somnio,
Tutosque fluxis credere se bonis.
8 Germanus auro non redimet suum
9 De morte fratrem: nec pretio Deum
Donisve flectet fata retexere,
Ut membra liquit frigida spiritus.
10 Sed nec perennes interitus moras
Dives pacisci, nec potis est putres
Ne solvat artus tempus edax:
vetat
Id lege dura fixa necessitas.
11 Mors æqua stultis & sapientibus
Intentat arcum: par manet exitus

Vitæ hos & illos: occupat improbis
Ignotus hæres parta laboribus.
12 Villæ superbæ delicias breves,
Luxuque structas regifico domos
Linquunt: sepulchrique irremediabilis
Tenebricosis sub latebris jacent.
Quid fama duris parta laboribus
Prodest? inanis quid tituli decus?
Quid aura blandæ laudis, & ambitus
Nomen futuris prodere seculis?
13 Quum vani honoris ver breve floruit,
Lethale spirans mortis hiems, viros
Et bruta raptans interitu pari,
Oblivionis nube pari premit.
14 Hac stulti ierunt: hanc male providos
Ducet nepotes error in orbitam:
15 Quos mors sepulchri sub scrobe conditos
Depascet, imbelles ut oves lupus.
Æterna cœli temperies pios
Manes fovebit lucis in aureæ
Splendore: qualis mane fluit nitor
Per prata vernis picta coloribus.
Stultis senectus robora deteret,
Pro sumtuosis bustum erit ædibus:
16 At me benignus de barathri cavo
Specu remissum suscipiet Deus.
17 Nec te cupido sauciet æmula,
Stuporve, si quem videris impia

De

- De plebe fluxis conspicuum bonis,
Clarumque multa fulgere gloria.
18 Quum dexteram mors illacrymabilis
Injecit, ex tam divite copia
Secum sub umbras nil feret: & comes
Infida bustum gloria deferet.
19 Dum commeantis pectora spiritus
Haustu calescunt, perfruitur bonis,
Seseseque curat molliter, & monet
- Omnes eundem pergere traminem.
20 At quum parentes cesserit ad suos,
Longum dolebit stultitiam brevem,
Ad regna tractus lucis egentia,
Quæ semper horror nubilus obfidet.
21 Rectrix honoris ni sapientia
Acceperit, brutis homo bestiis
Nil interest: quos vita facit pares,
Expectat æque inglorius exitus.

PSAL. L. *Deus Deorum Dominus locutus est, &c.*

- 1 Qui frenat æquis, legibus arbiter
Superba ¹ Regum colla minacium,
Vocabit in jus orbem ab ortu
Solis ad Hesperium cubile.
2 Vultu verendo ² tum facer ardua
Pulchræ Sionis de specula loquens,
Ad gentis humanæ coactum
Concilium Deus ora solvet.
3 Non facta semper, non sinet impia
Impune grassari, veniet Deus:
Flammæ vorax illum antece-
det.
Vis rapidis agitata ventis.
- 4 Testes, vocabit, cum populo suo
Acturus, ignes, lumine conscio
Qui cuncta despectant ab alto, &
Omniparæ sola vasta terræ.
5 Adeste primum gens mihi propria,
Gens sancta, (dicet,) cui super hostiis
Legem dedi rite offerendis,
Perpetuum pepigique fœdus.
6 Hic æquitatem judicis igneus
Miratus æther, justitiam Dei
Annunciabit: nam sedebit
(Ne dubita) Deus ipse judex.

7 Audi

1 *Regum colla minacium.*] Non minacium, quod adversus meliorum membranarum fidem Horat. lib. 2. Od. 12. (unde hæc noster mutua defunxit) nuperis editionibus receptum ægre fert Criticorum Princeps Rich. Bentleius.

2 *Tum facer ardua.*] Quidam Deum hæud recte. *sacrum* dici existimabunt,

quod; juxta Popmam de Differ. verb. inanima tantum *sacra*; *sancta* autem tam animata quam inanima proprie appellantur. Verum optimi etiam scriptores hanc distinctionem hæud raro neglexerunt, Liv. lib. III. *Quibus ipsi Dei neque sancti sunt.* Et Horat. lib. IV. Od. 9. *Carent quia vane sacro...*

- 7 Audi Abrahami progenies boni,
Peculiaris gens mihi: te voco,
Testem benignitatis in te
Perpetuæ, & soliti favoris.
- 8 Non arguam te, quod mihi vi-
ctimæ
Cruore raro altaria sparseris,
Aut parcus armenti cremaris
Rara sacris holocausta flam-
mis.
- 9 Non taurum egens te de stabulis
peto,
- 10 Hircumve caulis: omne pecus
meum est,
Quod montium anfractus per-
errat,
Quod nemorum tegitur la-
tebris.
- 11 Nec me volucris rupis in edito
Usquam recessu nidificans latet:
Non ulla picturato amictu
Ruris avis genialis hospes.
- 12 Quod si esurirem, scilicet ut pe-
tam
A te necesse est, arbiter ætheris
Terræ, fretique, & quicquid
ingens
Orbis habet gremio ca-
paci.
- 13 Taurine vescor carnibus, aut bi-
bo
- 14 Hirco cruorem? pectore candido
Grates age, & quovis litabis
Rite Deo sine cæde voto.
- 15 Tum deprehensus rebus in asperis
Securus implora: auxilium feram,
Grates ut accepta salute
Lætus agas, Dominumque
laudes.
- 16 At impium sic alloquitur Deus;
Qua fronte leges tu recitas meas?
- Et ore sanctum impurus au-
des
Sacrilego memorare fœ-
dus?
- 17 Tu legum habenis impatiens re-
gi,
Et institutis, moribus & bonis
Juratus hostis, voce laudas,
Tecum animo mea verba
rides.
- 18 Cum fure furti consilium cois;
Mœchis adulter te socium appli-
cas:
- 19 Ad probra projectus, dolosa
Perniciem meditare lingua.
- 20 Cum fratre juncti vincula san-
guinis
Oris procacis non rabiem pre-
munt:
Infamia germanum eodem
Dedecoras utero creatum.
- 21 Et arbitraris me similem tui,
Quod perpetrata hæc dissimula-
verim?
Ne crede: tecum expostula-
bo,
Ante oculos tua facta po-
nam.
- 22 Considerate hæc vos, quibusex-
cidit
De mente cæca mentio numinis:
Ne, quumprehendam, nemo
fit, qui
De manibus mihi prensa
tollat.
- 23 Si victimam vis magnificam mihi
Mactare, laudes canta, age gra-
tias:
Hac itur ad certam salutem,
Hæc superos via pandit
axes.

PSAL:

PSAL. LI. *Miserere mei Deus, &c.*

- 3 **O** Salus rerum, lacrymis precantum.
Mollibus flecti facilis, rogantem
Lenis exaudi, scelerumque tetras
Ablue fordes.
- 4 Usque peccati lave & usque labem,
Dum repurgatum maculis pudendis
Purius corpus niteat recocto
Ignibus auro.
- 5 Nam meam agnosco (pudet heu pigetque)
Ah miser labem: vitiique foeda
Mentis obversans oculis imago
Semper oberrat.
- 6 Unus arcani es mihi testis: unus
Arbiter verax, temerario ausu
Improbis linguas tua iudicantem
Facta refutas.
- 7 Quippe jam primo scelus usque ab ortu
Hæret, infectas vitians medullas:
Deque conceptu genitricis haustum
Semina labis.
- 8 At tibi cordi est sine fraude veri
Simplicis candor, fideique certæ
Puritas, nullo labefacta duri.
Turbinis ictu.
Hanc facis tanti, vitiis ut atris
Oblito, legum sapientiæque
Tu mihi arcanae facilis beatum induleris haustum.
- 9 Ergo me hyssopi, sator alme, lustras
Frondis adpersu: maculaeque cedent,
Membra candorem tibi lota vincunt
Pura nivalem.
- 10 Si bonus latus placidusque mitas
Nuntium, tristem mihi recreabis
Gaudio mentem: stupidos recurret
Robur in artus.
- 11 Ne meos lapsus oculis acutis
Semper observa, numerave labes:
Sed malæ culpæ nimium tenaces
Ablue fordes.
- 12 Cor mihi rectum, scelerisque purum,
O potens rerum genitor, refine:
Spiritus firmum renova novata
Cordis in aula.
- 13 Neu mihi avertas faciem, tuoque
Areas vultu procul, auferasque
Spiritus sanctum, calida incitatus
Rursus ab ira.
- 14 Redde, speratae solido ut salutis
Gaudio per te fruar, inquieti
Spiritu motus animi rebelles
Principe firma.

15 Tum

[Spiritu motus animi rebelles Principe firma.]
Sequitur hic præcipue videtur versionem
LXX viralem, Πνεύματι ἡγούμενῳ ἐνπίστῳ
aut vulgatam, Spiritu principali confir-
ma me: ad quæ verba sic Isidor. clarius,

Spiritu illo principe muni me, Spiritu digno Prin-
cipibus & ad eorum officia necessario, quos oportet
plurimis sapere. Aliis tamen, rectius forte
& Hebraico textui convenientius, ver-
titur Spiritu liberali, voluntario, ingenuo, &c.

- 15 Tum meo exemplo moniti sce-
lesti,
Quos via flexit malefuadus er-
ror,
Denuo legum ducē me tuarum
Jussa capeſſent.
16 Expia noxa mihi ſoſpitor
Cædis infandæ caput obligatum,
ut
Te canam juſtum, pariterque
lapſis
Parcere largum.
17 Tu viam vocis mihi pande: mu-
tum
Tu Deus linguæ moderare ple-
ctrum:
Tum feram late tua magna gen-
tes
Facta per omnes.
18 Victimæ ſi te caperent, dedif-
ſem
Victimam: ſed te neque ſanguis
hirci

- Fuſus, aut ſacris holocauſta pla-
cant
Addita flammis.
19 Pœnitens fraudum ſclerumque
pectus,
Spiritus fracti, mala cor pero-
ſum,
Hæc Deum placant: adhibe hæc,
& abſque
Thure litabis.
20 Gentis humanæ bonæ dux, Sio-
nem
Quo ſoles vultu facilis tuere:
Pace florentes Solymæ beatæ
Protege turres.
21 Tum tibi votis bona mens pudî-
cis
Sacra perſolvēt: ſacer hircus
ignes
Paſcet, & ſanguis vituli calen-
tem
Imbuet aram.

PSAL. LII. *Quid gloriaris in malitia? &c.*

- 3 Quid gloriaris, impie
Tyranne, pravis artibus?
Innoxiiſ clementia
Divina ſemper excubar.
4 Tua lingua ſemper fraudibus
Intenta comminiſcitur
Nefas, nitente cotibus
Acutior novacula.
5 Te prava rectis plus juvant,
Plus falſa veris recreant:
6 Dolique peſſilentibus
Libenter aurem commodas:
7 Ergo Deus te conteret,
Hominumque contubernio
Eliminabit, ac domum
Evertet omnem funditus.
8 Juſtus videbit, & gravem
Dei pavebit dexteram:
Vanaque dignos exitus
Ridebit impotentia.
9 En ille gazis (inquiet)
Malique fidens artibus,
Securus ille numinis,
Divinæ opîs nil indigens.
10 Ego, ceu virens olivula,
Domini in agello conſita,
Florebo, ſpe fretus bona
Cœleſtis indulgentiæ.
11 Te ſemper in cœtu pio
Fraudis ſceleſtæ vindicem
Canam, & tuæ clementiæ
Spe dura cuncta perferam.

PSAL. LIII. *Dixit insipiens in corde suo, &c.*

2 **O** Pinionum foeda mentem toxico,
Corpusque scelerum sordibus
Contaminata turba, vela dum cupit
Suo furori obtendere,
Ferri ac referri fortis arbitrio omnia

Humana comminiscitur.
Ergo exsoluta numinis formidine
Dat frena turpitudini:
Scelesti, foeda, abominanda excogitat,
Excogitata perpetrat.

3 Ex arce celsa siderum delexerat
Dominus in orbem lumina,
Si quem videret forte non penitus malis
Corruptum opinionibus,
Qui mentis oculis omnium fideliter

Rerum parentem quæreret.
4 Erroris omnes nubili fallacibus
Fraus illigarat casibus:
Se cuncti eisdem polluere sordibus,
Nec recta cuiquam curæ erant.
5 Ergo ille mitis, ille munificus parens,

Ira incitatus aspera,
Gens (inquit) ista plena scelerum
ac sordium;
Crudelis animo, & impia,
Quæ panis instar devorat plebem meam,

Ecquando cognoscet Deum?
Ecquando mentis lumine in periculis

Agnoscat orbis arbitrum?
6 Certe timebit non timenda, & conscius
Vexabit horror pectora.
Nam Dominus ossa conteretque,
& hostium

Ausus retundet impios.
Vultum pudoris turpibus sparget notis:

Turbabit animum infamia.
7 En unquam Eoo lucifer salutifer
Ab axe promect hunc diem?
Ab arce Dominus quum Sionis ardua

Speratam opem feret suis,
Patriæque vinclis liberos hostilibus

Reddet nepotes Ifaci:
Electa laudes illius: gens ut canat

Perfusa vero gaudio.

PSAL. LIV. *Deus, in nomine tuo saluum me fac, &c.*

3 **R**erum parens me protege,
Et sævo ab hoste libera,
Nomen boni ut colant tuum,
Et vim paveſcant impii.

4 Audi benignus supplicem,
Nec durus aurem questibus.
5 Occlude: vitæ nam meæ
Crudelis hostis imminet.

[¹ *Mentis lumine.*] Editio Hen. & Rob. Stephani 1565. & 1566. Argent. Plant. *mentis oculis.*

[² *Illius gens.*] Steph. Plant. Argent. *gens illius.*

Infestus hostis imminet
Vitæ meæ: nec vindicem
Dei potentis dexteram
Sibi imminentem respicit.
6 Rerum sed æquus arbiter
Opem feret: periculis
Me liberatum fulciet,
Et sospitem tuebitur.
7 Suis peribit artibus
Scelesta fraus, & incident

In ipsa cæci retia,
Quæ clam mihi tetenderant.
8 Liber periclo, victimis
Te munerabor: te canam
Patrem, bonis placabilem,
Malisque formidabilem:
9 Qui libero molestiis
Mihi dedisti gaudia
Haurire læto lumine
De clade gentis perfidæ.

PSAL. LV. *Exaudi Deus orationem meam, &c.*

2 **C**OELITUM rector bone, mitis
aurem
Admove in rebus trepidis vocanti,
Neu meos vultu tetrico severus
Despice questus.
3 Adspice attentus mihi quo tu-
multu
Æstuet pectus: gemitu dolores
Quo fremant, dum vis mihi frau-
que sævi
Imminet hostis.
4 Imminet sævus capiti tyrannus,
Et meæ famæ meditatur atrox
Crimen, & secum furit impo-
tenti
Turbidus ira.
5 Cor micat, nervis trepidant so-
lutis
6 Ossium nexus, animus labascit,
Semper & pallens oculis oberrat
Mortis imago.
7 Ergo sic mecum loquor: O quis
altos
Nubium in tractus celeri colum-
bæ
Me levet penna, nemorum &
remotis
Sistat in antris!
8 Ut procul cura trepida metuque
Montium solos habitem recess-
sus,

9 Ocyor ventis ferar & corusci
Fulminis alis.
10 O Deus linguas male perde pra-
vas,
Illitas linguas gelido veneno:
Quæ dolis, probbris, rabidisque
vexant
Litibus urbem.
11 Sive lux fundat radios micantes,
Sive nox fundat tenebras opa-
cas,
Excubant muris maledicta, vi-
cis
Omnibus errant.
12 Vis, furor, fraudes, scelerum li-
bido
Obsidet cunctos aditus viarum,
Et fames auri miseram trucidans
Fœnore plebem.
13 Si palam sævos inimicus enses
Stringeret, si clam laqueos pa-
raret,
Dente si famam peteret mali-
gno,
Æquior essem:
14 Tu mihi insultas comes & soda-
lis,
15 Testis arcani taciturni, & auctor
Consili, sacrae totiesque jun-
ctus
Fœdere mensæ.

16 Gentis humanæ moderator, orbem
Qui saluari regis æquitate,
Fraudis auctores scelerumque vi-
vos
Obrue terra.

17 At mihi attentam dabis æquus
aurem,

18 Sive lux promat radios ab undis,
Sive lux condant radios sub undis
Vespere fero.

19 Inter hostiles dabis ut tumultus
Tutus evadam: mihi nam superbis
Viribus fretus numeroque sævus
Imminet hostis.

20 O potens rerum, sine fine pœ-
nis
Tu premes justis scelus impio-
rum,
Arrogans pectus quibus obstinata
Intumet ira.

21 Pace qui ficta simulant amicæ
Mentis affectus, animoque vi-
rus
Occulunt, prisco neque facta cu-
rant

Fœdera ritu:

22 Lacteus blando fluit ore rivus:
Bella cor spirat fera, suaviorque
Balsamo sermo secat instar ensis
Vulnere cæco.

23 Tu tui curam Domino relinque,
Is tuos gressus reget, is dolores
Leniet, justumque ope subleva-
bit

Rebus in arctis.

24 Impio, fallaci, avidoque cædis
Fila mors rumpet viridi in ju-
venta:

Me tui, rector bone, spes favo-
ris

Certa fovebit.

PSAL. LVI. *Miserere mei Deus, quoniam, &c.*

2 **O**Rbis creator me bonus ad-
spice,
Injurioso quem pede prorutum
Hostisque conculcat, premit-
que
Assiduis agitans periculis.
3 Conculcat hostis me numero fe-
rox,
Et insolenti sævitia premit:
Nec liberas lucas laborum,
Nec vacuas finit ire no-
ctes.

4 Seu luce terror sollicitus mihi,
Seu nocte circumstat, pater o-
ptime,
Spes rebus in duris mihi una,
Et columen superas salutis.

5 Te fretus uno, pollicitis tuis
Innixus unis, nec metuam do-
los

Mortalium cæcos, minasque
Terrificas, & aperta bella.

6 Calumniantur quæ loquor o-
mnia,

Pravaque carpunt facta libidine:
Huc conferunt omnem labo-
rem, ut

Exitium mihi moliantur.

7 Cœtusque cogunt, capiti meo,
Qua fraude, qua vi, jugiter im-
minent:

Vestigia observant, nec ho-
ram

Insidiis vacuam relinquunt.

8 Impune tantam nequitiam fe-
rent?

Pravique fructum consilii le-
gent?

O arbiter mundi, nec illos
Præcipites agis in ruinam?

9 Meæ

- 9 Meæ labores tu numeras fugæ:
Urna repostas tu lacrymas meas.
Servas: apud te certa constat
Usque mei ratio doloris.
- 10 Aurem vocanti tu facilem mihi
Das, atque inanes spes facis hostium:
Et signa non obscura amici
Das animi, & stabilis favoris:
- 11 Te fretus uno, pollicitis tuis
Innixus unis, nil metuam dolos
- Mortalium cæcos, minasque
Terrificas, & aperta bella.
- 12 Te semper ergo carmine patrio
Laudabo, vitæ præsidium meæ:
- 13 Ex hostium ferro dolisque
Incolumis tibi vota reddam.
- 14 Te liberatus vindice, te meum
Firmante gressum, ne titubent pedes;
Dum spiritus fovebit attus,
Jussa sequar tua, rector orbis.

PSAL. LVII. *Miserere mei Deus, miserere mei, &c.*

- 2 S ANCTE parens, miserere animæ pereuntis, & omnem
In te salutis quæ locavit spem suæ:
Meque tuis alis rectum defende, procellæ
Dum sævientis impetus deferbeat.
- 3 Te voco, te (solum in rebus quod restat egenis)
Appello, supplex & tuam imploro fidem.
Te voco, qui cumulata mihi promissa refundes,
Et cœpta duces prosperos ad exitus:
- 4 Qui mihi subsidium e cœlo præbebis, & hostis
Jamjam imminentis liberabis faucibus:
Qui dabis auxilium ex adyto sublimis olympi,
Memorque fidei & pristinæ clementiæ.
- 5 Inter enim sævos habito feritate leones:
Flammam vomentes versor inter belluas,
Lingua quibus sævo proscindit acutius ense,
Dentes sagittis lanceæque cuspide.
- 6 O Deus, augustum celsæ caput exsere cœlo:
Ostende terris gloriæ jubar tuæ.
- 7 Explicuere meis pedibus sua retia: terræ
Me sævus hostis penitus afflictum premit.
Et scrobibus fossis iter obsedere: sed ipsi
Mihi paratas in scrobes cæci ruent.
- 8 Mens¹ invicta malis, animi vigor integer, orbis²
Te voce rector, te celebrabit lyra.
Eia age depositis mens expergiscere curis,
Et tu canora barbitos cum nabliis.
- 9 Ocyus auroræ quam lucifer excitet ignes,

Aurora

1 Mens invicta,] Steph. 1565 & 1566. Argent. Plant. Mens infracta.

Aurora cantus quam volucrum exsuscitet;
10 Te, pater almae, canam: populos tua facta per omnes,
Quacunque tellus panditur, vates feram.
11 Nam tua fiderei bonitas fastigia cœli,
Fidesque tractus nubium supervolat.
12 O Deus augustum nitido caput exerce cœlo,
Ostende terris gloriæ jubar tuæ.

PSAL. LVIII. *Si vere utique justitiam loquimini, &c.*

2 **Q**ui jura celfo de folio datis,
Qui frena legum flectitis,
en erit
De plebis ut cauffis egenæ
Judicio ftatuatis æquo?

3 Quin mente prava nequitiam &
dolos
Verfant, fub umbra juftitiæ te-
gunt
Injuriâ: factis honefti
Objiciunt fpeciem puden-
dis.

4 Materna ab alvo flagitii viam
Sensim fequuntur: perque fuos
gradus
Obliqua feftandi libido
Cum teneris adolefcit an-
nis.

5 Lingua venenum peftifera ge-
runt:

6 Aureſque claudunt confiliis, vel-
ut
Obturat aures callida afpis,
Quæ magicos metuit fuſur-
ros.

7 Confringe malas, o Deus: im-
pudens
Os comminutis contere denti-
bus:
Et riſtibus ſævis hiantes

Hos inhiſce catulos leo-
num.

8 Emiſſa fracta cuſpide ſpicula
Intercidant, nec vulnera perfe-
rant:
Ipſique vaneſcant repente,
Per bibulas velut unda are-
nas.

9 Senſim liqueſcant, tardigradus
velut
Limax: acerbo funere deferant
Vitale lumen, more fœtus
Ante ſuum pereuntis ortum.

10 Florentis ævi in lumine, turbi-
nis
Viſ atra tollat progeniem, prius
Quam furculus ſpinas tenellus
Exferat, & ſtimulis acutis
Fœcunda late brachia porrigat.

11 Juſtique pœnæ vindicis exitum
Latî videbunt, impiique
Sub pedibus fluvium cruo-
ris.

12 Vitæ bene actæ gens hominum
ſciat
Manere juſtos præmia: at im-
pios
Manere pœnas, arbitrumque
Eſſe Deum ſciat orbis æ-
quum.

PSAL. LIX. *Eripe me de inimicis meis, &c.*

- 2 **A** B hostis inclementia
Me rector orbis asserere;
Defende vim crudeliter
Me semper oppugnantium.
- 3 Ab improbis me protege
Lætis cruore innoxio,
4 Meæ saluti per dolum
Qui cæca tendunt retia.
- 5 Ultro immerentis in caput
Consilia cuncta conferunt:
6 Exsurge, teque pessimis
Fer obviam conatibus.
O arbiter mortalium,
Et agminum cœlestium,
Favore semper qui pios
Peculiari amplecteris,
Exsurge, poenis impias
Compesce gentes: perfidis
Neu parce, qui sibi favent,
Nefanda quum patraverint.
- 7 A sole Eoo ad Hesperum
Perambulabunt compita,
Et instar oblatrantium
Canum feroces obstrepent.
- 8 Nihil nisi merum crepant
Ferrum, cruorem, vulnera:
Et quæ loquuntur propalam,
Clam posse rentur obrui.
- 9 Meæ salutis tu Deus
Tutela præsens, irritas
Ridebis iras, & tua
Me dextera tueberis.
- 10 Tu ² robur es meum, meæ
Vires, & arx fiduciæ.
Ergo quieto pectore
Exspecto spe tui auxili.
- 11 Discrimina imminetia
Ope antevertes: & malis
Fracta hostium superbia,
Læto fruar spectaculo.
- 12 Ne prorsus impios tamen
Una ruina elimina,
Oblivioso ne pii
Torpore recta negligent:
Sed error illos dissipet
Vagos per orbis ultimas
Oras: tuaque dextera
Semen piorum protege.
- 13 Ob oris arrogantiam,
Virusque linguæ noxium,
Mendacia & perjuria,
Consume semen impium:
- 14 Evelle stirpe ab ultima
Justi furoris impetu,
Ut norit orbis ultimus
Deum bonorum vindicem.
- 15 A sole Eoo ad Hesperum
Perambulabunt compita,
Et instar oblatrantium
Canum procaces obstrepent.
- 16 Passim vagati, pauperem
Victum ut parent, sub vesperum
Serum petant cubilia,
Victus egentes pauperis.
- 17 Ego interim Deum canam;
Fortem, bonumque in asperis
Rebus suorum vindicem,
Fidumque propugnaculum.
- 18 Deum canam, qui robore
Me fulcit, auget viribus,
Benignitate sublevat,
Tuetur³ arx ut ænea.

PSAL.

1 *Et instar oblatrantium.*] And. Hartus anno 1621, *Et instar oberrantium*: at metrum repugnat.

2 *Tu robur es meum.*] Hi quatuor versus desunt in utraque editione Stephano- rum, anno 1565, & 1566. Plant. Argent.

Tom. II.

& Rob. Steph. 1575.

3 *Tuetur arx ut ænea.*] In quatuor Ste- phanorum editionibus, Plantiniana, Ar- gentoratensi, & Tho. Vautrollerii Lond. 1530. legitur *Tuetur ut arx ænea*: at me- tro repugnante.

PSAL. LX. *Deus repulisti nos, &c.*

3. **S**ancte parens, nostris vitiis offensus, abactos
 Pressosque duris dissipasti nos malis:
 Placatus mitisque veni, jamque immemor iræ,
 Salutis auctor ad tuos revertere.
4. Omnis ager rimis te concutiente dehiscit:
 Committe rimas, refice quassatum solum.
5. Dura tuæ genti spectacula ferre dedisti
 Inebriatæ poculo formidinis:
6. At trepidos tandemque animi miseratus egenos,
 Signum salutis efferes: qui te colunt,
 Veridicis freti oraculis, formidine mersum,
 Erigere rursus audeant ut verticem:
7. Eripiasque tuos gelidi formidine lethi
 Præfens, & opifer invocantes audias.
8. Audiit, ex adytoque Deus flammantis olympi
 Vocem rependit gaudii prænuntiam:
 En tibi frugiferos Sichimæ dispertian agros:
 Vallem Sucothi metiar decempeda.
9. Nonne mihi parent Jacobi pignora, quisquis
 Vel pecore tondet arva, vel vomere secat?
10. Oppida sub pedibus Syriæ calcabo superba,
 Moabum, Idumen, & Palæstinas domos.
11. Quis mihi pandet iter munitas ductor ad arces?
 Muros Idumes divitis quis diruet?
12. Quis? nisi tu nostræ gentis, Deus unice, tutor,
 Qui nos premendos hostibus reliqueras,
 Offensus vitiis pravis: nec in arma ruentes
 Nostros præibas dux, ut ante, exercitus.
13. Nunc pater auxilium rebus bonus adfer in arctis:
 Humana fallax credulos spes decipit.
14. Te duce, victrici decorati tempora lauro,
 Pedibus prememus hostis arrogantiam.

PSAL.

7. *Eripiasque tuos gelidi formidine lethi*] pro ex domo, ablativo in casu potest esse positum. nec ignoravit Buchananus cum dativo construi hoc verbum. ut patet ex Psalm. LXXI. sed usus est Poëtica licentia, & variavit aliquoties. ut Psalm. CXIX. in Coph. *Fauce mortis eripe*. sic Psalm. CXVI. *erutus morti dixit pro moriente*, & idem Psalm. XLI. & CXXI. *eripe*.
 Forte legendum e *formidine*: secus enim *eripio* Dativum fere postulat. [Habuit forte auctores suos Buchananus; nam dativum & ablativum in scriptis aliis verbis promiscue adjungi; quia ipsi casus fere iidem habebantur, noverat. sic *vin dicare meum, periculis*, de quibus ad Vellej. Pater. II. 28. *servari periculis* idem cap. 82. *richis eruct.*
eripe de agro, apud Terent. Adelph. II. 1.

PSAL. LXI. *Exaudi Deus deprecationem meam, &c.*

- 2 **A**udi vocantem me bonus,
& meis
Intentus aurem da precibus;
Deus.
3 Projectus oris orbis in ultimis,
Ad te recurram rebus in asperis.
Me siste rupis culmine in ar-
duo
4 Procul periculis: semper enim
tui
Spe fretus, hostis tutus ab im-
petu,
Munitæ ut arcis præsidio fui.
5 Tentorio fac semper ut in tuo
Degam, sub alis protegar &
tuis:
6 Qui lenis aurem das precibus
meis,
Qui vota lætum ducis ad exitum.

- Frenare sceptris te metuen-
tium
7 Hæreditatem das mihi: regię
Tu longa vitæ tempora porri-
gens
Nectes peractis secula seculis.
8 Securus ut te perpetuo colat
Rex, liberalem porrige dexte-
ram
Fortuna in omni: quaque soles
fide
Fac ut fruatur pollicitis tuis,
9 Ac tum periculis liber ab aspe-
ris,
Te voce, dulci te cithara ca-
nam,
Pacti tenacem, & munificum
tuis;
Et vota ad aras perpetuo feram.

PSAL. LXII. *Nonne Deo subiecta erit anima mea, &c.*

- 2 **M**eens acquiescit unice mea
in Deo:
Hinc spes salutis, arduis
3 In rebus arx hæc: tutus hoc mu-
nimine
Nullum tremiscam ad impe-
tum.
4 Quousque testis fraudibus sub-
vertere
Innoxium tentabitis?
Poenas daturi mox & ipsi, im-
providi
Jamjam imminentis exitus,
Proni in ruinam incumbitis,
ceu moenia
Saxis solutis putria:
5 Et interim omnes corporisque
& ingeni
Vires eo contenditis.

- Vobis placetis fabulis vanis, gradu
Turbetis impii ut pium.
Clam devovetis corde tacito,
propalam
Laudatis ore subdolo.
6 At tu acquiesce mens mea in Deo
tamen:
Hinc spes salutis, arduis
7 In rebus arx hæc: tutus hoc mu-
nimine
Nullum tremiscam ad impe-
tum:
8 Spes inde vitæ & gloriæ pendet
meæ,
Et roboris fiducia.
9 Quocunque cœli gens colis sub
fidere,
Huic crede rem, sobolem, do-
mum:

- Omnes ad illum mentis agritudines,
Et læta defer & refer:
Semperque præsens numen ejus omnibus
Adesse cœptis senties.
- 10 Ventosa regum & principum potentia
Est vanitate vanior,
Adeoque fumo levior: ut si principum
Hac lance vires omnium,
Inanitatem hac colloques, cunctis simul
Inanitas præponderet.
- 11 Ne firma spera parta per vim:
ne nimis
Confide stultis viribus.
Opes abundant affluenter? ne bonis
Da rebus animum credulum.
- 12 Semel est professus, nec semel tantum Deum
Id profitentem audivimus,
Se posse solum cuncta, se solum bonum,
Et arbitrum rerum unicum:
- 13 Bonis benignum semper & placabilem
Malisque formidabilem.

PSAL. LXIII. *Deus, Deus meus, ad te, &c.*

- 2 **D**eus, salutis auctor & custos meæ,
Te veneror roseus quum fugat astra dies.
Te mensanhelat, membra sitiunt languida,
Terra velut pluvias arida quærit aquas.
Quamvis arenas aridas æstu colam,
- 3 Præsentem Dominum mens videt usque meum;
Non aliter adyta arcana quam si conspicer,
Numinis adservant quæ monumenta tui.
- 4 Nec dulcis æque est ¹ vita quam benignitas,
Qua vitam munis prosequerisque meam.
- 5 Ergo remotis dissitus quamvis locis,
Præsidio tutus te celebrabo tuo:
- Tui sonabunt nominis præconia,
Quæ dederis vitæ tempora cunque meæ.
- 6 Nec victus æque recreat corpus, tua
Excitat ut mentem laus celebrata meam.
- 7 Tu nocte carmen, mane tu carmen mihi es:
- 8 Tu trepido præsens fers mihi semper opem.
Securus alis conquiesco sub tuis:
Teque procul curis & tua facta canam.
- 9 Te quærit animus, te colit, te deperit:
Tu valida fulcis me, pater alme, manu.
- 10 At qui laborant per nefas me perdere,
Consiliis pravis digna ruina premet.
- 11 Ferro

¹ *Est vita.*] Contra metri legem, in quatuor Stephanorum editt. Plant. &

Argent. legitur, *vita est.*

- 11 Ferro profundent spiritum nefarium:
Membra dabunt avidis dilanianda lupis.
12 Rex lætus autem vindicem agnoscat Deum,

- Et quicunque Dei numina rite colunt.
Metu stupentes conticescent impii,
Spe stolidi fluxis qui tumuere bonis.

PSAL. LXIV. *Exaudi Deus orationem meam, &c.*

- 2 **A**udi, sancte parens, non tetricus preces
Te poscentis opem rebus in asperis:
3 Et fallacis ab hostis
Vitam fraudibus eripe.
Pravorum tacitis factio me dolis
Oppugnat; trucibus consiliis fremunt,
Conspirantque scelesti:
Tu me dux bonus eripe.
4 Linguas ceu gladios exacuunt suas:
Oris pestiferi verba nefaria
Intentant, medicata
Tanquam spicula toxico;
5 Ut rectos animi ex insidiis petant:
Et securi avida mente coquunt nefas:
Nec quenquam malefacti
Formidant fore vindicem.
6 Designant animis horrificum scelus,
Et sævo laqueos consilio parant:
Inter seque loquuntur,

- Nemo conscius hæc sciet.
7 Cor, mens, ingenium, consilium, labor,
Huc tendunt, facies ut scelerum novas
Et fraudum meditentur:
Hoc unum studium fuit.
8 Ast illos subiti cuspide spiculi
Incautos feriet magna Dei manus,
Et lethalia certa
Figet vulnera dextera.
9 Spectantes gelidus corripit timor,
Auctori exitium quum videant suæ
Dirum immittere linguæ
Viosæ mala toxica.
10 Gens humana tuæ robora dexteræ
Agnoscat, meritis laudibus effe-
ret:
Et mirabitur altæ
Lumen perspicientiæ.
11 Justi spes animos eriget, & Dei
Tutus præsidio lætitia fremet:
Et gaudentia corda
Vero simplice gestient.

PSAL. LXV. *Te decet hymnus, Deus, in Sion, &c.*

- 2 **T**E manent laudes, Deus, in Sione:
Hic tibi castis operata sacris

- Vota gens solvet tua, victimisque
Imbuet aras.

1 Linguas ceu gladios exacuunt suas] Ita quinque e libris meis exhibent; reli-

quis omnibus suos editum est.

3 Qui

3 Quique tam præsens tibi supplicantum

Exitus votis tribuas secundos,
Te petent gentes sub utroque mundi

Axe jacentes.

4 Nostra nunc justis scelerata facta
Nos premunt poenis: facilis querelis

Tu tamen flecti, mala servitutis
Vincula franges.

5 O quater, plusquam quater, o beatos,

Quos leges, lectos facies amicos:

Ut colant puri tibi dedicati
Atria templi.

Illa lux felix, cumulata cunctis
Lux bonis, pectus satiabit ægrum

Gaudio, quæ nos reduces sacra

Sistet in æde.

6 Annues nostris facilis querelis,
Finium terræ Deus ultimorum
Spes, & extremas maris ambien-

tis

Gurgite terras.

Tum stupor mentes quatiet tuentum,

O Deus, nostræ columnen salutis,

Te malis durum, miseris benignum,

Omnibus æquum.

7 Tu potens rerum, validisque polens

Viribus, firmas stabili catena

Montium tractus, jugaque inquietis

Tunsa procellis.

8 Tu maris nigris agitata ventis
Terga componis: cohibes rebelles

Gentium motus, placidaque mutas

Pace tumultus.

9 Ultimi rerum tua signa norunt
Et pavent fines, quoties coruscis

Turgidum flammis fremuit sonoro

Murmure coelum.

Quique Phœbæos habitant ad ortus,

Et quibus fera face Phœbus undas

Tingit, auctorem te hilares fatentur

Lucis & umbræ.

10 Tu solum terræ sitientis imbrem
Lætus invisis, gravidæque nubi-

bis

De sinu fundis genitale pigros

Semen in agros.

Alveus pleno tibi semper amne
Turgidus læta novat arva fruge,

Floribus campos, nemorum vi-

rentes

Fronde recessus.

11 Rore tu leni sola contumacis
Maceras terræ, subigisque gle-

bas:

Ebrios sulcos viridante amictu

Messis inumbras.

12 Qua feres gressus, renovabis an-

num

Fertilem frugum: vegetansque foetus

Per cava valles riuosque saltus
Impluet humor.

13 Ge-

13 Gessiet pauper riguri colonus,
Lactes distentas comitans capel-
las:
14 Mugient colles, & amica fessis
Silva juvenca:

Spes aratoris cupidas fovebit
Fluctuans latis seges alma cam-
pis:
Ut canat festa tibi feriatius
Carmen in umbra.

PSAL. LXVI. *Jubilate Deo omnis terra, &c.*

1 **I**Ncolæ terrarum, ab ortu
Solis ultimum ad cubile,
Eia Domino psallite:
2 Eia Domino jubilate:
Nomen ejus, numen ejus
Ferte in astra laudibus.
3 Dicite illi: Rector orbis
Sancte, quam stupenda rerum
Est tuarum gloria!
Quanta virtus, qua protervos,
Mente fracta, cogis hostes
Supplices procumbere!
4 Te parentem læta honoret,
Te potentem prona adoret
Tota rerum machina.
Voce blanda te canamus,
Barbito dulci sonemus,
Carminumque cantibus.
5 Eia adeste, facta cunctis
Cernite admiranda seclis:
Acriterque expendite
Facta providi parentis,
Facta Domini consulētis
Arte mira servulj.
6 Vertit æquor æstuosum
Aridæ in campos arenæ:
Fluminis per alveum
Agmen ire gratulantum,
Ceu per arva sicca, fecit,
Stante fluctu languido.
7 Frenat unus orbem habenis
Sempiternis: intuetur
Et pios & impios:
Nec sinit sibi rebelles,
Viribus fretos superbis,
Improbis votis frui.

8 Laus Deo nostro per omnes
Orbis oras: omnis unum
Laudet illum natio.
9 Morte liberavit unus
Nos propinqua: fulcit unus
Liberos firmo gradu.
10 Igne ut aurum, examinasti
11 Nos periculis: iligasti
Hostium nos cassibus.
12 Vincula lumbis, frena malis
Sub tyrannis induisti
Impotentis imperi:
Sed per ignes, sed per undas,
Divitis tamen dedisti
Uber agri exercitis.
13 Ergo supplex introibo:
Templa, victimasque cadam:
14 Vota supplex offeram,
Vota duris in periculis.
15 Nuncupata: pinguis agnus,
Cornigerque agni parens,
Bos & hircus sanguine aras
Habuent: nec thura decerunt
De Sabæo stipite.
16 Dum Dei benignitatem
Explico in me, cuncti adeste,
Qui Deum veremini.
17 Audiit statim vocantem:
Nos vocantes audientem
Prosequamur laudibus.
18 Conscios sceleris nefandi
Supplices rector orbis
Aure surda respuit:
19 At mihi lenis bonusque
Supplici semper aurem
Non severam commodat.

20 Gratias ago parenti
Optimo, qui se roganti
Asperum non præbuit:

Qui sua benignitate
Destitutum non reliquit
Rebus unquam in asperis;

PSAL. LXVII. *Deus misereatur nostri, &c.*

2 **A**rbiter mundi, placidus bonusque
Parce delictis, solito & favore
Terra fac lætis segetem pecusque
Nutriat arvis:

3 Nota per terras bonitas ut omnes
Sit tua, & nostræ studium salutis,
Mente quos curas patria, tegisque
Rebus in arctis.

4 Ut tuas laudes populi per omnes
Prædicent terras, bonitatis usque ad
Terminos rerum celebretur omnes
Fama per urbes.

5 Omnis exsultet locus, omnis ætas
Gestiat plausu & fremitu secundo,

Res quod humanas modereris æqui
qui
Juris habenis.

6 Ut tuas laudes populi per omnes

Prædicent terras, bonitatis usque ad

Terminos rerum celebretur omnes

Fama per urbes.

7 Si tuæ genti faveas benignus,
Conditor mundi bone, messis
agros

Vestiet, vites oleæque colles,
Gramina campos.

8 Si tuæ genti faveas benignus,
Conditor mundi bone, te pavent
bunt

Et colent gentes sub utroque
mundi

Axe jacentes.

PSAL. LXVIII. *Exsurgat Deus, & dissipentur inimici, &c.*

2 **O** Qui perpetuis orbem moderaris habenis,
Placidus bonus exsere vultus;
Impietasque exosa tuas, pater optime, leges,
Tremefacta repente facesset,

3 Ut levis in tenues fumi vapor effugit auras,
Ut cera liquefcit ab igni.

4 At lætis pia turba animis sua gaudia plausu
Testabitur, & tibi, rerum

5 Sancte parens, pæana canet, qui lucida cœli
Veheris super astra, nec ævi
Inclusus spatiis, æternis legibus orbem
Æternus & ipse gubernas.

6 Te canimus læti, & lætos renovamus honores,
Qui celsi e vertice mundi

Respi-

- Respicis humanas curas: & patribus orbos
 Pueros, viduasque maritis
- 7 Prosequeris patrio affectu: qui prole beata
 Steriles solare hymenæos:
 Compeditibus vinctos solvis: populi arva rebellis
 Bibulis obducis arenis.
- 8 Ifaciðæ Nilo quum, te ductore, relicto,
 Arabum per inhospita saxa
- 9 Errarent, tremuere soli penetralia: cœlum
 Maduit sudoris anhel
 Imbribus: a vultu Domini conterrita duræ
 Tremuere cacumina Sinæ.
- 10 Arva sibi selecta bonus rigat imbre benigno:
 Et quum labefacta fatiscunt,
- 11 Confirmat, recreatque afflicta: suoque fruenda
 Dat habere gregi: nec egenam
- 12 Temporibus duris virtutem deserit. Arma
 Trepida formidine belli
 Quum quatient animos, lætum celebrare triumphum
 Teneris dabit ille puellis:
- 13 Sufficietque suas in laudes carmina: reges
 Numerofo milite freti
 Terga dabunt, latebrasque petent: spoliisfructur
 Imbellis turba relicta.
- 14 Vestra licet somno sternantur corpora nigræ
 Inter fuliginis ollas,
 Illa tamen vincent nitidam candore columbam
 Rutilæ cervicis honore:
 Quæ nunc argentum nitidum, nunc lumina blandum
 Radiantis provocat auri.
- 15 Quum Deus omnipotens traduceret agmina regum
 Longo spectanda triumpho,
 Squalida quæ luctu & tenebris Solyma ante jacebat,
 Nivea tum luce refulsit.
 Ceu nive vicinos inter candentia colles
 Salmonis culmina fulgent.
- 16 Usque sibi Basan placeat, jactetque superbus
 Fastigia proxima cœlo:
- 17 Ne tamen herbiferos saltus, ne pascua sacro
 Ausit conferre Sioni:
 Quam propriam pater omnipotens in secula sedem
 Legit, lætamque tuetur:
- 18 Ille pater quem cœlituum tot millia currûm,
 Equitum tot millia stipant.

- Sive ille excelsæ vehitur per culmina Sinæ,
Sua seu sacraria visit:
- 19 Seu scelerum vindex celebri petit astra triumpho,
Captivæque colla catenis
Vincta trahit: victæ passim donaria gentes
Cumulant: paullo ante rebelles,
Poplite nunc flexo venerantur templa Sionis.
- 20 Igitur celebramus honores
Jure tuos, nullam nobis qui munere lucem
- 21 Vacuam finis ire: salutis
Unica spes nostræ: nempe unus frena gubernas
Vitæ, irremeabilis Orci
Unus claustra tenes, & nutum fata sequuntur.
- 22 Inimicos vulnere certo
Tu figis, longa scelerum tu forde sepultis
Lethali tempora plaga
- 23 Dividis. At caros sic consolaris amicos,
Extremo a littore ponti
Vos ego crudeli incolumes ex hoste reducam,
Rubri ceu trans freta ductos
Æquoris a sævo incolumes servavimus Ogo.
- 24 Cæsum in sanguine regum
Tingent¹ crura: canes hostilia vulnera lambent:
- 25 Lætæ spectacula pompæ
Adspicient, pater alme: tuo, pater alme, triumpho
Plaudent tua templa petentes.
- 26 Anteibunt qui voce canant, qui cymbala pulsent,
Citharæ tuba juncta, tubæque
Tibia, quæque tuas celebrent, fortissime, laudes,
Doctæ pulsare puellæ
- 27 Tympana: te populi cœtu fremituque secundo
Et plausu ad sidera tollent:
Hæc idæque tuas in laudes ora solvent:
- 28 Juvenis² de stirpe creatus
Benjamini, Judæque aderit generosa propago.
Neque clarus Zabulo deerit,
- 29 Nephthalidæque duces. Nam tu tua jussa sequutis
Viresque animosque ministras:
Claraque victrici das tempora cingere lauro.
- 30 Solymæ victoria præpes.
Ex adytis volat. Ego ferent tibi munera reges,
Atque ad tua templa ferentes.

31 Mu-

¹ *Tingent.*] Quatuor Stephanorum Stephanorum, anno 1565 & 1566. Plant.
editiones, Plant. Argent. *Tinges.* Argent. *Juvenis de stirpe propago.*

² *Juvenis de stirpe creatus.*] Editiones

- 31 Munera, te super astra ferent. Tu freta sagittis
Lethalibus agmina fundis:
Tu fortesque domas dextras, animosque rebelles:
Humiles tibi pendere cogis
Vestigal fractosque duces, avidique cruoris
Vindex populi agmina perdis.
- 32 Quique bibunt Nilum, qua mergitur æquoris undis,
Quique ipso fontis in ortu,
Accurrent, pacemque petent, opulenta ferentes
Tibi munera supplice dextra.
- 33 Regna hominum celebrate Deum: date carmina Regi,
Qui templa gubernat olympi
- 34 Æterna æternus: cujus mortalia cuncta
Vocem tremefacta pavescunt.
- 35 Hunc fortem celebrate, unique accepta referte
Bene gesti prospera belli.
Cujus in Ifacidis resplendet gloria; cujus
Testantur robora nubes:
- 36 Cujus ab arcano templo venerabilis horror
Stupefacta in pectora manat.
Ifacidum Deus ille, Deus qui robore nervos,
Animosque vigore suorum
Implet: ei laudes Jacobi dicite proles:
Etenim Deus ille deorum est.

PSAL. LXIX. *Salvum me fac, Deus, &c.*

- 2 S ANCTE parens fer opem lasso: torrentibus undis
Pene obruerunt me malorum flumina.
- 3 Pes nequit in molli vestigia figere limo:
Pronumque inundans vertici fluctus rapit.
- 4 Dum clamo, arentes urit sitis arida fauces:
Spectando lassa torpuere lumina.
- 5 Me vexant odiisque premunt immanibus hostes,
Plures inumbrant quam capilli tempora.
Inque dies crescunt numero: & ceu rapta rependam,
Bene parta per vim cogor illis reddere.
- 6 Simplicitas tibi nota mea est, bone conditor orbis,
Meæque testis semper innocentiae es.
- 7 Fac, pater alme, bonis ne sint mea damna pudori;
Dum te colentes clade cernunt opprimi.
- 8 Te propter maledicta tuli & ludibria vulgi:
Te propter ora turpis infecit pudor.
- 9 Me vitant fratres, & eademem atre creati

- Me ceu scelestum abominantur filii.
 10 Uror, & ira coquit penitus præcordia, leges
 Tuosque ritus impii quum negligunt.
 In tua quæ jactant probra & convicia sacra,
 In me recurrunt, corque vulnerant meum.
 11 Si fleo jejunos, si macero pectora curis,
 Rident, probrisque prosequuntur lacrymas.
 12 Si tegor incultos faccis squalentibus artus,
 Fio repente fabula & ludibrium.
 13 Me salibus petit e portæ statione senectus:
 Et ebriosæ sum tabernæ cantio.
 14 Interea curis, genitor, confectus acerbis,
 Ad te recurro: tu benignus respice.
 O genitor, sine fine bonus, sine fraude fidelis,
 In rebus arctis da salutarem manum.
 15 Erige pene luto absorptum: da figere gressum:
 Crudelis hostis¹ me eripe impotentia.
 16 Neu rapiat torrentis aquæ violentia, neu me
 Mergatve gurgēs, aut vorago absorbeat.
 17 Sancte parens, nullos cujus clementia fines
 Novit, vocantem & destitutum respice.
 18 Ne faciem seruo avertas, qui rebus egenis
 Supplex opem orat: subito miserum subleva.
 18 Mitis ades: serva hanc animam, ut pudor obruat hostes,
 Qui ceu relictum me enecant conviciis.
 20 Tu² testis mihi probri ignominiaque superbæ:
 Tu testis hostes quam proterve illuserint.
 21 Cor dolor urebat: focius mihi nemo doloris,
 Nemo dolorem qui levaret anxium.
 22 Dulcia felle mihi tingebant fercula amaro:
 Pro vino aceti porrigebant pocula.
 23 Ergo victum illis vitient aconita vicissim:
 Mœrorque læta obnubilet convivia.
 Unde sibi placidæ promittunt otia pacis,
 Hinc semen illis pullulet discordiæ.
 24 Caligent oculi, & nutent vestigia: vires
 25 Elumbe corpus deferant. Iram tuam
 Sic meritos effunde super: tuus hauriat illos
 26 Furor: colonis testæ vidua mœreant:
 Qui deserta habitet tentoria nemo superfit,

27 Quia

¹ Ne eripe.] Utraque Stephanorum 2 Tu testis mihi probri.] Steph. 1565,
 fratrum editio, duæ Plant. & Argent. 1566, utraque Plant. & Argent. Tu
 eripe me. testis probri mihi.

- 27 Quia persequuntur dextera afflictos tua.
Afflictos miserosque procaciter insultantes,
Verbis acerbant vulnera atque injuriis.
- 28 Tu sine, peccatis cumulent peccata, nec unquam
Dulcem æquitatis sentiant fructum tuæ.
- 29 Impia de tabulis viventum nomina dele:
Tuos nec inter hos recense filios.
- 30 Me tenuem afflictumque tua, pater optime, dextra
Erige, locoque siste tutum in arduo.
- 31 Hic ego carminibus rerum super astra parentem
Tollam, & celebri gratias in cœtu agam.
- 32 Gratus hoc illi est, quam si cadat hostia ad aram
Vitulus tenellus jam coniscans cornibus.
- 33 Adspicient mites, & pectore gaudia volvent,
Deum colentum læta corda gestient.
- 34 Audit enim Dominus tenues, nec despicit ægros
Ob nomen ejus vinculis coercitos.
- 35 Unum igitur tellus colat hunc, & pontus, & æther,
Et quicquid æther, terra, pontus continet:
- 36 Qui facit incolumem pulchram florere Sionem,
Urbesque Judæ mœnibus cingit novis:
- 37 Metiturque suis rura ante inculta colonis,
Tenenda blandis quæ relinquant liberis:
Quæ placida teneat series in pace nepotum,
Quicunque Domini nomen & numen colunt.

PSAL. LXX. *Deus in adjutorium meum intende, &c.*

- | | |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>2 O Deus, præsens ades, & periculis
Me præsentibus eripe:
O Deus, duros prope labores
Confestim auxilio ut leves.</p> <p>3 Qui meam quærunt animam,
erubescant,
Fœdam ignominiam ferant:
Et fuga turpi doleant, malignis
Qui me consiliis petunt:</p> <p>4 Tergadent, fufos pudor ut perurat,
Qui ridet gemitus meos.</p> | <p>5 Teque clementi & placido fruantur,
Qui gaudent placitis tuis.
Qui salutis spem posuere in uno
Te certam penitus Deo,
Gaudeant, semperque canant,
Pærennis
Majestas & honor Deo.</p> <p>6 Sunt meæ vires & opes pusillæ:
Sed tu me, Deus, adjuva.
Tu meæ vires, mea spes, opesque:
Festinus fer opem mihi.</p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. LXXI. *In te Domine speravi, non confundar, &c.*

- 1 **I**N te salutis spem posui meæ, Ne me impiorum trade libidini.
Fac me perennis ne pudor ob- 10 Et clam susurrant, & caput
ruat.
2 Audi vocantem lenis, & eripe Occulta tendunt retia per sce-
Hostis cruenti me violentiæ. lus:
3 Vitæque custos & columen 11 Et dum scelestum propositum
meæ, premunt,
Turrisque rebus semper in aspe- Ajunt, Ope illum destituit Deus:
ris, Insitæ fracto, prendite, per-
4 Nunc turris esto & perfugium dite
mihi, 12 Nudum salutis vindice. Tu Deus
Et sævientum subtrahe dexte- Ne linque fretum præsidio tuo:
ræ Præsenque sævis hostibus eripe.
5 A vi scelestæ subtrahe dexteræ 13 Pudore vultus inficiat rubor
Pendentem ab uno subsidio tuo: Hosti dolofo, fraude nefaria
Et qui juventæ tutor eras meæ, Qui me aucupatur: mœreat ir-
Orbam senectam viribus asserere. rita
6 Tu me tuendum matris ab Conata, vanum lugeat exitum.
ubere 14 Liber periculis, carmine te no-
Duxti: pependit matris ab ubere vo
Spes nostra de te: materies meis 15 Pangam ³ tenacem polliciti, &
Una est perennis laus tua canti- tuis
bus. Promptum juvandis: & numeris
7 Ceu continenter prodigium meis
malis Aptabo laudes innumeras tuas.
Natum ferendis, rideor impiis. 16 Canam potentem te dare pro-
Sed me malorum fluctibus obru- spera
tum Eventa, belli quum fremuit ti-
Spes una fulcit præsidii tui. mor:
8 Me lux videbit, me tenebræ Canam fidelem reddere fœde-
tuas rum
9 Laudes canentem: ² jam senio Promissa, largo non sine fœnore.
gravem, 17 Abusque primo flore puertiae
Fractilque lasso corpore viribus, Laudum tuarum tu mihi carmina
18 Sem-

1 *Pendentem ab uno subsidio tuo*] And. Hartus anno 1621, *præsidio tuo*.

2 *Jam senio gravem.*] Tres Stephano- rum, dux Plantini, & Argentoratensis editio, *tam senio gravem*.

3 *Tenacem polliciti*] [Vid. ad Psalm. XLVII. An vero *tenax polliciti* æque bene

dicatur ac *propositi*, ut Horatius dixit, valde dubito: unicum scio Ciceronis lo- cum, quo tueri se posset Buchananus, ex lib. III. de Off. 29 *quod affirmare, quasi Deo teste promiseris, id tenendum est*. forte alia auctoritate mihi ignota, motus fuit auctor.]

- 18 Semper præisti: ne senio gravem
Canumque nunc me, spes mea, 22 Solaris. Ergo te cithara canam
desere:
Donec nepotum secula nove-
rint,
Me vate, quanto robore, qua
fide
19 Me liberaris. Justitiæ tuæ
Convexa mundi gloria transvo-
lat.
Rerum creator, quis similis
tui?
20 Qui me malorum gurgite mer-
seras,
Mitisque vita rursus amabili
Tracto e profundo gurgite das
frui:
21 Opeque honoresque accumu-
las bonus,
Ira remissa: & pectora turbida
Nabloque certa conspicuum fi-
de.
O sancte nostræ gentis ab ul-
timo
1 Protector ortu, vox mea te ca-
net:
23 Te spiritus, te vita laboribus
Exempta duris, laudibus effe-
ret.
24 Lux nulla solem proferet au-
reum,
Quæ prædicantem justitiam
tuam
Non audiet me, Rex bone, qui
meis
Rubore vultum offuderis hosti-
bus.

PSAL. LXXII. *Deus judicium tuum Regi da, &c.*

- 1 **D**A tuæ Regi, Deus, æquita-
tis
Jus ad exemplum dare, filioque
Regis ut legum patriæ ad salu-
tem
Flectat habenas.
2 Ut regat justis populum institu-
tis,
Pauperum questus facili tuorum
Aure cognoscat, dirimatque li-
tes
Legibus æquis.
3 Pace latentur juga montium-
que
Horridi saltus: genitrix quietis
Æquitas colles amet, asperos-
que
Ruris alumnos.
4 Jus suum det pauperibus, poten-
tum
Curet ut ne vi tenues preman-
tur,
Destruat quisquis miseros dolo-
ris
Litibus urget.
5 Ut reformidet venientis ævi
Gens tuum nomen, sua sol diei
Donec effundet, sua luna do-
nec
Lumina nocti.
6 Æquitas & jus veniens olym-
po
Recreet terras, veluti sub æstu
Imber, & rores pluvii beatos
Ruris honores.
7 Floreat, rerum hoc moderante
habeas,
Jus

1 *Protector*] [Inferioris ævi vocem studiosi Vide Cellarii curas. posteriores hanc non admittunt elegantæ præscæ pag. 227. & Borrich. pag. 206.]

- Jus¹ bonæ paces vigeant, perenni
Luna dum cursu rediens novabit
Menstrua vultus.
8 Imperi¹ fines maris unda fluctu
Hinc & hinc claudat: spatiumque latis
Quod modum regnis faciat,² sit idem
Terminus orbis.
9 Ad pedes illi cadat advolutus
Æthiops: hostes veniam precati
Supplices, vultus humiles commamque in
Pulvere verrant.
10 Qui tenent pontum, refluique ponti
Insulas, regesque Arabum beati,
Thuris & dites venient Sabæi,
Dona ferentes.
11 Illum adorabunt, mare qua remotis
Obstrepat terris, metuentque reges:
Servient gentes sub utroque mundi
Axe jacentes.
12 Ille desertos ope sublevabit:
13 Eximet curis querulos: egeno &
14 Pauperi dextram dabit: obrutosque
Fœnore solvet.
Nec velut vilem tenuis cruorem
15 Plebis effundi sinet: ergo vivat,
Deque thesauris Arabum beatis
Munera sumat.
Ac suo Regi bene comprecatus,
Illius laudes canat, illum honoret,
- Largam opum dextram celebret,
patremque
Vulgus adoret.
16 Per feros montes segetem refundat
Terra, tam densis crepitans aristis,
Quam gravi cedros Libani flagellant
Murmure venti.
1 Augeat prolem numero carentem
Per vias urbis bona pax beatæ:
Lata ceu campis riguis per imbrem
Gramina surgunt.
17 Nomen æterno juvenescat ævo:
Filii nomen, jubar usque solis
Dum vagæ fundet radiata terris
Lumina flammæ.
Ille Rex gentes faciet beatas,
Quas sinu claudit refugo Amphitrite,
Omnis hunc tellus canet Amphitrite
Cincta beatum.
18 Ifaci gentis Domino Deoque
Laus, honor, virtus: opis haud egenus
Illa, quæ cuncti attoniti intuentur,
Perficit unus.
19 Nomen augustum canat omnis ætas:
Ulla quod nunquam taceat vetustas:
Nominis sancti penetret per omnes
Gloria terras.

P S A L -

¹ *Bonæ paces vigeant*] *Paces* hic pluraliter adhibuit, adversus Grammaticorum quidem placita, non tamen absque exemplo. Ita enim locutus est Plautus *Perf. V. 1. 1.* *Lucret. V. 1229.* &, quem

præcipue respexisse noster videtur, *Horat. 2. Epist. I. 102.*

Hoc paces habuere bonæ ventique secundi.

² *Sit idem terminus orbis*] Forte *orbis* legendum.

PSALMORUM

Liber Tertius.

PSALMUS LXXIII. *Quam bonus Israël Deus, &c.*

1 **T**ellus ut undis hospitium
neget,
Undæque terras fluctibus
obruant,
Aër coruscis fulminet ignibus,
Ruina mundi sidera misceat:
Dei potentis non bonitas ta-
men

In rebus arctis destituet pios,
Puræque mentes nequitia sinet
Mœroris æstu funditus opprimi:

2 Quam pene lapsu pes mihi lu-
brico
Gressum fefellit, dum pede me-
rior

Immensa parvo, dum trutina
mea

Expendo stultus iudicium Dei!
3 Fervebat ira pectus, & æmulo
Livoris æstu, quum scelerum om-
nium

Contaminatos sordibus impios,
Florere cunctis conspicerem bo-
nis.

4 Sors illa cunctis invida, mo-
bilis,
Infida, servat perpetua fide
Istis tenorem, & robore vivido
Firmos senectam ducit ad ulti-
mam.

5 Exempta duris vita molestiis
Curisque (pectus quæ reliquis co-
quunt

Mortalibus) per lætitiâ fluit
Luxumque, & ægris pura labo-
ribus.

6 Ergo insolenti foeta superbia
Corda intumescunt: pectora spi-
ritus

Ventosa tendunt: cæcus amor sui
Frena impotenti dat violentiæ.

7 Tecta invidendas non capiunt
opes,

Felicitatem non animus suam:
Et vota vincens spemque super-
fluus

Luxus fatigat, nec fatiat ta-
men.

8 Verbis minores terrificant fe-
ris,

Et fastuosæ mole potentiæ:
Vultu procaci & vocibus impro-
bis

Adblandiuntur nequitia suæ.

9 Nec impudentis garrula vani-
tas

Contenta linguæ fundere toxica
Terras per omnes, astra laces-
sere

Audet, Deumque insana super-
bia.

10 Hæc mente spectant attonita
pii,

Et æstuanti pectore fluctuant:

11 Secumque mustant, Scilicet hæc
Deus

Tom. II.

L

Quum

Quum cernat, atris abstinet ignibus?

12 Opes abunde suppeditant malis,

Crescitque nullo fine pecunia:
Secura pacis molliter otia
Quassante nullo turbine transi-
gunt.

13 Frustra ergo puro pectore vi-
vitur:

Frustra innocentem contineo
manum:

14 Frustra labores perfero, tor-
queor

Dolore, nullis non crucior malis.

15 Rursus verebar ne temerario
Ausu improbarem consilium Dei,
Ac arbitrarer forte miserrimos,
Selecta quos is pignora nuncu-
pat.

16 Causas latentes dum sequor
anxius,

Et pertinacis viribus ingenî
Pugno, profundum se chaos in-
gerit,

Et nocte mentis lumen adobruit.

17 Labore tandem fessus inutili
Ad te recurro, Rex bone cœli-
tum:

Quietus exspecto ex adytis tuis,
Quis hos & illos separet exitus.

18 Vidi repente quam pede lu-
brico

Starent superbi: quam stabiles
parum

Opes tenerent: quam fragili loco
Fultos ruina præcipiti trahas.

19 Procella vindex ut sonuit tuæ
Iræ, fugaces cum domino suo

Evanuerunt divitiæ: manet
Umbra invidendæ nulla poten-
tiæ.

20 Sic nocte mentes ludificans
fugit

Imago somni: & quæ modo pe-
ctora

Sopita vano terruerat metu,
Risus per urbem mox ciet omni-
bus.

21 Donec viderem hæc, mæror
& anxietas

Mentem obruebant sollicitudi-
nes:

22 Aut hæsitantem, ceu stupidum
pecus,

Torpor ligabat pectore marcido.

23 Arcana sed vis interea tui
Me fulciebat numinis, ac manum

24 Dextram regebas: auspicio tuo
Ductuque clarus fulgeo gloria.

25 Quid terra, præter te, mihi,
quid polus

26 Offert colendum? cor mihi tabuit,
Infracta mens desiderio tui

Languēbat, ægrum corpus ina-
ruit:

Tu rursus artus robore vivido
Firmasti: opimas suppeditasti o-
pes.

27 Qui, te relicto, spe stolidi deos
Vanos adorant, cladibus obruis.

28 Te sector unum, tu superas
meis

Spes una rebus: præsidio tuo
Liber periclis, auctus honori-
bus,

Te sempiternis laudibus effe-
ram.

PSAL. LXXIV. *Ut quid, Deus, repulisti, &c.*

1 C Ur nos relinquis penitus, o
rerum parens,
Hostique dedis impio?

Lupis vorandum cur gregem pa-
stor tuum

Ira obstinata deseris?

2 Me-

- 2 Memento cœtus servitute ab
aspera
Quem vindicasti: quem tibi
Peculiari sorte, patrimonium
Ceu proprium, receperas.
Colles Sionis, numinis sedem tui,
Bonus favenſque respice.
- 3 Tandem resurge, & hostium su-
perbiam
Compeſce: perde funditus
Hostes protervos, qui tuum sa-
crarium
Manu nefanda polluant.
- 4 Clangunt sonora buccina, non
quæ tuas
Laudes canat, ludibrio
Sed festa acerbo quæ profanet:
in tuis
Vexilla figunt turribus.
- 5 Bacchatur audax ira frenis libe-
ra:
Ædis ruentis it fragor:
- 6 Quales sub altis murmurant quer-
cus jugis,
Cæsæ bipenni quum ruunt.
- 7 Demoliuntur malleis & vectibus
Cælata templi limina.
Populatur ignis adyta: nominis
tui
Contaminant sacrarium.
- 8 Secumque tacito comminantur
pectore
Se diruturos omnia.
Nec temere: flammis strata fu-
mant omnia
Tuo dicata cultui
- 9 Loca: signa nusquam, nulla jam
miracula:
Propheta nullus perditos
Solatur, & spe quamlibet lenta,
tamen
Spondet malorum terminum.
- 10 Quousque tandem nomini fines
tuo
Hostem protervum illudere?
Quousque acerbis facta dira &
impia
Exasperabit jurgiis?
11 Cur otiosus retrahis, manum?
exfere
Tandem potentem dexteram.
- 12 Tu noster olim rector & custos,
Deus,
Priscis abusque seculis.
Te vidit orbis vindicantem ab
omnibus
Semper tuos periculis.
- 13 Secessit unda te jubente, & vi-
treo
Muro liquor coërcuit
Cursum, feroces viribus suis du-
ces
Ponti recursus obruit:
- 14 Ipsum marinis vastiorem belluis
Hauſit tyrannum, & asperis
Afflicta saxis, fluctibus cadavera
Ejecta vultur Æthiops
- 15 Voravit: inter æstu arenas tor-
ridas,
De cote dura limpidi
Fluxere rivi: te imperante sub-
ſtitit
Arente flumen alveo.
- 16 Tuus dies est, nox tua est: solis
jubar
Radiis adornas aureis.
- 17 Æquorque claudis littorum re-
pagulis,
Terraſque cingis fluctibus:
Æstate lenis frigus acre, frigo-
ris
Æstum rigore temperas.
- 18 Domine, intueri probra, con-
tumelias,
Et hostium ludibria,
Qui te lacessunt impiis convi-
ciis,
Molestiis nos opprimunt.

- 19 ¹ Ne trade vitam turturis tuæ feris:
 Turbam tuorum pauperum
 Ne sempiterna oblivione desere:
 20 Memor tui sis foederis.
 Nam nec tenebræ nos tegunt,
 nec pellimus
 Obscuritate injurias.
 21 Ope destituti & omnibus fracti
 malis
 Populi pudori consule:
 Ut te merentem prosequantur
 laudibus

- Miseri levati luctibus.
 22 Exsurge, rector orbis optime,
 & tuam
 Causam tuere: sis memor
 Quæ probra passim nomini semper tuo
 Stulta ingerat procacitas.
 23 Voces superbas & tumultus improbos
 Silentio ne supprime:
 Curamque rerum gerere te mortalium,
 Qui negligunt te, sentiant.

PSAL. LXXV. *Confitebimur tibi, Deus, &c.*

- 2 **T**E nos carminibus, Rex bone, patriis
 Dicemus merito: te celebrabimus
 Præsentem miseris: & memorabimus
 Facta illustria posteris.
 3 Quum plenis venient tempora seculis,
 Cogam, inquit Dominus, concilium meum:
 Justis suppliciis prosequar impios,
 Justis muneribus pios.
 4 Fundamenta soli dissiliant licet,
 Turbetur trepidis gens hominum minis,

- Fundamenta soli fluxa adamantinis
 Ne tam rursus ego vinculis.
 5 O stultos quoties admonui modum
 Vesanæ ut facerent nequitiae suæ!
 In cælum quoties admonui impios
 Ne stulte arma capefferent!
 6 Quid cælum stolidi voce lacestis?
 Qua spe sic furitis? spiritus arrogans
 Cujus præsidio fretus in æthera
 Cristas erigit impias?
 7 Eois coëat viribus occidens,
 Con-

¹ Ne trade vitam turturis tuæ feris] Contra linguæ Latinæ consuetudinem, *turtur* hic foemininum posuit: nec tamen temere id ab eo factum; principes enim Bibliorum interpretes Leo Judæ, Tremellius, Arias Montanus, Castellio, Vatablus, Hebræum textum secuti, *vitam* sive *animam turturis tuæ*, hoc in loco verterunt. Variant quidem LXX. Interpp. eosque plerumque secuta versio vulgata: illi enim reddunt, *Μὴ παραδῶς τοῖς θορίαις ψυχὴν ἐξομολογούμενην σοὶ*; hæc,

Ne tradas bestiis animas confitentes tibi. Cæterum notat magnus Vossius turpiter excutisse Servium, qui ex illo Virgilii Ecl. I.

Nec gemere ævra cessabit turtur ab ulmo, turtur foeminino positum existimavit: cum nihil sit apertius, quam *ævra* cum *ulmo*, non vero *turtur*, illic convenire. [Apud Ovidium lib. II. Amor. VI. 12. in MSS. erat *turtur amica*, ubi vide Heinss. Paulin. Natal. VII. princip. *turtur conjuncta columbe.*]

- Conjurent calidæ cum Borea pla-
gæ,
Frustra divitias, sceptrâ, poten-
tiam
Cuiquam conciliaverint.
- 8 Unus Rex hominum, res homi-
num suo
Versans arbitrio, præcipitem
trahit
Illum de folio, plebis ab infimæ
Hunc facce ad solium erigit.
- 9 Nam cratera meri purpurei Deus
Jam dextra tenet, & vindice
pharmaco
Undantem pateram temperat, &
malis
Justum supplicium parat.
Illinc impietas undique ab ulti-
mis
- Terrarum spatiis hauriet, & me-
ro
Consumto, cupido gutture tur-
bida
De facce exitium bibet.
- 10 At me vate, Dei, quem genus
Isaci
Et thure & precibus placat &
hostiis,
Omnis posteritas munificen-
tiam
Et vim numinis audiet.
- 11 Confringam tumidæ tela super-
biæ
Formidata bonis: cladibus obru-
ta
Emerget pietas, & super æthe-
ra
Tollet conspicuum caput.

PSAL. LXXVI. *Notus in Judæa Deus: &c.*

- 2 **G**Entes profanæ numinis loco
colunt
Sibi quisque quem finxit
Deum:
Judæa verum novit & colit
Deum,
Laudatque festis cantibus:
- 3 Deum Sionis incolam, Solymæ
facris
Cui templa fumant ignibus.
- 4 Illic minaces fregit arcus, lu-
cida
Fregit sagittæ spicula.
Clypea sinistris rapuit, enses dex-
teris:
Funesta bella sustulit.
- 5 Tu præpotentes fortior tyran-
nidas
- Virtute frangis: tu feram
Compescuisti fortium superbiam
Regum potenti dextera.
- 6 Fracta minacis spiritus ferocia,
Prædæ fuere: aut ferro
Somno gravati condidere lumi-
na.
- 7 Obtorpere dexteræ
Fortes virorum, vis equorum,
& curruum
Elanguerunt impetus.
- 8 Tuum verendum nomen & nu-
men, tuæ
Quando æstus iræ incanduit,
Quis obviam ausit ire? quis mi-
serum caput
Tuo furori objecerit?

Quum

1 *Tu præpotentes.*] Tres Stephanorum,
duæ Plantini, & Argent.

*Tu belluosis montium clarus jugis
Apparuit: tu feram.*

- Quum¹ templa mundi fulminum
quateret fragor,
9 Ut impia tyrannide
10 Pœnis repressa² supplicem mo-
destiam
E servitute abduceres,
Attonita tellus siluit : imbellis
pavor
Mentes superbas perculit
11 Ultricis iræ scelera pœnis obruta
Humana gens quum cerneret,
Boni efferebant laudibus te, con-
scius
Premebat horror impios.
12 Vota ergo Domino nuncupate,
& reddite:
Domino verendo munera
Ferte universi civitatis incolæ
Sanctæ, Deumque agnoscite,
13 Reges superbi quem pavent, qui
spiritus
Feros retundit impiis.

PSAL. LXXVII. *Voce mea ad Dominum clamavi, &c.*

- 2 **T**E voce semper, te prece
supplice,
Rerum invocabo conditor opti-
me:
Nam lenis ac placatus aurem
Das facilem miserris quere-
lis.
3 Ad te refugi, quum premerer
malis,
Ad te tetendi sollicitus manus
Sub nocte sola, donec atras
Lux tenebras rediens fuga-
ret.
4 Mens inquietis fracta doloribus,
Surda abnuebat aure fidelium
Voces amicorum, medelæ
Impatiens : animusque so-
lum
Intentus in te, cum lacrymis pre-
ces
Miscens fremebat : pectora fle-
bili
- Concussa singultu sonabant;
Cura animi cruciabat ar-
tus:
5 Æstus verabat sollicitudinum
Dulcem soporem carpere lumi-
na:
Segnis ligabat membra tor-
por,
Vocis iter dolor obstrue-
bat.
6 Tum mente versa volvere secula
Cœpi anteaſti temporis, ac Dei
Numen bonis præſens, nec
unquam
Auxilii miserris avarum.
7 Laudum subibat quas tibi car-
mine
Lyræ canebam suaviloquæ ad
modos:
Secumque vestigabat ægra
Mens vario labefacta mo-
tu;

8 Num

1 *Templa mundi*] Ter. Eunuch. III. 5. 42.
At quem Deum? qui templa cæli summa so-
nitum concussit.

Ennius,
Unus erit quem tu tolles ad cæcula cæli
Templa -----

Lucret. I. 1098.
Neve ruant cæli tonitralia templa superne.

Sic Buchan. Ps. LXXVII.

*Qui templa pœni fideiſibus poli
Condideris -----*

2 *Supplicem modestiam.*] Omnes Ste-
phanorum, dux Plantini, Argent Vau-
trollerii Lond. 1580. Genev. 1594. *sim-
plicem modestiam.*

- | | |
|----------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------|
| 8 Num me relicto in perpetuum
Deus
Opis benignam jam retrahit manum? | Justitiæ specimen dedisti,
14 Æterne rerum conditor! omnia
Consulta cujus factaque sanctitas
Illustrat: haud quidquam tibi
ingens
Orbis habet simile aut secundum. |
| 9 Nec amplius suum tenebit
Larga Dei bonitas tenerem? | 15 Mirante mundo tu, Deus unice,
Miræ dedisti signa potentiae, |
| Nec ore vatum leniet anxias | 16 Ergastulis quum liberaſti
Abramidas Pharii tyranni. |
| 10 Curas fuorum? nec miseris erit
Placabilis? nec sistet iræ
Præcipitem bonitate cursum? | 17 Videre fluctus te tumidi, Deus,
Videre fluctus, & trepido gradu
Fugere: turbavit profundas
Horror aquæ vitreæ lacunas |
| 11 Tandem remisso pectore, Quo
dolor
Impellis? inquam: ſtant adaman-
tinis
Decreta cœli fixa vinclis,
Nec dubio labefacta caſu,
Nec fracta vi, nec temporis in-
vidis
Oblivioſi obnoxia dentibus. | 18 Fudere aquoſas imperio tuo
Nubes procellas de gravido ſinu,
Sonore rauco: grandiniſque
Infremuit lapidoſus imber. |
| 12 Rurſus tuæ mentem ſubibant,
Sancte parens, monumenta
dextræ:
Qui templa piſti ſideribus poli,
Frugumque campos germine fer-
tiles,
Et ſcæla tot noſtros ad uſus
Condideris pecudum & fe-
rarum. | 19 Cœli tonantis vaſtiſſicus fragor
Implebat aures: lumina fulgurum
Terrebat ardor, & pavore
Attonitæ tremuere terræ. |
| 13 Quam ſæpe, poenis dum premis
improbos,
Tutoque fulcis præſidio probos,
Mortalibus clementiæque & | 20 Sali rubentis pervia vaſtitas
Duſtore te tot millibus obruit
Veſtigia, & fluctu reſuſo
Clauſit iter Phariis quadri-
gis. |
| | 21 Moſes & Aron (ceu pecudum
greges
Paſtor reducit) præſidio tuo
Duxere tranquillæ per undas
Incolumes populi catervas. |

PSAL. LXXVIII. *Attendite popule meus, &c.*

- 1 **A**Udite Ifaciæ, & rerum pietate parentem
Qui colitis pura, huc animos advertite veſtros.
- 2 Mira canam, ſed vera canam: quæ longa vetuſtas
Occulit arcanis oracula merſa tenebris
- 3 Evolvam: priſcis accepta parentibus olim
- 4 Veriloquiſdictis, in ſecula ſera nepotum

Trans-

- Transmittam: laudesque Dei, mirandaque facta
 Cognita de proavis discent me vate minores.
- 5 Namque parens mundi sancto quum fœdere gentem
 Jungeret Ifacidum sibi, patres prode natis
- 6 Per seriem, & seris venientia secula seclis,
 Et legum monitus & facta ingentia jussit.
- 7 Scilicet ut memori benefacta priora tenentes
 Pectore, consilium vitæ auxiliumque regendæ
 A Domino expectent, trepido turbante tumultu.
 Ne tam cæca animos condant oblivia, legum
 Irrita ventosis ut dent præscripta procellis.
- 8 Neu similes patrum, male grata mente rebelles,
 Deficiant animi instabiles, dubioque labantes
- 9 Pectore. Cur soboles Ephraimi docta sagittis
 Figere vel jaculo quamvis distantia certo,
 Terga dedit pene ante tubas? latebrisque salutem
 (O pudor!) abjectis quæsitit turpiter armis?
- 10 Nempe quod averfos flexere per avia gressus,
 11 Obliti legum & monitorum, & fœderis icti,
 12 Obliti tantorum operum, quæ, testibus olim
 Patribus, in Phariis Dominus patraverat oris.
- 13 Quum mare divisit sese cumulante profundo,
 Inter & aggestos undæ stagnantis acervos
- 14 Incolumem eduxit populum, duce nube serena
 Luce, per obscuras flamma præeunte tenebras.
- 15 Flumina de solidi patefecit vulnere saxi,
 16 Damnatisque siti rivos donavit arenis.
- 17 Nec satiati undis linguas tenuere procaces:
 18 Ausi immane scelus, deserta per avia rursus
 Tentavere Deum: &, ventris stimulante voracis
- 19 Ingluvie, petiere cibos: ac talibus ora
 Solverunt: Silicis duræ qui flumina venis
 Elicuit, subitoque sitim torrente levavit,
- 20 Non potis est panem, non lautæ fercula mensæ
 Addere? non epulis convivia larga profusis?
- 21 Audiit omnipotens, calidaque accensus ab ira est,
 In ¹ Judamque hausit flammato corde furorem.
- 22 Et populo tamen ingrato, totiesque salutis

Im-

I In Judamque hausit.] Tres Steph.
 dux Argent.

Flammarumque globos fudit super agmina
 largis

Imbribus, & stolidos compefcuit ignibus
 ausus.

Et populo, &c.

- Immemori acceptæ, ¹ victum dedit esse peti-
 23 Castra super late ætherii patefecit olympi
 24 Horrea: ² dein gravidas cœlesti semine nubes
 Ambrosiæ largos super agmina solvit in imbres:
 25 Cœlestisque cibi indulgit mortalibus usum.
 26 Cedere tum jussu campis ex æris Euro,
 Mox tepidis volucrum pluvias Notus attulit alis,
 27 Non secus ac siccæ cumulos quum verrit arenæ,
 Pulvereamque trahit deserta per arida pallam.
 28 Castra super, tensisque super tentoria velis,
 Alituum tremulis resonabant agmina pennis,
 Et circum affusis cumulabant stragibus agros.
 29 Jamque epulis exempta fames: sed prava libido
 30 Non exempta tamen; sed adhuc sine fine petita
 31 Faucibus hærebant epulæ: Deus ecce repente
 Ultor adest: late subito grassante ruina,
 Robora selectæ passim cecidere juventæ.
 32 Sed neque tot poenæ, neque tot benefacta rebelles
 Continuere animos, nec tot miracula, rerum
 33 Natura monstrante Deum: Pater ergo procaces
 Casibus assiduis fregitque, &, robore fracto,
 Ante diem tremulæ succidit fila senectæ.
 34 Vix tandem morbis vexati, erroribus acti,
 Omnibus exhausti prope cladibus, omnium egeni,
 35 Agnovere Deum: per tot discrimina tecti,
 Ereptique malis, sævoque ex hoste recepti,
 36 Verba tamen blandis fundebant subdola linguis,
 37 Ore pii, mendace animo: neque fœderis icti
 38 Servavere fidem. Verum clementior ille
 Sontibus ignovit: patria pietate remisit
 Offensas, meritamque ultro compescuit iram:
 39 Quippe homines memor esse animi modo flabra fugacis,
 Quæ fragiles agitent morituri corporis artus.
 40 O quoties inter viduas cultoris arenas,
 41 Inter saxa siti squalentia, numinis iram
 Languentem insanis irritavere querelis!
 Et sua divinas dimensi ad robora vires,
 Virtutem brevibus voluere includere metis,
 Quæ mare, quæ terras, quæ cœli continet orbes!

42 Sci-

¹ *Victum dedit esse peti-um.*] Tres Steph. duæ Plant. Argent.
 duæ Plant. Argent. *Dapibus dedit esse petitis.* Horreaque; & nubes cœlesti semine fatas
² *Horrea: dein gravidas.*] Tres Steph. Ambrosiæ, &c.

- 42 Scilicet obliti benefacta priora, salutem
 Accepam, & duri nuper juga demta tyranni,
 43 Et quæ per Pharias miracula plurima gentes
 Edidit, in vitreos suffuso sanguine rivos,
 Damnatisque siti laticum sine munere mensis.
 44 Et modo pestiferæ per celsa palatia muscæ
 Spicula figebant liventi tincta veneno:
 45 Et modo flumineis squalebant atria ranis.
 46 Et nunc bruchus edax hominumque boumque labores,
 Agmine nunc denso diræ excedere locustæ.
 47 Grandinis imbre hortos, lapidosa grandine vites,
 Grandine silvarum Dominus decussit honorem:
 48 Grandine prostrati fortes jacuere juveni:
 Et segetum gravidos ruit igneus imber in agros.
 49 Ira Dei, laxisque furor bacchatus habenis,
 Eumenidumque faces, & conscius horror oberrans
 Pectora, turbabat stimulis præcordia cæcis.
 50 Tum letho patefacta via est: mors sæva per omne
 Passim hominum pecudumque caput nulli æqua cucurrit:
 51 Primitias sobolis, carissima pignora, florem
 Roboris, & seræ spem præsidiumque senectæ
 Prostravit, qua Nilus aqua se divite volvit,
 Et septemgeminis refluxum mare submovet undis.
 52 Interea, ceu pastor oves in pascua ducit,
 53 Ipse suum Dominus populum deduxit, ab omni
 Vi procul & trepida formidine: fluctibus æquor
 Obruit infestos in se redeuntibus hostes.
 54 At sancti tenere patres loca sancta, Deique
 55 Parta manu, exclusit gentes prius unde profanas,
 Aut prostravit humi victas; & jugera mensus
 56 Abramidis habitare dedit. Nec segnius illi
 Irritare Deum, & rerum tentare parentem,
 57 Fœdera negligere: & patrum de more rebelles,
 Avertere suos recto de tramite gressus.
 Non secus ac arcus curvat se in cornu nervo
 Adducto, dextraque iterum nervoque remisso
 In faciem subito flectit se sponte priorem:
 58 Libera sic iterum gens impia vindice pœna
 Ad sese rediit: cunctisque in collibus aras
 Erexit, finxitque sibi simulacra deorum,
 59 Ac Dominum rerum meritas accendit in iras.
 60 Audiit omnipotens pater impia vota precesque,
 Et sibi dilectam gentem contempsit: & aras

- Ipse suas, ac Silonis tentoria liquit,
Sola sibi e cunctis electa habitacula terris.
- 61 Deferuitque sui monimentum foederis Arcam
Hostibus in praedam: monimentum roboris, unde
Clara Dei in cunctas splendebat gloria terras.
- 62 Hos ferro, terrae iratus sibi nuper amatae,
63 Objecit, flammis alios: cecidere cruento
64 Ense sacerdotes: non connubialia festis
Carmina sunt cantata toris, carique mariti
Indeploratis viduae jacuere sepulchris.
- 65 Ast ubi jam poenis meritam satiaverat iram,
Ceui crapula excussa miles, lentoque sopore
Excitus, arma iterum fugientes vertit in hostes:
- 66 Tergaque vulneribus figens imbellia caecis,
Perpetuam adpersit ventura in secula labem.
- 67 Non tamen Ephraemum praestantem fortibus armis
Elegit, cui sceptrum daret; non ille Manassae
68 Pignora: sed Judam, sed celsae tecta Sionis,
69 Tempora sibi & solido fundata sacraria saxo,
Cumque polo & stellis mansuram in secula sedem.
- 70 Quique sequebatur pecudes in pascua David,
71 Sustulit e caulis, caram & sibi pascere gentem,
Impositum folio, & sanctae jus dicere terrae
72 Jussit: & ille gregem studio curaue fideli
Rexit, & infestis defendit ab hostibus armis.

PSAL. LXXIX. *Deus, venerunt gentes, &c.*

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Hæreditatem, rector orbis,
cur tuam
Invadit hostis impius?
Ritu profano polluit sacraria
Tuo dicata nomini,
Soloque strâtam funditus Soly-
mam suæ
Tegit ruinæ molibus.</p> <p>2 Truncata ferro membra te co-
lentium
Passim per agros objacent,
Lanianda rostris vulturum, cru-
delibus
Aut belluarum dentibus.</p> <p>3 Rivi cruoris perluunt vias, vel-
ut</p> | <p>Torrens adauctus imbris.
Nec usquam amicus ossa sparsa
qui legat,
Aut lecta tumulis obruat.</p> <p>4 Functique fato pariter & super-
stites
Ludibrio accolis fumus.</p> <p>5 Parens benigne, quem modum
tandem tuæ
Speremus iracundiæ?
An continenter instar ignis o-
mnia
Vorantis in nos sæviet?</p> <p>6 Tui furoris verte potius impe-
tum
In impiarum gentium.</p> <p style="text-align: center;">M 2</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Tot

- Tot regna, nomen quæ tuum
vel nesciunt,
Vel, si sciant, non invocant :
7 Semen piorum quæ laborant per-
dere
Armis, & urbes ignibus.
8 Revocando vetera, parce, geni-
tor, crimina,
Facies furori subdere.
Sed pene cunctis obrutos malis,
tua
Nos præveni clementia.
9 Offensionum mitis obliviscere,
Nostræ salutis anchora.
Placatus adsis, splendor ut cun-
ctis tuæ
Clarescat oris gloriæ :
10 Os obstruatur impiis, quærenti-
bus
Num noster hic cesset Deus.
O iuste vindex, impios exerci-
tos

- Pœnis vicissim cernere
Fac nos, cruore qui piorum for-
didi
Nunc insolenter gestiunt.
11 Audigementes carcerum qui vin-
culis
Marcent : potente dextera
De fauce mortis libera, quos cæ-
dibus
Jamjam tyranni destinant.
12 Et quam intulerunt contumeliam
tibi,
Et quam tuis injuriam,
Multiplicatam redde nostris ac-
colis,
Rerum perennis arbiter.
13 Et nos, ovilis grex tui, quem
pabulo
Alis, tueris numine,
Et posterorum posteri, laudes
tuas
Cunctis canemus seculis.

PSAL. LXXX. *Qui regis Israël, intende, &c.*

- 2 **H**ebrai generis pastor, uti
gregem
Blande progeniem qui regis Isa-
ci,
Inter qui geminos aligeros tuo
Præscribis populo jura salubria :
3 Selectæ soboli da bonus ac fa-
vens
Lumen posse tuæ cernere glo-
riæ,
Da vim posse tuæ nosse poten-
tiæ :
Ac fessis propere porrige dexte-
ram.
4 Tu nos si placido lumine videris,
Cedent continuo cætera prospere.

- 5 O Rex armipotens, quem sta-
tues modum
Iræ? quando humiles suscipies
preces?
6 Irroras lacrymis fercula, lacry-
mis
7 Misces continuis pocula : jurgia
Nostris finitimi de spoliis fe-
runt,
Et nostra exagitant ludibrio ma-
la.
8 O Rex armipotens, agmina
coelitem
Cui parent, faciem cernere da
tuam.
Tu nos si placido lumine videris,
Cedent continuo cætera prospere.
9 Tra-

1 Insolenter.] And. Hart. anno 1615. insolentes : alii codices omnes insolenter.

- 9 Traduxti Pharia de scrobe vineam:
Pravarum expuleras semina gentium,
10 Ut puro feres purius hanc solo.
Jam radix teneras fuderat undique
11 Fibras: ¹ jam tremulo frigore texerat
Montes: æqua cedris brachia sparserat:
12 Tangebant teretes æquora palmites,
Euphratem teneri germina surculi.
13 Nudatam solitis cur modo sepibus
In prædam hospitibus deferis hanc vagis?
14 Cur hanc sævus aper proterit? alites
Carpunt? omnigenæ depopulant feræ?
15 ² O Rex armipotens, obsecro jam redi
Tandem, & fidereo prospice de throno:
Placatusque tuam respice vineam,
16 Plantaras propria quam tibi dextera.
Hunc saltem placidus respice ramulum,
Cui cultu assiduo conciliaveras

- Robur, clara tui gloria nominis
Terrarum ut populis nota sit omnium.
17 Illic flamma vorat brachia vitium:
Hic convulsa gemunt: cæsa bipennibus
Hic duris resonant: omnia pestum eunt.
Iræ iusta tuæ nos premit ultio.
18 Indulgens genitor, nunc ope subleva:
Firma præsidio nunc propius tuo
³ Hunc, vires & opes & decus antea
Affectu patrio cui cumulaveras.
19 Vitam redde tuis, sancte parens, quibus
Semper mors avidis faucibus imminet.
⁴ At nos usque ducem te comitabimur:
Præsentem miseris te celebrabimus.
20 O Rex armipotens, agmina cœlitum
Cui parent, faciem cernere dat tuam.
Tu nos si placido lumine videris,
Cedent continuo cætera prospere.

P S A L.

1 *Jam tremulo frigore texerat montes*] Tremulo frigore pro umbra: audax metonymia.

2 *O Rex armipotens*] Ita Editio Alex. Julii 1620, alii omnes, *O Rex omnipotens*: at prius illud rectius videtur, ut alibi hoc Psalmo, & hoc loco textus He-

braicus, & omnes quas viderim versiones.

3 *Hunc*] Heb. *Virum dextera tuæ*: proinde haud scio an recte a Julio ad *ramum* pronomen [*hunc*] referatur.

4 *At nos*] Melius forte *Ac nos*.

PSAL. LXXXI. *Exsultate Deo adjutori nostro, &c.*

- 2 **E**Xsultate Deo nostro, bona dicite verba
Nostræ salutis vindici:
- 3 Ifacidum laudate Deum, præana canentès
Ad tympani dulces modos.
- 4 Nec lyra, nec cessent genialia nabilia: festis
Tuba calendis clangite.
- 5 Hunc læti celebrate diem, stata sacra ferentes.
Nam sic statutum est patribus:
- 6 Sic lex sancta jubet, sic sacri fœdera pacti
Percussa cum majoribus.
Hæc est illa dies ventura in secula testis
Memphiticæ tyrannidis:
Quum Pelusiæc Hebri gens hospes in oris
Erraret, & linguæ sonum
Attonita ignotum audiret, nec nota vicissim
In verba frustra os solveret:
- 7 Quumque humeros curvaret onus servile, manusque
Lassaret olla fictilis:
- 8 Excussi manibusque ollas, humerosque levavi
Luto, inquit optimus parens:
Auxiliumque tuli poscenti in rebus egenis:
Et nube densa conditus
Intonui: Meribam propter tua jurgia passus,
Feci tui periculum.
- 9 Nunc etiam selecta mihi gens auribus hauri,
Et quæ paciscor accipe:
- 10 Si mea dicta vagis non tradas irrita ventis;
Nec alterum colas Deum;
Nec prostratus humi supplex nova numina adores:
- 11 Sed unicum tibi me Deum
Esse velis, domini qui rupta compede Nili,
Juris tui te reddidi:
Posce modo: spe plura feres, potiora petitis,
Majora votis auferes.
- 12 Hæc neque dicta suas populus demisit in aures,
Bene nec monenti paruit.
- 13 Ergo ipsos sibi permisi: frenoque remisso
Solvi vagam libidinem.
- 14 O potius monita audissent mea! me duce rectum
Utinam institissent tramitem!
- 15 Namque humiles illis subito fractosque dedissem

Hostes

- Hostes, meamque dexteram
 16 Vertissem in gentes, quæ recta odere, profanas:
 Et supplices mendacibus
 Vultibus Isacidum ambissent verbisque favorem:
 17 Felicium omne in seculum
 Isacidum, quibus almus ager fudisset abunde
 Frugum benignam copiam,
 Mellaque de duri fluxissent viscere saxi
 Per arva cultus inscia.

PSAL. LXXXII. *Deus stetit in synagoga, &c.*

- | | |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Regum timendorum, in proprios greges,
 Reges in ipsos imperium est Jo-
 vâ,
 Qui judicantum examinabit
 Nequitiam trutina severa.
 2 Num fraudulentos semper & im-
 pios
 (Inquit) dolosa lance fovebi-
 tis?
 3 Pauperque pupillusque ve-
 strum,
 Ceu scopulum, metuet tri-
 bunal?
 4 Quin orbitatem cernitis anxiam?
 Aurem querelis quin inopum da-
 tis?
 Cur pauperes non a superbo
 Ludibrio asseritis poten-
 tum?</p> | <p>5 Frustra monemus: lumina cæci-
 tas,
 Errorque mentes obsidet: ut ne-
 que
 Compaginem rerum solutam
 Justitia pereunte cernant.
 6 Deos vocavi vos, dominos ne-
 cis
 Vitæque feci: sceptrifera manu
 Pacem dedi tueri, & armis
 Lethiferum cohibere bel-
 lum.
 7 At mors iniquæ justa superbiæ
 Ultrix honores detrahet, & pari
 Ignobili cum plebe fato
 Purpureos rapiet tyrannos.
 8 Exsurge, legum frena manu Deus
 Capesse, cunctis arbitrio tuo
 Qui regna dispensas, ut orbi
 Imperio domineris æquo.</p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. LXXXIII. *Deus, quis similis erit tibi? &c.*

- 2 **N**E taceas, ne cuncteris, pater optime, neve
 Preces tuorum sperne duris auribus.
 3 Ecce fremunt hostes circum, & miscere tumultu
 Sævo parati cuncta, cristas erigunt.
 4 Consilia occulte coeunt, populoque minantur,
 Tu quem tuendum proprie susceperas.
 5 Eja (ajunt) properate, omnem succidite silvam:
 A stirpe sobolem deleamus Isaci.

- 6 En sceleri jurata manus coit omnis in unum,
Tua instituta ut delcant & foedera.
- 7 En cum palmifera junctus Nabathæus Idume,
8 Soboles Moabi, & Agareni, & Gabala,
Cumque Palæstinis Tyriisque Amalecus & Ammon,
9 Syrusque jungit castra Lothi posteris.
- 10 At tu sterne solo victos, Madiana juvenus
Ut cæsa texit semitas te vindice:
Sisara ceu tumidus cecidit, milesque Jabini:
Cissontis undas turbidas quum sanguine
- 11 Tinxere: infletæ passim jacuere catervæ,
Lætamen agris: nec fuga eripuit duces
- 12 Orebum & Zebuin: nec subtraxere latebræ
A falce mortis Zebeamque & Zalmanam:
- 13 Dicere non veritos animo votoque superbo,
Dominos futuros se tui sacrarii.
- 14 At tu, sancte parens, sic hos vertigine torque,
Ut rotula clivo, stipula vento, volvitur:
- 15 Flamma velut siccæ populatur brachia silvæ,
Per alta stridens montium cacumina:
- 16 Sic urge attonitos consternatosque procella,
Tui furoris dissipata sic turbine:
- 17 Sic animos dolor exurat, pudor ora coloret,
Suis miseriis numen ut probent tuum:
- 18 Sic ignominia fastum preme, damna timorque
Sic continenter territotos exerceant,
- 19 Te solum ut noscant Dominum, rerumque potentem,
Quacunque terras ambit axis ignifer.

PSAL. LXXXIV. *Quam dilecta tabernacula tua, &c.*

- 2 **O** Rex armipotens, qui cre- 3 Hic cor lætitia palpitat: hic bo-
peros tuo nis
Bellorum arbitrio dividis exi- Languet mens nimis ebria, ge-
tus, stiant
Ergo limina templi 2 Artus, atria vivi
Latus conspiciam tui. Visuri propius Dei.
- 4 Hic

1 Milesque Jabini:] Tres Steph. duæ
Plant. & Argent. *sævusque Jabinus.*

2 Artus, atria vivi visuri propius Dei.]
Julius (qui artus visuri *παρὰ τὰς* membra
invisura), visuri recto plurali positum exi-
stimasse videtur; ego vero genitivo sin-

gulari, subaudito [*mei*] collocatum arbi-
tror: neque enim artus, sive membra,
quidquam visere seu conspiciere possunt;
nec id vel minimum innuunt Regii vatis
verba.

- 4 Hic passer latebras invenit, hic
locat
Nidum veris avis nuntia. O atria
Regis bellipotentis
Ut vos adspiciam libens!
- 5 Felix, qui domui perpetuo tuæ
Hærens te celebrat: qui penitus
suam
In te spem posuerunt,
Felices ter & amplius.
- 6 Felices, studio qui properant pio
7 Templo sacra tuo ferre: per ari-
das
Valles fontis amœni
Derivis liquidis bibent.
Nec deerit pluvix, quæ repleat
cavas
- 8 Fossas, agmen aquæ, dum pro-
perat premens
Turmam turma, parentum
Ritu cædere victimas.
- 9 O Rex armipotens, da placidum
tuo
Te Regi, capitis cui decus in-
clytum
- Indulsti: bonus aurem
Ne duram abnue supplici.
10 Tu noster clypeus, rebus in aspec-
tis
11 Spes & præfidium: juxta adytum
tuum
Unius mora lucis
Pro mille est mihi seculis.
Sim custos potius liminis in tuo
Templo, sancte parens, quam
Solyma procul
Degam inter sceleratos
Multis clarus honoribus.
- 12 Tu sol, tu clypeus, tu Domi-
nus: tuis
Tu das conspicua fulgere glo-
ria:
Nec puro scelerum unquam
Claudis munificam manum.
- 13 O Rex armipotens, quem penes
exitus
Bellorum, & positis ensibus o-
tia:
O bis terque beatos,
Qui te spe solida colunt.

PSAL. LXXXV. *Benedixisti Domine terram tuam, &c.*

- 2 **N**on semper tumidis fervent vexata procellis
Æquora, nec gelida riget horrida terra pruina:
Inque vicem ponunt venti, mare sternitur, aura
Mitior in florem torpentes evocat herbas.
Nec semper, Deus, avertis mœrentibus aurem
Durus, & indulgens iræ: quondamque favore
Sponte tuum amplexus populum es: vincisque solutis
Servitii, patrias duce te remeavit ad aras.
- 3 Oblitus scelerum & violati fœderis, iram
4 Lenisti, & patria texisti crimina cura.
- 5 Et nos ergo, parens, nostræ & spes una salutis,
Respice placatus facilisque: animumque benignum
- 6 Accipe: perpetuæ neve implacabilis iræ
Sæviat in seros etiam vindicta nepotes.
- 7 Respice nos melior tantum: quodcunque miscellæ

Tom. II.

N

Spirat

- Spirat adhuc animæ, te respiciente vigorem
 Accipiet: populoque tuo, jam nube repulsa
 Tristitiæ, lætos hilarabunt gaudia vultus.
- 8 Alme parens, bonitate tua complectere fessos,
 Speratæque diu jam fructum ostende salutis.
- 9 Jamdudum exspecto, Dominus dum læta futuri
 Signa det, arcano pulsans præcordia motu.
- 10 Et dabit haud dubie posita placabilis ira
 Signa secunda: piis dabit omnia prospera, leges
 Qui patrias & sacra colent, errore relicto.
- 11 Ecce salus, ecce incultas bona copia terras
 Incolet, & læti renovatrix gloria seclii.
 En bonitas, en alma fides feret obvia gressus:
- 12 Terra fidem, cœlo terras Astræa relicto
 13 Sancta colet comes Astrææ bona copia cœlo
 Appluet, & lætos decorabit frugibus agros.
- 14 Et quacunque feret Dominus vestigia, gressus
 Ante ferent jus fasque suos: lis, visque dolusque
 Deferet afflictas per tot jam secula terras.

PSAL. LXXXVI. *Inclina, Domine, aurem tuam, &c.*

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 DA mitis aurem supplici
 Deus: saluti consule
 Ope destituti & pauperis,
 1 Nec 2 semper iræ vindicis.</p> <p>2 Servum tuum serva Deus,
 Cui spes salutis unica es:</p> <p>3 Serva invocantem jugiter
 A solis ortu ad vespèrum.</p> <p>4 Depelle mentis nubila
 Pendentis a te servuli.</p> <p>5 Blandæ parens clementiæ,
 Promptus vocanti parcere:</p> <p>6 Intentus audi supplicem:</p> <p>7 Nam te vocamus arduis
 In rebus, invocantibus
 Opem benignus quod feras.</p> <p>8 Nullus deorum par tibi:</p> | <p>Nullus secundus: exserit
 Nullus suam potentiam
 Tam splendidis miraculis.</p> <p>9 Rerum creator, ultimis
 Ab orbis oris affluent,
 Flexoque gentes poplite
 Te prosequuntur laudibus.</p> <p>10 Solus nec ævi termino
 Inclusus aut potentiæ,
 Deus deorum, gentibus
 Miranda cunctis perpetras.</p> <p>11 Legum tuarum semitam
 Fac ingredi me: pectoris
 Compone fluctus turbidos,
 Tranquilla mens ut te colat.</p> <p>12 Ut spiritus contagio
 Emancipatus corporis,</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Tuam

1 Nec semper ira.] Stephanorum dux, non Deum, sed Davidem ipsum respiciunt: dux Plant. & Argent. vix patiente Jacobici carminis lege, Nec ira semper. Vatablus, quem præcipue noster sequitur, quia misericors sum: alii quia sanctus sum, vel bonus, vel pius.

2 Nec semper iræ vindicis] Hæc verba

- Tuam celebret gloriam,
Dum vita voxque suppetet.
- 13 Vivo tua clementia,
De fauce mortis erutus,
- 14 Quum virium fiducia
Sæviret hostis insolens.
- 15 Mihi immineret, tu Deus
Et lenis & placabilis,
- Et pacta fidus reddere.
16 Mitis bonusque respice,
Qui pendet ex te, servulum:
Opem fer, & vernaculum
Tuum periculis exime.
- 17 In me favorem sentiant
Hostes tuum: ora decolor
Mutet pudor, quum viderint
Mihi te salutis vindicem.

PSAL. LXXXVII. *Fundamenta ejus in montibus, &c.*

- 2 **A** Bramidarum cæteras urbis
supra
Dominus Sionis diligit
Portas; Sionis, imminet quæ
montium
Fundata sanctis collibus.
- 3 O prædicanda posteris seclis
Sion,
Beata mater urbium:
- 4 Tecumne Babylon se audeat com-
ponere?
Tecumne Memphis insolens?
Ventura Babylon sub jugum Dei,
Deo
Flexura Memphis poplitem.
Præclara quamvis & Palæstina &
Tyros
Jactet virorum robora;
- 5 Nihil ad Sionem fortibus factam
viris,
Favore tutam numinis.
Censore Domino humana gens
quum nomina
Ad profitenda confluet,
- 6 Quis non Sionis se feret civem?
inferi
Quis non colonus ambiat?
- 7 Tum vox Sionem carminum,
tum vox lyræ
Canent Sionem & tibiæ:
Et nostra si quid audiendum
vox sonet,
Laudem Sionis vox canet:
Et si quid animus voce dignum
excogitet,
Animus Sioni serviet.

PSAL. LXXXVIII. *Domine Deus salutis meæ, &c.*

- 2 **L** Uce voco te, nocte voco te, sola salutis
Spes, columen, vitæ præsidiumque meæ.
- 3 Alme parens, facilem ne vultum averte precanti,
Neve humiles dura respue mente preces.

4 Mens

1 Et lenis.] Multi codices, & ii fere Stephanorum fratrum, una Plant. Ar-
antiquiores, legunt; Et lenis. Gen. 1524. gent. Quis non Sionis se ferre civem?
vers. seq. Et pacta. 4 Audiendum vox.] Dux Steph. una
2 Imminet quæ montium] Rectius for- Plant. Argent. metro repugnante, vox
te eminet. audiendum.

3 Quis non Sionis se feret civem?] Dux

- 4 Mens hebetata malis torpet: confecta dolore
Funereas spectat languida vita faces.
- 5 Membra vigor liquit: mors unguibus imminet atris:
De tumulo tantum jam mihi cura meo est.
- 6 Corpora non aliter pallent sub mole sepulchri,
Vulnere quæ subito mors inopina tulit:
Perpetuis quæ sub tenebris oblivia condunt
Alta, salutiferam te retrahente manum.
- 7 Carcere ceu clausum, & cæca sub nocte sepultum,
Me prope lethææ gurgite mergis aquæ
- 8 Usque premis, stratumque urges, supraque jacentem
Accumulas iræ flumina cuncta tuæ.
- 9 Me veluti scopulum fugiunt horrentque sodales,
Quos portum afflictæ spes erat esse rati.
Affixusque toro jaceo, ceu compede victus:
- 10 Languida cesserunt lumina victa malis:
Interea lassas tendens ad sidera palmas,
Te, veniente die, te, fugiente voco.
- 11 Scilicet exspectas, ut ¹acerba morte peremto
Ostentes vires me revocando tuas?
An rediviva tuas in laudes ora resolvent
Quos gelido tellus claudit avara sinu?
- 12 An tua sub tumuli bonitas cantabitur antro?
Vulgabuntve tuam muta sepulchra fidem?
- 13 Justitiæ tuam taciturna silentia pandent?
An referent vires nox tenebræque tuas?
- 14 Ast ego, sancte parens, supplex tua numina clamo:
Nec precibus vacua est hora loculse meis.
- 15 Sancte parens, animæ auxilium cur subtrahis ægræ?
Cur furda miseras respuis aure preces?
- 16 Me dolor & primis labor anxius urit ab annis:
Me trepidi exanimant corde micante metus.
- 17 Me furor exagitat tuus, opprimit undique terror;
- 18 Agmen ut hibernæ, quod fata mergit, aquæ.
- 19 Æger, inops, caris jaceo desertus amicis:
Nec noti ærumnis ingemuere meis.

PSAL.

¹ *Acerba morte peremto*] *Peremptum* forte ad Quint. Calab. p. 80. & alios. mallem vero in *revocando* ultimam non corrigi-
Buchananus scripserit. [Ablativos ab-
solutos etiam sequente alio casu poni
docuimus ad Quint. lib. xi. cap. i. vid.
& Gronov. ad Tacit. i. Hist. 8. Daufq. Tibull. III. vi. 3.]

PSAL. LXXXIX. *Misericordias Domini in æternum cantabo: &c.*

- 2 **T**U mihi carmen eris, rerum pater optime, semper;
Notaque erit populis bonitas, me vate, futuris,
Pollicitique immota fides, dum sidera mundo
- 3 Volventur tacito: citius quoque sidera credam
In chaos antiquum lapso se condere mundo,
Irrita quam sacri credam fore fœdera pacti,
- 4 His concepta tuo quondam cum Davide verbis:
5 Dum mare, dum tellus staret, dum sidera cœli,
Davidici generis mansuram in secula prolem,
Et stabilem regni ventura in tempora sedem.
- 6 Te, pater, ætherii cœtus, te jure piorum
Secla hominum celebrant, patrantem ingentia mundo
- 7 Mirante, & stabilis jus inviolabile pacti
Servantem. Quem terra tibi, quem conferet æther,
- 8 Magne parens? quem fiderei tremit omnis olympi
Cœtus, & attoniti submissa mente tyranni.
- 9 Armorum bellique potens, quocunque moveris,
Alma fides clara circum te luce refulget.
- 10 Tu maris irati furias compescis, ¹ & undæ
Dejicis insanæ tumidos ad sidera fluctus.
- 11 Tu Pharon elatam lethali vulnere sternis,
Et quicunque tuis miserum caput objicit armis.
- 12 Tu terræ cœlique opifex: quæcunque capaci
Complexu facies mundi revolubilis ambit,
- 13 Auctorem agnoscunt: Aquilo tibi servit & Auster:
Thabor & occiduum qui condit vertice solem,
Quique rubet radiis Hermon tepefactus Eois,
- 14 Lætitia exsultant: validæ tu robore dextræ
Clara per immensum spargis miracula mundum.
- 15 Ante tuum solium tibi iustum apparet & æquum:
Ante oculos adstat bonitas, & nescia flecti
- 16 Promissi sincera fides. O terque quaterque
Felices, quos festarum clangore tubarum
Ad tua sacra vocas: quos sacri lumine vultus

17 Illu-

3 *Et undæ Dejicis insanæ tumidos ad sidera fluctus*] Male in ora libri sui pro *sidera* reponendum conjectat *littora* quidam vir doctus, qui nimirum absurde dici existimabat, *dejicere tumidos fluctus ad sidera*: at illum, quisquis fuit, fefellit verborum ordo, qui hoc pacto collocandus est,

Dejicis fluctus insanæ undæ, tumidos, (i. e. qui modo intumuerant usque) ad sidera. Virg. *Æneid.* III. v. 423. de Charybdi loquens,
----- *Imo barathri ter purgite vastos*
Sorbet in abruptum fluctus, rursusque sub
auras
Erigit æternos, & sidera verberat unda.

- 17 Illustras, hilaresque tui sub nominis umbra
 18 Custodis: bonitate tua super æthera vestis
 19 Das vires, decus, imperium; das impia contra
 Agmina, ceu clypeum, per dura pericula Regem.
 20 Tu tibi dilectum secreto numine vatem
 Implesti, ut seclis daret hæc responsa futuris:
 21 Ipse mihi legi media de plebe, meoque
 Imposui Regem solio, qui protegat armis
 Ifacidas, populoque meo qui jura ministret;
 Davidis & sacro perfudi tempora olivo.
 22 Huic animum viresque dabo, præsensque tuebor
 23 Perpetuo, ne fraude scelus, ne robur aperte
 24 Exitium ferat: ipse hostes, ipse impia sterneret
 25 Agmina: nulla meam vertit sententia mentem.
 Auxiliumque feram bonus, & super ætheris axem
 Nominis auspicio nostri se gloria tollet.
 26 Jura dabit terris rapido quas gurgite claudit
 Hinc mare Sidonio fœcundum murice, & illinc
 27 Palmifer Euphrates. Supplex me in vota vocabit
 Ille patrem: Deus ille meus tu, (dicit) & unum
 Præsidium, una meæ costodia certa salutis.
 28 Hunc ego præcipuo contra dignabor honore,
 Supra aliosque dabo rerum moderamina reges,
 Quicunque immensum populis dant jura per orbem.
 29 Nec meus absistet favor illi in secla, nec illi
 Jurata æterni solventur fœdera pacti.
 30 Quin sobolem, & sobolis seros in cuncta nepotes
 Secla dabo, & stabilis sceptrum immutabile regni,
 Donec ab obscuris lucem sol dividet umbris.
 31 Quod si posteritas mea fœdera sancta profanet
 32 Immemor, & legem spernat, justamque recuset
 33 Ire viam, domitos pœnis duroque labore
 Compescam, & plagis usque exercebo rebelles.
 34 At neque destituam Regem bonitate perenni,
 35 Fœdera nec solvam, nec quod semel ore profudi,
 Ulla immutabit venturi temporis ætas.
 36 Quippe semel sancto firmavi fœdere, jurans
 Per me, Nulla dies initi cum Davide pacti
 37 Immemorem arguerit: soboles, dum secula mundus
 Volvit, ei patrii sceptri moderamen habebit.
 38 'Esto mi sol testis ad hæc, & conscia luna,
 Cum quibus æquævum sceptrum Judæa tenebit.

39 At

- 39 At nunc, sancte parens, tumida inflammatus ab ira
 40 Projicis electum Regem: rata fœdera pacti
 Negligis, & capiti sacrum diadema revulsum
 Sternis humi, & populis præbes calcare profanis.
 41 Nuda patent hosti disiectis oppida muris:
 Si qua manet, gelida formidine concutis arcem.
 42 Cunctis præda fumus populis: rapiuntque feruntque
 Vicini, insultantque malis, miserosque protervis
 43 Vocibus illudunt. Hostis tu robore dextram
 Interea firmas, perfundis pectora dulci
 44 Lætitia: ac gladios hebetas in vulnera nostros:
 Nec recreas fractos durò in discrimine belli.
 45 Jam decus & regni splendor, jam proxima cœlo
 Majestas versa in tenebras, solique superbi
 46 Gloria strata jacet: brevis immatura juvenatæ
 Stamina præcidis: miseræ pars ultima vitæ
 In luctu, in squalore ignominiaque senescit.
 47 Quem finem dabis ærumnis? nunquamne tuorum
 Respicias clades vultu placatus amico?
 An, ceu flamma furens, semper tua sæviet ira?
 48 Ipse memor tecum reputa, quam concita nostræ
 Tempora prætereant vitæ: frustra ergo crearis
 49 Humani generis sobolem? ut brevis exigat ævi
 Tempora, perpetuo curarum exercita fluctu?
 Dum fractam luctu & morbis, seniove, sepulchri
 Clauserit obscuro mors illacrymabilis antro.
 50 Heu bonitas ubi prisca? fides ubi pristina? ubi illa
 Fœdera conceptis quondam cum Davide verbis
 51 Facta tibi? Cerne opprobriis quibus impia servos
 Turba tuos premat insultans: quam multa silenti
 Clausa sinu maledicta feram, dum turba profana,
 Dum circum innumeræ gentes convicia fundunt,
 52 Nosque tui Christi verbis petulanter amaris
 53 Adventum sperare jubent. At tu bone rerum
 Conditor, æterno verax celebraberis ævo.

P S A L M O R U M

Liber Quartus.

PSALMUS XC. *Domine, refugium factus es nobis,, &c.*

- 1 **C**OElitum rector bone, abuf-
que primis
Seculis, mundi rudis & ju-
venta,
Qui laborantes ope sublevasti
Semper amicos:
- 2 Antequam tellus nova parturiret
Montium saltus, tegetetque mon-
tes
Lucidus cœli decor, ante metas
Lucis & umbræ;
Tu manes idem pater orbis, u-
nus
Nec vices rerum patiens, nec
ævi
Termino clausus brevis: unus ex-
pers
Finis & ortus.
- 3 At brevis nobis miseræque vitæ
Fila paullatim tenuas, senecta
Donec in putrem cinerem caducos
Solverit artus.
- 4 Tempus annorum tibi mille, lu-
cis
Instar hesternæ, fluidique puncti,
Nulla decursus quod ubi recessit
Signa relinquit.
- 5 Nostra vaneſcit tenues in auras
Vita, per ſiccas velut unda are-
nas,
Aut velut ſenſus per opaca lu-
dens
Noctis imago.
- 6 Herba ceu verno ſaturata rore
Mane, mox languet medio ſub
æſtu,
Mox humi comis jacet arefactis
Vespere fero.
- 7 Præter & vitæ mala tot fugacis,
Quæ voluptates vitiant amaro,
Ira turbatis tua ſemper inſtans
Pectora vexat.
- 8 Quicquid erramus temere aut ma-
lignè,
Quæ timor celat tenebris pudor-
ve,
Tu viſes, nec te lateret inquieti
Pectoris æſtus.
- 9 Dum tui pœnas meritas furoris
Mens reformidat, prope cogita-
tu
Ocyus vitæ ſpatium citatis
Aufugit alis.
- 10 Septies denos ſpatioſa in annos
Vita procurrit: quibus eſt ſene-
cta
Firmior, ferme in decimum ſu-
perſunt
Amplius annum.
Quid ſenectutis memorem labo-
res?
- Transvolat blandæ breve ver ju-
ventæ,
Inquies curis miſerisque morbis,
Ocyus Euro.
- 11 Deinde quis juſtæ tolerabit iræ.
Im-

- Impetum, si jam jubeas nocentes
Pro modo offensæ numeroque justas
Pendere pœnas?
- 12 Sic pater, sic o, numerare fluxæ
Nos doce vitæ spatium, caducis
Mens ut a curis revocata, veri
Lumen honesti
- 13 Cernat. O tandem placidus fa-
vensque
Desine irarum, propiusque ser-
vis
Semper assueta tibi lenitate
Consule fessis.
- 14 Fac tuæ fructu bonitatis aucti,
Gaudio tandem satiemur: ægris
- Liberi ut curis reliquos agamus
Suaviter annos.
- 15 Cedat & lætis fugiens vicissim
Luctus, exacto modus & labori
Par voluptatis subiens amarum
Mitiget ævum.
- 16 Facta, majestas, opera, ampli-
tudo
Nota sint servis tua, posterisque
Nota servorum, tua qui liben-
ter
Jussa capeffunt.
- 17 Fac tuæ semper bonitatis ut nos
Splendor illustret, bone rector
orbis:
Gratiæ adspirans favor actiones
Prosperet omnes.

PSAL. XCI. *Qui habitat in adjutorio altissimi, &c.*

- 1 **S**I protegendam præsidio Dei
Credas salutem, rem, sobo-
lem, domum,
- 2 Insana quum fors inonabit,
Si Domini fugias sub um-
bram,
Securus omnem fer violentiam
Sortisque mortisque, & tetricas
minas
Contemne: securus tumultum
Despicias creperi duelli:
- 3 E fraude cæca te Deus eximet,
Frangeque casses insidiantium.
Nec sæviens late venenum
Lethiferæ patiēre pestis.
- 4 Expandet alas te super, & suis
Pennis fovebit rebus in asperis:
Certusque promissæ salutis
Sub clypei latitabis um-
bra.
- 5 Noctis per atræ cæca silentia
6 Non expavesces cæca pericula:
Non luce grassantem timebis
Perniciem, nec aperta bel-
la:
- 7 Interque strages mille cadaverum,
Dextra, sinistra, mille cadave-
rum,
Periculorum exfors propin-
quam
Incolumis fugies ruinam.
- 8 Pœnam luētes interea malos
9 Lætus videbis: præsidio Dei
Securus armorum & tumultus,
Ceu validis te gere mu-
ris.
- 10 Nec te, nec ædes vis propius
tuas,
11 Aut damna tangent: nam Deus
Angelos

Custo-

[I Sortisque mortisque, & tetricas minas] na, & Argentor. terrificas minas; quod
Dux Stephanorum, utraque Plantinia- metrum non patitur.
Tom. II. O

- Custodiæ tuæ salutis
Præficiet, vigilesque ad
omnes
Motus, viarum qui referent moras:
- 12 Qui per salebras te manibus ferant,
Ne faucietur pes recussus
Objicibus scopulorum acutis.
- 13 Securus atras inter & aspides
Deges, ferarum & pignora tigris:
Tutusque calcabis dracones,
Et Libycæ catulos lænæ.
- 14 Observat (inquit) me Deus, unice &
- Honore nomen prosequitur
meum:
Laboriosis hunc vicissim
Incolumem eripiam periculis.
- 15 Præsens vocanti subsidium feram,
Et imminenti rebus in asperis
Fato eximam: exemtoque honorum
Eximium decus arrogabo.
- 16 Faxo virenti robore transigat.
Seræ senectæ tempora suaviter:
Meosque monstrabo beare
Qua soleam ratione amicos.

P S A L. XCII. *Bonum est confiteri Domino, &c.*

- 2 **T**E prædicare, laudibus te
prosequi,
Rex alme cœlitum, decet.
- 3 Seu sol Eoa luce terras purpuret,
Seu nox tenebris obruat,
Lux prædicantem me tuam clementiam,
Nox audiet constantiam:
- 4 Nec voce tantum, sed canora
barbitō,
Sed cymbalo, sed nablio.
- 5 Operum tuorum tacita cogitatio
Animum jacentem exfuscitat.
Quum facta reputo, gestiunt
præcordia
Perfusa dulci gaudio.
- 6 O opera! facta o magna vere!
o sub cava
- Consilia nube condita!
Consilia cæcis mentibus mortaliū
- 7 Ignota! qui non cogitant
Florere pravos instar herbæ,
quam fovet
Sol lenis, humor educat:
- 8 Mox instar herbæ frigorū afflatu levi
Marcentis evanescere.
- 9 Tu semper idem permanes, nec
sentiens
Rerum vices, nec temporum.
- 10 Sceleris amicos ac tuos hostes
premet
Ruina inevitabilis:
- 11 At me fovebis patria indulgentia,
Crudo vigentem robore:

Et

1 *Facta o magna vere!*] Dux Steph. una Plant. & Argent. adversus metri rationem, o vere magna!

- | | |
|--------------------------------------------------------------------------------------------------------------------------------|----------------------------------------------------------------------------------------------------------------------------------------------|
| Et rore mitis balsami vultum im-
bues,
Roseo juventæ lumine. | Honore nudant frondium. |
| 12 Oculis malignis qui tuentur me
hostium
Pascam ruinis lumina: | 14 Quæ planta firmis hæserit radi-
cibus
In æde Domini aut atrii,
Se flore amœno frondibusque ve-
stiet: |
| Et impiorum, qui creant mole-
stiam
Mihi, lætus excidium au-
diam. | 15 Fluxique lapsu temporis
Ægræ senectæ damna nulla sen-
tiet,
Onerata largis fructibus: |
| 13 Ceu palma, justus germinabit
interim,
Aut cedrus in Libani ju-
go,
Quam non procellæ, non calor,
non frigora | 16 Ut nota cunctis gentibus sit æ-
quitas
Domini potentis: qui mea
Arx est salutis una, qui nunquam
malæ
Affinis est injuriæ. |

PSAL. XCIII. *Dominus regnavit, decorem indutus est, &c.*

- 1 **J**AM Dominus rerum imperium suscepit, amictus
Decore multo & dignitate: robore
Jam sese accinxit: Dominus, qui mœnia mundi
Firmavit ullo non movenda seculo.
- 2 Cujus ab æterno solium est immobile regni,
Ut ipse, nullas temporum metuens vices.
- 3 Flumina præcipites volvant cum murmure fluctus,
Et æquor undis æstuet minacibus;
- 4 Compescit Dominus gravidis turgentia nimbis
Flumina, minacis sternit undas æquoris.
- 5 Stat fixum, & cunctis manet invariabile seclis,
Quodcunque Dominus ore sancto protulit.
Quæque ædem exornant Domini sacra mystica, nulla
Oblivionis damna feræ sentient.

PSAL. XCIV. *Deus ultionum Dominus, &c.*

- | | |
|----------------------------------------------------------------------------------------------|--------------------------------------------------------------------------------------------------|
| 1 O Fraudis ultor, sceleris o
vindex Deus,
Ostende numen impios contra
tuum. | 3 Quousque tandem, rector orbis
optime,
Sese superbe jactitabunt im-
pii? |
| 2 O juste judex orbis, expergisce-
re,
Meritisque pœnis reprime arro-
gantiam. | 4 Devota sceleri factio in scelere
suo
Plaudit, sibi que fabulis stultis
placet:
O 2 |
- 5 Tuum-

- 5 Tuumque populum pedibus interim premunt,
 Tuam proterve hæreditatem proterunt:
 6 Viduam trucidant advenamque,
 & omnibus Parente cassos obruunt molestiis:
 7 Secumque mustant, Hæc Deus non adspicit,
 Nec fanda prorsus & nefanda intelligit.
 8 Gens ergo bruta, penitus ignorantia
 Obsessa pectus somnolentum, discute
 9 Animi veternum, & cogita tecum, Deus
 Qui fecit aurem, surdus est? qui luminum
 10 Formavit orbem, ' ipse nil videt? vagas
 Sine lege gentes recta qui sequi docet,
 Non is suorum puniet scelera, quibus
 Oracula legum sacrosancta credit?
 11 Arcana nostri pectoris novit Deus,
 Consilia vana, spes inanes, turbidos
 12 Æstus. Beatus ille demum, quem parens .
 Erudit amore patrio, legis suæ
 13 Cui scita monstrat: rebus in duris aget
 Securus ævum, dum paratur impio
 Nassa, in lacunam incogitantem quæ trahat.
 14 Hæreditatem nec Dominus unquam suam
 Ope destitutam negliget, nec impiis
 15 Prædæ relinquet: sed tribunal judicum
 Ad æquitatis dirigit normam suæ:
 Vitamque ad illam dirigent boni suam.
 16 Contra scelestos quis mihi auxilium feret?
 Mecum impiorum quis premet superbiam?
 17 Nam jam sepulchri frigidus sub frigido
 18 Cumulo jacerem, nisi Dominus opem mihi
 Præsens tulisset, & sua clementia
 Firmasset animum, & jam vacillantem gradum
 19 Fulisset, & me pene submersum malis
 Solatus esset, anxietateque nubi-
 bus
 Curæ remotis reddidisset gaudium.
 20 Mecum loquebar, Quid scelestis cum Deo
 Commune? scelera legis umbra qui sua
 Tegunt, bonorum fraudulenta qui in caput
 21 Consilia coeunt, factione innoxium
 Premunt, iniquisque obruunt sententiis.
 22 At rector orbis me tuebitur, meæ Custos salutis, arx meæ fiduciæ,
 23 Pro scelere pravis digna reddet præmia:
 Suis & ipsos artibus pessundabit
 Rerum creator Dominus, ac noscitur Deus.

P S A L.

1 *Ipsè nil.*] Quatuor Steph. duæ Plant. & Argent. *ipse nihil.*

PSAL. XCV. *Venite, exsultemus Domino, &c.*

- 1 **E**ia alacres cuncti Domini celebremus honores:
Salute parta Domino agamus gratias.
- 2 Eia alacres rapiamus iter, mora segnis abesto:
Dominum canora personemus barbitō.
- 3 Magnus enim Dominus Deus est: Rex magnus, & orbis
Longe universis est deis potentior.
- 4 Ille manu fulcit vastæ penetralia terræ,
Et nube cincta montium fastigia.
- 5 Ille vagum fecitque, & factum temperat æquor,
Terramque falsis innatantem fluctibus.
- 6 Eia igitur genibus flexis manibusque supinis,
Dominoque nostro supplicemus & patri.
- 7 Noster enim Deus est, nos grex illius: ab uno
Pendemus illo, spiritumque ducimus:
Si modo non lentam verbis damus illius aurem,
Nec respuamus monita pertinaciter:
- 8 Nec, velut ad Meribam, me rixis, inquit, acerbis
Et arroganti provocetis murmure;
Aut, Arabum veluti quondam per inhospita saxa,
Vires rebeli voce tentetis meas.
- 9 Quum proavi vestri me exploravere, meamque
Didicere factis plurimis potentiam.
- 10 Illa quater denis mihi natio restitit annis:
Dixique semper interim, Hæc gens desipit,
Et mea securas transmittit dicta per aures.
- 11 Ira ergo justa in pertinaces concitus
Juravi, Terræ gens hæc ingrata beatæ
Promissa amicis commoda haud carpet meis.

PSAL. XCVI. *Cantate Domino canticum, &c.*

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ol style="list-style-type: none"> 1 Non usitato pangite
Orbis parentem carmine,
Orbis coloni, incognitis
Abusque terræ finibus. 2 Cantate Dominum, laudibus
Nomen beatum tollite,
Et mente grata agnoscite
Vestræ salutis vindicem. 3 Sol qua recurrit, audiant
Gentes Dei potentiam, | <ol style="list-style-type: none"> Stuporque dulci gaudio
Perfusa oberret pectora. 4 Namque unus est vere Deus,
Cunctisque major laudibus,
Et diis timendus ceteris,
Quos horret error credulus. 5 Vefana gentes ceteræ
Pro diis colunt ludibria:
Dominus potenti dextera
Cælum solumque condidit. |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>6 Apparet illi dignitas,
Auctoritas, potentia:
Ejusque templa siderum
Fulgore lucent gloriæ.</p> <p>7 Tribuite Domino gentium
Terras colentum secula,
Tribuite Regi cœlitum,
Et robur & potentiam.</p> <p>8 Tribuite magnitudinem
Tanto decoram numini:
Augusta templi ad atria
Adferite prompti munera.</p> <p>9 Adeste, pompam adducite,
Et supplices procumbite:
Omnesque rerum termini
Deum tremant & diligant.</p> <p>10 Narrate cunctis gentibus
Regnare Dominum, qui ligat</p> | <p>Orbem catena immobili, &
Æquis gubernat legibus.</p> <p>11 Latetur æther, gestiat
Tellus, fretum præ gaudio
Exsultet, & quicquid freti
Salsas lacunas incolit.</p> <p>12 Campi virecant avii,
Se culta fruge vestiant,
Arrideantque floribus
Silvæ, & graventur fructibus.</p> <p>13 Natura rerum gestiens,
Cunctos per artus sentiat
Dei sui præsentiam,
Et prompta jussis pareat.
Jus namque veniet dicere,
A vi suos ut afferat,
Mundumque jussis legibus
Et veritate temperet.</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. XCVII. *Dominus regnavit, exsultet terra, &c.*

- 1 **I**Psæ sui Dominus regni moderatur habenas:
Lætare tellus continens, & insulæ
Quas vagus Oceanus refluis complectitur undis,
Cuicumque cœli subjacetis cardini.
- 2 Hunc circum umbriferæ nubis prætexit amictus,
Pallensque multa fusca nox caligine.
Apparent famulæ juxta, firmantque tribunal,
Severitasque dura, mitisque Æquitas.
- 3 Ante volant sævum rutilantes fulminis ignes,
Hostesque flammis obruunt sequacibus.
- 4 Fulguribusque micat late flagrantibus æther:
- 5 Attonita tellus intremiscit: montium
Saxa fluunt, rapido ceu cera liquefcit ab igne,
A sempiterni pavida vultu numinis.
Terra sui a vultu Domini tremefacta liquefcit:
- 6 Et æquitatem templa cœli prædicant.
Et quicumque habitant terras ubicunque remotas,
Novere numen & Dei præsentiam.
- 7 Illis ora pudor turpis confundat, inanes
Quicumque mentis stipites pro diis colunt:
Dumque sacris placant pîcti ludibria trunci,
Se gloriantur impio in scelere pios.

Quic-

- Quicquid ubique Dei sub nomine credulus error
Honorat, unum adoret, unum diligit.
- 8 Læta Sion tenebras errorum cernet abactas:
Judæa dulci delibuta gaudio,
Sacrilega adspiciet vani sacraria ritus
Everfa, pœnas luere meritas impios.
- 9 Nam procul aſtriferi trans ignea mœnia mundi
Tu frena rerum juſtus arbiter tenes.
Teque deos infra longe premis altior omnes,
Tuique obumbras numinis faſtigio.
- 10 Ergo Deum quicumque pio complectere amore,
A ſcelere mentem contine puram & manum.
Nam Domino cordi eſt pietas, vitamque bonorum
A vi tuetur impiæ tyrannidis.
- 11 Et lætum offundit lumen cultoribus æqui,
Et pura ſcleris corda recreat gaudio.
- 12 Vos, quibus eſt cordi reverentia juris & æqui,
Gaudete, Domini ſpe favoris ac opis
Securi: gratoque Deum ſuper æthera cantu
Sanctumque nomen ejus uſque tollite.

PSAL. XCVIII. *Cantate Domino canticum novum, &c.*

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Non uſitato carmine
Rerum paréntem pangite,
Virtute qui victoriam
Non uſitata rettulit.
Sua ipſe ſolus dextera,
Externæ opis nil indigus,
Nos liberando, poſteris
Miranda geſſit ſeculis.</p> <p>2 Senſere gentes impiæ
Bello Dei potentiam:
Pœnas luendo, judicem
Senſere juſtum & vindicem.</p> <p>3 Promiſſa ſolvit optima
Fide Iſaci nepotibus,
Partæ ſalutis teſtibus</p> | <p>4 Totius orbis incolis.
Huic ergo læti pſallite
Totius orbis incolæ:
Hunc ferte in aſtra laudibus,
Lætis ¹ tubæ & clangoribus.</p> <p>5 Laudate Dominum barbito,
Nerviſque carmen jungite:</p> <p>6 Leniſque tibiæ modis
Adſit ſonora buccina.</p> <p>7 Teſtetur æquor gaudium,
Et quicquid æquor occulit:
O:biſque terræ geſſiat,
Et quicquid orbis educat.</p> <p>8 Exſultet unda fluminum,
Leni ſuſurrans murmure:</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Mon-

¹ *Lætis tubæ & clangoribus.*] Steph-
norum fratrum editiones anno 1565 &
1566, & Argent.
Lætiſ tubis & clangoribus:

contra metri legem. Robert. Steph. 1575.
Lætis tubæ clangoribus.
duz Plant. & aliæ omnes,
Lætis tubæ & clangoribus.

Montesque læti plaufibus
Deum venire gaudeant.
9 En ipfe Dominus advenit,

Cunctis ut orbis incolis
Det æqua juftus præmia,
Et facta plectat impia.

PSAL. XCIX. *Dominus regnavit, irascantur populi, &c.*

1 **J**Am regnum Dominus, spiri-
tuum piis
Qui dat jura choris, fufcipit:
impiis
Horror terrificet pectora genti-
bus:
Tellurem quatiat tremor.
2 Nec tantum Solymæ vim Do-
minus fui
Fecit conspicuam numinis, &
fuæ
Majeftatis opes cernere finibus
Terrarum dedit ultimis.
3 Ergo te meritis tollat honori-
bus,
Augustum celebret gens homi-
num tuum
4 Nomen, qui ! falubri temperie
modum
Sceptra constituas tuis.
Selectæ soboli qui populi tui
Jus nullis dederis mobile secu-
lis:
Frenas juftitiæ qui moderamine
Æquali genus Ifaci.
5 Sublimem Dominum laudibus &
Deum,
Solut qui liquido regnat in æthe-
re,

Ferte, & scamna pedum (san-
ctus enim Deus
Est noster) veneramini.
6 Huic Moles & Aron, & Samuel
bonus,
Docti legitimis tingere victimis
Aras, confilium quum peterent,
data
Sæpe oracula petentibus.
7 De pila tereti nubis eis dabat
Refponfa ambiguis follicito me-
tu,
Legum quod monitus pactaque
fœdera
Servaffent ftabili fide.
8 Aurem fupplicibus tu facilem da-
bas,
O rerum genitor maxime & opti-
me,
Indulgenfque bonis, & fcclerum
fimul
Vindex, durus in impios.
Sublimem Dominum tollite lau-
dibus,
Solut qui liquido regnat in æthe-
re: &
Montem quo colitur (fancus
enim Deus
Est noster) veneramini.

PSAL. C. *Jubilate Deo omnis terra, &c.*

1 **O**Rbis omnes incolæ
A fole Eoo ad Hesperum
2 Jubilate, & optimo

Rerum parenti plaudite
Mente læta, & ritibus
Servite puris numini.

Ge-

1 *Salubri*] [Corripit iure Buchananum
Pincier. Parerg. lib. III. cap. 19. quod
mediam in *salubri* fyllabam corripere fit

ausus. idem Nicolao Heinfio exciderat,
fed fecundis curis correxit.]

Gestientes gaudio
 Adite sancta limina.
 3 Ille noster est Deus,
 Noster parens & conditor:
 Non enim nos finximus
 Ipsi, sed illius fumus,
 Qui levi de pulvere
 Alit creatos & regit.
 4 Ad fores ergo illius
 Adite læti, gratias

Agite: festis laudibus
 Benignitatem pangite:
 Prædicate cæteris
 Numen beatum gentibus.
 5 Nam benignitas Dei,
 Et in suos clementia,
 Clausa nullo est termino:
 Et firma stat pactis fides
 Posterorum posteris
 In sempiterna secula.

PSAL. CI. *Misericordiam & iudicium cantabo, &c.*

1 **T**E salus rerum cano, qui pre-
 canti
 Lenis irarum es, facilisque flecti,
 Impiorum idem tetricus rebelles
 Frangere fastus.
 2 Huc meæ vires vigilant, labo-
 res
 Huc ferent omnes; opis in tuæ
 spem
 Semper ut castis domus institutis
 Culta nitescat.
 3 Si salutarem mihi tu serenus
 Porrigis dextram, tibi corde
 puro
 Serviam: fraudum scelerisque
 pura
 Serviet aula.
 Nec mihi exemplum statuam se-
 quendum,
 Litibus si quis miseros iniquis
 Vexet, aut caussam tenuis clien-
 tis
 Prodidit hosti.
 4 Sponte qui pravis studiis inhæ-
 ret,
 Sit procul: sævi sceleris mini-
 ster
 Candidos nunquam mihi censea-
 tur

Inter amicos.
 5 Quisquis incautum lacerat sode-
 am,
 Clam venenato jaculatus ictu,
 Persequar, plectam, penitusque
 ab ima
 Stirpe revellam.
 Nec meæ mensæ dapibus fruatur
 Mentis elatæ tumor, arrogans-
 que
 Vultus, & cunctos veluti mino-
 res
 Lumine spernens.
 6 Veritas simplex quibus est amor,
 Hos amo, amplector, video li-
 benter:
 His mihi seros fociis senectus
 Impleat annos.
 Integer vitæ mihi sit minister:
 7 Tecta non intret mea fraudulen-
 tus:
 Nemo mecum intra mea com-
 moretur
 Limina mendax.
 8 Impios longe (mora nulla) terræ
 Finibus pellam: procul omne
 monstrum
 Civitas sancta ut Domini releget
 Flagitiorum.

PSAL. CII. *Domine exaudi orationem, &c.*

- 2 **E**Xaudi genitor sancte meas
preces,
Clamorisque sonum percipe lū-
gubris:
- 3 Neu vultum misero subtrahe,
cladibus
Omni ex parte prementibus.
Aures suppliciiis nunc adhibe
meis:
Da votis facilem te, pater opti-
me,
Et pressio celerem porrigere dex-
teram,
Et præsentis ope subleva.
- 4 Ceu fumi nebulæ tempora trans-
volant,
Ut lentis coquitur torris ab igni-
bus,
Paullatim tacitus sic dolor ari-
dis
Humorem ebibit artubus.
- 5 Dum luctu crucio me dapis im-
memor,
Ut secta e viridi gramina cespite
Arescunt nimio torrida sole, cor
Exsuccum mihi tabuit.
- 6 Crebro sic remeans spiritus ilia
Tendit, sic gemitus pectora con-
cutit
Mœstus continuo, tabida uti cu-
tis
Jam vix hæreat ossibus.
- 7 Ut saltus habitans cuculus avios,
Aut tectis latitans noctua diru-
tis,
8 Aut turtur viduus, solus, inops,
dies
Et noctes vigiles gemo.
- 9 Dum ceu ludibrium rideor im-
probis,
Irrisumque petunt fraude nefa-
ria.
- 10 Nec panis cinere est gratior ari-
do, &
Potum tempero fletibus.
- 11 Istis ira malis me cumulat tua,
Qui me sustuleras ex humili loco,
Sublimi gravius rursus ut e gradu
Tractum præcipitem dares.
- 12 Ut sero in tenebras umbra cre-
pusculo
Vanescit, celeres deproperant
dies
In mortem: veluti sub medio die
Fœnum, corpus inaruit.
- 13 At te perpetuis secula seculis
Nescientem, volucris non fuga
temporis
Carpit, nec memorem nominis.
obruet
Famam posteritas tui.
- 14 Tandem surge, pater, tecta Sio-
nia
Jam lenis placido respice lumine:
Jam pleno redeunt tempora cir-
culo,
Promissumque ferunt diem.
- 15 Jam servi lapides respiciunt tui
Disiectos faciles, sparsaque ru-
dera,
Incultique soli jam miserabilem
Versa mente dolent vicem.
- 16 Ut vertat populos terror in ex-
teros,
Ut nomen Domini sit celebre
omnibus
Et numen, trifidum qua colitur
solum,
Formidabile regibus.
- 17 Versam restituet quum Soly-
mam, suæ

Majestatis opes quum dabit ad-
spici;
18 Lugentum miseris quum queri-
moniis
Flectet se, & prece supplice.
19 Scribentur tabulis ista fidelibus,
Seris ut Domini nota nepotibus
Sit laus, nec senium prodita po-
steris
Norit gloria seculis.
20 De sanctis adytis ætheriæ domus,
Templi sepositis de penetralibus,
Cœlestis Dominum non piguit
soli
Curas respicere ad leves.
21 Nexorum ut gemitus audiat, &
neci
Addictos tetrica compede liberet:
22 Laudes ut Solymæ templa Deo
sonent,
Et nomen recinat Sion
23 In cœtu celebri. Tum procul
ultimis
Terrarum populi finibus exciti
Illuc sacra ferent, & Domino
dabunt
Reges munera supplices.
24 Quamvis in medio curriculo
meum,
Robur comminuit, destituit ma-
num,
Atque ævi spatiis tempora lubrici
Contraxit brevioribus:

25 Clamabo tamen, O mi Deus
unice,
In vitæ medio ne stadio brevem
Cursum siste rotæ: quantulum
ad ultimam
Jam metam superest mihi?
Te nunquam brevibus clausa re-
cursibus
Astrorum, senio conficiet dies:
26 Tu terræ stabilis mole, volucris
bus
Tu cœli prior ignibus.
27 Illis interitus stant sua tempora:
Tu nullo interitum tempore sen-
ties.
Annorum series cætera deterit;
Ut vestis teritur vetus,
Ut detrita novis pallia vestibus
Permutat locuples; sic abit &
redit,
Et mutat facies imperio tuo
Mundi dædala machina.
28 At tu, qui fueras, semper es at-
que eris:
In teipsoque habitas: nec varias
vices
Decurso patiens tempore, per-
manes
Metæ secula nescia.
29 Sed servi soboles, & sobolis tui
Servi posteritas per seriem tuis
Tecum perpetuis æmula seculis,
Ævi tempora transigent.

PSAL. CIII. *Benedic anima mea Domino, &c.*

1 **S**it parens rerum mihi carmen:
illum
Vox canat, sensus petat, & re-
motis
Quisquis est fibræ vigor, & sa-
cratum
Nomen honoret.

2 Mens Deo laudes cane, redde
grates
Mens Deo: nullis benefacta se-
clis
Excitant, & quæ tribuit beni-
gna
Munera dextra.

- 3 Qui scelus tollit maculosum, &
ægros
Donec ut fœnum cadat arefactum
Falce senectæ.
- 4 Sanat angores, animoque vires
Reddit, & vitæ properante fato
Prorogat annos.
- 5 Qui manu larga tibi plura donat,
Ore quam poscas, animo vel
optes:
16 Instar aut floris Tyrio comantis.
Murice, ut vultu modice sereno
Risit, afflatu tepidi repente
Concidit austru.
- 6 Servat ac in morem aquilæ vi-
rentem
Flore juventam.
- 7 Integer judex, scelerumque vin-
dex,
17 Sed Dei æterna bonitate in ævum
Tutus æternum remanet piorum
Cœtus, & longa serie propago
Sera nepotum:
- 8 Tradidit sancto sua jura Mosi:
Isaci prolem docuit piarum
Dogmata legum.
- 9 Lenis & blandus, dare dona lar-
gus,
18 Si nec æternas violabit icti
Fœderis leges, memorique iussa
Mente servarit, referatque vita
Puriter acta.
- 10 Tardus irasci: neque sempiternæ
Sævit offensæ memor, aut per-
ennes
Ardet in iras.
- 11 Nec modus pœnæ numerusve
nostris
19 Ille flammantis super alta cœli
Culmina immotum solium loca-
vit,
Et suo nutu facile universum
Temperat orbem.
- 12 Æquus est culpis: bonitas redun-
dat
20 Angeli jussis Domini ministri,
Sub jugum jus est quibus & po-
testas
Cuncta cogendi, Domino Deo-
que
Pangite laudes.
- 13 Latius terræ plaga quam remoto
Distat olympo.
- 14 Tam procul nostri maculas re-
movit
Sedulo dictis, Domino Deoque
Pangite laudes.
- 15 Criminis, quam se procul a cubili
Gaditano sol oriens Eois.
Exserit undis.
- 16 Qualis in natos placidi parentis
Lenitas, talis Domini benigni est,
Quisquis illius pierate vera
Nomen adorat.
- 17 Tu sinus mentis penitus repositos,
Tu pater nostri penetrabile cordis:
Quippe nos terræ memor & ru-
benti
Pulvere factos.
- 18 Herba ceu, lactens pueri venustas
Prodit, occultoque adolefcit ævo,
Nomen honoret:

PSAL. CIV. *Benedic anima mea Domino, &c.*

- 1 **T**E rerum, Deus alme, canam Dominumque patrem-
que:
Magne parens, sancta quam majestate verendus,
Ætheris æternas rector moliris habenas!
Te decor, auratis ambit te gloria pennis,
2 Et circumfufum vestit pro tegmine lumen.
Tu tibi pro velo nitidi tentoria cœli,
3 Et liquidas curvo suspendis fornice lymphas:
Et levibus ventorum alis per inania vectus,
Frenas cœu celeres volitantia nubila currus.
4 Apparent accinctæ auræ flammæque ministræ,
5 Ut jussa accipiant. Stat nullo mobilis ævo
Terra, super solidæ nitens fundamina molis,
6 Pollenti stabilita manu: terra obruta quondam
Fluctibus, ut fuso super ardua culmina velo:
7 Sed simul increpuit tua vox, tonitruque tremendo
8 Insonuere auræ, paullatim ascendere montes
Cernere erat, sensimque cavas subsidere valles,
Inque cavas valles trepidas decurrere lymphas.
9 Neve iterum immissa tellus stagnaret ab unda,
Limitibus compressa suis resonantia plangit
Littora, præscriptas metuens transcendere metas,
10 Tum liquidi fontes imis de collibus augent
Flumina, per virides undas volventia campos:
11 Unde sitim sedent pecudes, quæ pinguis tondent
Pascua, quique feris onager saxa invia silvis
12 Incolit: hîc levibus quæ tranant æra pennis,
Per virides passim ramos sua tecta volucres
Concelebrant, mulcentque vagis loca sola querelis.
13 Tu pater ærios montes, camposque jacentes
Nectare cœlesti saturas, foecundaque rerum
Semina vitales in luminis elicis oras.
14 Unde pecus carpat viridis nova pabula foeni:
Unde olus humanos geniale assurgat in usus:
Quæque novent fessas cerealia munera vires,
15 Quæque hilarent mentes jucundi pocula vini,

Qui-

1 In luminis elicis oras.] Duæ Steph. xere; in nonnullis tamen Virgilio edi-
editiones antiquiores, Plantiniana 1566, tionibus. Georg. II. vers. 47. Æneid. VII.
& Argentor. in luminis elicis oras. En- vers. 660. luminis auræ, legitur.
nius quidem & Lucretius luminis oras di-

- ¹ Quique hilaret vultus succus viridantis olivi.
 16 Nec minus arboribus succi genitabilis humor
 17 Sufficitur: cedro Libanum frondente coronas,
 Alitibus nidos: abies tibi confita surgit,
 Nutrit ubi implumes peregrina ciconia fœtus.
 18 Tu timidis montes damis; cava saxa dedisti,
 Tutus ut abstrusis habitaret echinus in antris,
 19 Tu lunæ incertos vultus per tempora certa
 Circumagis: puroque accensum lumine solem
 Ducis ad occiduas constanti tramite metas:
 20 Inde superfusus cuncta involventibus umbris,
 Per tacitas spargis nocturna silentia terras.
 21 Tum fera prorepat latebris, silvisque relictis
 Prædator vacuis errare leunculus arvis
 Audet, & e cœlo mugitu pabula rauco
 22 Te patrem exposcit: dein rursus sole renato
 Abditur occultis prædatrix turba cavernis:
 23 Inque vicem subeunt hominumque boumque labores,
 Donec fera rubens accendat lumina vesper.
 24 Sic pater in cunctos didis ² te commodus usus.
 Nec tantum tellus, genitor, tua munera sentit,
 25 Tam variis fœcunda bonis: sed & æquora ponti
 Fluctibus immensas circumplectentia terras,
 Tam laxo spatiosa sinu: tot millia gentis
 Squamigeræ tremula per stagna liquentia cauda
 26 Exsultant: tot monstra ingentia & horrida visu
 Veliferas circumnans puppes: grandia cete
 Effingunt molles vitreo sub marmore lusus.
 27 Atque adeo quæ terra arvis, quæ fluctibus æquor
 Educat, a te uno pendent, pater optime, teque
 Quæque suo proprium poscunt in tempore victum.
 28 Te magnam pandente manum, saturantur abunde
 29 Omnia: te rursus vultum condente, fatiscunt.
 Te tollente animam, subito exanimata recurrunt
 30 In cinerem: inspirante animam te denuo, surgit
 Illico fœcundæ sobolis generosa propago,
 Et desolatas gens incolit aurea terras.
 31 ³ Sic eat, o nullo regnet cum fine per ævum
 Majestas divina: suumque in secula lætus
 32 Servet opus Deus: ille Deus, quo territa tellus

Con.

¹ Quique hilaret vultus] Editio hujus & Argent. te providus.
 Psalmi Lond 1620, Quique hilaret vultum. ³ Sic eat, o nullo] Edit. Lond. 1620.
² Te commodus.] Dux Steph. una Plant. Sic eat, & nullo.

Concutiente tremit, montes tangente vaporant,

Fumifera trepidum nebula testante pavorem.

33 Hunc ego, dum vivam, dum spiritus hos reget artus.

34 Usque colam: tantum ille meas facilisque bonusque
Accipiat voces: nempe illo oblector in uno.

35 At vero impietas plane extirpetur ab ima

Radice, & scelerum stirps nulla repullulet: ac nos

Te rerum, Deus alme, patrem Dominumque canemus.

PSAL. CV. *Confitemini Domino, & invocate, &c.*

1 **C**Anite Dominum, & invocate nomen ejus: exteris

Facta gentibus per orbem prædicate illustra.

2 Ille sermo, carmen ille, & illius miracula:

3 Nomen ejus, numen ejus una nobis gloria.

Hunc amantum & hunc petentum palpitet cor gaudio.

4 Robur ejus, pignus ejus sacrosanctum roboris

Petite: vultum ejus beatum continenter quærite.

5 Subeat animum quanta nostris edidit majoribus

Signa, quæ portenta; legum scita quæ reliquerit.

6 Vos Abrami, vos Jacobi posteris, servi Dei

Separati, forte lecta natio, vos alloquor.

7 Ille rerum rector unus, orbis unus arbiter,

8 Pacta nostris firma servat facta cum majoribus;

Verba meminit: mille sancta in secla nectit foedera,

9 Ista primitus cum Abramo, deinde jurata Ifaco:

10 Ifaci sancta nato, lege non mutabili:

Poste-

1 *Ac nos*] Modo dicta & Al. Julii E-
ditt. *At nos*.

2 In antiquioribus editionibus, tribus
scil. Steph. utraque Plant. & Argent.
unusquisque hujus Psalmi versus in duos
divisus legitur, hoc modo,

Canite Dominum, & invocate

Nomen ejus: exteris

Facta gentibus per orbem

Prædicate illustra.

Atque eo quidem ordine Buchananum
ipsum primo hunc Psalmum scripsisse vel
hinc conjicere licet, quod nonnullis in
locis, si veteres illas sequaris editiones,
& ramen binos illos versiculos conjun-
ctim legas, in versiculorum commissuris
carmine ex vocalium ante alias elisione
vim feceris, quæ elisio, si divisim versi-
culos legas, locum non habet. Atque

hæc causa est, cur postea Buchananus
multa necesse habuerit immutare, ut ver-
sus ex binis singuli facti recto pede, &
ad modum Psalmi cxix, progredierentur.
Huc accedit, quod qui metrorum, qui-
bus usus est Buchananus, rationem qui-
busdam ex veteribus illis editionibus sub-
nexuerunt, carminis, quo hoc Psalmo
usus est, genus, ab eo quo usus est Psal-
mo cxix & similibus diversum consti-
tuant.

3 *Et illius miracula.*] A prædictis sex
editionibus abest &, postea, ut duo ver-
suli in unum coalescerent, insertum,
quales interpolationes metri gratia fa-
ctas aliis infra locis observare est.

4 *Cum majoribus.*] Eodem libri, cum pa-
rentibus.

- Posterisque sempiterno roborata vinculo;
 11 Quum, Tibi Chananæa, dixit, arva forte dividam.
 12 Turba numero parva quamvis advena illic degeret,
 Aucta nondum stirpe longis temporum decursibus:
 13 Regna quanquam & nationes exul errans verteret:
 14 ¹ Hos tamen Dei benigna fovit indulgentia:
 Vimque duram præpotenti dextra ab illis arcuit:
 Et minis ² reges potentes tetricis compescuit;
 15 Ne mihi (inquit) consecratos, ne mihi unctos tangite:
 A meis, moneo, prophetis abstinete injuriam.
 16 Quum famem voracem in orbem contumacem induceret,
 Gentibusque alimenta late noxiis subduceret,
 17 Prævium misit ministrum Nili ad arva fertilis:
 Filium pulchræ Rachelis mango turpis vendidit:
 18 Carceris latuit tenebris, crura vinctus compede,
 19 Somnii donec soluti nota regi veritas,
 20 Crura ferro liberavit, solvit animum crimine:
 21 Et nova sortis benignæ jam vicissitudine,
 Regionum servulorum servus ante ignobilis,
 22 Frena rerum tractat unus: nuper e custodia
 Missus, aulæ purpuratos nunc coërcet vinculis:
 Et fenum juvenis severæ præsidet prudentiæ.
 23 Isaci tandem propago ³ culta linquens patria,
 Pinguis ad fluentia Nili castra fixit advena.
 24 Ac, ⁴ Deo fovente, læta stirpe sic reffloruit,
 Viribus brevi ut præiret inquilinus incolas.
 25 Tum Phari rector superbæ mente versa Abramidas
 Fraude molitus nefanda stirpitus revellere:
 26 Circulo donec voluto destinati temporis,
 Legifer cum fratre Moses missus est divinitus;
 27 Ac Pharon Pharique regem terruit miraculis.
 28 Ergo natura, imperantis non rebellis jussibus,
 Vestitit polum tenebris, & solum caligine
 Condidit, ceu nocte cæca sole jussu cedere.
 29 Unda decolor cruoris tabe rivos polluit,
 Squameæque ⁵ strage gentis inquinavit littora.
 30 Terra felix ante frugum, more nunc præpostero,

Tur-

¹ *Hos tamen*] Edit. Al. Julii *Eam tamen*. Rob. Stephani anno 1580, *Hanc tamen*.

² *Reges potentes*.] Libri pag. præced. Not. 2. citati *Reges molestos*.

³ *Culta linquens*.] Ibidem libri, *arva*

lin quen

⁴ *Deo fovente*] Tres Steph. duæ Plant. & Argent. *Deo favente*.

⁵ *Strage gentis*.] Ibidem & Gen. 1594, & Lond. 1620. *strage turba*.

- Turpibus fœcunda ranis squallet: ipsa regia
 Fœta ranis, ipsa regum ¹ fœta sunt cubilia.
 31 Fusa ² deinde nube densa musca Memphin occulit:
 Et ³ pediculorum ubique fœda erant examina.
 32 Instar imbrium rucbat mista flamma grandini,
 33 Arbores nudans comantes ⁴ fronde, flore, fructibus.
 34 Quod reliquit atra grando, mox locusta perdidit:
 35 Bruchus abstulit, locustas quod voraces fugerat.
 Tot malis subinde sævis icta Nili regia,
 Quum ferox non mitigaret contumaces spiritus,
 Dira populum mox in ipsum versa poena sæviit.
 36 Prima pignorum repente per penates omnium
 Occidere: cuncta planctu, ⁵ cuncta fletu personant.
 Rege tandem pertinace cladibus perterrita,
 37 Sancta Memphin gens reliquit, jam tyranno libera,
 Dives auro argenteisque barbarorum poculis.
 Nec tot inter millia ullum languor attentaverat.
 38 Ergo Nili jam pavore ⁶ liberata regia,
 Voce, vultu, plausibusque præferebat gaudium.
 39 At parens memor benignus gentis electæ sibi,
 Per siticulosæ ⁷ arenæ vastitatem imperviam
 Castra nubis texit umbra, luce; noctem luridam
 Ignium late corusco temperavit lumine.
 40 Arva, victum cum rogarent, texit imber alitum:
 Panis impluit per auras more densæ grandinis:
 41 Petra iussa fudit undas: deque rupis viscere
 42 Ante sicca solitudo flumen hausit. Scilicet
 Fœderis parens benignus immemor nunquam sui,
 Quod sibi caro cum ⁸ Abramo sempiternum fecerat.
 43 Sic parentum stirps piorum, tuta ductu numinis,
 Arva liquit fraudulenta perfidi Pelusii:
 44 Occupatis ⁹ efferarum nationum sedibus,
 Tradidit ¹⁰ Deus labores impiorum eis carpere:

45 San-

1 Fœta sunt] Ibid. fœta erant.

2 Fusa deinde] Ibid.

Musca deinde nube densa fusa Memphin oc-

culit.

3 Et pediculorum] Ibid.

Cymphôn cruenta passim obvolabant agmina.

4 Fronde, flore] Prædicti, flore, fronde.

5 Cuncta fletu] Ibid. cuncta luctu per-

sonant.

6 Liberata regia] Ibid. exsoluta regia.

7 Arene vastitatem imperviam] Ibid.
 æquor æstu impervium.

8 Abramo sempiternum fecerat] Ibid.
 omne in ævum fecerat.

9 Occupatis] Ibidem libri.

Et ferarum nationum occupatis oppidis.

10 Deus labores] Ibid. Deus impiorum
 iis labores carpere.

- 45 Sanctiones ut tenerent sacrosancti fœderis,
 Et piarum ad iussa legum facta cuncta fingerent.
 Laus, honor, decusque Regi sempiterno cœlitum.

PSAL. CVI. *Confitemini Domino, quoniam bonus, &c.*

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 L Audate Regem cœlitum,
 Regem bonum,
 Suisque nullo non benignum
 tempore.</p> <p>2 Quis facta verbis æquet? elo-
 quentia
 Quis assequetur illius poten-
 tiam?</p> <p>3 O ter beatos æqui amantes, &
 tuæ
 Præscripta legis qui tuentur ju-
 giter!</p> <p>4 Memento nostri facilis & favens,
 tuum
 Prospicere populum qua soles cle-
 mentia:
 Et me revivise lenis ac salutifer;</p> <p>5 Ut separati tibi bonis populi
 fruar,
 Carpamque lætus quo fruuntur
 gaudio,
 Hæreditatique comes applaudam
 tuæ.</p> <p>6 Scelesti proles cum scelestis
 patribus
 In te rebelles multa iniqua feci-
 mus:
 Abominanda, dira perpetravi-
 mus.</p> <p>7 Nam nec tyranni Ægyptii ex
 ergastulo
 Nostri parentes liberi per te, tua
 Ostenta graviter ponderarunt,
 nec tuæ
 Meminere gratis mentibus cle-
 mentia:</p> | <p>Sed propter undas æquoris rubri,
 duces
 Adversus animis turba contuma-
 cibus</p> <p>8 Obmurmuravit. At parens malis
 bonus
 Pœnas remittis, ut tuam cle-
 mentiam</p> <p>Agnoscat orbis, & tremat po-
 tentiam.</p> <p>9 Nam comminanti cessit unda flu-
 ctuum:
 Suspensa moles hinc & inde per-
 sali
 Tranquilli arenas aridam dedit
 viam,
 Ceu solida campis figerent vesti-
 gia:</p> <p>10 Donec tyranno liberati & ho-
 stium
 Crudelitate, tuta tuti littora</p> <p>11 Tenuere: at hostes vorticoso
 gurgite
 Absorpsit unda, cladis ut nec
 nuncius</p> <p>12 Superesset. Illic tum salutis com-
 potes
 Fidemque verbis præbuere, &
 cantibus
 Cecinere festis numinis poten-
 tiam.</p> <p>13 Metu repulso, protinus lascivia
 Animos rebelles perculit: nec
 amplius
 Meminere signa nec pericula pri-
 stina.</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

14 Rē-

1 Donec tyranno liberati] Altera And. Harti editio, Donec tyranni.

- 14 Repente prava perciti libidine
Arscere, verbis & Deum proca-
cibus
Irae impulerunt frena justae sol-
vere.
- 15 Ac flagitatos impie dedit cibos,
Justisque poenis impios coërcuit.
- 16 Nec poena mentes nec benigni-
tas feras
Mollire potuit, quin procaciter
ducem
Ducisque fratrem peteret æmu-
latio,
Et freta studiis semper ambitio
malis.
- 17 Sed factiosos terra vasto condi-
dit
- 18 Sinu dehiscens, flammeique gur-
gitis
Torrens vorago devoravit im-
pios.
- 19 Nec noxiorum monita tot
poenis modum
Gens prava sceleri fecit. Hore-
bi in jugo
(Proh facinus!) ante imaginem
bovis Dei
- 20 Imago sese stravit, & fronde sa-
turi
Simulacra tauri coluit instar nu-
minis;
- 21 Partæ salutis nuper ingrata, im-
memor
Miraculorum in urbibus Niloti-
cis;
- 22 Et fluctu eodem sospites se, sub-
rutos
Hostes superbos vorticosis æsti-
bus.
- 23 Ergo scelestos ira justa perdere
ibat, furenti ni Deo carum ca-
put
Pro gente Moses obtulisset, &
prece
- 24 Frenasset iras. Nec tamen turbæ
furor
Illic quievit, expetitur tam diu
Uber feracis spreuit agri: nec
fidem
Mosi docenti, pollicenti nec
Deo
- 25 Habuit: tumultu castra com-
plens respuit
- 26 Imperia: donec ille munificus
parens,
Delere promptus inter invia mon-
tium
- 27 Toties rebelles, extulit dextram,
& genus
Per nationes impias disperdere
- 28 Jam destinarat: ante sculpta nu-
mina
Iterum protervi procidere, &
mortuis
Diis thura, læstasque immola-
runt hostias:
- 29 Deum sceleribus provocaverunt
novis,
Iramque rursus exasperarunt
vindicem:
- 30 Justa incitatus donec ira Phineas
Ferro scelestam puniit licen-
tiam,
Et sævientem dexteram compe-
scuit.
- 31 Domini, sibi que peperit æter-
num decus,
Quod nulla fileant posterorum
secula.
- 32 Nec contumaces supplicia tot
spiritus
Coërcuerunt, Meribæ ad undas
quin Dei
- 33 Rursus furorem accenderent: nec
publico
Moses furore liber etiam incre-
dula
Oratione vertit iram numinis

- 34 In se. Potiti deinde pactis finibus,
Nec impiarum semen omne gentium
Disperdiderunt funditus, nec iustibus
Recte monentis paruerunt numinis:
- 35 Sed se profanis miscuere gentibus,
Didicere ritus, serviere ludicris
- 36 Diis: ac eorum mancipati cultibus,
Tenuere puras a scelere nullo manus.
- 37 Quippe immolarunt filios ac filias
- 38 Ad dæmonum aras: & suæ propaginis
Tinxere sculptos sanguine innocuo deos,
Terramque sanctam polluerunt cædibus.
- 39 In scelera proni abominanda, dum suæ
- 40 Manus adorant opera, patrium Deum
- 41 Justas ad iras provocarunt, ut suam
Hæreditatem abominatus impiis
In servitutem manciparet hostibus:
- 42 Quorum severo pene contriti iugo,
Poluere sævam spiritus ferociam.
- 43 Ac liberati sæpe Domino vindice,
Rursus rebelles spiritus in vindicem
Sumfere: rursus ob scelera poenas sua
- 44 Dedere: mitis nec Dei bonitas tamen
In rebus arctis innocentium a prece
- 45 Avertit aurem: foederis memor sui
Poenas remisit lenis & placabilis.
- 46 Quin & superba corda gentis barbaræ,
Cui serviebant diruta jam patria,
Lenivit: animos omnium ut perfringeret
Imago sortis flebilis vel hostibus.
- 47 Tu nos tuere, Domine noster & Deus,
Et e profanis gentibus recolle:
Ut te canamus, nomen ut sanctum tuum
- 48 Celebremus unum: populus omnis ut simul
Dicat, Deo, quem posteri Abrahami colunt,
Sit laus, honorque in seculorum secula.
- Amen, amen.

P S A L M O R U M

Liber Quintus.

PSALMUS CVII. *Confitemini Domino, quoniam, &c.*

- 1 **C**Antemus Dominumque bonum, facilemque parentem,
 Cujus habet nullas larga indulgentia metas.
- 2 Hunc grato simul ore canant, quos dira tyrannis
 Quum premeret, sævo incolumes ex hoste recepit,
 Et juga captivo excussit servilia collo.
- 3 Perque feras gentes sparsos, qua surgit ab undis,
 Et qua diversas abiens se condit in undas
 Phœbus, ab arctoræ campis glacialibus urfæ
 Collegit, tepidoque domum revocavit ab austro.
- 4 Per steriles saltus & inhospita saxa vagantes,
 Qua nulla ad cultas ducunt vestigia terras,
- 5 Fracti animos mœrore, inopes undæque cibique,
 Auxilium miseris imploravere querelis:
- 6 Audiit orantes, & opis miseratus egenos,
 Omnibus exsolvit mœrentia pectora curis,
- 7 Monstravitque viam cultas quæ ferret ad urbes.
- 8 Ergo canant Dominumque bonum, facilemque parentem,
 Et late ignotis pandant facta inclyta terris.
- 9 Quippe sitim victuque famem compescuit ægram,
 Reddidit & membris vires, animoque vigorem.
- 10 Quique Dei monitis ingrata mente relictis,
 11 Carceris in tenebris & cæca nocte jacebant,
 12 Quum tremarent gelidæ exanimes formidine mortis,
 13 Afflictique malis humiles fractique jacerent,
 Auxilium miseris imploravere querelis:
 Audiit orantes, & opis miseratus egenos,
 Omnibus exsolvit mœrentia pectora curis:
- 14 Vincla manu valida rupit, mortisque timorem
 Reppulit, & teris pavidos eduxit ab umbris.
- 15 Ergo canant Dominumque bonum, facilemque parentem,
 Et late ignotis pandant facta inclyta terris:

- 16 Liminaque & portæ qui claustra refregit alienæ.
 17 Deliciis animi vires quum stulta libido
 Affligit, corpusque gravi languore solutum
 18 Stultitiæ pendit pœnas, & morte propinqua
 Rejiciunt omnem fastidia marcida victum;
 19 Auxilium miseris qui imploravere querelis,
 Adspicit orantes, & opis miseratus egenos,
 Omnibus exsolvit mœrentia pectora curis:
 20 Ereptisque suo lethi de limine verbo,
 Restituit lætumque novat per membra vigorem.
 21 Ergo canant Dominumque bonum, facilemque pa-
 rentem,
 Et late ignotis pandant facta inclyta terris:
 22 Et meritis cumulent memores altaria donis,
 Et grata acceptam testentur voce salutem.
 23 Qui mare fluctisonum sulcat, curvisque carinis
 Admover externas vaga per commercia gentes,
 24 Non ignota illi divina potentia, nec quæ
 Monstrat in immenso miracula sæpe profundo.
 25 Quum jubet, irrumpunt venti stridente procella,
 26 Et mare nunc ¹ spumis canentibus astra laceffit,
 Et nunc tartarei subsidit ad ima barathri:
 27 Pallent ora, metus trepidantia pectora pulsat,
 Et velut oppressis vino vestigia nutant:
 Callida nee cani juvat ars aut cura magistri.
 28 At Dominum ut mœstis imploravere querelis,
 Exaudit trepidos, & opis miseratur egenos.
 29 Jam venti ponunt, strataque æqualiter unda,
 Arrident taciti tranquilla silentia ponti.
 30 Jam posita læti gaudent formidine nautæ,
 Cum ² lacerae optatum portum tetigere carinæ.
 31 Ergo canant Dominumque bonum, facilemque pa-
 rentem,
 Et late ignotis pandant facta inclyta terris.
 32 Hunc populi cœtus laudent, sanctique senatus
 33 Concilium super astra ferat, qui flumina siccât,
 Et riguos passim rivis bullantibus agros,
 Fontibus oclusis sitienti damnat arena:
 34 Et fœcunda, sui facta ob scelerata coloni,

Arva

¹ *Spumis canentibus*] And. Hartus an-
 no 1615, *Spumis candentibus*: at prius il-
 lud magis arridet. Sic Ovid. Epist. 3.
Quant sine me Phlebis canescant æquora remis.

² *Cum lacera*] Desideratur hic versus
 in tribus Steph. utraque Plantiniana &
 Argent. editionibus.

- Arva jubet salvis subito sterilefcere glebis.
 35 At contra in sterili campo male pinguis arenæ
 Stare lacus, pinguesque facit stagnare paludes:
 Et fluviis siccos rivisque fugacibus agros
 36 Irrigat, atque inopi transmittit habere colono:
 Quique novas sanctis moderetur legibus urbes,
 37 Et scrobibus credat vites, & semina sulcis,
 Unde legat dulces maturo in tempore fructus,
 38 Quos pater omnipotens alit, & proventibus augeť
 39 Assiduis pecorum fœtus. Ubi nescia rursus
 Commoda fortunæ modice mens ferre secundæ,
 Frena dedit vitiis, retrahit sua munera justus
 40 Arbiter: indomitos animos & corda superba
 Cladibus affligit: sævis punire tyrannis
 Tradit, & ignavo petulans sub principe vulgus
 Contemptum, populis prædam jubet esse propinquis:
 Perque inopes victus terras traducit, ubi ante
 1 Nulla hominum tritam monstrant vestigia callem.
 41 Avertit mala pauperibusque, animique modestis,
 Atque hilares multa fœcundat prole penates.
 42 Hæc spectant gaudentque boni: male conscia mustat
 43 Turba metu. Ast, animi quibus est solertia, cura
 Assidua volvunt, memorique hæc mente recondunt,
 Luceat ut cunctis Domini clementia terris.

PSAL. CVIII. *Paratum cor meum, Deus, &c.*

- 2 ² **M**ens³ invicta malis, animi vigor integer, orbis
 Te voce, rector, te celebrabit lyra.

3 Eia

1 Nulla hominum tritam monstrant vestigia callem] Ita quatuor Stephanorum libri, duo Plantini, tres Raphelengii, duo N. Chyrræi, uterque And. Harti, Argentor. Tho. Vautrollerii, Elzev. 1628 Jac. Stoeri 1591, Gid. Lithgoi 1660. Rob. Sanderi 1684: reliquis vero omnibus [tritam] legitur. Nos ideo priorem lectionem prætulimus, quod ita ferant omnes libri Buchananano adhuc vivente editi. Non me later hoc vocabulum a Grammaticis vulgo masculinum statui: at fœminino interdum legi ostendit Nonius e Livii lib. xxii. cap. 14 Nos hic pecorum molo per æstivos salus deviasque calles exercitum ducimus; quomodo etiam

exhibent Jani Gruteri & utriusque Gronovii editiones: quanquam nonnullis libris devias calles edatur, quod Lipsius & Gothofredus, suffragante etiam Rich. Jonsono Gramm. Comment. p. 43. in colles mutatum voluere. Sed potior fides veterum librorum (quibus, restante Sigonio, calles non colles est scriptum) in primis verò omnibus ætate prioris Nonii, qui porro addit Livium sic frequenter loqui. [Nudas Calles MS. apud Curtium III. 10.]

2 Mens invicta malis] Priores 12 hujus Psalmi versus habentur Ps. LVII. posteriores 20 Ps. LX.

3 Mens invicta.] Tres Steph. duæ Plant. & Argent. Mens infracta.

- 3 Eia age, depositis mens expergiscere curis,
Et tu canora barbitos cum nabliis.
Ocyus auroræ quam lucifer excitet ignes,
Aurora cantus quam volucrum exsuscitet,
- 4 Te, pater alme, canam: populos tua facta per omnes,
Quacunque tellus panditur, vates feram.
- 5 Nam tua fiderci bonitas fastigia cœli,
Fidesque tractus nubium supervolat.
- 6 O Deus augustum nitido caput exsere cœlo,
Ostende terris gloriæ jubar tuæ.
- 7 Eripiasque tuos gelidi formidine lethi
Præfens, & opifer invocantes audias.
- 8 Audiit, ex adytoque Deus flammantis olympi
Vocem rependit gaudii prænuntiam.
En tibi frugiferos Sichimæ dispertiar agros:
Vallem Sucothi metiar decempeda.
- 9 Nonne mihi parent Jacobi pignora, quisquis
Vel pecore tondet arva, vel vomere fecat?
- 10 Oppida sub pedibus Syriæ calcabo superbæ,
Moabum, Idumen, & Palæstinas domos.
- 11 Quis mihi pandet iter munitas ductor ad arces?
Muros Idumes divitis quis diruet?
- 12 Quis? nisi tu nostræ gentis, Deus unice, tutor?
Qui nos premendos hostibus reliqueras,
Offensus vitiis pravis: nec in arma ruentes
Nostros præibas dux, ut ante. exercitus.
- 13 Nunc pater auxilium rebus bonus adfer in arctis:
Humana fallax credulos spes decipit.
- 14 Te duce, victrici decorati tempora lauro,
Pedibus prememus hostis arrogantiam.

PSAL. CIX. *Deus laudem meam ne tacueris, &c.*

- 2 **N**E fileas, ne dissimula, mea gloria, neve
Sine veritatem supprimi mendacio,
Me scelerati oris fraus, & crudele venenum,
Proterva fictis lingua me premit dolis.
- 3 In me odia occultis acuunt sermonibus iras,
Et immerenti fabricant molestiam.
- 4 Qui mihi debebant fidum solamen amici,
Probra ingerebant clanculum & convicia.
Ast ego, secretæ tibi qui penetralia mentis
Cernis, dolente corde fundebam preces.

5 Omni-

- 5 Omnibus officiis culti mihi damna rependunt;
Remunerantur odio amorem simplicem.
- 6 Tu pater hunc sævo ¹ vexandum trade tyranno:
Vastator illi ad dexteram adstet Angelus.
- 7 Judicis adstiterit cum sordidus ante tribunal,
Damnatus aspris exeat sententiis.
Quum volet iratos animos inflectere fando,
Oratione iudices exasperet.
- 8 Ante diem fato pereat præceptus acerbo:
Locumque vacuum dominus occupet novus.
- 9 Orba fleat soboles, vidua gemat uxor in aula:
- 10 Ejec̃ta proles patrio exulet solo:
Instabilis, mendica, vagis erroribus orbem
Lustret: quietum reperiat nusquam locum.
- 11 Conturbetque domum miseram, ² inscribatque penates,
Scrutatus omnes fœnerator arculas.
Ignotusque hæres longo congesta labore
- 12 Rapiat, opemque nemo poscenti ferat:
Nullaque progeniem miseratio sublevet orbam.
- 13 ³ Mors falce totam demetat semel domum:
Proxima gentem omnem cum nomine deleat ætas.
- 14 Apudque Dominum, patris erratum, ut recens,
- 15 Ante oculos interque manus versetur & erret:
Nec vitia matris tollat ulla oblivio.
- 16 Utque erat oblitus miserandi, oblivio gentem
Ejus perenni supprimat silentio:
Qui dejectum, inopem, & curis mordacibus ægrum,
Pertrahere mortis nixus est in retia.
- 17 Semper ei veluti fuerat maledictio cordi,
⁴ Maledicta in illum & execratio cadent.
- 18 Ac veluti studio fugit benedicere pravo,
Sic nullus illi cupiat aut dicat bene.

Et

¹ *Vexandum.*] Antiquiores omnes memorati codices: *Vastandum.*

² *Inscribatque penates*] i. e. tabula ex ædibus pendente, vel foribus parietibusque affixa (ut nunc fit) ejus domum vendendam locandamve esse indicet. Plaut. *Trinum.* I. 2. 131. *Ædes venales hæc inscribit literis.* Terent. *Heaut.* I. 1. 92. *Inscripsi illico ædes.* Hoc ideo, quod neque Julius neque Chytræus rem explicent, hic notare libuit.

³ *Mors falce totam demetat semel domum*] Ita omnes libri: mihi vero vix dubium

Tom. II.

est quin *simul* non *semel* legi debeat: quas voces alteram in alteram nonnunquam mutatas interpretes animadvertunt. Vide Cl. Benleium ad Horat. I. Epist. 7. 96.

⁴ *Maledicta in illum & execratio cadent*] Ita constanter omnes libri: at mihi fere persuasum est, *cadant* legi oportere, ut mox

Sic nullus illi cupiat aut dicat bene. Textu autem Hebraico, omnibusque quos viderim interpretibus, eodem sensu per tempore hæc enunciantur.

R

- Et velut obtegitur talari corpus amictu,
 Totus miseriis ille sordeat oblitus.
 Sic in cuncta illi passim se viscera fundant,
 Ut oleum in ossa penetrat, unda in viscera.
- 19 Hoc ergo incedat semper vestitus amictu:
 Hæc zona lumbos cingat illi & ilia.
- 20 Ante Deum tales pendat detractio poenas,
 Et clam salutem quisquis oppugnat meam.
- 21 Alme pater, pater alme, tua me protege dextra,
 Et invidorum libera calumniis.
 Ut nomen latus omne tuum telluris honoret,
 Et suavitatem sentiat clementiæ.
- 22 Eripe me invidiæ: sum pauper, egenus & exspes,
 Animumque curæ turbidum urunt anxia.
- 23 Non aliter pereo, species quam futilis umbræ,
 Pallent tenebris sera quum crepuscula:
 Aut ubi decussis solerti indagine ramis,
 Locusta testis pulsa frondeis cadit.
- 24 Genua labant infirma: artus jejunia solvunt:
 Exsanguis siccis corpus aret ossibus.
- 25 Me tumidi probris hostes petiere superbis:
 Me conspicati capita quassarunt sua.
- 26 Adfer opem, servumque tuum, pater optime, serva
 Pro lenitate semper assueta tibi.
- 27 Agnoscantque tuam, rerum pater optime, dextram:
 Tuaque salvum me sciant clementia.
- 28 Dum maledicta voment hostes, dum probra loquentur,
 Bonusque placidusque benedices tu mihi.
 Dum confusa illis turpis pudor ora notabit,
 Lætitia servi pectus hilarabit tui.
- 29 Hos pudor, ut talos a vertice veltis ad imos
 Effusa late corpus omne contegit;
 Hos pudor, & mœrens turbato infamia vultu,
 Qui me maligno dente rodunt, obruat.
- 30 Ast ego tum Domino grates memor ore sonabo,
 Cœtuque laudes in celebri concinam;
- 31 Qui stetit auxilio dexter cum paupere, vitamque
 Eripuit ejus hostium ludibrio.

PSAL. CX. *Dixit Dominus Domino meo, &c.*

- 1 **S**ic alloquutus Dominus est Dum proterendos, ceu scabel-
 Dominum meum, lum, sub pedes
 Asside dexteram ad meam, Hostes tibi provolvero.

- 2 Ad orbis oras ultimas fasces tuos
Alta ab Sione proferam:
Ut juris æqui vinculis coercetas
Fastus rebelles hostium.
- 3 Te pompa lætis quum reducet
plausibus
Ad templa voti compotem,
Sancto decorus apparatu exerci-
tus
Lætum celebrabit diem.
Non roris imber ante lucem ar-
genteis
Tot¹ vestit arva gemmulis,
Quam multa cunctis gentium de
finibus
Ad te propago confluet.
- 4 Juravit & se aditrixit immuta-
bili
Dominus sacramento tibi,
- Tete futurum Melchisedecis sibi
Ritu sacrorum antistitem,
Solinquieto lucis orbe dum diem,
Dum luna noctem illuminet.
- 5 Ad dexteram ille semper assistet
tuam:
Ferro tyrannos vindice
- 6 Compescet: iram commodans
suam tibi,
Gentes rebelles comprimet.
2 Ducesque regnis imperantes di-
tibus
- 7 Sternet solo: torrentibus
E³ fortuitis, dum fugam pre-
met, sitim
Victor levabit igneam.
Ergo subactis hostibus, cœlo ca-
put
Tollet decorum gloria.

PSAL. CXI. *Confitebor tibi, Domine, &c.*

- 1 **S**Ive inter fidos tractem secreta sodales,
Seu sancti stipante caterva
Me populi loquar, alme parens, te pectore toto
Usque canam: tua munera grato
- 2 Ore feram, magna æternæ miracula dextræ:
Magna quidem, sed & inclyta certe,
Et manifesta bonis, studio scrutante fideli.
- 3 Quicquid enim gerit, omnia splendor,
Omnia divina majestas luce refulgens
Illustrat: dum sidera terras
Ignea lustrabunt, hunc justum semper & æquum
Sera agnoscent secula nepotum.
- 4 Nec quæ primævi quondam stupuere parentes
Attoniti, mirandaque natis
Invida delebunt oblivia: parcere largus

Nempe

¹ Tot vestit arva gemmulis.] Tres Steph.
dæ Plant. & Argent.
Non roris imber ante lucem argenteus
Sic vestit arva gemmeo
Decore, ut omnes gentium fines tui
Beabit ortus nuntius.

Finavit, &c.
² Ducesque regnis imperantes.] Idem co-
dices, Ducemque regnis imperantem.
³ E fortuitis.] Idem codices,
Late per arva sanguinis rivis sitim.

- Nempe parens, facilisque querelis
 5 Flectere cor miseris: spoliis ex hoste superbo
 Direptis decoravit amicos.
 Nec cum gente sua percussi fœderis illum
 Immemorem ulla redarguet ætas.
 6 Ostenditque suas per facta illustria vires,
 Quum populatus regna superba,
 Dimensusque novis hostilia rura colonis,
 Dilectæ dedit oppida genti.
 7 Quicquid agit loquiturque, fides immobilis actus
 Æqui & regula dirigit omnes.
 Quæ jubet, æqua jubet, nulloque interlita fugo,
 Aut tacitam celantia fraudem;
 8 Quæque nec æterno volventia secula lapsu
 Interimant, aut tempore carpant.
 Quippe ' adstans fidei firmæ constantia & æquum
 Perpetuo rata jussa tuentur.
 9 Quum premeret Pharii imperium crudele tyranni
 Selecta de gente nepotes:
 Excussitque jugum, & regis fera jussa superbi
 Exuit: æternaque beatis
 Libertate frui donarat, pignora fera
 Si jurata parentibus olim
 Intemerata piæ servassent fœdera legis:
 Fœdera nullis irrita seclis.
 Quippe Dei sanctum est & formidabile nomen,
 Ac sancte sua pacta tuetur:
 Exigit & duras violato fœdere pœnas.
 10 Hunc colere ex animoque vereri,
 Vivendi recte fons & sapientia prima est.
 Hanc cunctos qui dirigit actus
 Ad metam, vere sapit: hunc ventura nepotum
 Semper dicent secla beatum.

PSAL. CXII. *Beatus vir, qui timet Dominum, &c.*

- | | |
|-------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------|
| <p>1 Beatus ille, qui Deum rerum
 patrem
 Pietate non ficta colit:
 Deique gaudet legibus: mores
 suos</p> | <p>Formare ad illas nititur.
 2 Late per urbes divites poten-
 tiam
 Ejus propago proferet:</p> |
|-------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------|

1 *Adstans fidei firmæ.*] Antiquiores sex toties memorati codices, *Adstans fidei*
infraclæ.

Pro-

- Prolem piorum numinis benignitas
Larga beabit dextera.
- 3 Res affluenter suppetet semper domi
Illi: nec ætas longior
Obliterabit æquitatis gloriam
- 4 Fructumque. Quum premet malos
Fortuna, sævo gestiens ludibrio
Mutare summis infima,
Benignitatis tum suæ justis Deus
Lucem in tenebris offeret.
Clemens bonusque in omnibus periculis
Stirpem piorum munit.
- 5 Misertus inopis vir bonus, larga manu
Succurret indigentiae:
Sic cuncta justo temperans examine,
Nec verba temere ut excidant.
- 6 Non turbo fortis cuncta quatientis, loco
Movebit illum, nec dies
Suprema famam condet ejus invido
Oblivii silentio.
- 7 Non livor illum falsa gaudens spargere
Terrebit, aut calumnia:
Belliverumor, aut egestas lurida,

- Fragorquæ lethi proximi:
Sed mente firma provocat discrimina,
Deoque solo nititur.
- 8 Ceu cana rupes murmurantis æquoris
Spernit minaces impetus:
Sic ille certa interritus fiducia
Sortis procellas sustinet:
Ac sustinebit, dum ruinas hostium
Salvus suorum adspexerit.
- 9 Opes volucris instar auræ mobiles
Largitus est egentibus;
Sibi æquitatis gloriam superstitem
Servavit: orbe gloriam
Vivaciorem, nec senectæ dentibus
Æruginosæ obnoxiam.
Dum laude clarum, reque lautum splendida
Spectabit impius pium,
Curæque mentem vellicabunt anxietas,
Succumque carpent corporis;
Dentem fatigans dente ringetur, lue
Se macerabit tabida.
Dominus malorum vota ridet irrita.
Spes ut modestas promovet.

PSAL. CXIII. *Laudate pueri Dominum, &c.*

- 1 **P**allite Dominum pueri, Domini
Nomen festo tollite cantu.

- 2 Nomen Domini sic celebretur,
Ut seculorum in secula longi
Nulla oblivia sentiat ævi.

3 Pri-

2 *Nomen Domini sic celebretur.*] Tres
Stephani, dux Plant. & Argent. editiones prædictæ,

*Nomen Domini sit benedictum,
Et seclorum — —*

- | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>3 Primo a carcere solis Eoi
Ad purpureos usque occasus,</p> <p>4 Omnes Domini nomen adorent,
Qui gentes super arduus omnes
Celsas ætheris incolit arces:
Cujus longe gloria mundi
Trans flammantia mœnia vecta
est.</p> <p>5 O pietatis nescia veræ
Pectora! ritu sacra nefando
O qui fingitis, anne deorum
Quenquam Domino similem no-
stro</p> | <p>6 Nostis? quem super ardua cœli
Culmina positum nil latet imæ
Sub cava clausum viscera terræ;
Nil humano procul adspectu:
Trans multiplices ætheris or-
bes.
Inopem terræ qui prostratum
Suscitat, & de pulvere egenum</p> <p>7 Tollit, ut alto positus folio
Populi primos carpat honores.</p> <p>8 Qui maternos sterili fructus
Exoratus donat, & orbos
Læta renovat prole penates.</p> |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXIV. *In exitu Israël de Ægypto, &c.*

- 1 **Q**Uum domus Ifacidum patrias remearet ad oras,
Barbaraque invisæ linqueret arva Phari:
- 2 Ipse Deus Judam cœlesti numine tutum
Fecit: erat populi signifer ipse sui.
- 3 Vidit, & attonitas trepidum mare diffudit undas:
Jordanis refugas in caput egit aquas,
- 4 Dura ¹ per intonsos salierunt culmina montes,
Ut saturas gestit dux gregis inter oves:
Celsaque ² frondentes movere cacumina colles,
Agnus ut in pratis luxuriare solet.
- 5 Quid mare vidisti solito cur cesseris alveo?
Cur fugis in fontes fluminis unda tuos?
- 6 Cur ita concusso saliistis vertice montes,
Ut satur exultat dux gregis inter oves?
Cur ita frondenti saliistis vertice colles,
Agnus ut in pratis luxuriare solet?
- 7 Nempe Dei trepidum præsentia terruit orbem,
Cui cadit in Solymos victima multa focos.
- 8 Qui lapidum venas laticum laxavit in usum,
Cui fluxit largo flumine dura fílex.

PSAL. CXV. *Non nobis, Domine, non nobis, &c.*

- | | |
|----------------------------------------------------------------------------------------|-----------------------------------------------------------------------------------------|
| <p>1 TE, magne rector orbis, haud
victoriam
Ex hoste sævo poscimus,</p> | <p>Nos ut per omnes fama gentes
differat,
Nec apparatu ut splendido
Per</p> |
|----------------------------------------------------------------------------------------|-----------------------------------------------------------------------------------------|

1 *Dura per.*] Iidem libri. *Læta per.*

2 *Celsaque frondentes.*] Iidem. *Lætaque frondentes.*

- Per ora vulgi nos triumphus aureo
Cūrru superbos transferat :
Sed impiarum ut secla gentium
sciant
Te largum opis cultoribus
Tuis , fideque semper immuta-
bili
Promissa promptum solvere.
- 2 Ne forte rebus insolentes prospe-
ris ,
Ubi nunc Deus vester ? ro-
gent.
- 3 Deus astra noster incolens , mor-
talium
Nutu suo res temperat.
- 4 At impiarum finxit error gen-
tium
Manu deos inutiles :
Aurum caminis excoquens , aut
malleis
Massa e sequaci bracteas
Ducens , figura multiformi lu-
dicra
Affixit aris numina.
- 5 Inane vocis os habent : oculos
habent ,
Orbes inanes luminis.
- 6 Naribus odores nec trahunt , nec
auribus
Surdis fonores hauriunt :
- 7 Palpare manibus non queunt ,
torpentibus
Nec ingredi vestigiis.
Nec vox anhelis edita e pul-
monibus ,
Cavo recurrit gutture.
- 8 Quicumque tales fingit aut colit
deos ,
Diis ipse similis sit suis.
- 9 At tu Jacobi gens , loca fiduciam
Omnem salutis in Deo ,
Qui te potenti sublevabit dexte-
ra ,
- Et in periclis proteget.
10 Et vos Aronis posteris , spem po-
nite
Omnem salutis in Deo ,
Qui vos potenti sublevabit dexte-
ra ,
Et in periclis proteget.
- 11 Quicumque cultor es Dei , fidu-
ciam
Loca salutis in Deo ,
Qui te potenti sublevabit dexte-
ra ,
Et in periclis proteget.
- 12 Qui nos favore semper amplexus
memor
Fovit fovetque sedulo :
Cunctos Jacobi qui fovebit po-
steros ,
Aronis & sacrum genus.
- 13 Qui se colentes , sive juvenes ,
seu senes ,
Fovebit & custodiet.
- 14 Qui nosque donis semper auge-
bit novis ,
Et liberorum liberos.
- 15 Nam nos profanis segregavit gen-
tibus ,
Cœli folique conditor :
- 16 Cœlum sibi ipse regiam fecit , so-
lum
Sedem dedit mortalibus :
- 17 Remunerantes muneribus illum
ut suis
Rerum parentem agnoscerent.
Neque ora laudes in tuas solvent ,
pater ,
Quos mors tegit silentio.
- 18 Nos te parentem agnoscimus , qui
spiritu
Vitalis auræ vescimur.
Te prosequemur laudibus , dum
lucido
Sol axe terras ambiet.

PSAL.

1 Quos mors tegit silentio] Ita recte Julius legit , alii omnes teget.

PSAL. CXVI. *Dilexi, quoniam exaudiet Dominus, &c.*

- 1 **T**Oto pectore diligam
Unice & Dominum colam,
Qui lenis mihi supplici
Non duram appulit aurem.
- 2 Aurem qui mihi supplici
Non duram dedit: hunc ego,
Donec pectora spiritus
Pulset, semper amabo.
- 3 Jam mors ante oculos erat,
Jam stabam super aggerem
Busti, jam dolor anxius
Omni ex parte premebat:
- 4 Exspes tum prece supplice
Oravi Dominum: Pater,
Quæso, inquam, miserabili
Saltem consule vitæ.
- 5 O justum Dominum & bonum,
6 Et pronum veniæ! auxili
Is me & consilii indigum
Sævo texit ab hoste.
- 7 Ergo mens tibi reddita
Mœrorem cohibe; & Deus
Quæ larga tribuit manu
Donis læta fruarè.
- 8 Vitam e faucibus eruit
Mortis, & lacrymas genis
Absterfit, stabili & pede
Firmavit tibi gressum.
- 9 Tutus præsidio Dei
Degam: & polliciti fide
Fretus non dubia, canam
Grato pectore laudes.
- 10 Lassus, rebus & asperis
Afflictus, trepida fuga
Vitæ prospiciens meæ,
11 Sic mecum ipse loquebar;
Nulli certa homini fides:
At rerum arbiter optimus,
Unus polliciti tenax,
Unus fallere nescit.
- 12 Tot liber toties malis,
Tot auctus toties bonis,
Quo tandem officio tibi
Coner solvere grates?
- 13 Te festa dape, te prece,
Te libamine prosequar,
Te vitæ column meæ
Grata voce fatebor:
- 14 Te vitæ column meæ
In cœtu populi tui
Grata prosequar hostia,
Damnatus tibi voti.
- 15 Electos, genitor, tuo
Custos præsidio tegis,
Nec per vim pereuntium
Manes linquis inultos.
- 16 Tu servum Dominus tuum,
Ancillæ sobolem tuæ
Me, minacibus hostium
Vinculis eripuisti.
- 17 Te, rerum pater optime,
Semper laudibus efferam:
Nomen in dubiis tuum
Usurpabo periculis.
- 18 Te voti reus, ¹erutus
Morti, prosequar hostia,
19 Sacri limen ad atrii,
Sacrae redditus urbi.

PSAL.

1 *Erutus morti*] Melius forte *morte*. I. XXVI. [Vid. ad Psalm. LX.]
Vide quæ nos de metris Buchan. ad cap.

PSAL. CXVII. *Laudate Dominum omnes gentes, &c.*

- | | |
|--------------------------------------------------------------------------------------------------------------------------|------------------------------------------------------------------------------------------------------------------------|
| <p>1 OMnes ubique gentium
Quos solis ambit orbita,
Rerum parentis optimi
Laudes libenter pangite.</p> | <p>2 Agnoscite indulgentiam
Benignius nos in dies
Foventis, & constantiam
Promissa certam reddere.</p> |
|--------------------------------------------------------------------------------------------------------------------------|------------------------------------------------------------------------------------------------------------------------|

PSAL. CXVIII. *Confitemini Domino, quoniam bonus, &c.*

- 1 **E**ia Deum laudate, Deum facilemque bonumque,
Larga benignum semper indulgentia.
- 2 Eia Dei, soboles Jacobi, dicite laudes,
Larga benigni semper indulgentia.
- 3 Eia Deum canat Aronis numerosa propago,
Larga benignum semper indulgentia.
- 4 Eia Dei pura cultor pietate, fatere
Larga benignum semper indulgentia.
- 5 Audiit orantem Dominus me rebus in arctis;
Ac liberavit illico ex angustiis.
- 6 Ille mihi assistat solus: non arma, nec ulla
Humana mi vis adferet formidinem.
- 7 Ille mihi auxilio sit solus: lumina damnis
Explebo (nec me decipit spes) hostium.
- 8 Tutius a rerum Domino est sperare salutem,
Confidere armis quam virorum fortium:
- 9 Tutius a rerum Domino est sperare salutem,
Confidere opibus quam potentum principum.
- 10 In me conjurent populi omni ex parte propinqui,
Dei faventis conteram cunctos ope:
- 11 Circudent omnique premant ex parte licebit,
Dei faventis conteram cunctos ope:
- 12 Circudent omnique premant ex parte licebit,
Quam nube densa vere se fundunt apes,
Non secus ac fidas ignis violentia spinas,
Dei faventis conteram cunctos ope.
- 13 Improbe quid frustra labefactum evertere tentas?
Dei potentis sustinet me dextera.
- 14 Ille meæ vires: illum mea carmina pangent
Unum: salutis unus auctor est meæ.
- 15 Cunctaque justorum pariter tentoria plaudent:
Meæ salutis pariter auctorem Deum
Laudabunt: cantuque ferent ad sidera dextram
Belli potentem, divitem victoriæ.

- 16 Dextram armis, dextram præstantem robore, dextram
Belli potentem, divitem victoriæ:
- 17 Sæva quid insultas mihi mors? tua tela reconde:
Frustra minaci terribitas me spiculo.
Vivo equidem, vivusque feram super æthera cantu
Raram benigni numinis clementiam.
- 18 Jure parens bonus ærumna me afflixit acerba:
At imminentem reppulit mortem tamen.
- 19 Pandite pontifices sacri mihi limina templi,
Salute parta ut laude prosequar Deum.
- 20 Hæc est illa Deo gratissima janua, justis
Votis aperta dehinc futura janua.
- 21 Te merito, pater alme, canam: tu rebus in arctis
Aurem applicasti supplici placabilem:
Sospes, ¹ & infesto duce te sum tutus ab hoste:
- 22 Et molientum tecta quem rejecerat
Artificum improbitas lapidem, fastigia summi
Late refulgens jam coronat anguli.
- 23 Scilicet arcano factum est hoc numine, nostra
Attonita factum quod stupefcunt lumina.
- 24 O lux festa, o lux jucunda ad gaudia nata,
Cœlestis in nos lux favoris conscia!
- 25 Usque fave, custosque tui, pater optime, Regis
Sis, & secundos cœpta duc ad exitus.
- 26 O felix, iterum o felix, quem rector olympi
Populo salutis misit auctorem suo!
Nos, quibus est sacri custodia credita templi,
Vos precamur cuncta vertant prospere.
- 27 Unus enim Dominus rerum moderatur habena
Qui gratiæ in nos lumen effundit suæ.
Lætitia celebrate diem, foetusque bidentis
Tenellus aræ vinctus astet cornibus.
- 28 Te Dominum, te mente colam, te voce fatebor:
Tuumque semper laude nomen prosequar.
- 29 Eia Deum laudate, Deum facilemque bonumque,
Larga benignum semper indulgentia.

PSAL.

1 Sospes, & infesto.] And. Hart, 1615, Sospes & infesto.

PSAL. CXIX. *Beati immaculati in via, &c.**Aleph.*

- 1 **O** Beatos, qui sequuntur orbitam legis Dei:
 2 O beatos, qui monenti sponte parent numini,
 3 Labe puri nec relinquunt lege jussum tramitem,
 4 Quem severitate dura nos tenere præcipis.
 5 O gradum regas labantem sic, monenti ut parcam;
 6 A tuis attenta jussis nusquam ut erre it lumina:
 7 Tum ducem canam æquitatis candido te pectore.
 8 Obsequar tibi: obsequentem tu tibi ne desere.

Beth.

- 9 Quid juventam, ne labasciat, servat æque ac lex tua?
 10 Hinc ne aberrem, modo laboro: tu laborantem rege.
 11 Ne vacillet pes, meo tua verba condo pectore.
 12 Rector orbis, æquitatis regulam tuæ doce
 13 Me, tui oris verba semper ore mediter ut meo:
 14 Illa longe cariora semper auro ut æstimem:
 15 Illa cogitem, illa secter, illa mirer unice:
 16 Illa nulla e corde nostro delectant oblivia.

Gimel.

- 17 Da tuæ legi obsequenti vivere: ut propius tui
 18 Conspicer pacti æquitatem, pande mentis lumina.
 19 Inquilinum jussa legis te tuæ celaveris.
 20 Fœderum leges tuorum ægra mens desiderat.
 O, tuæ legis superbum qui premis fastidium,
 22 Me tuæ legis sequacem vindica: cui divites
 Arroganter obloquuntur, jussa quod servem tua;
 E tuo sermone vitæ quod capeffam formulam.

Dalet.

1 *Tui oris verba semper ore mediter ut meo]*
 Quondam mihi suspicio suborta est legendum esse corde *mediter*; at mutare sententiam coëgit textus Hebraicus, quem sic reddit Arias Montanus, *In labris meis narravi omnia judicia oris tui*: proinde meditari eodem fere sensu accipiendum quo apud Virg. Ecl. I.

Silvestrem tenui Musam meditaris avena.

i. e. modularis, seu cantando exerceas.
 Et Ecl. 6,

Omnia quæ Phæbo quondam meditante beatus

Audiit Eurotas ———

i. e. canente, ut Servius interpretatur. Meditari ergo verba Dei ore, idem est ac ea assidue recolere, ac iis in omni sermone memorendis semet exercere.

Daleth.

- 25 *Æger animus languet: ægrum recrea verbo tuo:*
Cordis arcanas latebras prodidi tibi: rudem
 27 *Tu doce, præferque lucem, scita mediter ut tua:*
Et cor anxium tui verbi erigas solatio.
Absque fūco fac tuarum scita legum ut diligam.
 30 *Recta sector, instituta spectro semper ad tua.*
Lex tua animo sculpta inhæret: spem meam ne defere:
Pande iter tuæ æquitatis: te comes lætus sequar.

He.

- Legum iter monstra tuarum: fœdus erudi tuum,*
Fœdus ut legemque totis imbibam præcordiis,
 35 *Cuncta ut instituta recta sector usque semita.*
Sordidis averte curis iussa pectus ad tua:
Flecte lumina, impias ne vanitates hauriant.
Languidum excita: face ut te timeat animus ac amet.
Libera probro a pudendo me benignus arbiter:
 40 *Tua ' statuta diligentem servet. æquitas tua.*

Vau.

- Me bonus respice opiferque, fœderis memor tui,*
Ora claudam ut exprobranti spem tuæ fiduciæ.
Spes salutis, veritatem ab ore ne tuam eripe.
Semper ut tuis statutis audiens, tuto gradu
 45 *Ambulem, tua iussa quæro sola. Coram regibus.*
 46 *Differam (nec me pudebit) de tuis sermonibus.*
 47 *Hos amavi, & hos amabo, & obsequens his, brachiâ.*
 48 *Tollam: ut usque, & usque volvam hos ore, mente:*
cogitem.

Zain.

- Sis memor pacti, columna quæ meæ fiduciæ est,*
Quod levat mœrentem, & ægrum e fauce mortis eripit:
 51 *Rideant licet superbi, te sequar: legem tuam*
Usque repetam, in rebus arctis hoc erit solatium.

Ins.

Tua statuta diligentem} Tres Steph:
utraq; Plant. & Argent:

Et statuta me amantem tua æquitas servet:
tua.

- Impios quum legis hostes cerno, totus horreo.
 Carmen hæc erit mihi, orbem donec hospes hunc colam.
 Hanc ut observem tenebræ me silentes admonent:
 56 Illa mentem cura semper unice exercet meam.

Heb.

- Obsequi tibi, mihi una est spes, opes, hæreditas.
 Ut bonus promissa præstes, unice unum id ambio:
 Actiones vitæ ut omnes ad tuam componerem.
 60 Legem: ad hanc custodiendam qua licet¹ me confero.
 Impeditus impiorum vinculis hanc cogito.
 Hujus ergo nocte surgens prosequar te laudibus.
 Qui verentur hanc, amicis utor: hanc, parens bone,
 64 Qui tua benignitate cuncta reple, edoce.

Teb.

- 65 Domine ades, pollicita servo fac benigne appareant:
 In tua lege acquiescam: me doce legem tuam.
 Vix malo coacta leges mens sequi didicit tuas.
 Scita, fons benignitatis, tua benigne me doce:
 Me superbi criminantur: corde toto ego te sequar.
 70 Jussa me juvant tua; illis mens hebescit prosperis.
 Erudisti me malis, ut legi adhæream tuæ,
 Hæream ut legi, auri acervis gratiori ingentibus.

Jod.

- Da manu tua creato nosse vim legis tuæ.
 Me pii læti obsequentem legibus spectant tuis.
 75 Justa lex tua est: premis me jure justus arbiter.
 At libenter audientem jussa me tua recrea.
 Tibi libenter obsequentem præveni clementia:
 Servulum tuum prementem comprime arrogantiam.
 Me tuæ legi obsequentes obsequentem diligant.
 80 Nec ferat tibi obsecundans pura mens infamiam.

Capb.

Deficit mens spe salutis, spes nec illam deficit:
 Lassa languent lumina: utris corpus instar aridi

83 *Tav*

¹ Me confero.] Omnes Steph. dux.
 Blant. Argent. Vautrol. Lond. 1580. &c.

Genev. 1594. me comparo.

- 83 Tabuit: solare promissi in malis memorem tui.
 84 Quis ferendi finis? hostem quando punies meum?
 85 Mihi tuæ legis superbus hostis effodit scrobem.
 Æqua lex, promissa certa sunt tua: hostes confice
 Qui premunt me, quod te in uno collocem fiduciam.
 Scita fac ut ad tua omnes actiones dirigam.

Lamed.

- Certa eunt promissa, certa stat tuis verbis fides,
 90 Dum polo stellæ micabunt, herba terras vestiet;
 Sempiterno quæ recurfu legibus parent tuis.
 Obruissent me dolores, ni affuisset lex tua,
 Lex salubris: nulla nobis tollet hanc oblivio.
 Sum tuus, tua instituta diligentes diligo.
 95 Impii¹ mortem parabant scita meditantis tua.
 Cæteris est finis: illa sola semper permanent.

Mem.

- O tuam quam legem amavi! semper illam cogito.
 Hostibus prudentiorem me meis hæc reddidit.
 Factus huic fui obsequendo doctior doctoribus.
 100² Huic quod audiam, senectæ astutior sum callida:
 Huic ut obsequar, malorum flecto gressum a semitis.
 Te docente non recedo paullulum a verbis tuis,
 Faucibus meis suavi melle suavioribus.
 Eruditus his, recedo a semita mendacii.

Nun.

- 105 Sancta lex, velut lucerna, dirigit pedes meos.
 Obstinavi animum, tuis ut obsequar sermonibus.
 Obrutum malis, tuorum fœderum memor, leva.
 Edoce me iussa, & oris hanc bonus cape victimam;
 Iussa non rejecta, quamvis undique instarent mala:
 110 Hæc nec abjeci impiorum pene clausus retibus.
 Hæc voluptas, hoc mihi unum gaudium, hæc hæreditas.
 Hic scopus mihi³ manebit, vivus aura dum fruar.

Samech.

¹ Impii mortem] In duabus Steph. utra- fendi possit, vehementer dubito. certe
 que Plant. & Argent. desideratur hic ver- ego nullum exemplum novi.]
 fus.
² Huic quod audiam] [Audiens alicui que Plant. & Argent. manebit unus, aurâ
 dicto, recte dicitur. Sed an audire alicui de- dum fruar.]
³ Manebit, vivus] Tres Steph. utra-

Samech.

- Diligo legem tuam, sicut malos abominor.
 Unica es spes, una verbis in tuis fiducia.
 115 Ut Dei mandata servein, hinc impii faceffite.
 Me tuo sermone fulci, ne sequar spes irritas.
 Te regente salvus usque iussa diligam tua.
 Perfugas calcas tuos, qui vana frustra cogitant.
 Legem amo tuam, quod omnes impios exterminet.
 120 Corpus horret quum severum cogito te iudicem.

Ain.

- Æqua ne me diligentem defere opprimentibus.
 Iusta fac amem superbo tutus a ludibrio.
 Dum salutem spero, scita spectro dum tua, lumina
 124 Lassa languent: tu benignus edoce servum tua
 Placita: legum fac tuarum intelligat mysteria.
 Tempus instat puniendi legis adversarios.
 At tuum fœdus mihi auro est carius carissimo:
 Hoc amo, huc errore misso dirigo vitæ ordinem.

Pe.

- Mira rituum tuorum mens colit mysteria.
 130 Verba pectori imperito luminis sunt janua.
 Faucibus tua verba apertis duco, vitæ ut spiritum.
 Ceu soles te diligentes, intueri me bonus.
 133 Dirige ad tua verba gressus: tum scelus non opprime.
 134 Me. Tuæ legi, impiorum liber a calumnia,
 135 Obsequar: bonus intueri me, tuam ut legem sequar.
 136 Si quis hauc spernit, fluunt mihi more rivi lacrymæ.

Zade.

- Iustus es creator orbis: iusta iussa sunt tua.
 Plena lex est æquiltatis: certa verbis veritas.
 Rumpor ira, quum scelestis impie contemnitur.
 Sermo purus instar ignis: servus hunc amat tuus.
 Impii spernant licebit me, tuam legem sequar.
 Iussa stant tua sempiterna mota nullo turbine.
 Turbidis mihi illa rebus anxium cor recreant.
 Scire legem da tuam: vitam mihi donaveris.

Corb.

Coph.

Corde toto audi vocantem, legi ut obsequar tuæ.
 Invoco, adjuva invocantem, fœdus ut colam tuum:
 Invoco te mane, verbis in tuis fiducia est.
 Nocte vigiles anteverto, verba mediter ut tua.
 Me benigne audi, ut soles, & fauce mortis eripe.
 Impii me persequuntur, legis expertes tuæ.
 Tu propinqua, Domine, jussâ cujus omnia justa sunt.
 Jussâ firma sine nullo, firma nullo exordio.

Rês.

Adspice afflictum: leva me, fœderis memorem tui:
 Fœderis memor meam vitam patronus asserere.
 Impii male interibunt, jussâ qui tua negligunt.
 O bonus sine fine, robora, ut soles, vitam meam.
 Me prementum multitudo a lege non flectit tua.
 Mœret animus intuendo pacta qui spernunt tua.
 Tu bonus tua jussâ amantem me vicissim recrea.
 Cuncta promissâ tua nullum fixa norunt terminum.

Sin.

Me premit tyrannis: at cor verba meditatur tua.
 Verba gratiora gazis aureis animo meo.
 Diligo legem tuam, ceu vanitatem abominor.
 Septies tuam æquitatem me canentem lux videt.
 170 Legem amantibus tuam pax multa, nulla offensio.
 Spectat a te mens salutem, nixa promissis tuis.
 Mens amat promissiones unice & servat tuas.
 Servo tua pacta, ut vicissim tu vitam observas meam.

Thau.

Invocanti da tuarum scire legum abscondita:
 170 Invocantem libera me, fœderis memor tui.
 171 Te docente prædicabit os tuas laudes: tua
 172 Jussâ lingua nuntiabit, jussâ longe æquissima.
 173 Dextera tua obsequentem jussibus juva tuis.
 174 Abs te opem spero: tuarum scita legum diligo.
 175 Sospita me, ut prædicem te: lex juvabit me tua.
 176 Me, vagam ut pecudem, require fœderis memorem tui.

PSAL. CXX. *Ad Dominum cum tribularer, &c.*

Hinc me obsidebant bella, &
hinc calumniæ
Livor faces admoverat:
Ad te refugi destitutus omnibus,
Rerum creator optime.
Te voce supplex invocavi, tu
meas
Non lentus audisti preces.
2 A fraudulentæ toxico linguæ
Deus
Me protege & mendaciis.
3 O lingua fraudis machinatrix im-
piæ,
Qua spe meum oppugnas ca-
put?
4 Scythæ ferocis lingua pestilen-
tior
Tinctis veneno spiculis:

Ignis voracis lingua flammis
acrior,
Quum silva flagrat arida.
5 Heu vita tristis, vita dura & an-
xia,
Per invios erratica
Montes, latrones inter, atque
inhospita
Gentis teræ mapalia
6 Mens ægra vitæ carpitur fasti-
dio,
Hostes quietis accolens;
7 Hostes quietis, blanda quos ora-
tio
Ferociores efficit:
Quos innocentis mentio concor-
diæ
Ad bella sæva exasperat.

PSAL. CXXI. *Levavi oculos meos in montes, &c.*

1 **D**um ferox armis inimicus
instat,
Ad montes vaga lumina
Proximos circumfero, si quid il-
linc
Forte appareat auxili.
2 At mihi cœli Dominus folique
Certam solus opem feret.
3 Ille (quid vano trepidans tumultu
Cor pulsas mihi pectora?)
Ille sanctorum (mihi crede) cu-
stos
Noctes excubat & dies:
4 Victa nec blandi illecebris sopo-
ris

Unquam lumina dimovet:
5 Leniter passis tibi semper alis
Umbrae more supervolat;
6 Ne cutem solis violentioris
Urant spicula de die,
Nocte ne lunæ nebulosioris
Artus degravet halitus.
7 Seu domi clausus lateas, laten-
tem
Clausis servat in ædibus:
8 Seu foris pacis obeas amicæ,
Seu belli fera munera,
Sospitem e cunctis Dominus pe-
riclis
Semper te bonus eruet.

PSAL. CXXII. *Lætatus sum in his quæ dicta sunt mihi, &c.*

1 **O** Lux candida, lux mihi
Læti conscia nuncii:
Tom. II.

Jam pleno statuta tempora
Reddit circulus anno:
T Jam

- Jam festi revocant dies
Augustam Domini ad domum:
- 2 Jam sacri pedibus premam
Lætus limina templi.
- 3 Jam visam Solymæ edita
Cælo culmina, & ædium
Moles nobilium, & suo
Angustam populo urbem:
- 4 Urbem, quam procul ultimis
Terræ finibus exciti
Petunt Ifaciadæ, ut Deum
Placent more parentum:
- 5 Jussam coelitus oppidis
Urbem jus dare cæteris;
- Et sedem fore Davidis
Cuncta in secula proli.
- 6 Mater nobilis urbium,
Semper te bona pax amet:
Et te semper amantibus
Cedant omnia recte.
- 7 Semper pax tua mœnia
Colat: semper in ædibus
Tuis cōpia dextera
Larga munera fundat.
- 8 Dulcis Ifacidum domus,
Te pax incola sospitet:
- 9 Sedes numinis, omnia
Succedant tibi fauste.

PSAL. CXXIII. *Ad te levavi oculos meos, &c.*

- 1 **A**D te levavi, Rex, pater,
& Deus;
Ad te levavi lumina, qui procul
Contagio humano remotus,
Templa habitas radiata cœ-
li.
- 2 Ut servus observat Domini ma-
nus,
Gestus & omnes lumine mobili;
Arguta² ceu nutus acutis
Serva oculis dominæ tue-
tur:
Te nostra spectant, te, Domine
& Deus,
Intenta mentis lumina, dum gra-
ves
- Iras remittas, servulisque
Des veniam bonus atque
pacem.
- 3 Jam lenis in nos respice: servulis
Jam parce tandem, parce fide-
libus,
Quos hostis insultans superbo
Ludificatque premitque
vultu.
- 4 Contemptus hosti ac opprobrium
sumus,
Vitæque tædet: ferre animus ne-
quit
Supercili fastum superbi,
Ludibriumque opibus tu-
mentum.

PSAL. CXXIV. *Nisi quia Dominus, &c.*

- 1 **N**I faventis affuisset numinis præsentia,
2 **N**(Dicat Ifaci propago) numinis præsentia
Ni faventis affuisset, quum veniret perditum
Nos superba multitudo, freta stultis viribus,

3 Forte

1 *Angustam populo urbem*] Hart. anni
1621. *Augustam.*

2 *Ceu nutus acutis*] 1580. *ceu nutus heriles.*

Vantrol. Lond.

- 3 Forte vivos devorassent, debilesque & pauculos:
Ira fervidi furoris, avida nostri sanguinis,
- 4 Obruisset instar undæ nos procella cladium:
More torrentis nivali ab imbre turgidi, impetus
- 5 Nos repente sustulisset: usque ad animam gurgites,
Usque ad animam transiissent gurgites impervii.
- 6 Sempiterna laus Deo sit, qui suos non tradidit
Dentibus prædam cruentis perfidarum gentium.
- 7 Cassibus fractis dolosis sospites evasimus:
Capta veluti jam volucris rete fugit aucupis.
- 8 In Deo nostræ salutis spes reposita est unico,
Qui solum cælumque fecit vi potentis dexteræ.

PSAL. CXXV. *Qui confidunt in Domino, &c.*

- | | |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Sionis arcem non aquilo impo-
tens
Saxo sedentem perpetuo quatit,
Nigrantibus non auster alis
Imbriferas glomerans pro-
cellas.</p> <p>2 Quicumque vere spem locat in
Deo,
Non hostis hunc vis, non qua-
tiet dolus:
Si fractus illabatur orbis,
Incolumis fugiet ruinam.
Ut civitatem mœnia montium
Sanctam tuentur, sic Dominus
suos
Vi cingit arcana, nec un-
quam</p> | <p>Præsidii viduos relinquet.</p> <p>3 Nec impiorum perpetuo jugo
Sinet piorum progeniem premi;
Ne turpibus contaminetur
Flagitiis labefacta mentem.</p> <p>4 Ut affluenter fac bona sint bo-
nis,</p> <p>5 Ut continenter fac male sit ma-
lis,
De calle quos recti illecebris
Impietas male sana flexit.
Fac, sancte rerum conditor, ut
domum
Beata semper pax colat Isaci:
Tranquillitas secura pulchræ
Exhilaret Solymæ colo-
nos.</p> |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXXVI. *In convertendo Dominus captivitatem Sion, &c.*

- 1 **Q**uum pater omnipotens captam remeare Sionem,
Dulcemque jussit patriam revisere.
Attoniti stupuere animi, necopinaque secum
Metum librant inter & spem gaudia.
Vixque sibi credunt: veluti qui noctis opacæ
Sopore pulso mane versat somnia.
- 2 Pro lacrymis redeunt risus: sua gaudia quisque
Sermone celebrat, patrium laudans Deum.
Nec minus attonito stetit ad miracula vultu,

- Sic barbarorum turba secum mustitans,
 En pater ille deum quot signa ostendit amoris!
 Hujus saluti gentis usque ut prospicit!
- 3 Nec falso: nam signa Deus monstravit amoris
 Præclara, nostræ dum saluti prospicit.
 Ergo alacres læto testamur gaudia plausu.
- 4 At tu benigne fac parens ut cæteri
 Jam redeant, plenisque viis sic agmen inundet,
 Ut æstuosi quum fiat austri spiritus,
 Indignata suis cohiberi flumina ripis,
 Vaga per agros murmurant licentia.
- 5 Qui male fœcundæ commisit semina terræ,
 Et corde tristis multa volvitur anxio,
 Si venit uberior seges imbribus aucta benignis,
 Exultat hilari cor metentis gaudio.
- 6 Nos quoque longa fugæ post tædia, postque labores,
 Læti arva dulcis patriæ revisimus.
 Te patrium canimusque Deum, semperque canemus:
 Agimusque memores atque agemus gratias.

P S A L. CXXVII. *Nisi Dominus edificaverit domum, &c.*

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Nl cœpta Dominus juverit,
 frustra struis
 Moles superbas ædium.
 Ni Dominus urbem servet, in-
 cassum excubat
 Muris vigil custodia.</p> <p>2 Frustra antevertis mane solem,
 & vespere
 Sero domum reverteris:
 Victum labore vix parabis anxio,
 Ni Dominus admorit ma-
 num.
 At ille amicis interim suis dabit
 Purum soporem somniis:</p> <p>3 Domumque dulci prole fœtam
 liberum</p> | <p>Præbebit. Hæc hæreditas
 Hæc illa merces, qua beat caros
 sibi
 Rerum ille Dominus omnium.</p> <p>4 Non sic timori est dexteram te-
 lis gravis
 Bellator hostis hostibus,
 Ut quem parentem masculæ pro-
 paginis
 Favor beavit numinis.</p> <p>5 O ter beatum & amplius, qui
 talibus
 Pharetram sagittis impleat!
 Non ad tribunal erubescet jur-
 gia
 Procacis adversarii.</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

P S A L.

1 *Testamur gaudia*] Editio Al. Julii *te-*
stemur, & in Ecphrasi *letitiam demonstre-*
mus: sed potior, mea sententia, aliorum
 codicum lectio, utpote Hebraico textui

mage consona, qui ab interpretibus fere
 redditur, *Facti sumus letantes vel læti*, non
 vero *erimus* aut *simus*.

PSAL. CXXVIII. *Beati omnes qui timent Dominum, &c.*

- | | |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Felix o ter & amplius,
 Quem timor Domini tenet,
 Quem non illius a via
 Fleſcit devius error.</p> <p>2 Felix, & tibi prospere
 Cedent omnia: nam tuo
 Carpes dulcia fercula
 Comparata labore.</p> <p>3 Instar palmitis uberi
 Proventu gravidi, & coma
 Cingentis viridi domum,
 Te conjux hilarabit.
 Ceu plantaria fertili
 Pubescunt oleæ solo,</p> | <p>Jucundo tibi liberi
 Cingent agmine mensam.</p> <p>4 Quem timor Domini tenet,
 Inter talia commoda
 Vitæ tempora transiget.</p> <p>5 At te ex arce Sionis
 Ditabit Domini manus
 Larga: & conspicias bonis
 Florentem Solymam, tibi
 Donec vita manebit.</p> <p>6 Prolis adspicies tuæ
 Longa stirpe propaginem:
 Festa semper & illaci
 Lætos pace nepotes.</p> |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXXIX. *Sæpe expugnaverunt, &c.*

- 1 **J**ure¹ dicat grex bonorum, mille me molestiis
 2 Factio preſſit² malorum: prima ab usque origine
 Factio preſſit malorum mille me molestiis:
 Nec tamen subvertere unquam quivit ullis machinis.
- 3 Terga sævis exaravit verberum vibicibus:
 Terga longis secta sulcis, hostis ad fastidium:
- 4 Sed parens rerum benignus vincla rupit impia,
 Meque nervo liberavit servitutis asperæ.
- 5 Qui Sionis non amico spectat arces lumine,
 Vota semper vana volvat, spes inanes nutriat:
- 6 Marceat, ceu si le marcet herba languens torrido,
 Herba summis nata tectis, quæ repente corruiſit
 Ante falcis plagam³ acutæ, sicca marcidis comis.
- 7 Unde nec sinum replevit qui manipulos colligit:
 Nec manum messor perustus, prata tondens florea,
- 8 Nec viator ominatus prospera est metentibus,

Sic

1 *Jure dicat*] Antiquiora exemplaria, omnes, exceptis iis qui cum Chytræi notis prodierunt, habent, *malorum*, *usque* ab *incunabulis*: quod non admittit metri ratio, nisi divisum legas.

3 *Acutæ, sicca*] Prædicti codices: *acuta aridis radicibus*. Eadem hujus mutationis quæ prioris causa.

Sic precatus, Arva læta, & arva lauta, & roscida;
 Hunc in annum, & usque in annos hunc sequentes;
 numinis
 Vos favor semper benigni servet; ornet, augeat.

PSAL. CXXX. *De profundis clamavi, &c.*

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 CUrarum rapidis fluctibus
 obrutus,
 Arcanis animi de penetralibus,
 Audi verba precantis,
 Clamavi, pater optime:
 2 Audi verba pater, quæ tibi sup-
 plices
 Multo cum gemitu fundimus:
 applica
 Intentam bonus aurem
 Tristes ad querimonias.
 3 Si vindex tetricus facta nefarie
 Poenis cuncta velis plectere, quis
 sibi
 Tam confidit, acerbum
 Ut non horreat exitum?
 4 At tu non furiis tristis es aspe-
 ris,
 Sed largus veniæ, & munificus
 parens:
 Ut te jure colamus,
 Legum & jussa salubria.</p> | <p>5 Nam spes polliciti me recreat
 tui,
 Promissique fides fallere nescii,
 Et fiducia certa
 Mentem sustinet anxiam.
 6 Non sic præcipiti nocte vigil
 diem
 Observat roseum, non roseum vi-
 gil
 Phœbi sic avet ortum,
 Ut flagrat mea mens Deum.
 7 Securi in Domino figite spem
 pii,
 Non duro veniam supplicibus
 dare;
 Et prompto dare pressis
 Duro servitio manum.
 8 Electi generis progeniem gravi
 Pressam servitio ex hostibus asse-
 ret:
 Et de morte redemptam
 Noxis eximet omnibus.</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXXXI. *Domine, non est exaltatum cor meum, &c.*

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 SI spiritu impotenti,
 Si lumine insolenti
 Elatus ambulavi;
 Si virium mearum
 Fiducia superbus
 Despexerim minores:
 Si mentis arrogantis
 Sublime vectus alis,
 Majora, quam liceret
 Sperare, cogitavi:</p> | <p>2 Ni vota temperavi
 Modestia salubri:
 Nil deprecor rogoque,
 Nullam recuso poenam.
 Qualis puer tenellus
 Vix lacte pulsus, unam
 Suspirat in parentem,
 Hanc spectat, hac ab una
 Dependet, ambit unam:
 Æterne rector orbis,</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Tc

1 *Leta, &]* In prædictis deest &, hic metri gratia introductum.

Te mens mea intuetur	¹ Unum Deum parentum
Unum, uni adhæret, unum	Spectate, spes in uno
Te vindicem salutis	Locate, cuncta ab uno
3 Agnoscit. O piorum	Sperate: spem nec unquam
Propago sancta patrum,	Fovebitis caducam.

PSAL. CXXXII. *Memento, Domine, David, &c.*

- ¹ **D**Avidis esto memor, genitor, memor esto laborum
Quos tulit, in rebus tua iussa sequutus egenis.
- ² Ille tibi, Hebrææ gentis Deus unice, votis
Obstrinxit caput, & promissis ora reclusit:
- ³ Non ædes prius ingrediar, mollive reponam
- ⁴ Membra toro, aut oculis dulcem indulgebo soporem,
- ⁵ Quam fanum inveniam, & sacri fundamina templi
Designem, sanctisque locum dimetiar aris.
- ⁶ Fama ² licet patriæ multum promitteret oræ,
Inter saxa tamen silvestribus obsita dumis
Monstravit Deus ipse locum. Deus ipse perenne
Hic templum, templique sacris sedem innuit aris.
- ⁷ Ergo alacres gratam Domino properemus ad ædem;
- ⁸ Scamna pedum pronis veneremur vultibus: & tu
Sancte parens, bonus ac placidus cape vota, tuamque
Lætus adi sedem: neu dedignare penates
Qui memorem æterni servabunt foederis arcam.
- ⁹ Templi sacerdotes casti tueantur, & omnes
Qui tua rite piis venerantur numina sacris,
- ¹⁰ Lætitia exsultent. Si David pectore puro
Te coluit, ne Davidicæ nunc respue prolis
Dona, tui populi cui frena tenenda dedisti.
- ¹¹ Davidi enim quondam (neque jam sententiâ vertet
Ulla tuam mentem) jurasti: E stirpe propago
Nata tua folium & sceptrum retinebit avitum.
- ¹² Quod si posteritas fervet mea fœdera, pactis
Si steterit, leges si non temerarit avitas,
Nulla dies folio, vis nulla extrudet avito,
Et natos natorum, & qui nascentur ab illis.

13 Ipse

¹ Unum Deum parentum] Omnes cum
Chytræi Collectaneis editi, Unum Deum
parentem. Male. [Nescio an hic pecca-
rint operæ: nam quas vidi, parentum ha-
bent, ut Plantiniana & Salmuriana.]

¹ Fama licet] Tres Steph. duæ Plant.

& Argent.

*Ecce mihi, patriis subito dum versor in ar-
vis,
Et juga dum peragro silvestribus obsita du-
mis.*

- 13 Ipse mihi sedem elegi sine fine Sionem,
 14 Quam colerem: hinc mihi certa quies, hinc certa voluptas:
 15 Hæc mihi grata domus: cœli indulgentia fruges
 Faxo alat, & duos large saturabo colonos.
 16 Templâ tuebuntur casti justique ministri,
 Lætitiæque piis perfundam pectora certa:
 17 Davidicoque novum producam e semine germen,
 Quod late in populos fundet sua brachia: ¹ stirpi
 Prospiciam seræ solium qui illustret avitum,
 Claraque per cunctas diffundat lumina terras.
 18 At pudor, & turpes maculas infamia spargens,
 Hostibus inficiet vultus. Jessæa propago
 Florebit, ² cingetque sacrum diademate crinem,
 Transmittetque suam longæva in secula famam.

PSAL. CXXXIII. *Ecce quam bonum, & quam jucundum, &c.*

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>¹ Nihil caritate mutua fratrum,
 nihil
 Jucundius concordia;
 ² Non aura suavis balsami, quum
 funditur
 Aronis in sacrum caput,
 Et imbre læto proluens barbam
 & sinus
 Limbum pererrat aureum:
 ³ Non ros, tenella gemmulis ar-
 genteis</p> | <p>Pingens Sionis gramina,
 Aut verna dulci inebrians uli-
 gine
 Hermonis intonsi juga.
 Fraterna quam pax incolit, do-
 mum juvat
 Dominus benigna dextera:
 Et opibus auget: filiorum & fi-
 lios
 Multis propagat seculis.</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXXXIV. *Ecce, nunc benedicite, &c.*

- | | |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------|
| <p>¹ Domini ministri, nocte qui
 custodiæ
 Sancti excubatis atrii,
 Laudate Dominum, laudibus do-
 nec sacro
 Nox annuit silentio.
 ² Interque laudes mentibus puris
 manus</p> | <p>Cœlo supinas tollite.
 ³ Et vos beabit Dominus invicem
 omnibus
 Cœli folique commodis:
 Dominus Sionem qui tuetur,
 unicus
 Cœli folique conditor.</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------|

PSAL.

¹ *Stirpi Prospiciam seræ solium qui illustret avitum*] Ita omnes libri, præter unum Al. Julii, in quo *que illustret* est editum; sed altera lectio magis aridet, supple-
 do *unum* vel *Regem*, e *posteris Davidis*, i. e.

CHRISTUM. Vide Vatabli Annot. in loc.

² *Cingetque sacrum diademate crinem*] Edit. Tho. Vautrollerii, *Cingantque sa-
 crum diademata crinem.*

PSAL. CXXXV. *Laudate nomen Domini, &c.*

- 1 VOs quibus est sacri custodia credita templi,
 2 Eia Deum laudate: Deum celebrate ministri,
 Qui sacra assidua vigilatis ad atria cura.
 3 Eia Deum laudate bonum, nomenque beatum
 Tollite perpetuo vestro super æthera cantu.
 4 Quippe Jacobum ultro legit, lectumque dicavit
 Hunc sibi, ceu privam patrimonii in secula fortem.
 5 Nota quidem Domini est immensa potentia, notum
 Numen; quippe deos sub se premit altior omnes,
 Quos alii stolidi placant ceu numina cura.
 6 Versat enim nutu cœlo, terraque, marique,
 Aut si quod cæcis clausum est penetrabile tenebris
 7 Naturæ, quodcunque libet: de viscere terræ
 Evocat, & liquido suspendit in aëre nubes:
 Fulguribusque vagis venientes prævenit imbres:
 Deque suis promit ventorum flamina gazis.
 8 Ille hominum primos fœtus, pecudumque per arva
 9 Divitis Ægypti stravit: regemque superbum,
 Et quicumque bibunt septemflua flumina Nili,
 10 Terruit ostentis: validis ille oppida muris
 Turrita evertit: numeroso milite cinctos
 Cum stirpe exstinxit violento funere reges:
 11 Stravit Amorrhæum valida virtute Seonem,
 Quippe Basan Ogus magna ditione tenebat,
 Regnaque non uni Cananea subdita scepro:
 12 Arvaque, dejectis nuper viduata tyrannis,
 Accepere novos Jacobi e stirpe colonos.
 13. 14 Sancte parens rerum, qui justo examine nosti
 Parcere subjectis, & debellare superbos,
 Posteritas te sera canet: tua splendida facta
 Nulla unquam ex animis tollent oblivia nostris.
 15 At sibi quæ variis finxit simulacra figuris
 Vana superstitione, calidis fornacibus aurum
 Argentumve liquans, nil sunt nisi ludicra dextræ
 16 Humanæ commenta: illis os vocis inane:
 17 Lucis egent oculi: surdas sonus advolat aures:
 Et patulas frustra nares jucundus odorum
 Halitus incurfat: calidus non pectora pulsat

18 Spi-

1 Stravit Amorrhæum] Tres Steph. duæ Quippe Amorrhæis Seon regnavit in oris,
 Plant. & Argent.

Tom. II.

V

- 18 Spiritus. O quisquis ludibria talia fingit,
 Aut cōlit, ipse suis similis diis exigit ævum,
 Mentis inops, & lucis egens: non aure, nec ore
 Accipiat reddatve sonos: nec nare sagaci
 Sentiat halantes per præta nitentia flores.
- 19 Tu vero genus a magno Israhē profectum;
 20 Et domus Aronis, genitique e sanguine Levi,
 Et quicumque pio rerum venerare parentem
 21 Obsequio, laudate Deum, qui tecta Sionis
 Ardua, qui sacram Solymæ bonus incolit ædem.

PSAL. CXXXVI. *Confitemini Domino, &c.*

- 1 **E**ia Deum laudate, Deum facilemque bonumque,
 Larga benignum semper indulgentia.
- 2 Eia Deum laudate: Deus namque ille deorum est,
 Larga benignus semper indulgentia.
- 3 Cui domini rerum submittunt sceptrā tyranni,
 Larga benigno semper indulgentia.
- 4 Qui facit attonito solus miracula mundo,
 Larga benignus semper indulgentia.
- 5 Qui nitidos mira arte polum convolvit in orbes,
 Larga benignus semper indulgentia.
- 6 Qui liquidis terras emergere jussit ab undis,
 Larga benignus semper indulgentia.
- 7 Qui vitreo accendit flammantia lumina cœlo,
 Larga benignus semper indulgentia.
- 8 Qui solem auricomum jussit dare jura dici,
 Larga benignus semper indulgentia.
- 9 Qui lunam & stellas tenebras distinguere noctis
 Jussit, benigna semper indulgentia.
- 10 Pignora prima Phari qui fato exstinxit acerbo,
 Larga benignus semper indulgentia.
- 11 Ifacidas medio incolumes ex hoste recepit,
 12 Larga benignus semper indulgentia.
- 13 Qui rubri Oceani torpentes diffidit undas,
 Larga benignus semper indulgentia.
- 14 Perque undas fissas sobolem traduxit Abrami,
 Larga benignus semper indulgentia.
- 15 Pharonem & Pharios submersit gurgite currus;
 Larga benignus semper indulgentia.
- 16 Deduxitque suos deserta per avia tutos,
 Larga benignus semper indulgentia.

- 17 Et validos merita prostravit clade tyrannos,
- 18 Larga benignus semper indulgentia.
- 19 Stravit Amorrhæum valida virtute Seonem,
Larga benignus semper indulgentia.
- 20 Stravit ¹ & incassum confilum viribus Ogum,
Larga benignus semper indulgentia.
- 21 Metatulusque novis agrum est utriusque colonis,
Larga benignus semper indulgentia.
- 22 Ifacidis habitare suis dedit hostica rura,
Larga benignus semper indulgentia.
- 23 Qui nos in rebus miseros respexit egenis,
Larga benignus semper indulgentia.
- 24 Avertitque ferum nostris cervicibus hostem,
Larga benignus semper indulgentia.
- 25 Qui genti vitam humanæ victumque ministrat,
Larga benignus semper indulgentia.
- 26 Astrigeros laudate Deum qui temperat orbis,
Larga benignus semper indulgentia.

PSAL. CXXXVII. *Super flumina Babylonis, &c.*

- 1 **D**Um procul a patria mœsti Babylonis in oris,
Fluminis ad liquidas forte sedemus aquas;
Illa animum subiit species miseranda Sionis,
Et numquam patrii tecta videnda soli.
Flevimus, & gemitus luctantia verba repressit;
Inque sinus liquidæ decedit imber aquæ.
- 2 Muta super virides pendebant nablia ramos,
Et salices tacitas sustinere lyras.
- 3 Ecce ferox dominus Solymæ populator optimæ
Exigit in mediis carmina læta malis:
Qui patriam exilio nobis mutavit acerbo,
Nos jubet ad patrios verba referre modos,
- 2 Quale canebamus, flet erat dum celsa Sionis
Regia, finitimis invidiosa locis.
- 4 Siccine divinos Babylon irrideat hymnos?
Audiat & sanctos terra profana modos?

50

1 *Stravit & incassum*] Prædicti toties lari numero pro plurali metro cogente memorati codices, substituto: quod, paullo licet insolentius, minus tamen durum mihi videtur, quam *quale* hic pro *qualiter* positum existimare.

2 *Quale canebamus*] Supple *carmen*: vox enim *quale*, non ad proxima verba, sed altero ante versu *carmina* refertur, singu-

- 5 O Solymæ, o adyta, & sacri penetralia templi,
Ullane vos animo delectat hora meo?
Comprecor, ante meæ capiant me oblivia dextræ;
Nec memor argutæ sit mea dextra lyræ:
- 6 Os mihi destituat vox, arefcente palato,
Hæreat ad fauces aspera lingua meas:
Prima mihi vestræ nisi sint præconia laudis;
Hinc nisi lætitiæ surgat origo meæ.
- 7 At tu (quæ nostræ insultavit læta rapinæ)
Gentis Idumææ tu memor esto, pater.
Diripite, ex imis evertite fundamentis,
Æquaque (clamabant) reddite testa solo.
- 8 Tu quoque crudeles Babylon dabis impia pœnas:
Et rerum instabiles experiere vices.
Felix qui nostris accedet cladibus ultor,
Reddet ad exemplum qui tibi damna tuum.
- 9 Felix qui tenero consperget faxes cerebro,
Eripiens gremio pignora cara tuo.

PSAL. CXXXVIII. *Confitebor tibi, Domine, in toto corde meo, &c.*

- P**ECTORE te grato Dominumque Deumque fatebor
Coram superbis regibus,
Et tua facta canam.
- 2 Ad tua templa oculis, animo ad tua numina spectans,
Nomen celebrabo tuum,
Perpetuamque fidem:
- 3 Qui^r donis promissa novis cumulata rependis,
Audis vocantem, robora
Das animo trepido.
- 4 Te, quacunque patet tellus circumflua ponto
Reges fatebuntur Deum,
Quum sine labe fidem
- 5 Audierint: ritusque tuos super æthera cantu
Ferent, tuæque gloriæ
Ad jubar attoniti.
- 6 Nam liquidi quanquam trans ignea mœnia mundi:
Beatus in te permanes:
Attamen haud humiles
- 7 Despicias; elatosque premis: discrimina mille:

Passim

^r Qui donis promissa novis] Omnes Ste- trol. Genev. 1594. & Lond. 1620. Qui
danorum, utraque Plant. Argent. Vau- promissa novis donis —

Passim mihi circumstrepant,
Te duce tutus ero.
Tu valida obfistes dextra furialibus ausis:
Qui me laceffunt hostium:

8 Incolumique dabis
Quod superest, si quid superest: bonitate perenni;
Quo cœperas gradu, tuæ
Facta tuere manus.

PSAL. CXXXIX. *Domine probasti me, & cognovisti me, &c.*

1 M omenta vitæ nulla te latent meæ, Rector benigne cœlitum.	Obscura tenebris nostra nox luce est tibi Meridiana clarior:
2 Seu sedeo, sive surgo, seu quid cogito, Tu cuncta præsens adspicis.	12 Tibi nec tenebræ sunt tenebræ, nec tuæ Nox ulla providentiæ est.
3 Lux sive curam, seu quietem nox tulit, Curam & quietem temperas.	13 Arcana mentis tu tenes, qui pec- toris Arcana fabricatus es:
4 Nec te minutæ vocalæ fugit fo- nus, Quam lingua temere fuderit.	Qui me parentis ventre condi- tum, cutis Tenello amictu involveras.
5 Et os & humeros, totiusque cor- poris Sic arte mira fabricam	14 Compago mira corporis nostri, tuæ Miraculum est solertiæ:
6 Finxisti, acumen nullum ut hu- mani ingent Ratiove possit assequi.	Stupenda cujus opera nec nostræ assequi, Sed nec negare mens potest.
7 Quonam ergo vultum fugero tuum? quibus Clausus latebris occular?	15 Nam nulla nostri tam minutæ est corporis Pars, ut tuam scientiam
8 Petamne cœlum? præsto es hic: ad inferos Demergar? illinc non abes.	Fugiat: nec ulla claustra pec- toris latent Te conditorem pectoris.
9 Aurora curru me volucris ut de- ferat Ad occidentis limitem.	16 Massæ recentis rudia adhuc pri- mordia, Rudisque massæ semina,
10 Hic deprehendes me, nec hic tutus tuæ Vitabo fulmen dexteræ.	Ceu scripta haberes, corporisque lineas, Motum statumque noveras.
11 Incauta mens si forte secum co- gitet, Nox me tenebris occulet,	Et membra nondum quum fo- rent, quid adderent: Dies sciebas singuli.

- 17 Hæc mente tacita cogitanti mihi
stupor
Torporque sensus alligat:
Animus labascit quum tuæ mira-
cula
Perpendo mecum dexteræ.
18 Citius inibo numerum, arenæ in
littore
Quot volvat æstus corpora:
Quamvis ocellis pervigil nun-
quam meis
Dulcem soporem indulsero.
19 O quando perdes impios, rerum
parens?
O quando sanguinarios
20 A me repelles, qui scelesti no-
mini

- Et numini illudunt tuo?
21 Te quisquis odit, non ego odi?
non tuos
Hostes habebam pro hosti-
bus?
22 Odi profecto: nec tuis ex hosti-
bus
Amicus est quisquam mihi.
23 Revolve mentis intimos sinus
Deus,
Latebraque nostri pectoris;
Nisi hîc amorem videris tui, nisi
Animum obsequi nunquam
pigrum,
24 Si par scelestis scelere sum, vitæ
parem
Da cum scelestis exitum.

PSAL. CXL. *Eripe me, Domine, ab homine malo, &c.*

- 2 **Æ**Terne rerum conditor, a
malæ
Linguæ veneno me bonus affe-
re,
Meamque perjuri tuere
Hostis ab infidiis salutem,
3 Qui fraude testâ bella nefaria
4 Ciet: nec atris mitior anguibus
Vibratque linguam virulen-
tam, &
Ore vomit rabido vene-
num.
5 Averte fraudem, & me violentiæ
6 Hostis scelesti subtrahe, qui
mea
Vestigia observat, scrobef-
que
Objiciens, laqueosque ten-
dens.
7 At tu, salutis præsidium meæ,

- 8 Audi precantem. tu Dominus
mihi
Deusque: tu me liberaſti
Incolumem crepero e duel-
lo.
9 Idem impiorum nunc bonus ir-
rita
Fac vota: sævam frange super-
biam:
10 Virusque linguæ pestilentis
Indomini exitium refunde.
11 Dejecta cœlo flammea perfidos
Procella fundat præcipiti fuga,
Cæcosque propellat profun-
das
Perpetui in barathri tene-
bras.
12 Linguæ loquacis perfida vanitas
Nunquam quieto deget in otio:
Sed imple dignum patris
Exitium domino parabit.

13 At

1 Obsequi nunquam pigrum] Tres Steph.
utraque Plant. & Argent. Lond. 1620.

Gen. 1594. obsequi non impigrum.

- 13 At impiorum a vi Dominus
suos
14 Et fraude vindex asseret: ut
pii

Numen Dei præsens potens,
que
Perpetuo celebrent hono-
re.

PSAL. CXLI. *Domine, clamavi ad te, &c.*

- 1 **A**Urem vocanti da parens
propere, meas
Audi preces salutifer.
2 Quum verba fundo tristis, & pu-
ras manus
Attollo, sic preces meas
Manusque puras respice, ac si
thureo
Odore mane te colam:
Ac si colam te victima & liba-
mine
Sero rubente vespere.
3 Freno coërce linguam: ad oris
januam
Fac excubet custodia.
4 Fac mens sequatur recta, fac in
lubricam
Ne flectat erroris viam.
Fac ne scelesto gaudeat coetu,
neque
Mensa fruatur impia.
5 Me malo iustus increpet, me
verberet,
Quam palpet impius, comam

- 6 Quam rore nardi spargat. Im-
pii, precor,
Et impiorum præsides,
De rupis altæ quum ruent specu-
la, sui
Supplicia sceleris ut luant;
Tum subeat animum conscium;
salubriter
Quod me monentem spreve-
rint.
7 Sic mortis horror ossium com-
pagines
Mihi laxat, ut cæsæ jacent
Fagi per arva fissæ cuneis fragmi-
na.
8 Tu sancte rector cœlitum,
Spes una nobis es salutis, uni-
cum
Agnoscamus te vindicem.
9 Vitam tuere ab impiorum cassi-
bus,
A fraude quam struunt mihi.
10 Compos salutis impios fac in sua
Cernam ruentes retia.

PSAL. CXLII. *Voce mea ad Dominum clamavi, &c.*

- 2 **I**Nvoco supplex Dominum,
manusque
Tendo ad sidera supplices.
3 Mentis huic pando lacrymas:
querelis
Imploro miseris opem.
4 Pectus afflictum dolor obruebat:
Quamvis, Rex bone cœli-
tum,
Puriter vitæ mihi tu peractæ

- Esses arbiter optimus.
Quum domo gressum tamen ef-
ferebam,
Tendebant mihi retia.
5 Nec mihi notus, nec amicus us-
quam,
Quoquo lumina verteram.
Exitus nusquam, fuga nulla, ne-
mo
Qui me sospite plauderet.

6 Ergo

- 6 Ergo te, rerum pater, invoca-
vi,
Unum præsidium in malis:
Tu meæ vires, mea spes, opef-
que,
Dum sedes hominum colo.
7 Da meis aurem facilem querelis
Fracti clādibus ultimis.

- Affere a sævi manibus tyranni,
Qui me fortior opprimit.
8 Carceris vitam rape de tene-
bris,
Ut te laudibus efferam:
Teque conventus celebrēt pio-
rum,
Promptum ferre piis opem.

PSAL. CXLIII. *Domine exaudi orationem meam, &c.*

- 1 **A** Udi vocantem rebus in aspe-
ris,
Et lenis aurem da precibus meis,
Rerum creator: quaque soles fide
Et æquitate ex hostibus eripe.
2 Juris severi ne trutina meam
Expende vitam: nemo homi-
num innocens
Sic est, tribunal possit ut ad
tuum
Se profiteri crimine liberum.
3 En hostis atrox imminet, &
premit
Stratum: tenebris tristibus ab-
ditus,
Et lucis exfors dego, velut specu
Quos in sepulchri mors fera con-
didit.
4 Mens pene curis obruta vol-
vere
5 Priora cœpit tempora, quum pa-
tres,
Spes quos fovebat præsidii tui,
De fauce lethi sæpe revelleres.
6 Hac recreatus rursus imagi-
ne,
Imploro supplex auxilium tuum,
Intenta mens te respicit, arida
Tellus ut imbres sub cane torri-
do.
7 Non lentus audi, nam mihi
spiritus
Vix sessa pulsât pectora: si tui

- Avertis oris lumen amabile,
Mors atra siccis faucibus immi-
net.
8 Spe mens labores auxilii tui
Fert: spectat unum te, pater
optime.
Audi precantem lenis, & exitum
Jamjam obruturis pande pericu-
lis.
9 Ab hoste sævo protege me,
meæ
Custos salutis: prava repellere
Mentem manumque, & recta ca-
pessere
Doce, unicum te qui veneror
Deum.
10 Arcana fac vis numinis ut tui
Per plana gressum dirigat, ut tua
Mandata secter: neu male cre-
dulum
Error malorum vertat in orbi-
tam.
11 Ut nulla numen non celebret
tuum
Et æquitatem natio, recrea
Me destitutum præsidio: & malis
Hostis scelesti libera ab artibus.
12 Favoris umbra me solita te-
ge,
Et qui me acerbis usque dolori-
bus
Affligit, hostem perde nefarium;
Servumque serva perpetuo tuum.
PSAL.

PSAL. CXLIV. *Benedictus Dominus Deus meus, &c.*

- 1 **Q**uo te Rex hominum carmine prosequar?
 Qui firmas animum robore, qui manum
 Et bellare doces, & dubii regis
 Per discrimina praelii.
- 2 Quod vivo & valeo, tutus & hostium
 A fraude, eximia fulgeo gloria:
 Quod late validis impero gentibus,
 Totum muneris id tui est.
- 3 O rerum genitor, quantulus est homo,
 Hac quem prosequeris munificentia,
 Et curas patria sollicitudine!
- 4 Figmentum fragilis luti,
 Quo nec bulla levis vanior est, neque
 Quæ mentes agitant somnia turbidas,
 Nec serum fugiens umbra crepusculum,
 Nec fumi volucris vapor.
- 5 Cœli pande fores, Rex bone cœlitum,
 Ac de sidereis labere sedibus:
- 6 Montes nube operi: per liquidi aëris
 Campos fulgura trajice.
 Turbatos trepida sparge fuga impios,
 Et sparfos jaculis perde sequacibus:
- 7 Porrectæque manu me, pater optime,
 Sævis eripe fluctibus,
- Hostis pelle malam vim bonus impii:
 8 Linguae vaniloquæ reprime toxica:
 Assuetæque dolis pestiferis manus
 Vires contere viribus.
- 9 Ut te nostra novo carmine barbitos
 10 Dicat, subsidio qui recreas tuo
 Reges: qui gravibus sæpe periculis
 Vitam Davidis eripis.
- 11 Hostis pelle malam vim procul impii:
 Linguae vaniloquæ reprime toxica:
 Assuetæque dolis pestiferis manus
 Vires contere viribus.
- 12 Natorum soboles crescat, ut ubere
 Surgit silva solo laurea: virgines
 Cultu sic niteant, ut laquearibus
 Templorum tholus aureis.
- 13 Stipentur gravidis horrea frugibus:
 Pleno cuncta penu copia suggerat:
 Fœcundi pecoris non capiant greges
 Lætis pascua saltibus.
- 14 Pingues plaustra boves & nitidi trahant:
 Nec tristi resonent compita classico,
 Nec fletu plateæ: nec furor hosticus
 Clausis affremat oppidis.

15 Felicem populum, inter bona
talìa
Qui vitam in tacito tranſigit
otio:

Felicem populum ter quater,
omnium
Cui rerum pater est Deus.

PSAL. CXLV. *Exaltabo te, Deus meus Rex, &c.*

TERegem Dominumque canam; dum lucida volvet
Lucidus astra polus,
Et unicum colam Deum.

2 Luce canam te, nocte canam te: nulla carebit
Laudibus hora tuis,
Rerum creator & salus.

3 Magne parens, nullo cui clausa potentia fine est,

4 Secula cuncta tuas

Laudes sonabunt: & patres

Longævi tua facta canent, feræque nepotum
Per seriem soboli

Prodent: nec ætas gloriam

6 Nesciet ulla tuam : mirandaque facta decusque
Ille memor referet ;

7 Hic magnitudinem canet:

8 Ille bonum feret & justum, & placabilis iræ,
Et veniæ facilem, &

Larga benignum dextera:

9 Tot inter decora, & laudum præconia nullo
Emoritura die,

Nil clarius clementia.

10 Ergo, parens rerum, stellantis machina cœli
Cuncta suo gremio

Complexa prædicat tuum

11 Robur: & intacti scelerum contagæ nefanda,
Te celebrant alacres,

Tuique vires imperi

12 Per populos late vulgant: ne nescia sceptri
Terra sit ulla tui,

Et gloriæ & potentiæ.

13 Imperium sine fine tibi: nec legibus ævi
Subdita sceptrum tenes,

Aut claufa metis temporum.

14 Tu lapsos rursus attollis, firmasque labantes:
Incolumesque foves

Vitæ beatæ commodis.

- 15 Te volucrum pecudumque genus, te sæva ferarum
Secula respiciunt
Unum, suoque tempore
16 Accipiunt victum: tu dextram pandis, & omne
De locuplete penu
Animal benigne recreas.
17 Quicquid agis, iusteque & sancte agis: impiger aurem
18 Supplicibus facilem
19 Præbes: opisque compotes
Dimittis puro qui pectore cunque precantur:
Auxilioque piis
20 Prædens es, & periculis
Eruis e cunctis qui te venerantur amantque:
Cumque suo scelere
A stirpe vellis impios.
21 Ergo omnes te jure canent, nomenque tacebit
Natio nulla tuum
In seculorum secula.

PSAL. CXLVI. *Lauda anima mea Dominum, &c.*

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 TE, magne rerum conditor,
& tuas
2 Sonabo laudes, factaque poste-
ris
Miranda prodam, dum recur-
ret
Per calidos mihi sanguis ar-
tus.
3 Securitatem ne stabilem tibi
Promitte, regum præsidio: ne-
que
De stirpe mortali & caduca
Pone tibi columen salutis.
4 Ut membra liquit spiritus, in
suam
Terrena moles terram abit, &
diu
Consulta vanescunt, & auras
Irrita per vacuas feruntur.
5 O ter beatum, quem Deus æthe-
ris
Fido tuetur præsidio, suas</p> | <p>Qui spes opesque omnes in uno
Constituit Domino Deo-
que;
6 Qui terram & æquor condidit &
polum,
Et quicquid æquor terraque con-
tinet
Polusque: qui promissa præ-
stat
Perpetuo stabilis tenore.
7 Qui nec tyranni vi finit oppri-
mi
Infirmiorem, aut esurie premi:
Qui carcerum exemptos tene-
bris
Compedibus levat inno-
centes.
8 Qui nocte pulsa luminis aurei
Cæcis refundit luminibus ju-
bar:
Gressusque firmat claudican-
tes,</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

- Justitiamque amat æquus 10 Rex ergo habenas imperii tuus;
 æquam. Sion, tenebit, sidera dum po-
 9 Cura fideli qui fovet advenam, lum
 Orbæ marito qui viduæ favet, Pingent, & obliquum per or-
 Orbos puellus qui tuetur, bem
 Et scelerum labefactat ar- Sol rutilos agitabit axes.
 tes.

PSAL. CXLVII. *Laudate Dominum, quoniam bonus est, &c.*

- 1 **E**ia Deum laudate, Deo date carmina digna:
 Certe erudito dignus ille est carmine:
 2 Qui Solymam instaurat rursus, passimque per orbem
 Sparfos reducit exules Abramidas:
 3 Qui fractos animi levat, & corda anxia lenit:
 Mulcet dolores, mitigatque vulnera:
 4 Qui numerat tacito labentia sidera mundo,
 Suisque quæque nuncupat vocabulis.
 5 Magna Dei virtus, immensa potentia: nulla
 Quam lingua fari possit, aut mens cogitet.
 6 Qui mite ingenium fovet, allevat, auget honore:
 Humique sternit impiam superbiam.
 7 Eia Deum cantate, Deo persolvite grates;
 Grato benignum canite patrem barbito:
 8 Qui cælum obnubit tenebris, terram rigat imbre;
 Montesque læto vestit altos gramine:
 9 Qui pecudum genti larga dat pabula dextra,
 Corvoque victum se roganti sufficit.
 10 Quem neque magnanimûm delectat robur equorum,
 Nec vis ferocis aut lacertus militis:
 11 Sed pietas animi simplex, & in illius una
 Quæ spem salutis colloket clementia.
 12 Eia, Dei laudes Solymææ pangite tures:
 Benignitatem mons Sionis prædica.
 13 Qui portarum aditus claustris firmavit ahenis,
 Civesque cunctis commodis auxit tuos.
 14 Qui te pace beat læta, & defendit ab hoste:
 Et messe flava tritici campos tegit.
 15 Cujus ad imperium fundit sua munera tellus:
 Natura cujus prompta paret jussibus.
 16 Qui nivibus celsos operit, ceu vellere, montes:
 Densas pruinas cineris instar dejicit.
 17 Et glacie lapsus solidarum frenat aquarum:

Cujus

Cujus rigorem quis feret mortalium?

- 18 Quum libuit, molles glacies tabescit in undas;
Adspirat aura mitior, rivi fluunt.
19 Ostenditque suam per signa illustria mentem:
Legesque Abrami tradidit nepotibus.
20 Non ita se populis aliis monstravit amicum,
Qui scita legum nesciunt cœlestium.

PSAL. CXLVIII. *Laudate Dominum de cœlis, laudate, &c.*

- | | |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Laudate Dominum cœlitum
Chori beati, qui procul
Contagio mortalium
Templa ætheris tuemini.
2 Laudate Dominum, quos sibi
Adeffe jussit Angelos:
Laudate Dominum exercitus.
Parere promti jussibus.
3 Laudate Dominum, qui diem
Sol, luna noctem illuminas:
Laudate Dominum lucidis
Stellæ decoræ flammulis.
4 Laudate eum rotatiles
Tot orbium compagine,
Et unda longe celsior
Campis nitentis aëris.
5 Huic cuncta laudes dicite,
Numenque cuncta pangite,
Quod cuncta nutu condidit,
Et cuncta nutu sustinet:
6 Fixitque firmo cardine,
Ne vi senectæ corruant:
Certisque vinxit legibus,
Quas transgredi non audeant.
7 Laudate Dominum sub specus
Terræ dracones abditi:
Et vasta cete, quæ sinus
Ponti repositos finditis.</p> | <p>8 Ignes, nives, & grandines;
Vaporque, & auræ spiritus,
Ad jussa Domini mobiles
Circumrotantes turbines:
9 Colles feraces, & feri
Montes, & omnes arbores;
Seu montibus rigescitis,
Seu cultibus mansuescitis:
10 Mites feræque bestię,
Humique lente reptiles,
Et quæ liquentes aëris
Campos volando carpitis:
11 Reges & orbis præsides,
Et nationes liberæ,
Et pauperi plebeculæ
Qui jus ab alto dicitis:
12 Et vos juvena florea
Lati puelli & virgines,
Senesque vitæ in ultimo
Jamjam exituri limine,
13 Laudate Dominum: numini
Sit ejus uni gloria,
Unumque noscat omnium
Cœlum solumque principem.
14 Hunc omne in ævum laudibus
Propago tollat Isaci:
Sibi dicatam qui bonis
Gentem beavit omnibus.</p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CXLIX. *Cantate Domino canticum novum, &c.*

- | | |
|------------------------------------------------------------------------------------------------------|-------------------------------------------------------------------------------------|
| <p>1 Cantate Domino canticum
Novum: sonet laus illius
Cœtus per omnes, qui sacris</p> | <p>Non se profanis polluant.
2 Oblectet Isaci genus
Auctore se suo: suo</p> |
|------------------------------------------------------------------------------------------------------|-------------------------------------------------------------------------------------|

- | | |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>Regi Sionis arduæ
Congratulentur filiæ:
3 Nomen celebrent illius
Lætis choris & tympanis;
Ejusque laudes accinant
Blande canoro pectine.
4 Gentem bonus parens suam
Amore sancto amplectitur,
Mitemque mansuetudinem
Firmat salute immobili:
5 Cœtus piorum ut gestiant
Foris paratu splendido,
Domique secum clanculum
Lætentur in cubilibus.
6 In ore, rerum præfidis</p> | <p>Laus continenter personet;
Utrinque acuti in dexteris
Vibrentur enses vindices.
7 In se ferarum ut gentium
Crudelitatem vindicent:
Et in futurum iras, minas,
Superbiamque comprimant.
8 Reges suorum ut hostium
Arctis catenis alligent;
Et ferres coërceant
Vinclis feroces principes.
9 Poenas secundum cœlitus
Præscripta ab iis ut exigant,
Et laus piorum pervolet
Omnes per orbis cardines.</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

PSAL. CL. *Laudate Dominum in sanctis ejus, &c.*

- | | |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 Laudate Dominum, lucidum
Templum colentem siderum,
Qui vi suæ potentiæ
Firmavit orbis cardines.
2 Laudate Dominum fortiter
Ubique gestis inclytum:
Laudate magnitudinem
Captum supra mortalium.
3 Laudate Dominum bellicæ
Claræ tubæ clangoribus:</p> | <p>Laudate Dominum nabiis,
Lyrisque blande garrulis.
4 Laudate Dominum tympanis,
Chorique festi cantibus:
Laudate Dominum fidibus, &
Sonore dulci tibie.
5 Laudate eum tinnitibus
Lætis canori cymbali.
6 Hunc cuncta laudent, quæ trahunt
Vitalis auræ spiritum.</p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

F I N I S.

EJUS.

E J U S D E M
G E O R G I I B U C H A N A N I

Hymnus Matutinus ad CHRISTUM.

PRoles parentis optimi;
Et par parenti maximo,
De luce vera vera lux,
Verusque de Deo Deus:

En nox recessit, jam nitet
Aurora luce prævia,
Cælum solumque purpurans,
Et clausa tenebris detegens.

Sed fuscet ignorantia
Caligo nostra pectora,
Et nubilis erroribus
Mens pene cedit obruta.

Exsurge sol purissime,
Diemque da mundo suum:
Nostramque noctem illuminans
Erroris umbram discute.

Dissolve frigus horridum;
Arvumque nostri pectoris,
Calore lampadis tuæ,
Humore purga noxio:

Ut irrigetur cœlitus
Roris beati nectare,
Et centuplo cum foenore
Cœleste semen proferat.

C A N T I C U M S I M E O N I S,

A B

A D O L P H O M E K E R K O,

παράφρασθέν. Luc. 2.

Nunc dimittis servum tuum, Domine.

Ela nunc patribus, Deus,
Adjungis placide me famu-
lum tuum,

Ut vox pollicita est tua.

2 His namque, his oculis ille Salu-
tifer

Humani generis tuus

3 Est visus mihi: quem tu pater
omnibus

Erexisti populis, velut

Signum propositum ante ora ho-
minum omnium,

In quod lumina dirigant

Quos sol cunque suo lumine vi-
derit:

4 Hæc Lux flammifera face

Dispellet tenebras gentibus ex-
teris:

Hæc Lux semper erit tuis

Lectis lætitudinis gloria postuma.

Hec

Hoc in loco inferenda duximus aliquot

GEORGII BUCHANANI

POEMATATA ET FRAGMENTA,

Quæ nunquam antea cum aliis ejus operibus edita fuerant.

*Ad JOANNEM III. Lusitaniæ & Algarbiæ Regem Carmen,
Præfixum libro JACOBI TEVII de rebus gestis Hispano-
rum ad Diem in India. Edit. Romæ 1601, Francof. 1603,
& Col. Agripp. 1611.*

CUM tua sceptrâ Asiæ gens Europæque timeret,
Et tremeret fasces terra Libyssa tuos:
Jamque jugi patiens Indus, nec turpe putaret
A domino Ganges poscere jura Tago:
Inque tuis Phœbus regnis oriensque cadensque,
Vix longum fesso conderet axe diem:
Et quæcunque vago se circumvolvitur Olympo,
Luceret ratibus flamma ministra tuis:
Gaudebat tibi devictus, sibi redditus orbis,
Nosse suos fines, justitiamque tuam.
Una aberat, oberatque tuis Mors sæva triumphis,
Carpere victricem scilicet ausa manum.
Et comes huic tenebris nixa est Oblivio cæcis
Fortia magnanimum condere facta ducum.
Donec Apollineis se Tevius induit armis,
Et spolia e victa Morte superba tulit:
Victurisque jubet chartis juvenescere vitæ
Prodiga pro patriæ pectora laude suæ:
Proque ævi paucis, quos Mors præciderat, annis,
Reddit ab æterna posteritate decus.
Jure ergo invictus Rex es, quando omnia vincens
Accessit titulis Mors quoque victa tuis.

*In JULIUM CÆSAREM, Tragediam M. ANTONII
MURETI. Edit. cum ipsius Carminibus, quæ
Juvenilia appellat, Paris. 1553. 8°.*

QUANTA in magnanimi consedit pectore Bruti,
Pro patria virtus cum pia tela daret,
Tanta animo, Murete, tuo sese intulit, ore
Altiloquo Bruti dum pia facta canis.
Ergo licet clavis raro non invida cœptis
Fortuna Æmathio sparserit ossa solo,
Ille iterum surgit per te post funera major,
Crescit & ingenio laus rediviva tuo,
Et magis illustri gaudet decorata tropæo,
Quam si Pyramidum contegat ossa labor.

*Ad PETRUM DANIELEM AURELIUM, de Auctore
Comædiæ, cui titulus est PLAUTI QUEROLUS, sive
AULULARIA, cum ejusdem P. DANIELIS NOTIS.
Edit. apud ROB. STEPHANUM Typogr. Reg. 1564. 8°.*

QUISQUIS es, infernis prope nunc revocatus ab
umbris,
Aufoniis hilaras pulpita qui salibus:
Bis refer acceptum Danieli luminis usum,
Bis tibi qui Medicæ præstitit artis opem:
Dum tenebris revocat, dum barbara vulnera sanat,
Fila novans famæ pene resecta tuæ.
Atque utinam, Daniel, meriti non immemor hujus
Posteritas paribus te colat officiis:
Utque facis veterum vatum monumenta renasce,
Interitum scriptis arceat illa tuis.

E Comment. DION. LAMBINI in CICERONIS Oratio-
nem pro A. CÆCINA, cap. 36. sub finem.

Multo etiam minus queri, *A. Cæcinæ fundus sit, &c.*] Sic olim hunc locum restitueram, Georgii Buchanani, Scoti, viri cum omni doctrina præstantis, tum Poëtæ optimi, auctoritatem secutus: *Multo etiam minus queri, A. Cæcina fundus sit, &c.* cujus verba edenda curavi. Sic igitur ille: In oratione pro Cæcina extrema ita vulgo legitur: *Multo etiam minus queri, A. Cæcinæ fundus sit, necne: me tamen id ipsum docuisse, fundum esse Cæcinæ.* At enim docere fundum esse Cæcinæ, non magnopere ad præsentem quæstionem pertinet: nec id Cicero uspiam docuit: nisi forte id docere quis vocet, quod in orationis narratione paucis rem verbis attigit. Ut in pauca conferam, *testamento facto mulier moritur: facit heredem ex deunce, & semuncia Cæcinam.* Paulo vero inferius adeo se id non docuisse ostendit, ut de hoc agro tanquam controverso & ambigui juris loquatur, his verbis: *Atque iste omnes introitus, qua adiri poterat, non modo in eum fundum, de quo controversa fuerat, sed etiam in illum proximum, de quo nihil ambigebatur, armatos opponit.* Vides, ut de illo fundo controversa sit, de altero nihil ambigatur? ubi ergo docet Cicero fundum fuisse Cæcinæ? Nam inter argumenta causæ nulla de hac re mentio est, ubi maxime id oportuit doceri. Tum enim res controversa docetur, cum vel argumentis, vel testibus, vel multis magnisque iudiciis probatur. Quod si nusquam Cicero facit, cujus improbitatis est in causâ præsertim tam multiplici ac perplexa, id in epilogo pro confirmato numerare, cujus nusquam in tota causâ facta sit mentio? aut cujus negligentia est, quod in refutando fuit postremum, in tota pene causâ firmissimum, cum cætera commemoraris, id in enumeratione præterire? Horum cum neutrum in Ciceronem convenire possit, hunc locum nimia castigantium audacia dicam, an inscientia, corruptum esse non dubito. Ego vero cum ad eum corrigendum nihil habeam, quod afferam, præter conjecturam, eam in medium proponam, ac suum existimaturis iudicium relinquam. Sic igitur legendum censeo: *Multo etiam minus queri, A. Cæcina fundus sit, necne: me tamen id ipsum docuisse, fundum esse Cæcinam.* Id ut ita esse existimem, cum illa, quæ supra adversus veterem lectionem disputata sunt, tum etiam capitum ordo, quibus hæc causâ continetur, facit. Primum enim Cicero vim factam esse probat: deinde verbum illud, *unde*, cujus interpretatione causâ adversariorum maxime nitebatur, secum facere contendit: tertio loco, Cæcinam possedisse ostendit: quarto loco civem esse Cæcinam, ac posse jure civium Romanorum hereditates capere, neque legem Corneliam, quo minus id faceret, impedimento esse probat. Quatuor hæc, quibus tota causâ continetur, capita, in
pero-

peroratione, eodem, quo dixerat, ordine enumerat. Quod si ita legamus, ut habent vulgati codices, quartum quod erat in refutando caput, in epilogo videbitur plane præteruisse: sin ut ego legendum puto, cum cætera oratione constabit epilogus. Nam cum fundi dicantur populi (ut alibi Cicero scribit) ii, in quibus jus Romanum, velut in fundo, resedisset, non potest dubitari, quin coloni, fundi essent, siquidem cives essent Rom. hoc est (ut Ciceronis verbis utar) quin lege agerent, & suum jus persequerentur, & omnes jure civili sine cujusquam aut magistratus, aut judicis, aut periti hominis, aut imperiti dubitatione, uterentur. Igitur A. Cæcina cum colonus esset ejus coloniae, cujus coloni cives essent: non dubium est, quin sit fundus, & jure civili Romano utatur, suumque jus persequi, & hereditates civium Romanorum capere possit: nec hoc jus ei quisquam per vim auferre potuerit. Legitimus ergo Cæsenniae heres, ut, qui optimo jure, fuit A. Cæcina. Hæc omnia Cicero ut in epilogo breviter complecteretur, fundum esse Cæcinam dixit. Quod si quis pertinacius contra dicat, ac veteris lectionis fidem tueri velit, quod satis credat esse probatum, fundum esse Cæcinæ, cum sit demonstratum, eum Cæsenniae esse heredem: ex iis, quæ supra disputavimus, satis perspicuum esse puto, alterum non statim sequi, si Cæcina heres sit Cæsenniae, ideo fundum esse Cæcinæ, non magis, quam Fulcinii, qui ex duabus sextulis, aut Æbutii, qui ex una sextula, ejusdem scriptus fuerat heres: alterum vero necessario sequi, heredem esse Cæsenniae non potuisse, qui fundus non esset. Postremo, si, ut ego censeo, hæc clausula orationis ultima legeretur; & sensus Ciceronis erit apertissimus, & idem ordo in epilogo servabitur, qui fuit in argumentatione & confirmatione: quod enim in argumentatione quarto loco positum erat, id in epilogo quartum locum obtinebit. Sin vetus lectio retinebitur; neutrum, meo judicio, constabit. ¹ Hactenus Buchananus.

Ex

¹ In hanc Buchanani *Commentationem* ita animadvertit Franciscus Hortomannus *Observ. Lib. II. cap. 19.* Lambinus scribit *Buchanani*, virum omnium judicio plane singularem, legendum purare, *Cæcina*: ut *fundus* dicatur pro *colonus*: ea ratione qua *populus* dicebatur *fundus*. Buchanani judicio nemo plus tribuit, quam ego, sed quo minus ei assentiri possim, hæc obstant: primum quod *fundum hominem* dici, pro *cive*, nusquam legi. Docui quidem *Observat. 2. c. 5.* *Fundum* eum dici, qui alicui rei auctor est: multa que in eam sententiam disputavi: sed *fundum pro cive*, pro eo qui juris civilis participo est, nusquam legi. Præterea præ-

cipua totius istius causæ vis in eo vertitur, utrum Æbutius an Cæcina fundi istius controversi sit dominus. Nam si Æbutius dominus non fuit: certe injuste dominum aditu sui fundi prohibuit. Quod vero Buchananus ait, nusquam nisi perleviter tactum fuisse, Cæcinam fundi dominum esse, videamus ne mendum sit memoriæ: quid enim aliud superius actum est, ubi Cicero multis verbis contendit, Æbutium non sibi, nec sua pecunia fundum illum emissee: sed Cæsenniae, & de ipsius pecunia.

Contra Buchananum etiam disputat Petrus Faber *Comment. in loc. Edit. Paris. 1611.*

Ex ADRIANI TURNEBI Adversariis, cap. 2.

NEminem esse existimo in Gallia paullo humaniorem, cui Georgius Buchananus non sit notus, &c. Inter nos de literis nuper cum sermo incidisset, ac de Tranquillo in Octav. August. cap. 73. loqueremur, qui vitas Cæsarum pari licentia ac illi egere, scripsit, dixit non solum magno errore receptum esse patrem ejus Augusti clavium fuisse: verum etiam magna hominum molestia in eo explicando misere se cruciantium: quorum quid, inquit, attinet ineptias commemorare? Sese autem opinari dicebat *angusticlavium* scribi debere, ut *laticlavium*: quod esset tunica augusti clavi, ut lati. Atque hujus sententiæ suæ astipulatorem adscriptoremque producebat Ovidium, cujus libro IV. Trist. Eleg. X. hi sunt versus:

*Curia restabat: clavi mensura coacta est,
Majus erat nostris viribus illud onus.*

Se enim in Equestri ordini substituisse dicit Ovidius: & Suetonius patrem suum nondum adeptum fuisse latum clavum significat. Etsi autem tam clare id a Buchanano probatum esse confido, ut dubitandum nullo modo censeam: tamen quo id testatius & confirmatius sit, &c.

J E P H T H E S,

S I V E

V O T U M,

T R A G O E D I A,

Auctore

GEORGIO BUCHANANO

S C O T O.

2 3 4 5 6 7 8

9

10 11 12 13 14

15 16 17 18

19

20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200

ILLUSTRISSIMUM VIRUM,
CAROLUM COSSÆUM,

Franciæ Marescallum, ac apud Taurinos Regis Francorum
Præfectum, in JEPHTHEN Tragœdiam

P R Æ F A T I O.

ABSURDAM fortasse rem facere quibusdam videbor,
qui ad te, hominem ab ineunte ætate militaribus im-
butum studiis, & inter arma tubasque semper versa-
tum, munusculum hoc literarium mittam: sed ii fere hoc ab-
surdum existimaturi sunt, qui aut harum rerum inter se con-
sensionem non satis animadvertunt, aut tuum ingenium parum
habent perspectum. Neque enim inter rei militaris & litera-
rum studium ea est, quam plerique falso putant, discordia:
sed summa potius concordia, & occulta quædam natura conspi-
ratio. Quanquam enim superioribus aliquot seculis, siue ho-
minum inertia, siue falsa quadam persuasione, divisæ fuerunt
hæ professiones, nunquam tamen perversa imperitorum opinio
tantum potuit, ut ipsæ inter se veterem illam & naturalem (ut
ita loquar) cognationem obliviscerentur. Omnes enim omnium
ætatum imperatores, qui res præclaras gesserunt, aut ipsi doctissi-
mi fuerunt, aut viros doctrina illustres summo amore prosequuti
sunt.

sunt. Neque profecto fieri potest, ut magnus & excelsus animus, qui, neglectis rebus caducis, æternitatis memoriam ante oculos habet propositam, non etiam memoria & antiquitatis custodes literas amet. Neque alii fere sunt, qui literas oderunt & contemnunt, quam qui, vita per ignaviam & flagitia turpiter acta, conscientiam posteritatis reformidant: ut non minus vere quam eleganter mihi cecinisse videatur Claudianus,

Gaudet enim Virtus testes sibi jungere Musas,
Carmen amat quisquis carmine digna gerit.

Contra vero, qui omne suum studium in eo posuerunt, ut perfecta virtutis imaginem sibi ad imitationem proponerent,

----- & quæ natura negavit

Visibus humanis, oculis ea pectoris haurirent, quanta eos latitia affectum iri putemus, si ejus, quam tantopere animo persequuntur, vivum & spirans simulacrum (ut ita dicam) nacti fuerint? Sed & præter hanc mutuam virtutis admirationem, & nature, quam dixi, consensionem, accedit utilitatis etiam mutue quedam species. Nam, ut illustrium facinorum auctor non immerito eum suspicit, quem virtutis tradendæ magistrum & illustrandæ artificem esse videt; & velut parentem colit, non eum, a quo hujus, qua fruimur, lucis brevem usuram acceperit, sed alteram illam longe diuturniorem vitam in posteritatis memoria collocatam speret: ita ille alter libenter amplectitur segetem & materiam suæ gloriæ sibi oblatam,

----- qua se quoque possit

Tollere humo, victorque virum volitare per ora.

Uterque enim etsi opinione hominum imparem, pari tamen studio ex eodem fundo gloriæ fructum petit. Sed hæc ad omnes

com-

*communiter pertinent. qui (ut ait Sallustius) præclari facinoris aut artis bonæ famam quærunt. Illa vero tua sunt propria, quod a primis usque adolescentiæ spatiis ea fuisti in patriam caritate, in bello fortitudine, in pace temperantia & æquitate, ut omnibus, qui literas colunt, tuarum virtutum exemplar edideris, quod posteritati ad imitationem proponere & possint & debeant: quod literas, PHILIPPI COSSÆI fratris tuæ Episcopi Constantiensis patrocinio orbatas, in diverso vitæ instituto tamen fovendas ac tuendas susceperis: quod doctissimos homines semper tecum habeas, quibuscum, etiam in medio sævis-
simi belli ardore,*

----- I Musisque Minervam

Temperes, & Geticum modereris Apolline Martem: quod filium ita literis instituendum in pueritia cures, ut hanc tam amplam laudis & gloriæ hereditatem a parente acceptam non solum tueri, sed etiam augere possit. Me autem absentem, nec ulla alia re, quam literarum commendatione, tibi cogni-

I Musisque Minervam] Versus est Aufonii Epig. I. a Buchananano, sive consilio, seu memoriæ lapsu, nonnihil mutatus: sic enim ille,

Bellandi fandi que potens Augustus, honorem

Bis meret, ut geminet titulos, qui prælia Musis

Temperat, & Geticum moderatur Apolline Martem.

Ineptè autem Buchananus Car. Cossæum, in Liguribus tum bellantem, Martem Geticum Apolline moderari dixerit, si (quod existimat eruditissimus Elias Vinetus) Mars Geticus ab Aufonio appellatus sit propter bellum ab Imperatore, sive is Theodosius, sive Gratianus aut Valentinianus fuerit, contra Getas gestum. At falli videtur Vinetus: Geticus enim Martis est epitheton, apud Poëtas frequentissimum.

Tom. II.

Virg. Æneid. III. 35.

Gradiunq; patrem Geticis qui prædes arvis.

Val. Flac. Arg. V. 618.

Ecce autem Geticus veniens Gradivus ab antris.

Stat. Theb. III. 220.

Gradivum acciri propere jubet: ille furens

Bistonas, & Geticas populatus cædibus urbes.

Claudian. in Cons. Prob. & Olyb. 119.

Qualis levis fera populatus cede Gelonos

Procubat horrendum Getico Gradivus in Hæmo.

Mars autem Geticus, explicante Turnebo Advers. lib. IV. cap. 22. idem est ac Thracius; ita dictus, quod eum sine viro conceptum in Thracia Juno sit enixa. Ovid. Fast. V. 257.

Jamque gravis Thracen, & læva Propontidos intrat,

Fitque potens voti; Marsque creatus erat:

Z

cognitum, ita complexus es omnibus humanitatis & liberalitatis officiis, ut si quis ingenui mei sit fructus, si qua vigiliarum velut fortuna, ea merito ad te redire debeat. Quod quidem adeo a vide facit meus hic JEPHTHES, ut qui antea publicam lucem & cætus hominum reformidabat, te patrono fretus prodeat, & in spem nonnullam etiam publici favoris sese erigat. Quid enim non illis sibi speret auspiciis, quibus disciplinam militarem ad antiquæ severitatis exemplum videt emendatam, & vetustam belli gloriam Gallie restitutam? cum bellica fortitudine, legum & justitiæ cultum, cum summa omnium rerum licentia summam omnium rerum non modo tuam, sed etiam tuorum omnium continentiam videt conjunctam? His ego caussis impulsus, hanc meam lucubratiunculam sub tuo potissimum nomine in manus hominum exire volui. Tu vero (ut spero) hoc meum siue tuorum in me officiorum testimonium, siue meæ erga te benevolentie significationem (quæ tua est humanitas, & in literas amor) boni consules. Vale. Lutetiæ Parisiorum, quinto Calend. Aug. M. D. LIV.

ARGUMENTUM

ex libro Judicum sumtum.

JEPHTHES, Galaddi filius, patre defuncto a fratribus domo pulsus est, quod negarent æquum esse, ut nothus cum legitimis filiis in hæreditate paterna dividenda æquaretur. Is quum ob inopiam collecta manu latrocinio viveret, ac fortitudinis magnum specimen dedisset, primum a cognatis, deinde a reliquis Hebræis dux factus est adversus Ammonitas, qui viginti prope annorum gravissima servitute eos presserant. Profecturus igitur in expeditionem, vovit, se, si victor reverteretur, qui primus domo sua egrederetur, eum Deo sacrificaturum. Prima revertenti occurrit unica filia: eam Deo immolat.

ALIUD ARGUMENTUM

CAROLO UTENHOVIO F. auctore,

A D

LUCRETIAM MORELLAM.

Forte Galaddidæ, patris post funera, fratres

Dicere, Cede domo, non habuere nefas:

Jure cohæredem sibi scilicet esse negabant,

Supposita fratrem de genitrice notum.

Ille latrocinii inopem traducere vitam

Cæpit, & in castris æra merere novis.

Jamque sui specimen cum terque quaterque dedisset

Roboris, & dextræ Martis ad arma bonæ

Dux & ab Isacidis consanguineisque creatus

Fertur in adversos protinus Ammonidas,

Jam prope vicenis hos qui crudeliter annis

Compulerant famulo subdere colla jugo.

Ergo profecturus: „ Si victor ab hoste rediret,

„ Victima vittrices imbuet ille manus,

„ Quisquis erit (voti fuit hæc sententia) primus

„ Ille domo qui fors egredietur, ait.

Prima revertenti ruit obviam filia Jephthæ

Unica, victori victima fitque patri.

Z 2

P E R

P E R S O N Æ.

ANGELUS prologus.

STORGE mater.

IPHIS filia.

CHORUS indigenarum puellarum.

JEPHTHES imperator.

SYMMACHUS amicus.

SACERDOS,

NUNCIUS.

JEPH-

IEPHTHES, SIVE VOTUM, TRAGEDIA.

ANGELUS *prologus.*



Agni tonantis huc mi-
 nister aliger,
 Coelo relicto, mittor
 Ifaci ad lares,
 Solumque promissum
 Ifaci nepotibus,
 Solum regendis destinatum gen-
 tibus,
 5 Si pacta sacri intaminata fœde-
 ris
 Servasset: arma sed modo quod
 Ammonia
 Expavit arcto servitutis sub ju-
 go,
 Tulitque quicquid triste, crude-
 le, asperum,
 Iratus audet victor, aut victus
 timet.
 10 Hac clade fracta gens rebellis
 vix Deum
 Agnoscere patrum cœpit, & ne-
 farios
 Mentita cultus numinis ludibria

Inspecta nosse, nota floccipen-
 dere:
 Et sero quamvis ad patrem rediit
 suum.
 15 Humana sed mens nescia modum
 ponere
 Rebus, secundis intumet succes-
 sibus.
 Quo plura hominibus contulit
 bonitas Dei,
 Occæcat animos altior securi-
 tas,
 Vanoque fastu turgidos superbia
 20 Stimulat inanis. Qualis in domi-
 num furit
 Equi ferocis contumax protervi-
 tas,
 Imperia paullum si remissa sen-
 tiat,
 Ac vix lupatis domitus, & cal-
 caribus
 Duris cruentus, redit ad officium,
 & suo

25 Ob-

1 *Arma sed modo quod Ammonia*] *Quod*
(solum scil.) Pronomen est hoc in loco,
 non Conjunctio: male igitur quibusdam
 libris cum accentu scribitur.

2 *Hac clade*] In editione Plantiniana

1566, Stephanorum fratrum 1566, Ba-
 fileensi—, & And. Hart. anno 1622,
 legitur,

Vix docta tandem calamitatibus Deum,

- 25 Obtemperat hero : sic populus
hic perversax,
Cervice dura, pronus in pejus,
flagrum
Si conquivit paullulum, novos
deos
Adsciscit, & se dedit aliis riti-
bus,
Ignota sacra sequitur. Atque
adeo parens
- 30 Benignus animos turgidos licen-
tia,
Bello, fameve, pestilentive aëre
Frangit, rebellem comprimens
ferociam.
At rursus, animi ne cadat fidu-
cia,
Serie malorum continenter ob-
ruta,
- 35 Mittit prophetas, bellicos mit-
tit duces,
Qui servitutis liberatos asperæ
Vinculis reducant, pristinisque ri-
tibus
Servire cogant: arma nunc Am-
monia
Ut excitavit in rebelles, ac Dei
- 40 Jussis relictis, impiis erroribus
Se mancipantes. Sed modum
statuens suæ
Iræ, propitius liberatorem dedit:
Non e potentum quempiam nu-
mero, gravem
Turba clientum, liberisve tur-
gidum:
- 45 Sed e paternis exulantem sedibus
Jephthen, suisque fratribus spre-
tum, satum
Genitrice vili: ne superba gens
suis
Assignet armis quod manu ge-
stum est Dei:
Ut sciat & Ammon hætenus se
viribus
- 50 Non floruisse propriis, sed vin-
dicem
Cœlestis iræ. Porro ne Jeph-
thes quoque
Se metiatur exitu hujus prælii,
Et intumescat insolens rebus bo-
nis,
Damno obruetur protinus dome-
stico,
- 55 Cedentque fracti contumaces
spiritus.
Etenim arma in hostes perfidos
quum sumeret,
Belli secundus si daretur exitus,
Quodcunque primum se obviam
ferret sibi,
Promisit aris se daturum victi-
mam.
- 60 Heu quanta moles imminet tibi
mali,
Miserande! quantis obruere lu-
ctibus!
Ut te propinqui credulum spes
gaudii
Fallit! Propago sola, quæ pa-
triam domum
Tibi nata servat, prima patri se
offeret,
- 65 Ut gratuletur prosperum armo-
rum exitum:
Magnoque solvet foenore, ac ju-
gulo luct
Felicитatis misera præcox gau-
dium.
Atque ecce, mater tristis egre-
ditur domo,
Quam somniorum nocte tota ter-
ruit
- 70 Tremendus horror; nataque pa-
renti comes,
Præ se ferentes mentis ægrimo-
niam
Mœrore vultus, gestibus, silen-
tio.

S T O R G E mater, I P H I S filia.

E Heu, recenti corda palpitant
metu,

Mens horret, hæret vox in ipsis
faucibus,

75 Nec ora verbis pervium præbent
iter:

Nocturna sic me visa miseram
terrificant,

Et dira turbant inquietam in-
somnia,

Gravibusque curis pectus urunt
anxium.

At tu nitentis summe dominator
poli,

80 Averte in hostes luctuosum &
funebre

Omen, mihi que placidus & gna-
tæ meæ,

Quæ sola spes & familiæ sola-
tium

Superest, senectæ columen uni-
cum meæ.

I. Quin ominare cara mater le-
tius,

85 Vanæque causas abjice ægritu-
dinis:

Et ista mentis turbidæ ludibria
Secura sperne, spreta que obli-
viscere.

S. Utinam liceret: sed metus,
veluti recens,

Quoties recordor, concutit for-
midine

90 Mentem, atque imago somni
tristissimi

Oberrat animo: pectus horri-
cat timor.

Jam cuncta passim blanda strave-
rat quies,

Mutumque nox induxerat silen-
tium;

Vidi luporum concito cursu gre-
gem

95 Rictu cruento, spumeo, rabido,
unguibus

Sævum recurvis præcipite ferri
impetu

Imbellia in pecora, vidua pasto-
ribus.

Tum pavidi ovilis fida custodia
canis

Lupos abegit: atque ad infirmum
pecus

100 Trepidi timoris exanime adhuc
memoria,

Denuo reversus, e sinu timi-
dam meo

Agnam revulsam dente laniavit
truci.

O sol, o vaga lumina lunæ,
Pictaque tacito sidera mundo,

105 Et tu nox mihi conscia cu-
ræ,

Nigris referens somnia pennis,
Si quid natæ miseræ impendet,

Si quem casum fata minantur,
Caput hoc prius in tartara mi-
serum.

110 Detrudite, dum spes ambigua
Alternantibus angunt curis

Incerta suæ pectora cladis.

I. Cur misere animum, crucias,
mater,

Luctuque tuo cumulas luctum
Publicum, & acres renovas cu-
ras?

Omine læto reducem potius,
Positis questibus, excipe pa-
trem:

Qui (nisi vano mens augurio
Credula nimium pectora fallit)

120 Spoliis aderit clarus opimis,

Rem-

- Remque, & laudem, & decus
æternum
Genti referens patriæque suæ.
S. Non hunc tenorem parca
mihi vitæ dedit.
Quod tempus unquam lacrymis
caruit mihi,
- 125 Ex quo parentis primum ab al-
vo prodii?
Primum juventa servitutem pa-
triæ
Tristesque vidit hostici agminis
minas,
Pecorumque raptus, sterile sine
cultu solum,
Cædes, cruores, vastitatem,
incendia,
- 130 Profana, sacra, mista. Non
unquam mihi
Secura vitæ fluxit ulla portio:
Ut trudit undas unda, fluctus
fluctui
Cedit sequenti, pellitur dies
die;
Semper premuntur præterita
novis malis:
- 135 Dolor dolori, luctui est luctus
comes:
Fratrem patremque perculit
belli furor:
Confecta curis mater inter fu-
nera
Cognata senuit, perduelles per-
fidus
Armis maritus urget. His ma-
jus nefas
- 140 Tamen veretur animus. I. Im-
modicus timor
Facile sinistris¹ adhibet augu-
riis fidem.
S. Utinam secundis audiam ru-
moribus
Virum reversum, sospitemque
exercitum,
Salva familia. I. Veniet haud
dubie parens
- 145 Incolumis: idem bella qui sua-
sit Deus,
Salvum reducet laude cumula-
tum nova.

C H O R U S.

- Jordanis, vitreo gurgite qui
rigas
Convalles virides, pascua di-
videns
Fœcunda Isacidum flumine lan-
guido,
- 150 Et nunquam posita frigoribus
coma
Formosum Solymæ palmiferæ
nemus,
- En unquam miseræ candidus af-
feret
Curarum vacuæ lucifer hunc
diem,
² Quam cernam patriam libera-
liberam,
155 Quæ nunc servitii vincula ba-
bari
Infelix patitur. Nobilis Isaci

San-

¹ *Adhibet auguriis fidem.* [Veteribus hoc sensu inusitatam esse locutionem pluribus ostendimus ad Ovid. xv. Metam. 316. ubi *habere fidem* elegantius dici probavimus.]

² *Quam cernam* Solenne scriptoribus Tragicis est in Choris interim plurali. interim singulari, quasi uno tantum loquente, uti.

Sanguis degeneris fert domini
jugum :
Et quos nec Phariæ rex tumi-
dus plagæ
Urgens falciferis terruit axibus,
160 Nec trux purpurei sævities freti
Undarum refluis obruit æsti-
bus,
Nec deserta Arabum vomeris
inscia,
Nec portenta hominum mole
Cyclopia
Fregerunt, timidi ¹ mancipium
sumus
165 Ammonis. Gravius flagitium
est malo;
Sub turpi domino segne jugum
pati.
At tu summe parens, qui mare
turbidum
Componis, placidi qui maris
æquora
Cauri nubiferis flatibus excitas,
170 Et terræ stabilis dura tremori-
bus
Fundamenta quatis, mobilis &
poli
Sissis præcipitem, quum libuit,
fugam;
Cladibus tandem satiate nostris,
Desine irarum, propiusque fes-
sis
175 Gentis afflictæ facilis bonusque
Consule rebus.
Nostra si pœnas meruit severas
Culpa, si quondam tibi separa-
tam
Abjicis sortem, vitiis iniquus
180 Si pater nostris minus obsequen-
tes
Deferis natos, & inexplata
Ante dilecti populi querelas

Despicias ira :
Nec tibi Syrus, neque dirus
Ammon,
185 Nec Phari rector tumidus mi-
nacis
Expetat pœnas, neque sit pro-
fano
In tuis castris gladio potestas :
Ignis armatus potius trifulci
Tu, pater, dextram jaculis tre-
mendis,
190 Vindicis flammæ face contu-
maces
Obruas urbes, chaos aut paten-
tis
Devoret terræ miseros colonos,
Aut superfusus adoperta tellus
Hauriat undis.
195 Ne ferox hostis tumeat secun-
dis
Insolens rebus, populusque muti
Stipitis cultor, tua qui nefando
Polluit ritu sacra; ne, quod ira
Sævit in nos tua, vertat Am-
mon
200 In suas laudes, carie peresi
Thure dum placat simulacra
trunci,
Teque vesano neget ore gentem
Semper addictam tibi, se pre-
mente,
Possè tueri.
205 Ah miser, quantos tibi risus iste
Mox dabit fletus? Breve di-
luendum est
Gaudium longis lacrymis: ci-
tato
Advolat cursu levis hora: tem-
pus,
(Vana ni vatem species inani
210 Spe fovet) tempus properat,
vicissim

Quum

¹ Mancipium sumus] Pro mancipia: quod rarum videtur.

- Quum gravis victor mala servi-
 rutis
 Sentiet duræ. Neque enim
 cruorem
 Usque sanctorum patiere inul- 220
 tum ,
 Nec tuas aras dabis execrandis
 215 Pollui sacris. Utinam supremæ
 Terminus vitæ mihi in hoc su-
 perfit,
- Patrio donec tibi sacra ritu,
 Dum tibi gratum memori ca-
 namus
 Pectore carmen.
 Sed ecce , celeri nuncius pro-
 perat gradu,
 Ni ¹ fallit animus , advenit ab
 exercitu.
 Agnosco, sic est: scire quid fe-
 rat juvat.

N U N C I U S , C H O R U S.

- S Alвете veteris Abrahami fi- 235
 liæ,
 Vereque sanctifancta progenies
 patris.
 225 Isthæcne Jephthæ est impera-
 toris domus?
 An me fefellit error ambiguum
 viæ?
 6. Et ista Jephthæ domus, &
 hæc est filia.
 Sed quam reportas spem, refer, 240
 si quid vacat.
 N. Nempe istud ipsum missus
 huc sum ut nunciem.
 230 Fusis, fugatis hostibus, victo-
 ria,
 Re, laude parta, salvus est exer-
 citus.
 Hæc summa. C. Paucis pluri-
 ma ut complexus, es!
 Audita, primum, an visa fers, 245
 ediffere.
 N. Visa, acta, vera, certa, non
 rumoribus
- Collecta vanis affero; ut qui
 prælii
 Pars ipse fuerim. C. Ut gesta
 res est expedi.
 N. Vobis lubenter ² gaudium
 hoc impartior.
 Aurora primum luce quum ro-
 sea polum
 Perfudit, Ammon segnis impa-
 tiens moræ:
 240 Equis virisque, bellicorum &
 curruum
 Strepitu tremendo, late inun-
 datat solum.
 Jamque explicata legio peditum
 per suas
 Stabat cohortes ferro & ære
 splendida:
 Turmæ curules ante curvis fal-
 cibus
 245 Ibant minaces: fuderant se in
 cornua
 Equites utrinque: noster au-
 tem exercitus.

Campi

¹ Ni fallit] Steph. 1566, utraque
 Plant.

Ni fallit animus, venit ab exercitu.
 at metro repugnante.

² Gaudium hoc impartior] Et impar-
 tior dicimus & impartior, activa signifi-
 catione, sapius tamen impartio. Plaut. Stich.

II. 3. 15. Nimis impartior multo tanto plus.
 Cic. Manil. 8. Ut omnes intelligant me L.
 Lucullo tantum impartiri laudis, quantum for-
 ti viro, sapienti homini, & magno imperatori
 debeat.

Campi patentis ultimos colles
renens,
Non asper armis, nec paratu
bellico,
Sed corda, ¹ fretus numinis fi-
ducia,
250 Iræque justæ vindices animos
gerens.
Ibi noster inter imperator agmi-
na,
Præcone misso, tentat absque
sanguine
Finire bellum jure & æquis le-
gibus:
Uterque populus ut vetusti fi-
nibus
255 Contentus agri, ab alteris inju-
riam
Vimque abstineret, rapta do-
minis redderet,
Pacemque bello & certa dubiis
præferat.
Contra superbus militum hostis
copiis,
Armisque fretus, increpat fe-
rociter
260 Præconem, acerbis & minis ca-
lumniam
Addit: duello se petere puro
& pio
Agros vetustos, unde quondam
Ammonidas
Expulerat armis vique proles
Isaci,
Egressa terræ finibus Niloticæ.
265 Quos si tenere perstet, atque
injuriam
Bello tueri præferat, quam red-
dere
Erepta per vim, vindices sibi
deos

Non defuturos æqua postulan-
tibus:
Sin parta per vim jure malit
linquere
270 Solymæa gens, & sponte ce-
dat finibus,
Quos limes Arnon & Jabocus
terminant,
Qua solitudo cogit agros ultima
Jordanis usque ad lente euntis
flumina,
Æquis paratos facere pacem le-
gibus,
275 Factamque gentis utriusque
commodo
Sancte tueri. Hæc præco post-
quam rettulit,
Renunciare protinus Jephthes
jubet;
Nec se, parentes nec suos Am-
monio
Populo dedisse fraude vel vi da-
mna: nec
280 Quos repetat agros nunc, fuisse
finium
Ammonis unquam, seculis quos
jam tribus
Propago Jacobi absque contro-
versia
Tenuit: nec ulla facta mentio
interim est
De jure dubio, vel joco vel se-
rio:
285 Nisi forte, Chamos quæ Deus
tenuit tuus,
Tibi jure cedent; noster au-
tem quos Deus
Possedit agros, deseret. Non
deseret:
Sed ut ante bello victor agros
hostibus

Ade-

1 Fretus] Steph. 1566, utraque Plant. & Basil. Fatus.

- Ademit, idem justus arbiter modo
 290 Hujus secundos exitus pugnae dabit,
 Etiam secundum jus & æquum.
 Ut rettulit
 Hæc præco, rauci clangor æris æthera
 Pulsat, virorum clamor, armorum fragor,
 Fremitus equorum, curruum stridor boat:
 295 Cælum remugit: fracta tellus axibus
 Gemit: recussum duplicant montes sonum.
 Virtute & astu quisque pro se nititur:
 Ferit, feritur: pellitur, pellit: cruor
 Permutat amnes: nocte sub densa polum
 300 Pulverea nubes occulit: numero ferrox
 Instabat Ammon, numinis fiducia
 Et causa nostris æquat animos justior.
 Dum neutra cedit, urget acies utraque,
 Ecce inter umbras pulveris, cadentium
 305 Lamenta gemitusque inter, atque hortantium
 Voces, refulsit nube diducta dies,
 Et utraque turmas redditus cælo fragor
 Implevit, humilis omnium mentes pavor
 Constat, ense languido torpent manus,
 310 Gelidumque lentos frigus artus alligat.
 Ibi imperator voce noster maxima
 Alacrique vultu, Te, parens rerum, ducem,
 Tuumque sequimur angelum. Deus Deus
 Inimica flammis sternit illis agmina:
 315 Totusque turmis fulget æther igneis.
 Hæc vox utrumque posteaquam exercitum
 Pervasit, amens alter in fugam ruit,
 Pavido novatis instat alter viribus:
 Nec his sequendi finis, aut illis fugæ
 320 Fuit, tenebris donec atra nubilis
 Nobis quietem, illis latebras nox dedit.
 C. Cur victor ergo non reducit copias?
 N. Mane, universi nondum habes belli exitum.
 C. Forsan refectis hostis instat viribus.
 325 N. Si quidem resument mortui vires novas:
 Namque omne robur perfidæ gentis Deus
 Uno coëgit demetendum prælio.
 Ergo aut peremti corporum cumulis locum
 In quo steterunt, obtinent, aut lurida
 330 Fusi per agros strage pascunt vultures

Et

1 *Si quidem*] [Una voce scribendum *si quidem*, nisi metro vim fieri velimus.]

- Et ne resurgat denuo bellum
novum,
Multos in annos dux futuri pro-
vidus
Prospexit: etiam peperit & ne-
potibus
Seris quietem. Victor arma Am-
monium
335 Per omne nomen celeriter cir-
cumferens,
340 Bis dena muris vertit oppida di-
rutis:
Tectis perustis puberes dedit
neci:
Vastavit agros: debiles tantum
senes,
Pueri tenelli & foeminæ imbel-
les solum
340 Vacuum pererrant, patriæ &
casum gemunt.

C H O R U S.

- O Aurei dux luminis
Sol, qui recurſu præpete
Vices diurnas temperas,
Et igne flammifer vago
345 Partiris orbi tempora,
Post lustra tandem quattuor
Jubar beatum in liberos
Fundis nepotes Ifaci.
Inauspicatos impetus
350 Hostis superbi dextera
Jephthæa fregit, spiritus
Ammonis acres contudit,
Et prædo præda factus est.
Nec tela Scythico profuit
355 Pennata nervo spargere,
Rapax nec axis impetus,
Minax recurvis falcibus,
Nec vis equorum, aut fortium
Densæ phalanges militum,
360 Premente texerunt Deo.
Jamjam discite perfidi,
Jamjam agnoscite: non lapis,
Non lignum Deus est: neque
Quod vel sculpsit artifex
365 Cælo dextera ferreo,
Vel plastes facili manu
Finxit, vultum hominis luto
Mentitus madido: Deus
Noster arduus ætheris
370 Arces incolit ignis,
Et rerum fator & salus,
Majestate sua potens,
Nec cerni facilis, neque
Mortali docilis manu
375 Certam ducere imaginem.
Vecordem ille superbiam
Regum frenat, & impia
Vota & spes nimias malum
Justus ducit ad exitum.
380 Ille innoxia pectora
Sævis pressa doloribus
Præsenti auxilio levat:
Et de pulvere pauperem,
Et custodem olidi gregis
385 Sceptra attollit ad aurea,
Pastorum diademate
Ornans tempora regio.
Hunc unum Dominum &
Deum
Terræ dædala machina,
390 Sub quocunque jacet die,
Agnoscat, colat, atque amet:
Et quam sol oriens novis
Subjectam radiis ferit,
Et quam sub medio die
395 Incendit propioribus
Flammis: quique bibit Tagum
Fulvo gurgite nobilem,
Et qui perpetua nive
Damnatas habitant plagas.

- 400 Eia Hebraides, aureis
Comtæ colla monilibus,
Perfusa ambrosiæ coma
Suave fragret odoribus.
Eia Hebraides, Indicis
405 Comtæ tempora gemmulis
Terram multicoloribus
Late spargite floribus.
Cessant tinnula cymbala.
Cessant nablia cum lyra,
410 Victori Domino novum
Carmen dicere? tibiæ
Cessat multiformæ sonus?
Quis terram pede libero
Plaudit? mollibus & choris,
415 Festo lætus & otio
- Curas diluit asperas?
Festas victima dux gregis
Aras imbuat: Arabis
Suaveolentia nubila
420 Ignis halet odoribus.
Et tu progenies ducis,
Magni spes generis, cape
Cultus, filia, splendor,
Et patrem reducem piis
425 Læta amplectere brachiis.
Jamjam.purpureos sinus,
Iphi, assume, retortulum
Jam cirrum cohibe: ferit
Aures en fremitus virum:
430 Ipse est, ipse parens adest.

J E P H T H E S.

- R**egnator orbis, unus & ve-
rus Deus,
Solumque numen propitium,
pollens, potens,
Idem severus ultor, & clemens
pater
Tuis tremendus & severus ho-
stibus,
435 Tuis amicis lenis & salutifer,
Iræ timendæ, sed tamen pla-
cabilis,
Amore fervens idem, & irrita-
bilis:
Nos servitutis justa prefferunt
mala,
Meritasque pœnas dedimus im-
pii impiis,
440 Qui, te relicto Rege, patro-
no, Deo,
Rerum parente, fonteque per-
ennis boni,
Ad saxa stultas muta fudimus
preces,
Et vana surdis vota lignis fecimus.
Pudet fateri: mentis æternæ
capax
- 445 Homo, rationis particeps, men-
tis inopes
Truncos adorat, thura vivus
mortuo
Præbet, suumque metuit arti-
fex opus.
Ergo relicti, qui reliquimus,
fumus:
Pœnas subacti dedimus, & fra-
cti malis:
450 Quum nunc Idume, nunc Pa-
lestinae manus,
Nunc dirus Ammon, nunc Sy-
rus contaminat
Hæreditatem gentis & sortem
tuæ.
Malo eruditi, & hostium ludi-
brio
Tandem coacti, vix reversi ad
te fumus.
455 At tu benignus atque misericors
Deus,
Justi furoris frena compescis
tui:
Iram remittis, & odii obli-
visceris:

Et

Et abdicatos filios culpa sua,
 Restituis iterum misericordia
 tua.
 460 Defectionis ceu scelestæ sit pa-
 rum
 Veniam dedisse fontibus, cu-
 mulas novis.
 Etiam triumphis, laudibus, vi-
 ctoria.
 Exutus armis hostis arcu lan-
 guidus
 Abiit remisso: bellici currus
 fugam
 465 Totis morantur sparsa campis
 funera:
 Volucresque pascit qui superbus
 vincula
 Solymis parabat: contegit stra-
 ges agros,
 Cruorque tumidas auget undas
 barbarus.
 Ergo, creator orbis, & magne
 arbiter,
 470 Memores libenter mente grata
 gratias
 Agimus, habemus, supplices-
 que victimis
 Tuas ad aras patrio litabimus
 Ritu, canentes te Deum ac pa-
 trum patrem:
 Qui per rubentis gurgites tu-
 midos freti
 475 Nostris dedisti tutum iter ma-
 joribus,

Quum, te jubente, pigra mo-
 les æquoris
 Posuit procellas, mobilis stu-
 puit liquor
 Cursu coacto, & vitreus cry-
 stallino
 Muro pependit pontus hinc &
 hinc, viam
 480 Præbere jussus: fœderis memor
 tui
 Placidus propitiusque accipe
 hæc servi tui,
 Exigua quamvis, vota, grato
 pectore
 Tamen profecta, debitaque nu-
 per tibi.
 Quod primum ad ædes sospiti
 occurret meas,
 485 Tuas id aras imbuet grata hostia
 Suo cruore; tuis beneficiis licet
 Par nulla possit comparari vi-
 ctima.
 At tu benigne memoris animi
 munera
 Interpretaris: ut fideliter tua
 490 Promissa solvis, vota sic reddi tibi
 Fideliter gaudes, potentiam ex-
 ferens
 Erga rebelles, exferens clemen-
 tiam
 Erga timentes. Vis nec ulla est
 altera,
 Cui terra, cœlum, pareant, &
 tartara.

IPHIS, JEPHTHES, SYMMACHUS, CHORUS.

495 **P**Rodeo: parentis reducis ut
 læta ac lubens
 Conspicio vultus. O mihi se-
 cundum Deum
 Genitor verende, sine frui am-
 plexu tuo.

Cur, genitor, a me torva ver-
 tis lumina?
 J. Me miserum. I. In hostes o-
 men hoc vertat Deus.
 500 J. Utinam: sed in nos recidit.
 I. Heu quid audio?
 J. Mi-

7. Miserae parentem filiae miserrimum.
 I. Hei mihi; tremisco: salvus est exercitus?
 7. Est salvus. I. Et tu victor?
 7. Ita se res habet.
 I. Nulloque corpus sauciatus vulnere?
 505 7. Sic est. I. Quid ergo de profundo pectore
 Secreta ducis ingemens suspiria?
 7. Id scire non est tibi opus in praesentia.
 I. Hei mihi, quid in te misera peccavi, pater?
 7. Nihil: sed in te, misera, peccavit pater.
 510 I. In me profecto, quod sciam, erratum est nihil:
 Nec si fuisset, id tibi molestiam Afferre debet. Nam parentum injurias
 Aequo necesse est liberi ut animo ferant.
 7. Sapienter, ac ut te decet, nata, loqueris.
 515 Quantoque tu sapientius loqueris, meum
 Pectus recludis altiore vulnere.
 I. Quodcunque mentem, genitor, exercet tuam,
 Omitte: cunctis parta per te civibus
 Tuo dolore gaudia haud contamines,
 520 Tuaque amicos sine frui praesentia.
 7. Nobis pariet absentiam haec praesentia.
 I. Belli pericla forte rursus te vocant.
 7. Discrimen armis gravius imminet domi.
 I. Bello periculum gravius esse domi potest?
 525 7. Bello salutem repperi, perii domi.
 I. Imo & familia salva per te & patria est.
 7. Est: gratiamque debeo hoc nomine Deo.
 I. Ac nomine isto semper utinam debeas.
 7. Sed vereor, ista ut salva persistant diu.
 530 I. Quare secundae nunc, pater, quum maxime
 Res sunt, precari vota que decet solvere:
 Non quum reflavit sortis aura mobilis,
 Palpare numen precibus, in re prospera
 Obliviosa sacra negligentia
 535 Deserere. Facilem quisquis incolumis Deum
 Sibi demereri studuit, ubi res ingruit
 Adversa, nixus conscientiae bonae
 Fructu, rogare numen audet propitium
 Jam sponte, vota nuncupat securius,
 540 Et certiore spe futura concipit.
 7. Jamdudum id ipsum facere mecum cogito.
 I. Quid te moratur? 7. Haec relinque, filia,
 Curanda nobis: quod puellares decet
 Animos & annos id tuae curae puta.
 545 I. Non mihi alienum est quicquid ad patrem attinet.
 7. Fateor: sed interim ut domi recte omnia

Sint

- Sint, provide, & morem patri tuo gere.
- Huc rursus ad nos post brevi revertere.
- Adesse oportet te sacrificio statim.
- 550 *I.* Fiet, revertor. Heu misera, quidnam patri Mutavit animum pristinum erga liberos?
- Hoc nemo nuper fuerat indulgentior,
- Nec liberorum quisquam amantior parens;
- Qui nunc severus, tetricus, tristis, ferox,
- 555 Vultu minaci bellicum præ se ferens
- Adhuc tumultum: quicquid est, metuo nimis:
- Id assequi unum nequeo, quod propter me ait
- Sese dolere, nullius quæ conscientia
- Culpæ mihi sim, quæ parentem offenderim.
- 560 *O* foeminarum forte vulgus aspera
- Productum in auras, quas, licet culpa vacent,
- Rumor malignus dente rodit invidio.
- Pro facto habetur quicquid ira finxerit
- Servi loquacis, quod maritus suspicax
- 565 Commentus ipse est, malevola aut vicinia.
- Quid suspicetur genitor, in mea manu
- Non est: remedium id arbitror tutissimum;
- Intaminata conscientia frui.
- S.* Probe loquuta es, digna patre filia
- 570 Victore, casta digna matre & patria.
- Humana quamvis finxerit malignitas
- Crimen, repositos perspicit sensus Deus,
- Illoque vincit purus animus iudice.
- Speranda ab illo & expetenda præmia
- 575 Vitæ peractæ: patris autem injuria
- Æqui ac iniqui perferenda est liberis.
- Proinde patri morigera domum interim
- Revise. Siquid fama divulgaverit,
- Hic aucupabor, persequens vestigia
- 580 Tui parentis: mox tibi indicavero.
- C.* Quin hoc amice pergis agere Symmache?
- S.* Id diligenter fiet. *C.* At, quantum potes,
- Isto puellam libera trepidam metu.
- Hoc poscit abs te jus amicitiae vetus.
- 585 Quæ culta primis usque ab incunabulis
- Fidei tenore semper uno perstitit:
- Hoc poscit ipsa patria, quæ Jephthæ suam
- Debet salutem. *S.* Quin tace, ac fidei meæ
- Permitte. *C.* At illud callide ut fiat, vide,

590 Animique cæcos penitus excu-
tias sinus.

S. Ne metue, nec me poterit

ille, nec volet
Celare sensus: apra novi tem-
pora.

C H O R U S.

I Felix, pede fausto:
Et qui pectoris imo

595 Cernit clausa recessu,
Idem testis & æquus
Judex cœpta secundet.

At te, pessime livor,
Audax necere fraudes,

600 Et committere ficto
Dulces crimine amicos,

Et rumore maligno
Sanctæ fœdera tædæ

Præceps solvere, caros

605 Qui gaudes sua patres

Contra pignora cæco
Linguae armare veneno,

Idem testis, & idem
Secreti arbiter æquus,

610 Te clausum tenebrofi
Antris abdat averni,

Unde has nec vaga sedes
Unquam fama revolat.

O quantum ille laborum

615 Tecum detrahet una!

Quam mortalia diris

Curis pectora solvet!

SYMMACHUS, JEPHTHES, CHORUS.

Q Uidnam repente, ductor
armis inclyte,

Mutavit oris pristinum statum
tui?

620 Quæ mœstitudo læta turbat
gaudia?

Metus recessit, perduelles per-
fidi

Pœnas luerunt, parta patriæ
quies.

Quum gratuletur civitas victo-
riam

Tibi, tuumque patria nomen
laudibus

625 In astra tollat, cantibus festis
fremens,

Qui publici auctor gaudii es,
non publicæ

Felicitatis esse debes particeps?

J. O grata fortis infimæ secu-
ritas?

Felice natum fidere illum exi-
stimo,

630 Procul tumultu qui remotus
exigit

Ignotus ævum tuta per silentia

S. At ego beatum potius illum
duxero,

Cui vera virtus peperit ater-
num decus:

Quem de tenebris erutum po-
pularibus

635 Splendore, vulgo & separatum
a deside,

Gloria futuris merita seclis con-
secrat.

At qui sopori deditus & igna-
viæ est,

Et vitam inertem pecudis in-
star transigit,

Nil interesse opinor, an sit
mortuus,

640 An morte vitam obscuriorem
 duxerit,
 Quum par utrumque supprimat
 silentium.
 Quapropter in te cuncta quum
 congefserit
 Quaecunque amicum numen
 homini dare potest,
 Laudes, honores, rem, decus,
 victoriam,
 645 Benignitatem agnosce gratus
 numinis,
 Nec fordidis sententiis res splen-
 didas.
 Corrumpe: quum nil possit esse
 gratus
 Deo, beneficii quam memor
 animus dati.
 ¶. Præclara dictu res honor,
 victoria,
 650 Decus, triumphus, parta bello
 gloria:
 At quæ videntur fronte prima
 suavia,
 Eadem intueri propius, & in-
 telliges
 Condita fellis acri amaritudi-
 ne.
 Fortuna nulli sic refulsit pro-
 spera,
 655 Adversa ut illam lance non pen-
 set pari:
 Tristia secundis, & secunda tri-
 stibus
 Vicissitudo acerba sortis tem-
 perat.
 Putas beatum me, beatitudi-
 nem
 Fulgore inani metiens, & plau-
 sibus
 660 Vulgi, miseræ quem premunt
 certissimæ.
 S. Quin finge sortem beneve-
 lam ex sententia

Tibi polliceri cuncta: quid su-
 pereest adhuc
 Quod concupiscas? Spretus,
 exul, patria
 Domo repulsus, inque solitu-
 dinem
 665 Detrusus altam, pauperis do-
 minus casæ,
 Repente veluti somnio dives,
 tamen
 Felicitatis arbiter iniquus tuæ
 Conquereris. Altam ferre si for-
 tem nequis,
 Pusillus animi es, si nequis
 agnoscere
 670 Benignitatem numinis, dignif-
 simus
 Rebus relictis pristinoque es tu-
 gurio.
 Per ferrum & ignes regna mor-
 tales petunt:
 Tibi nec petenti principatus
 contigit.
 Suo cruore plurimi victoriam
 675 Redimunt, suorum cæde, da-
 mno publico:
 Quam tu incruento Marte, sal-
 vo exercitu,
 Incolumis ipse rettulisti, patriæ
 Auctor salutis, hostium terror,
 inopi
 De sorte dives, liber e servo:
 modo
 680 Ignobilis, nunc clarus altum
 vertice
 Pulsas olympum gloria: media
 modo
 E plebe populi principem lo-
 cum tenes.
 Ad absolutam nil beatitudinem
 Deest parte ab omni, præter
 animum muneris
 685 Tanti capacem, & prosperis re-
 bus parem.

7. Ut video, amice, publicus:
 te error tenet:
 At mentis oculis limpide si cer-
 neres.
 Quam magna magnis sint malis
 obnoxia,
 Tantopere quem nunc laude 710 Quam abnuere, stulti est; per-
 prosequeris statum fidi, haud agnoscere;
 690 Rerum mearum, diceris miser-
 rimum.
 S. Non pene vitio semper id
 nostro evenit,
 Et inquietæ mentis inconstan-
 tia,
 Neutram ut feramus lance for-
 tem æquabili?
 Tranquillitatem pauperis laudat
 casæ
 695 Dives, nec alta classico silen-
 tia
 Turbata, somnos liberos inso-
 mniis,
 Curis vigilias: pauper aurum,
 purpuram,
 Servos, clientes, apparatus re- 720 7. Ecquid memoria te subit
 gios, voti mei?
 Ædesque laxas sine nullo laudi-
 bus S. Quod nempe salvo es polli-
 citus exercitu?
 700 Tollit, beatos divites solos pu-
 tat. 7. Rem loqueris ipsam: quod
 utinam prudentior
 Sed rem suapte expende utram-
 que examine:
 Sors neutra pura est omnibus
 molestiis.
 Inopes egestas angit, opulen- 725 7. Qui me meamque perditu-
 tos metus: rus est domum.
 Diti est voluptas, pauperi se-
 curitas. S. Oblata poterit perdere omnes
 victima?
 705 Acerba lætis sors utrinque mi-
 scuit:
 Sed illa certe existimanda est
 optima, S. Quæ sola generis supererat
 spes filia.
 S. Hanc immolabis? quæ jubet
 necessitas?

7.

1 Fidisque ne vereare credere auribus] Editio Basil. Ne vereare rem credere.

7. Quod prima nobis obvia redeuntibus.
 730 Quod tandem in hac re nata commisit scelus?
 7. Promissa certam vota postulant fidem.
 8. Hic scrupus animum scilicet premit tuum?
 7. Premit, nec avelli ante petitori meo
 Poterit, nefanda quam cruentus victima
 735 Miser ubi miseros perditus perdam meos,
 Illisque justas ac mihi poenas luam.
 At tu corusci Rex vibrator fulminis,
 Quem contremiscunt terra, cœlum, tartarus,
 Si quando jussis obsequens prompte tuis
 740 Gratum quod esset dixerimve aut fecerim,
 Audi precantem, & vota dexter adjuva:
 Non nunc superbas postulo victorias,
 Festosque plausus: redde rursum prælia:
 Crudelis in me victor Ammon irruat,
 745 Et noxiam animam mille plagis exigat.
 C. Heu mutatio subitæ fortis!
 Ut perpetua serie lætum Nil mortalibus usque relictum est!
 7. Aut tu trifulcis dividens cœlum ignibus,
 750 In me scelestum parricidam & impium.
 Molire telum, flammeo actum turbine:
- Jam nunc nocentem, & si supersit amplius
 Vitæ, futurum noxium in dies magis,
 Detrude vivum sub profunda tartara.
 755 S. Non transigenda temere res est tam gravis,
 Turbata cæco dum tumultu mens furit.
 Compone tete: quum quiescet impetus,
 Et liber animus sana consilia audiet,
 Una cum amicis cuncta statues libere.
 760 7. Consilia dubiis remedium rebus ferunt.
 Qui consulit, quum nullus auxilio est locus,
 Addit miseris sponte stultitiam suis.
 S. Remedia semper integra resuppentur.
 7. Nempe medicinam quum modus patitur mali.
 765 S. Si fors initio res videtur ardua,
 Non est quod animum protinus despondeas,
 Quin consulendum censeo vel eo magis.
 Quod sæpe visum est uni inexplicabile,
 Expediit alius facile: si cedant bene
 770 Consulta prave, te sequetur gloria:
 Si male ceciderint, tu tamen culpa vacas.
 Auctore magno desipere, pene sapere est.
 Quod si undiquaque claudit omnes exitus

Inviſta vis, aut fatum ineluctabile,
 775 Nec explicare conſilia ſeſe
 queunt,
 Idem probabunt, quicquid eveniet,
 quibus
 Uſus fuiſti in conſulendo aucto-
 ribus:
 Sin ipſe reliquis facinus inſciis
 novum .

Perages, rogatus qui probatu-
 rus fuit,
 780 Eventa primus arguet: quan-
 quam ſciat
 Remedia nulla, ſciſſe vult credi
 tamen.
 C. Ne commonentem recta
 ſperne, nam fere
 Temere patrati poenitentia eſt
 comes.

C H O R U S.

Q Uanquam triſtia, quan-
 quam ingrata
 785 Referam, & luſtus luſtibus ad-
 dam
 Stat ſententia promere cuncta
 Ordine matri, miſeræ & gnatæ,
 Aut conſilio forte, aut precibus
 Fatum avertere triſte licebit.
 790 Subit interea communi homi-
 num
 Sorti impendere lacrymas: pri-
 mum
 Quid deplem? miſerum an
 patrem?
 Quem ſic valida compede vin-
 ctum
 Conſilii exſors detinet error,
 795 Ut ſola putet impietate
 Se pietatem poſſe tueri.
 Miſeræ an doleam fata puellæ?
 Quam vernantem primo ætatis
 Flore tenellæ, ſpes ad opimas
 800 Eduſtam, non hoſtica bella
 Patria capta captam eripiunt:
 Non dira lues cœlo immiſſa
 Perimet, patrio ſed maceratu
 Victima diras imbuet aras,

805 Et vice brutæ pecudis: jugulo
 Calidam ſanguinis evomet un-
 dam,
 Artus ferro trunca tenellos,
 Quos nec violet barbarus hoſtis,
 Nec montanæ feritas urſæ
 810 Crudo auderet carpere dente.
 Victore feret patre miſella,
 Quæ nec victore hoſte tuliffet.
 Vos hoſtilia paſſim campis
 Spaſa cadavera, ſi quis vita
 815 Venit exutos ſenſus ad artus,
 Gaudere, aſpras cernite poe-
 nas
 Victorem de ſeſe exigere.
 Hæc nimirum eſt addita no-
 ſtræ
 Vitæ fors, ut triſtia lætis
 820 Vicibus ſubeant, tenebræ ut
 ſoli,
 Ut veri aſpera bruma tepenti.
 Nulla eſt adeo pura voluptas,
 Quam non tetro felle dolores
 Vitient: levitas perfida fortis
 825 Vice ſæva res hominum mi-
 ſcet.
 Sic ubi placidis ſternitur undis
 Æquor

[Calidam ſanguinis evomet undam] Stat.
 Theb. ix. 747.

—— Stat faucibus unda

Sanguinis, & ſacri facies rubet igne veneni.
 Sic Claudianus unda bellorum, & Virgi-
 lius unda ſalutantum dixere.

- Æquor tacito lene sereno,
Nigram glomerans turbo pro-
cellam
Tumidos longe cumulat flu- 835
ctus:
830 Hinc remeabilis impetus æ-
stus,
Illic Cauri flabra protervi,
Per freta dubiam spumea pup- 840
pim
Rapiunt: nostræ hæc facies vi-
tae est.
Inter cædes, furta, tumultus,
Et graviores morte timores
Mortis: si quid læti illuxit,
Velut arentes inter stipulas
Flammæ evanida lux fugitivæ,
Celeri velox avolat aura:
Dein perpetuis nexa catenis
Longi subeunt agmina luctus.

J E P H T H E S, S A C E R D O S.

- O** Soldiurnæ lucis auctor, o
patres,
O quicquid hominum sceleris 855
immunus es, procul
Averte vultus execrandis a fa-
cris;
845 Aut tu cruorem virginali in-
noxium
Potura tellus hisce, patulos in
specus
Sinuque vasto me vora: dum
non nocens
Perire possum, quolibet me 860
obruere loco.
Vel ipsum adire non recusato tar-
tarum,
850 Modo parricida tartarum non
incolam.
Quid tartarum ajo? tartarus
mihi est domus.
Quo me profusis mœsta conjux
lacrymis
Rogabit ore? nata quo intue- 865
bitur
Moritura vultu? colla com-
plectens, preces
Quas admovebit voce lamenta-
bili?
S. Hic ultimorum consequi lu-
ctus solet
Comes malorum, quum me-
dentium manum
Vulnus recusat, aut peractum
quum scelus
Remedia refugit. Tu, miser sis,
an secus,
860 Tua repositum est in manu: in-
tegrum tibi est
Natam sacrifices necne; sive
(ut verius
Dicam) integrum non est: nisi
si quis miser
Sponte esse cupiat: integrum
quomodo tibi est
Id perpetrare, sacra quod vetat
parens
865 Natura? pietas cui reluctatur?
Deus

Quod

* *Æquor tacito lene sereno*] Sil. Ital.
xii. 3.

——— *Blandisque salubre*
Ver Zephyris tepido mulcebat rura sereno.
[Vide ad Valer. Flac. I. 332.]

2 *Hinc remeabilis impetus æstus*] i. e. æstus
maris reciproci, qui semper aut affluit
aut refluit. Sic Stat. Theb. iv. v. 531.
decanatum Poëti Syllipi *saxum remea-*
bile vocat.

- Quod abominatur ? Primum ,
amare liberos
Natura nostris inferuit affecti-
bus :
Nec nostra tantum motus iste
pectora
Percellit : altum quicquid æ-
quor permeat
870 Celeri natatu , quicquid alis
æra
Findit , quod utero cunque cun-
ctorum parens.
Tellus creavit , sentit affectus
sacros.
Nam patris hanc æterna pro-
videntia
Cœlestis animis indidit morta-
lium
875 Ad educandos utilem vim libe-
ros ,
Et continendam publicam con-
cordiam
Orbis , recentemque sobolis pro-
paginem
Semper novandam : quoque no-
men arctius
Imprimeret istud mentibus , dici
pater ,
880 Et esse voluit : nec modo exem-
plo fui ,
Sed & ferarum , & alitum , at-
que piscium ,
Patriæ probavit caritatis vin-
culum.
Nos , quibus (ut hominis ser-
viamus nomini)
Peculiaris debet esse humani-
tas ,
885 Longe a ferarum vincimur cle-
mentia.
Nec scelere nostras inquinare
dexteras
Sat est : nefandum facinus ad-
scribere juvat
- Cœlo : cruentis victimis con-
fingimus
Gaudere numen : quod nec Æ-
gyptus Dei
890 Ignara patrat , nec superstitioni-
bus
Assyria falsis una deditissi-
ma.
Quam cæde puras nos manus
est æquius
Servare , puris e parentibus sa-
tos ,
Et pura caste sacra jussos numi-
ni
895 Offerre ? Nostro non litatur vi-
ctimis
Deo cruentis , bubulove sangui-
ne :
Polluta nullo corda sed conta-
gio ,
Et mens recocta veritate sim-
plice
Illi offerenda , & casta con-
scientia.
900 J. Cur ergo leges victimas sa-
cræ imperant ?
S. Non quod bidentis cæde
gaudeat Deus ,
Famemivæ cæsi carnibus vituli
expleat :
Sed audientes esse nos monitis
jubet.
J. Non nuncupata vota oportet reddere ?
905 S. Sed nuncupare justa tan-
tum lex jubet.
J. Istud fuisset rectius ab exor-
dio ,
Id polliceri quod probant ritus
patrum :
Nunc re peracta , quod semel
votum est Deo ,
Lex missa cœlo nos jubet de-
pendere.

910 S. Mactare natos quæ parentes
lex jubet?

J. Quæ vota jussit nuncupata
reddere.

S. Fæne est vovere quod nefas
est reddere?

J. Quinimo summum est, vota
non solvere, nefas.

S. Quid si cremare jura vovif-
ses patrum?

915 J. Nemo ista sanus vota nun-
cupaverit.

S. Cur? nonne sacris quod re-
pugnet legibus?

J. Sic est. S. Quid ergo, qui
trucidat liberos?

J. Non tam quid agitur inter-
est, quam cur agas:

S. Parere jussis tibi videtur nu-
minis?

920 J. Mactare natum jussit Abra-
mum Deus.

S. Qui jussit, idem quoque ve-
tuit occidere.

J. Cur ergo jussit? S. Ut pro-
baretur fides

Seclis futuris. J. Cur vetuit?
S. Ostendere

Vel hinc volebat, victima obe-
dientiam.

925 Magis placere. J. Nempe sa-
cro numini

Parere oportet. S. Scilicet.
J. Jubet Deus

Vovere? S. Sane. J. Et vota
solvi postulat?

S. Sic est. J. Morantes incre-

[Deum Cruditatis define adscribere tuæ]
Forre inscribere, ut apud Ovid. Met. xv.

v. 127.
Nec satis est quod tale nefas committitur: ipsos
Inscribere Deos scelera

[Si ita Buchananus scripisset, laudarem
illum His lacrimis?]

Tom. II.

pat, & a perfidis

Pœnas reposcit? S. Nihil ha-
bes hic quo tuom

930 Possis tueri facinus: infandum
uscelus

Qui perpetrare spondet, ul-
tro affectibus

Stultis suisque paret ille inso-
mniis.

Proinde vori quicquid illud est,
Deum

Crudelitati define adscribere
tuæ:

935 Nec qui scelēstos odit, & ne-
farios

Ritus sacratīs exsecratur legi-
bus;

Scelere, quod odit, posse pla-
cari putes.

Divina vox est una, simplex
veritas;

Sibique constans: quod semel
jussit, ratum

940 Fixumque perstat tramite im-
mutabili

Nec ad sinistram dexteramve
paullulum

Deflectere licet. Intueri unum
hunc scopum

Verum est, ab una lege confi-
lia suæ

Vitæ capeffere: quando ceu fa-
cem Deus

945 Hanc esse jussit, quæ per in-
certas vias

Errore cæco regeret instabiles
gradus.

Ab

sed in recentiorum scriptis tantum sibi
permittere nefas puto. Neque etiam ine-

legans esse puto verbum adscribere. Vid.
ad Ovid. Epist. Heroid. vi 99. Claudian.

III. de Rapt. 419 cur autem adscribimus
illum His lacrimis?

C c.

- Ab hac lucerna quum procul te
sentias
Flexisse temere, nunc, prius-
quam longius
Abducat error, in viam rursus
redi.
950 Si stulta vota credis infandis fa-
cris
Posse expiari, falleris: crudeli-
tas
Ista cumulabit, non scelus tol-
let tuum.
Nec falsa species decipiat ani-
mum: Deus
Ut rite sacris gaudet oblatiis,
ita
955 Nefanda vota respuit: nec abs-
tulit
Impune, quamvis concitus stu-
dio pio,
Admovit ignem qui profanum
altaribus.
Igitur amica monita ne sperne,
& Deum
Placare dum vis, concitare de-
fine,
960 Non instituto qui coli gaudet
tuo,
Sed sibi probatis lege, ritu,
moribus.
7. Hos, qui videntur sapere
sæpe plurimum,
Vulgusque supra se imperitum
venditant,
Plerumque veræ comperi pru-
dentia
965 Minimum tenere: nemo ne-
gligentius
Ritus vetustos servat & myste-
ria
Facit minoris: vulgus indocile
ac rude
Voti tenax est, nescium frau-
dis: ratum,
- Quod pollicetur numini semel,
putat:
970 Ut nil sit aliud sapere jam, me
judice,
Quam scire velum noxiæ præ-
tendere,
Fucumque factis pessimis indu-
cere.
Quin potius illud cogitare erat
æquius,
975 Aut fraudulentæ cautionis te-
gmine
Velare mentis improbæ versu-
tias.
Pietatis ergo quisquis æmulos
volet
Suos haberi liberos, ne litte-
ris
Hos erudire studeat æquo im-
pensius.
980 Nam litterarum quo quis est
peritior,
Huic est sacrorum cura negli-
gentior.
S. At rursus audi, si vacat, vir
optime,
Quam cæca fallat credulum
ignorantia.
Errore vulgi qui tuetur se, ni-
hil
985 (Opinor) ideo peccat excusa-
tius.
Nec istud unquam moribus re-
gnum malis
Permittat ille maximus rerum
parens,
Ut recta plebis improbæ con-
fessio
In prava vertat, e bono ut fa-
ciat malum.
990 Nec si tyrannis blandiens pal-
patio

Pejora

Pejora laudet, recta mutans
nomina;

Efficiet ut quæ visa multitu-
dini

Honestæ sunt, honestæ fiant
protinus.

Una est honesti forma simplex,
quam neque

995 Vel vis tyranni, vel potentum
auctoritas

Adulterare poterit aut corrup-
pere.

Nunc quo quis est e plebe fer-
me indoctior,

Auctoritatem assumit arrogan-
tius

Dijudicandi in rebus obscurissi-
mis:

1000 Et pertinaci (quod fere igno-
rantia est)

Animo tuetur dogma susce-
ptum semel.

Nec interim æquo expendit
examine, mala

An recta quæ pertinaciter te-
net.

Sed quum inter omnes maxi-
me cæcuriat,

1005 Cæcus videntes cæcitatæ ar-
guit.

Ut cui perusta febre fervent
viscera,

Amara cuncta credit, unum-
que autumat

Se sapere, quum desipiat unus
maxime:

Sic vos tenebris pectus atfis
nubili,

1010 Iis imperare quæritis, quibus
æquum erat

Parere: quorum oportuit sen-
tentiam

Sequi, esse comites cogitis, &
impingere

In saxa, firmam sponte pellen-
tes rarem.

Religio vera est, veraque pic-
tas, Deum

1015 Non instituto colere quod
commentus es.

Tibi ipse, sacris victimas non
quaslibet

Maclare, sed quas missa legum
cœlitus

Decreta poscunt, & patræ
mores probant.

7. Quodcunque gestum est
mente sincera, Deo

1020 Gratum est, bonique dona sem-
per contulit.

Quæcunque corde sunt profe-
cta simplice,

Nec numen aurum, sed ani-
mum dantis probat.

8. Si recta viuat mentis impro-
bitas malæ,

Non ideo curva stultus animus
corrigit.

1025 Nam quæ vocatis recta, sim-
plicia, proba,

Sunt vanitatis plena dementissi-
mæ.

Nisi esse possit forte quicquam
vanus

Quam ad veritatis lumen ocu-
los claudere.

Dein cæcitatem lapsus in spon-
taneam,

1030 Titulis honestis in scelere lau-
dem petis,

Rerumque tollis omnium dis-
crimina,

Dum iniqua iusta, fœda hone-
sta mobilis

Pendere vulgi statuis ex senten-
tia.

Quod si potestas tanta sit sen-
tentiis

- 1035 Stultorum, ut æqua iniqua faci-
ciant protinus;
1036 Ut sint profana sacra, jus in-
juria:
1037 Cur non & illud arbitremur
posse eos,
1038 Ignem in undas, undam in ignem
vertere,
1039 Mutare lignis saxa, vitam mor-
tuis
1040 Revocare? motus temporum
sistant citos,
1041 Et sempiternas transferant re-
rum vices.
1042 Quod si arbitraris hæc supra
mortalium
1043 Vires, & uni conditori obno-
xia,
1044 Quas ille leges prodidit semel,
puta
1045 Æque perennes ac ratas, aut

amplius,
Nec ullum in illas esse jus mor-
talibus.
Nec qui supremus imminet
mundo dies,
Edicta rumpet illius: cælum
& solum,
Et æra & aquas solvet ignis ul-
timus:
1050 De lege vero, quæ data est di-
vinitus,
Non carpet apicem temporis
longinquitas.
7. Vos ista per me, si libet,
sectamini,
Quos juvat haberi antistites
prudentiæ:
Ego veritatem malo stultam &
simplicem,
1055 Quam splendidam fuco im-
piam sapientiam.

C H O R U S.

- O** Isacidas matrona inter
Rarum exemplum fortis
amicæ,
Quam subito te fortuna atrox
Exitio submersit, & illum
1060 Prope tangentem sidera fa-
stum
Obruit, atræ & more procellæ
Luctu gaudia vertit acerbo.
Heu nunquam homini fat com-
pertum
Quid petat aut quid vitet in ho-
ras.

1065 Quis tibi nuper non invidit,
Dux fortissime? cui prope su-
pra
Votum acciderant prospera
cuncta:
Clari generis splendor, casti
Thalami, soboles digna parente,
1070 Partaque valida gloria dextra:
Qui nunc subitæ mole ruinæ
Obrutus, ipsis es miserandus
Hostibus, ac tua vota re-
tractans.
Implès miseris astra querelis.

1075

1 *Retractans*] Ex Ovidio desumptum,
qui duplici sensu utitur lib. x. Met. 288.
Rursusque manu sua vota retractat, ubi iterum
iterumque rangere manu notat. deinde
vs. 370. *furiæque vota retractat*, ubi notat,

mente sua iterum iterumque volvit, repu-
rat. ut apud eundem l. iv. 569 & vii. 719.
nam quod *retractare* quidam credant dici
desis, qui priorem sententiam revocant,
& poenitentiam agunt, falli puto. sed
dum

- 1075 Nempe erroris nebula, & te-
 tris
 Ignorantia septa tenebris
 Sic humanas sepelit mentes.
 Nec perspicuis animi quif-
 quam
 Oculis radios cernere potis est
 1080 Veri simplicis, aut virtutis
 Nudæ rectum insistere callem.
 Sed veluti sub luce maligna
 Per secretos nemorum anfra-
 ctus
 Lubricus error mille viarum
 1085 Dubio occurfu ludit euntes,
 Inter varios semita flexus
 Nulla placet, neque displicet
 ulla:
 Sic iter homines præter pro-
 pter
 Dubia incerti mente vagamur.
 1090 Hic venalem funere laurum
 Otii impatiens dum sibi quæ-
 rit,
 Luctu alieno dura per arma
 Redimit vanæ murmura famæ.
 Captatores alius captans
 1095 Dulci steriles pignore lectos
 Multa pensat plebe clientum:
 Atque intenta fraude vicissim
 Coryos ludere gaudet hiantes.
 1100 Cunarum alter murmura blan-
 da,
- 1100 Tenero & balbas ore querelas
 Non mutaverit opibus Cræsi,
 Aut quas divite lucidus unda
 Rutilus Hermus volvit arenas.
 Verum nemo tam sapienter
 1105 Vitam instituit, consilium ut
 non
 Dammiet decies ipse suum una
 Forsitan hora.
 Atque en prodit squalida luctu
 Miseram comitans nata paren-
 tem:
 1110 Quam dissimiles (proh dolor!)
 illis
 Quæ conspicuæ nuper cun-
 ctis,
 Lætæque novi laude trium-
 phi,
 Pene attigerant vertice olym-
 pum:
 Nuper ad invidiam usque bea-
 tæ,
 1115 Nunc exemplum nobile for-
 tis.
 Variæ. Sic Deus humana ro-
 tat,
 Instar volucris pulveris acti
 Turbine celeri mobilis auræ:
 Aut hibernæ more procellæ,
 1120 Quæ violenti flamine Cauri
 Obruit altos grandine mon-
 tes,

Mox

dum retractamus res, & quasi secundas
 curas cogitatis adhibemus, mutare sæpe
 solemus decreta priora: neque semper
 de pœnitentia utitur, Buchan. Silv. II.
Piget & mea vota retracto.

I Sic iter homines præter propter } Desum-
 tum ex Ennio, apud Agell. lib. x i x.
 cap. 20.

Incerte errat animus: præter propter vitam
 vivitur.

Quod sic explicat Turneb. lib. xiv. Ad-
 vers. cap. 18. Præter propter vitam vivere,

est non soli inservire vitæ, sed multa conqui-
 rere quæ non desiderat vitæ, supervacanea sunt
 & voluptuaria, minimeque necessaria, &c.
 Potior tamen, & Ennii & Buchanani
 sententiæ magis consona, videtur Salma-
 sii expositio Plinian. Exercit. cap. 42.
 pag. 617. Hi sunt, inquit, quibus vitæ
 (ira enim ille legendum vult, non vitam)
 vivitur præter propter, quibus nunc illud, nunc
 aliud placet; modo propius, modo longius ab-
 sunt ab hoc vel ab illo vivendi proposito.

Mox ubi roseo fulsit ab ortu
Fax perspicui pura diei,

Late albentes fusa per agros
1125 Vix conspecto sole liquefcit.

STORGE, JEPHTHES, IPHIS.

O Spes inanes: festa nuptia-
lia
Tibi parabam, nata; lucem
cernere
Illam expetebam, sorte quum
te prospera
Auctam viderem liberis, &
conjuge
1130 Claro beatam: te senectutis
meæ
Fore pollicebar columnæ so-
latium:
De te augurabar falsa frustra
insomnia.
Nunc me insolenti sæviens lu-
dibrio
Sortis furentis impotens im-
manitas
1135 Felicitatis de supremo culmi-
ne
Dejecit, uno cuncta vertens
impetu.
O ter beatos, liberis quos ho-
sticus
Orbavit ensis, pestilens aut
aëris
Lues, famelive: scelere quo-
rum lacrymæ
1140 Carent, doloremque imputare
aliis queunt:
At hic in uno scelere sexcenta
scelera
Fortuna miscet: liberorum
carnifex
Parens, scelestæ sacra, ritu bar-
baro
Aræ cruentæ victimis nefariis.

1145 Si sancta sancte sacra tantum
numini
Credis probari, tolle morem
barbarum:
Crudelitate sin propitius sit
Deus,
Et me trucidæ victimam cum
filia.
J. Acerbitatis plus satis com-
plectitur
1150 Sors nostra per se, nihil ut
accedat mali.
Quamobrem omitte meque
teque incendere
Nil profuturis luctui conviciis.
Nam sæva quamvis sit calami-
tas omnium,
Sors nostra multo cæteris est
sævior.
1155 Conjuncta vestris innocentia
est malis,
Et labe sceleris miseria infelix
caret.
Ego nec scelestus esse queo,
ni sim miser,
Nec calamitosus sceleris ex-
pers degere:
Solusque cogor facere facinus
& pati.
1160 S. Nempe ipse tete sponte
cogis & volens.
J. Utinam ista nostri vota sint
arbitrii.
Promissa nec sit abnegare ne-
tarium.
S. Scelestæ vota grata non sunt
numini.

J.

[Crudelitate sin propitius sit Deus] An propitius sit?

7. Fuisse grata testis est victo-
ria.

1165 S. Quid? polliceri quod tuum
non est potes?

7. Mea nata non est? S. Est:
sed etiam ut sit mea.

Commune pignus quum sit,
uni cur patri

Maclare, vitam mihi tueri non
licet?

Quod si liceret liberos addi-
cere

1170 Parentis alterius libidini, &
impio

Dirimere amoris vinculum di-
vortio,

Plus jure matri parte cederet
sua,

Matri, salutis quæ sit auctor,
quæ patri

Jam sponte natam perdituro
subtrahit.

1175 Quid? nuptiales si pararentur
faces,

Virumque legeret filia suæ
pater,

Non hic parentis utriusque
arbitrium

Commune pariter liberis in-
cumberet?

At hæc societas impotens &
arrogans

1180 Est conjugal copulæ confor-
tium;

Servare matri non licere, per-
dere

Licere patri, si modo quis
perdidit

Hanc, quam trucidat, cujus
astans funeri

Immanitatis gloriatur ambitu:

Plus jure patri]. Dux Elzev. Wersten.
alique Belgicæ editiones [plus juris] ha-

1185 Qui, claustra dum revellit ani-
mæ, dum latus

Mucrone sævo referat, & vi-
talibus

Haurit morantem sub profun-
dis spiritum;

Cupit videri, non eget solatio:
Famam aucupatur liberorum

e sanguine, &

1190 Compenlat aura sanctimoniae
scelus,

Seseque jactat laude parrici-
dii.

Tu, si parentis exuisti in li-
beros

Mentem, furenti percitus ve-
cordia,

Permitte saltem matris indul-
gentiæ

1195 Amare, non amare quod sum-
mum est scelus;

Servare, summum quod ne-
fas est perdere:

Quod prodidisse sponte, par-
ricidio

Est gravius omni; quod tru-
cidare propria

Manu, ferarum immanius tru-
culentia est.

1200 Si dividendum pignus esset
mutui

Amoris, æqua lege non divi-
simus:

Ut tu uti, abuti, morte, vita
filia

Possis, redundant ad genitri-
cem modo

Luctus, dolores, lacrymæ,
suspiria.

1205 O rupe dura durior, vel ro-
bore

Pro-

bent, quod metrum non recipit.

Prognate crudo, cotibus vel
alperis
Inter ferarum lustra, nec ge-
neris tenens
Nostri nec ulla sanguinis ve-
stigia!
Num flente nata, lacrymante
conjugē.
1210 Mœstis propinquis, liberorum
carnifex
Ullum doloris indicem gemit-
tum dedit?
Quin ad paternos, nata, pro-
cidis pedes?
Oratione si quid aut lacrymis
potes,
Cor flecte durum, frange
mentem ferream.
1215 I. Miserere, genitor, te per
hanc rogo manum
Voti potentem, compotem
victoriæ:
Per si quid unquam merita
sum de te bene:
Si quando parvis comprimens
te brachiis,
Onus pependi dulce de collo
tuo:
1220 Per si quid ex me tibi volupta-
tis fuit,
Depone mentem liberos erga
trucem,

I *Cotibus vel alperis*] Dubitari potest
an *cantibus* noster scripserit, pulcherri-
mum illum Maronis locum æmulatus
Æneid. I V. v. 365.

Nec tibi *Drva* parens, generis nec Darda-
nus auctor,

Pe fide: sed duris genuit te cantibus horrens
Caucasus, Hyrcanæque admorunt ubera ti-
gres.

Et Senecæ Herc. OEt. v. 143.

Quæ cautes Scythiæ, quis genuit lapis?

Num Titana ferum te Rhodope tulit,

Et diritatis hujus oblivisce-
re.

Aut si quid in te ex parte pec-
catum est mea,

Profer, quod instat cunque le-
vius perferam,

1225 Si luere poenas jure me cogno-
vero.

Quid ora vertis? misera quod
feci nefas,

Cur esse patri debcam exse-
crabilis,

Ut contueri non queat vultus
meos?

7. Nil, nata, per te perpe-
tratum est: hoc meum

1230 Nefas: meum istud est scelus
totum: meæ

Immerita poenas pendis im-
prudentiæ.

Ego teque meque, misera,
perdidi miser

Votis nefandis: quod utinam
prudentior

Verbis fuisset, aut prælio in-
felicior:

1235 Et morte honesta tot virorum
fortium

Inter catervas cæsus hostili
manu

Præoccupassem miseriæ por-
tum meæ.

Ingrata

Te præruptus Athos, te fera Caspia,

Quæ vulgata tibi præbuit ubera?

At non sollicitanda est recepta lectio:

idem enim Virg. Ecl. viii. 43.

Nunc scio quid sit Amor. Duris in cotibus
illum

Ismaris, aut Rhodope, aut extremi Gara-
manes,

Nec generis nostri puerum, nec sanguinis
edunt.

quæ Buchanani animo præcipue hic ob-
versata postremus versus indicat.

- Ingrata nunc me vita mihi superstitem,
 Luctus, reservat, semper ut videam novos.
- 1240 Tibi per nefanda sacra juro, quæ Deo
 Renuente vovi, per mali cumulum mei,
 Et luctuosam memoriam cladis tuæ,
 Si morte redimi mors vicaria queat,
 Vitam libenter, filia, tibi impenderem.
- 1245 Ecquid beatus videor esse vos supra?
I. Æque atque nos, aut amplius etiam miser.
S. Apud parentem quando levis auctoritas
 Est hujus, unum conjugem conjux rogo,
 Atque id supremum, me mori pariter jube.
- 1250 Mortem imputare, si me amas, potes mihi;
 Sin oderis, tibi: doloribus exime
 Me morte, teque libera molestiis.
- J.* Patratur una cæde sceleris plus satis.
S. O sanctitas, o fas, & innocentia!
- 1255 Peccare metuit immolator filia.
I. Omitte mater lacrymas carissima,
 Omitte questus, jurgia & convicia.
 Et tu, pater, quæ pectus anxium premit,
 Depone curam: nec meam propter necem
- 1260 Ultro citroque verba commutaveris.
 Quod non volentem dura te necessitas
 Istiuc coëgit, multa mihi faciunt fidem:
 Mœstitia præfens, pristina indulgentia;
 Et nullius mens criminis mihi conscia,
- 1265 Cur commereri debeam mortem a patre.
 Quapropter istud quicquid est, necessitas
 Quod cogit, ultro non recuso perpeti;
 Et quam parenti patriæque debeo
 Animam, libenter reddo: & illud ultimum,
- 1270 Nil postulatura, genitrix, posthac rogo,
 Ne quid patri causa mea succenseas,
 Neu sis molesta: mortuis si quis super
 Sensus sepultis est eorum, quæ gerunt
 Vivi, futurum crede manibus meis,
- 1275 Ut si quid aliud, id quidem gratissimum,
 Si vos beatos, prospereque degere
 Sim certa vitam; nec parentes ad meos,
 Officia vitæ mutua quibus debeo
 Reddere vicissim, & educandi solvere
- 1280 Pretium, senectæ infirmitatem sustinens,
 Ex me redundet luctus atque acerbitas.

- S. Utinam (precari si pie & sancte id licet)
 Dominetur Ammon, pristinum ferat jugum
 Judæa: quamvis serva, certe viveres,
 1285 Aut morte saltem non nefanda occumberes:
 Sæviffet in nos levius insolentia
 Hostis furentis, quam patris victoria.
 Novaque fati sed miserrima vice,
 1300 Servire votum est, & calamitas vincere.
 O semper in nos vel favens etiamnum atrox
 Fortuna, quantis gaudii usuram brevem
 Luctus acerbi fœnerasti lacrymis!
 I. Quin potius illi iusta supplicia luant:
 Nos, si necesse est, immerentes sanguine
 1295 Aras piemus, totque cædes hostium
 Pensamus una sponte gratique hostia.
 J. Heu nata, nunc intelligo demum miser
 Quam fœda, sœva, dira designaverim,
 Qui prole tali temere membris orbaverim.
 1300 Sed ipse de me sponte pœnas exigam.
 Te namque iniquum est dare meæ dementiæ
 Pœnas, puellam innoxiam, superstitem
 Auctore luctus: ipse stultitiæ meæ
 Supplicia pendam; nec mihi exprobrabitur
 1305 Ab invida viciniâ, quod ultima
 Sub spatia vitæ parricida filia
 Mihi peperci, liberûmque sanguine
 Vili redemi turpis auram gloriæ.
 At tu beata hac caritate in patriam
 1310 Patremque vive, cujus ætas dignior
 Superesse: quamque gratiam nequit parens,
 Perfolvat ille, solus æqua qui potest
 Pro dignitate huic indoli rependere.
 I. Omitte, genitor, has moras innectere,
 1315 Meumque dictis mollibus frangere animum;
 Nec fas nec æquum te mea fungi vice:
 Me vota poscunt: itaque tibi animam libens
 Hanc reddo patri, reddo patriæ meæ.
 Nec ulla Jephthæ me redarguet dies
 1320 Non stirpe dignam: tolle, age, abduci jube.
 Devota morti, & consecrata victima
 Projeci amorem lucis: omnis est mora
 Molestâ: mater jam vale carissima,
 Et vos penates patrii, in quibus dies
 1325 Lætos peregi, spes ad amplas molliter

Educta

Educta, claris destinata nu-
ptiis.
O fata, fata, & morte defun-
cti patres,
Accipite placide destinatos.

patriæ
Manes saluti : tuque lux no-
vissima
1330 Hodierna nostris haurienda o-
culis, vale.

C H O R U S.

L Aus fœminei ' fama que
sexus,
Et generosæ gloria stirpis,
Animi nimium virgo virilis,
Licet injuria tibi fatorum
1335 Utiliores absceidit annos,
Licet immanis feritas Parcæ
Teneri florem carpsit ævi,
Quod tibi vitæ fors detraxit,
Fama adjiciet posthuma laudi:
1340 Et qua primis Phœbus ab In-
dis
Rutilæ tollit lumina flammæ,
Te posteritas sera loquetur.
Te, qui primi flumina Nili
Bibit, & curru qui ² Sarmat-
ico
1345 Solidum non timet ire per I-
strum,
Concinet olim,

Non formidine mortis inert
Pavidam, patriæ donasse ala-
crem
Natura tibi quos dedit annos.
1350 Nostris longum tu dolor &
honor
Virginibus, tibi thalami ex-
pertes
Mœsto ululatu flebile carmen
Per redeuntes recinent annos.
At vos, vestri dedecus ævi,
1355 Animam patriæ reddere se-
gnes,
Vos æternis tenebrarum um-
bris
Teget oblivio longa sepultos,
Et generis pudor, & telluris
Pondus inutile, quos & præ-
sens
1360 Spernit, & altera nesciet ætas.

S T O R G E, N U N C I U S.

HEu misera, an omnis spes
salutis occidit?
Effare. *N.* Res ut interadver-
sas quidem
Non pessime agitur. *S.* Si
quid accidit boni,
Ea blandientis fortis est cru-
delitas :

1365 Venena dulci melle tetra tem-
perat.
Quapropter ede quicquid oc-
cultas mali.
Ufus dolendi longaque expe-
rientia
Induxit animo callum: ut am-
plius mihi

No-

¹ *Famaque sexus*] i. e. famigeratum
fœtus decus. Ovid. Amor. III. 9. 5.
Ille tu vates operis, tua fama Tibullus.
Virg. Georg. II. 40.
O decus, o famæ merito pars maxima nostræ.

² *Sarmatico*] [Dubito an noti fuerint
Israhelitis Sarmatæ & Ister, & ita deco-
rum servaverit Poëta.]

- Nocere posset, nil reliquit fors
sibi.
- 1370 Parata certa est sed misera securitas.
N. Ut gesta res est ergo paucis
accipe:
Quum flaret aras ante tristes
victima
Jam destinata virgo, purpureum decus
Per alba fudit ora virgineus pudor,
1375 Cœtus viriles intuerier insolens:
' Ut si quis Indum purpura violet ebur,
Rosasve niveis misceat cum liliis.
Sed se per ora cum pudore fuderat
Perspicua certæ juncta vis fiducia,
1380 Interque flentes sola fletibus carens,
Vultu remisso constitit firma, ac sui
Secura fati: quas tenebat lacrymas
Propinqua morti virgo, populus non tenet.
Alium parentis beneficium recens movet,
1385 Et servitutis patriæ exemptum jugum,
Et solitudo familiæ clarissimæ.
Alius acerbam fortis ingemuit vicem,
- Longoque luctu breve redemptum gaudium,
Raroque stabilem rebus in lætis fidem.
1390 Florem juventæ deflet ille, & fiderum
Similes ocellos, æmulamque auro comam,
Supraque sexum pectoris constantiam.
Et forte solito² gratiorem afflaverat
Natura honorem, ceu supremo munere
1395 Dignata funus nobilis viraginis.
Ut jam ruentis æquor in Tartessum
Phœbi recedens esse gratior solet
Splendor, rosæque vere supremo halitus
Colorque cupidos detinet oculos magis:
1400 Sic virgo fati flans supremo in limine,
Parata morti, nec recusans molliter,
Turpive torpense exitus formidine,
Commorat omnes, versaque in se lumina
Vulgi stupentis traxerat miraculo,
1405 Et triste cunctis attulit silentium:
S. Narrare porro perge facinoris modum,

Neu


¹ Ut si quis Indum] Imitari voluit illud
Virg. Æneid. XII. 67.

Indum sanguineo veluti violaverit ostro
Si quis ebur; vel mixta rubenti ubi lilia multa
Alba rosa: tales virgo dabat ore colores

² Gratiorem afflaverat Natura honorem]
Virg. Æneid. I.

----- Lumenque juventæ
Purpureum, & latus oculis afflarat honores.

- Neu parce matris auribus : ni-
 hil potes
 Afferre triste, ut tristiora non
 sibi
 Proponat animus : cuncta jam
 præcepta sunt.
 1410 N. Animi virilis tum puella
 lumina
 Ad clara tollens astra, concipit preces
 Ex ore casto, voce non fracta malis :
 Æterne rerum genitor, atque
 hominum parens,
 Tandem propitius gentis errori tuæ
 1415 Ignosce, & istam victimam
 lenis cape.
 Quod si furoris exigis piaculum,
 Quæcunque nostra contumax
 superbia
 Supplicia meruit, te parentem
 deferens,
 Utinam luatur hoc cruore :
 sæpius
 1420 Utinam liceret sanguinem profundere, &
 Hic si parentum & civium sita
 est salus,
 In me furoris impetum ac iræ
 tuæ
 Per mille mortes sæpius deflectere.
 At tu sacerdos quid metuis ?
 (etenim metu
 1425 Gelido tremebat) ades, &
 hanc luce exime
 Animam : morantem solve
 corporis obicem :
 Populum, parentem, meque
 voto libera.
 Ut hæc loquuta est, ille jamdudum parens
 1430 Visus cruentus, sæviorque tigris,
 Oculos amictu lacrymis madens tegit,
 Seseque damnans votaue temeraria,
 Fletu sacerdos obrutus vix solvere
 Animæ meatus potuit, & mæsto diu
 Taciturna turba torpuit silentio.
 1435 Ut vocis autem pervium patuit iter,
 Non ille gemitus, esse nec qualis solet
 Fremitus doloris, atque lamentatio,
 Sed concionis gratulantismurmure
 Confusa turba, teque prædicantium,
 1440 Adversa fortis inter aspræ vulnera,
 Et blandientis læta dona, foeminam
 Unam beatam maxime & miserrimam.
 Nam plaga quamvis alte ad ossa federit,
 Magni doloris magnum habes solatium.
 1445 S. Solamen ipso luctuosius malo,
 Quod leniendo exasperat malum vetus,
 Luctusque acerbi memoriam semper novans,
 Reducta cogit vulnera recrudescere.
 Quo fortiore nata tulit animo necem,
 1450 Hoc angit animum tristior meum dolor.



B A P T I S T E S,
S I V E
C A L U M N I A,
T R A G O E D I A,

Auctore

GEORGIO BUCHANANO
S C O T O.

ESTABLISHED
1811
CALIFORNIA
TRADE MARK

GEORGIO RICCIARDI
S O T O

GEORGIUS BUCHANANUS
 JACOBO SEXTO
 SCOTORUM REGI

S. P. D.

CUM omnes mei libelli, postquam tibi erudiendo sum appositus, ad te familiariter accedunt, salutant, confabulantur, & in tuæ clientelæ umbra conquiescunt, tum hic meus BAPTISTES pluribus de causis tui nominis patrocinium audentius sibi poscere videtur: quod meus, quanquam abortivus, tamen primus est fœtus, & adolescentes a vulgari fabularum scenicarum consuetudine ad imitationem antiquitatis provocet, & ad pietatis studium, quod tum ubique fere exagitabatur, animos excitare pro virili contendat. Illud autem peculiarius ad te videri potest spectare, quod tyrannorum cruciatus, & cum florere maxime videntur, miserias dilucide exponat. Quod te nunc intelligere non conducibile modo, sed etiam necessarium existimo: ut mature odisse incipias, quod tibi semper est fugiendum. Volo etiam hunc libellum apud posteros testem fore, si quid aliquando pravis consultoribus impulsus, vel regni licentia rectam educationem superante, secus committas, non præceptoribus, sed tibi, qui eis recte monentibus non sis obsecutus, id vitio vertendum esse. Det Dominus meliora, & quod est apud tuum Sallustium, tibi bene facere ex consuetudine in naturam vertat. Quod equidem cum multis & spero & opto. Vale. Sterlino, ad Calend. Novembres. 1576.

P E R S O N Æ.

PROLOGUS.

MALCHUS Pharifæus.

GAMALIEL Pharifæus.

JOANNES Baptista.

CHORUS Judæorum.

HERODES Rex.

HERODIAS Regina.

REGINÆ filia.

NUNCIUS.

B A P T I S T E S, S I V E C A L U M N I A,

T R A G O E D I A.

P R O L O G U S.



Eteres Poëta fabu-
lantur Protea

Quendam fuisse, qui
se in omnes verteret

Formas, nec ullis contineri vin-
culis

Possent: liquentes nunc in undas
dum fluit,

5 Nunc flamma stridet, nunc fe-
rus rugit leo,

Viret arbor, horret ursus, an-
guis sibilat,

In cuncta rerum transiens mira-
cula.

At ego profecto fabulam istam
comperi

Longe Sibyllæ veriorum oracu-
lis.

10 Nam quotquot homines video,
tot me Proteos

Videre vultus credo qui sumant
novos,

Seseque vertant in figuras quas-
libet:

Subjecta quorum maxime calu-
mniis

Fortuna semper scenici est spe-
ctaculi.

15 Nam si vetustam fabulam quis
proferat,

Turbant molesti, tussunt & nau-
seant.

At si novam quis attulit, tum
protinus

Vetera requirunt, comprobant,
laudent, amant.

Illiberali respuunt fastidio

20 Nova, & priusquam noscere
queant, exigunt:

Recteque dicta interpretationi-
bus

Vitiant malignis: omnia in pejus
trahunt.

Ipsi-

[Nunc flamma stridet] Non temere
existimat eruditissimus Ægid. Menagius
Anti-Baillet Tom. I. §. 98. Buchananum
hic respexisse illud Licentii apud D. Au-
gustinum,

*Spumat aper, fluit unda, fremit leo, sibilat
anguis.*

Videbis Lud. de la Cerda ad Virgilii
Georg. IV. 407.

E c 2

Ipsique somno dediti¹ ac igna-
 via,
 Vacui laboris, invident labori-
 bus
 25 Aliorum, & omnem collocant
 operam suam.
 Ut deprehendant quod queant
 reprehendere:
 Si quis sit error, antevortunt
 Lyncea
 Visu, notaque perlinunt censo-
 ria:
 Bene dicta surdis auribus præter-
 volant.
 30 Horum severa supercilia nihil
 moror,
 Tristemque vultus tetrici arro-
 gantiam.
 At si quis adsit æstimator can-
 didus,
 Qui puriores promoventi litte-
 ras
 Studeat benignus, & favore sub-
 levet,
 35 Et (quando ab omni parte sence-
 rum nihil
 Humana gignit mens) levibus er-
 roribus
 Ignoscat, illi fabulam afferimus

novam,
 Aut potius² historiam vetustam
 interpolam:
 Baptista quondam ut regia libi-
 dine,
 40 Et invidorum subdolis calu-
 mniis
 Oppressus, indignam innocens
 subiit necem.
 Porro vocare fabulam veterem
 aut novam
 Per me licebit cuique pro arbi-
 trio suo.
 Nam si vetusta est ante multa se-
 cula
 45 Res gesta, veteres inter hæc
 censetur:
 Sin quod recenti memoria viget,
 novum
 Existimemus, hæc erit prorsus
 nova.
 Nam donec hominum genus
 erit, semper novæ
 Fraudes, novæque suppetent ca-
 lumniæ:
 50 Livorque semper improbus pre-
 met probos.
 Vis jura vincet, fucus innocen-
 tiam.

MALCHUS & GAMALIEL Rabini, CHORUS.

Misera senectus, & supremi
 spiritus

Propinqua meta, fataque infeli-
 cia,

In

¹ *Ac ignavia*] Libri quidam, atque
ignavia. [Observat Torrentius ad Sue-
 ron. August. cap. xcvi. non temere re-
 periri apud veteres *ac*, sequente vocali.
 quare male, mea sententia Cl. Daviesius
 apud Ciceron. lib. 1. de Nat. Deor. cap. 1.
 edidit, *ac* ab omni curatione: cum Cicero
 semper & vel atque (ut mox, atque in maxi-
 ma) soleat ante vocalem ponere. Sed Bu-
 chananus hoc millies & in carmine &

in prosa neglexit.]

² *Historiam vetustam interpolam*] i. e. in-
 terpolatam, renovatam, ex veteri positam.
 Plin. lib. xxix. cap. 1. *Mutatur ars quotidie
 toties interpolis, & ingeniorum Græciæ flatu
 impellimur.* Sic Plautus Mostell. 1. 3. 117.
*Interpoles mulieres vocat, quæ vitia corpo-
 ris fuso occultunt, ut cum vetulæ sint,
 puellæ videantur.*

In hosne vitæ longioris termi-
 num
 55 Tribuistis usus, serviente ut pa-
 tria
 Polluta templa cernerem nefa-
 rie,
 Profana sacra mista? Vidi im-
 pervii
 Arcana fani fracta, sacrum po-
 stibus
 Aurum revulsū: quicquid aut
 Gabinii
 60 Cupido rapere potuit, aut An-
 tonii
 Haurire luxus, periit: ac ludi-
 brio
 Etiam Cleopatrarū fuimus (infan-
 dum) gulæ.
 Ac ne deesset parte ab ulla indi-
 gnitas,
 Rex, Antipatri Semi-arabis pro-
 nepos,
 65 Crudele sceptrum sævus Herodes
 gerit;
 Judæa Idumæ servit, Arabarchæ
 Sion,
 Solyma profano, populus impio

Dei.
 Tot fortis inter sævientis vulne-
 ra,
 In servitute quamlibet gravi ta-
 men
 70 Scintilla quædam dignitatis pri-
 stinæ
 Adhuc supererat; disciplinæ &
 patriæ
 Vel quaecunque specimen, ipsis
 hostibus
 75 Etiam verendum: cœperat vi-
 ctor ferox,
 Et purpuratæ non minima pars
 curiæ,
 75 Honore leges prosequi Judai-
 cas.
 Hac recreati spe caput vix tol-
 lere
 Fessi miseriis cœperamus, quum
 nefas
 Ortum repente est, unde nullius
 mali
 Metus imminebat: ecce Bapti-
 stes novus,
 80 Non e profanis editus parenti-
 bus,

In-

1 Antipatri Semi-arabis pronepos] Legen-
 dum videtur *nepos*. Vide quæ nos de
 metr. Buchan. cap. III. §. 11. 27.

2 Arabarchæ] Occurrit hæc vox apud
 Cic. lib. II. ad Attic. Epist. 17. *Velim e*
Theophane expiscere, quonam in me animo sit
Arabarches. Et Juvenalem Sat. I. v. 130.

— Inter quos ausus habere
Nescio quis titulos Ægyptius aut Arabarches.

De nominis autem tum origine tum
 significatq., acriter disputant in utrum-
 que scriptorem commentatores & alii.
 Quidam enim Arabarchen vocatum existi-
 mant Arabiæ præfectum, aut publica-
 num, qui vestigali quadrupedum ex A-
 rabia in Ægyptum deveكتورum præerat.
 Adr. Turnebus Advers. lib. xxvii cap.
 25. Arabarchen magistratum contendit

fuisse Alexandriæ, qui Judæis præerat
 Alexandrinis, ejusque rei testem citat
 Joseph. Bell. Jud. lib. xxii. cap. 5. At
 Cujacius Observ. lib. viii. cap. 37. *Ala-*
barchen scribendum putat, ita dictum ab
 ἀλαβæ i. e. atramento quo scribimus,
 sive scriptura: quasi dicas *Magistrum scri-*
pturæ: i. e. præpositum vectigalibus,
 quorum ratio publicanorum scriptura
 constabat. Fullerio Misc. fac. IV. 16.
 Ἀλαβάρχης est qui vice Principis fun-
 gitur, priore vocabuli parte e Syrorum
 idiomate petita. Cæterum Buchananus
 nihil aliud intelligere videtur quam Prin-
 cipem ex Arabia oriundum, quippe cu-
 jus avus Antipater (Idumæus ideo dictus)
 ex Idumæa erat, quæ regio Arabiæ Pe-
 trææ pars olim censebatur.

- Interque cultus educatus exte-
res,
Sed gente noster, genere Levi-
tes, Deo
Primis dicatus usque ab incuna-
bulis,
Pontificis ipse natus, ipse pon-
tifex
85 Brevi futurus, ni cupitæ gloriæ
Fructus acerbos rapere mallet,
quam suo
Maturam honoris legere messem
in tempore.
Is ergo ruris devii solos colens
Solut recessus, sanctitatis tetricæ
90 Vulgus fefellit imperitum ima-
gine.
Hirto capillo, terga opertus pel-
libus,
Victu ferino, & id genus ' præ-
stigiis,
In se ora vertit omnium. Plebs
credere
Vatem repente redditum mundo
novum.
95 Et jam sequacis ille vulgi exerci-
tium
Traduxit ad se: jam relictis ur-
bibus
Hunc populus unum suspicit,
proceres colunt,
Reges verentur. Ille stolidæ in-
fania
Plebis superbus, alter ut Moses,
nova
100 Dat jura: lymphis expiare cri-
mina,
Adulterare ritibus leges novis
Audet vetustas: ² ut furore fa-
cilius
Vulgi fruatur, omnibus probris
patres
Lacerat, secundis plebis usus
auribus.
105 Quod si furentis insolenti auda-
cia
Latronis hujus nemo se cona-
tibus
Opponat, illa celebris orbi fan-
ctitas
Brevi peribit, imo perit, imo
perit.
G. Professionem nil temere no-
stram decet
110 Statuere: mites lenitas decet
patres:
Juvenum temeritati dari venia
potest:
At nulla nostram poterit excu-
satio
Velare culpam. Paullulum da
iræ locum,
Residat impetus, & dolor de-
ferveat.
115 M. Et tu, Gamaliel, hic fa-
cilegus quæ facit,
Tua,

¹ *Præstigiis*] [Sequitur eorum senten-
tiam Buchananus, qui secundam produ-
cunt syllabam. vid. Pincier. Parerg. lib.
III. cap. 23. & quæ ad Fabri Thesaurum
sunt adjecta.]

² *Ut furore*] Ita major & melior co-
dicum pars, Mamerti scil. Patissonii in
officina Roberti Stephani, 1579. Jacobi
Stoer, 1591. Genev. 1594. Pet. Sanctan-
dreani, 1597. Commelini, 1609. Hen.

Laurentii, 1618. If. Elzevirii, 1621.
And. Hart, 1615 & 1621. &c. i. e. ut
ego quidem interpretor, quæ facilius fu-
rentis effrenisque vulgi animos sibi concihet ac
retineat: eodem fere modo quo paullo su-
perius dixerat, Ille stolidæ infania plebis
superbus. Apud Raphelengium tamen
1609, Elzev. 1628 & 1676. Lond. 1686.
& alios, legitur, ut favore.

- Tua, ut videtur, approbas sententia.
- G. O Malche, Malche, nec probo aut damno prius
Quam quale quodque sit sciam:
quod vatem ad hunc
Spectat, vir adeo (quantum ego audio) malus
- 120 Non est, nec odio sic premendus publico.
- M. O sidera, o cœlum, o solum! Huic etiam viro
Non deest patronus, esse qui malum neget.
- G. Qui vitia carpit, qui docet mores bonos,
Præitque primus, quàm indicat aliis, viam,
- 125 Hunc esse mihi persuadeas malum virum?
- M. Qui jura spernit, qui docet sectas novas,
Novosque ritus, qui petit conviciis
Populi magistros, pontificibus detrahit,
Hunc esse mihi persuadeas bonum virum?
- 130 G. Si in nos severi & tetrici æque judices
Essemus, aliis quam sumus sæpe asperi,
Minus paterent publicis conviciis
Flagitia nostra. Blandiamur quamlibet
Nobis, beati prædicemur, cœlites.
- 135 Vulgo putemur, integri, casti, pii.
- At nemo nostrum maximis vitis vacat.
- M. Ut hæc, Gamaliel, vera sint, num cuilibet
E plebe fas est præfuli maledicere?
- Plebs audiat, plebs pareat, sit sobria,
- 140 Insecta frena non recuset: qui præest,
Plebs si quid erret, eam reducat in viam;
Lex ipse sibi sit: si quid autem erraverit,
Est qui scelestum cernat & plectat Deus.
- G. Et tibi videtur æqua lex hæc? M. Maxime.
- 145 G. Quinam? M. Quia propria est plebis ignorantia,
Error, temeritas, imperitia, cæcitas.
- G. E plebe media sæpe deprehenderis
Qui principum non cesserit prudentiæ.
- M. Quin ergo cathedra cedimus opilionibus?
- 150 G. Opilio Moses, opilio David fuit.
- M. Eos erudit cuncta spiritus Dei.
- G. Hunc poterit idem qui erudit illos Deus.
- M. Nobis relictis erudiet illum Deus?
- G. Non sceptræ spectat, non parentum stemmata,
- 155 Decusve formæ, aut regias opes Deus:

Pol.

[Eos] [Contrahenda vox in unam tris Buch. cap. III. §. 28.]
syllabam, vel Hæc legendum. vid. de Me-

- Polluta nullo corda sed contagio
 Cruditatis, fraudis & libidinibus:
 Hoc ille templo spiritus capitur sacer.
M. Equidem, Gamaliel, fatear ut verum, mihi
 160 Videre pridem sacrilegam hanc sectam tua
 Sententia probare. Non possum amplius
 Celare tacitus, cum tuis maioribus
 Indigna facias: qui tueri debeas
 Auctoritatem maxime unus omnium
 165 Nostram, repugnans maxime; idque in gratiam
 Juvenis furentis. Per Deum rogo, edoce,
 Qua spe ista tentas: aut quid hinc captas lucri?
 Forte ille honores aut opes dabit tibi,
 Qui dignitatem funditus nostri ordinis
 170 Evertit omnem, nosque ad inopiam vocat.
G. O Malche, vero procul aberas a scopo,
 Nostram tueri dignitatem si putas
 Nos posse fastu, viribus, superbia.
 Non hæc parentes ratio nostros extulit.
 175 *M.* Vetusſta veteres, nostra nos magis decent:
 Suique vivat quisque more seculi.
G. Quin potius omnes bona bonos semper decent,
- M.* Si quid paterni spiritus nobis foret.
G. Et nos paternis viveremus moribus.
 180 *M.* Poenas luisset morte nebulo hic, non minis.
G. Aliena nostro ab ordine est crudelitas.
M. Quicquid Deo præstat, id sanctum & pium est.
G. Morti immerentes impia est pietas dare.
M. Hunc immerentem, cuncta qui evertit, vocas?
 185 *G.* Si peccat ille, quin palam redarguis?
 Quin lumen ingenii exferis illic tui?
 Rudem peritus, doctus indoctum, senex
 Aggredere juvenem. Fors reduces in viam;
 Et tibi apud omnes comparabis gloriam.
 190 *M.* Curanda non est ista plaga molliter,
 Sed fune, ferro & igne: vel si quid scias
 Quod fune, ferro & igne sit crudelius.
G. Sit ille, qualem dicis, aut peior etiam,
 Si vis, dare unum te tamen decet tibi,
 195 Ut ante moneas hominem amice & leniter:
 Ne malle quisquam præcipitare te putet
 Dubium salutis, dexteram quam tendere
 Jam pessum eunti: plurimum interest tuam
 Ad famam, ut omnes invidi etiam intelligant

200 Servare te omnes velle, perde-
re neminem,
Nisi obstinata mente qui præ-
ceps ruat.

Unum oro saltem, te priusquam
longius

Abducatur ira, cogita quid asse-
qui

Hac obstinata pertinacia queas.

205 M. Nempe illud, hostem ut
opprimam, soler bonos,

Dubiosque firmem, & impu-
dentes terream,

Legesque patrias hoc cruore
fanciam.

G. Quin potius illud assequere,
ut omnibus

Grassatus esse viribus tyranni-
dis

210 Credare; sanctum donec oppri-
meres virum,

Ratione quem non potueris con-
vincere.

M. Sit sanctus ille, sit gravis
quantum libet,

Divinus illum spiritus non di-
rigit,

Quando instituta prisca patrum
negligit.

215 Et quando apud vos nil repe-
rio præsidii,

Contra ruinam regium auxi-
lium petam.

C. Recte Gamaliel admonet,
me iudice:

Et tu monenti obtempera. Sed
consilii

Recti hostis ira mentis aciem
obnubilat:

220 Auremque monitis obstruit fa-
lubribus.

G. Ille abiit ira incensus, &

fastu tumens.

Ego, quod licebat, sedulo pro
viribus

Monui furem, spiritus ni-
xus feros

Lenire verbis mollibus, fidum
dedi

225 Consilium: at ille tantum abest,
ut gratiam

Ingratus habeat, etiam ut ode-
rit bene

De se merentem. Vulgo ita
modo vivitur,

Nostrique coetus vitium id est
vel maximum,

Qui sanctitatis plebem imagine
fallimus:

230 Præcepta tuto liceat ut sperne-
re Dei;

Contra instituta nostra si quid
audeas,

Conamur auro evertere adver-
sarios,

Tollere veneno, subditisque te-
stibus

Opprimere: falsis regias rumo-
ribus

235 Implemus aures: quicquid ani-
mum offenderit,

Rumore falso ulciscimur, & in-
cendimus

Animum furore turbidum, &
calumniis

Armamus iræ sævientis impe-
tum.

Nullius ille nunc memor mo-
destiæ

240 Graditur ad aulam: commini-
scetur novas

Sectas oriri, sacra patrum de-
feri,

Auctoritatem regiam ludibrio
Patere,

[1 Præsidii] [Legendum præsidii.]

Tem. II.

F f

Patere, demum quicquid illi
commodum est,
Honesti sceleris nomina obten-
dens suo.
245 His si moveri senserit regem pa-
rum,
Inveniet aliud sævius telum :
in caput
Jurata regis clamitabit agmina,
Secreta fieri colloquia : nefa-
rium
Facinus parari : consilia clam
concoqui :
250 Cœtus coire nocte : privatas
opes
Per factiones impias augescere.
Hæc ille finget, aut atrociora,
ut est
Animi impotentis, barbaræque
jugiter
Cruelitatis auctor. Hæc in re-
gias
255 Stillabit aures toxica ingenii
sui.
Hoc adeo cunctis pene semper
regibus
Commune vitium, facile dela-
toribus
Præbere sese : quo quid est cru-
delius
Fictum, facilius creditur : va-
nos metus
260 Fingunt sibi ipsi ; mobilis fa-
mæ levem
Sequuntur auram : qui fideliter
monet,
Timidus habetur, languidus,

torpens, hebes.
Virtutis olim vertimus jam no-
mina,
Virtute nulla splendidi : sed
splendidis
265 Titulis superbi fallimus vulgus
rude.
Quod ad prophetam spectat
hunc, modestius
Se noster utinam gereret ordo,
& cautius.
Si missus huc est ille consilio
Dei,
Humana poterit nulla vis obfi-
stere :
270 Sin fraude rectum comminisci-
tur nefas,
Sese ipse gladio subito confo-
diet suo.
Interpretetur quisque pro inge-
nio ut lubet,
Si quis sequatur hic meam sen-
tentiam,
Cruore puras servet innocuo
manus,
275 Nec temere sancti prodigus sit
sanguinis :
Ne quæ statuimus in alios cru-
deliter
Exempla, recidant postea in
nostrum caput.
Immanitatis non sat Herodes
habet,
Ni facibus iræ subditis, accre-
verit
280 Animi furentis impotens cru-
delitas?

C H O R U S.

Quanta mortales latebris o-
paci
Nox tegit mentes ! quibus in
tenebris.

Degimus, lapsu celeri, fugacis
Tempora vitæ !
285 Occulit falsus pudor impuden-
tem,

Im-

- Impium celat pietatis umbra, 315 Pectoris curas, penitus reve-
 Turbidi vultu simulant quieta, lans
 Vera dolosi. Abditæ cæcum penetræle men-
 Qui fuit tristi gravitate vultus, tis,
 290 Unicum vitæ specimen mode- Cerneret miris variata formis
 stæ, Monstra non magno stabulare
 Æstuat præceps furiis, & atrox in antro,
 Fervet in iras. Plura quam terris ferat in re-
 Qualis Ætnæis vapor e cami- motis
 nis 320 Nilus & Ganges, Libyæque
 Saxa convolvit celeri rotatu, sævis
 295 Qualis arentem coquit in favil- Fœta portentis, latebrisque ni-
 lam gris
 Flamma¹ Vesevum: Caucasus horrens.
 Talis hunc cæcus furor ultio- Non² ibi tigris rabies cruentæ
 nis Deesset, aut fulvæ feritas læ-
 Cogit in vatem ruere innocen- næ,
 tem, 325 Non sitim nulla saturata strage
 Ut truci nudam male veritatem Dira sævorum ingluvies lupo-
 300 Crimine vexet. rum,
 Tu mali tanti genitrix, cupido Nec venenata basiliscus aura
 Gloriæ, vanò tumefacta fastu; Pestifer, longumque ferens so-
 Lausque fucati specie superne porem
 Splendida honesti: Aspis, & caudæ metuendus
 305 Mentis ut regnum semel occu- uncæ
 past; 330 Scorpius telo, lacrymisque fi-
 Fascinas blandis animos vene- ctis
 nis, Personans feram crocodilus al-
 Et relegata ratione turbas gam,
 Pectoris aulam. Nec doli vulpis, Phariæque
 Te fugit verum, pietas, pu- fallax
 dorque, Ludus hyænæ.
 310 Te fides, & quæ melioris ævi Ficta crudeles pietas tyrannos,
 Hospes, infames vitiis reliquit 335 Impios mores stola fimbriata
 Ultima terras. Celat: in panno tenui recon-
 Si quis, o, frontis nebulis re- dit
 motis, Nuda se virtus, tugurî sub um-
 Artifex nudas daret intueri bra

Rustli-

¹ *Flamma Vesevum*] Editiones Mamer-
 ti Patissonii, Paris. 1579. Jac. Stoer. *flamme*
 1591. Fran. le Preux, Genève, 1594. *seum*.
 Petri Sanctandream, 1597. Hier. Com-
 melini, 1609. And. Hart, Edin. 1615. ² *Non ibi*] And. Hart. 1615. *Non*
tibi.

Rustici, nec¹ se titulis superbis
Vendit; insanosque fori tumultus

340 Ridet, & plausus popularis auræ;

Nec cliens magni foribus patroni

Affidet: vitæ tacitos beatæ
Ruræ secreto sibi nota tantum
Exigit annos.

R E G I N A, H E R O D E S.

345 T U lentus usque auctoritatem regiam

Labare nondum sentis? in tuum caput

Nondum parari cæcus insidias vides?

Nam concitator iste vulgi, si alterum

Superfit annum, vincla, ² carcerem, cruces

350 Frustra mineri: jam suas circumspicit

Vires superbus: prosequentum jam grege

Obscurat aulæ regis satellites.

H. A turba inermi quod times periculum?

R. Secreta si conventicula fieri finas,

355 A genere nullo non timendum existimes.

H. At hic ruentem sponte populum ad se docet.

R. Magis timenda est fusa late factio.

H. Crimen refellit istud hominis sanctitas.

R. Hoc tecta velo sæpe flagitia latent.

360 H. A purpuratis vis timenda est satrapis.

R. Et a severis fraus timenda

hypocritis.

H. Inops, inermis, unda cui sedat sitim,

Dat silva victum, terra gramineum torum,

Quem cogitare poterit is sceptris dolum?

365 R. Vides amiculum, & cibum & potum vides:

At quod reclusum pectore gerit, non vides.

H. Conditio regum misera, si miseros timet.

R. Si nil timendo præda fit, miserrima.

H. Quid ergo tutum jam supererit regibus?

370 R. Omnia, quieti si quod obstat auferant.

H. Nempe hoc tyrannus interest regi bono:

Hic servat hostes, hostis ille civium est.

R. Utrumque durum est, & perire, & perdere:

Sed si eligendum est, præstat hostem perdere.

375 H. Cum non necesse est alterum, utrumque miserum est.

R. Tanto in tumultu nihil agendum est aspere,

Quum concitatur mobilis vulgi furor;

Leges,

¹ Nec se titulis superbis Vendit] Vendit pro venditat, seu gloriatur.

² Carcerem] And. Hart. 1621. carceres.

Leges, religio, auctoritasque
 principis
 Contemta plebi est infimæ lu-
 dibrio?
 380 Cave, lenitatis falsa species a-
 vocet
 Tibi mentem ab æquo: quæ vi-
 detur lenitas.
 Propius tuenti summa erit cru-
 delitas.
 Dum parcis uni factioso & per-
 dito,
 Is perditum omnes, in caput
 quos hic tuum
 385 Armare satagit. Finge fieri,
 quod fore
 Tandem necesse est, concitari
 mobile
 Ad arma vulgus, cuncta passim
 lugubri
 Ardere bello, vasta linqui præ-
 dia,
 Urbes cremari, virgines per
 vim rapi,
 390 Manusque dubia conferi victo-
 ria:
 Quum frena legum ruperit li-
 centia,

Damnabis istam sero tum cle-
 mentiam.
 Atque ecce coram pestis & mali
 caput.
 Hic cenfor ille est. Hunc roga,
 plura audies
 395 (Ni fallor) ab eo, fama quam
 vulgaverit.
 Nec miror esse sceptris qui sper-
 nant tua;
 Quando ipse pravos lenitate pro-
 vocas.
 H. Quum multa possis, facere
 viribus modum,
 Regum bonorum est. R. Itane?
 jam sceptris modum
 400 Hic faciet? hujus regnum ha-
 bendum arbitrio est?
 Si regis esset animus in te. . .
 H. Quin abis:
 Mihi hæc relinque. R. Quin
 abeo, ne denuo
 In os, ut ante, contumelias
 feram.
 Regina inulta quando cedit in-
 fimis,
 405 Quæ spes fovebit æquitatis cæ-
 teros?

HERODES, JOANNES, CHORUS.

J Amne abiit? abiit. Hoc aga-
 mus interim.
 Non est quod id te moveat,
 aut novum putes,
 Si læsa mulier nobilis, dives,
 potens,
 Regina denique, gravius æquo
 irascitur.

410 Vel ipse testis esse poteris opti-
 mus,
 Quantum saluti faverim semper
 tuæ.
 Namque universæ plebis odium
 te petit,
 Et ad luendas flagitat pœnas
 reum:

Do-

I *In os, ut ante &c.*] [Dixit quidem Te-
 rent. Adelphi. 1. 4. coram in os laudare; sed
 an liceat dicere, *ferre in os contumelias*, du-
 bito, cum diversum hæc locutio, nec

fatius honestum, posset capere sensum,
 quo ori alicujus illudere veteres dixeret.
 rectius mox dixisset, *exprobrare impudicas*
nuptias in os.]

Dolentque proceres, & sacer-
 dotes fremunt.
 415 Atque adeo quid sit, quod que-
 relam publicam
 Incendat, edam breviter. O-
 mnes ordines
 Laceras maledicis concionibus
 palam:
 Vulgusque veterum decipis le-
 gum rude,
 Lethale spargens dogmatis vi-
 rus novi:
 420 Et turbulentis vocibus regni
 statum
 Tranquillitatemque labefactas
 publicam:
 Parere prohibes milites duci
 suo,
 Parere populum Cæsari, vulgo
 nova
 Dum regna spondes: liberos
 iugo extero
 425 Fore polliceris, speque vana
 concitas:
 Gentem rebellem nec finis
 quiescere.
 Et calamitatum ceu tulissemus
 parum,
 Romana demens arma rursus
 provocas.
 Nec dubito quid sis ausus ab-
 sens, quum palam
 430 Mihi impudicas exprobraris
 nuptias:
 Et odia populi nixus in me ac-
 cendere,
 Fratremque mecum prælio
 committere
 Tentaris, in te quod erat. Ac
 velut parum
 Scelerum patraffes, ausus omnia
 in omnium
 435 Pariter salutem, bella jam cœ-
 lo paras:

Et sacra, quibus hoc hæctenus
 regnum stetit,
 Abolere tentas. Hæc populus
 omnis fremit:
 Lentumque legum me querun-
 tur vindicem
 Patriarum; at in te durius ni-
 hil tamen
 440 A me profectum est: & modo,
 quicquid favor
 Judicis amici & benevoli pote-
 rit dare,
 Tribuetur a me liberaliter tibi.
 Neque enim tyrannum genuit
 avidum sanguinis
 Vestri pater me Assyrius aut
 Ægyptius:
 445 Et patria, & altrix, & parens
 eadem mihi
 Vobisque terra est: infima quo-
 ties perit
 De plebe quisquam, corporis
 membrum mei
 Toties revelli existimo; meus
 cruor
 Mitti videtur: facilem & æ-
 quum judicem
 450 Herodem habebis. Si refellere
 cætera
 Objecta poteris, quicquid in
 me dixeris
 Olim meosque, gratiam facio
 tibi.
 Tu, teste populo, intelliges
 injuriam
 Negligere propriam, persequi
 me publicam.
 455 Utinam ipse reliqua diluas sic
 crimina,
 Severitatis ut mihi nullam tua
 Occasionem linquat innocen-
 tia.
 C. Hæc perge carus esse: vives
 posteris

Clarus.

Clarus. Nec auro, nec cater-
 vis militum
 460 Tam crede regna tuta, quam
 quæ caritas,
 Et æquitate parta defendit fi-
 des.
 7. Tenenda populi frena cui
 credit Deus,
 Audire oportet multa: cuncta
 credere
 Neceſſe non eſt: quæſtus, in-
 vidia, favor,
 465 Timor, dolorque sæpe vera
 ſupprimunt.
 E plebe ſi quis aut patrum in-
 clementius
 Me credit in ſe prolocutum
 quippiam,
 Vitam neceſſe eſt arguat prius
 ſuam,
 Orationem quam meam culpet.
 Mea
 470 Hæc ratio ſemper fuit, ¹ uti
 reprehenderem
 Delicta publica publice: occul-
 te nihil
 Facio, doceove. Non latebras
 aucupor
 Cæcas; nec homines, ſed vitia
 redarguo.
 Cum me rogarent milites, quo-
 nam modo
 475 Servire poſſent pariter & regi
 & Deo:
 Pulſare vetui, rapere, vim fa-
 cere, dolo
 Circumvenire improvidos, com-
 ponere
 Cupidinem juſſi ad modum ſti-
 pendii.
 Nec ſpem novarum prædico

rerum, niſi
 480 Quam vos prophetis ex vetuſtis
 creditis
 Mecum: nec unus interim e tot
 millibus,
 Auſtore me qui principem con-
 temſerit,
 Proſertur. Iſta ſive fama rettulit,
 Seu finxit ira cæca, dum præ-
 ceptis furit
 485 Studio nocendi, nuda facile ve-
 ritas
 Per ſe reſellet. Sacra quam pie
 colam
 Et inſtituta vetera, nullum cer-
 tius
 Indicium opinor, quam meo-
 rum criminum
 Præclarus index quod palam
 non prodeat;
 490 Clam murmuret, ubi facile fit
 ſiſtis locus.
 Quod te negavi poſſe fratris
 conjugem
 Habere jure, id ipſe tecum co-
 gita,
 Utrum placere tibi ſit æquius,
 an Deo.
 Atque utinam iſ animus omni-
 bus itidem foret,
 495 Quicumque regum ſeſe amici-
 tiæ dicant,
 Ut vera malint proloqui ac ſa-
 lubria,
 Quam blanda damno mox fu-
 tura: quot malis
 Præcluſus aditus eſſet & mo-
 leſtiis!
 Ego ſi quid olim liberius ac ve-
 rius

500

¹ *Uti reprehenderem*] [Non recte cor-
 ripitur hic ultima in *uti*. vid. de metris
 Buch. cap. III. §. 16.]

500 Dixi, tu, ut æquum est æqui-
 tatis vindicem,
 Æqui bonique bonus & æquus
 consule:
 Tuæque fines hos statue poten-
 tiæ,
 Mensura legum quos tibi præ-
 scripserit.
 Quod jus in alios hîc habes, in
 te Deus
 505 Aliosque reges omnium Rex
 obtinet.
 Proinde quicquid de capite sta-
 tues meo,
 Statuere id ipsum crede de tuo
 Deum.
 H. Quum in astra venies, lo-
 quere tum cœlestia:
 Terrena jura patere, dum ter-
 ram coles.
 510 J. Terrena vereor regna, pa-
 reo regibus:
 Æterna patriam regna puto,
 regem colo.
 H. Res ipsa clamat, regibus
 quam parcas;
 Parere regem qui tuis vis legi-
 bus.
 J. Si ferre leges mihi liceat,
 edicerem
 515 Parere populos regibus, reges
 Deo.
 H. Sat litigatum est: rursus
 hunc abducite.
 Perplexæ res est: donec cun-
 ctæ certius
 Comperta pateant, stat nihil
 decernere.
 C. Qui de tyranni oratione se
 autumat
 520 Perspicere mentis posse sensus
 abditos,
 Næ turbido se credere speculo
 sciat.

Utinam secundet cuncta cœ-
 lestis parens!
 Sed ominari metuit animus quæ
 timet.
 H. Fortuna regum quam mise-
 ra sit & anxia,
 525 Nec fando poterit explicare o-
 ratio,
 Nec cogitando mentis acies as-
 sequi.
 Nos esse vulgus liberos solos
 putat,
 Solos beatos, quos egestas ob-
 fidet,
 Formido cruciat, misera servi-
 tus premit.
 530 Quodcunque populus diligit,
 cupit, timet,
 Audet fateri libere; procul me-
 tu
 Fruitur modestis opibus: at no-
 bis foris
 Persona honesta est induenda:
 cogimur
 Vultu benigno humaniter pro-
 mittere;
 535 Palam profari iusta; ficto pe-
 ctore
 Differre bilem; suppressere o-
 dia in suum
 Tempus; minari maxime, cum
 maximæ
 Causæ timoris anxium pectus
 premunt.
 Spernit modestum principem
 plebs, asperum
 540 Odere. Vulgo serviendum est
 mobili,
 Et imperandum: nil meo arbi-
 trio gero.
 Hunc si prophetam perdo, po-
 pulum offendero:
 Si servo, regno consulo parum
 meo.

Quid

- Quid ergo agendum est? Idne
dubium est? imperi
545 Habenda ratio est: ipse mihi
sum proximus.
Si ob sceptrâ populo servien-
dum est, stultius
Quid esse poterit, regna quam
pessundare,
Placere vulgo dum studes? plebs
gaudia
Irasque temere sumit, & teme-
re abjicit.
550 Nunc stat cruore auctoritatem
regiam
Stabilire: vulgus facile post
placabitur.
Si serpere malum latius præsens
fino,
Remedia vincet: ausus est vi-
delicet
Mihi impudicas exprobrare nu-
ptias
555 In os: id illi impune si permi-
sero,
Non stabit illic hominis impu-
dentia.
Jam sceptrâ leges ad suas flecti
volet:
- Jam vincla captis induet: jam
non regi,
Sed regere cupiet, jura regibus
dabit,
560 Confundet imis summa: gli-
scenti malo
Statim medendum est: ante-
quam crescat, recens
Flamma opprimenda est: con-
tumelias novas,
Veterem ferendo, provocas,
injuriam.
Populo secundo si expetere pœ-
nas queam,
565 Populi faventis gratiam non ne-
gligam:
Si nequeo, regno cuncta stat
postponere.
Quid Malchus iste garriat de
legibus,
Quas curiosas quæstiones litibus
Inexplicatis jactet, id nihil mea
570 Referre credo, modo populus
unam hanc sciat
Legem tenendam, præter ut
leges, mihi
Licere quidvis, esse legitimum
putet.

C H O R U S.

- O** Spatioſi conditor orbis,
Cujus trepidant omnia
nutum,
575 Cœlum nitidis ignibus aptum,
Tellus vario florida cultu,
Tumidum refluis æstibus æ-
quor:
Nonne ad nostras pertulit au-
res
580 Fama prioris conscia secli,
Ævi splendida facta prioris?
Cum-tu, validæ robore dex-
træ,
Auro atque opibus regna super-
ba
Ipsa exstincti a stirpe revel-
lens;
Illorum ut nos agro infereres;
585 A-
Nec motæ ad Lunam trepidabis arundinis
umbram.
- I Cujus trepidant omnia nutum] Wetst.
nuu: at elegantior magisque Poëtica re-
cepta lectio. Juv. Sat. 10.
Tom. II.*

585 Agro, haud ense, aut jaculis
 nostris,
 Aut consilio vique parato:
 Sed nos cœli favor omnipotens
 Per fera tutos agmina duxit.
 Non tu Rex ille Itacidarum?
 590 Non tu gentis Deus Hebrææ?
 Cujus ductu perfida castra
 Proculcavimus, hoste peremto:
 Non consili robore nostro,
 Sed duce, & auspice te, præ-
 claras
 595 Sæpe retulimus patriæ palmas.
 Nunquid penitus deferis, olim,
 Genitor, populum tibi dile-
 ctum?
 Nunquid fabula linquimur ho-
 sti?
 Spræta est pietas: religio jacet:
 600 Fraus purpurea regnat in au-
 la:
 Populus, tanquam victima, san-
 ctus
 Dat pia sævæ colla securi:

Vates pereunt ense tyranni:
 Nostris gaudent luctibus hostes:
 605 Et pietatis sub prætextu,
 Meriti pœnas regna gubernant:
 Meritos regnum pœna coërcet.
 Exsurge, tuo populo fer opem:
 Exsurge parens optime, & ho-
 sti
 610 Da te talem cernere, qualem
 Te viderunt æquore patres
 Rubro Pharios mergere currus:
 Qualem vatis fatidici olim
 Te puer oculis vidit apertis,
 615 Dantem igniferis frena quadri-
 gis,
 Totis flammæ spargere campis.
 Te, caligine pulsa erroris
 Humanæ qui lumina mentis
 Obruta cæca nube recondit,
 620 Et quæ primo sole tepescit
 Tellus, & quæ mergere ponto
 Cernit rutilæ lumina flammæ,
 Unum agnoscat cuncta poten-
 tem.

M A L C H U S, J O A N N E S.

Sic se profecto res habent
 mortalium,
 625 Ut optionem si tibi obtulerit
 Deus,
 Incertus erres: quid recuses,
 quid velis.
 Opes, honores, rem tibi &
 tu's cupis?
 Quæ perdiderunt sæpe voti
 compotes.
 Hosti imprecari's vincla, car-
 cerem, fugam?
 630 Quæ sæpe pariunt maximam
 illi gloriam,
 Tibique damnum: quod adeo
 verum meo
 Didici periculo, exempli ne lon-

ge petam.
 Nam cum remotis montium de-
 gens jugis,
 Baptista vulgus fascinaret hic
 novus,
 635 Plebisque secum credulæ trahe-
 ret gregem,
 Ego Pharisææ dignitatis vin-
 dicem
 Me præstiti unum, cæteris cun-
 ctantibus:
 Nec experiri cuncta, desii-
 prius
 Quam dura fontes vincla pres-
 serunt manus,
 640 Hostemque carcer publicus
 compefcuit.

Au-

- Aulamque totam criminum implevi. At nihil,
 Ut video, profunt vincla, carcer, crimina:
 Sic plebis animos occupavit impiæ
 Vis dira pestis, omniumque pe-
 645 Lethale virus perbibere, ut il-
 lius
 Clades honorent, ingemant per-
 ruculis.
 Quacunque pergo, me exse-
 crantur, indicant
 Me digito, iniquo me intuen-
 tur lumine:
 Illi faveatur sacrilego, qui sustu-
 lit
 650 Rerum universa & ordinum dis-
 crimina;
 Et excubatur ante clausum car-
 cerem.
 Nihil miserius esse nobis arbi-
 tror,
 Qui nos omisis rebus aliis com-
 modo
 Populi dicamus: quisquis illi
 mancipat
 655 Se, collocatam gratiam sciat
 male:
 Ut qui maligno semper ingenio
 solet
 Favere pravis, optimates sper-
 nere.
 Quo conferam me? quid que-
 rar primum? quibus
 Potissimum irascar? cui opem
 primum feram?
 660 Pseudopropheta populus im-
 pius colit:
 Mussant Rabini, connivet Rex,
 negligunt
 Procures: ruentes solus his hu-
 meris ego,
- His fulcio humeris patrios ri-
 tus, manum
 Nullo admovente: publicam
 solus vicem
 665 Doleo: quid igitur? deferam
 munus? sacra
 Legeſque prodam, dignitatem-
 que ordinis?
 Meque esse patiar hostibus lu-
 dibrio?
 Patiar profecto. Nam quid aliud
 jam queam?
 Feramne solus, ferre quod cun-
 cti abnuunt?
 670 Et me ruinæ publicæ objiciam?
 Deus
 Sua tueatur: quando jam sic
 vivitur,
 Ut quisque caveat sibi, ego mi-
 hi sum proximus.
 Si male gero rempublicam, in
 meum caput
 Ruina verget: qui favent nunc
 maxime
 675 Stanti, jacentem calcibus pri-
 mi petent.
 Si bene geram rem, gratiam
 male collocem,
 Nihil parabo præter invidiam
 mihi.
 Nunc Gamalielis sero consiliura
 placet,
 Nisi forte sero nemo respiscere
 potest.
 680 Malo ego requirant hic meam
 constantiam,
 Quam re peracta temeritatem
 puniant.
 Quod cuique visum est sentiant:
 molestiis
 Ego me explicabo, & gratiam
 refarciam
 Hoc cum propheta: nec ani-
 mi simplex homo

- 685 Renuet opinor. Duriorem si
mihi
Se ostendet, omnes admovebo
machinas,
Ne populus illum credat arti-
bus meis
Periisse: populum si reconcilia-
vero,
Non undequaque cesserit res 710
pessime.
690 Atque ipse, opinor, ipse nimi-
rum est, vide
Qui cœtus illum sacrilegum se-
quitur comes.
In urbe media nos inanes inte-
rim
Inter cathedras desidemus: at
libet
Audire primum quid magister 715
hic ferat.
695 J. O magne rerum rector, au-
ctor, arbiter:
Te quicquid aër continet laxo
sinu,
Quæcunque tellus educat, quic-
quid suis
Fretum sub undis nutrit, agno-
scit Deum,
Sentit parentem, legibus semel 720
datis
700 Obsequitur ultro tramite im-
mutabili:
Jussu tuo ver pingit arva flori-
bus
Fruges dat æstas, fundit au-
tumnus merum,
Hiems pruinis vestit albicanti-
bus 725
Montes, in æquor curva vol-
vunt flumina
705 Moles aquarum, mare recipro-
cat vices,

Noctem Diana, Phœbus in-
cendit diem,
Et inquieta lustrat orbem lam-
pade.
Nil denique usquam est sive cœ-
lo, seu solo,
Quod non libenter pareat Regi
suo,
710 Amet parentem, & officiis qui-
bus potest
In conditorem studia declaret
sua.
At solus homo, quem cæteris
longe magis
Gaudere decuit, & obsequi ius-
sis Dei,
Contemtor unus inter omnes
maxime est:
715 Præcepta spernit, frena legum
rejecit:
In omne præceptis facinus it: li-
bidine
Metitur æquum: ponderat jus
viribus.
M. Principia recte sese habent
tibi hætenus.
J. Nec tam per orbem devias
miror vago
720 Errare gentes, quam populum,
qui se Dei
Hæreditatem jactat, & conviciis
Incessit alios, impiosque clami-
tat:
Quum nulla, qua sol cunque
terras adspicit,
Gens orbe toto vivat effrenatius.
725 M. Sane locutus cuncta vere es
hætenus.
J. Nec ista vulgi culpa tantum
est mobilis:
Levita longe veste fulgens
candida,

Le-

1. *Levita longe veste fulgens candida Legisque scriba turgidus scientia*] Non facile con-
stat

- Legisque scriba turgidus scientia,
 Et vos verendi ætate matura senes,
 730 Obliquus error devio flexu abstrahit:
 Viduæ orphanique caussa vestra ad pulpita
 Succumbit; opprimitque dives pauperem:
 Iniqua juxta & æqua sunt venalia.
 M. Disrumpor ira: tacitus hæc ut audiam?
 735 J. At vos Rabini, sanctitate cæteros
 Præstare qui simulatis & scientia,
 Et vos sacerdotum sacrata dignitas,
 Princepsque sacri pontifex collegii,
 Decimatis omne terra quod profert olus.
 740 Non vos anethum, mentha, ruta, & allium,
 Urtica non vos aut viride fœnum fugit:
 At si legendum, si docendum scilicet
 Responsa vatum, & sanctioris orbita
 Monstranda vitæ, vestra demum auctoritas
 745 Est muta, muti non latratis hîc canes,
 Circumfrementes vestra non ovilia
 Lupos abigitis: quid lupos dixi? lupi
 Vos estis ipsi, vos gregem de-
- glubitis.
 Vos lana vestit, lac sitim sedat, famem
 750 Caro: gregem non pascitis, vos pascitis.
 M. Faceffat hinc in maximam malam crucem
 Concordia: egone patiar amplius meo
 Sic insolenter contumeliam ordini
 Fieri? Deus me si ex olympo mitteret
 755 Hac lege, ut hæc sint audientia, deseram
 Mandata potius, ista quam dici audiam.
 Durare nequeo ulterius: heus tu vir bone,
 Turbæ magister unice: hæc nempe est tua
 Doctrina? populum incallidum sic instruis?
 760 J. Si probuses, ad te haud attinent quæ dicimus.
 M. Ad te sacerdotem attinet traducere?
 J. Bene puto dici, cum malis dictum est male.
 M. Parere juvenem convenit majoribus.
 J. Parere cunctos convenit magis Deo.
 765 M. Te jussit igitur ista proloqui Deus?
 J. Jubet profari vera cunctos veritas.
 M. Tacuisse vera sæpe multis profuit.
 J. Cum scelere juncta nil moramur commoda:

M.

stat horum versuum constructio, nisi antecedentia Baptistæ verba huc revoces, *Præcepta spernit, &c.* aut simile quid ad sensum perficiendum tibi supplies.

- M.* Scelus videtur, ni scelus dicas, tibi.
- 770 *J.* Scelus videtur tot perire milia
Spectare, possim cum reducere in viam.
- M.* Reducere? gregis nonne pastores sumus?
- J.* Si res quidem eadem est pascere & deglubere.
- M.* Rerum tuarum satage, nostra desere.
- 775 *J.* Vicina cum res agitur, agitur & mea.
- M.* Quis tandem es, oro, auctoritate hac præditus?
- Tunc ille Christus patribus promissus es?
- J.* Non sum. *M.* Propheta es ille? *J.* Non sum. *M.* Es Helias?
- J.* Nec Helias sum. *M.* Si nihil es horum, neque
- 780 *Spes nostra Christus, nec Propheta, nec Helias,*
Quinam auctor audes esse baptis-
mi novi?
- Quem te esse tandem perfere-
mus? indica.
- J.* Vox sum in remotis montium clamans jugis,
Viam parate, facite rectas se-
mitas
- 785 ¹ Veniente Domino: cujus ad-
ventu cavæ
In plana valles explicabunt se,
solo
Saxosa montes culmina æqua-
bunt: ego
In nomen ejus abluo populos
aquis,
Cui detrahendis servus etiam
- foeculis
- 790 Indignus essem, nemo quem
agnoscit, licet
Versetur inter vos, & usque
obambulet.
- M.* Quos iste laqueos nescit,
atque ambagibus
Eludit! istam quam tibi sic vin-
dicas
Auctoritatem quo probas mira-
culo?
- 795 *J.* Possem ego vicissim te roga-
re etiam, tuam
² Auctoritatem quo probes mi-
raculo?
- M.* Ut contumax est! quamli-
bet celes, tamen
Quid in furorem te rapiat, om-
nes sciunt.
Nostra profecto crescere invi-
dia cupis,
- 800 Rem comparare gloriamque in-
commode
Nostro, artibusque vis potens
feri malis.
Nec decipis nos: ipse tete de-
cipis.
Nec primus ista es fallere ag-
gressus via:
Postremus utinam debitas pœ-
nas luas:
- 805 Aut potius animum in melius
admonitu meo
Mutes: & auctor ut fuisti er-
rantibus,
Mutatus auctor sis revertendi
in viam.
Vidi severam veste sanctimo-
niam
Præ se ferentes, ut facile face-
rent fidem

810

¹ Veniente Domino] Werst. Venienti: at metrum non recipit.

² Auctoritatem quo probes] Editt. Edimb.

1578. Elzev. 1628. Werst. 1687. Londin.
1686, quo probas.

- 810 Animi modesti & simplicis: post
artibus
Ubi his honores comparassent
& opes,
Nudare sensim ingenia: probi-
tatem prius
Bene simulatam propalam con-
temnere,
Et frena veris moribus permit-
tere.
- 815 Quod si hac honorum tendis ad
fastigia,
Rerum imperitum fallit igno-
rantia:
Non isto ad altam tramite itur
gloriam.
Ni me fefellit pessime non pes-
simus
Magister usus, & senectus usus
parens,
- 820 Famæ reique consules melius
tuæ,
Si tuta potius appetas quam

- splendida.
7. Si vera dico, recta facio,
cur mihi
Quisquam imperare debeat si-
lentium?
Sin falsa, doctus imperito id in-
dica.
- 825 M. Horum pigebit, morte
quum pœnas lues.
7. Isthæc minare fata formi-
dantibus.
M. Si vivo longum, faxo non
lætabere
Hac contumacia. Scies quid sit
senes
Negligere, scribas jurgiis pro-
scindere,
- 830 Dictis Rabinos provocare pro-
cacibus:
Et quando amicos nos habere
negligis,
Quid possit odium forte cogno-
sces senum.

C H O R U S.

- A**D furta qui se comparat,
Nocturna vitat lumina:
835 Odit facem sicarius,
Sui furoris consciam:
Puer recusat pharmaca;
Condita amaro absynthio:
Abhorret a salubribus
840 Vulnus resectum emplasmatis.
Occulta cui mentis mala
Secreta rodunt pectora,
Huic est molesta veritas,
Quæ cor revelat turbidum.
845 At vos severi hypocritæ,

- Quos fronte duros tetrica
Lucrum juvat nefarium; ex-
Errare vulgi creduli,
Quantumlibet recondita
850 Celaveritis crimina,
Quamvis tegatur sordida
Sentina mentis impiæ;
Vos vestra conscientia
Secreta rodens arguit:
855 Vos clausus intra viscera
Occultus exest carnifex,
Daro flagellans verberet.
O ter beatum & amplius,
Qui

[Duro flagellans verberet] Forte Surdo
legendum: quemadmodum Juvenal. Sat.
13. v. 192. quem hic imitatus videtur
molter.

— Cur tamen hoc tu
Evassisse putes, quos duri conscia fatis
Mens habet attoniti os, & surdo verbe e credit;
Occultum quatiente animo tortore flagellum.

Qui purus animi ad iudices
860 Non fit reus domesticos;

Clauso nec in præcordiis
Tortore semper vapulat:

MALCHUS, CHORUS, REGINA.

IN rege nulla certa spes est:
publicam
Suamque causam prodidit pra-
vo ambitu,
865 Populo placere dum studet, dum
gratiæ
Venatur auram, lenitatis ima-
gine
Me plebis iræ nixus est suppo-
nere:
Suasque voluit vindicare inju-
rias
Meo periclo. Nempe Baptistæ
necem
870 Ut si videret ægrius ferre popu-
lum,
Populo paratus capite confestim
meo
Litare: populus si tulisset le-
viter
Novæ interemtum factionis
principem,
Quod se ultus esset maxima
cum gloria,
875 Credi volebat: callide: sic ex-
hibent
Alternæ regescivium de sangui-
ne
Spectacula sibi, & cæde ludunt
mutua.
Quodcunque vulgus approbat,
sibi vindicant:
A se patratum prædicant: lau-
di suæ
880 Nostri laboris arrogant indu-
striam.
Popularis aura si favoris flexe-
rit
Secus ac putabant & petebant,

transferunt
Culpam in ministros: & cruo-
re innoxio
Animaque vili crimen avertunt
suum.
885 Supereft doloris sola nostri par-
ticeps
Regina, tigris orba ceu catu-
tulis furens,
Baptista thalami quod prioris
foedera
Polluta coram rege non proba-
verit,
Palamque vetitos lege damna-
rit toros
890 Cum uxore fratris. Flamma
dum recens calet
Iræ æstuantis, turbidæ menti
faces
Supponam, alamque commo-
dis sermonibus.
Atque ecce sese in tempore of-
fert commode.
C. Nunc flamma flammæ, to-
xicum nunc toxico
895 Accedit: instat ultimum peri-
culum.
M. Regina salve, splendidum
gentis decus,
Et sola regni digna tanti culmi-
ne.
R. Et tu Rabine Malche: sed
quid tristis es?
M. Idem quod animum, ut ar-
bitror, pungit tuum.
900 R. Fortasse: sed tu quid sit,
ede apertius
M. Ecquid animo æquo fers
dignitatem tuam
Sperni?

Spurni? per orbem sacrosanctam
regi

Auctoritatem nominis vilescere?

Et sceptrum vulgi subijci ludibrio?

905 *R.* Quid ergo faciam? quod
remedium sit, doce.

M. Iras & animis, & tuis natalibus,

Thalamisque dignas corde tandem concipe.

R. Jamdudum id actum est:
rumpor ira, lacrymo,

Objurgo, clamo: sed nec ira
& lacrymis

910 Promoveo quicquam: verba
venti dissipant.

M. Si auctoritate, qua decet,
apud conjugem

Esset, inultas sic tuas injurias
Tulisset, aut, ut verius dicam,
suas?

R. ² Studia ipse populi, Malche, cernis. Forsitan

915 Hac rex putavit posse poena
spiritus

Acres retundi, & mitigari audaciam.

M. Tu si feroces spiritus cœcitos

Putes latroni huic vinculis & carcere,

Erras. Ferarum sævit acrius furor,

920 Quas fracta fudit cavea, quam
quas deviis

Silva alta semper educavit montibus.

Quid liberatus non aget, cujus

colit

Nunc vincla populus? Provo-
cata accenditur,

Non mitigatur ira: contumeliis

925 Elatus animus ad furorem impellitur.

R. Quin lenietur? potius hoc beneficio:

Quod qui perierat pertinacia sua,

Sit liberatus regia clementia.

M. Quod tu beneficium, ille putat injuriam:

930 Seseque vinctum quam solum
sæpius

Per te meminerit. *R.* Asperum ingenium refers.

M. Id pene cunctis insitum est mortalibus:

Quod bene patraris, gratia illico perit;

Quod male patraris, nullus obliviscitur.

935 Odere cuncti propemodum beneficia,

Quorum memoriæ juncta sunt maleficia.

Baptista quoties memor erit meriti tui,

Meminisse toties sceleris eum sui puta:

Se scelere credet non solutum, sed tuo

940 Animo nocentem, liberum pravo ambitu;

Pœnam remissam, in tempus iram suppressi.

R. Ingenia sæva mitigat benignitas.

M.

¹ Sed nec ira & lacrymis] Utraque editio And. Harti nec ira nec lacrymis, repugnante carminis lege.

Tom. II.

² Studia ipse populi] Elzev. 1628. Westf. aliaque nonnullæ Belgicæ editiones, Studia ipsa.

- M.* Longo quod usu¹ in pejus
usque induruit,
Multo facilius fregeris, quam
flexeris.
- 945 *R.* Quin ergo dubiam, quid sit
e re, præmones?
M. Reddam expedita hæc fa-
cile, si credas mihi.
R. Modo præmoneto, nulla
erit per me mora.
M. Quærendo, agendo, pro-
videndo, haud otio,
Res magnæ aguntur. *R.* Si ni-
hil promoveris
- 950 Quærendo, agendo providen-
do, non in magis
Præstat quiesse, quam nego-
tium ut tibi
Frustra facellās, & aliis sis ri-
sui?
M. Quod sæpe vis non perficit,
vincit labor.
Nec alta quercus icta subito

- sternitur:
955 Nec vertit aries bellicus primo
impetu
Muros: frequenter quæ putaris
perfici
Non posse, tempus expedit:
quæ non potest
Plerumque ratio, expugnat
importunitas.
Proinde presa: lacrymis misce
preces,
960 Irasque monitis, blanda dicta
jurgiis:
Ambi maritum sedulo omnibus
modis:
Occasiones usquequaque am-
plectere.
Si peragi aperte res nequit, ten-
das dolos.
Quod spectat ad me, certa stat
sententia,
965 Nisi re peracta neutiquam de-
sistere.

C H O R U S.

- T**Andem livor, & impiis
Accensus furiis dolor
Vires sævitæ suæ
In vatem exseruit pium.
970 Illinc sæva calumnia
Diræ juncta tyrannidi
Pugnat fraude nefaria:

- Hinc innoxia veritas
Nullo fulta satellite
975 Spernit terrificas minas.
Tot telis petitur caput
Unum: tot pariter doli
Intentant juveni necem.
² Ille ut tunsa furentibus

980

¹ In pejus usque induruit] Quintil. lib. II. cap. 4. Frangas citius quam cornas quæ in pravum induruerunt.

² Ille ut tunsa furentibus Ilex dura aquilombus] Ita recte exhibent Editio Edimb. 1578. Francof. Wecheli 1578. Mam. Patissonii 1579. Sanctandr. 1597. Raphe-
leng. 1609. Commel. 1609. And. Harti 1621. Glasg. 1684. At Genev. 1593 & 1594. Jac. Stœri 1591. And. Harti 1615. Elzev. 1621 & 1628. Janson. 1640. Westf.

1687. Lond. 1686. Joan. Cairns 1677. &c. tunsa in tonsa mutavere, decepti, ut videtur, illo Horatii, Carm. 4. Od. 4.

Duris ut ilex tonsa bipennibus

Nigræ feraci frondis in Algido,

Per damna, per cædes, ab ipso

Ducit opes animumque ferro.

Quamvis enim ilex tonsa bipennibus elegantissime dicatur; non propterea Ilex tonsa aquilonibus quis proprie dixerit: longe quippe diversum sensum tondere & tondere

980 Ilex dura aquilonibus;
 Aut rupes remeabili
 Quam fluctu mare verberat,
 Nullo concutitur metu.
 O numen venerabile
 985 Cunctis, candida Veritas!
 Quam nec bellica vis metu,
 Nec fraus insidiis potest
 Firmo pellere de gradu:
 Sola non metuis graves
 990 Fortunæ instabilis vices:
 Non obnoxia casibus
 Ullis, pectora robore
 Armas insuperabili:
 Et vitæ dominam & necis
 995 Parcarum indomitam manum
 Nobis esse vetas gravem.
 Sed cesso vatem convenire,
 nuncio
 Ut impleam aures omnium mi-

ferrimo?
 Atque eccum ante ipsas carce-
 ris stantem fores.
 1000 Propago sanctis sanctior paren-
 tibus,
 Et innocentiae una pristinae fi-
 des,
 Incolumitati, dum tempus fi-
 nit, tuæ
 Consule: Rabinus Malchus in-
 tentat dolos:
 Occulte inops regina consilii
 furit:
 1005 Blanditur aula: rex suam sen-
 tentiam
 Dissimulat: alii vera mussant
 dicere:
 Jam tempus instat ultimi disci-
 minis.

JOANNES, CHORUS.

Q Uid est pericli? C. Mor-
 tis urget terminus.
 J. Hæc summa nobis imminen-
 tis est mali?
 1010 G. Quo nullum in hominem
 cadere possit amplius.
 J. Ut vis tyranni cesset ac do-
 lus, feret
 Hanc sponte nobis temporis
 longinquitas,
 Pravo timendam, at innocenti

optabilem.
 C. At tu salutem negligas tuam
 licet,
 1015 Te ratio nostri tangat: istos
 spiritus
 Paullum remitte: precibus ani-
 mum regium
 Flecte: per amicos non inexo-
 rabilem
 Spero futurum. J. Sedulo non-
 ne hoc ago?

C.

*dere animo ingerunt: hoc enim percutere
 aut verberare, illud scindere vel amputare
 significat. Virgil. Æneid. V. 124.*

*Est procul in pelago saxum, spumantia contra
 Littora, quod tumidis submersum tunditur olim
 Fluctibus, hyberni condunt ubi sidera Cori.*

Claudian. in Rufin. 1. 275.

Te nobis trepide ceu sidus dulce carinæ

*Ostendere Dei, geminis quæ lassa procellis
 Tunditur. ———*

Et Buchan. ipse Psal. 65.

--- Fugaque inquietis Tunsa procellis.

I Parcarum indomitam manum } Ita E-
 ditio Edimb. 1578. Raphel. 1609. And.
 Hart. 1621. cum aliis nonnullis: at
 Mam. Patissou. 1579. Jac. Stoeer. Per.
 Sanctandr. Commelin. Elzev. 1621. &
 1628. And. Hart. 1615. Gen. 1593 &
 1594, indomita habent, quod metrum
 non recipit.

H h 2

C. Utinam tibi istam præbeat
mentem Deus.
1020 J. Nihil precari est opus: is
animus jam diu est.
Explere properat rex meo iram
sanguine:
Nec ego recuso: qui magis re-
gem queam
Placare, quam quum volumus
eadem & nolumus?
C. Bona verba. J. Quid igitur
mihi auctor es? duo
1025 Reges utrinque facere pugnan-
tia jubent:
Cœlestis alter, misericors, cle-
mens, bonus;
Terrenus alter, impotens, fe-
rox, malus:
Mortem minatur alter; alter
me vetat
Mortem timere, pollicetur præ-
mium
1030 Vim non timenti: corpus alter
perdere
Potest; at alter corpus una &
spiritum
Torquere flamma poterit inc-
vitabili.
Hi quum repugnent, consule
utri paream.
C. Placare nunquam postea He-
rodem datur,
1035 Oblata si nunc prætereat occa-
sio:
Dei sed ira semper est placabi-
lis.
J. Divina quanto sævit ira len-
tius,
Hoc mota pœnas exigit seve-

rius.

C. Sic fata spernis, quæ Deus
mortalibus.
1040 Timenda voluit esse? neve cor-
poris
Animique sanctum dirimeret
confortium
Oblata temere caussa, vincolo
mutuo
Amoris animum corpori con-
nexuit.
J. Non sperno mortem: at
morte momentanea
1045 Fugio perennem: quem Deus
lucis mihi
Concessit usum, reddo repeten-
ti libens.
C. Itane relinquis orphanos pa-
rens tuos?
J. Nunquam orphanus erit,
qui Deum credit patrem.
C. Nil te propinqui, nil ami-
corum movent
1050 Lacrymæ, impotenti quos ty-
ranno deferis?
J. Non deferor, sed potius ab
eis deferor.
Namque, institutam ab initio
mundi viam,
In fata curro. Nempe lege hac
nascimur,
Quicunque lucis fruimur almæ
munere,
1055 Conditio cunctos una cohibet,
tendimus
In mortem: eo nos singuli du-
cunt dies.
Mortem esse pœnam voluit im-
probis Deus,

Bo-

[*Momentanea*] [Ignorant Quiritibus
vocabulum, sed Christianis frequenta-
tum. *Momentarius*, quo Apulejus utitur,
magis placebat Vossio. vide Borrichii

cogitationes, qui nos remittit ad inscrip-
tionem apud Gruter. pag. 1064. ubi ni-
hil reperio in hanc rem: alteram spuriam
nihil moramur.]

- Bonisque portum, terminum
longæ viæ,
Ad longioris vitæ initium januam,
1060 Quæ nos perennis splendidam
ad lucis domum
Mittat renatos verius quam
mortuos:
De carcere hic est exitus mortalibus,
Et ad carentem mortē vitam
transitus:
Hac universus præiit coetus patrum,
1065 Cuncti sequentur. Quis, ubi
liquit carceres,
Non cursor animo rapitur ad
metam? freto
Quis æstuosa nocte tenebrosa
vagus
Portu recuset se quieto conde
re?
Quis exul, errans per peregrini
soli
1070 Deserta tesqua, doceat in pa
triam cito
Sese reverti? Lætus ergo tra
mite
Decurso ad ipsum stare metam
me puto.
Jam prope peractæ liber e vitæ
freto
Prospicio terram: de peregrino
solo
1075 Domum revertor, optimum pri
mum patrem
Visurus: illum nempe patrem,
qui solum
Revinxit undis, induit cælum
solo;
Regitque certas mobilis cœli
vices:
- Servator, auctor, rector unus
omnium:
1080 Cui cuncta vivunt viva juxta ac
mortua.
Ut flamma sursum sponte vol
vit vortices,
Undæ deorsum perpeti lapsu
ruunt,
Propriumque pergunt ire cun
cta ad fomitem:
Jamdudum anhelat spiritus cœ
lo editus
1085 Rerum ad parentem lucis æter
næ incolam,
Quem contueri est vita, mors
non cernere.
Non, si pruinis obftet horrens
Caucasus,
Aër procellis, unda tempesta
tibus,
Tractusque nimis invius calo
ribus,
1090 Eo ire pergam? non, tot ut vi
deam duces,
Reges, prophetas, judices pios,
via
Rumpenda, vel si mille mortes
obstruant?
Ergo recluso corporis de car
cere,
Eo evolare spiritus liber cu
pit,
1095 Quo cunctus ibit orbis serius
ocys.
Nam longa vita nil, opinor,
aliud est,
Quam lenta duro servitus in car
cere.
O mors laboris una laxamen gra
vis!
O mors doloris portus, & mali
quies!

1100

1 Servator, auctor] And. Hart. anni 1621, Scrutator, auctor.

H b 3

1100 Notumque paucis commodum
mortalibus!

Formido pravis, & bonis vo-
tum! tuo

Sinu recepta naufragum hoc
corpulculum,

Et sempiternæ duc quietis indo-
mum,

Quo non sequetur vis, dolus,
calumnia.

1105 G. O te beatum hac pectoris
constantia!

O nos misellos, quos iners ani-
mi metus

Felicitatis privat hoc confor-
tio!

Quando igitur ipse quod opus
est facto tenes,

Salve valeque sempiternum di-
cimus.

1110 Quam discors hominum tra-
mite dispari

Verfat lis animos! non metuit
mori,

Qui nil commeruit: qui meruit
mori,

Si vanis leviter mors crepuit
minis,

Exsanguis trepidat degeneri
metu.

1115 Quam mortem fugiunt gnavi-
ter improbi,

Per flammæ, per aquas, saxa-
que devia:

Tam mortis cupidi præcipi-
tant boni

Illustres animas dura per o-
mnia.

Nempe ignota malis commo-
da mors habet,

1120 Et fati comes est vita bea-
tior.

Nec toti morimur: sed me-
lior rogos

Nostri pars avidos spernit, &
æthera

Sublimis patrium scandit, &
igneos

Inter cœlicolas certa animas
manet

1125 Sedes innocuas: at male con-
scios

Manes exagitant sulphureo in
lacu

Crinitæ colubris Eumenides
nigris,

Et jejuna avidi guttura Cer-
beri,

Et nunquam saturi copia Tan-
tali.

1130 Hinc formido malis: hinc bo-
na spes bonis;

Et vitæ fragilis prodiga pecto-
ra,

Dum vitam properant infragi-
lem sequi.

O Siren magicis illecebris po-
tens,

Et fallacis amans vita fugax
boni!

1135 Tu nobis teneris blanditiis
mali

Vicinum effugium claudis: &
obstruis

Portum perpetuæ pacis ama-
bilem;

Nullus terror ubi Martius in-
crepat,

Nec rauco reboant classica
murmure,

1140 Nec pirata rapax æquora ter-
ritat,

Nec latro tacitum trux nemus
obsidet,

Nec sceptri misera prædo cu-
pidine

Insanus populis exitium creat:
Nec felix placido solus ut otio

1145 Torpescat, tenues cladibus
obruit;
Nec viles animas qui misera-
bilis
Vulgi pro titulis mutet inani-
bus.
Sed tranquilla quies, almaque
faustitas;
Et simplex probitas omnia
possidet,
1150 Et ferri in tenebras indocilis
dies,
Et vita alterius nescia funeris,
Et luctus queruli nescia gau-
dia.
O dulce hospitium corporeæ
domus,
Et vitæ nimium carcer ama-
bilis,
1155 Jam tandem magicis exue nexi-

bus
Mentem cœligenam, quam
patriæ suæ
Oblitam gremio amplecteris
ebriam
Lethes somniferæ deside to-
xico,
Et lætam thalami degeneris
jugo.
1160 O fallax lutei tegmen amicu-
li,
Vanesce in cineres rursus
abiens tuos;
Ut rursus patrio reddita mens
polo
Puri se radiis luminis expleat:
Et te pestiferis morte labori-
bus,
1165 Et mentem anxiferis solve mo-
lestiis.

R E G I N A.

Pharisæus igitur spem fefel-
lit: rex pari
Se vanitate pariter & me pro-
didit,
Vulgi loquacis dum timet ru-
musculos.
Formido misere, nata quid
rerum gerat,
1170 Saltationis nuper in convi-
vio
Cui rex frequenti præmium
sponderat
Quodcunque peteret: illa Ba-
ptistæ caput
In lance pepigit se petituram,
& feret:
Feret profecto, nisi parum
notus mihi

1175 Sit regis animus. Liber invi-
dia necis,
In me odia populi vertet, ut
reor, libens.
Et ego, peracta re, libenter
id feram:
Odium ultionis gaudio, ma-
culam lucro
Pensabo. Turpe est esse atro-
cem fœminam.
1180 Turpe, nisi reges esse inultos
turpius
Foret. Sed ambo proferunt
pedem domo
Rex & puella: quo propior
est spes, metus
Hoc gravius urit: cuncta for-
tinet Deus.

HERODES, PUELLA, REGINA.

- D** Eliberatum quid rogares
jam tibi
1185 Satis videtur? *P.* Sic satis: si
quidem satis
Promissa regum certa sint, &
regia.
H. Ne metue firma, testibus
coram, fide
Sancita: regni posce dimi-
dium mei,
Vel si quid animo carius re-
gno est tuo,
1190 Feres; volentem nulla vis a-
verterit.
P. Istud brevi jam quale sit
videbimus.
H. Jam posce, certum est.
P. Nil opus regno tuo
Mihi est, quod æque, rege-
re, meum reor,
Ac si ipsa teneam: rem facilem
& æquam peto.
1195 *H.* Non ego, sed ipsa, ne fe-
ras, tibi in mora es.
P. Da in hac recisum lance
Baptistæ caput.
H. Quod verbum ab ore te-
mere tibi, virgo, excidit.
P. Non temere. *H.* Donum
virgini indecens petis.
P. Non indecorum est faci-
nus hostem perdere.
1200 *H.* Hic igitur ira dignus ho-
stis regia est?
P. Is dignus ira est, scelere
qui hanc meruit suo.
H. Quod nunc remedium ple-
bis odio reperiam?
P. Parere populi est, impe-
rare regum.
- H.* Æqua imperare regium est.
P. Quod iniquum erat
1205 Prius, imperando facere rex
æquum potest.
H. At imperandi lex facit re-
gi modum.
P. Si principi quod placuit
est jus, jam modum
Non regibus lex, legibus sed
rex facit.
H. Pro rege fama me tyran-
num perferet.
1210 *P.* At sceptrametuit. *H.* Me-
ruit: & garrit tamen.
P. Compesce ferro. *H.* Re-
gna male servat metus
P. Et regna vertit facile sce-
lerum impunitas.
H. Securus est, quem civium
servat fides.
P. Neceffe reges est timeri,
diligi
1215 Neceffe non est. *H.* Odia
crudelem premunt.
P. In rege vulgo lenitas con-
temnitur.
R. Hæc tota, opinor, ten-
dit huc oratio,
Promissa vana ut effluant.
Nondum mihi
Regum videre nosse quæ sint
munera.
1220 Si honesta credis esse regi &
turpia,
Quæ honesta vulgus credit esse
& turpia,
Falleris: amici, proximi, so-
cer, gener,
Fratres, sorores, civis, hostis,
pauperum

Sunt

Sunt vincla: vana regibus vocabula.
 1225 Diadema quisquis induit capiti semel,
 Vulgaris omnes ponat officii gradus.
 Nil arbitretur turpe, quod regi utile:
 Nullum indecorum facinus esse existimet,
 Suæ salutis quod facit causa. Salus
 1230 A rege populi pendet: igitur consultit
 Populi saluti, quisquis in regem est pius.
 Tantine sanguis hujus erit homunculi,
 Ut tu diebus sollicitus ac noctibus
 Non conquiescas? Deme nobis hunc metum,
 1235 Scepbris pudorem, vastitatem mœnibus,
 Armis rapinas, civicum bellum omnibus:
 Statuere magno oportet exemplo & novo,
 Ut sacrosancta regna sint mortalibus.
 Scelus patravit: scelere pessum eat suo.
 1240 Si nil patravit, conjugii pereat tuæ.
 Da conjugii hostem: conjugem si negligis,
 Promissa redde filiæ, rex & parens.
 H. Promissa certum est optima reddere fide:

At illa, si me consulat, sapientius
 1245 Optabit. R. At, si consulat me, ne sua
 Consilia mutet. H. Itane? sicne oportuit
 Jurasse temere? sic puellæ meam
 Obstringere fidem? sic salutem, regnum, opes,
 Vitam, necemque sceminæ committere?
 1250 R. Promissa regum certa firmet veritas.
 H. Quando negare non licet, quod modo licet,
 Admoneo. rursus, & oro, ne quid sanguine,
 Sexuque vestro, & regio culmine parum
 Dignum patrare cogat iracundia.
 1255 R. Hæc mitte, nostræ linque curæ cætera.
 H. De vate si quid statueritis durius,
 Vestra illa culpa, vestrum erit periculum.
 R. Jam vindicata dignitas est regia,
 Ne pateat ulli in posterum ludibrio:
 1260 Jam saxo populus pervicax de regibus
 Loqui modeste vel malo discat suo:
 Et siue reges æqua iniquave imperent,
 Æquo ferenda populus animo omnia putet.

C H O R U S.

- D** Avidis regnum, Solymæ-
que turres,
1265 Et locupletis Solomonis ar-
ces,
Unde tam dirus furor in pro-
phetas?
Sanguinis justis sitis unde sæ-
va?
Quem decet normam pietatis
esse,
Unicum est vitæ specimen 1290 Arbiter cœli, maris atque ter-
scelestæ.
1270 Furta, vis, cædes, dolus &
rapinæ
Sunt tuæ tirocinium palæstræ.
Non sacerdoti pietas nefan-
dis
Fraudibus suadet cohibere dex-
tras.
Cultor idoli populus reliquit
1275 Omnium rerum dominum &
parentem:
Pro Deo lignum colitur la-
pisque:
His calent aræ vitulis & agnis:
Et suæ dextræ simulacra ado-
rat
Artifex: vitam sine lege trun-
cum
1280 Poscit, a muto eloquium pre-
catur:
Pauperi dives, dominus mi-
nistro
Supplicat: ritus pereunt ve-
tusti.
Te prophetarum cruor inno-
centum
- Judicis magni rapit ad tribu-
nal:
1285 Pauperes clamant, viduæque
cœlum
Questibus implent.
Ergo te justæ manet ultionis
Pœna non mendax, nisi fallor
augur.
Namque, qui fastus premit
insolentes,
1290 Arbiter cœli, maris atque ter-
ræ,
Spectat ex alto, lacrymasque
plebis
Et preces tristes meminit, ma-
nuque
Vindice infandi sceleris pro-
pinquas
Exiget pœnas: quibus intu-
mescis,
1295 Insolens victor tibi vertet ar-
ces:
Barbarus miles tua possidebit
Prædia: externo domino re-
fundet
Vinitor fructus tuus: alta qua
nunc
Surgit in cœlum ¹ Solomonis
ædes,
1300 Exterus messem faciet colo-
nus.
Ergo dum præbet tibi pœni-
tendi
Numinis favor spatium, re-
lictis
Turpiter vitæ vitiis peractæ,
Exteri ritus simulacra pelle;
1305

¹ *Solomonis ædes*] Libris omnibus *Solomonis* legitur, pro quo non dubitavi-
mus *Solomonis* reponere, ut ead. scen.

v. 4. quemadmodum & aliis scriptoribus
id nomen constanter declinatur.

1305 Et sitim fraterni avidam cruo-
ris,
Et famem argenti cohibe pro-
fanam.
Sed nec exactæ male poenite-
bit
Te tuæ vitæ, neque sacra ab
æde
Exteriritus simulacra pelles;
1310 Nec sitim fraterni avidam

cruoris,
Nec famem argenti fugies pro-
fanam.
Ergo te pestis vitiosa car-
pet,
Te fames, bellum, macies,
egestas
Opprimet, donec merito re-
pendes
1315 Sanguine poenas.

NUNCIUS, CHORUS.

Q Uis indicabit ubi repe-
riam gentium
Comites prophetæ, nuncium
ut tristem feram?
C. Nisi forte properas, siste
paullisper gradum:
Eloquere paucis: scire quid
feras juvat.
1320 N. At non juvabit scisse, scire
quod cupis.
C. Ut ut se habent res, ne
moram invade brevem.
N. Scisti puella ab rege quid
petiverit?
C. In lance vatis sibi caput
cæsum dari.
N. In lance vatis abstulit cæ-
sum caput.
1325 C. O facinus atrox! ille cœ-
lestis vigor,
Decusque vultus morte tristi
emarcuit!
Et ora nuper plena sacro nu-
mine
Clausit perenni dira vis silen-
tio!
N. Quid fles? inanes mitte
questus fundere.
1330 C. Quum flenda videam & au-

diam, flendum negas?
N. Si flenda mors est, mor-
tuos illi fleant
Quorum sepultæ spes jacent
cum corpore;
Qui post soporis terminum
brevissimi
Reditura membra non putant,
& alteram.
1335 Superesse vitam. Mortuos mi-
seri fleant,
Miserosque tantum: neminem
facere potest
Fortuna miserum: similis in-
fontem licet.
Sontemque maneat terminus
vitæ, ramen
Male morietur nemo, qui vi-
xit bene.
1340 De genere miseros exitus si ju-
dices,
Miseros putabis tot patres san-
ctos, quibus
Crux, ensis, unda, flamma
clausit spiritum.
Nam veritatis qui satelles oc-
cidit
Pro religione, patriisque le-
gibus,

1345 Ominibus illum prosequi bonis decet,

Votisque vitæ pascere similem exitum.

C. Vere profecto es elocutus omnia.

At nos, opinio quos & errores trahunt,

Dum fata fugimus, fata stulti incurrimus.

1350 Ignis pepercit, unda mergit: aëris

Vis pestilentis æquori ereptum necat:

Bello superstes tabidus morbo perit,

[Ominibus illum prosequi bonis decet] Longe major codicum pars male Ominibus habent. Liv. in Præf. Cum bonis potius omnibus votisque ac precationibus Deorum Deorumque, si, ut Poëtis, nobis quoque mos esset, libentius inciperemus. Cic. Phil. 12. cap. 8. Proficiscantur legati optimis omnibus. Suet. in Augusto cap. 57. Revertentem ex pro-

Differre, non vitare fata dat Deus:

Et scœneramur mortis in dies moras

1355 Morbis, periculis, luctibus, molestiis.

Nec longa vita est aliud ac longi mali

Catena, mortis nexa ad usque terminum

Serie perenni. Nec ligati hoc vinculo

Servire miseri nos putamus: exitum.

1360 Quam servitutem potius exhorrescimus.

vincia non solum faustis omnibus, sed & modularis carminibus prosequantur. Et ipse Buchan. de jur. reg. pag. 19. l. 16. — cum bonis omnibus & faustis acclamationibus prodeuntem: ubi in Edict. Francos. & Mosman. omnibus perperam itidem legitur.

F I N I S.

GEOR.

GEORGII BUCHANANI
S C O T I
P O E M A T U M

P A R S A L T E R A :

In qua continentur,

FRANCISCANUS & FRATRES.

ELEGIARUM Liber I.

SILVARUM Liber I.

HENDECASYLLABON Liber I.

IAMBON Liber I.

EPIGRAMMATUM Libri III.

MISCELLANEORUM Liber I.

DE SPHÆRA Libri V.

MEDEA & }
ALCESTIS } Euripidis Poëtæ Tragici, Latino carmine redditæ;

SATYRA in Carolum Lotharingum Cardinalem.

GEORGE BUCHANAN

1802

ROMAN

PART I

FRANCIS BUCHANAN

EDITION 1802

SILVER PLATE

HENDON ASSAYED

LONDON 1802

THE ASSAYED

MISCELLANEOUS

DE SPHERA

MEDIA

ALCANTARA

SATYRA in Carolum I. et II. Carolum

GEORGIUS BUCHANANUS JACOBO STUARTO

MORAVIÆ Comiti S. P. D.

ANTE annos fere triginta, cum ruri apud Comitem Cassiliffæ essem, scripsi per otium Elegiam, quæ animos Franciscanorum magis quam pro re offenderat. Homines enim in paupertate ambitiosi, & qui sub umbra honesti flagitia potius tegerent, quam ex virtute præstitis officiis suam existimationem tuerentur, nihil molestius ferebant, quam pellem, ut ait Horatius, sibi detrahi. Itaque totis suæ impotentiae viribus (qui patribus illis religiosus mos erat) in me incumbunt, & animo gladiatorio injuriam (ut ipsis videbatur) tam insignem ultum eunt: adeoque homines, in maledicendi palæstra exercitati, criminibus seminandis brevi perfecerunt, ut ad Regias etiam aures parum belli de me rumores penetrarent. Verum longe alio atque illi exspectaverant successu. Nam Rex jampridem eorum artes deprehendere cæperat, & ad opinionem de flagitiis eorum prope confirmatam nova etiam accesserat offensio, quod in causa hominis nobilis, qui majestatis erat accusatus, Franciscani, qui in omnia omnium negotia falcem (quod dicitur) immittere solebant, parum sincere se gessissent. Itaque iisdem fere, quibus hæc gerebantur, diebus, cum ad Regem, qui me paullo ante filio suo instituendo præfecerat, in Aulam venissem, is mihi cont. uo multis audientibus imperavit, ut in Franciscanos aliquid, idque etiam acriter, scriberem: non quod mihi in eo genere facultatem existimaret esse præcipuam, sed quod me, opinor, stimulis privati doloris incitatum, acriorem injuriæ publicæ fore vindicem speraret, quando etiam, quod ait Poëta lepidissimus,

Si natura negat, facit indignatio verbum.

Verum contra longe tum evenit. Ego enim, qui hominum illo-
rum

rum impotentiam probe nossem, & opes magis timerem, quam re-
vererer virtutem, abjectis belli consiliis, statuebam quavis ra-
tione mitigare potius, quam acrius irritare, bestias natura fe-
ras & prope implacabiles. Itaque ut Regi in Franciscanos, &
Franciscanis in me iratis pariter satisfacerem, carmen por-
rexi, quod ejus adversus illos iræ impetum eluderet, & eo-
rum erga me animos non accenderet vehementius. Erat enim
& verbis & sententiis ita scriptum ambigue, ut in utramvis par-
tem Lectori facilis esset interpretatio. Deinde nullum mihi re-
servavi exemplar, ne latius ejus rei fama promanaret. Verum
id consilium, quantumvis mihi callidum videretur, adeo me fe-
fellit, ut dum utrisque placere studeo, neutris satisfacerem. Nam
& illi statim per speculatores, quos habebant in Aula frequen-
tes, rumore vulgato, omnes concionum suarum aculeos in me di-
stringebant, & in facinore incerto suæ malevolentiae certam da-
bant significationem. Et Rex acriores a me stimulos poscebat,
qui non modo summam pungerent cutem, sed in intima usque præ-
cordia penetrarent. Neque id erat adeo difficile, in homines tam
delicatos, & ita sua opinione sacrosanctos, ut ad levissimas eo-
rum offensuscunas expiandas,

- - - Non debeat una parari

Simia, nec serpens unus, nec culeus unus.

Itaque [scripsi,] & jure, ut mihi tum videbatur, iratus, &
ut Regi satisfacerem, quoniam illis non possem, carmen de vi-
ta, moribus & institutis eorum inchoavi, ejusque principium
Regi flagitanti obtuli. Et tamen, animis utrinque irritatis, ut
aliquem mihi ad eorum gratiam reservarem receptam, nulli præ-
terquam Regi carminis ejus copiam feci. Illi vero, qui meo sup-
plicio cuperent aliorum ora obstruere, & securitati suæ in lon-
ginquum prospicere, non destiterunt, & per se maledicis concio-
nibus, & per suæ factionis amicos in Aula, primum a filio Regis
instituendo me abstrahere, deinde in exilium ejicere, exulem to-
tis potentiae viribus per Angliam, Franciam, Hispaniam, &
Liguriam persequi. Tandem post vicesimum quartum exilii mei
annum, cum Nobilitatis Scoticanæ consensione tyrannis eorum
esset oppressa, capî retractare Satyræ, jussu Regis inchoa-
tam,

tam, varietate temporum communium interpellatam, meorum [temporum] iniquitate intermissam: ac vix tandem per otium absolutam, sub tuo, Jacobe Stuarthe, nomine potissimum edere statui, qui in patria ab illis monstris expurganda princeps operam navasti; eamque adeo strenuam, ut quæ Græci, homines summo ingenio & doctrina, in maxima fingendi licentia, de Hercule suo fabulati sunt, tu rebus præstiteris; & incredibili tua virtute antiquitatis fidem adeo sublevaveris; ut quæ nemo fieri posse credebatur, a te facta non minus omnes gaudeamus, quam admiremur. Accedit etiam illud, quod patris tui æs alienum, licet sero, tandem aliquando tamen existimarem tibi per paternam ingredienti vestigia potissimum solvi debere, & ita solvi, ut temporis moram fœnoris amplitudine compensarem. Vale, Fano Andree, Nonis Juniis, 1564.

FRANCISCANUS & FRATRES.

FRANCISCANUS.



VNDE novus rigor in vultu? tristisque se-
veris

Frons caperata minis, tardique modestia
gressus?

Illaque frenatæ constans custodia linguæ?

Quo lepor & risus abiere, salesque venusti?

5 Nec pila delectat, nec rauci in pulvere circi

Flectere cornipedem, volucrem nec ducere visco,

Nec leporem canibus, nec certo cominus ictu

Figere ramosi vivacia pectora cervi?

Sæpe mihi humanæ meditati incommoda vitæ,

10 Spesque leves, trepidosque metus, vanosque labores,

Gaudiaque instabili semper fucata sereno,

(Non secus ac navis lato jactata profundo,

Quam venti, violensque ætus, canusque magister

In diversa trahunt,) tuto subducere portu

- 15 Decretum ¹ quodcunque mihi superesse fugacis
 Fata sinent ævi, sanctisque impendere curis
 Finem animæ, & stolidæ lacrymis commissa juventæ
 Abluere infani citra commercia mundi.
 O sanctum festumque diem! cum carnabe cinctus,
 20 Obrafumque caput duro velante cucullo,
 Auspiciis, Francisce, tuis, animo insitus astris,
 Præcipiam ætheriam terreno in corpore vitam.
² Hic scopus, hæc meta est, plenis huc tendere velis
 Mens aver, ut stabili tandem statione potita,
 25 Irrita fallacis fugiat ludibria mundi.
 Si tibi propositum est sanctæ compendia vitæ
 Carpere per virtutis iter, nucibusque relictis
 Exserere immerfam cæca caligine mentem, &
³ Ad fontes penetrare boni, tenebrisque remotis
 30 Tollere perspicuos animi ad cœlestia visus,
 Vota quidem laudo & magnis congratulor ausis:
 Sed si degeneris recti ⁴ seduceris umbra,
 Et sequeris vanum transverso tramite fastum,
 Dum tempus te resque finit, ⁵ cecinisse receptum
 35 ⁶ Ne pigeat, temere inceptos nec flectere cursus:
 Neu tu sinceri recteque monentis amici
 Despice consilium; nec te plus obstitit annis
 Error, & infani moveant deliria vulgi,
 Quam ratio simplex, & nullis oblita fucis,
 40 Et veri inventrix: sed nec me oppedere cœlo
 Crede, nec in Divos redivivam attollere Phlegram.

Nam-

¹ *Decretum*] In editione Basileensi, anno, ut videtur 1568. Hen. Stephani 1569, & Commeliniana 1609, legitur, *Decrevi*.

² *Hic scopus, hæc meta est*] Ita Steph. 1569. Basil. 1568. Genev. 1584 & 1594. And. Hart. & Commelin. Abest autem [est] ab Elzev. 1621 & 1628. Weist. Lond. 1686, aliisque nonnullis Editr.

³ *Ad fontes penetrare*] Boët. lib. III. Merr. 9. 23.

*Da fontem lustrare boni, da, luce reperta,
 In te conspicuos animi defigere visus.*

Unde quidam forte arbitrentur hic [fontem] & [conspicuos] legendum, non [fontes] & [perspicuos:] at nulla opus mutatione.

⁴ *Seduceris umbra*] [Rectius *deduceris* scripssisset. *seducere* enim Latinis est seor-

sim ducere, ut constat. adhæsit hoc Buchanano ex Theologorum inquinato sermone, ut aliquoties hoc verbo perperam utatur.]

⁵ *Cecinisse receptum*] Quamvis usu longe frequentius sit *ceciniisse receptui*, nihil tamen impedire videtur quo minus *ceciniisse receptum* Latine dicatur, pari modo quo Ovid. Met. 1. 340.

----- *Cecinit iussos inflata receptus.*

Et Trist. IV. 9. 31.

----- *Cane, Musa, receptus.*

Ita enim ex optimorum codicum fide reposuit accuratissimus Nic. Heinsius; cuius loco *recessus* utrobique vulgo legitur.

⁶ *Ne pigeat*] Recentiores codices, *Neu pigeat*, & vers. seq. *Non tu sinceri* -----

Namque ego sum teneris semper veneratus ab annis
Pontifices, sanctosque patres, quos candida virtus
Reddidit æterna dignos in secula fama.

- 45 Attamen haud quoties longo sub firmate rasum
Cerno caput, tortum funem, latumque galerum;
Atque fenestratum soles captare cothurnum,
Cernere me Paulum credo: nam veste sub illa
Sæpe latent sævi truculenta mente tyranni,
50 Sæpe latro, lurcoque vorax, & fœdus adulter,
Et simulatus amor, fallaxque modestia vultus,
Quæ tegit innumeras sub ovillo vellere fraudes.

- Ergo cave ne te falso sub nomine mendax
Simplicitas fors transversum seducat, & illuc,
55 Unde referre pedem nequeas, trahat: & puerum olim
Me quoque pene suis gens hæc in retia mendax
Traxerat illecebris, nisi opem mihi forte tulisset
Cœlitus oblata Eubuli sapientia cani.

- Et quoniam, ut video, morbo cruciaris eodem,
60 Sive nocens gramen, magicive potentia cantus,
Seu genii fraus forte mali tibi sustulit omne
Judicium, sævo mentem excantante veneno,
Experiar furias purgamine mentis eodem
Expugnare tibi, quo me sine fine furentem,
65 Gaudentemque malis, indulgentemque furori,
Eubuli eripuit divina scientia docti.
Tu modo ne dubita, monitis nec certius istis
Esse pûta insanæ quod ructavere Sibyllæ.

- Ergo ubi lustrali novies te asperferis unda,
70 Signarisque novem crucibus, totiesque meracum
Hauferis helleborum, niveo cum flore revulsum
Moly tenens, memori quæ dicam mente reconde.

- Hæc licet a sanctis olim gens patribus orta,
Clara quidem niveo morum candore refulsit,
75 Implevitque sua venientia secula fama;
At nunc posteritas, vera pietate relicta,
Degenerem quæstum fordesque secuta, caducas
Cogit opes, ficta & sub relligione pudendos
Occultat mores, & famæ innixa parentum
80 Seducit stolidum pietatis imagine vulgus.

Et ne forte tibi præstringat lumina vanus
Splendor, & attonito velut ad spectacula vultu

Suspi-

I Atque fenestratum soles captare cothurnum] Recentiores Atque fenestratum so- leas c. c. Fefellisse videtur infra v. 45. Soleasque æstivum admittere solem.

- Suspicias sanctæ simulacra evanida vitæ,
 Eja age spectemus quid sit, quod vulgus, & ipsi
 85 Pontifices, rerum domini, summique Monarchæ
 Tantum admirentur: quid raso vertice calvum
 Conferat esse caput, quid longo syrmate talos
 Usque tegi, soleasque æstivum admittere solem,
 Et quæ prætextu latent portenta sub illo:
 90 Quæ monstra abscondat vestis sinuosa; quid artis
 Vana superstitio, ¹ mentes ut fascinet ægras,
 Sit commenta; ² suas quam vendat callida nugas.
 Principio huc omnes tanquam ad vivaria currunt,
 Queis res nulla domi est, quibus est irata noverca,
 95 Quos durus pater, aut plagosi dextra magistri
 Territat, aut legum timor, aut quos dedita somno
 Exercet nullis Lethæa ignavia curis:
 Deinde quibus gelidus circum præcordia sanguis
 Obstitit ingenio, quos sacro a fonte Camœnæ,
 100 Quos Pallas Phœbusque fugat, ³ quos sidere torvo
 Aspicit infausto ⁴ volucer Tegeaticus ortu.
 Hi cum infrugiferæ spatium trivere juventæ
 Musarum in studiis frustra, jam mollibus umbris
 Sic fracti, nec bella pati, nec ducere remos,
 105 Nec terram incurvo norunt suspendere aratro:
 Ergo famem adversus, violentaque frigora brumæ,
 Hic sibi desidîæ portum, atque ignobilis otî
 Esse rati, huc properant: illis custodia portæ
 Creditur, ast aliis cura est commissa culinæ:
 110 Hic hortos fodit, hic viduas circumvenit: illi
 Pinguius ingenium est, rus ibit, fallat agrestum
 Vulgus hebes, pueris fragrantia poma, puellis
 Amuleta dabit, tenero redimicula collo:
 Donec blanditiis, fabellisque admirandis
 115 De larvis, deque empusis, & lumine cassis,
 Tandem captatum trahat in sua retia piscem.
 Adde his, quos febris, quos vexat dira phrenesis,

Aut

¹ *Mentes ut fascinet ægras, Sit commenta*] Ita, monente viro docto (qui variantes lectiones suasque nonnusquam conjecturas Editioni Elzevirianæ anni 1621 subjecit) hunc locum restituiimus, pro quo libris omnibus editum est, *mentes ut fascinet ægras, Est commenta*.

² *Suas quam vendat*] Forte legendum, *suas cum vendit*.

³ *Quos sidere torvo*] Steph. *Queis sidere torvo Aspicit infaustos volucer Tegeaticus ortus*.

⁴ *Volucer Tegeaticus*] i. e. Mercurius eloquentiæ Deus, a Tegea urbe Arcadiæ sic dictus. Stat. Sylv. I. 2. 18.

Et de Manalia volucer Tegeaticus umbra.

Et Syl. V. 1. 101.

---- Non plura interprete virga
Nuntiat e celsis ales Tegeaticus astris.

- Aut alius cerebri expugnator morbus: in ipsa
Morte siti, cum jam medicus spondere salutem
120 Desierit, longa stolidi vertigine jurant
Se, quodcunque ævi placati numinis ira
Jam deploratæ dignetur jungere vitæ,
In Franciscano victuros esse cucullo.
Hic aliquis sancta pietate paterculus ardens
125 Protinus insternit fuscam cum cannabe vestem,
Et caput exscalpit cerebrosum, & somnia blanda
Garrit in auriculam, meritorum mille trecentos
Promittit modios, veniās inculcat, olympum
Defuncto spondet; vivo spondere paratus,
130 Captatæ potius quam vel semiuncia prædæ
Una brevis pereat. Tum spe lactatus inani
Interea miser agrotus jubet optima quæque
Deferri ad Monachos, argentea vasa, tapetas,
Molliculas vestes, & quicquid venditur auro,
135 Quatenus haud illis nudos fas tangere nummos.
Verum hæc pinguiculis tenduntur retia turdis;
His cælum venale patet: si Codrus & Irus
Pauper obit, cessat pietas, non cymbala clangunt,
Nænia nulla sonat, serie nec candida longa
140 Pompa præit, nullo planguntur funera luctu.
Sed nec funigeræ minor est accessio turbæ,
Cum mens vesano inflammata cupidine vultum
Affingit spernentis opes, vilique paratu,
Incessuque gravi, & ficta probitate loquendi
145 Seducit stolidam pietatis imagine plebem.
Nec prius ille furens animi satiabitur ardor,
Ambitioque procax, donec cum fune cucullo
Abjecto induerit regali tempora mitra,
Et, quantum fas est mortali accedere cælo,
150 Scandar, & in terris cœlestes tractet habenas.
Sunt quoque qui sordes, fœdosque hoc tegmine mores
Posse latere putant, misero ut dent verba popello,
Dum vitæ infami speciosum obtexere velum
Contenti, introrsus pleni ambitionis & iræ,
155 Invidiæ & fraudis, Christi prædentur ovile,
Incautum occulto vulgus fallente veneno.
Adjice præterea quos præceps alea nudat,
Quos Venus enervat, quos & potatio pernox
Ejecit patriis laribus, quos urget egestas,
160 Et quibus haudquaquam res sunt in amore secundæ,
Fastosæque inopes exclusit limen amicæ,

Quos scelus infamat, ¹ vitæ quos turpiter actæ
Insequitur metus, & quos urget tutor avarus,
Huc velut ad tutum cunctis est cursus asylum.

- 165 Hoc procerum e numero crescit generosa propago
Funigeri gregis: hi patres quibus ille superbit
Ordo sacer: seges hæc orbis moderatur habenas:
Quos metus, ira, furor, mens tarda, ignavia, crimen,
Ambitio, res adversæ, fastidia vitæ,
170 Durus amor, durus pater, implacata noverca,
Et mendax virtutis amor collegit in unum.

Namque velut quondam, cum res adversa premebat,
Ad laqueum, ad præceps, ad toxica, flumina, pontes,
Atque truces gladios, caligantesque fenestras,

- 175 Cursus erat, duram cupienti evadere sortem:
Sic modo cum sceleris pudor, aut formido severi
Judicis, aut gravior cunctis infamia poenis
Urget, ad hunc scopulum Francisci in syrmate fune
Cingimur: & tanquam pariter cum vertice radi
180 Mens etiam scelerata queat, de sacrilegis &
De parricidis, de furibus, atque cinædis,
² Nos faciet cœli subitos rasura colonos.

Dira suum nunquam mutant aconita vigorem
Vimque mali, quamvis auro gemmave bibantur:

- 185 Atque asinus, quanquam Tyrio conspectus in ostro,
Semper erit tardus, lea sæva, dolosus ichneumon,
Ursa vorax, avidus vultur, bos mitis, hirundo
Garrula: sic animi non mores exuit atros
Vestis Hyperboreas superans candore pruinas.
190 Nec simul exuviis positis Massyla venenum
Vipera deponit, nec tigris monte relicto
Mitior ingenio est: sic nec transcurrere montes,
Aut mare, vel populi cœtus vitare, vel atra
Veste tegi aut nivea, coriove aut fune recingi,
195 Aut mendicatum semper corrodere panem,
Turbatæ poterit mentis sedare tumultus.
Semper enim quocunque loco, quocunque recessu
Degeris, usque licet Riphææ frigora brumæ
Fugeris, aut calidam vicino sole Syenen,

200 Te

¹ *Vitæ quos turpiter &c.*] Omnibus fere libris (præter editos ab Henrico Steph. & And. Hart.) absunt hæc duo hemistichia.

— — — *vitæ quos turpiter actæ*

Insequitur metus -- Apud illos etiam legitur, ----- *tutor quos urget avarus.*

² *Nos faciet*] Recentius editi *Nos faciat*: male, me iudice, si totius orationis texturam attendamus.

- 200 Te dolus & mentis malefuada cupido sequetur,
Et vigil occultis cruciabere pectora curis.
Nec si marmoreis circumdatus undique claustris
Fugeris aspectus hominum, te sæva relinquet
Tempestas vesani animi: te conscius horror
- 205 Mentis aget vigilem: tibi diras tristitia formas
Somnia nocte ferent: te insano turgida fastu
Gloria sublimem ventosis evehet alis,
Dum furit effractis tandem perrumpere clathris.
Scilicet is nuper contemptus homuncio, qui nec
- 210 Prima elementa sonis poterat distinguere certis,
Et quem nec stabulo purgando, olidæve popinæ
Præficeres, rarus, sophiæque auctore cucullo
Tectus, erit subito doctus, sapiens, & honestus,
Et gravis, & prudens; jam de balatrone modestus,
- 215 De lenone pudens, & de latrone severus,
Et frater superûm, & cœli pene insitus aulae.
Frater dixit, ita est: fratres vetuere, cavendum est.
Frater erit iudex: causam committere non vis
Fratribus? in sanctos quicquam cave dicere fratres:
- 220 Tantum juris habet cerebelli insania calvi.
Et miramur adhuc, simili si errore vetustas
Crediderit Cadmo serpentis dentibus olim
Esse satos comites, vel si Pagasæus Iason
Horruerit magicos terra prægnante tumultus;
- 225 Cum modo qui fuerat caprimulgus, treffis agasô,
Scurra vagus, subito mutatus numine mentem,
Fiat Aristoteles, Xenophon, Plato, Zeno, Cleanthes.
Nunc quibus hæc studiis gens desidiosa popellum
Captet, & in laqueos viduas trahat, omnia turbet,
- 230 Involvatque orbem tenebris, & mobile vulgus
Fascinet, occulto sensim serpente veneno,
Si vacat, expediam: fraudes, ludibria, furta,
Philtraque, & arcanas tibi pandere moliar artes.
Primum ubi detonso vesano vertice, caudex
- 235 Qui fuerat, fit homo subitus, ceu vomere Thusco
Erutus ille Tages, vates jam doctus in ipso
Nascendi articulo: discit componere gressus,
Cancellare manus, caput inclinare sinistrum,
Versus humum spectare, oculis defigere limis
- 240 Omnia, pallori similem confingere vultum,
Sulphuris affuso circum os & tempora fumo;
Effugere occursum hominum, compescere risum
Si quis adest, coram reticere, interque precandum

- Invitis oculis lacrymas simulare, boatu
 245 Rancidulo in templis nativum frangere cantum:
 Cum bibitur, calicem digito cohibere sinistro,
 Conceptis¹ verbis aperire & claudere portas,
 Conceptis verbis de somno surgere, mensam
 Ponere, adire, referre, jubere, orare, salutem
 250 Dicere, conceptis urinam reddere verbis:
 Scire quibus nodis, & quot distinguere funem
 Fas sit, ubi facilis pateat venatio prædæ,
 Quo pueros fallas, quo tu sermone puellas
 In Venerem accendas, viduas quæ retia captent:
 255 Quo regum teneas aures, quæ munera placent
 Terrarum dominos, quo vulgus mobile fuco
 Decipias, quibus ægrotos in limine vitæ
 Illaquees verbis, & testamenta resignes.
 Hæc sunt Funigeræ miranda proemia sectæ,
 260 Vera rudimenta, & sanctæ præludia vitæ:
 Hoc est, cur aliquis patriam carosque propinquos
 Abneget, & dulces obliviscatur amicos:
 Cur vagus, exul, inops, erro, peregrinus & exlex
 More feræ toties mutet præsepe, tot annos
 265 Scurra procax currat, cunctos allatret, in omnes
 Sævus, blandus, atrox, inimicus, amicus, ut alvus
 Imperat: hæc illis lex una & regula vitæ est.
 Hæc ubi jam pravi docilis præcepta juventus
 Imbibit, & vitæ sese devovit inerti,
 270 Protinus e calvo senior grege, lippus, inermis
 Gingivas, tremulusque manus, rugisque verendus,
 Incipit arcanæ latebras evolvere sectæ,
 Et sophiam abstrusam placidis recludere dictis.
 O juvenes, inquit, quos torti vincula funis,
 275 Quos tonsura eadem, soleæque fenestra reclusæ,
 Par votum, vestesque pares, atque otia jungunt:
 Jam mihi vix raris variantur tempora canis,
 Vox fragilis, latus infirmum, gressusque labantes;
 Jam prope decurso spatio spectare propinquam
 280 Fata jubent metam, jam quinquagesima messis
 Sub calido semper placide transacta cucullo,
 Liberat officiis vitæ: fortuna benigna
 Me tamen haud frustra longum servavit in ævum:
 Nam, ceu Tiresias Ithacum, Priameius heros

285 Ma-

¹ Conceptis verbis aperire] Hic versus ceptis Hen. Steph. & And. Hart.
 desideratur in omnibus editionibus, ex-

- 285 Magnum Anchisiaden iterumque iterumque monebat,
 Quos peteret tuto portus, quo flectere cursus
 Deberet, levibus fugeret quæ littora velis:
 Cur ego vos, animæ nostræ pars maxima, amicis
 Non monitis hortor? digressum & pauca sub ipsum
 290 Edoceam? juvat exhaustos iterare labores.
 Et sulcata meis percurrere littora remis.

- Principio cum vestra ætas sic mollibus umbris
 Sit fracta, ut nec bella pati, nec frangere remis
 Æquora, nec terram possit versare ligone,
 295 Et fuget Aonias locors ignavia Musas:
 Huc animos, juvenes, certatim advertite, & acri
 Mente Seraphinæ mysteria discite sectæ.

- Sancta quidem certis fulcitur secta columnis,
 E quibus in primis locuples Confessio largo
 300 Proventu est, gnavum non decèptura colonum:
 Ut seges agricolam fallat, pulsataque tristi
 Grandine vix raris spumet vindemia prelis,
 Et pecus abstulerit belli furor, unica nunquam
 Artifici imponit Confessio callida docto.

- 305 Hoc telo armatus noster se regibus ordo
 Terribilem ostendit, folioque extrusit avito
 Quos visum est; alios ad summa cacumina rerum
 Extulit, & multa stabilivit cæde tribunal.
 Namque ubi cunctorum sensus, secretaque mentis
 310 Noveris, in promptu est tibi conjurata fovere
 Pectora consiliis, timidumque in fœdera vulgus
 Cogere, ut ignotas possint expendere vires,
 Vel proceres merito de te bene prodere regi.

- Ergo (vos siquidem numerandi crimina cura
 315 Detineat) matrona locum ditissima primum
 Vindicet, aut dulci assuetus danista lucello:
 Proxima mercator teneat loca: tertius ordo
 Nobilium est, quos aut ditat quæsitæ rapinis
 Præda, vel innocuo manus oblita sanguine civis
 320 Reddidit insignes: post hos, aut divitis aulæ
 Affecula, aut famulus, ancilla, puella, puellus.
 Sed neque lenonem, nec tu contemne latronem,
 Spes modo¹ si lucris: qui nil quod donet habebit,
 E's² *ῥοπαλας*. Quis enim sterili committere sanus

325 Se-

¹ Si lucris] Ita Basil. Steph. & Harr.
 alii vero codices fere omnes, *si*.

verbum perinde valens quasi *abeat in ma-*
lam rem. Vide Erasmi Chiliad. Adag.

² E's *ῥοπαλας*] i. e. Ad corvos. Pro-

- 325 Semen agro curet? quis inanes irriget hortos?
 Hic ubi secretam penitus demissus in aulam
 Pectoris, arcanas latebras cognoveris, omnes
 Tum facies rerum, tum vasfrum Protea finge.
 Cum tibi crediderit virgo, quod credere matri,
 330 Quod socius socio, quod nolit nupta marito,
 Tum pète securus quidvis, tum vincula captis
 Injice, tunc humeris quemvis superingere falcem.
 Nam semel arcanae tibi qui penetralia mentis
 Nudavit, penitusque alto sub corde repositos
 335 Detexit sensus animi, timet, horret & odit,
 Quamvis dissimulet: sed mens male conscia paller,
 Ne commissæ tegas male vino liber, & ira
 Commotus, magnoque satis non munere cultus.
 Hoc ubi fertilior præda est deprensa capistro,
 340 Posce, jube, rape, stringe, omnem dum spongia succum
 Egerat; exhaustumque penum in tua congere claustra.
 Nec tamen ætatis, nec te discrimina sexus
 Prætereant. Primæ quoniam lanuginis ætas
 In Venerem est præceps, lucris addicta senectus,
 345 Virgo capi facilis blandæ dulcedine linguæ,
 Vana superstitio mentes exercet aniles,
 Mercator dulci postponit numina lucro.
 Si matrona potens, vel prædæ victima opimæ
 Incidit in casses, cautus confinge petendi
 350 Mille novas artes: caries annosa columnas
 Diruerit, sacram Boreas nudaverit ædem,
 Claustra latus magna pandant adaperita ruina:
 Desint ligna foco, nemorum si dives abundet:
 Si locuples agri est, atrum corrodere panem
 355 Fingè tuos fratres, languescant pocula vappa:
 Rustica cortis aves, agnos, hœdosque petulcos
 Mittat: ab urbanis sacrae pete stragula mensæ;

Posce

[*Vino liber*] Non hic *siccum & sobrium*. [Constituendum puto, ne male tegas commissæ, liber vino. id est per vinum: ne nimio vino libere loquens male tegas commissæ. liber enim hic de incontinentia linguæ capi debet, ut apud Ovid. i. Metam. 757. libero ore loqui. Sallust. Jug. 95. sic liber dolor, de quo vide ad Quintil. declam xi. i. libere loqui. Quintil. de Inst. Or. vi. 3. ita & libertas Ovid. Ep. xy. 65. & quæ plura sunt obvia.]

Commissumque teges & vino tortus & ira.

- Posce sacras vestes, quodque oras ambiat aurum,
 Quod calicem fractum instauret, quod lignea pingat
 360 Signa, quod in vitreis possit splendere fenestris:
 Det miles prædæ partem, furtique latrones;
 Mercator fulvis redimat perjuræ nummis.
 Et quoniam teneræ nequeunt donare puellæ
 Munera, dent quod habent, quod¹ secure dare possunt:
 365 Quæ² data non pereunt, quæ frustra non data perdunt.
 Segnior in Venerem si qua est, accende monendo,
 Pande voluptatisque modos, formasque latentes,
 Quærendoque doce Veneris quem nesciat usum.
 Talia quærenti faciem quæ commodat aurem,
 370 Sit licet antiquis magis illa severa Sabinis,
 Nosse volet, notum quod posse juvare putabit.
 Interdum tanquam cupias reprehendere luxum
 Vestis, & accensum gemmis quod fulgurat aurum,
 Lacteolas furtim dextra constringe papillas,
 375 Inque gradum fractos digito compone capillos,
 Et pede tange pedem, dextram dextra, oribus ora:
 Sic, dices, rides, sic molliter oscula jungis,
 Oscula commissas inter luctantia linguas:
 Sic te tractandam præbes, tractataque gaudes,
 380 Sic pede, sic digito, sic tu promittis oculo,
 Hoc loqueris nutu, tali noctem abnuis ore:
 Sic per inoffensas graderis secunda tenebras,
 Sic aperis limen, sic nullo murmure claudis.
 Hæc animo memori præcepta recondite fratres:
 385 Quæque locus tempusque dabunt, quæ sexus & ætas
 Permittent: hinc dives opum venit annua cura;
 Spesque voluptatum, caræ sine crimine famæ.
 Quod si quis sanctæ fugiat commercia sectæ,
 Sentinamque tuæ nolit mandare cloacæ,
 390 Illius ancillas, famulosque arcesse loquaces:
 Inquire in mores, passim fere crimina, in aurem
 Omnibus obganni secreta piacula: quod si
 Criminibus non ulla locum fortuna ministret,
 Actaque sincere constet pars maxima vitæ,
 395 Hæreticum clama nitidum prætexere fucum
 Occulti sceleris maculis tacitoque veneno.
 Sic hos in laqueos trepida formidine, & illos

Cre-

¹ Secure] Steph. *securæ*.² Quæ data] Novemdecim qui sequuntur versus, usque ad, Hæc animo memo-ri, &c. utpote parum verecundos, sua
editione expunxit H. Stephanus.

- Credulitate trahes, vel spe, vel fraude, vel arte,
 Ut captum teneas intra tua retia piscem,
 400 Grande scelus levibus contentus plectere pœnis,
 Nec precibus longis lacrymisve piacula dele
 Horrida, sed nummis loculos, non pectora fraude
 Exhausti: vel templa jube, vel claustra, vel aras
 Exstruat, aut multis redimat jejunia Missis.
 405 Hoc quoque præmoneo super omnia, corda juventæ
 Infice, sopitos accende libidinis ignes:
 Semina flagitii in vacuo turgentia campo
 Usque fove, plenos sceleris dum reddere fructus
 Possint, & late in pingui regnare novali.
 410 Hic ager, hæc seges est, hæc nostræ vinea secta.
 Hunc igitur multo scelerum pinguescere coeno
 Effice, & infusis hunc exsaturato cloacis.
 Non tam Riphææ metuenda injuria brumæ,
 Atque superfuso tellus submersa profundo,
 415 Aridaque insolitis candens fervoribus æstas,
 Quam ne discussis tenebris resipiscere mundus
 Incipiat, quam ne patefacto lumine veri
 Inspiciat nostras plebecula stulta tenebras.
 Sed jam ruricolis labor impendendus, apricos
 420 Jam lustrare juvat campos, perque ardua montium
 Ire juga, & latos indagine claudere saltus.
 Ecquis, io juvenes, tenebris & inertibus umbris
 Posthabitis, strepituque urbis, nigraque popina
 Audet in aërios nemorum conscendere tractus,
 425 Bacchosque choris Nympharum accedere fontes,
 Prataque purpurea semper renovata juvena?
 O mihi si calido ferveret corpore sanguis
 Integer, & validæ vires, firmataque nervis
 Membra suis, quam prata libens & florea Tempe
 430 Aspicerem, & viridis captans umbracula silvæ,
 Et tremulæ leve murmur aquæ, cantusque volucrum,
 Languida sepositis relevarem pectora curis!
 Nunc quoniam hæc nobis invidit serior ætas
 Commoda, & effoetis membris ignava voluptas,
 435 Vestrum opus hoc, juvenes, vestra hæc vindemia, laxas
 Ferte plagas, laqueos innectite, tendite casses,
 Arvaque funigero resonent pecorosa molosso.
 Primum igitur qui rura petis, si mollia tardo
 Membra labant ævo, (cum nos equitare parentis
 440 Francisci præcepta vetent,) aut vilis aselli
 Aut hinni ambigui, aut sterilis preme tergora mulæ:

- Carpe viam pedibus juvenis: nec munera desint,
 Quæ faciles capiant animos, pictæve tabellæ,
 Aut scelerum veniæ, simulacrave plumbea, imago
 445 Chartæ, vel paucis venalia munera nummis.
 Nam neque piscator sapiens radiantibus auro
 Piscem hamis captat, nec serica retia tendit.
 Sæpe & odoratis oneretur mantica pomis,
 Sæpe pirum, primamque manu decerpito ficum.
 450 Piscæ etiam piscis capitur, grus capta volantes
 Fallit sæpe grues, nec sperni vilia credas
 Munera divitibus. Cernis quam parva feroces
 Vincula feras teneant, quam parvos currat ad hamos
 Mullus: virga tenet grandem viscata volucrem.
 455 Adde, quod haud cunctis est utile retia silvis
 Tendere, nec mullus quavis capietur in unda,
 Nec laqueo accipitres venatur callidus auceps,
 Nec Cererem dabit omnis ager, nec Massicus humor
 Aspera purpureis vestit dumeta racemis.
 460 Dispice propterea quo tendas retia saltu,
 Cui laqueos prædæ, quem fallat linea piscem.
 Nec tibi sum (multis licet hoc arrideat) auctor
 Ut sacra dissimulet teneram rasura puellam,
 Quæ fessa anxiferis solvat præcordia curis,
 465 Ambigua quamvis sexum mentita figura
 Decipiat multos: tamen hinc discrimina mille,
 Mille manent casus: sæpe haud frustrata sagaces
 Suspicio occulti pandit vestigia furti,
 Sæpe etiam læsi gravis imminet ira mariti,
 470 Persequiturque fugam, & rapta pro conjuge sævit
 Bella ciens: sacra non illum infamia sectæ,
 Non pudor, aut pietas poterit cohibere furem:
 Dedecus in vulgus profert, rumoribus iras
 Expiat; in cunctas serpit nova fabula cœnas.
 475 Aut si turgidior movit præcordia bilis,
 Vel resecat ferro peccantia membra, vel arcto
 Fune ligans tendit, vel terga¹ caputque colurno
 Fuste domat, sanctam haud veritus temerare coronam.
 Arbitror & vobis notum, quod contigit olim
 480 Burdegala, nec (si ignotum est) narrare pigebit.
 Obsuit exemplum patribus, fortasse nepotes

In-

¹ Caputque colurno Fuste domat]. Forte
 Fuste dolat noster scripserit, ad exemplum
 Horatii I. Sat. V. 22.

Ac mule nautæque caput limboque saligno
 Fuste dolat -----

- Instruet. Eximia quidam pietate probatus
 Frater erat, quo non quæstus studiosior alter,
 Nec magis edoctus laqueo implicuisse tenaci
 485 Pinguiculas viduas, stupidoque imponere vulgo.
 Hic ubi jam multos prædator callidus annos
 Santonicos lustrasset agros, & utrumque Garumnæ
 Littus, & antiquæ felicia rura Tholosæ:
 Tandem Burdegalam fatis urgentibus intrat
 490 Cum consorte viæ, novies cui turgida pleno
 Orbe diem admorat partus Lucina propinqui.
 Illa, rudis miles, tumidi dum crimina celat
 Jam matura uteri, colluctaturque dolori,
 Audet iter longosque viæ perferre labores,
 495 Nec timet irato sese committere ponto:
 Tantus amor sacrae penitus se addicere sectæ.
 Ecce autem pronum dum findit puppe Garumnam,
 Fluctuat & tumidis pinus vexata procellis,
 Heu! bene celati patefecit damna pudoris,
 500 Dum timor introrsus gemitusque & verba retentat,
 Dum labor in veras cogit prorumpere voces,
 Editus in mediis infans evagiiit undis.
 Pars facti novitate stupet, quodque audiit ipsa
 Vix audisse putat: petulantior altera risu
 505 Personat: ast alius tumida succensus ab ira,
 In mare præcipitem monachum, & cum prole parentem
 Proturbare jubet, lethoque abolere nefandum
 Dedecus, & monstro miseram relevare carinam:
 1 Hinc tumidos fluctus, pontoque furente procellas,
 510 Ventorumque minas, & apertam Numinis iram.
 Si quis adest animi pius, & moderatior iræ,
 Occultare cupit facinus, parcitque benignus
 Errori, humanos prudens expendere lapsus,
 2 Agnoscitque suas alieno in crimine vires.
 515 Ergo dum trepidant discordia pectora vulgi,
 Nautarumque fremit per littora rauca tumultus,
 Infelix frater turbæ sese insinuans clam
 520 Tramitibus cæcis elabitur, oraque velans
 Vertice demisso peregrinas exul ad urbes
 Mœstus abit, pœnasque domi, famiamque sinistram
 Formidans, miseramque gemens cum prole puellam,

Quam

1 Hinc tumidos fluctus] Supple oriri elamant, aut simile quid.

2 Agnoscitque suas a. i. c. vires] i. e. suam

animi imbecillitatem, vel, vires suas parvas ac debiles esse.

- Quam solam atque ægram ¹ nuda liquisset in acta,
 Inter inhumani risum & ludibria vulgi.
 Ipse ego tum validus, viridique in flore juventæ,
 525 Nec linguæ nec vocis inops, nec flectere corda
 Plebis inexpertus stolidæ rumore secundo,
 Vix tamen adversæ gliscentia murmura famæ
 Flectere, vix potui populi compescere voces,
 Sæpe licet verbis factum execrerer amaris,
 530 Auctorem sceleris comitem licet esse Lutheri
 Jurarem sanctæ latitantem nomine sectæ.
 Nec ² minus in terra comes est infamis Ibera
 Pusio, sed forsan minus est formidinis illic,
 Quod Veneris nullo produnt commercia partu.
 535 Sed quid opus toties sese objectare periclis,
 Et non parsuræ cuiquam committere famæ,
 Cum liceat tuto, liceat rumore secundo
 Undique securos Veneris decerpere fructus?
 Neve mihi fatuas ruris sectare puellas,
 540 Custodesque gregis calido sub sole recoctas:
 Sed si qua est matrona potens, & militis uxor
 In locuplete domo viduas exercita noctes:
 Cum bello externis vir debacchatur in oris,
 Interea vacuos valido tu Marte penates
 545 Oppugna, nec blanditiis, nec parce querelis,
 Nec precibus: primus si non patefecerit arcem
 Impetus, haud animi timidus frangere, sed infer
 Arma audax: viduæ interdum miserere puellæ,
 Ingratum nunc finge virum cum pellice noctes
 550 Ducere, deserto dum secubat illa cubili:
 Crede mihi, obsepti perfringes claustra pudoris,
 Atque aliquem invenies aditum, votoque frueris,
 Præsertim occultos tibi cum confessio sensus
 Nudet, & integrum non sit simulare pudorem.
 555 Sic tibi per cunctos grassari impune penates
 Fas erit, & geminos pariter decerpere fructus.
 Namque ubi prostrati perrupit jura pudoris
 Fœmina, neglecto redimet sua gaudia censu.
 Pene mihi exciderat, quod primum pene monere
 560 Debueram gnavos ruris genialis alumnos,

Ut

¹ Nuda liquisset in acta] i. e. in littore,
 Gr. ἀκτὴν. Virg. Æneid. V. 613.

At procul in sola secreta Troades acta
 Amissum Anchisen flebant ----

² Nec minus] Hos etiam sequentes
 27 versus, ad Pene mihi exciderat, &c.
 castis, ut videtur, auribus parcens; omi-
 sit H. Steph.

- Ut quid quæque domus præstet, quid vir, mulierve
 Quæque, sit in memores id cura referre tabellas;
 Ne, nova cui fuerit provincia ¹ tradita sorti,
 Annua vel redimit qui vestigalia, vel qui
 565 Hospes ad externas, ut sit, proficiscitur urbes,
 Erret inops animi, dubius cœnæque larisque,
 Quæ petat ignarus, quæ vitet testa, quid inde
 Speret, ubi certum faciant mendacia quæstum.
 Atque ubi successor te tardum exceperit ævo
 570 Junior, huic tabulis descriptum tradere censum
 Non satis, arcamis muliebria nomina saltem
 Punge notis, si qua est animo obfirmata rebelli,
 Si qua procax, simplex, incesta, proterva, benigna,
 Cuique notent mores propriis discrimina signis.
 575 Sed me præteritæ suavissima mentio vitæ
 Longius ac volui tenuit. Pars maxima rerum
 Restat adhuc, sanctæ columen, caput, anchora sectæ.
 Nam vaga sub certas comprehendere crimina formas,
 Et se prodentes animi pernoscere mores
 580 Artis opus modicæ est, ceterique addiscitur usu,
 Inque peragrandis sola est industria villis.
 At vero e celsæ sublimem fede cathedræ
 Mille oculos in se intentos auresque tenere,
 Et velint injectis tot circumflectere frenis
 585 Ora hominum, & residues animos turbare tumultu,
 Et molli alloquio trepidos componere motus,
 Magnæ mentis opus, cui sit solertia prudens,
 Ingeniumque capax, projecta audacia, promptus
 Sermo, pudor nullus, firmum latus, acer in ore
 590 Cui vigor, & vocis sonus asper, lenis, acerbus,
 Ut res cunque feret; cui vultus cereus, omnes
 Transire in formas docilis, mens subdola, fallax,
 Et recti pravique tenax; pro tempore fingat,
 Dissimulet, simulet, præsens ubi postulat usus.
 595 Hæc quotus in turbæ quisque est tot millibus unus
 Qui præstare potest? nisi si cui forte benignus
 Decalioⁿ raro finxit præcordia saxo.
 Nec tamen expectet quisquam dum rhetora fingens
 Divitis eloquii prima incunabula pandam;
 600 Et vulgata scholis passim præcepta ² recludam,

Tra-

¹ Tradita sorti]. An [sorte] potius,
 juxta illud Ovidianum Met. II.

----- Cui illi tradita sorte Equora decre-

scunt -----

² Recludam]. Basil. Steph. & Commel.

revoivam.

- Tradere quæ possit trivialis cura magistri:
 Vos, o Calliope, precor aspirate canenti,
 Majus opus moveo: sed nec per devia Tullî,
 Aut Fabii longos te circumducere tractus,
 605 Aut per Aristotelis spineta asperrima conor:
 Commodius patefiet iter, qua nulla salebra
 Offendet pulsata pedem, qua semita nostris
 Trita rotis noto deducet limite gressus,
 Mollia clivosi dirimens compendia prati.
- 610 Primum iter ingressus tenerum de fronte pudorem
 Excute: nec vacuæ est unquam pudor utilis alvo,
 Nec decet audacem nisi ficta modestia scurram.
 Quod si naturæ vitio male firma ruborem
 Frons trahit, & subitas confundit purpura malas;
- 615 Tum tibi vel frictus, vel Bacchi largior usus,
 Curaque & assiduæ meditatio garrula rixæ
 Durabit solidum rubicunda per ora cruorem.
 Nec te grammaticas opus est ediscere nugas,
 Et tetricis languere scholis, tantum elige gnomas
- 620 Priscorum e libris paucas: tria commata Tullî,
 Virgillii totidem versus, vel carmen Horatî
 Dimidium: hæc omnis ceu condimenta loquelæ
 Semper habe in promptu, sic crescet opinio, surget
 Hinc decus, & stupidi magna admiratio vulgi.
- 625 Novi ego, qui tantum ter quinque Latina teneret
 Verba, sed ingenii sic dexteritate valebat,
 Ut quocunque loco, de re quacunque, parata
 Semper & ad nutum posita in statione teneret,
 ' Ταῦτ' ἀπαμειβόμενον. Nec te vox barbara turbet,
- 630 Aut temere erumpens lingua titubante soloëcus:
 Tot sanctos oppone patres: mysteria sacra
 Turpe est grammaticis submittere colla capistris.
 Nec mihi displiceat primo muliebria passus
 Flore ævi; hinc effrons audacia nascitur, atque
- 635 Fœmineum in morem rixandi insana voluptas.
 Cura sit in primis tibi linguam armare veneno
 Verborum, Ætna animas, animas tibi torreat Hecla,
 Tartara sulphureis volvant incendia fumis
 Mixta, tibi nigris Phlegethontias unda cerasitis

640 Bul-

Ι Ταῦτ' ἀπαμειβόμενον] i. e. Hæc respon-
 dens, sive hoc responso ex adverso reddito. Quæ
 verba longe frequentissime Homerus re-
 petit. Alludit ad illud Martialis I. E-

Tom. II.

pigr. 46.

Edita ne brevibus pereat mihi charta libellis,
 Dicamur potius τὸν δ' ἀπαμειβόμενον.

M m

- 640 Bulliat, & miseras lacerent cacodæmones umbras,
Donec fracta crepent longis sub dentibus ossa.
Nec minus horrendos purgatrix flamma vapores
Evomat, æterno nisi quod non æstuet igne,
Sed precibus vinci queat, & lustralibus undis
- 645 Extingui, Bullis minui, Missisque levare.
Hic ager est dives, nostrique colonia Papæ:
Nectaris hic fons est, hæc vestigalia nostri
Ordinis, hæc fatuo tenduntur retia vulgo.
Ista relegatos cœlesti a limine manes
- 650 Contineat sedes, donec mercede soluta
Extrahat e calida excoctos fornace sacerdos.
Is mustet Missas, veniis venetur, & undis
Irrorans magicis findat cava busta susurris:
Sed tantum dites cruciatu liberet umbras.
- 655 Ista tibi ad populum clamanti silva ministret
Tela: nec ut desint metuas, ¹ dum scripta manebunt
Virgilii, dum ² Lombardi rhapsodia, ³ Thufci
Nugæ Antonini, sacri commenta legentur
⁴ Gregorii, vel mendici mendacia ⁵ Thomæ.
- 660 Neve ruant lapsis tam ditia tecta columnis,
Quæ super æternam posita est Ecclesia petram,
Tu Petrum super ædifica, qui claudere cœlum,
Tartara qui solus possit, nec tartara tantum
Solvere, sed loculos fatuorum, arcæ sed avaræ
- 665 Vincula, sed stantem plenum ad præsepe juvencam.
Hæc qui sacrilegis ausit convellere verbis
Schismaticus sit & Hæreticus, sit torris Avernæ
Ollæ, opifex scelerum, Furiarum filius, Orci
Germen, & in mentem quicquid tibi splendida bilis
- 670 Suggestet: huc omnes tonitrus, huc fulgura linguæ

Con-

¹ *Dum scripta manebunt Virgilii*] Maro-
nem, diversissimæ licet ab iis, qui mox
memorantur, notæ scriptorem, hic re-
censet, quod quæ sexto immortalis operis
libro de animarum apud inferos ignea
purgatione ab ipso traduntur, proxime
omnium ad Pontificiorum de suo Purga-
torio dogmata accedere videantur.

² *Lombardi rhapsodia*] Petrus Lombardus
Episcopus Parisiensis scripsit quatuor
libros *Sententiarum*, unde & *Magister Sen-
tentiarum* est dictus. Claruit seculo duo-
decimo.

³ *Thufci nugæ Antonini*] D. Antoninus

Archiepiscopus Florentinus, celebris
inter Pontificios scriptor seculo floruit
XV. præcipua ejus opera sunt *Summa
Theologica* 4 Voll. & *Summa Historica*
³ Patit.

⁴ *Gregorii*] Gregorium Arminensem
intelligit, qui Commentarios in Pet.
Lombardi Sententias scripsit, ob id *Do-
ctor Authenticus* salutatus. Vixit seculo
XIV.

⁵ *Thomæ*] D. Thomam Aquinatem in-
nuit, qui seculo XIII. florens Theolo-
giam Scholasticam primus invexit, *Do-
ctor Angelicus* ideo cognominatus.

- Congere, proque focis hîc depugnetur & aris.
 Frigida tu Christi & comitum præcepta severis
 Linque scholis: aut si quis adhuc antiqua requirat
 Antiquarius, & veterum jejunia patrum,
 675 Tu, mihi crede, tuæ semper memor esto culinæ.
 Et quoniam in proceres vulgus maledicta libenter
 Accipit, & fandi hæc late patet area: bella,
 Furta, latrocinia, & vis, fraus, injuria, cædes.
 Atque ingens scelerum semper sese offeret agmen:
 680 Illic tela tuæ poteris ¹ distringere linguæ.
 Restamen hæc populo longe est gratissima, quando
 Ordo sacerdotum est acri perfusus aceto:
 Nec locus est alius fecundior, ut neque in ulla
 Parte magis vitæ regnante libidine tetra.
 685 Hic & crassorum licet abdomen monachorum
 Arripere, hic luxum cœloque minantia testæ
 Pontificum, fractique malis alimenta popelli
 In fumum & cinerem conversa, domestica castra
 Scortorum, scelerum artifices, mollesque cinædos,
 690 Lenones, scurras, balatrones, psallere doctos
 Semiviros, gestire manu, pede plaudere terram,
 Et condire novis exotica fercula succis:
 Præsulis hæc sancti quando est non ultima virtus
 Majorum a magna non degenerare culina.
 695 Interea fac stet mendicus ad ostia Christus,
 Imploretque fidem vinosi antistitis algens,
 Et sitiens, faniemque uno non ulcere stillans,
 Nec ferat ullus opem, nisi forte canicula blanda
 Et saturo domino clementior ulcera lambat.
 700 Hic poteris totum Bernardum effundere, manes
 Ex Acheronte ciere, animæque audire querelas
 Implorantis opem. Sed quid numeramus arenam
 Littoris? hic nunquam, mihi crede, oratio decrit,
² Dum Papa omnipotens Capitoli immobile saxum
 705 Accolet, imperiumque ³ Pater coleatus habebit.

Ne

¹ *Distringere*] [*Distringere* dicendum fuit
 vid. Ampl. Cuper. iv. Obs. 5.]

² *Dum Papa omnipotens*] Versus sunt
 Virgilii Æneid. IX. 448. paulum im-
 mutati.

³ *Pater coleatus*] Ira Pontificem Rom.
 ironice appellat: a Joannæ enim Papis-
 sæ (quæ mentira sexum circa annum 855
 Pontificatum erat adeptæ) tempore,
 solebant Pontifices Rom. in sella per-

forata collocati, ut Pierii verbis utar,
virilitatem suam locupletissimis testibus ap-
 probare. At is mos jamdudum exole-
 vit: unde non illepide lusit Joannes Pan-
 nonius his versibus,

Non poterat quisquam referentes æthera cla-
ves

Non exploratis sumere testiculis.

Cur igitur nostro mos hic nunc tempore cessat?

Ante probat quod se quilibet esse matrem.

Ne nimium Sodomam tamen infamemque Gomorram
Ingere, doctores ne culpa redarguat ipsos.

- Hac ubi jam fueris sat debacchatus arena,
Et procures licuit populo laniare secundo,
710 Collige paullatim tete, procuresque jacentes
Erige: sint fontes, & nullo a crimine puri;
Non tamen his cuivis fas obgannire, nec arcto
Solvere colla jugo, quamvis moderetur habenas
Sacrilegus Judas, Romanaque templa gubernet,
715 Trudat & innumeros ad pallida tartara manes,
Privato mutire nefas: rapiatque feratque,
Et laceret totum convulso cardine mundum:
Tu tacitus specta, (dices) mundique ruentis
Vindictam permitte Deo: citiusque parentis
720 Invalidi jugulum ferro reclude, profana
Quam violes dextra rasi male sanus honorem
Verticis; uxorem quamvis manifestus adulter,
Et natos nataeque tuas compresserit, & te:
Sed nube, atque tace potius, nullumque recuses
725 Flagitium, quam traducas quos unctio sanctos
Et rasura facit, sacraeque licentia Bullæ.
His ubi præceptis molles calfeceris aures,
Tum licet adjicias magnæ primordia Missæ,
Quoque sacerdotum gentem decorarit honore
730 Cœlituum pater: ut soli sibi fingere numen
Murmure verborum possint, tenuique farinæ
E massa generare Deum, genitumque repente
Frangere, sacrato fractum mersare falerno,
Visceraque & carnes, cumque albis ossa medullis,
735 Semianimesque artus avidam demergere in alvum.
Tanta sacerdoti cum sit permessa potestas,
Quam neque purpurei possint sibi sumere reges,
Quisquis & ætherios bonus angelus incolit orbes,
Quisquis & infernas malus angelus incolit umbrās,
740 De pane ut numen faciant, ² de numine φ φ:
Unde homini fragili hæc projecta audacia, ut ausit
Christophorum vel Christivorum violare nefando
Sacrificum verbo, aut sceleratam impingere dextram?
Sic in sacrificos jaciens convicia, vulgus

745 Con-

1 Sed nube] Primario significatu verbum nube hic adhibuisse videtur, i. e. vela vel tege.

2 De numine φ φ] Hoc est, quod Chri-

stianis auribus horrendum videretur, *simum* sive *stercus*; φ enim, sive *phy*, Interjectio est rem foetidam averfantis.

- 745 Conciliare potes: sic rursus avertere læsi
Iram sacrifici poteris, cum numinis instar
Efficies sacrosanctum, atque a formidine duri
Judicis exemptum: quamvis fregisse paternum
Vicini clament jugulum, matrisque morantis
- 750 ¹ Vota Sibyllinam laqueo finisse senectam.
Nam velut ex usu est cunctis afferre timorem
Ordinibus, cunctos sic conciliare necesse est,
Unde vel exigui fulgebit specula lucri.
Unum illud moneo, atque iterumque iterumque monebo,
- 755 Et tamen haud unquam monitum satis esse putabo;
² Tarsensis fuge scripta senis, fuge toxica nostri
Ordinis. O primis utinam periisset in annis!
Aut mansisset adhuc hostis! licet, ante renatus
Vivifica quam lympa esset, tam multa dedisset
- 760 Funera grassatus ferro, ingentique procella
Affixisset adhuc tenerum pietatis ovile:
Plus tamen adscriptus nobis, plus factus amicus
Obfuit: & nisi Funigeri præsaga parentis
(Cornua cui nomen dederant) oracula fallant,
- 765 Tempus erit, cum Paulinis male credula scriptis
Turba sacerdotes templis expellet & aris;
Quæque prope in terris ædes imitantur Olympum
Diruet, & cineres divorum atque ossa profundo
Merget, & immisso victricis lumine veri,
- 770 Ostendet populo mysteria nostra profano.
Illa meo, siquidem ventura est, serior ævo
Hora precor veniat. Sed vos, quibus imminet ingens
Tempestas, vigilare decet, cunctosque monere
Opportune, importune, ne incauta juvenus
- 775 Occulta attingat prorsus mysteria Pauli,
Neve in vulgares vesana audacia linguas
Transferat, indocto non committenda popello.
Quæ quia non penitus fas est abolere, probata
Tot serie annorum, (quæ cautio proxima) saltem
- 780 Efficite, ut vulgus tenebris velut abdita cæcis
Sorbonæ hæc senibus lippis tractanda relinquat:
Sed tum cum resides acuerunt pocula sensus.
Nostra licet super has sit secta exstructa columnas
Præcipue, non pauca tamen, nec parva supersunt:
- 785 Sed

¹ *Vota Sibyllinam*] Vide Virgil. Æneid. Pauli Apostoli; qui se Tarsi natum testatur Act. XXII. 3.

² *Tarsensis fuge scripta senis*] i. e. Divi

- 785 Sed prope jam vulgata, nec artis egentia nostræ,
Nec vocis: sed quisque sibi quæ tradat, & usu
Addiscat, thalamos ceu conciliare jugales,
Aut male conjunctas caussando solvere tædas,
Aut ubi deprenso rupta est concordia mœcho,
- 790 Uxori a duro veniam impetrare marito.
Illa tamen patribus seges olim uberrima nostris,
Fingere nocturnos lemures, manesque vagantes
Lustrali compescere aqua, magicisque fuluris,
Frigida nunc tota est; postquam nasuta juvenus
- 795 Pectora crassorum male credula ridet avorum,
Nec credit nisi quæ Scriptura teste probaris;
Conjurata licet magnis Sorbona sigillis
Figmēta affirmet. Verum melioribus annis
Hæc thalami clausas frangebāt machina portas,
- 800 Hæc testamenti tabulas mutabat, & ibat
Vir peregre Romam, aut Solymam, dum tædia mœchum
Jam sibi permitti caperent lecti: ast ubi dives
Umbra oblita sui paucas in funera Missas
Legarat, poriusque suis bona linquere natis
- 805 Duxerat excedens, quam nostros ungere caules,
Non impune nefas soliti id perferre priores.
Is dolor arma dedit generosis fratribus undam
Ad Ligeris, qua dives agri, qua dives Jacchi
Ostentat longe formosa Aurelia turres.
- 810 Et nisi cauta parum pietas in fraude paranda
Inter tot vigilēs Argos deprensā fuisset,
Partus honor nostræ foret & dignatio sectæ.
Sæpe quidem nobis facimus mala multa: velut cum
Alter in alterius damnum sese ordinis armat.
- 815 Berna novum sibi Franciscum jam finxerat, & jam
Stigmata clara pedum & manuum confixa patebant;
Ni vicina dolens augescere commoda livor
Ficta renudasset magno ludibria risu,
Nec damno leviorē: Italæ sapientia major
- 820 Illa oræ, quæ Senensis tacite Catharinæ
Vulnera dissimulans, pensat mendacia quæstu,
Barbaricumque ad sese his artibus attrahit aurum.
Sed tamen hoc ævo temere miracula fingi
Noluerim, nisi monticolas inter crassosque
- 825 Pastores: nec pastores jam spernere tutum est,
Quando etiam in solas migrat sapientia silvas.
Quis rigidos Scotos gelidi sub vertice cœli
Aut animum, aut aures, oculove habuisse putasset?

Et

- Et tamen ille catus vetularum Langius auceps,
 830 Cum teter locus errori & nox cæca faveret,
 Non potuit celare piæ ludibria fraudis.
 Campus erat late incultus, non floribus horti
 Arrident, non messe agri, non frondibus arbos,
 Vix sterilis siccis vestitur arena myricis;
 835 Et pecorum rara in solis vestigia terris:
 Vicini Deserta vocant. Ibi saxea subter
 Antra tegunt nigras Vulcania semina cautes:
 Sulphureis passim concepta incendia venis
 Fumiferam volvunt nebulam, piceoque vapore
 840 Semper anhelat humus: cæcisque inclusa cavernis
 Flamma furens, dum luctando penetrare sub auras
 Conatur, totis passim spiracula campis
 Findit, & ingenti tellurem pandit hiatu:
 Teter odor, tristisque habitus faciesque locorum.
 845 Illic sæpe animas torqueri Langius, illic
 Sæpe queri & longas in fletum ducere voces
 Audit, aut voluit credi audivisse frequenter,
 Et vitulabundos cacodæmonas, & per arenas
 Caudarum longos sinuatim ducere tractus.
 850 Sæpe etiam infernæ, quoties jejunos adibat
 Antra, sibi visus nidorem haurire culinæ.
 His ubi jam vulgi stolidas rumoribus aures
 Imbuerat, parat Exorcismum: circulus ingens
 Ducitur, hunc intra spatio brevior minores.
 855 In medio stabat palus, juxtaque catinus
 Plenus aquæ, sed cui cineremque salemque sacerdos
 Addiderat multo cum murmure, nec sine anhelis
 Flatibus. Hoc postquam scena est instructa paratu,
 Langius ipse pater sacro venerandus amictu,
 860 Circum omnem irrorat setosi aspergine sceptri,
 Verbaque præcipiti contortuplicata rotatu
 Convolvens, cœlum ac terras adjurat & undas,
 Et tremefacta imis Acherontia regna cavernis.
 Et jam nox aderat secreti conscia sacri,
 865 Jamque e vicinis populus convenerat agris,
 Matres atque viri, pueri innuptæque puellæ,
 Scire avidi quo tanta cadant promissa: nisi ille
 Conscia secreti formidans lumina & aures,
 Esse procul magna jussisset voce profanos;
 870 Quive sacerdoti non illa luce diserte
 Cuncta susurrasset taciturnam crimina in aurem:
 Laica ne trepidi fugiant commercia mantes,

Nere

- Neve inhians prædæ vel jejunos cacodæmon
 Involet, & laceret sceleratorum unguibus artus,
 875 Ducitur ad pælum velut hostia rusticus ipse,
 Ficta quidem gnarus cuncta, at formidine tanta
 Attonitus, quam si Stygia egressurus ab alno
 Aspiciat nudas mandentem Cerberon umbras;
 Sive animo timor a puero conceptus, aniles
 880 Fabellæ haud modicus pueris plorantibus horror,
 Sive locus fumo & cæca caligine opacus,
 Et velut infernæ terrebat imago culinæ.
 Cætera submoto clam cuncta peracta popello:
 Sed tamen audiri gemitus, vocesque minantis
 885 Dæmonibus, mixtæque preces, nulloque rogante
 Interdum responsa dari: nunc tollere vultus
 In cælum, nunc figere humi, nunc plangere pectus
 Langius, & sacra templum conspergere lympa,
 Donec avis lucis prænuntia spectra moneret
 890 Cedere, & in veterem se denuo condere nidum.
 ' Tum templo egressi, dicenda tacenda referre
 Langius, umbrarum pœnas, flammæ rapidam vini
 Lustralis: quot carnifices cacodæmones ollas
 Admoveant, verubus quot figant, fluctibus umbras
 895 Quot merfent gelidis, quot Missis cui levetur
 Pœna, velut civis Stygio vixisset Averno,
 Ordine cuncta recensēbat: neque credula decrat
 Turba homini: purgatricis rediviva favillæ
 Gloria crescebat, multum indignante Luthero:
 900 Et crevisset adhuc, nisi vel formidine captus,
 Vel pretio victus, vel vino, rusticus ille
 2 Anormis comes, Exorcismi proditor, cheu!
 Cuncta revelasset taciti mendacia sacri.
 Ex illo fluere; & retro sublapsa referri
 905 Spes prædæ, & nimium vivacis gloria veri
 Crescere. Quapropter, moneo, dehinc fingite parce
 Somnia, nocturnos lemures, miracula, ni fors
 Aut apud extremos fieri dicantur Iberos,
 Americosve, aut Æthiopas, calidove sub axe,
 910 Et caput ignotis ubi Nilus condit arenis,
 Unde aderit nemo, qui testis dicta refutet.

For.

1 Tum templo egressi] An forte egressis?

tiii 2 Sat. II. 3.

2 normis comes] Recentioribus Enor-
 mis legitur: abnormis forte Buchan. scri-
 pserit, præ oculis habens illud Hora-Rusticus, abnormis sapiens, crassaque Mi-
 nerva.

- Forſitan externos ſolertia fugerit hoſtes
 Callida; ſed peſtem natam intra viſcera, & ipſis
 Hærentem venis hominum vix ulla cavebit
 915 Cura: niſi noſtros viſ provida numinis olim
 Reſpexiſſet avos, jamdudum Funiger ordo
 Proditus a propriis miſere periſſet alumnis.
 Si quis erit fratrum, qui ſuaſu dæmonis auſit
 Efferre in vulgus myſteria condita, fraudes
 920 Occultas, ritus nocturni arcana, negatum
 Deposituſ, cæſas poſt ſupra nefanda puellas,
 Quicquid & exſtinctis frater patrare lucernis
 In fratres ſolet imberbes: hæc prodere ſi quis
 Audeat, extemplo ſcelerato ſanguine pœnas
 925 Solvat, & æterna compoſtus pace quieſcat.
 Hæc ſunt, quæ noſtro liceat ſermone monere.
 Et jam plena epulis menſarum fercula fumant,
 Latrantemque fame ſtomachum prope verba relinquunt.
 ¶ Hactenus Eubulus, qui facta nefanda perofus,
 930 Funigerum pœnas etiam metuebat acerbæ,
 Orgia non veritus populo evulgare profano.
 Is mihi carminibus luſtrato, & ſulphure, & ovo,
 Et viva rorato unda, cerebroſa fugavit
 Somnia de raſis, de cannabe, deque cucullis;
 935 Inque hominum nugis ad lucra nefaria fictis,
 Nulla eſſe ad vitam docuit momenta beatam.

GEORGIUS BUCHANANUS CAROLO UTENHOVIO F.

S.

CENSOR meorum carminum, UTENHOVI,
 meos

Commendo Fratres hos tibi,
 Fratres quidem Fraterrimos: hoc eſt, malos,

Crassos,

1 In editione Baſil. additur, *Erudito* ſubjuncta; Edinburgo 1564 Idibus Junii.
juxta ac ſincero amico. Qui te unice diligit, BUCHANANUS.

In eadem editione Baſil. hæc ſunt
 Tem. II.

N a

Crassos, ineptos, garrulos.
Tu neſſe, plecte, cæde, fac gemant ſuis
Variata terga funibus.
Sin peſtus illis non ſit inſanabile,
Medentis ut ferant manum;
Unus mederi poteris, artes cui ſuas
Indulſit uni Delius:
Sic ut profunda conditum caligine
Ab uſque Lethæis vadis
Nonnum evocarſ, graviter iratis ſua
Parcis retexi ſtamina:
Et juſ Latina civitatis & togæ
Reſuſcitato indulſeris:
Et qui latebat ante ſqualidus ſit,
Grajiſque vix notus ſuis,
Cultu Latino nunc ſuperbus ambulaus
Vates vetuſtos provocat.
Hunc ſuſcitare qui potueris mortuum,
Fors & meos Fraterculos
Sanare penitus ſi minus queas, tamen
A fauce mortis erues.
Nec id laboro, delicato in otio
Ut ſuaviter curent cutem:
Satis ſuperque eſt ſi maligne viſitent,
Pannis & annis obſiti,
Laceri flagellis, famelici,
Quæ vita digna eſt Fratribus;
Diuque vivant, & pœnas luant diu
Mortemque timeant, & velint.

FRA.

[Nonnum evocarſ] [Valer. Andr. in
 Bibliotheca Belgica Nonnum ab Utenho-
 vio editum inter ejus opera non recenſet.
 neque prodiiſſe ſcimus. vid. Fabric.
 Biblioth. Græc. lib. v. cap. 16. t. vii.
 pag. 686. Falkenburgius in præfatione
 ad Sambucum, expectari ab Utenhovia
 Latinam Nonni non tantum interpreta-
 tionem, ſed & ipſum auctorem ab omni-

bus mendis vindicatum, ſcribit. quare
 Buchananani verba, quaſi jam cultu Latino
 ſuperbus ambularet, vates, ita capienda, ut
 ſperaret brevi proditura verſicnem. nam
 ſi hæc Utenhovia præfatio ſcripta eſt
 A. 1564. nondum potuit prodiiſſe ejus
 verſio Nonni, quam adhuc A. 1569. ex-
 ſpectat Falkenburgius?

FRATRES FRATERRIMI.

I. In Antonium Tomarium Abbatem.



Fama, prisca laudibus
 seculi tumens,
 Præfens superbo de-
 spuens fastidio,
 Accede, specta quid
 priorum temporum
 Opponat ætas nostra magniloquen-
 tiæ:
 Non quod Platoni, rancidove So-
 crati,
 Sophisque falso dictitatis comparet,
 Sed Christianæ puritatis unicum
 Exemplar, unum specimen, unam
 imaginem,
 Unamque vitæ corrigendæ regulam,
 Unumque Christi proxime vestigia
 Qui persequatur, indicetque cæte-
 ris,
 Vitamque vita penitus exprimat sua,
 Antonium Tomarianum Antistitem.
 Christi parentum nemo vidit alte-
 rum:
 Nec ipsa mater novit Antoni pa-
 trem
 Uterque pastor, noster hac parte est
 prior;
 Hic pascit herbis, ille verbis pave-
 rat.
 Ut quinque panibus ille quinque
 millia
 Saturavit, iste (ne saturitas noxia
 Animæ inquinaret puritatem, ut ar-
 bitror,)
 Ad quinque panes quinque plebis
 millia
 Redegit: ut, si quid superfit, ut
 reor,

Fragmenta posset absque cophino
 tollere.

Ut ille vera vitis, hic verus meri
 Est uter: ille verba sevit, hic viros.

Piscator hic, piscator ille, retia
 Uterque tendit dispari compendio:

Comprendit ille pauculos pauper-
 los,

At iste claustra plena monachis pin-
 guibus.

Aucupibus hic est atque venatori-
 bus

Comitatus, olim ut ille piscatori-
 bus.

Et hic & ille crediti cum scenore
 Exactor asper, dena utrique altera

decem
 Talenta, quinque quinque pariunt

altera.
 Quæ sparsit alius, hic & ille colli-
 git:

Quæ sevit alius, hic & ille demetit.
 Cum publicanis atque peccatoribus

Libenter ille cœnitare dictus est:
 Cum publicanis atque peccatoribus

Sic ratio nostros semper est Antonio,
 Ut penè decoris immemor, lucri

memor,
 Publicanus esse non recuset. Paupe-
 rum

Secuta Christum turba semper est
 comes,

At iste late quam patet vicinia,
 Agris propinques pauperes reddit

suis,
 Quorum caterva, qua nequit pedi-
 bus sequi.

Diris probrisque sequitur & convi-	Passim per agros jam cucullati pa-
ciis.	tres
Christi perunxit una peccatrix ca-	Oves sequuntur, &, colono pau-
put,	pere
Pedisque lacrymis lavit, extersit co-	Cum prole pulso sordida, late so-
mis :	lum,
Istius humeros, colla, pectus, bra-	Pastore monacho, parat uni Anto-
chia,	nio,
Caput, pedesque & crura, ventrem	Ut per propinqua rura grex sit u-
& ilia,	nus,
Si scire cupias quot meretrices la-	Et unum ovile, & pastor unus. U-
vent,	nica
Tergant, refoveant, induant &	Sed pars omissa est, unicam quam
exuant,	maxime
Scies facilius quot capillos verticis	Agere decebat: Christus immerito
Ex area alba tonsor illi demetat.	ut luit,
Christus paternam jam revisurus do-	Sic iste merito luere poenas de-
mum,	buit.
Fidis tuendum comitibus gregem	Sed iusta si quid vota pauperum va-
dedit:	lent,
At hic Avernam jam revisurus do-	Quos laribus inopes expulit, fontem
mum,	hæ manent
Monachis tuendum pinguibus gre-	Inter comantes angue torto Erin-
gem dedit.	nyas.

I I. *In Beleagonem.*

B eleago fomes & parens menda-	quod est
cii,	Beleago fomes & parens mendacii,
Ab ore cujus pavida veritas fugit,	Ab ore cujus pavida veritas fugit.
Mali susurrat nescio quid clancu-	Hoc igitur æquus æstimator judi-
lum:	cet,
At fama de illo non susurrat, sed	An mentiatur populus universus, an
palam	Beleago fomes & parens mendacii,
Hoc universus populus affirmat,	Ab ore cujus pavida veritas fugit.

I I I. *Imago ad peregre venientes religionis ergo.*

FARE age qui terras lustras vagus hospes & undas,
 Quid petis hinc? longæ quæ tibi causâ viæ?
 Non Deus hic quisquam, nec imagine numen in ista est,
 Nos lapis & tantum putria ligna sumus:

Ver-

[Fare age] Quibusdam libris Fare cho, legitur

Vermibus esca, cibus tineis, domus hospita blattis,
 Opprobrium cœli, ludibriumque soli.
 Non capiunt humiles numen cœleste penates,
 Structa nec humana faxea tecta manu.
 Quem mare, quem tellus, quem non capit igneus æther,
 Clauditur in nullo spiritus ille loco.
 Ut Christum invenias, animi secreta revolve,
 Aut lege fatidici quæ cecinere patres:
 Aut quæ dives habet passim circumspice mundus,
 Hæc vera est ædes, hoc penetrabile Dei.
 At quisquis picto gaudet dare basia trunco,
 Crassaque pulvereo lingere saxa croco,
 Dignus morte perit, qui mortua vivus adorat,
 Et vitæ in fragili spem sibi ponit humo.
 Si te picta juvant, cariem ne perline trunci,
 Sed vera mentem simplicitate tuam,
 Hac ratione domi poteris reperire, quod omnes
 Erro vagus terras sic peragrandò fugis.

I V. *Ad Pasquillum.*

PRÆSULE de Paulo, præsul doctissime vatum,
 Pasquille, dic quid sentias?
 Nec melius paullo quidquam est antistite Paulo,
 Et pejus est Paulo nihil.

V. *Ad Elizabetham Serenissimam Angliæ Reginam, ODE.*

<p>Quamvis vetusto stemmate splen- deas, Regina, Princeps optima Principum, Quacunque magnum sol per or- bem Flammi-feros agitât jugales: Quamvis feroci Marte subegeris Hostes rebelles, & populi feros Motus, & insanos tumultus Lenieris, sine cæde, victrix: Virtutis inter tot titulos tuæ,</p>	<p>Et sempiternas fulget adorcas, De fauce avarorum latronum Relligio pia vindicata. Jam nulla faxis figimus oscula, Nulla e sepulchris tracta cadavera Gemmis refulgent, fascinantque Indociles animos popelli. Non otiosæ dedita nœniæ Mendica fratrum turba rapacium Passim vagatur, collocatque Fœmineo insidias pudori.</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Sub

[Nec melius] Commelin. & alia edi-
 riō anno 1594. Nil melius paullo factum
 est antistite Paulo.

2. Et sempiternas] Ita Editio Edinbur-

gensis And. Hart; alii autem codices,
 quod sciam; omnes exhibent,

— iue & Laudum perennes fulge-

adoreas.

Sub te licebit Principe libere	Super dracones fortis inambula,
Christum fateri, ficta refellere,	Sævam leonum frange ferociam:
Myteriumque veritatis	Per aspides erra. & per oras
Seposito referare fucō.	Quas Libycus basiliscus affat.
Ergo salutis sollicitum tuæ	Cœli favor te, te pietas tua,
Cœleste numen pervigil-excubât,	Te supplicantum continuæ preces
Et impiorum inauspicata	(Prædonibus quos ex avaris
Vota facit, retegittque fraudes.	Eripis) incolumem reducent.

VI. *Pistoris & Pictoris Dialogismus.*

CONTENDUNT specimen pistor pictorque uter edat
 Pulchrius, hic fucō doctior, ille foco.
 Hic fecisse Deum se jactat: Rettulit ille,
 Corpus ego verum, tu simulacra facis.
 Dentibus assidue teritur Deus hic tuus, inquit:
 Corrodunt vermes, rettulit ille, tuum.
 Pictor ait, Multos meus integer astat in annos,
 Sæpe una innumeros devorat hora tuos.
 At tibi vix toto Deus unus pingitur anno.
 Pistor ait, decies mille dat hora mihi.
 Parcite, ait mystes, frustra contendere verbis:
 Nil sine me poterit vestler uterque DEUS.
 Et quia utrumque ¹ Deum facio, mihi servit uterque:
 Namque ² hic mendicat, manditur ille mihi.

VII. *Ad idolorum cultorem.*

MANE, *Pater noster*, cum furda idola salutans
 Ingeminas, sana mente videre loqui?
 Saxeus illo ipso magis es, me judice, saxo:
 Quippe patrem saxum qui fateare tuum.

VIII. *In eundem.*

OSCULA, ferta, rosas das & libamina saxo?
 Teque ³ pium dici, cum facis ista, cupis.
 Quid tibi pro tanta majus pietate precemur,
 Quam ut fias numen tu quoque, quale colis?

IX.

¹ Deum facio] Basil. & Hart, *sacrum*
 reddo

² Namque] Basil. *Atque hic.*

³ Teque pium] Basil.
 Teque cupis dici, cum facis ista, pium.

IX. *In Hypocritam quendam.*

ILLE vides naso qui incedit sesquipedali,
 Qui quicquid loquitur sesquipedale sonat:
 Qui longo gaudet voces producere tractu,
 Qui semper longo symmate verrit humum:
 Qui latus exhaustum non una sindone vestit,
 Qui capiti inducit pilea plura pilis:
 Rarus sermo, gravis gressus, talaris amictus,
 Ut rere, egregii² sunt ea signa Sophi.
 Sed cur sacrificos gaudet stipare cinædos?
 Cur sapiens stolidos sic sine fine colit?
 Auctio sectorum cordi est, non actio sectæ,
 Donec sector erit, nempe secutor erit.

X. *In Pium Pontificem.*

VENDIDIT ære polum, terras in morte relinquit:
 Styx superest Papæ, quam colat, una Pio.

XI. *In Julium.*

STare diu haud poterant mundusque & Julius una,
 Omnia perdendi tam ferus ardor erat.
 Ergo ne ante diem mundi structura periret,
 Ad Stryga discessit Julius ante diem.

XII. *In Paulum Pontificem.*

PAULUS ab Hebræo scis quantum distet Iuda?
 Hic cœli Dominum vendidit, ille domum.

XIII. *In Pontifices.*

PÆDICAT Paulus, contemnit fœdera Clemens,
 Sacrilega tractat Julius arma manu.
 Et quisquam sceleris nomen formidat inane,
 Auctores scelerum qui videt esse Deos?

XIV.

¹ *In Hypocritam quendam.*] Basil. *In* ³ *Pædicat Paulus*] Quidam libri *Pæ-*
P. T. D. R. H. P. I. Hypocritam. *dicat, adversante & metro & sententia.*
² *Sunt*] Basil. *sint.*

XIV. *In Romam.*

HI colles, ubi nunc vides ruinas, Et Floralia festa sunt LUPARUM,
 Et tantum veteris cadaver urbis, Et quondam in media fuit Suburra,
 Quondam cæca LUPIS fuere lustra, Vico urbis celeberrimo, LUPANAR:
 Donec per freta vectus Arcas exul, Et quos Fabricios graves putabis,
 Pani, pelleret ut LUPOS, Lycæo Observa, invenies LUPOS voraces:
 LUPERCALIA festa dedicavit: Et quas Sulpicias reare castas,
 Nudos currere jussit & LUPERCOS, Observa, invenies LUPAS salaces.
 Sacrum & collibus addidit LUPERCAL. Et ne posse Deos LUPIS carere
 Sed vis insita, contumaxque flecti Credamus, facer est LUPUS Gradio:
 Pervicit genius laborem & artem, Et LUPOS mare laneos, & amnis
 Et per secula longa ne perirent Sub cryptam mediæ vomit Suburra:
 Istis semina collibus LUPINA, Nec putris soboles araneorum
 Tristes progeniuit solum LUPI- Non cognomine nobilis LUPO-
 NOS, RUM est.
 Lætos progeniuit LUPOS salictum. Totam denique quantacunque Roma est
 Et conjux LUPA Faustulo tyranni Nascentem, vegetam excute, &
 Albani pecoris fuit magistro, ruentem,
 Et qui mœnia prima condidere, Nihil comperies nisi LUPERCOS,
 Nutrivit LUPA Rômulum Remumque: LUPERCALE LUPOS, LUPAS, LUPANAR.

XV. *In eandem Romam.*

NON ego Romulea miror quod pastor in urbe
 Sceptra gerat, pastor conditor urbis erat,
 Cumque LUPÆ gentis nutritus lacte sit auctor,
 Non ego Romulea miror in urbe LUPOS.
 Illa meum superat tantum admiratio captum,
 Quomodo securum servet ovile LUPUS.

XVI. *In eandem.*

ROMA armis terras, ratibusque subegerat undas,
 Atque iidem fines orbis & urbis erant.
 Vincere restabat cœlum, perfregit Olympon

Prisco-

[*In Romam.*] Basil. *In Romam, carmen ut omnium venustiss. ita verissimum.*

Priscorum pietas aurea Pontificum.
 At bona posteritas, ausis ne cedat avitis,
 Tartara præcipiti¹ tendit ad ima gradu.

XVII. *Pasquillus loquitur.*

ESSE putas forsan me fragmina trunca columnæ,
 Vel de præcipiti saxa voluta iugo:
 Falleris: ille ego sum Pasquillus in urbe Quirini
 Notus, & in formas impiger ire novas.
 Nunc putor inducto Cyllenius esse galero:
 Me facit æquoreum fuscina sumta Deum.
 Adde mihi citharam, siam manifestus Apollo:
 Pampineos thýrso adde, Lyæus ero.
 Pallada me clypeus, Phœben facit aureus arcus:
 Da fulmen, Juno dixerit esse Jovem.
 Sum pax, sum bellum, lis & concordia fio:
 Nunc volucris pennis, nunc fera testa pilis.
 Denique transiero cuncta in miracula rerum,
 Sed puero Romæ non licet esse mihi.
 Hoc quoque ero per purpureos aliquando cinædos,
 Si liceat laxas non habuisse nates.

XVIII. *In Dionem & Clementem.*

EBRIA cum dubio titubans vestigia passu
 Vix regit, & blæso² blandulus ore sonat:
 Cum lacrymis oculique madent, pectusque falerno,
 Sancte festa Dion se coluisse putat:
 Sic etenim suasit multos diffusus in annos
 Ritus ab antiquis usque petitus avis.
 At Clemens dum sancta legit monumenta parentum;
 Dum populo ad cœli limina pandit iter;
 Otio legitimo violat dum festa labore,
 Rite diem festum se coluisse putat:
 Sic etenim veterum suadent³ exempla parentum,
 Oreque veridici prodita iussa Dei.
 Utrum igitur laudas? quando defendit uterque,
 Legibus hic, causam moribus ille suam.
 Si liceat juste causas expendere, festum
 Ille colens violat, hic violando colit.

XIX.

¹ Tendit] Basil. currit ad atra.² Blandulus] Basil. Blandior.³ Exempla parentum] Basil. monum. en-
ta parentum.

XIX. *Frates Fraterrimi.*

CUM Monachi fratres sint, quos vel candida vestis,
 Vel nigra; vel gemino mixta colore tegit:
 Quanta tamen miseros agitat discordia fratres!
 Quam non fraternæ fœdera pacis amant!
 Non ita germanum reducem trux oderat Atreus,
 Atrea visceribus non satur ille suis.
 Mitius Oedipodæ soboles exarsit in iras;
 Mitior indomitas incitat ira feras.
 Eventu o simili cesset fraterna simulas,
 Et dirimat calvos exitus iste patres!
 Dentibus & gladiis in mutua¹ funera currant,
 Ira nec extremi cesset in igne rogi.

XX. *In Pantalabum.*

Dicunt Grammatici suos Cucul- Per³ sacram quoque dejerat Cucul-
 cullos, lam,
 Dicunt Rhetores horridos Cucullos, Per sacram quoque pejerat Cucul-
 Et quisquis Latias semel Camœnas lam:
 Vel primis modo contigit labellis. Suosque edocuit Cuculliones
 Sic olim in Satyris Cucullum Aquinas⁴ Sacra⁴ spem sibi ponere in Cuculla.
 Et durum & Venetum poëta dixit. Prudens id facit ille, ne quid erres,
 Verum Pantalabus severus ille Non lapsu temerario loquendi,
 Franciscanus, & horridus sophista, Nec quod sic genus ille fœmininum
 Clamoxæ & sophiæ senex magister, Ardet jam⁵ miser impotente amore,
 Dicit perpetuo suam Cucullam, Calvo vertice, languidoque pene:
 Laudat perpetuo suam Cucullam, Sed quod relligiosa res sit illi,
 Cum deest fœmina masculis abuti.

XXI. *In eundem.*

Siquis jam tremula piger senecta, Et sagacius acribus molossis,
 Morbo, aut vulnere languidus Per vestigia certa certus ædes
 recumbat, Ægroti petit esuritor audax;
 Statim Pantalabus sagax odorem Pulsa conjuge, liberis, propinquis,
 Sentit funeris, & cadaver, ante Ceras delet & oblinat priores,
 Quam corvique, canesque vulturef- Natos abdicat, occinitque in aurem
 que, Morbo delipientis, & senecta

De-

¹ Funera.] Basil. vulnera.² Dicunt Grammatici.] De hoc Epigrammate sic Ferrarius de re vest. part. I. lib. I. cap. 22. Scotorum doctissimus non illepidè in genus quoddam hominum ludit, quod sexus ignoratione barbæ ac præpostere cucullam appellent, & sic velut naturam inverteant.

Sed, ut arbitror, istis Latinitatis osoribus, cuculla est contracte vestis cucullata, sive habens cucullum, qualis Benedictinorum.

³ Per sacram quoque dejerat Cucullam.] In Basil. deest hic versus.⁴ Sacra.] Basil. sacram.⁵ Ardet jam miser.] Basil. Ardeat miser.

Deliri senis, ut caput Cucullo Id unum reboat, sonat, tonatque:
 Obducatur, moriatur in Cucullo: Id unum tamen expedire nescit
 Amorem superum sacrum Cucullum, (Negotium quod erat caput) beati
 Timorem cacodæmonum Cucullum, Quis fit ut moriamur in Cucullo,
 Cuncti delicias poli Cucullum, Cum nemo bene vivat in Cucullo.
 Id unum canit, urget, orat, instat,

XXII. *De¹ Monachis S. Antonii.*

DICERIS, Antoni, porcos pavisse subulcus
 Vivus, adhuc Monachos lumine cassus alis.
 Par stupor ingenii est ventrisque abdomen utrisque,
 Sorde pari gaudent ingluvieque pari.
 Nec minus hoc mutum pecus est brutumque suillo,
 Nec minus insipidum, nec minus illepidum.
 Cætera conveniunt, sed non levis error in uno est,
 Debuit & Monachis glans cibus esse tuis:

XXIII. *In² quendam Præsulem.*

CUM te mula vehit nihilo te indoctior ipso,
 Et nitet, ut par est, murice uterque pari.
 Quod³ non te procereſque colant, & vulgus adoret,
 Presbyteris, clamas, nullus habetur honos.
 Non tum cessat honos, Præſul cum spernitur excors,
 Sed cum regnat & ☩, tum male cessit honos.

XXIV. *In Pantalabum.*

VIS te miremur, putri quod verme cucullo
 Undante⁴ absumta viscera pelle patent:
 Impia quod stolido vendas mendacia vulgo,
 Quod laudet nugas plebs male sana tuas:
 Quod male dum cantas, quos non intelligis, hymnos,
 Rancida de balba sibila nare sonas:
 Quod tribus Anticyris caput insanabile radas,
 Quod bibat immundam calceus udus aquam:
 Quod tunicam fluxam nodosa cannabe cingas,
 Cum melius fauces stringeret illa tuas.
 Miramur certe, sed non cum deside vulgo,
 Sed velut Harpyias, Gorgonas aut Furias.

XXV.

¹ De Monachis] Basil. Ad Divum Antonium. rabee, colant te, & —

² In quendam Præsulem] Basil. In Scabrum. ⁴ Absumta viscera pel'e] Libri verstiores [absinto] nullo, ut mihi viderur, sensu.

³ Quod non te] Basil. Ni proceres Scabrum.

XXV. *Fratres extra mundum.*

PENE, manu, lingua, fratres munda omnia foedant,
In mundo merito sese habitare negant.

XXVI. *In Petrum Gonellum Dominicanum.*

IN vino audivit verum latitare Gonellus,
Sesquipede extento pinguis aqualiculo.
Sicne, ait, in nugis frustra consumimus annos,
Et tulimus tetricæ jurgia lenta scholæ?
Ergo vale sterilis veri Sorbona, tuumque
Accipe discipulum docta taberna novum.
Ex illo ad crassam scrutatur dolia facem,
Pervigil & noctes perbibit atque dies.
Tandem consumtis foecunda in pocula nummis,
Hoc veri invenit, Nil scio, nil habeo.
Solandoque sui lepide ludibria damni,
Socrate se jactat non minus esse sophon.

XXVII. *In eundem.*

CUM vetus effuso biberetur milite vinum,
Nec fore maturum spes foret ulla novum:
Immatura pater biberet ne vina Gonellus,
Matura Stygias morte petivit aquas.

XXVIII. *Adventus in Galliam.*

J	Ejuna miseræ tesqua Lusitaniæ, Glebæque tantum fertiles penu- riæ, Valete longum. At tu beata Gal- lia Salve, bonarum blanda nutrix ar- tium, Coelo salubri, fertili frugum solo, Umbrosa colles pampini molli co- ma, Pecorosa saltus, rigua valles fontibus, Prati virentis picta campos floribus, Velifera longis amnium decursibus,	Piscola stagnis, rivulis, lacubus, mari; Et hinc & illinc portuoso littore Orbem receptans hospitem, atque orbi tuas Opes vicissim non avara imper- tiens; Amœna villis, tuta muris, turri- bus Superba, testis lauta, cultu splen- dida, Vinctu modesta, moribus non aspe- ra, Sermone comis, patria gentium om- nium
---	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Com-

Communis, animi fida, pace florida, Non pestilentis pallet Austri spir-
 Jucunda, facilis, Marte terrifico ritu
 minax, Autumnus æquis temperatus flati-
 Invieta, rebus non secundis inso- bus,
 lens, Non ver solutis amnium repagulis
 Nec sorte dubia fracta, cultrix nu- Inundat agros, & labores eluit.
 minis Ni patrio te amore diligam, & co-
 Sincera, ritum in exterum non de- lam
 gener: Dum vivo, rursus non recusò vi-
 Nescit calores lenis æstas torridos, fere.
 Frangit rigores bruma flammis aspe- Jejuna miseræ tesqua Lusitaniæ,
 ros, Glebasque tantum fertiles penuriæ.

XXIX. *Brasilia.*

AFRICA deferitur, miles mendicat egenus,
¹ Vi sine tuta fugax oppida Maurus habet.
 Accipit obscænos Brasilia fulca colonos,
 Quisque ² prius p.... foderat, arva fodit,
 Qui sua militibus tollit, dat rura cinædis,
 Jure sub adverso nil bene Marte gerit.

XXX. *In Colonias Brasilienses, vel Sodomitas³ a Lusitanis missos in Brasiliam.*

Descende cælo turbine flammeo Sedem dicavit mollis amœnitas
 Armatus iras, Angele, vindi- Luxusque, sub fœdis colonis
 ces, Servitium tolerat pudendum.
 Libidinum jam notus ultor Abominandis arsit amoribus
 Exitio Sodomæ impudicæ. Strigosus æstu, pauperie & fame,
 En rursus armis ⁴ quod pereat tuis Glandis vorator, virulentum
 Lustrum Gomorrhæ suscitât æmu- E raphanis redolens odorem.
 lum, Quem, rere, ponet nequitiae mo-
 Syrûm propago, & execrandæ dum
⁵ Spurcitiae renovat palæstram. Frenis libido libera? & insolens
⁶ Pars ista mundi, quam sibi pro- Humanioris ferre victus
 priam Illecebras meliore cælo?

¹ Vi sine] Ita Basil. 1568 Steph. 1569. & recentiores libri omnes: at Genev. 1584 & 1594. Commel. 1609, & Hart. 1615. Ut sine, reclamante sensu, ut vir doctus admonuit.

² Prius pueros] Basil. prius fœde vixerat.

³ A Lusitanis missos in Brasiliam] Absunt hæ voces ab omnibus editionibus

præter unam Edinburg. And. Hart.

⁴ Quod pereat] And. Hart., pereat, adverbiant & metro & sensu.

⁵ Spurcitiae renovat palæstram] Ita vetustissimi codices. Elzev. vero 1628, renovat. Lond. 1686. Wetst. 1687, & aliæ Edit. Belgicæ renovans.

⁶ Pars ista] Antiquiores Pars illa.

O Christiani infamia nominis!
 O foeda labe & nota temporum!
 O turpium turpisque caussa, &
 Exitus, & pretium laborum!
 Ignota rostris verrimus æquora,
 Gentes quietas sollicitavimus
 Terróre belli, orbisque pacem
 Miscuimus misero tumultu.
 Per ferrum & ignes & mare naufragum
 Secreta rerum claustra refregimus,
 Ne deesset impuris cinædis
 Prostibulum Veneris nefandæ.
 Gens illa nullos mitis in hospites,

Et ora victu assueta nefario,
 Portenta conspexit Cyclopum
 Sanguinea dape foediora.
 Nunc Scylla sævos exsere nunc canes,
 Nunc nunc Charybdis vortice spumeo
 Convolv fluctus, & carinas
 Flagitiis gravidas reforbe.
 Aut hisce tellus in patulos specus,
 Ætherve flammis perde sequacibus
 Turpes colonos, Christianæ
 Dedecus opprobriumque terræ.

XXXI. *In¹ Antistitem quendam.*

ESSE Lutheranum rumor te, Posthume, clamat:
 Sed tuus Antistes te tamen esse negat.
 Tam² scortaris, ait, quam si vel Episcopus esses,
 Et potas dubiam pervigil usque diem:
 Nec memor es Christi, nisi cum jurare libebit,
 Nec scis Scripturæ vel breve Iota sacræ.
 Nempe per hæc suevit nunquam fallentia signa
 Ille vigil sanas noscere pastor oves.
 Quisquam igitur dubitat, rumorne an Episcopus erret,
 Tam bene commissam qui sibi novit ovem?

XXXII. *In Codrum.*

ILLE senex civis, rigidique exemplar honesti,
 Codrus, heri parvo conditus est tumulo.
 Sed neque funereæ præcessit nænia pompæ,
 Pensilibus signis nec nituere faces:
 Lurida nec pullam sumsit cognatio vestem,
 Tinnula nec mœstos æra dedere sonos;
 Funera nec densæ celebrarunt agmina turbæ,
 Præfica nec luctum sollicitavit anus:
 Vix datus est tumulus. Codrum si rere fuisset
 Forte Lutheranum, fallere; pauper erat.

XXXIII.

¹ *In Antistitem*] Basil. *In Posthumum.* comedis, quam —
² *Tam scortaris*] Basil. *Tam bene,* ait,

XXXIII. *In Chrysalum.*

FLAVA Ceres longi spes interceperat anni,
 Aruerat pigro vinea tosta gelu:
 Morbus oves rapuit, furto periere capellæ,
 Inter opus fracti succubuerunt boves:
 Plena¹ domus belli subita est direpta tumultu,
 Et male celatas latro refodit opes.
 Ergo opibus caris cum Chrysalus esse superstes
 Nollet, & in laqueum jam sua colla daret:
 Succurrit laqueum nummis venire quaternis:
 Ergo nos gratis nec moriemur, ait.
 Ensis adest, stricto transfigere pectora ferro
 Dum parat, & sumtus hic quoque adesse videt:
 Tanti fossor, ait, tanti vespillo, sacerdos,
 Cereus, & tanti cymbala rauca crepant:
 Et precibus pretium est etiam, pretiumque sepulchro:
 Ergo placet rapidis mergere corpus aquis.
 Dumque cadit, Certe quamvis mare, dixit, avarum es,
 Attramen hinc gratis, credo, jacere licet.

XXXIV. ² *Somnium.*

MANE sub auroram nitidæ vicinia lucis
 Pallida venturo cum facit astra die:
 Arctior irriguos somnus complectitur artus,
 Demulcens placido languida membra sinu:
 Cum mihi Franciscus nodosa cannabe cinctus,
 Astitit ante torum, stigmata nota gerens.
 In manibus sacra vestis erat, cum fune galerus,
 Palla, fenestratus calceus, hasta, liber:
 Et mihi subridens. Hanc protinus indue, dixit,
 Et mea dehinc mundi transfuga castra subi.
 Linque voluptates cum sollicitudine blandas,
 Vanaque continui gaudia plena metus.
 Me duce, spes fragiles & inanes despice curas:
 Et superum recto tramite limen adi.
 Obstupui subita defixus imagine, donec
 Vix dedit hos tandem lingua coacta sonos.
 Pace, inquam, vestri liceat depromere verum
 Ordinis, haud humeris convenit ista meis.

Qui

¹ Plena domus.] In Basil. desunt hi duo
 versus.

² Somnium.] Deest totum hoc car-
 men in Edit. Basil.

Qui feret hanc vestem, fiat servire paratus:
 At mihi libertas illa paterna placet.
 Qui feret hanc, ponat perfricta fronte ruborem:
 At non ingenuus nos finit ista pudor.
 Qui feret hanc, fallat, palpet, pro tempore fingat:
 At me simplicitas nudaque vita juvat.
 Nec me Phthiriasis, nec rancida cantio terret,
 Inque diem ignavæ vivere more feræ:
 Ostia nec circum magno mugire boatu,
 Si tamen his nugis ætheris aula patet.
 Pervia sed raris sunt cœli regna cucullis:
 Vix Monachis illic creditur esse locus.
 Mentior, aut peragra saxo fundata vetusto
 Delubra, & titulos per simulacra lege:
 Multus honoratis fulgebit Episcopus aris,
 Rara cucullato sternitur ara gregi.
 Atque inter Monachos erit hæc rarissima vestis:
 Induat hanc, si quis gaudeat esse miser.
 Quod si tanta meæ tangit te cura salutis,
 Vis mihi, vis animæ consuluisse meæ?
 Quilibet hac alius mendicet veste superbus:
 At mihi da mitram, purpureamque togam.

XXXV. *Palinodia.*

VISUS eram nuper cœli procul aurea supra
 Sidera Gorgoneo scandere vectus equo:
 Qua secatur in geminas orbem via lactea partes,
 Et Jovis ad magni limina pandit iter.
 Fas mihi sit mundi referare arcana latentis,
 Fas mihi sit vera pandere visa fide.
 Non ego Phlegræis venio speculator ab armis,
 Rursus ut attonitum terreat Ossa polum:
 Nec mihi furtivæ damnarunt crimina flammæ
 Viscera, Caucaſeis dilanianda feris:
 Nec mea garrulitas sacræ male conscia mensæ
 In refugio meruit flumine ferre sitim.
 Sacra fero, miranda cano, memoranda revolve,
 Ut colat æternos impia turba Deos.
 Rursus ut ingrato superûm clementia mundo
 Nota sit, & quisquis numina novit, amet.
 Ergo ubi fiderei steteram prope limina templi,
 Explicuit fulvas regia vasta fores:

1 *Crimina*] Steph. *lumina*.

En¹ subito duri me iudicis ante tribunal,
 Increpitans magno murmure, turba trahit.
 Rasus erat vertex, facies irata minaxque,
 Et brevior tristi barba supercilio.
 Omnibus unus erat cinctus, color omnibus unus,
 Qui solet esse asinis anseribusque feris:
 Qui color in falice est, & Palladis arbore, qualem
² Hospita Threicii gurgitis ales habet.
 Et nisi fluxa sinus talos penderet ad imos,
 Cercopithecorum penula vestis erat.
 Idem cinctus erat, cultus, vultusque colorque
 Iudicis, & paribus frons caperata minis:
 Uno aliis dispar discrimine, quod foret acri
 Aut stimulo spinæ sanguinolenta manus;
 Aut rigida forsā nimis obluctante puella,
 Fœmineæ palmas cuspide fixus acus.
 Is quassans caput, & suffusus lumina flamma,
 Irato tales fudit ab ore sonos:
 Tunc, ait, in nostros ausus blaterare sodales;
 Nil veritus calvos tot violare senes?
 Prodere nec populo mysteria nostra profano,
 Sanctæque funereæ spernere jura togæ?
 Lignipedes ridere patres, sanctamque coronam,
 Et mendicatos absque pudore cibos?
 Quid cum fratre soror clausa sine lumine cella,
 Quid tiro imberbis cum seniore gerat?
 Frustra pontifices cœlo nos æqua potestas,
 Frustra nos Regum sceptrā verenda timent:
 Si tibi fas nostræ est impune illudere sectæ,
 Si plebs exemplo sollicitata tuo
 Rideat, exserta comitetur fannio lingua,
 Perque vias digito stulta juvenia notet.
 Vos, age, quid statis? scelerato auferte lacernam,
 Ut vitium linguæ cætera membra luant.
 Nec mora, diripiunt fratres a pectore vestes,
 Sectæque nodosa cannabe terga notant.
 Alternantque vices, & acerbant verbera verbis,
 Verba oculis, oculos nutibus atque minis.
 Dum feriunt, numerant ad singula verbera³ Divos,
 Grata foret cunctis ceu mea pœna Deis.

Nec

¹ En subito] Basil. Et subito.

eum Lud. de la Cerda.

² Hospita Threicii gurgitis] Gruem intelligit. Vide Virg. Georg. I. 120. & in Tom. II.³ Divos] Basil. In margine habet adscriptum, De par Dieu: de par sa mere. &c.

Nec mea carnifices fratres lassant mala, quamvis
 Deficerent Divi, deficeretque dies.
 Perdiderat rabiesque modum, plagæque figuram,
 Atque unum in toto corpore vulnus erat.
 Talis erat, si vera fides, Hieronymus olim;
 Dum studium ob Tullî vapulat ante Deum:
¹ Sic cute direpta Satyrum videre ² Celæne,
 Tibia cum blandæ est victa canore lyræ.
 Ut primum fari licuit, meque ipse recepi
 Nudus, & in nuda sanguinolentus humo,
 Clamabam, Nunc parce pater, nunc parcite fratres
 Cæde mea sanctas conscelerare manus.
 Parce pater: sic ille saccr Seraphicus ordo
 Floreat auspiciis sanctior usque tuis:
 Sic mendicantium genti turba inscia veri
 Affluat, & nunquam credula desit anus:
 Vestra nec incauto pateant mendacia vulgo,
 Nec videat crassos plebs tunicata dolos:
 Et nova sub patribus tironum turba severis
 Inveniat quæstus ingeniosa novos:
 Seu male lustratis manes ³ exire sepulchris
 Fingere, seu tacita fomina nocte liber;
 Relligio nubes animis offundat agrestum,
 Objiciat tenebras sancta Laverna suas.
 Quæque vident oculi se non vidisse reantur,
 Deque fide facti sit dubitare nefas.
 Quod si forte sacra lateat sub veste puella,
 Quæ relevet longæ tædia lenta viæ,
 Aut tenuet multa crassum farragine corpus,
 Si caro spiritui quando rebellis erit:
 Callida decipiant animos commenta profanos,
 Et vetet ulterius quærere velle timor.

Fallat

¹ Sic cute direpta] Marfyam innuit tibicinem, ab Apolline, quod cum ipso ausus esset in certamen venire, pelle exutum: Cæterum [derepta:] videtur legendum, non [direpta:] ita enim Ovid. de hac ipsa re loquens, Met. VI. 387.

Clamanti cutis est summos derepta per artus.

Et in Ibin 551.

Nudare derepta pateant tua viscera pelle,

Ut Phrygium cuius nomina flumen habet.

quanquam nonnullis libris utrobique direpta legatur.

² Celæne] Ita scribendum; non Celebæne, ut in omnibus libris: est autem urbs, quondam Phrygiæ caput. Lucan. III. 206.

Lugent damnata Phæbo victore Celæne.

Et (quem præ oculis habuisse noster videtur) Stat. Theb. IV. 185.

— Qui non certamina Phæbi

Nosset, & illustres Satyro pendente Celænas.

³ Exire] Ita legitur in Edit. H. Steph. Commel. Hart; aliis vero excire.

Fallat & incautos pietatis imago maritos,
 Et capiat faciles sicula tenta nurus.
 Sic tibi, si quando junges per stagna lacusque
 Cum ranis socias alitibusque preces,
 Nulla¹ tuum superet cornix vel rana canorem,
 Oreve præcipitet mobiliore sonos.
 Sive tibi pulex, fraterve pediculus obfit,
 Et tenuem signet pustula multa cutem,
 Innocuos unguis utriusque a sanguine ferves,
 Neu tibi cognata pollue cæde manus:
 Sed tua fraterno pietas dignetur amore,
 Ut solita est, vulpes carnivorosque lupos:
 Et quibus indulsit vitam pater omnibus idem,
 Sive ferat tellus, seu ferat illa fretum,
² Mortua tu comedes animalia; culpa profani
 Sit populi iis vitæ corripuisse moras.
 Quæcunque in sacram fratrum convicia vestem
 Non verita est olim fundere lingua procax,
 Cuncta recantabo, maledicta priora rependam
 Laudibus, & fratrum nomen in astra feram.

XXXVI. *Palinodia.*

VOBIS religio est, sincero assuescere recto,
 Religio est, Christi facta fidesque sequi:
 Raraque simplicitas, & rara modestia vobis,
 Et virtus rara est, & probitatis honos:
 Fastus inauditus, nullaque libidine victum
 Robur, nec duro fracta labore manus:
 Classica non placidos turbant Mavortia somnos,
 Nil opus infano verba locare foro:
 Semina non arvo, non vitem credere sulco,
 Nec dare nubifero vela necesse Noto:
 Sed veluti mures alieno parta labore
 Carpit, & vitam ducitis Angelicam.
 Vos chorus, & cantus, nitidi vos floribus horti,
 Cinctaque porticibus tecta superba tenent.
 Quicquid ubique labor per dura pericula quærit,
 Quod clam fur aufert, latro palamve rapit;
 Vos penes est fructus, penes est vos usus & usus,
 Ad dominos redeunt damna, pericla, dolor:

Copia-

¹ Nulla tuum superet] In margine Basil. adscribitur, Vide Legendam auream.

² Mortua tu comedes animalia] Basil. comedas.

Copiaque & luxus vobis in paupere vita est,
 Nil est, & superant multa, nihilque deest.
 Vos pro me misero fratres orate, patremque
 Flectite, pro vobis sic roget ille Deum:
 Sic flectat: nos interea, quod possumus unum,
 Facta recantatis splendida carminibus
 Dicemus: teneræ nec furta filebo juventæ,
 Addita nec manibus stigmata, nec pedibus:
 Et quæ longa forent numeranti singula: at unum
 Non¹ est fas numeris præteriisse meis.
 Forte furens male morigeri petulantia membri
 Urebat patrem sævius igne pium.
 Quid faceret? peteret sanctarum claustra fororum?
 Claustra procul, nusquam sancta propinqua foror.
 Vulgivagum peteret populo spectante lupanar?
 Nequitia fieret proditor ipse suæ.
 Eloquio matres blando tentaret honestas?
 Ferre nequit longas sicula tenta moras.
 Ergo velut taurus crabronum cuspide fixus,
 Corripuit, rabies qua stimulabat, iter:
 Nudus & in gelida stratus nive membra volutat,
 Et fingit globulos, perterebratque nivem,
 Imponitque suo veluti collaria peni,
 Et jubet optata conditione frui.
 Hæc, ait, Æmilia est, hæc est generosa Corinna,
 Hæc illa est longis Gellia flava comis.
 Deinde alias numerat præstanti corpore Nymphas,
 Nomine formosæ nulla corona caret:
 Tum veluti Cossus spoliis insignis opimis,
 Per fora, per vicos victor amoris ovat.
 Parcite, clamabat, me parcite dicere sanctum,
 Non ego sum, ceu vos creditis esse, pius:
 Sum miser, & merito duro sic plector ab hoste,
 Nequitia pœnas persoluoque meæ
 Pene coronato populus dum spectat ovanem,
 Hic filet, hic risu personat, ille dolet.
 At miseræ matres, nuptæ innuptæque puellæ
 A lacrymis siccas non tenuere genas.
 Illa quidem iustis res annumeranda triumphis
 Inter facta pii prodigiosa patris,
 Quod quamvis asinis membrofior omnibus esset,
 Et Venerem in nullâ perdomuisset equa,

Tot

¹ Non est fas] Basileenfi adscriptum est in margine, *Vide Legendam auream.*

Tot tamen haud multis mulo genuisset in annis,
 Quot nec in umbriferis Mænala celsa jugis.
 Ut pater audivit sancti præconia membri,
 Lætior ad laudes jam meliorque suas,
 Arrisit, tremulosque abiit prurigo per artus,
 Et me cum somno deseruere minæ.

GEORGII BUCHANANI SCOTI ELEGIARUM LIBER.

I. *Quam misera sit conditio docentium literas humaniores Lutetiæ.*



- LEves nugæ, sterilesque valete Camæ-
 næ,
 Grataque Phœbæo Castalis unda choro.
 Ite, sat est: primos vobiscum absumsimus
 annos,
 Optima pars vitæ deperiitque meæ.
 5 Quærite, quem capiat jejuna cantus in umbra:
 Quærite, qui pota carmina cænet aqua.
 Dulcibus illecebris tenerum vos fallitis ævum,
 Dum sequitur blandæ carmen inerme lyræ.
 Debita militiæ molli languescit in umbra,
 10 Et fluit ignavis fracta juvena sonis.
 Ante diem curvos senium grave contrahit artus,
 Imminet ante suum mors properata diem:
 Ora notat pallor, macies in corpore toto est,
 Et tetrico in vultu mortis imago sedet.
 15 Otia dum captas; præceps in mille labores
 Irruis, & curis angeris usque novis.
 Nocte leves somnos resolutus compede fossor
 Carpit, & in mediis nauta quiescit aquis:
 Nocte leves somnos carpit defessus arator,
 20 Nocte quies ventis, Ionioque mari:
 Nocte tibi nigræ fuligo bibenda lucernæ,
 Si modo Calliopes castra sequenda putes:
 Et tanquam Libyco serves curvata metallo
 Robora, & Herculeæ poma ferenda manu,

- 25 Pervigil in lucem lecta atque relecta revolves,
 Et putri excuties scripta sepulta situ.
 Sæpe caput scalpes, & vivos roseris ungues,
 Irata series pulpita sæpe manu.
 Hinc subitæ mortes, & spes prærepta senectæ,
 30 Nec tibi fert Clío, nec tibi Phœbus opem.
 Si caput in cubitum lassâ cervice recumbat,
 Et sopor exiguus lumina fessa premat:
 Ecce, vigil subito quartam denuntiat horam,
 Et tonitruo horrifico lumina clausa quatit:
 35 ¹ Excutit attonito somnos sonus æris acuti,
 Admonet & molli ² membra levare toro.
 Vix siluit, jam quinta sonat; jam janitor urget
 Cymbala, tirones ad sua signa vocans.
 Mox sequitur longa metuendus veste magister,
 40 ³ Ex humero lævo mantica terga premit.
 Dextera crudeli in pueros armata flagello est:
 Læva tenet magni forte Maronis opus.
 Jam sedet, & longis clamoribus illâ rumpit,
 Excutit implicitos ingenioque locos.
 45 Corrigit, & delet, mutat, vigilata labore
 Promit, in obscuro quæ latuere ⁴ diu.
 Magna, nec ingeniis ævi explorata prioris,
 Eruit, inventas nec sibi celat opes.
 [Ignava ⁵ incerta stertit plerumque juvenus,
 50 Cogitat aut curæ multa priora suæ.]
 Alter abest, petiturque alter, ⁶ mercede ⁷ parato
 Qui vocet, & fictos condat arte dolos.
 Ille caret caligis, huic rupta calceus alter.
 Pelle hiat: ille dolet, scribit & ille domum.
 55 Hinc virgæ, strepitusque sonant, fletuque rigantur
 Ora, inter lacrymas transigiturque dies.

Dein

¹ Excutit attonito somnos] Lond. 1686, Edinb. 1677, utraque Elzev. omnesque quas viderim recentiores Editt. somno.

² Membra levare toro] Basil. ad oram libri adscriptum habet *levanda*. [Memor forte fuit, quicumque adscripsit, illius Ovidiani ex lib. I. Am. v. appositum medio membra levanda toro. sed ibi alia verbi levare est significatio, pro reficere, novare. vid. notas. hic Buchananus capit pro tollere, erigere, & de lecto surgere.]

³ Ex humero lævo] Recentr. Et humero, quod metrum non patitur.

⁴ Diu] Edinbürgensis And. Hart, *situ*.

⁵ Ignava incerta] In omnibus Editionibus desideratur hoc distichon, præter Edinburg. And. Hart, ubi pro *incerta* forte *interea* legendum.

⁶ Mercede parato] Ita exhibent Editiones Basil. H. Steph. Commelin. And. Hart, & Editio anni 1594. aliæ autem quas vidi omnes *parata*.

⁷ Mercede parato] i. e. homine aliquo mercede conducto: male recentioribus libris *parata* editum videtur.

- Dein nos sacra vocant, dein rursus lectio, rursus
 Verbera: sumendo vix datur hora cibo.
 Protinus amota sequitur nova lectio mensa,
 60 Excipit hanc rursus altera, coena brevis:
 Surgitur, in seram noctem labor improbus exit,
 Ceu brevis ærumnis hora diurna foret.
 Quid memorem interea fastidia mille laborum,
 Quæ non ingenua mente ferenda putes?
 65 Ecce tibi erronum plenas ex urbe phalanges,
 Terraque ferratis calcibus ista tremit:
 Turba ruit, stolidasque legentibus applicat aures,
 Quales Phœbææ Phryx dedit ante lyræ.
 Et queritur nullis onerari compita chartis,
 70 Esse & ¹ Alexandrum nullo in honore suum:
 Nec gravidum pleno turgescere margine librum,
 Neglectumque premi vile Guidonis opus.
 Curritur ad ² Montem magno cum murmure Acutum,
 Aut alias ædes, ³ sicubi Beta sapit.
 75 Quid referam quoties defenditur ⁴ acer Orestes,
 Carmina vel numeris cum caruere suis?
 Arcadico juveni quod lava in parte mamillæ
 Nil salit, iratus clamat uterque parens:
 Conqueritur nullo labentia tempora fructu,
 80 Totque diu sumtus deperiisse suos.
 [Quin ⁵ etiam in libros nati consumpta talenta
 Supputat: & damnum flagitiumque vocat.]
 Æstimat & nostros non æqua lance labores:
 Temporis & nulla damna rependit ope.
 85 Adde, quod Aonidum paupertas semper adhærens
 It comes, & castris militat ipsa suis:
 Sive canas acies in Turcica bella paratas,
 Sive aptes tenui mollia verba lyræ:
 Sive levi captas populi spectacula loco,
 90 Turgidus aut tragico syrmate verris humum:
 Denique quicquid agis, comes assidet improba egestas,

Sive

¹ *Alexandrum*] [Cujus doctrinale & Montis Acuti vulgo appellatum.
 partes tenebricosas his temporibus in ³ *Sicubi Beta sapit*] Vide Erasmi Chi-
 scholisediscebantur. vide quæ de Alexan- liad. Adag. *Benigare*.
 dro hoc nuper in præfatione ad Valer. ⁴ *Acer Orestes*] Tragediam aliquam
 Flacc. ubi de Maseriana editione ago, id tituli ferentem innuere videtur, qua-
 scripsi. & adde Hamelmannum rom. I. lem meminit Juven. Sat. I.
 Oper. pag. 112. & 115.] ⁵ *Quin etiam*] Hoc etiam distichon in
² *Montem magno cum murmure Acutum*] sola Editione Edinburgensi And. Hart
 Collegium intelligit apud Parisienses reperitur.

- Sive poëma canis, sive poëma doces.
 1 Bella gerunt urbes septem de patria Homeri:]
 Nulla domus vivo, patria nulla fuit.
 95 Æger, inops patrios deplorat Tityrus agros,
 Stadius infantem vix fugat arte famem.
 Exul Hyperboreum Naso projectus ad axem,
 Exilium Musis imputat ille suum.
 Ipse Deus vatium vaccas pavisse Pheræas
 100 Creditur, Æmonios & numerasse greges.
 Calliope longum cœlebs cur vixit in ævum?
 Nempe nihil² doti quod numeraret, erat.
 Interea celeri cursu delabitur ætas,
 Et queritur duram tarda senecta famem:
 105 Et dolet ignavis studiis luisse juventam,
 Jactaque in infidam semina mœret humum:
 Nullaque maturis congesta viatica canis,
 Nec faciles portus jam reperire ratem.
 Ite igitur, Musæ steriles, aliumque ministrum
 110 Quærite: nos alio fors animusque vocat.

II. *Majæ Calendæ.*

- FESTA vocant, lætisque comes Lascivia festis,
 Et chorus, & choreæ blandus amicus Amor:
 Ludit & admissis levis Indulgentia frenis,
 Et levat assueto libera colla iugo.
 5 Interea vigiles paullum secedite curæ,
 Et genitor curæ dure facesse labor.
 Este procul lites, & amaræ jurgia linguæ,
 Mixtaque flebilibus mœsta querela sonis:
 Dum renovat Majus senium revolubilis ævi,
 10 Et tenerum verno pingit honore solum:
 Dum cœli juvenile decus, mundique juventa,
 Per non ingratas itque reditque vices,
 Inque recurrentes sine fine revertitur ortus,
 Et nunquam fessis secula lustrat equis.
 15 Hunc Jocus, hunc tenera menssem cum matre Cupido
 Vindicat, hunc risus, & sine felle sales:
 Hunc hilaris Genius, Genii & germana Voluptas,
 Et pelluentes Gratia picta sinus.

Ipsa

1 *Bella gerunt urbes septem*] Harr. *Septem*
bella gerunt urbes.

2 *Doti*] Ita Basil. Steph. Hart. Com-

melin. Editio 1594, Elz. 1621 & 1628,
 &c. at Wetzsteniana anno 1687. *dotis.*

- Ipsa suo Cypris præsens aspirat honori,
 20 Et recreat flamma splendidiore polum:
 Ipsa novos cultus, niveoque monilia collo
 Induitur, Marti ceu placitura suo.
 Lætus Amor, jaculis Sicala fornace recoctis,
 Splendida sanguinea spicula cote terit.
 25 Has linit ambrosia, linit illas felle sagittas,
 Et renovat flamma lucidiore faces.
 Cernis ut Assyrios late Dea fragret odores,
 Implicet & flavas verna corona comas?
 Ut manus Eois radiet stellata smaragdis,
 30 Ut fluat in nitidos aurea palla pedes?
 Lustret ut intento choreas puer improbus arcu,
 Ut tenera fundat spicula certa manu?
 Ut face nunc juvenes, face nunc petat ille puellas,
 Asperaque invicto fœdere corda domet?
 35 Qua Dea progreditur fragrant per compita flores,
 Et media placidum frondet in urbe nemus.
 Qua Deus ingreditur festi per compita plausus,
 Et vox lætitiæ testis in astra volat.
 Applauditque Deæ stratis mare leniter undis,
 40 Lætæque lascivis squamea turba choris.
 Applauduntque Deo pueri innuptæque puellæ,
 Quois rudis in vacuo pectore flamma calet.
 Plaudit utrique Deo quicquid creat humidus aër,
 Quicquid alit tellus, æquora quicquid alunt.
 45 Rara procellosæ fugiunt in vellera nubes,
 Mollior arboreis sibilat aura comis.
 Purior auratis Pyroëis splendescit habenis,
 Phœbus ab æquoreis purior exit aquis.
 Herba comis, tellus nitet herbis, frondibus arbor,
 50 Luxuriat lætum læta per arva pecus.
 Carcere liber equus spatiis lascivit apertis,
 Jactat & undantes per fera colla jubas.
 Tondet ovis pratum, petulans salit agnus in herba,
 Pro nivea taurus conjuge bella gerit.
 55 Rupis inaccessible scandunt dumeta capellæ,
 Hædus & infirma prælia fronte movet.
 Interea pastor geniali stratus in umbra
 Discutit incomtis tædia lenta modis:
 Nunc & odorata somnos invitat in herba,
 60 Nunc strepitum captat prætereuntis aquæ.
 Intentusque sedet liquidas piscator ad undas,
 Dum tremulum fallax linea sentit onus:

- Forſan & eluſos quærit quibus inſtruat hamos,
 Explicat aut cauta retia longa manu.
- 65 Pampinus appoſitæ complexus brachia ſilvæ
 Veſtit adoptivis robora nuda comis.
 Poma nemus pingunt, meditatur vinea botros,
 Proventu ſegetis dives inundat ager.
- 70 Tityrus in calathis tibi lilia, Theſtyli, cana
 Servat, & in calathis auræa mala ſuis;
 Cumque ſuis nidis Prognen; Progneſque ſororem,
 Et te cum nidis, blanda columbæ, tuis.
 Garrula per virides ludunt examina ramos,
 Et tenui ſilvas gutture mulcet avis.
- 75 Baſia Chaoniæ jungunt laſciva columbæ,
 Ingemit exſtiſtum tinnula mater Ityn.
 Hanc juvat ad nitidum pennas extendere ſolem,
 Hæc querulam pleno convolat ore domum:
 Hæc luteum ſuſpēdit opus, fugit illa per auras,
 80 Et liquidas alis ſtringere gaudet aquas.
 Ridet ¹ ager, rident ſilvæ, micat igneus axis;
 Et placidum ſternit lenior aura fretum.
 Hinc procul ergo abeant cruciantes pectora curæ,
 Vanaque quærendæ ſollicitudo rei.
- 85 Pone ſupercilium capulo vicina ſenectus,
 De tetrica rigidas excute fronte minas.
 Utque novus, poſito veteri ſqualore ſenectæ,
 Pandit odoriferas fertilis annus opes;
 Poſtque pruinofæ languentia frigora brumæ
- 90 Rura novat veris floridioris honos;
 Vos quoque paullisper placidos diffundite vultus,
 Aſpera cum duris ponite juſſa minis:
 Carpite, dum fas eſt, fugitivæ gaudia vitæ,
 Credite vos juvenes eſſe, fuiſſe ſenes.
- 95 Ut ſua munifico diffundit præmia vultu
 Omniferos pandens copia larga ſinus!
 Ut vetat ignavæ reparans incommoda brumæ
 Turpia ſollicitæ damna timere famiſ!
 Pandite ſepoſitas quas ² celant horrea fruges,
- 100 Parcaque congeſtas arca refundat opes.
 Nec tenebris claudat generoſum cella Lyæum,
 Quem dat arenoso Vaſconis uva ſolo:
 Qui, niſi depromis, acri languſcit aceto,

Teque

¹ Ridet ager, rident ſilvæ] Hart, fran-
 denſi ſilvæ.

² Celant] And. Hart, ſervant.

- Teque monet vitæ commoditate frui.
 105 Vos quoque turba feri pueris invisa magistri;
 Qui geritis dura lenta flagella manu,
 Ponite difficiles in idonea tempora vultus,
 Incutiant nullos verbera secta metus:
 Parcite plagosis ferulis, virgæque sonoræ,
 110 Nec scuticæ teneras lædat habena manus:
 Candida nec mœstis suffundite fletibus ora,
 Nec fœdet niveam pustula rupta cutem.
 Post sua Pieriis succedent otia Musis,
 Largaque Castalius sænora reddet ager.
 115 Interea, juvenes, molles celebrate choreas,
 Et genium festis exhilarate jocis.
 Lætæ fugent lites, ludis concedite luctus,
 Pro rixa risus, crimine carmen eat.
 Nec tetrici nuptas custodia dura mariti
 120 Arceat, aut dura janua clausa fera:
 Sollicitæ timidas nec matris cura puellas
 Cogat in obscura delituisse domo.
 Pandite lacteolas (jussit Cytherea) papillas,
 Excipiant flavas lactea colla comas.
 125 Luceat igniferis Sidonia palla pyropis,
 Pulchra verecundus purpuret ora pudor.
 Hæc sunt militiæ Mavortia tela potentis,
 Tela triumphatis imperiosa Deis:
 Tela, quibus fufis juvenilis millia turbæ
 130 Plurima cum pereant, plura perisse petunt.
 Dum choreas ætas, dum blandi gratia veris,
 Libera dum festus gaudia Majus habet,
 Carpe rosas, & ni carpas, peritura ligustra,
 Et vitæ credas hæc simulacra tuæ.
 135 Horrifera ut Boreas agri genialis honorem
 Exuit, ut canas fundit in arva nives:
 Frondibus ut spoliat silvas, ut floribus hortos,
 Pigraque concretis flumina frenat aquis:
 Sic tibi deformes mutabunt tempora cani,
 140 Contrahet & vultus arida ruga tuos:
 Pendebit laxata cutis, rubigine dentes
 Squalebunt, oculos inficietque rubor:
 Mellea deficiet facundæ gratia linguæ,
 Imminet en vitæ frigida bruma tuæ.

145 Dum

1 Ut canas] And. Hart, & canas.

145 Dum nos ergo finunt fata invidiosa, ¹ senecta
Temporis utatur vere, juvena suo.

III. *Ad Briandum Vallium, Senatorem Burdegali. pro Lena apologia.*

POSSE putet quisquam fieri, ² doctissime Valli,
In famulas Veneris durus ut esse queas?
Idem posse suos in fontes flumina labi
Credat, ³ & averfis astra redire rotis.
5 Et tamen in fontes ut flumina lapsa recurrant,
Et retro averfis astra ferantur equis:
Non erit in Veneris, Valli, censura ministras
Aspera, nec rigidis contrahet ora minis.
Non ea rusticitas, rigor est nec tetricus illi,
10 Cordaque montanis asperiora feris:
Sed facilis candor, doctisque exculta Camoenis
Pectora, quæ sævæ nil feritatis habent:
Quæ jocus & salibus capiat condita venustas,
Quæque juvent risus, gratia blanda, lepos.
15 Adde quod est levibus non impenetrabile telis
Cor tibi: sensisti tu quoque quid sit amor.
Inter & ingenuas, præstas quibus omnibus, artes,
Materiam flammis repperit ille suis.
Cum tibi jucundo pectus premeretur amaro,
20 Serperet in curas & nova cura tuas,
Quæ tibi mens, ⁴ quæ vita, animi miserande, fuisset
Tum tibi, si fidam lena negasset opem?
Olim tu quod eras, alios nunc esse putato:
Quæque tibi fuerant, iis modo grata puta.
25 Aut potius, juvenes ceu sis revolutus in annos,
Ante tuum hanc causam finge tribunal agi.
Finge ream lenam, juveni quod morte sub ipsa
Officii fuerit fida ministra sui:
Quod medico certam nullo spondente salutem,

30 Spem

¹ *Senecta Temporis utatur*] i. e. Senes
genio indulgeant verno tempore, utpo-
te totius anni amœnissimo atque ad vo-
luptates aptissimo; juvenes vero *suo vere*
utantur, i. e. juventute vel adolescentia,
quæ ætatis quasi ver est.

² *Doctissime Valli*] Vide Menagium
Anti-Bailler Tom. I. §. 70. adversus
Baillerum de hujus nomine & patria dis-
putantem.

³ *Et averfis*] Ita legendum cum anti-
quioribus Editr. monstrat distichon se-
quens, non, quod recentiores libros oc-
cupavit, *adversis*.

⁴ *Quæ vita, animi miserande*] Dubi-
tari potest an *animi* ad *vita* referendum
sit, an vero ad *miserande*: mihi vero poste-
rius magis arridet, eodem pacto quo *se-
lex* vel *anxius animi* dicitur.

- 30 Spem misero vitæ fecit, opemque tulit:
 Quod natum patri, civem servaverit urbi:
 Hæc, age, quo pœnæ nomine digna putes?
 At vos majorum requiescite molliter umbræ,
 Vestraque purpureo floreat urna croco,
- 35 Qui bene servati statuistis præmia civis,
 Ut premeret fortes querna corona comas.
 Illo debuerat mulier tam strenua nasci
 Tempore, virtuti cum suus esset honos.
 Clarior haud esset Latiis Laurentia fastis,
- 40 Aut Dea, quæ nuda vult meretrice coli.
 At nunc invidiæ est virtus: contemptus honesti,
 Neglecto recti pondere, regna tenet.
 Quæ fora tot caperent statuas, si digna fuissent
 Reddita virtuti dona, virago, tuæ?
- 45 Quæ nunc, me miserum, es rea criminis, id modo crimen
 Si sit, quo demto vivere nemo potest.
 Officium si crimen erit, si nocte dieque
 Aspera blandiloqua frangere corda prece:
 Vincula si Veneris sunt noxia, legibus arce:
- 50 Nulla dehinc ornet limina festus Hymen.
 Ne liceat gravibus medicos arcessere morbis,
 Si nullum, medicos qui vocet, esse licet.
 Sin & blanda Venus¹ gerantum secla propaget,
 Et medicam morbis addere fas sit opem:
- 55 Polcere sin fas est,² quæ fas fecisse, rogare
 Et medicum, & Venerem conciliare licet.
 Quod si parva licet magnis componere, lenæ
 Munere comperies quot placuisse Deos?
 Anne aliud quam lena Venus, quam leno Cupido?
- 60 Quæque præest primis pronuba Juno toris?
³ Quique domas duras Domiti, & Domiduce puellæ
 Ductor ad externos cum venit illa Lares?
⁴ Anne Jugatinum tibi, Pilumnumque, Premamque,
 Pertundam, & Subigum, teque Hymenææ canam?
- 65 Cumque Libentina Manturnam, Volupiamque,

Et

¹ Generantum secla propaget] Quidam forte generatim hic legerint, propter illud Lucretii lib. I.

Efficit ut cupide generatim secla propagent.

At nulla, me iudice, id necessitas cogit.

² Quæ fas fecisse] Rob. Steph. anni 1567; & Mam. Parisson. 1579, Quod fas fecisse.

³ Quique domas duras Domiti] De Diis Deabusque hisce nuptialibus vide Lil. Gyraldum Syntag. I.

⁴ Anne Jugatinum] Ita legendum, non quod pluribus libris irrepsit Jugativum. Jugatinus autem vocabatur quod conjuges conjungeret, August. civ. Dei, lib. IV.

- Et quæ de timida virgine nomen habet?
 Sedula multorum, Valli, si lena Deorum
 Implevit partes, ¹ crimen id esse putas?
 Dedecus est homini, quod numinis æquat honores?
 70 Res erit huic pœnæ quæ dedit astra Deis?
 Sed neque connubiis præsumt hæc numina solis,
 Et sine connubio est non inamœna Venus.
 Respice Pieridas, Valli, tua numina, Musas,
 Virgō in virgineo vix erit ulla choro.
 75 Orpheæ mulcentem silvas agnoscit & amnes
 Calliope genitrix, Uranicque Linum.
 Furta tegens uterus reliquas facit esse pudicas:
 Quæ casta est? sterilis, vel sine teste parens.
 Nec tædis super astra fides servata maritis,
 80 Nec patrem appellas ipse Gradive Jovem.
 Forte pudicitia seclis fuit ampla vetustis
 Gloria: sed titulo gloria sola tenus.
 Quam nunc utilitas, mos, consensusque recusat
 Publicus, haud falso si licet ore loqui.
 85 Cum mare, cum tellus homines populetur, & ignis,
 Tot pereant morbo, tot fera bella necent:
 Cumque hominum in pejus solertia callida semper
 Inveniat causas in sua fata novas:
 Tun' prohibere potes Veneris commercia? lenas
 90 Si tollis, Veneris commoda quanta veras?
 Tun' prohibere audes Veneris commercia? sola
 Humanum poterunt quæ reparare genus?
² Nam neque Partheniis nunc quercubus editur Arcas,
 Curetes pluvio nec geniti imbre cadunt:
 95 Nec gravis frater funduntur nube bimbres,
 Nec vivunt Pyrrhæ saxa animata manu:
 Myrmidonas nusquam gignit formica, nec usquam
 Ficta Prometheo spirat imago luto.
 Una quidem superest, superest ars unica, Valli,
 100 Quæ reparat nostrum continuatque genus.
³ Huic quota pars restat detracto munere lenæ,

Sive

¹ Crimen id esse putas] Steph. & Patif-
 son. putes & forte melius.

² Nam neque Partheniis] De Arcadi-
 bus quercubus editis, vide Statium Theb.
 IV. 275. De Curetibus Ovid. Met. IV.
 282. De centauris nubigenis Virg. Æ-
 neid. VIII. 293. De hominibus a Deu-

calione & Pyrrha, jactis post terga la-
 pidibus, reparatis Ovid. Met. I. 399.
 De formicis in Myrmidonas conversis
 Met. VII. 654. De homine a Prometheo
 ex luto ficto Met. I. 82.

³ Huic quota pars restat] Steph. & Pa-
 tisson. Hinc quota.

- Sive torus, Veneris seu vaga furta placent?
 Lena toros auget foecunda prole maritos,
 Ne serië foboles deficiente cadat.
- 105 At si legitimi servantur foedera lecti,
 Opprimet illustres quanta ruina domos?
 Juppiter & Bacchus succurret munere lenæ,
 Atque geret partes Mars & Apollo viri.
 Gignet Alexandrum serpens, qui Persida vincat,
- 110 Perniciem Libyes Scipiademque draco:
 Aut personatus juvenis sub nomine amicæ
 ' Sacra Bonæ intrabit non temeranda Deæ.
 Sed neque conjugium conjux castum expetet ullus,
 Si quicquam sano in pectore mentis habet.
- 115 Quæ casta est, tetrica est eadem tristisque, nec octo
 Diducit risu mensibus ora quater:
 Oscula dat veluti pulla cum sindone mater,
 Funera quæ nati luget acerba sui.
 Prætereò prudens quos nox thalamusque torusque
- 120 Continet occultos & sine teste jocos:
 Quos mihi si tollis, nec casta Lucretia conjux
 Hac placeat lecto conditione meo.
 At quæ furtivæ Veneris commercia novit,
 Mille virum tristem leniet illa modis.
- 125 Si peregre it, plorat: redeuntem amplectitur, ulnis
 Comprimit, exanimis deficit inque sinu:
 Accusatque moras, & verbis oscula jungit:
 Oscula dum jungit, fletibus ora rigat.
 Et queritur ceu læsa prior suspiria ducens,
- 130 Percursatque agili sedulitate domum.
 Hæc bona si doctæ debent connubia lenæ,
 Quantum illi cœlebs debeat ergo torus?
 Debet ei cœlebs, gelido quod sidere brumæ
 Non cubet occlusas frigidus ante fores:
- 135 Fabula quod non sit vulgi rumore sinistro,
 Aptæ quod officiis tempora liber agat.
 Ipse tibi es testis, (quid enim manifesta negemus?)
 Ars lenæ quantum commoditatis habet:
 Quæ si opera quondam te destituisset amantem,
- 140 Venisset studiis heu mora quanta tuis?

Pu-

[Sacra Bonæ intrabit] P. Clodium in-
 nuit, qui in facellum Bonæ Deæ, quod
 nulli viro intrare licebat, muliebri ha-
 bitu penetravit, Pompejæ Cæsaris uxori
 stuprum illaturus. Vide Cicer. de Arusp.
 cap. 18. pro Milone 31. Dion. lib.
 xxxvii.

- Publica Burdegala^æ prohibent decreta lupanar:
 Judicio lena^æ nec licet esse tuo.
 Quid facient inopes juvenes, peregrinaque turba?
 Quid miseri mystæ, Funigerique greges?
 145 Quid Monachi reliqui? quorum tentigine nervos
 Affidue vexant vina, juventa, quies?
 Claudere cum precibus possint Acheronta polumque,
 Et coeli, Stygias & referare fores,
 Secure ut precibus possint intendere, apud te
 150 Illorum justas fac valuisse preces.
 Adde quod e furto proles feliciter exit,
 Quam cum legitimo vincula more ligant.
 Nempe quod assuetæ Veneris fastidia gignit
 Copia, nec gratum quod licet, esse solet.
 155 Sensus hebes languet, torpetque ignava voluptas,
 Acrius ardescit sæpe repulsus amor.
 De Junone Jovi satus est modo Mulciber unus,
 Claudus ab Ætnæis squalidus usque rogis.
 Mars furto, & Pallas, Phœbus, Bacchusque Venusque,
 160 Et qui saxifica Gorgonis ora tulit:
 Quique tulit cœlum, quique extulit igne parentem,
 Quemque suum auctorem Martia Roma¹ vocat.
 Quosque foret longe numerare molestius, undæ
 Quam Libycæ fluctus si numerare velis.
 165 ² Nec tamen hîc metuit livor confingere crimen,
 Esse ubi par merito gratia nulla potest.
 Nec satis hoc visum est meritis non præmia reddi,
 Sed vitii officio nomina falsa damus.
 Peccet ut hîc vulgus, quisque ignorantia crassa
 170 Obsita Cimmerica pectora nube premit;
 Absit ab ingenio, Valli, foedissima labe,
 Barbaries mores nec notet ista tuos;
 Quod fuit officium quondam melioribus annis,
 Ut vitium, crimen nequitiamque putes.
 175 Nam neque vim vertit, nativæque nomina rerum,
 Ut niveas tingit cana senecta comas.
 Nec si mutarit tempus cum corpore formam,
 In vitium virtus degenerare potest.
 Sola manet patiens ævi, securaque damni,
 180 Nec metuit longas temporis una moras.
 Virtutem appellem? quidni? quæ noxia nulli,

Eximia

¹ Vocat] Basil. colit.² Nec tamen hic metuit] Lond. 1686, tuit.

Dan. Elzev. 1676. Westf. 1687. hinc me-

- Eximia multis commoditate placet.
 Ut tibi non profit, seris neque serviat annis,
 Utilis at nato ¹ forte erit illa tuo.
- 185 Attamen haud Veneris tibi sic deferbuit ardor,
 Nullaque sub docto pectore flamma calet,
 Ut veteres penitus possis abdicere amores,
 Nullaque Cyprigenæ gaudia nosse Deæ.
 Nulla quoque ut capias, nimium livoris iniqui est,
- 190 Quis careas, alios velle carere bonis.
 Nam licet acer equus senio sit fractus inertī,
 Bellica cum raucæ signa dedere tubæ,
 Mente furit, ² terramque ferit pede, surrigit aures,
 Robore adhuc retinens deficiente minas.
- 195 Ductor & emeritis Martem qui deserit armis,
 Et procul a castris otia lentus agit,
 Instruit exemplis juvenes, hortatibus implet,
 Nec sibi calcatas obstruit ille vias.
 Absit, ut invidas aliis tendentibus illuc,
- 200 Quo tibi, sed lenæ munere, facta via est.
 Per Charites, Musasque tuas, Valli optime, quarum
 Funguntur lenæ carmina sæpe vice;
 Mystica per Veneris, quarum est lena una sacerdos,
 Perque Cupidineas, tela timenda, faces;
- 205 Per Veneris comites Bacchum, risusque, salesque,
 Quæque hilarent genium, gaudia læta, tuum:
 Vel mitte innocuam, vel lenam absolve nocentem,
 Si modo, quod lena est, lena sit ulla nocens.
 Finge tibi pariter cunctas procumbere lenas,
- 210 A quibus officium sedulitatis habes:
 Finge tibi pariter cunctas astare puellas,
 Oreque blandiloquo talia verba queri:
 Aut una damnato omnes, aut crimine solve,
 Juncta etiam nostris est tua ³ causa malis.
- 215 Damna, si damnare potes, quæ noxia nulli,
 Grata sua multis sedulitate fuit:
 Quam nemo accusat, quam nemo coarguit, idem
 Quin testis culpam publicet ipse suam.
 Illa potest mores, populo ⁴ vel teste, tueri:
- 220 Legitimus quæstus nunc facit esse ream.

Si

¹ Forte] Basil. fors.

ditt. terramque ferit.

² Terramque ferit] Lond. 1686. Elzev.³ Causa] Basil. culpa.

1628. aliæque illam secutæ Belgicæ E-

⁴ Vel] Basil. quoque.

Si vitium esse putes, poteris non credere factum:

Si factum credas, ne vitium esse putes.

IV. *Ad¹ Ptolemæum² Luxium Tastæum, &³ Jacobum Tevium,
4 cum articulari morbo laboraret. M. D. XLIV.*

- O** Animæ, Ptolemæe, meæ pars altera, tuque
 Altera pars animæ, Tevi Jacobe, meæ,
 Scire juvat quid agam? vivo modo, si modo vivit
 Pōdus iners, animæ corpus inane suæ.
 5 Sed tamen ingratas ceu vivi ducimus auras,
 Et trahit exanimem languida vita moram.
 Ignea vis febris rapido sic perfurit æstu,
 Ut minus Ætnæi sæviat ira rogi.
 Torrida concretis lapidescunt viscera grumis,
 10 Et latebras renum calculus urit atrox.
 Ut Cereris possint, ut Bacchi munera credi
 Tacta Medusæis obriguisse comis.
 Sed tamen hæc nostri levis est accessio morbi,
 Et pars immensi vix numeranda mali:
 15 Humor enim cunctos late diffusus in artus,
 Qua jungunt flexus ossibus ossa suos,
 Obsedit cæcas pigro marcere lacunas,
 Cunctaque torpenti frigore membra ligat.
 Ex humeris pendent sine robore brachia laxa,
 20 Nec fluidum cervix sustinet ægra caput:
 Genua labant, & crura tremunt, lassique recusant,
 5 Tam celeres nuper, me modo ferre pedes.
 Sic ego defunctus jam vivo, mihiq̃ superstes,
 Et, vitæ amisso munere, fata moror.
 25 Quodque mihi superest fugitivæ lucis, id omne
 Dividit in pœnas Parca severa meas.

Nam

¹ *Ptolemæum*] [Quis hic fuerit Ptol. Luxius Tastæus indagare nondum potui. Burdegalem fuisse docemur ex Sylvarum carmine II.]

² *Luxium Tastæum*] Rob. Steph. 1569, & Parisson. *Luxium Tastæum Vasconem, & Jacobum Tevium, cum laboraret articu- lari morbo.*

³ *Jacobum Tevium*] [Jacobus Tevius Bracarenfis, cum Lutetiæ docuisset lite- ras, Burdegalam a Goveanis evocatus, postea in Conimbricam Academiam de- ductus fuit. vid. Schott. Biblioth. Hi-

span. tom. III. pag. 479. ubi enumerat ejus scripta. & Nicol. Ant. Biblioth. Hisp. tom. I. pag. 245. Commenta- rium de rebus a Lusitanis in India apud Dium gestis, eleganti & Latinissimo stilo scriptum, ornavit Buchananus Epi- grammate, quod in prioribus editioni- bus omisum nunc post Psalmos infer- tum legitur.]

⁴ *Cum articulari morbo*] Basil. cum ex distillatione articulari morbo laboraret.

⁵ *Tam celeres nuper*] Rob. Steph. & Parisson. *Tam stabiles.*

- Nam dum lenta subit nervos pituita, cavisque
 In latebris tabes viscida membra coquit:
 Tunc ego felicem Tityum atque Promethea clamo;
 30 Una quibus tantum viscera carpat avis.
 Non ita distentis laxantur corpora nervis,
 Cum petitur dubii criminis indicium:
 Non ita vexatae tenduntur vincula navis,
 Cum notus infano miscuit astra freto.
 35 Hic ubi desævit, succedit calculus: illum
 Protinus enascens acrior hydra subit.
 Aut cava tinnitu demurmurat auris acuto,
 Aut facit arentem febris anhela sitim:
 Aut sensim illabens lentus pulmonibus humor
 40 Vexatum tussi quassat utrumque latus.
 Interea medicus decocti uligine ligni
 Oppugnat lentam persequiturque luem.
 Hic cibus, hic potus tenuatos recreat artus,
 Et cum vicina prælia morte gerit.
 45 At macie informi succum populante refugit
 Et vigor & vultu qui fuit ante color.
 Squalidus obfedit faciem situs, ossaque præbent
 Membra per arentem dinumeranda cutem.
 Et velut in speculo se lumina cernere nolint,
 50 In latebras penitus retro abiere suas.
 Denique vos animis talem me fingite, quales
 Ad tumulos manes credit adesse timor.
 Qualia pinguntur miseris simulacra figuris
 Terrificæ Mortis, mortiferæque Famis.
 55 At neque Tantalus, nec Tevius affidet, ore
 Suaviloquo longum qui vetet esse diem:
 Nec mihi delicias blandi facit oris ¹ Alanus,
 Nec lepida alludit garrulitate Petrus:
 Nec recreant animum doctis sermonibus ægrum
 60 Cætera Vasconicæ turba diserta scholæ.
 Sed nec amicitia mihi pectora cognita certæ
 In mediis hinc me deseruere malis.
 Sæpe mihi medicas Groscollius explicat herbas,
 Et spe languentem consilioque juvat:

65 ¹ Sæ-

[¹ Alanus] [Forte intelligitur Nicolaus in Bibl. Hist. Francica n. 145 Perrus Alanus Medicus, cujus librum de San- vero v. 58. & Groscollius v. 63. mihi ad-
 ronum Regione & illustribus familiis, huc ignoti latent.]
 editum a filio Joanne recenset Le Long.]

- 65 ¹ Sæpe mihi Stephani solertia provida Carli
Ad mala præsentem tristitia portat opem.
Turnebus Aonii rarissima gloria cœtus
Officiis vacuum non finit ire diem.
Cæteraque ut cessent, ² Gelidæ ³ pia cura sodalis
70 Et patris & patriæ sustinet usque vicem.
Ista levant animum, cum tellus luce relecta est:
At cum sol vitreis præcipitatur aquis,
Ingeminant mœsto pallentes agmine curæ,
Fingit & in formas somnia mille sopor.
75 Illa mihi vestros per cæca silentia vultus,
Oraque per tenebras conspicienda ferunt.
Alloquiisque levant animum fallacibus ægrum,
Et prohibent longas noctibus esse moras.
Sit licet hæc nimium levis & fugitiva voluptas,
80 Dulce tamen caris sic quoque posse frui.
Fors & nocte, isthuc etiam me somnia portant,
Et statuor vestrum pallidus ante torum:
Et tenui fundens suspiria mœsta querela
Commiseror vitæ fata sinistra meæ.
85 Hoc vetet illa mihi fors hæctenus aspera, furda
Nec saltem hic nostras abnuat aure preces.
Et vos obscuræ suavissima pignora noctis
Somnia, pennato concita turba gradu,
Efficite absentes dolor hic ne tangat amicos,
90 Solus & e nostris sim miser ipse malis.
Quod si Parcarum non exorabile numen
Ruperit ante suum stamina nostra diem,
Sera mei fidos accedas fama sodales
Funeris, & longa quam pote falle mora.
95 Et, vos unanimes lacrymis absistite amici,
Neu gemitu manes sollicitate meos.
Si quis erit sensus supera quid agitur in aula,
Libera cum vinclis corporis umbra fugit,
Vester erit luctus nostræ quoque lugubris umbræ,
100 Nec mihi mors longi meta doloris erit.

V. *Ad*

¹ *Sæpe mihi Stephani*] Ex hoc Buchanan disticho recte colligit Menagius Carolum Stephanum Roberti primi fratrem Medicum fuisse, Anti-Baillet Tom. I. §. 58.

² *Gelidæ*] Ita Steph. & Patiss. alii autem omnes, — *ut cessent gelide, pia* — elegat Lector.

³ *Gelide pia cura sodalis*] Vide quæ nos ad Buchananam vitam, ad annum 1542.

V. *Ad Francif. Olivarium; Franciæ Cancellarium, nomine
ſcholæ Burdegalenſis.*

- S**i pudor audaces ſineret ſuus eſſe Camœnas,
Et qui virginibus purpurat ora metus;
Omnis Aquitani properaret turba Lycæi
Ante tuas ſupplex manē rubentē forēs.
- 5 Quod tamen ingenuus fari pudor impedit illas,
Promptus & in ſexu debiliore rubor;
Una jubet, teneris tibi cognita ſcilicet annis,
Pauca quidem hæc verbis nos memorare ſuis.
Pene ſuum rediit circumfluus annus ad ortum,
- 10 Et prope deſeſſis Phœbus anhelat equis,
Ex quo pauperies inopes miſerabilis urget
Pieridas, juveni numina nota tibi.
Si ſera barbaries trepidos ² vaſtaret agreſtes,
Et quateret bello mœnia durus Iber;
- 15 Publica privatas lenirent damna querelas,
Junctaque cum populi ſollicitudo metu.
Nunc mala tempeſtas belli deſæviit, urbes
Pax fovet, & pleno copia larga ſinu.
Rura quies ſecura colit, mercator incermis
- 20 Impavido tutas remige fulcat aquas.
Cætera tranquillæ ſenſerunt commoda pacis,
Cum mala nos bellis aſperiora premant.
Quid modo ſqualentes turpi rubigine mores
Profuert ſtudiis excoluiſſe bonis?
- 25 Quid modo barbariem juvet expugnâſſe rebellem,
Inque triumphato figere caſtra ſolo:
Si tamen incolumi Francisco & prole, ſecundum
Te quoque poſt regum ſceptra tenente locum,
Nos tenet obſeſſos miſere crudelis egellâs,
- 30 Nec finit Aoniis credere ſemen agris?
Hæc quoque non noſtræ pars eſt poſtrema querelæ,
Si tibi neglectæ deſtituamur ope.
Cum tamen ad ſummos per nos ſis veſtus honores,
(Ingenuo verum ſi licet ore loqui,)
- 35 Quis neget inſontes tali ſub clade Camœnas,
Et non horrendi criminis eſſe reas?

Si

¹ Si pudor audaces] Non irritos fuiſſe Olivarium-ſcripta.
hos Buchanani Elegos, oſtendit. Ode ² Vaſtaret agreſtes] Rob. Steph. & Pa-
tillan. vexaret. (Miscell. IV.) ad eundem F.

- Si nec, Olivari, saltem tibi credita caussa est
 Nostra, patrocinii digna favore tui:
 Si mala non puris ¹ vitiemus pocula succis,
 40 Mistaque cum liquidis toxica demus aquis;
 Non petimus velum deprensæ obtendere culpæ:
 Picstantur pœnis crimina quæque suis.
 Aut si per steriles comites frustremur arenas,
 Non habeat faciles nostra querela Deos.
 45 Sed neque per steriles comites frustramur arenas,
 Enecat injectum nec sibi semen ager.
 Convenient quamvis Latiae Francæque Camœnæ,
 Quasque colit vasto Teutonis ora solo:
 Non sumus indecores Latiis Francisque Camœnis,
 50 Quasque ² colit vasto Teutonis ora solo.
 Sin piget, & tanti non sunt commercia nostra,
 Et nimio sumtu credimur esse graves:
 Id quoque ne pigeat cito spem præcidere vanam,
 Vulnere ³ nec lenta nostra fovere mora.
 55 Hæc ubi spes aberit, vicinos ⁴ altera Iberos,
 Aut petet aurifero littora flava Tago:
 Aut modo pacatos trans æquora lata Britannos,
 Aut juga Sirhonia semper operta nive.
 Quælibet excipient Musas loca: nam neque deerit
 60 Inter inhumanos hospita terra Getas.
 Tu modo per si quid juveni indulgere Camœnæ,
 Cum numeris aures detinuere tuas:
 Aut ope præsentis miseras solare & egenas,
 Aut saltem auxilii spem cito tolle tui.

VI. *Ad Alisam e morbo pallidam & macilentam.*

- V**ERANE te facies miseranda ostendit Alisā,
 Anne oculos fallax decipit ⁵ umbra meos?
 Sed neque decipiunt oculos modus oris & artuum,
 Et Charitum quales vix rear esse pedes:
 5 Et tua qui semper sequitur vestigia, sive

Discere

¹ *Vitium pocula*] *Iidem, vitium pa-*
bula.

² *Quasque colit vasto Teutonis ora solo.*
 And. Hart, Steph. & Mam. Patiss. 1579.
Teutonis aut vasto quas colit ora solo.

³ *Nec lenta*] *Basil. nec longa.*

⁴ *Alteri Iberos*] *Ex Camœnis scil.*
 quas hic loquentes inducit. Videtur au-

tem hoc disticho And. Goveanum Scho-
 læ Burdegalensis tum Gymnasiarcham,
 sequente se ipsum indicare, minarique,
 ni ampliore præmio muneratos, utrum-
 que ad suos, se ad Scotos, Goveanum
 ad Hispanos, reversuros.

⁵ *Umbra meos*] Rob. Steph. & Patiss.
 son. *umbra meos*: male.

- Discere vult gestus, sive docere, decor.
 Sed quota, me miserum, pars hæc illius Alisæ est,
 Inter Hamadryadas quæ modo prima fuit?
 Heu color, & vultus sine rusticitate modesti,
 10 Et lepor, & blandis ira proterva minis!
 Heu ubi lethiferas spirantia lumina flammæ,
 Et matutinis æmula labra rosis!
 An tibi Thessalici vis perniciosa veneni
 Torret ad arcanos cerea membra focos?
 15 Æmulus an livor te perdidit? & Venus ipsa
 Indoluit formæ dicta secunda tuæ?
 At tibi ego infelix senium deforme timebam,
 Et cum rugosis pallida labra genis,
 Et quæcunque olim longinqui temporis ætas
 20 Invida formosis damna parare solet.
 Sed tenero securus eram de flore, nec unquam
 Credideram tantum fata ego posse nefas.
 Vos o, quas penes est vitæque necisque potestas,
 Sortitæ nimium regna superba Deæ,
 25 Quale decus primo fraudatis flore juventæ?
 Debuit hoc vestris non licuisse colis.
 Si vos forte juvant fletus prope busta recentes,
 Et semper lacrymis ¹ tincta favilla novis:
 Carpite maturosque senes, vetulasque rigentes,
 30 Sparsaque vix raris tempora cana comis:
 Carpite quos inopis ² torquent fastidia vitæ,
 Quique velint annos præcipitare suos.
 Parcite formosis, breve ver dum transvolet ævi,
 Parva mora haud parvi muneris instar erit.
 35 O fera Persephone, ³ nimium dilecta tyranno,
 Quem luctus miseri, ⁴ vinclaque sæva juvant,
 Non ego te facie credo placuisse marito,
 Sævitia captus palluit ille tua.
 Tune potes virides annos fraudare juvena?
 40 Et modo nascentem, præsecuisse comam?
 Totque animas anima perdes crudelis in una?
 Heu frustra votis sæpe vocata piis!
 At puto non longum lætabere, si modo verum est
 Ditis inhumani pectus amore capi.
 45 Sit licet & ferro, sit durior ære rigenti,

Aspe-

¹ Tincta] And. Hart, *sparsa*.³ Nimium dilecta] Basil. *merito dilecta*² Torquent fastidia] Rob. Steph. & Parisson. *capiant fastidia*.⁴ Vinclaque sæva] Rob. Steph. & Parisson. *sævaque vincla*.

Asperior furiis sit licet ille suis:

Hanc semel adspiciat, feritas placata quiescet,
Atque hunc, qui vincit omnia, vincet Amor.

Tum tibi prælatam neglecta dolebis Alifam,

50 Et viduum flebis frigida fero torum.

Quin animum nostris frange exorata querelis,

Victuræque brevem temporis adde moram.

Quod tibi das, nobis poteris tribuisse videri:

Et lacrymas nobis, & tibi deme metum.

VII. De ¹ Leonora ² Pieridis lenæ filia.

QUALITER, ut Phrygii crepuit tinnitus aheni,
Cymbala mellificas rauca morantur apes:

Sic mea se sistit, placide & Leonora renidet.

Æra simul curva concrepuere manu.

5 Hoc amat, hoc sequitur, ³ stupidis hinc vultibus hæret,

Hos avida solos combibit aure sonos.

Non ferus argutas sonipes sic arrigit aures,

Et furit, ut tristes concinuere tubæ:

Non ita, Mæonias matres stimulante Lyæo,

10 Thyades effusis exsilire comis:

Non ita semimares Berecynthia tibia mystas

Cogit ad insanos membra ⁴ secare modos:

Ut furit ⁵ audito crepitu Leonora metalli,

Gessit & assuetis obstupefacta sonis.

15 Cor salit, os ridet, lætis nitet ardor ocellis,

Palpitat & trepido sanguine vena micans. ⁶

Conferat huc magicos Circe Perseia cantus,

Conferat Ææis gramina lecta jugis.

Æs Leonora modo audierit, nec carmina vires,

20 Lecta nec Ææis obtinet herba jugis.

Nec

¹ De Leonora] Basil. Ad Leonoram, absuntque hæ voces, Pieridis lenæ filia. Harum autem de Leonora Elegiarum in Basileensi codice ordo est inversus, quæ enim in hoc priorem, in alijs omnibus posteriorem obtinet locum: utrique vero præmittitur De Neæra carmen, quæ alijs Editr. Elegiarum ultima est.

² Pieridis] Rob. Steph. Parisson. & Genev. 1584, Peridis, quod & rectius videtur; ita enim eam nominat Miscell. VII.

³ Stupidis] Editio Mam. Parissonii an-

ni 1579, stupidisque.

⁴ Secare] Parisson: movere.

⁵ Audio] Ita Mam. Parisson. & Hart: alii autem, auditi.

⁶ In editione Mam. Parissonii interseruntur hic quatuor versus, quos utpote obscænos codices alii omnes omisisse videntur.

Linguaque blanditiis teneris luctantia miscet

Basia, complexus brachia sponte ferunt.

Turpis & in partes serpit prurigo repostas,

Et movet argutas virva libido nates.

- Nec tamen ære capi nymphæ præcordia miror,
 Æra movent magnos sæpe minuta Deos.
 Est Dea, Thessalicis sed cum rubet ista susurris
 Luna, laboranti fert sonus æris opem.
 25 Quid rear? an cæcis rerum contagia caussis
 Naturæ certa corpora lege trahunt?
 Ferro adamas, fulvo gaudet Leonora metallo,
 Scilicet ingenio paret uterque suo.
 Audiit Aonio ductos ubi pectine montes,
 30 Et nemora Orpheis capta fuisse modis,
 Et citharam auratam contendit, & aurea plectra,
 Aureaque ¹ Orpheæ fila fuisse lyræ:
 Et Danaën pluvio felicem prædicat auro,
 Aureaque hac merito iudice dicta Venus.
 35 Hinc licet Æacides precibus contendat Achilles,
 Forma, ² annis, factis, nobilitate ³ potens,
 Si pretium accedat, pretio concedet Achillis
 Cum precibus virtus, forma, juvena, genus.
 Hoc videt, hoc audit sentitque, ad cætera sordana
 40 Nec credas oculos hanc, nec habere manus.
 Nec coram statuis procumbit ad oscula sacris,
 Lamina ni primos integat alba pedes:
 Pulsaque templorum cum turribus æra resultant,
 Tum canere ad Veneris prælia signa putat.
 45 Hoc facit ut ⁴ pigros senio tardosque podagra
 Illa sacerdotes impatienter amet.
 Sustinet amplexu demortua membra fovere,
 Molliaque ad canas oscula ferre comas:
 Et fluere in vultus spumantis fila salivæ,
 50 Et gelido nasi rore madere sinus.
 Eque oculis putrem stillantibus ebibit imbrem,
 Et scabri dentis læta venena vorat:
 Frigentesque novat juvenilibus ignibus artus,
 Excitat & nivea languida membra manu.
 55 Tantum in amore valet sperati amor improbus æris,
 Tot juvenum pallens vota cadaver habet.
 Sed neque carnificis dextram fugit ⁵ illa cruenti,

Mu-

¹ Aureaque] Patisson. Æneaque.

bet Editio Basil.

² Forma, annis] Basil. & Hart, animus, nullo fere sensu, nisi animus legatur: verum sincera omnino lectio est annis, cui altero post versu respondet juvena, quemadmodum genus idem est cum nobilitate, quod insulse exhi-³ Potens] Basil. vivens.⁴ Pigros senio] Rob. Steph. & Patisson. senio pigros.⁵ Illa cruenti] Iidem cruentam: Et mox

Si modo carnificis munera dextra ferat.

- Munera carnificis si modo dextra ferat.
 Nec simul infremuit venis furiosa libido,
 60 Subjicere ærato membra recuset equo.
 At vos, o mystæ, Veneris justissima cura,
 Queis florem ætatis devovet illa suæ,
 Hoc pro tot meritis saltem præstare, senecta
 Cum tumulo ingesti pulveris ossa teget;
 65 Ænea ne querulos dent tintinnabula pulsus,
 Nec trepidis manes sollicitate sonis:
 Nam semel arguti murmur si clannerit æris,
 Umbra etiam cœlum linquet, ut æra petat.

VIII. *In eandem.*

- E**RGO mihi nunquam nisi personata videnda es?
 Cernere nec faciem fas, Leonora, tuam?
 1 Alloquar absentem præsens? in luce serena
 Tanquam sint tenebræ, non videam quid amem?
 5 Osculer, amplectar, tractem quod cernere non est?
 Et tecum veluti te sine semper ero?
 Non ego Penelopen, 2 si non videatur, amabo:
 Gorgona si videam, Gorgona forsitan amem.
 3 Illa vel OEdipodas, vel Phineas urat amicos,
 10 Quæ faciem metuit ne tueare suam.
 Per te, per verum, quicumque est ille, colorem,
 Perque oculos, oculos qui rapuere meos:
 Quisquis is est, verum vultum permitte videri,
 Te volo, personam nolo videre tuam.
 15 Dummodo certus amem, quidvis patienter amabo:
 Cum tegitur virtus, creditur esse nefas.
 Dum cutis exiguas viscato polline mendas
 Illinis, ingentes suspicione facis.
 Nam cum vera latent vero majora timentur,
 20 Et mens quid paveat nescia, cuncta pavet.
 At tibi nec labris vultum deformis equinis
 Æthiopum calido venit ab axe pater:

Deco-

1 *Alloquar absentem*] Recentiores libri *Alloquor.*

2 *Si non videatur*] Rob. Steph. & Parisson. *que non videatur.*

3 *Illi vel OEdipodas*] i. e. cœcos amatores nanciscatur, quales fuere OEdipus & Phineus, quorum ille, quod patrem interfecisset, & matrem uxorem duxisset,

præ dolore sibi oculos eruit; hic, quod duos filios novercæ superinductæ consiliis oculis privasset, a Diis eodem supplicio est affectus. Vide Statium Theb. l. 47. Ovid. Met. vii. 2. *Phineas* autem est Accusativus pluralis Græcus; nec est quod quispiam hic *Phineos* putet legendum.

- Decolor aut fusci genuit te filia Mauri,
 Candida sed patriæ nympha colore suâ.
 25 Utque fores nigro nigra Æthiopissa parente,
 Ne metuas nigram ne tamen ullus amet:
 Candida mens fusci pensabit damna coloris,
 Quæ facie ingrata est, simplicitate placet.
 Nec sapor est unus cunctis jucundus, odorque,
 30 Nec facies oculis omnibus una placet.
 Simplicitas me nuda juvat; mihi basia pura,
 Servabis Monachis oscula picta tuis.
 Illos ¹ picta juvent, quibus est sub tegmine duro
 Religio mores dissimulare suos.

IX. De Neera.

- SERVITII juga dura & iniquum exosus amorem,
 Eripui dominæ me, rapuique fugam:
 Sensit Amor, pedibus celerem ² velocior alis
 Urget, &, A nobis sic fugitivus abis?
 5 Dumque facem rotat, ³ ut languentes colligat ignes,
 Exstinctam lacrymis hanc videt esse meis.
 Ergo avidus pœnæ, tædæque iratus inermi
 Omnia de pharetra spicula fundit humi:
 Omnia me contra jaculatur, & omnia frustra,
 10 Pectoribusque hærent spicula mille meis.
 Cor, jecur & pulmo tot faucia facta sagittis,
 Quo ⁴ facerent jaculis non habuere moram.
 Non tot in Actæa patuere foramina cera,
 Testa novo populo cum nova fingit apis:
 15 Non ita pro foribus stamen tralucet, Arachne
 Hostibus aligeris præmeditante dolos.
 Fervida tot telis ⁵ non proficientibus ira
 Fugit ad auxilium diæ Neæra tuum:
 Et capiti assistens te dormitante capillum
 20 Aureolum flavæ tollit ab orbe comæ.
 Et mihi ridenti (quis enim non talia vincla
 Rideat?) arridens brachia vinxit Amor:
 Luctantemque diu (sed frustra) evadere, traxit

Capti-

¹ Picta] Mam. Patiss. fista.² Velocior] Idem: alii omnes velocius.⁴ Quo facerent jaculis] Basil. Quo jaculis

facerent.

³ Ut languentes colligat ignes] Basil. & languentes colligit ignes. And. Hart, & lan-⁵ Non proficientibus] Patisson. nil pra-

- Captivum, dominæ restituitque meæ.
 25 Et nunc ille ferox, ipsique rebellis Amori,
 (Ah! pudet) & solitus fortia verba loqui,
 Jussa fero stimuli patiens, nec iniquus habenis,
 Et trahor iratæ præda relictus heræ.
 At vos, quos oculis melior Venus adspicit æquis,
 30 Cunctaque non durus vota secundat amor:
 Ne gaudete, meis nec læti illudite damnis,
 Quæ mea fors hodie est, cras fore vestra potest.

GEORGII BUCHANANI SCOTI
 S I L V Æ.

1. *Ad CAROLUM V. Imperatorem, Burdegalæ hospitio publice
 susceptum, nomine Scholæ Burdegalensis, anno M. D. XXXIX.*



- ASCONIDIS¹ regnator aquæ, gene-
 rose Garumna,
 Cui toties Latios fascēs, totiesque curule
 Fas ebur, & veteres, ingentia nomina, pa-
 tres
 Cœruleo excepisse sinu, non contigit unquam
 5 Hospitii tibi major honos, licet usque vetusti
 Temporis æterno series repetatur ab ævo:
 Roma atavos quamvis, magnæ licet æmula Romæ
 Proferat antiquos tellus Byzantia patres.
 Ausoniæ regalis honos, decus orbis Iberi
 10 Carolus, Arctoi soboles Mavortia Rheni
 Vasconicam subit hospes humum, quem publica poscunt
 Vota orbis, famulas cui porrigit obviis ulnas
 Albula, nativi quem tentat turbidus auri
 Deliciis revocare Tagus, quem jure paterno
 15 Cœrulei repetunt prima incunabula Rheni,
 Cernere quem cupiunt gemino sub sole superbi

Bar-

¹ *Vasconidis*] Edinburg. And. Hart, *Vasconicæ*.

Barbaricis ambo exuviis, hinc Ister, & illinc

¹ Bagra^a Marmaricæ lentus fulcator arenæ.

Burdegalam tamen ille tuam, tua tecta, Garumna,

20 Ingens hospes init: tibi maiestate remissa

Imperii decrescit apex, tecto²que minori

Cæsareus succedit honos, privata subire

Culmina dignantur Latii diademata regni.

² Sic Hecale Ægiden, sic te Tyrinthia proles

25 Ceperunt rigidi mapalia nuda Molorch³:

Sic posita quondam sceptri gravitate perustos

Juppiter Æthiopas, canamque revivere Tethyn

Gaudet, & alternis interferit o⁴ia curis.

Ergo hospes positusque minis, ventisque, Garumna,

30 Compositis, Borea non oblu⁵ctante vel Austro,

Tranquillus mitisque adsis, vultuque sereno

Crispentur tremulæ Zephyris felicibus undæ:

Depositum tibi grande orbis, tibi publica vota

Spemque suam credit, rectorem gentis Iberæ,

35 Ausoniæ dominum, Boreæ pugnacis alumnum,

Victorem Libycæ terræ, Scythiæque timorem:

Quem colit occasus, Boreas amat, ultimus horret

Ortus, & infidi metuit solertia Mauri.

Cernis ut effractis popularia flumina claustris

40 Accurrant, properentque tuis se jungere Nymphæ

Fluctibus, Oceanus refluis ut plenior undis

Majores convolvat aquas, cupidæque videndi

Nereides, Nereusque pater, Tritonque canorus,

Et senior Glaucus, viridisque examina Phorci

45 Discursent tremula per stagna liquentia cauda?

Tu quoque magnanimum quamvis stirps, Carole, avorum

Magnanimis sis major avis, te Gallia quamvis

Obvia solliciter, quamvis cunabula pandat

Rhenus, & Austriaci revocent molimina sceptri;

50 Burdegalæ exiguos ne dedignere penates

Hospitio sancire tuo: quæ dispere quamvis

Fortunæ splendore tuo, parvoque paratu

Te

¹ Bagra^a] Hæc verior, atque meliorum auctorum, Lucani, Statii, Plinii, Ptolemæi, Procopii, Sidonii, Orosii & Æthici (uti notat magnus Borchartus Geogr. sac. I. 24.) exemplo confirmata, hujus vocis scriptura, pro quo in Pomponio, Silio & Floro, omnibusque Buchananani Editt. Bagra^a legitur:

respexisse autem noster videtur illud Lucani Pharf. 1v. 588.

——— Qua se

Bagra^a lentus agi² sic e fulcator arenæ?

² Sic Hecale Ægiden] Hecale anus pauperula Theseum, Molorchus senex pastor Herculem hospitio suscepisse a Pœtis feruntur.

- Te capit hospitio, studio in te forte fideli
 Atque animo Regum ingentes æquaverit aulas.
 55 At famæ si danda fides, subiere minores
 Numina sæpe casas, ac non ingrata voluntas
 Hospitis & magnum cepit mens grata Tonantem.
 Obsequiis concede piis, concede favori
 Burdegalæ, totam tibi quæ cum civibus urbem
 60 Devovet: ut feri possint meminisse nepotes
 Quæ loca tu quondam, quæ tecta impleveris ingens
 Hospes, & externis veniens peregrinus ab oris
 Discere magnanimi cupiat vestigia Carli.
 Si locus hic superest, inter si nomina tanta
 65 Admittunt tenues communia gaudia Musas,
 Versibus incultis Aquitanis turba Camœnis
 Dedita te studiis patronum, & pacis adorat
 Auctorem, facilesque vias, facilesque recursus
 Exoptat, Pylios & cum superaveris annos,
 70 Jam tibi promissam super aurea sidera vitam.

II. *Desiderium¹ Ptolemæi Luxii Tastæi.*

- USQUE adeo patrii sordet tibi ripa Garumnæ,
 Piætones ut scopulos, atque horrida tesqua fructetis
 Durus ames? nec te focium pecorisque larisque
 Cura tenet, nec quam fociis pecorique larisque
 5 Prætuleras; cui sæpe rosas, cui sæpe solebas
 Pallida cum niveis vaccinia ferre ligustris:
 Quam tu fideribus, quam tu componere soli
 Ausus eras: ² cujus nitidis radiantia ³ gemmis
 Sola tibi purum fundebant lumina lumen.
 10 Nunc tamen (heu nunquam constans in amore voluptas!)
 Tu procul hinc steriles rupes colis immemor ⁴ Agrii
 Vasconicique gregis, Nymphæque oblitus amata:
 Forsitan & stupidas bona carmina perdis ad aures.
 Interea nostris pastoria fistula silvis
 15 Muta filet, mutæ pecudes, mutæque volucres,
 Nec strepit assueto Zephyri levis aura fusurro.
 Noctua successit philomelæ, & acanthidi bubo,

Strix-

¹ *Desiderium Ptolemæi*] In Edit. Ba- 1594, Commelin. & And. Hart, cui ni-
 fil. & H. Steph. alio ordine quam in re- tidis.
 liquis hoc & sequentia carmina dispo- ³ *Gemmis*] And. Hart, *flammiis*.
 nuntur. ⁴ *Agrii*] Basil. *agri*, sed melius *Agrii*,
² *Cujus nitidis radiantia*] Editio anni nam *Agrius* post nominatur.

- Strixque nocens pueris, & ¹ tristis ad omina cornix,
 Raucaque flumineæ recinunt ² convicia ranæ.
 20 Sicubi ³ fausta sedet volucris, non gutture læto
 Mulcet agros, non in tractus lasciva volatu
 Emicat aërios, tristi sed murmure mœstum
 Et lugubre sonans sedet in dumis desertis
 Abdita, turbatis deformis & horrida pennis.
 25 Ipse ego cum calamos mœsti solatia luctus
 Sumere tentarem, crudumque levare dolorem
 Carmine, vix primis admoram labra cicutis,
 Sive fuit casus, seu (quod magis auguror) omen,
 Et mala quæ mentem nunquam præfagia fallunt,
 30 Flebile raucisonæ responsavere cicutæ.
 Ipsæ etiam in tumidis Nymphæ Oceanitides undis,
 Ipsæ etiam ⁴ in placidis Nymphæ ⁵ Dordonides antris,
 Ipsi etiam montes, ipsæ etiam convalles
 Auditæ longas per noctem iterare querclas.
 35 Sed neque te tantum, quanquam te flumina lugent,
 Nec tantum Nymphæ, silvæ, volucresque feræque,
 Quantum te in solis solus gemit Agrius antris.
 Illum ego congressusque hominum & consortia tecta
 Vitantem, tacitæ per muta silentia silvæ
 40 Dum sequor, & voces capto, & vestigia servo,
 Hæc memini mœsta convicia fundere lingua.
 Pictones o scopuli, & nudis impervia saxis
 Culmina, & exiguæ male pingua culta Crotellæ,
 Quæque paris raras tantum silva horrida glandes,

45 Ah!

¹ *Tristis ad omina*] Commelin. Elzev. 1621 & 1628. Edin. 1677. Lond. 1686. *tristis ad omnia*; male, quemadmodum supra animadversum ad Baprist. pag. 34.

² *Convicia*] Vide Phædri fab. vi. 5.

³ *Sicubi*] Vir doctus, qui notas illas conscripsit, quæ ad calcem Elzevirianæ 1621, aliarumque deinceps Editionum sunt adjectæ, legendum monet conjunctim *Sicubi*, quanquam omnes aliæ habeant divisim *Sic ubi*. Verum non videtur ille conspexisse Edit. Mam. Patissolii 1579, in qua etiam *Sicubi* conjunctim legitur.

⁴ *In placidis*] Utrique Elzev. Edimb. 1677. Lond. 1686, omnibusque Belg. Edit. abest in.

⁵ *Dordonides*] Basil. Steph. Comme-

lin. & Editio anni 1594, *Dardonides*, sed male, a *Dordonia* enim (vulgo *Dordonne*) fluvio Gallix Aquitanicæ, ex montibus Arvernorum, & ex *Dor* & *Donia* fontibus scatente, ac in Garumnâ apud Liburnam oppidum influente, id nominis illis est inditum. [Ita vulgus Geographorum nos solet docere, sequi amans Aimoinum. vid. Papir. Masson. descripr. Franciæ per Flumina. in Garumna. sed omnes errare & Dordoniam, sive, ut olim dicebatur, Duranium ex uno fonte, ex monte Dor oriri, & inde Decum Doranum, Doroniam, Dornoniam, & circa A. Ch. DCC. Dordoniam & Dordoniam docet egregie Hadr. Valesius in notitia Gallix pag. 179.]

- 45 Ah! quibus infames magicis in collibus herbas
Gignitis? Ææi quæ vis occulta veneni
Hinc procul in vestris Ptolemæum detinet oris?
Certe ibi purpureis non lotos aquatica baccis,
Quæ tenuit focios tarde redeuntis Ulyssæi,
50 Non Cereri lustratus ager, non commoda bubus
Pascua, non virides generoso palmitæ colles,
Qualia Vasconicæ feliciâ jugera glebæ.
Cæteraque ut consent, non quæ dedit ubera primum
Hic genitrix, non quod tua primum infantia cælum
55 Haussit, & infirmis pulsus vagitibus ær,
Reptatumque solum puero: non falce notata
Silva sub hirsuto servat tua carmina libro,
Carmina nequicquam memorem spondentia mentem.
Quid tamen hoc prodest, patrii quod ripa Garumnæ
60 Et viridis frondes, & amœnam in frondibus umbram
[Præbeat, ¹ & primas meditantæ carmina cannas]
Prima tibi dederit, si tu non tangeris istis?
At te si capiunt inamœno robore colles,
Quodque per incultas arefcit gramen arenas,
65 Raraque quæ canis languet vindemia faxis,
Ipse suas vites, sua pingua culta Garumna
Oderit, & nulla redimitus arundine frontem
In mare per steriles lente prorepet arenas.
Quid precer, o silvæ, vobis, quid saxa, quid undæ?
70 Quid campis precer, & pecori, pecorisque magistris,
Quos mihi, quos patriæ Ptolemæus prætulit oræ?
Silva neget glandes, & Bacchi munera colles,
Torreat arva fitis, scabies pecus, atra magistros
Pestis & infani perimant contagia morbi,
75 Sospite Tastæo patriæque mihiq; sibiq;
Immemor ut visat memores invitus amicos.
Hei mihi! ² quid silvæ & campi, quid saxa, quid undæ?
Quid pecus, & pecoris quid commeruere magistri?
Hæc ego devoveam, patriis quæ prætulit arvis
80 Pascua Tastæus? piget, & mea vota ³ retracto:
Rursus & iratæ linguæ maledicta recanto.
Glande nemus, foetu pecus, uva vitis abundet,
Puraque perspicuis manet de fontibus unda,

Pa-

¹ *Præbeat*] Hunc versum in sola editione And. Hart invenio.

² *Quid silvæ*] Alii codices universi, *quid silvæ & campi meruere? quid undæ?*

melius autem lectio And. Hart, quam nos secuti sumus, prioribus respondere videtur.

³ *Retracto*] [Vide ad Jephthen. p. 204.]

- Pabula dent campi, silvæ pastoribus umbras,
 85 Sub quibus arguta carmen modulentur avena.
 Quæ te cunque tenet tellus, quæcunque tenebit;
 Sive per æstiferas Libyæ sitientis arenas
 Pastor ages pecudes, Boreæ seu juncta nivali
 Rura coles, Libycum Boreas riget imbribus axem,
 90 Et rigor Arctous tepido mitescat ab Austro;
 Et quacunque feres gressus, tibi balsama sudet
 Quercus, mella rubis, tribulisque legatur amomum:
 Dum neque terra ferax mellis, neque dives amomo
 Esse tibi patrio videatur amicior arvo.
 95 Me miserum! quid vana queror? procul ille remotis
 Saltibus externos forsan suspirat amores.
 At vos o venti, tuque o pulsata querelis
 Aura meis toties, & amari conscia luctus
 Partem aliquam duras Ptolemæi perfer ad aures.
 100 Ille licet scopulis (quod non puto) durior ipsis
 Fiat, & antiqui (quod nolim) oblitus amici,
 Cum tamen audierit gemitus, moturaque rupes
 Verba mei luctus, nostro ingemet ille dolori,
 Dicet &, Hic nostræ fuit admirator avenæ.
 105 Plura locuturo vultum sub nube recondens
 Tristior occiduas Phœbus descendit in undas.

III. *Desiderium Lutetiæ.*

- O** Formosa Amarylli, tuo jam septima bruma
 Me procul aspectu, jam septima detinet æstas:
 Sed neque septima bruma nivalibus horrida nimbis,
 Septima nec rapidis candens fervoribus æstas
 5 Exstinxit vigiles nostro sub pectore curas.
 Tu mihi mane novo carmen, dum roscida tondet
 Arva pecus, medio tu carmen solis in æstu,
 Et cum jam longas præceps nox porrigit umbras:
 Nec mihi quæ tenebris condit nox omnia vultus
 10 Est potis occultare tuos, te nocte sub atra
 Alloquor, amplector, falsaque in imagine somni
 Gaudia sollicitam palpant evanida mentem.
 At cum somnus abit, curis cum luce renatis
 Tecta miser fugio, tanquam mihi tecta doloris
 15 Semina subjiciant, & solis mœstus in agris,
 Qua vagus error agit feror, & deserta querelis
 Antra meis, silvasque & conscia saxa fatigo.
 Sola meos planctus Echo miserata gementi

- Adgemit, & quoties suspiria pectore duco,
 20 Hæc quoque vicino toties suspirat ab antro.
 Sæpe super celsæ prærupta cacumina rupis
 In mare prospiciens, spumantia cœrula demens
 Alloquor, & furdis jacto irrita vota procellis:
 O mare! quæque maris vitreas, Nereides, undas
 25 Finditis, ¹ in vestros placidæ me admittite portus:
 Aut hoc si nimium est, nec naufragus ire recuso,
 Dummodo dilectas teneam vel naufragus oras.
 O quoties dixi Zephyris properantibus illuc,
 Felices pulchram visuri Amaryllida venti,
 30 Sic neque Pyrene duris in cotibus alas
 Atterat, & vestros non rumpant nubila cursus,
 Dicite vesanos Amaryllidi Daphnidos ignes.
 O quoties Euro, levibus cum raderet alis
 Æquora, dicebam, Felix Amaryllide visa,
 35 Dic mihi, Num meminit nostri? num mutua sentit
 Vulnera? num veteris vivunt vestigia flammæ?
 Ille ferox contra rauco cum murmure stridens
 Avolat irato similis, mihi frigore pectus
 Congelat, exanimes torpor gravis alligat artus.
 40 Nec me pastorum recreant solamina, nec me
 Fistula, Nympharumque levès per prata choreæ,
 Nec quæ capripedes modulantur carmina Panes:
 Una meos sic est prædata Amaryllis amores.
 Et me tympana docta ciere canora Lycisca,
 45 Et me blanda Melænis amavit, Iberides ambæ,
 Ambæ florentes annis, opibusque superbæ:
 Et mihi dotales centum cum matribus agnos
 Ipsi promissere patres, mihi munera matres
 Spondebant clam multa: meum nec munera pectus,
 50 Nec nivei movere suis cum matribus agni,
 Nec quas blanditias teneræ dixere puellæ,
 Nec quas delicias teneræ fecere puellæ.
 Quantum ver hyemem, vietum puer integer ævi,
 Ter viduam thalamis virgo matura parentem,
 55 Quam superat Durium Rhodanus, quam Sequana Mundam,
 Lenis Arar Sycorim, Ligeris formosus Iberum,
 Francigenas inter Ligeris pulcherrimus amnes:
 Tantum omnes vincit Nymphas Amaryllis Iberas.
 Sæpe suos vultus speculata Melænis in unda

60 Com-

¹ Finditis, in vestros] Post hunc. addi-
 tur in Editione Edinburgensi hic versus.

Et date Celtarum incolumi contingere portum.

- 60 Composuit, pinxitque oculos, finxitque capillum,
Et voluit, simul & meruit formosa videri.
Sæpe mihi dixit, Animi male perditæ Daphni,
Cur tibi longinquos libet insanire furores?
Et quod ames dare nostra potest tibi terra, racemos
- 65 Collige purpureos, & spes ne concipe lentas.
Sæpe choros festos me prætereunte, Lycisca
Cernere dissimulans, vultusque averſa canebat
Hæc, pedibus terram, & manibus cava tympana pulsans:
Et Nemesis gravis ira, atque irritabile numen,
- 70 Et Nemesis¹ læsos etiam punitur amores.
Vidi ego, dum leporem venator captat, echinum
Spernere, post vanos redeuntem deinde labores,
Vespere nec retulisse domum leporem nec echinum.
Vidi ego, qui mullum peteret piscator, & arctis
- 75 Retibus implicitam tincam sprevisſet optimam,
Vespere nec retulisse domum mullum neque tincam.
Vidi ego, qui calamos crescentes ordine risit
Pastor arundineos, dum torno rasile buxum
Frustra amat, (interea calamos quos riserat, alter
- 80 Pastor habet,) fragiles contentum inflare cicutas.
Sic solet immodicos Nemesis contundere fastus.
Hæc & plura Melænis, & hæc & plura Lycisca
Cantabant surdas frustra mihi semper ad aures.
Sed canis ante lupas, & taurus diligit urſas,
- 85 Et vulpem lepores, & amabit dama lænas,
Quam vel tympana docta ciere canora Lycisca
Mutabit nostros vel blanda Melænis amores.
Et prius æquoribus pisces, & montibus umbræ,
Et volucres deerunt silvis, & murmura ventis,
- 90 Quam mihi discedent formosæ Amaryllidos ignes:
² Illa³ mihi rudibus succendit pectora flammis,
Finiet illa meos moriens morientis amores.

IV. Fran-

¹ Læſos etiam punitur amores] Punitur hic active adhibuit, ad exemplum Cic. de Offic. lib. I. Neque ad ejus qui punitur aliquem, aut verbis castigat, ad reipub. utilitatem referri: & Tusc. I. Quo multi inimicos etiam mortuos puniuntur.

² Illa mihi rudibus] Ita in unica Editione Edinburgensi Andræ Hart; in aliis vero omnibus turpissimo errore legitur, Illa meum rudibus succendit pectora flammis.

³ Illa mihi rudibus] Alibi monuimus omnibus libris (præter unum And. Hart.) Illa meum rudibus legi, quem solœcismum Menagius Anti-Baillet part. I. §. 1. Buchanani ipsius, ego librarii potius oscitantiz imputandum existimo.

IV. *Francisci Valeſii & Mariæ Stuartæ, Regum Franciæ & Scotiæ, Epithalamium.*

- UNDE repentino fremuerunt viscera motu?
 Cur Phœbum defueta pati præcordia anhelus
 Fervor agit, mutæque diu Parnaffidos umbræ
 Turba iterum arcanis renovat Pæana sub antris?
 5 Nuper enim, memini, squalebat marcida laurus,
 Muta chelys, tristis Phœbus, citharæque repertor
 Arcas, & ad furdas fundebam vota sorores.
 Nunc Phœbi delubra patent, nunc Delphica rupes
 Panditur, & sacro cortina remugit ab antro.
 10 Nunc lauro meliore comas innexa sororum
 Turba venit, nunc Aoniæ non invida lymphæ
 Irrigat æternos Pimplei ruris honores,
 Lætæque Pieriæ revireſcit gloria ſilvæ.
 Fallimur? an nitidæ tibi ſe, Francisce, Camœnæ
 15 Exornant? tibi ſerta parant, ¹ tibi flore recenti
 Templâ novant? mutumque diu formidine Martis
 Gaudent inſolitis celebrare Heliconæ choreis?
 Scilicet haud alius nemoris decerpere fructus
 Dignior Aonii, ſeu quem numerare triumphos
 20 Forte juvat patrios, ſeu conſecrata Camœnis
 Otia: ſic certe eſt. Hinc læto compita plauſu
 Cuncta fremunt: legumque exuta licentia frenos
 Ludit: Hymen, Hymenæus adeſt: lux illa pudicis
 Exoptata diu votis, lux aurea venit:
 25 Venit. Habes tandem toties quod mente petiſti,
² O decus Hæctoridum juvenis: jam pone querelas,
 Deſine ſpes nimium lentas, jam deſine longas
 Incuſare moras, dum tardum ſignifer annum
 Torqueat, ignavos peragat dum Cynthiâ menſes.
 30 Grande moræ pretium ſers: quod ſi priſca tuliffent
 Secula, non raptos fleſſet Menelaus amores,
 Et ſine vi, ſine cæde Phrygum Cytherea probatæ
 Solvere Priamidæ potuiſſet præmia formæ.
 Digna quidem facies, quam vel trans æquoris æſtus
 35 Claſſe Paris rapiat, vel conjurata repoſcat
 Græciâ: nec minus eſt animi tibi, nec minor ardor

Quam

¹ *Tibi flore recenti*] And. Hart, *fronde recenti*.

² *O decus Hæctoridum*] Gallos, ſive Francos, Hæctoridas poëtarum more

appellat, quod eorum nonnulli ſcriptores ſe Franco vel Francione quodam Hæctoris Trojani filio ortos fabulantur.

- Quam Phrygio Grajove duci, si postulet arma
 Conjugii tutela tui. Sed mitior in te
 Et Venus, & teneri fuit indulgentia nati,
 40 Qui quod ames tribuere domi: puerilibus annis
 Cœptus amor tecum crevit: quantumque juventæ
 Viribus accessit, tanto se flamma per artus
 Acrius ¹ insinuans tenerum pascebat amorem.
 Non tibi cura fuit, quæ sæpius anxia Regum
 45 Pectora sollicitat, longinquæ obnoxia flammæ:
 Nec metus is torfit, veri prænuntia fama
 Ne vero majora ² ferat, dum secula prisca
 Elevat, & primum formæ tibi spondet honorem:
 Cera nec in varias docilis transire figuras
 50 Suspendit trepidam dubia formidine mentem:
 Nec tua commisti tacitis suspiria chartis,
 Rumorisque vagam timuisti pallidus umbram.
 Ipse tibi explorator eras, formæque probator,
 Et morum testis. Nec conciliavit amorem
 55 Hunc tibi luxuries, legum indignata teneri
 Imperio, aut primis temerarius ardor ab annis:
 Sed sexu virtus, annis prudentia major,
 Et decori pudor, & conjuncta modestia sceptris,
 Atque hæc cuncta ligans arcano gratia nexu:
 60 Spes igitur dubiæ, lentæque faceffite curæ,
 Ipse tuis oculis tua vota tuere, probasque:
 Speratosque leges sine sollicitudine fructus,
 Nullaque fallacis delusus imagine somni
 Irrita mendaci facies convicia nocti.
 65 Expectatus Hymen jam junget fœdere dextras,
 Mox etiam amplecti, mox & geminare licebit
 Basia, mox etiam non tantum basia: sed tu,
 Quamlibet appropere, animo moderare: beatum
 Nobiscum partire diem, tu gaudia noctis
 70 Solus tota feres: quanquam neque gaudia noctis
 Solus tota feres: & nos communiter æquum est
 Lætitiâ gaudere tuam: communia vota
 Fecimus, & sacras pariter placavimus aras,
 Miscuimusque preces, & spesque metusque tuosque
 75 Sensimus affectus: ³ ægre tecum hausimus una
 Tædia longa moræ. Superi nunc plena secundi

Gaudia

¹ Acrius insinuans] Basil. accendens.³ Ægre tecum] Rob. Steph. & Patif-² Ferat] Ira Hart & recentiores son. ægræ.
omnes, antiquiores vero ferat.

- Gaudia cum referant, sensus pervenit ad omnes
 Lætitia, mentemque ciens renovata voluptas
 Crescit, & exsultant trepidis præcordia fibris.
 80 Qualis ubi Eois Phœbus caput extulit undis
 Purus, & auratum non turbidus extulit axem,
 Cuspide jucundæ lucis percussa renident
 Arva, micat tremulo crispatus lumine pontus,
 Lenibus aspirat flabris innubilis ær,
 85 Blanda ferenati ridet clementia cœli:
 At si nubiferos effuderit Æolus Austros,
 Et pluviis gravidam cœlo subtexit umbram,
 Mœsta horret rerum facies, deformia lugent
 Arva, tument fluctus, campis gravis incubat ær,
 90 Torpet & obductum picea caligine cœlum:
 Sic ex te populus suspensus, gaudia, curas,
 Mœroresque trahit: rosea nec sola juvena
 Florida, nec spatiis quæ te propioribus ætas
 Insequitur, genio indulgent, vultuque soluto
 95 Lusibus exhilarant aptos juvenilibus annos;
 Hunc posita vultus gravitate severior ætas
 Lætatur celebrare diem, matresque verendæ
 Non tacito hunc, tacitoque optat virguncula voto.
 Quid loquar humanas admittere gaudia mentes?
 100 Ipsa parens rerum totos renovata per artus
 Gestit, & in vestros penitus conspirat honores.
 Aspice jam primum radiati luminis orbem
 1 Semper inexhausta lustrantem lampade terras,
 Ut niteat, blanda ut flagrantem mitiget ignes
 105 Temperie, ut 2 cupidos spectacula vestra tueri
 Purpureo vultus maturior exserat ortu,
 Serius occiduas currus demittat in undas,
 Ut gelidos repetens flamma propiore triones
 Contrahat æstivas angusta luce tenebras.
 110 Ipsa etiam tellus virides renovatur amictus,
 Et modo pampineas meditatur collibus umbras,
 Et modo messe agros, modo pingit floribus hortos:
 Horrida nec tenero cessant mansuescere foetu
 Tesqua, nec armati spina sua brachia vepres,
 115 Nec curvare feros pomis aviaria ramos:
 Inque omnes frugum facies bona copia cornu
 Solvit, & omniferum beat indulgentior annum,

Pigno-

1 Semper *inexhausta*] Omnes præter 2 Cupidos] Ia Steph. alii vero omnes,
 And. Hart. & Lond. 1686, *inexhausto.* *cupido.*

- Pignoris hoc spondens felices omine tædas.
 Fortunati ambo, & felici tempore nati,
 120 Et thalamis juncti! vestram concordia mundi
 Spem fovet, aspirat votis, indulget honori:
 Atque utinam nullis unquam labefacta querelis
 Conjugium hoc canos concordia servet in annos.
 Et (mihi ni vano fallax præcordia Phœbus
 125 Impulit augurio) quem jungit sanguinis ortus,
 Et commune genus proavûm, serieque perenni
 Fœdus amicitiae solidum, quem more vetusto
 Sancta verendarum committunt fœdera legum,
 Nulla dies unquam vestrum divellet amorem.
 130 Vos quoque felici lucent quibus omine tædæ,
 Quo studium, populique favor, quo publica regni
 Vota precesque vocant, alacres accedite: tuque
 Tu prior, o Reges non ementite parentes,
 Hectoride juvenis, tota complectere mente
 135 Quam dedit uxorem tibi lex, natura sororem,
 Parentem imperio sexus, dominamque voluntas,
 Quam sociam vitæ tibi conjungere parentes,
 Et genus, & virtus, & forma, & nubilis ætas,
 Et promissa fides, & qui tot vincula nectens
 140 Firmius arctat amor totidem per vincula nexus.
 Si tibi communi assensu connubia Divæ
 Annuerent, Paris umbrosa quas vidit in Ida,
 Permittantque tuo socias tibi jungere tædas
 Arbitrio, quid jam, voti licet improbus, optes
 145 Amplius? Eximia delectat gratia formæ?
 Aspice quantus honos frontis, quæ gratia blandis
 Interfusa genis, quam mitis flamma decoris
 Fulguret ex oculis, quam conspirarit amico
 Fœdere cum tenera gravitas matura juvena,
 150 Lenis & augusta cum majestate venustas.
 Pectora nec formæ cedunt exercita curis
 Palladiis, & Pierias exculta per artes
 Tranquillant placidos Sophia sub ¹ judice mores.
 Si series generis longusque propaginis ordo
 155 Quæritur: hæc una centum de stirpe nepotes
 Sceptriferos numerare potest, hæc regia sola est,
 Quæ bis dena suis includat secula fastis;
 Unica vicinis toties pulsata procellis,
 Externi immunis domini: quodcunque vetustum

160 Gen.

- 160 Gentibus in reliquis vel narrat fama, vel audet
 Fabula, longævis vel credunt secula fastis,
 Huc compone, novum est. Ampla si dote moveris,
 Accipe dotales Mavortia pectora Scotos.
 Nec tibi frugiferæ memorabo hîc jugera glebæ,
 165 [Aut ¹ saltus pecore, aut fœcundas piscibus undas,]
 Aut æris gravidos & plumbi pondere sulcos,
 Et nitidos auro montes, ferroque rigentes,
 Deque metalliferis manantia flumina venis,
 Quæque beant alias communia commoda gentes.
 170 Hæc vulgus miretur iners, quique omnia spernunt
 Præter opes, quibus assidue sitis ² acris habendi
 Tâbifico oblimat præcordia crassa veneno.
 Illa pharetratis est propria gloria Scotis,
 Cingere venatu saltus, superare natando,
 175 Flumina, ferre famem, contemnere frigora & æstus;
 Nec fossa & muris patriam, sed Marte tueri,
 Et spreta incolumem vita defendere famam;
 Polliciti servare fidem, sanctumque vereri
 Numen amicitiae, mores, non munus amare.
 180 Artibus his, totum fremerent cum bella per orbem,
 Nullaque non leges tellus mutaret avitas
 Externo subjecta iugo, gens una vetustis
 Sedibus antiqua sub libertate resedit.
 Substitit hîc Gothi furor, hîc gravis impetus hæsit
 185 Saxonis, hîc Cimber superato Saxone, & acri
 Perdomito Neuster Cimbro. Si volvere priscos
 Non piget annales, hîc & victoria fixit
 Præcipitem Romana gradum: quem non gravis Auster
 Reppulit, incultis non squalens Parthia campis,
 190 Non æstu Meroë, non frigore Rhenus & Albis
 Tardavit, Latium remorata est Scotia cursum:
 Solaque gens mundi est, ³ cum qua non culmine montis,

Non

¹ Aut saltus] Hunc versum, in aliis omnibus desideratum, ex Editione And. Hart supplevimus.

² Acris] Ita habent antiquiores & Hart, recentiores vero, *avis*.

³ Cum qua non culmine montis] Quidam arbitrantur fœdam hic, sive typographi, sive exscriptoris vitio, maculam admissam: quis enim (ajunt) veterum sic locutus est, *Scotia est sola gens mundi, cum qua* (i. e. ut illi interpretantur, *adversus*

quam) *Romani munierunt limites sui imperii, non culmine montis, &c. sed muris & fossa?* ac proinde pro [*cum qua*,] legendum contendunt [*in quam*,] At non est, mea sententia, quod constantem omnium librorum scripturam sollicitemus: quin potius, si rem accuratius intueamur, omnia non recte modo ac Latine, sed belle ac venuste dici comperiemus; non enim (quod illi volunt) hæ voces [*cum qua*] ad verbum [*munivit*] referendæ sunt, sed

- Non rapidi ripis amnis, non objice silvæ,
 Non vasti spatiis campi Romana potestas,
 195 Sed muris fossaque sui confinia regni
 Munivit: gentesque alias cum pelleret armis
 Sedibus, aut victas vilem servaret in usum
 Servitii, hinc contenta suos defendere fines
 Roma securigeris præterdit mœnia Scotis:
 200 Hic spe progressus posita, Carronis ad undam
 Terminus Ausonii signat divortia regni.
 Neve putes duri studiis assueta Gradivi
 Pectora mansuetas non emollescere ad artes,
 Hæc quoque, cum Latium quateret Mars barbarus orbem,
 205 Sola prope expulsis fuit hospita terra Camœnis.
 Hinc Sophiæ Grajæ, Sophiæ decreta Latinæ,
 Doctoresque rudis formatoresque juventæ
 Carolus ad Celtas traduxit: Carolus idem,
 Qui Francis Latios fasces, trabemque Quirini
 210 Ferre dedit Francis, conjunxit fœdere Scotos:
 Fœdere, quod neque Mars ferro, nec turbida possit
 Solvere seditio, aut dominandi insana cupido,
 Nec series ævi, nec vis ulla altera, præter
 Sanctius & vinclis fœdus propioribus arctans.
 215 Tu licet ex illa numeres ætate triumphos,
 Et conjuratum cunctis e partibus orbem
 Nominis ad Franci exitium, sine milite Scoto
 Nulla unquam Francis fulsit victoria castris,
 Nulla unquam Hectoridas sine Scoto sanguine clades
 220 Sævior oppressit: tulit hæc communiter omnes
 Fortunæ gens una vices: Francisque minantes
 Sæpe in se vertit gladios. Scit belliger Anglus,
 Scit ferus hoc Batavus, testis Phaëthontias unda,
 Nec semel infaustis repetita Neapolis armis.
 225 Hanc tibi dat conjux dotem, tot secula fidam
 Conjunctamque tuis sociali fœdere gentem,
 Auspicium felix thalamis concordibus, armis

Indo-

sed ad [confinia:] ut hic sit verborum
 ordo, Solaque g. m. est confinia regni sui cum qua
 Romana potestas munivit non cu' mine montis,
 &c. sed muris fossaque. Romanos autem
 sic interdum loqui locupletissimum te-
 stem habemus Ovid. Met. iv. 399.

Famque dies exactus erat, tempusque subibat,
 Quod tu nec tenebras, nec posses dicere lucem;
 Sed cum luce tamen dubie confinia noctis.

Tom. II.

Et Met. XIII. 592.

Tum cum luce nova noctis confinia seruo.
 i. e. confinia diei & noctis, sive medium in-
 ter diem & noctem spatium. Sic confinia
 provinciæ Romanæ (in Britannia) cum
 Scotia sunt limites inter provinciam Ro-
 manam & Scotiam, vel qua provincia
 Romana Scotiæ erat confinis.

V v

- Indomitos populos per tot discrimina, felix
 Auspiciū bellis, venturæque omina palmæ.
 230 At tu conjugio, Nymphæ, dignata superbo,
 Te licet & Juno, & bellis metuenda virago,
 Et Venus, & Charitum larga indulgentia ceter
 Muneribus decorare suis, licet ille secundus
 Spes votisque hominum Francæ moderator habenæ,
 235 Et solo genitore minor, tibi Regia sceptrā
 Submittat, blando & dominam te prædicet ore,
 Sexum agnosce tamen, dominæque immunis habenæ
 Hactenus imperio jam nunc assuesce jugali:
 Disce jugum, sed cum dilecto conjugē, ferre:
 240 Disce pati imperium, victrix patiēdo futura.
 Aspicias Oceanum saxa indignatus ut undis
 Verberet, & cautes tumida circumfremat ira:
 Rupibus incurfat, demoliturque procellis
 Fundamenta terens, scopulisque assultat adefis:
 245 Ast ubi se tellus molli substravit arena,
 Hospitioque Deum blande invitavit amœno,
 Ipse domat vires, placidusque & se minor ire
 In thalamos gaudet non torvo turbidus ore,
 Non spumis fremituque minax, sed fronte serena
 250 Littus inoffensum lambit, sensimque relabens
 Arreptit facilis cerni, & ' ceu mollia captet
 Oscula, ludentes in littore lubricat undas.
 Cernis ut infirmis hedera enitatur in altum
 Frondibus, & molli serpens in robora flexu
 255 Paullatim insinuet sese, & complexibus hærens
 Emicet, & mediis pariter caput inserat astris.
 Flestitur obsequio rigor, obsequioque paratur
 Et retinetur amor. Neu te jactura relictæ
 Sollicitet patriæ, desideriumque parentis:
 260 Hæc quoque terra tibi patria est, hæc stirpe propinqui,
 Hic generis pars magna tui, multosque per annos
 Fortunatorum series longissima Regum,
 Unde genus ducis, rerum moderatur habenas.
 Quoquo oculos vertes, quoquo vestigia flectes,
 265 Cognatis pars nulla vacat, locus exhibet omnis
 Aut generis socios, aut fastis inclyta gentis
 Ostentat monumenta tuæ. Jam ut cætera mittam,
 Hic te, qui cunctis merito præponderat unus,
 Expectat longe pulcherrimus Hectoridarum,

- 270 Pene tibi stirpis communis origine frater:
 Mox etiam fratrem quod vincat amore futurus,
 Et matrem, & quicquid consanguinitate verendum
 Lex facit, &, legum quam iussa valentior ulla,
 Naturæ arcanos pulsans reverentia sensus.
- 275 Hic quoque (ni iustis obfisterent numina votis,
 Falsaque credulitas frustra spem nutrit inanem)
 Filius ore patrem referens, & filia matrem
 Sanguine communi vinclum communis amoris
 Firmabunt, brevibusque amplexi colla lacertis
- 280 Discutient blando curarum nubila risu.
 Hunc vitæ mihi fata modum concedite, donec
 Juncta Caledoniæ tot seclis Gallia genti
 Officiis, pactisque, & legum compede, fratrum
 Subdita dehinc sceptris animo coalescat: & undis
- 285 Quos mare, quos vastis cœlum spatiisque solumque
 Dividit, hos populum concordia nectat in unum,
 Æquæva æternis cœli concordia flammis.

V. *Deploratio status rei Gallicæ, sub mortem Francisci
 Secundi Regis.*

- O Dea, quæ nimis successibus invida fastus
 Spesque premistumidas, si Gallia forte secundis
 Non moderata animum rebus, si prodiga linguæ,
 Improba si voti tua numina læserit, iræ
- 5 Pone modum, & fessis propius bona consule rebus.
 Quicquid enim pœnæ meruit vel noxa, vel error,
 Cladibus eluimus: quos non infecimus amnes
 Sanguine? naufragiis mare teximus, ossibus agros:
 Oppida quot spoliata! suis viduata colonis
- 10 Rura quot incultis horrent squalentia dumis!
 Pax quoque non fido vultum fucata veneno
 Sævior incubuit bello. Dum thura litamus
 Ignibus, & superis læti instauramus honores,
 Ipse gubernator fortunæ victima ad aram
- 15 Immatura suo turbavit gaudia luctu,
 Concussitque una pariter labefacta ruina
 Omnia: finito vix tandem eluximus anno:
 Jam lacrymæ rediere novæ: cumulata feruntur;
 Funera funeribus, & clades clade: novoque

20 Vul-

1 *Spesque premistumidas*] Ita & rectius, no 1569, & Ratiffon. 1579: alii quos
 me iudice, habent Hen. Stephanus an- viderim *omnes tumidas*.
 V V 2

- 20 *Vulnere crudescit prope jam coitura cicatrix.*
 Ipsa etiam tetro Discordia foeta veneno
 His majus meditata nefas, de sede silentum
 Evocat infernas supera ad convexa sorores,
 Inque animos odii fundens mala semina & iræ,
 25 Et procerum mentes privata ad commoda torquens
 In commune vetat socias extendere curas.
 Quæ jam dedecoris, quæ damni exempla supersunt?
 Quæ non pertulimus, vel mox ventura timemus?
 Cladibus infestos etiam satiavimus hostes,
 30 Invidiæ arbitrio pœnas expendimus: ista
 Sint satis erroris culpæve piacula nostræ.
 Accipite hæc superi: fractæ serieque malorum
 Assidua afflictæ faciles succurrite genti,
 Inque feros belli clades convertite Turcas.

VI. *De equo elogium:*

- CÆTERA rerum opifex animalia finxit ad usus:
 Quæque suos, equus ad cunctos se accommodat unus:
 Plaustra trahit, fert elitellas, fert esseda, terram
 Vomere profcindit, dominum fert, sive natatu
 5 Flumina, seu fossam saltu, seu vincere cursu
 Est salebras opus, aut canibus circumdare saltus,
 Aut molles glomerare gradus, aut flectere gyros,
 Libera seu vacuis ludat lascivia campis.
 Quod si bella vocent, tremulos vigor acer in artus
 10 It, domino & socias vomit ore & naribus iras,
 Vulneribusque offert generosum p. ctus, & una
 Gaudia; mærores sumit ponitque vicissim
 Cum domino: sortem sic officiosus in omnem,
 Ut veteres nobis tam certo foedere junctum.
 15 Crediderint mixta coalescere posse figura,
 Inque Pelethroniis Centauros edere silvis.

VII. *Genethliacon Jacobi Sexti Regis Scotorum:*

CRESCE puer patriæ auspiciis felicibus orbe,
 Exspectate puer, cui vatum oracula priorum
 Aurca compositis promittunt secula bellis:
 Tuque peregrinis toties pulsata procellis,

5 Pene

[Gaudia, mærores] Ita Mart. alii vero omnes mærorem.

- 5 Pene¹ tuo toties excisa Britannia ferro,
 Exfere læta caput, cohibe pacalis olivæ
 Fronde comam, repara flammis fœdata, ruinis
 Convulsa, & pulso cole squalida tecta colono:
 Pone metum, æternam spondent tibi sidera pacem.
 10 Jam neque Saxonidæ Scotos, nec Saxona Scotus
 Infestus premet, & cognato sanguine ferrum
 Polluet, & miseras prædando exhauriet urbes.
 Sed quibus ante feri tractabant arma Gradivi,
 Jam dehinc pacatis conjungent fœdera dextris.
 15 Vos quoque felices felici prole parentes,
 Jam tenerum teneris puerum consuefcite ab annis
 Justitiæ, sanctumque bibat virtutis amorem
 Cum lacte; & primis pietas comes addita cunis
 Conformetque animum, & pariter cum corpore crescat.
 20 Non ita conversi puppis moderamine clavi
 Flebitur, ut populi pendent a Principe mores.
 Non carcer, legumque minæ, torvæque secures
 Sic animos terrent trepidos formidine pœnæ,
 Ut veræ virtutis honos, moresque modesti
 25 Regis, & innocui decus & reverentia sceptri
 Convertunt mentes ad honesta exempla sequaces.
 Sic ubi de patrio redivivus funere phœnix
 Auroræ² ad populos redit, & cunabula secum
 Ipse sua, & cineres patris inferiasque decoris
 30 Fert humeris, quacunque citis adremigat alis,
 Indigenæ comitantur aves, celebrantque canoro
 Agmine: non³ illas species incognita tantum,
 Aut picturatæ capiunt spectacula pennæ,
 Quam pietas, pietas etiam intellecta volucrum.
 35 Sensibus: usque adeo recti natura per omnes
 Diffudit rerum vivacia semina partes,
 Sic in Regem oculos populus defigit, & unum
 Admirantur, amant, imitantur, seque suosque.
 Ex hoc, ceu speculo, tentant effingere mores.
 40 Quod non sanguinei metuenda potentia ferri
 Exprimet, & nitido florentes ære phalanges,
 Hoc præstabit amor: certat cum Principe vulgus
 Officiis, & amat, cum se deprendit amari,

Et

¹ Pene tuo] Ita codices omnes antiqui, at recentiores hunc versum sequenti subiiciunt.

² Auroræ ad populos redit] And. Hart,

Memphim ad Auroræ petit.

³ Illas] Ita Steph. & Mam. Patiff. meliusque quam illa, prout in aliis omnibus legitur.

- Et domino servit, quia non servire necesse est:
- 45 Quasque bonus Princeps laxat sponte, arctat habenas,
Deposcitque jugum, quod vi cogente metuque
Rejecturus erat: contra indulgentior ille
Rexque paterque suis adimit, subit ipse labores,
Quæque jubet primus præit, & legum aspera iussa
- 50 Mollia parendo facit, erratisque suorum
Parcere non durus, sibi inexorabilis uni.
Ille nec in cultu superet mensaque domoque,
Quem posuit natura, modum, nec more ferarum
In Venerem præceps, sed certo fine pudoris
- 55 Casta colat sancti genialia foedera lecti.
Quis bombyce ausit cultus foedare viriles,
Si ferat indigenam majestas regia vestem?
Quis de lege tori, tanquam sit dura, queratur,
Cum teneat Regem? cui non temulentia turpis
- 60 Principe sub sicco? patrios quis frangere mores
Audeat, ignavoque animum corrumpere luxu,
Ipse voluptatum cum Princeps frena coercet,
Et nimium lætam vitiorum ¹ comprimit herbam?
Talem Romulidæ tranquilla pace fruentem
- 65 Sacrificum videre Numam, Solomonta potentem
Palmifer Euphrates: non illis lethifer ensis,
Non bellator equus firmavit regna, nec axis
Falcifer, aut densis ² legio conferta manipulis,
Sed pietatis amor, sed nulli noxia virtus,
- 70 Fretaque præsidio majestas juris inermi.
At qui gemmiferos victor penetravit ad Indos
Dux ³ Macedum, quique Ausoniam tenuere superbo
Imperio Reges, aut ferro aut tæbe veneni
Effudere animas, & cædem cæde piarum.
- 75 Scilicet humano generi natura benigni
Nil dedit, aut tribuet moderato Principe majus,
In quo vera Dei vivensque elucet imago.
Hanc seu Rex vitiis contaminet ipse pudendis,
Sive alius ferro violet vel fraude, severas
- 80 Sacrilego Deus ipse petet de sanguine pœnas,
Contemtumque sui simulacri haud linquet inultum.

Sic

¹ Comprimit herbam] Sic legendum
monstrat priore versu coercet: libris ta-
men omnibus comprimat scriptum est.

² Legio conferta manipulis] Ita unus And.
Hart, alii autem omnes conferta manipulis.

³ Macedum] [Macedum dicendum fuit:
vide Heins. ad Claud. II. in Rufin. 279.
& quos ibi laudat, idem commissum Epi-
gram. XLV.]

- Sic Nero crudelis, sic Flavius ultimus, & qui
Imperio Siculas urbes ¹ tenuere cruento,
Effigiem fœdare Dei exitiis ausi
85 Flagitiis, ipsa periere a stirpe recisi.
Sic qui se iusti macularunt sanguine Servi,
Et qui legitimos ferro flammaque petivit
Rectores patriæ Catilina nefarius, acti
In furias misero vix tandem funere vitam
90 Invisam posuere, ignominiaque perenni
Fœdare suam ventura in secula gentem.
Hæc ² tenero addiscat, maturo exerceat ævo,
Et regnare putet multo se latius, oræ
Hesperia fuscis quam si conjunxerit Indos,
95 Si ³ poterit rex esse sui. [Dum firmior artus
Vis reget atque animum, puerilia murmura dulces
Interea Charites atque eluctantia verba
Component, Musisque dabunt rude pectus alendum:
Inde notas discet, per quas absentibus absens
100 Quid juvet aut doleat caris exponat amicis:
Quæ dirimant verum a falso discrimina certa:
Quæ quibus aut pugnent, aut non invita sequantur:
Quod genus eloquii flammatas leniat iras,
Quod resides acuat: quæ vis regat ætheris orbes:
105 An sponte æternos volvat natura meatus.
Tum de Socraticis sese cognoscere chartis
Incipiet, si Socraticæ modo pandere chartæ
Vera queant: mox cœligenis se firmior ætas
Conformet Musis, dignoscere sacra profanis
110 Aptæ quid intersint: sumet præcepta rebelles:
Hinc domitura animos, & bello & pace regendi
Imperii veram sacris de fontibus artem
Discet. Ad hanc omnes normam si sedulus actus
Finxerit, in patrias felix succedet habenas.]

GEOR.

¹ *Tenuere cruento*] In omnibus libris legitur *tenuere superbo*, præter unum And. Hart, qui habet *cruento*, quod magis aridet, quia paucis ante versibus *tenuere superbo* dixerat.

² *Tenero*] Basil. Steph. Parisson. *tener*, Commelin. Editio anni 1594, & Hart, *tenera*, alii omnes *tenero*.

³ *Si poterit Rex esse sui*] Hoc poemata in libris omnibus hoc versu clauditur,

Si poterit Rex esse sui, Rex esse suorum.
præter unicam Editionem Edinburgensem Andree Hart, quæ, omisso hemistichio *Rex esse suorum*, sequentes ad finem usque versus habet adjectos.

GEORGII BUCHANANI SCOTI HENDECASYLLABON

L I B E R.

I. *In Næram.*



CUM primum mihi candi-
 dae Næaræ
 Illos sideribus pares ocel-
 los
 Ostendistis, ocelluli, mi-
 felli,
 Illa principium fuit malorum,
 Illa lux animi ruina nostri.
 Sic primis radiis repente tactus
 Totus intremui cohorruique,
 Ut leves nemorum comæ virentum
 Primis flatibus intremunt Favoni:
 Et cor jam meditans ad illam abire
 Per pectus trepidansque palpitanf-
 que
 Jamque evadere jamque gestiebat:
 Ceu solet puer artubus tenellis,
 Quem nutrix gremio fovet, paren-
 tem
 Affectare oculis & ore, parva
 Jactans brachia: ceu solent volu-
 cres
 Adhuc involucrea volandi inani
 Infirmas studio movere pennas.

Tum mens provida, virium sua-
 rum
 Quippe conscia, ne locus dolosis
 Esset insidiis, miselli ocelli,
 Vos ad pectoris excubare portas
 Insomni statione jussit. At vos,
 Sive blanditiis dolisve capti,
 Seu somno superante, sive sponte
 Consensistis, herumque prodidistis,
 Fugit corque animusque, me relicto
 Excorde, exanimo. Quod ergo
 fletu
 Nunc satisfacere arbitremini vos,
 Nil est: quem lacrymis movere vul-
 tis
 Non adest animusve corve: ad il-
 lam
 Ite: orateque & impetrate ab illa.
 Ni exorantur, impetraritisque,
 Faxo illam aspiciatis usque & us-
 que,
 Donec vos ita luce reddat orbos,
 Ut me corde animoque fecit or-
 bum.

II. *Ad*

I Tum mens provida] Genev. 1594. alij nonnulli, Tu mens provida.
 Commel. Hart. Elzev. 1628. Wetst. &

II. *Ad eandem.*

S EU procacibus annuas ocellis,	Sic jactor miser huc & huc, timo-
Seu minacibus abnuas ocellis,	res
Juxta me miserum, Neæra, perdis:	Spesque inter dubiæ patens proccl-
Spe torques modo credula ¹ timen-	læ:
tem,	Nec unquam vigili quieta cura
Nunc formidine maceras dolentem.	Vitæ noxæ dielæ mî refulsit.
Spes, si lumine respicis benigno,	O sævissime numinum Cupido,
Lentis ignibus ustulat medullas:	Si insensus pariter favensque perdis,
Timor, lumine si aspicias maligno,	Quis portus mihi spem feret salu-
Pigro frigore congelat medullas.	tis?

III. *Ad eandem.*

Q UANTUM delicias tuas ama-	Sis nequam magis, & magis proter-
bam,	va.
Odi deterius duplo ampliusque	Nam quo nequior es, protervior-
Tuam nequitiam & procacitatem,	que,
Postquam te propius, Neæra, novi.	Tanto impensus uror inquieto
At tu si penitus perire me vis,	Ventilante odio faces amoris,
Si vis perditæ amem, & magis ma-	Et lentas iterum ciente flammæ.
gilique	Quod si sis melior, modestiorque,
Totis artibus imbibam furorem,	Odero minus, & minus te amabo.

IV. *Ad eandem.*

R ISUS, blanditiæ, procacita-	Et modestia, veritasque simplex
tes,	Fraudes acribus intuens ocellis,
Lusus, nequitæ, facetiæque,	Et quisquis malefana corda amantum
Joci, deliciæque, & illecebræ,	Funestis Deus eximis venenis,
Et suspiria, & oscula, & susurri,	Adsis: adfere me mihi, impotentis
Et quicquid malefana corda aman-	Vix tandem dominæ jugo solutum.
tum	Frustra blanditiæ appulistis ad me,
Blandis ebria fascinat venenis,	Frustra nequitæ ² venit ad me,
Hinc faceffite. Jam vale Neæra.	Frustra deliciæ obsidebitis me:
At tu mens bona, sanitas, salusque,	Frustra me illecebræ, & procacita-
Continentia, castitas, pudorque,	tes,

Et

¹ *Timentem*] An *tumentem*? Vid. supra Silv. vi. v. 2. [Nihil hic mutandum. nulla enim spes sine timore, nullus timor sine spe, unde hæc duo sæpe alternantia jungunt Poëtæ. vid. Cyprian. ad Ovid.

Tem. II.

Epist. Heroid. ix. 42. & Epist. xvi. 379.
Spe modo non timida, &c.

² *Venitis ad me*] Editio Mam. Patiss. anni 1579, *venistis*.

Et suspiria, & oscula, & susurri,
Et ¹ quicquid malefana corda aman-
tum

Blandis ebria fascinat venenis,
Frustra jam aggrediemini dehinc
me.

Quid me mollibus implicas lacer-
tis?

Quid procacibus intueri ocellis?

Quid fallacibus osculis inescas?

Ne labris labra, inepta, pectorive

Pectus confere, machinis nec istis

Ullus jam superest locus, nec arti:

Non sum stultus ut ante. Jam Nex-
ra

Vale: dum bona, dum pudica, no-
bis

Caris carior aestimata ocellis:

At postquam es mala & impudica,
nobis

Vili vilior aestimata cœno.

Eheu me miserum! statim voluta

Unda lucida per genas sinusque

Insultat tremulo fugax rotatu,

Et per turgidulas fluens papillas,

Senfim gemmeus intumescit imber,
Molles agglomerans decenter orbes.
Ergo hæc possum ego lentus intue-
ri?

Cernam ferreus ergo saxeusque
Corrumpi male tam bonos ocellos?

Hæc si possum ego lentus intueri,
Possum & ferreus esse saxeusque.

Quin vos, mens bona, sanitas, fa-
lusque,

Continentia, castitas, pudorque

Et modestia, veritasque simplex

Fraudes acribus intuens ² ocellis,

Et quisquis malefana corda aman-
tum

Funestis Deus eximis venenis,

Hinc faceffite: vos adeste rursus.

Risus, blanditiæ, procacitates,

Lusus, nequitia, facetiæque,

Joci, deliciæque, & illecebræ,

Et suspiria, & oscula, & susurri,

Et quicquid malefana corda aman-
tum

Blandis ebria fascinat venenis:

Sic me vivere, sic mori suave est.

V. *Ad Antonium Goveanum.*

SI quicquam, Goveane, fas mihi
esset

Invidere tibi, Tevieve,

Et te nostro ego Tevio inviderem,

Et nostrum tibi Tevium inviderem.

Sed cum me nihil invidere sit fas,

Vel tibi, Goveane, Tevieve,

Si fas est quod amor dolorque co-
git,

Vobis imprecor usque & impreca-
bor,

Uterque ut mihi, sed cito, repen-
dat

Hoc pravum ob facinus malumque
pœnas:

Te mi Tevius invidere possit,

Tu possis mihi Tevium invidere.

Ambobus mihi si frui licebit,

Cœlum Diis ego non suum invide-
bo,

Sed sortem mihi Dii meam invide-
bunt.

VI. *Ad*

¹ Et quicquid] Patiss. & Basil.
Et quisquis malefana corda amantum
Blandis ebria fascinat venenis.

² Ocellis] Ira omnino legendum, ut
in versu II, non venenis, quod in om-
nes Editiones irrepsit.

VI. *Ad Nearam.*

CUM das basia, nectaris, Neæ- Degam Erinnyas inter, aut bara-
ra, thrum
Das mi pocula, das dapes Deorum: Si quid sit Stygium infra Erinnyasve:
Ut factus videar mihi repente Sic statim mihi cor, jecur, medul-
Unus e numero Deum, Deisve las
Si quid altius est beatusve. Et venas tacite malum pererrat;
Sed nectar mihi dulce basiorum Sic corpus mihi tabe colliquescit,
Sic fallacibus imbuis venenis, Ardet ignibus, æstuat venenis;
Ut qui nunc fueram Deus, Deisve Sic mentem mala pestis occupavit;
Si quid altius est beatusve, Ut sit nectare suavius venenum,
Præceps in Stygium datus bara- Vita mors potior, labor quiete,
thrum Sanitate furor, salute morbus.

VII. *In Beleagonem.*

JUDÆUM, Beleago, quod ne- Erras, testibus ista non probatur
gas te, Res, (ut scis, puto) mentulâ pro-
Et vis testibus id probare ma- batur.
gnis:

VIII. *In Gelliam.*

CUM conchis gravis æquoris Oris Gorgona nudam adulterasti,
Britanni, Orbemque ad speculi diu refincti:
Et rubri maris Indicique onusta Cum tectoria coaluere prima,
Incedis spoliis, nitesque Serum Crusta cum patitur coacta solem;
Molli stamine, mille cum venenis, Prodis Gellia, ceu recens Prome-
Fuco, polline, lacte, purpurissa, thei
Cerussa, marathro, cæsyro, hor- In fornace recocta, flagitasque
deoque, Ecquid tum videre: Picta belle.

IX. *Ad Gulielmum Lurium Longanum Senatorem Burdegalensem*

ORABAM modo blandius Ca- Longani auribus, eruditione
mœnas, Dignum, & judicio politiore:
Ut dignum mihi carmen explicarent Cum mi talia reddit una; Ad illum
Nec

I Cum das basia] And. Hart,
Cum das basia, amrosie, Neæra,
Das mi pocula, nectarisque succos.
sed ista lectio prioris versus (quod obser-
vavit vir doctus) repugnat legibus hende-
casyllaborum: Editio anni 1594,
Das mi pocula, dapes Deorum.
metro (ut idem notat) claudicante. Com-
melin. denique,
Da mi pocula, da dapes Deorum.
parum commodo sibi que constante sensu.
Vera omnino lectio est, quam præferunt
Basil Patisson. Elzev. &c. quamque &
nos secuti sumus.

Nec tuis precibus locusve opusve est : Te nostri comitem chori esse dicas,
 Nos sic diligit, excolit, fovetque, Et communibus in sacris ministrum:
 Ut non diligit amplius Minerva. Hoc illi satis est, sacris Camœnis
 At saltem mihi Diva carmen, in- Qui sic diligitur, sacras Camœnas
 quam, Qui sic unice amat, colit, fovet-
 Commendatior illi ut esse possim, que, ut
 Qui sic diligit unice Camœnas, Probetque omnia, quæ probent Ca-
 Qui sic diligitur sacris Camœnis, mœnæ,
 Concede. Illa refert; Inepte, tan- Probentque omnia, quæ probet, Ca-
 tum mœnæ.

X. *Ad Theodorum Bezam.*

PRÆSUL optime, sacra Chri- Quæ si judicio tuo probentur,
 stiana Ut classis modo in ultimæ referri
 Qui caste colis & facis, canisque, Possint centurias, nihil timebo
 Ad te carmina mitto, nec Latino Censuram invidiæ, nihil morabor
 Nec Grajo sale tinctâ, sed Britan- Senatus critici severitatem,
 nis Nihil grammaticas tribus, mihi u-
 Nata in montibus horrida sub Arcto, nus
 Nec cœlo neque seculo erudito. Beza est curia, censor & Quirites.

XI. *Adamas in cordis effigiem sculptus, annuloque insertus, quem Maria
 Scotorum Regina ad Elizabetham Anglorum Reginam misit anno
 M. D. LXIV.*

NON me materies facit super- Celans: omnia denique æqua præ-
 bum, ter
 Quod ferro insuperabilis, quod igni, Unam duritiem. Dein secundus
 Non candor macula carens, nitoris Hic gradus mihi fortis est faventis,
 Non lux perspicui, nec ars magi- Talem Heroida quod videre sperem,
 stri, Qualem spes mihi nulla erat videndi,
 Qui formam dedit hanc, datam lo- Antiqua Domina semel relicta.
 quaci² O si fors mihi faxit, utriusque
 Circumvestiit eleganter auro: Necesse ut corda adamantina cate-
 Sed quod cor Dominæ meæ figura na,
 Tam certa exprimo, pectore ut re- Quam nec suspicio, æmulatiove,
 cluso Livorve, aut odium, aut senectâ
 Cor si luminibus queat videri, solvat:
 Cor non lumina certius viderent. Tam beatior omnibus lapillis,
 Sic constantia firma cordi utrique, Tam sim clarior omnibus lapillis,
 Sic candor macula carens, nitoris Tam sim carior omnibus lapillis,
 Sic lux perspicui, nihil doli intus Quam sum durior omnibus lapillis.

GEOR-

¹ Senatus critici] Hart. Senati.² O si fors] Uterque Steph. & Patif-

son. O si fors.

GEORGII BUCHANANI SCOTI IAMBON LIBER.

I. *D. Gualtero Haddono Magistro libellorum supplicum Serenissimæ
Angliæ Reginae.*

RUSTRÀ senectam, Hæd-
done, provocas meam
Læta ad juventutis munia
Musasque longo desides si-
lentio
Arenam in antiquam vocas.
Ætas choreis cum vigeat aptior,
Et lusibus decentior,
Vix me in Britannis montibus na-
tum, & solo
Inerudito & seculo,
Raræ audiebant, raræ adibant fon-
tium
Deæ sacrorum præsidēs:
Nunc, cum capillis sparserit canen-
tibus
Declivis ætas tempora,
Cum pulset annus pene sexagesimus,
Animique langueat vigor,
Surdus roganti Phœbus aurem dene-
gat,
Musæ vocantem negligunt.
Nec Phyllidis me nunc juvat flavam
comam
Præferre Bacchi crinibus,
Nec in Neæræ perfidam superbiam
Sævos Iambos stringere.
Nec si quis olim stimulus ingenio
additus.
Animum excitabat languidum.
Sed, missionem cum senectâ flagi-
tet

Justam, valetudo imperet,
Libens quiesco, & acquiesco legi-
bus
Pejoris ævi aheneis:
Tibique, cui fors liberali dextera
Opes, honores, otium,
Natura mentem vegeto adhuc in
corpore
Diviniorem indulserit,
Applaudo, solum quod queo, magno
gradu
Parnassi ad alta culmina
Feliciore ætate eunti & alite,
Et enthea vi pectoris.
Nam si quid olim effœta mens feli-
cius
Nunc temere fundat, id Deæ,
Cui nostra Musa dedicata est, debeo,
Non viribus mei ingenii.
Hæc est Thalia nostra, nostri pectinis
Hæc est magistra & arbitra,
Quæ sola Phœbo digna cantat, &
cani
Est digna Phœbi barbitō,
Aut alia, si qua barbitō Phœbi pa-
rem
Nostræ Deæ æquat barbiton.
Quod si Dearum utrinque mentes
copulet
Amica vis concordia,
Sermone qui nunc vix pedestri repo-
humi,

X x 3

Ple-

Plebeia fingens carmina,
 Arcana rupis Delphicæ silentia,
 Situque longo squalidos
 Tripodas movebo, & masculo di-
 cam sono
 Jucunda pacis otia:
 Dicam Gradivum vinculis coërci-
 tum,
 Legum coactam injuriam
 Parere frenis, vim repressam & aurei

Beata seculi commoda.
 Et nostra si quid audiendum vox da-
 bit,
 Laudi Dearum serviet,
 Virtute quarum pax agros Britan-
 niæ,
 Urbes fides, fora æquitas,
 Et templa pietas, impiis erroribus
 Procul relegatis, colet.

II. *In Lenoram.*

MA TRE impudica filia impu-
 dicior,
 Et lena mater filix,
 Vos me putastis esse ludumque &
 jocum,
 O scorta triobolaria,
 Sacrificulorum pauperum fastidia
 Relicta mendicabulis?
 Vos ne videret gurgites, ne pasceret,
 Vir filix usque ad ultimos
 Profugit Indos: nec viæ longinqui-
 tas,
 Nec nota feritas gentium,
 Nec belluosi rapida sævities freti
 Ab instituto terruit:
 Nullum periculum, nulla monstri est
 vastitas
 Quam perpeti non maluit,
 Quam vos videre duplices voragines
 Famæ reique prodigas:
 Externa potius arma, quam dome-
 sticam
 Vult ferre turpitudinem.
 Ergo solutis liberata vinculis
 Libido & helluatio
 Cœpere paribus arma ferre viribus,
 Invieta pariter utraque;
 Pariter voraces, pariter insatiabiles,

Pestefque morum compares.
 Nec alba sparfis saxa Sirenum ossi-
 bus
 Tot perdidere naufragos,
 Nec quæ Sicanas obsident angu-
 stias
 Scylla & Charybdis, quot bo-
 nis
 Vos exuistis, vos Conimbricæ scho-
 læ
 Scopuli, juventutis lues,
 Barathrum populi, busta famæ, op-
 probrium
 Et dedecus viciniæ.
 Quæ spe superbæ furitis aut fidu-
 cia,
 Prostibula plebis infimæ?
 Quas nunc egestas, mox egestatis
 malis
 Urgebit acrior fames:
 Cum pretia vestri, ætate quamvis
 integra,
 Ventrem voracem non alant:
 Cum corporis totius infamis labor
 Unam gulam non expleat:
 Nec compararit digna quæ saltem
 foret
 Vili supellex fornice.

Ergo

¹ Nec belluosi] Horat. iv. Od. xiv.
 ——— Belluosus qui remotis

Obstrepit Oceanus Britannis.
² Quæ spe superbe] Recentiores superbe.

Ergo ruentem quæ refulciat domum

Neptem parentis artibus

Instruite, & aviæ, quæ brevi cada-vera

Effœta quæstu vos alat.

Lucro tenello adfuescat ævo. Lubrica,

Leonora, fugiunt tempora.

Jam jam senectus verticem tinget comis

Canis, rubebunt lumina:

Rugosa facies respuet tectoria

Hiulca fulcis grandibus:

Declivis ætas pendulas solvet genas,

Rubigo dentes atteret.

Quæ nunc misella ætatis in flexu jaces,

Inopique Monacho nausæ es, Pertusa nautis, & coquis, & servulis,

Ad omnium usque tædium:

Cui in tegete vili vilius quod vendere

Quam te queas, nil suppetit:

Quo nuditatem, quo famem pelles modo,

Et solis æstum, & frigora?

Cum te coquorum turba jam spernat salax,

Cum servuli fastidiant.

Nempe unde quæstum es auspicata improsuperum,

Eo revertendum est tibi.

Mendica Fratrum amica mendicantium

Te adscribe rursus in gregem.

III. *Ad Eandem.*

U Triusque juris carniūque & piscium

Leonora docta, dic rogo,

Quo jure sese condit noster coquus?

Ut unus, e tot millibus

Juvenum unus, inquam, placeat & sapiat tibi?

Non ille genere nobilis,

Formave gratus, aut dicax facetiis, Cultusve doctis artibus:

Sed qui subulcus melior esset, quam coquus,

Aut nauta certe, aut bajulus.

Quod si coquus te caperet unus, id tamen

Ferrem, licet cum nausea:

Sed quod coquorum cunque pervici-niam est

Insano amore deperis.

Præfers juventæ nobili obscurum coquum,

Diti anteponis pauperem:

Fœdum decoris, sordidum lautis, hero

Servum, facietis rusticum:

Ut & parentem filiæ credam tuæ

Coquum fuisse Fratribus.

Quo te veneno lixa, coquus, aquarius

Cepere? quæ juri suo

Admiscuere philtrea? quæve Thessalis Collecta silvis gramina?

Ut hunc furorem nulla tollant phar-maca,

Nec ulla matris carmina,

Matris peritæ detrahere Lunam po-lo,

Diem tenebris condere,

Et e sepulchris ossa legere, & funera

Truncare vixdum frigida.

Quid hoc veneni est? cujus iram numinis

Hanc

Hanc esse læsi existimem? quus
Nisi forte jure quicquid emerit co- Te jure credis vendere.

IV. *In Eandem.*

MINIATA labra, sordidæ cre-
ta genæ,
Hiatus oris indecens
Rictu canino, putridi dentes, pares
Mammæ caprinis utribus,
Laciniosi gutturi deformitas,
Sulcique laterum pinguium,
Crassoque venter extumens abdomi-
ne,
Ego vos amavi? brachiis
Fovi, refœvique, & fatigavi meis
Viscata labra basiis?
Plebi lupanar prostitutum sordidæ
Vocare amores pertuli?
O fraus, amorque, & mentis emo-
tæ furor,
Et impotentes impetus
Quo me abstulistis? vindices Erin-

nyes,
 Quo vapulavi crimine
 Vestrum ad tribunal? non enim Cu-
 pidinis
 Dolui sagitta saucius:
 Sed vestra adustus, vestra adustus
 lampade,
 Furore vestro infanii.
 Ergo pudendis liberatus vinculis,
 Meique juris redditus,
 Sanctæ Saluti sospitatrici meæ
 Et has catellas ferreas,
 Monumenta duri servitû, & tabellu-
 lam
 Hanc sanitatis indicem
 Per eam receptæ, & memoris ani-
 mi pignora
 Dono, libensque dedico.

V. *In Eandem.*

VIndemiales feriæ claudunt Scho-
las,
Juvenes penates patrios
Repetunt : per urbem solitudo : in
ædibus
Mœstum silentium : fores
Rarus cucullus obsidet tuas : sonat
Stridore raro janua.
Quid ages misella ? sævientis ingui-
nis
Pruriginem quis leniet ?
Frustra angiportus, viculos, forum
gravis
Lenone calathò dexteram
Perambulabis : clausa frustra ad ostia
Spectans trahes suspiria,

Cum fervor imis æstuabit artubus,
Libidinosum cum jecur
Vis ulcerabit acris, impatiens mo-
ræ
Cum flamma viva concitam
Aget per urbem: qualis altis mon-
tibus
Matres equorum agit furor
Per saxa, & aspris invium rubis ne-
mus,
Et imbre fluctus turgidos:
Qualis per Idam mugientem adulte-
rum
Secuta Solis filia.
Cum te furoris vis, pudore for-
tior,

Leo-

I Et has catellas ferreas] i. e. *catenulas*. Vide Horat. I, Epist. xvii. 55:

Leonora, sic raptaverit,
Tunc ego vicissim lætus adspiciam
tuam

Securus animi insaniam,
Duræque Amori vindici superbæ
Nemefique solvam victimam.

VI. *Ad Rectorem Scholæ Conimbricæ Mursam.*

O Domine Rector, Rex Scholæ Conimbricæ, Miramur omnes hîc tuam poten- tiam. Beleago regni quantula est bellua tui, Ut nil sub ejus subditum non sit pe- des? Nil ille manibus non avaris inqui- net? Capros, & hircos; fuculas, oves, boves, Et universa pecora mactat, venditat: Volucresque cœli vendit, & pisces maris	Quicunque ponti semitas perambu- lant: Pepones, cucumeres, pruna, por- ros, & nuces, Cosellianos quæ per hortos germi- nant, Coriandra, cepas, allium, nastur- tium, Samaricianos quæ per hortos pullu- lant. O Domine Rector, Rex Scholæ Conimbricæ, Desideramus hîc tuam prudentiam.
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

VII. *In Beleagonem.*

H UIC, quem parentis colere de- bueras loco, Beleago, vivo spolia detrahere cu- pis, Quod tu capellæ non facis, nisi mortuæ: Lanium sciebant esse te cuncti, gra- dum, Ut carnifex sis, inde paullatim fa- cis: Ne quæstus ullus non ferat lucrum tibi.	Ut carnifex sis, artis auspiciam tuæ Aliunde malim feceris. Visne ut tibi Dicam unde possis optime? ut si etiam parum Ex arte facias, nil tamen peccave- ris: Suspende teipsum: & si inepte id feceris, Omnes probabunt, ceu foret factum optime.
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------

VIII. *In Eandem.*

B ELEAGO, ut ipse testis est, si quid tamen Firmum est, quod ille testis affirma- verit, De gente nullam contrahit Judæ no- tam. Idem libellos, lectulos, & lintea, Tom. II.	Scabella, scamna, stragula, & ta- petia Vendit, revendit, quin & c medio luto Collecta scruta vendit, atque inter- polat. Lac, ova, pullos, allia, & cucurbitas, Y y Pe-
----------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------

Pepones, cucumeres, brassicam, Cuncta unde possit confici pecunia
 lactuculas, Vendit, revendit, præstinat, ha-
 bet quæstui.
 Positis ad omnes viculos custodiis,
 Domi ut revendat carius, præoccu-
 pat.
 Forique solus arbiter boarii est:
 Forique solus arbiter piscarii est:
 Forique solus arbiter olitorii est:
 Forique solus arbiter cupedinis:
 Forumque cunctis publicum magis
 foris
 Res contrahentum conspicit semper
 domi.
 Piscator, olitor, lanius, auceps, &
 coquus.
 Illo absque nullum contrahunt com-
 mercium,
 Nec mula senio fracta, nec mulus
 tripes,
 Nec asinus æger, nec caballus mor-
 bidus
 Venum sine illo poterit ire inter-
 prete.

Nec ullus opifex, emtor est, aut
 venditor,
 Merx, ars, negotium, unde levis
 odor lucri
 Spirat, quod ille non sagax præsen-
 tiat,
 Non antevortat, occupetque & de-
 vorèt:
 Aut si id negatur, portiunculam ta-
 men
 Prærodat aliquam, solus & magna-
 rius
 Mercator, idem solus & scrutarius.
 Si quis tot artes tractat unus sordi-
 das,
 Hoc axe natus, gente nec Judæus
 est;
 Beleago, dicam, has tractat artes
 sordidas,
 Hoc axe natus, gente nec Judæus est.

IX. *In Eandem.*

BELEAGQ cunctas novit artes
 unice,
 Has præter unas, quas docet.
 Beleago cunctas tractat artes com-
 mode,
 Has præter unas, quas docet.
 Nec fœnerator alter illo doctior,
 Nec caupo quisquam argutior:
 Mango nec ullus morbidos peritius
 Servos equosque adulterat:
 Nec in macello ponderum minutias
 Sic lanius ullus exigit,
 Lancem dolosam deprimitve cautius
 Fractis adaugens ossibus:
 Sephasianæ nec tabernæ lucrío
 Interpolare astutior:
 Nec publicanus e propinquis quif-
 piam.

Ad omne lucrum acutior.
 Et inter artes sordidas monopolium
 (Nam id laudo quod librarius)
 Exercet, unus & veteramentarius,
 Et unus est scrutarius,
 Negotiator unus est magnarius,
 Et, si Laverna faverit,
 Ni fallor, unus esse volet aquarius,
 Unusque latrinarius:
 Sætor, coactor, quadruplator, in-
 stitor,
 Textorque, pictorque, & co-
 quus.
 Has tractat artes ille non incommo-
 de,
 Has nempe didicit, & tenet:
 Quas est professus se tenere non te-
 net,

Nec

Nec tractat artes, nec docet,
Nec scit docere, scire nec penitus
studet.

Sed olida victoribus
Ut ponit hirci latera pro verveci-
bus;

Corvosque pro caponibus,
Picasque cavæ mortuas in carcere
Pro phasianis suggerit:

Sic ille misero credit auditorio
Se facile posse imponere?
Veterum Sophorum sic novis men-
daciis

Adulterare dogmata.
Cum syllogismi implicitus hæret re-
tibus,

Nutatque, sudatque, & stu-
pet.

Dein ceu solum sit probe impu-
dencia,

Quod peccat ignorantia,
Et ridet ipse, & cæteris est risui.

Cur ergo quæ nescit, docet?
Quæ scit docere, non docet? men-
dadium;

Quod prima ei sit artium.
Adversus artis ejus ut *δευρήματα*

Ne peccet imprudentia,
Quæ nescit, illa scire profitetur pa-
lam

Se: scire, quæ scit, perne-
gat.

X. *E² Græco Simonidis.*

P R I M U M scorsum a fœmina
mentem Deus

Creavit: illam ex hispida fetis sue,
Cui cuncta cœno fœda sordido do-
mi

Humi supellex turpiter provolvit-
tur.

Illota & ipsa veste turpis, squalida
Pinguescit alto desidens in stercore.

Aliam e scelestæ vulpe formavit
Deus,

Quæ cuncta novit, nec boni quic-
quam aut mali

Ignorat: hoc in genere plurimum
boni

Inest, malique plurimum: ac sæpe
temere

Modo huc, modo illuc flectit ira
mobilis.

Alia parentem moribus refert ca-
nem,

Maledica, cuncta audire, cuncta
cernere

Intenta, & acri cuncta figens lumi-
ne,

Passim errat: & si neminem con-
spexerit,

Oblatrat: hanc vir nec minis com-
pescere

Queat, nec ira turgidus si excusse-
rit

Ei ³ filice dentes, nec suavi blan-
diens

Sermone, nec si sedeat inter hospi-
tes:

Sed pertinaci jurgio incassum furit.

Hanc fabricarunt terream Dii, in-
utile

Onus

¹ Ne peccet imprudentia] Recentiores
fere, Nec peccet.

² E Græco] Basil. Simonidis Iambi, ex
Strobæi miscellaneis de mulierum vitu-

perio, Georg. Buchanano Interprete.

³ Ei] [Hic contrahi debet in unam
syllabam, ne metrum Claudicet; quod
tamen vox probo.

Onus marito, nec boni quicquam
aut mali

Quæ norit: unum id docta tantum,
gnaviter

Comeffe, & algens bruma cum in-
duxit nives,

Horrens sedile propius ad focum ad-
movet.

Nunc animum ad illam verte,
quæ nata est mari:

Modo læta totum gaudet ac ridet
diem,

Ut hospes illam laudet intuens do-
mi,

Nullamque juret fœminam usquam
gentium

Bonis honestisque hac priorem mo-
ribus.

Alias nec ulli facilis adspici, neque
Patiens adiri propius, indomitum

furit,
Ceu fœta catulis accubans teneris

canis,
Insuavis, aspra, tristis, ex æquo ho-
stibus

Eadem atque amicis: instar instabi-
lis freti,

Quod nunc per æstum leniter stra-
tum jacet

Fluctu quieto, & gaudium nautis
parit;

Plerumque vasto sæviens cum mur-
mure

Attollit undas. Illius plane refert,
Quæ nata ponto fœmina est, imagi-

nem,

Ingenio, & ira, ceu fretum, mu-
tabili.

E cinere & asina exercita mole-
stis

Efficta, tandem vix coacta vi & mi-
nis,

In officio erit, desidens in angulo
Noctem diemque se cibis ingurgi-
tat,

Focumque sese propter etiam ingur-
gitat.

Ad Veneris autem furta amicum
quemlibet

Adventitantem suscipit promiscue.
Mustela genuit aliud infelix ge-
nus

Miserumque, formæ nulla cui sit
gratia,

Nil suave, nulla illecebra, nil ama-
bile,

Inane amoris atque mansuetudinis:
Et conjugalis negligens tori, viro

Præsente, acerbo nauseat fastidio:
Furtisque multis noxia est vicinæ,

Necdum immolatis vescitur etiam
facris.

Aliam equa molli genuit exsultans
juba:

Fugitans laboris & operum hæc fer-
viliū est;

Nec admovebit aut molæ manum,
aut cribrum

Tollet, domo nec efferet sordes, ne-
que

Furno affidebit, verita ne fuligine
Contaminetur: se coacta conjugī

Simulat amicam: bis quotidie, in-
terim

Ter abluit se, & spargit unguentis
comam,

Densam per humeros fusa, flore ver-
ticem

Umbrata, pulchrum cæteris specta-
culum,

Miserum marito: ni tyrannus quis-
piam

Sit, rexve, gaudens apparatu hu-
jusmodi.

Hæc

[Indomitum furit] Libri omnes indomitumque habent, quod metrum non patitur.

Hæc e parente simia est: qua Juppiter
 Non tribuit homini pestilentius malum.
 Huic singularis oris est deformitas.
 Gradiens per urbem risui est passim omnibus:
 Cervice circum vix caput flectit brevi,
 Depygis, arens ossibus crura artubus.
 O, tale monstrum quisquis amplexu fovet,
 Miserum maritum! callet instar simiæ
 Mentisque moresque omnium: nec solvere
 Risu ora curat, nec studet quicquam boni
 Facere: sed unum id cogitat totum diem
 Secumque versat, arte qua tandem scelus
 Designet aliquod maxime nefarium.
 Ex ape creatæ conjugis felix vir est,
 Quæ sola nulli crimini est obnoxia,
 Vitamque longam & floridam facit viro,
 Caroque cara consenescit conjugii,
 Fœcunda pulchræ & splendidæ propaginis,
 Interque cunctas fœminas spectabilem
 Decore circum gratia ambit undique
 Divina: segnes nec frequentat circulos,
 Ubi de Venereis fabulantur fœminæ.
 Tales mulieres Juppiter longe optimas,
 Et singulari præditas prudentia,

Præbet benignus & favens mortalibus.
 At reliqua genera callido Jovis dolo

Creatæ cuncta sunt, & apud homines manent:

Has nempe pestem Juppiter gravissimam

Produxit, etiam ut ferre si quid commodi

Videantur, ipsum id sit marito incommodum.

Nec integrum unquam transigit lætus diem,

Qui cum muliere degit una: nec famem

Diram a familia contubernalem. Deumque

Hostem repellat facile. Cum vir maxime.

Animo videtur lætus, aut fato Deum,

Aut hominis ergo, tum reperta criminis

Occasione comparat se prælio. Nam sicubi ædes uxor ulla incolit,

Nunquam hospes hilare poterit illic excipi.

Quod si qua frugi existimetur maxime,

Longe supra omnes illa damnosissima est,

Nempe oscitante conjugē: at vicina

Lætatur errore ejus, & nuptam ad suam

Animum retorquens quisque laudat propriam,

Culpat alienam conjugem: cum cæteris

Nec esse parili sorte nos cognoscimus.

Nam maximum istud Juppiter genuit malum,
 Vinculumque nodo strinxit insolubili,
 Unde explicavit Pluto morte plurimos,
 Mulieris ergo conferentes dexteras.

XI. *E Græco ejusdem.*

PENES tonantem est exitus rerum Jovem,
 Fili, arbitrato cuncta qui gerit suo.
 At mens hominibus nulla momentaneis
 Est, in diemque vivitur mortalibus,
 Prout quidque numen singulis finiverit.
 Divina blandis interim spes somniis
 Fovet universos vana volventes:
 diem
 Expectat iste crastinum, ille plurimas
 Messes: nec ullus non sibi mortaliū
 Promittit hilaremque & opulentum proximum
 Annum: sed alium tristis ante terminum
 Mors occupavit: morbus alium lugubris
 Exstinguit: alios Martio in certamine
 Domitos nigrantes Pluto mittit ad domos:
 Aliis procellis æstuantis æquoris
 Jactans supremum claudit unda spiritum:
 Quos vita curis tristis exercet malis,
 Hi lacrymosa ad fata¹ rete nexili
 Solis relinquunt sponte lumen. Sic mali
 Immune nihil est, mille sed mortalibus
 Parcæ minantur, ac inexplicabilis
 Dolor & calamitas. Si mihi tribuant fidem,
 Se nullus ultro cruciet indulgens malis,
 Animum tenaci nec dolore exerceat.

¹ *Rete nexili*] Ita exhibent omnes libri: multo tamen rectius ab H. Stephano, in sua Poët. Græc. Lyric. Editione 1566. legitur *reste nexili*.



GEORGII BUCHANANI SCOTI
EPIGRAMMATUM
LIBER I.

I. *In Aulum.*



NAM mihi promissam jubco numerare
Calenum:

Abnuit ille: Aulum consulo caussidicum.

Is mihi iudicio suadet contendere: caussam

Suscipit: hac quicquam justius esse ne-
gat.

Quam mihi dum peragit decimumque extendit in annum,

Pene decem decies jam periecit minæ.

Ne lis quod superest exhauriat æris & ævi,

Vito reum pariter caussidicumque meum.

Certum est nil posthac promittentive Caleno,

Hortanti aut Aulo credere. Causa vale.

Quæris utrum fugiam magis? Aulum: namque Calenus

Verba dare, aut Aulus vendere verba solet.

II. *Ad Joannem Bellaium Cardinalem.*

CUM scelus admissis orbem popularet habenis,

Et premeret dirum sub pede jura nefas:

Impietas nullo volvente elementa magistro

Credebat numen nomen inane Dei.

At tibi, Bellai, pastoria credita cura

Absolvit; si fas dicere vera. Jovem:

Esse putant homines cœlo mortalia curæ,

Quod curæ videant credita sacra tuæ.

III. *Ad Carolum Marillacum Viennæ Allobrogum Episcopum.*

REBUS in angustis¹ tibi, Carole, cultus amice;

Atque tuus merito² tempus in omne cliens

Tam

¹ Tibi, Carole, cultus amice] Ita And. ² Tempus in omne] Recentiores fore,
Hart: alii autem omnes, tibi quondam tempore in omne, male.
exceptus amice.

Tam tibi successum fortunæ gaudet amicæ,
Quam tu inopem quondam commiseratus eras.

IV. *In Posthumum.*

NESCIO an inspekti Narcissi, Posthume, fontem:
Hoc scio, deliras, Posthume, amore tui.
Ille tamen merito: nam quod malefanus amabat
Ante quidem id multis causâ furoris erat.
At tua non paullo est major vesania, qui te,
Sed sine rivali, Posthume, solus ames.

V. *De Codro & Cæsare.*

PRO patria in strictos Codrus ruit impiger enses:
In patriam flammâ Cæsar & arma tulit.
Ille suo patrias firmavit sanguine leges:
At patriæ peperit sanguine Cæsar opes.
Nemo tamen Regum jactat se nomine Codri:
Cæsareum nemo non sibi nomen avet.
Quæ ratio? in promptu est, nam qui nunc sceptrâ tuentur,
Illius oderunt, istius acta probant.

VI. *Ad Amicum difficilem.*

O Disti Selium: teneris mihi semper ab annis
Carus, & illæsa perstitit ille fide.
Hic mihi tu Pyladen, & inanem mentis Orestem,
Et Samiæ jactas pectora fida scholæ:
Meque vocas ficti fucatum nomen amici,
Quod nec amemus idem, nec fugiamus idem.
Ergo tibi jus est nostros odisse sodales,
Nec mihi fas hostem fiet amare tuum?
Scilicet haud æqua jamdudum lege coimus,
Nec ferimus parili conditione jugum:
Cum per me tibi sint vel iniqui frena doloris
Libera, tu noster vis famuletur amor.
Nil igitur, dices, veteri tribuetur amico?
Do: sed amicitiae jure reposco vicem.
Odero, si jubeas, Selium tibi scilicet hostem,
Si, mihi tu Selium, quod sit amicus, ames.

VII. *In*

Eloquio Peitho est grata, ' decora Venus.
 Jura Themis præbet, vigilant ad plectra Camœnas, IIV
 Temperat hic terras, temperat alter aquas.
 Omnia non ausa est uni tribuisse vetustas, I
 Omnibus esse parem nec rata posse Jovem.
 At tu cum regni molimina tanta gubernes,
 Et cedant formæ tempora prisca tuæ,
 Carmine contendis Musis, atque arte Minervæ,
 Eloquio dubium est, ingenione prior:
 Quæque tuis paret tellus latissima sceptris,
 Formidat fasces, justitiamque colit.
 Jure igitur præstas homines, quando omnia præstas,
 Singula quæ magni vix potuere Dei.

XII. *In Zoilum*

FRUSTRA ego te laudo, frustra me, Zoile, lædis:
 Nemo mihi credit, Zoile, nemo tibi.

XIII. *Ad Amicum quendam.*

AD cœnam sese dixit tuus affore vates.
 Dixit: sed vates dicere falsa solent.

XIV. *Ad Ludovicum Regium.*

QUUM tibi Pieridum large sint dona, nec ulli
 Sit datus Aoniæ purior haustus aquæ,
 Tu tamen altrices vincis pietate Camœnas,
 Quas inopes opera consilioque foves,
 Regia de cunctis res est bene velle mereri,
 Et genus erga hominum, quæ licet, esse pium.
 Regia res sane: sed plus quam regia res est,
 Officiis hominem vincere posse Deas.

XV. *Ad*

[*Decora Venus*] Fortè *decore*. Vide
 Epig. L.

2. [*Ad Amicum quendam*] Basl. pag. 134.
 Ad-Car. Vrenhov. cui cum cœnam condixisset
 non venit. Et

Ad cœnam tecum vates tuus affore dixit.

Et mox,
 Ad. G. M. B. Car. Vrenhov. qui cum se ei ad
 cœnam affore negasset, venit:
 Queris an ad cœnam tibi sim conviva futurus?
 Non ego: convivam te quoque nolo m. h.

XV. *Ad Leonoram.*

ECQUID sis formosa rogas, Leonora, frequenter;
Nec nisi jurato vis, adhibere fidem.
Sic mihi nunquam Helene, sic nunquam Leda sit uxor,
Ut nec par Helene, nec tibi Leda fuit.
Dî simul heroësque has, sed patienter, amarunt:
Verum quisquis amat te, Leonora, furit.

XVI. *Ad Eandem.*

QUUM bene texisti sexcentis Gorgona vultus
Fraudibus, artifici sæpe refecta manu,
Pulchra tibi, speculoque tuo, Leonora, videris:
Me speculo testem, si libet, adde, licet.
Sed qua pulchra quidem facta es ratione, Megaram
Formosam fieri sic ego posse puto.

XVII. *In Eandem.*

OMNIA quod, Leonora, putant te vendere, falsum est:
Nam faciem, tibi quæ cætera vendit, emis.

XVIII. *In Beleagonem.*

GENS duplex, Beleago, tuo de stemmate certat,
Nititur & causam quæque probare suam.
Nulla tuis dictis quod sit constantia, Maurus
Indicium Libyci sanguinis esse putat.
Signa sui generis credit Judæus acumen,
Quodque tibi est lucri tam furiosus amor.
Tu Lusitano genitum te sanguine jactas;
Nec tamen hoc aliter, te nisi teste, probas.
O utinam indicis, aliove id teste probares:
Aut te certa foret testificante fides!
Sed mihi si credas, testis potes esse tibi ipsi
Utilis: hac una sed ratione potes:
Quæ tibi pro fictis vis credi, ficta negato:
Et quæ vera cupis credi, ea vera nega.

XIX. *In*

[*Adhibere fidem*] Vide Keri Observ. Jephthen, vers. 141. pag. 184.]
select. [Adde quæ notavimus supra, ad

XIX. *In Conventum Episcoporum.*

CUM mihi linigeræ species est visa cohortis;
 Majus & humano frontis honore decus:
 Anxia mens dubiis pullabat pectora curis;
 Secum agitans homines crederet, ahne Deos.
 Sermo, oculi, vultus, gestus, cultusque, animusque,
 Omnia divini plena stuporis erant.
 Is nitor in vultu, gestu decor, ore venustas,
 Vis oculis, verbis gratia, mente vigor.
 Dum loca, dum comites, dum membra simillima nostris.
 Adspicio, rursus mens negat esse Deos.
 Dum negat, affirmat, dubitat mens anxia, Phœbus
 Perplexo involvit talia verba sono:
 DISSIMILES similesque vides hominique Deoque:
 Non Dî, non homines sunt, & utrumque vides.
 Qui pote? divina: nempe hoc te dicere velle
 Auguror, esse homines corpore, mente Deos.

XX. *In Amicum quendam.*

UNUS eras, memini, quondam de plebe; nec alter
 Te minus in tota turgidus urbe fuit.
 Nunc te alium credis, veteremque haud noscis amicum,
 Splendidus in Tyria quod spatiere toga.
 Falleris: hanc & ovis, qua tu nunc veste superbis,
 Antè tulit, nec adhuc est aliud, nisi ovis.

XXI. *E Græco.*

NUPER Achæmenidæ fuimus, nunc arva Menippi,
 Ac dominis erimus præda subinde novis.
 Hic sua nunc credit, quondam sua credidit ille:
 At sua Sors vere dicere sola potest.

XXII. *In Leonoram.*

MENTITUR veros facies tibi picta colores;
 Et speculi mendax te tibi imago refert:
 In digito annellus mentitur aheneus aurum,
 Mentitur gemmam vitrea gemma probam.
 Quicquid contigerit te cum mendacia discat,
 Mirémur linguam dicere falsa tuam?

1. Contigerit te cum]. Quidam libri tecum.

XXIII. *In*

XXIII. *In Eandem.*

LENA parens, Leonora, tibi est, & filia lena est,
 Lena est quæ faciem viscida creta tegit:
 Et quot habet vetulas vicinia sunt tibi lenæ,
 Et lena est toto fiscina nota foro.
 Quam bene vix tandem tot possunt vendere lenæ,
 Haud equidem mercem suspicor esse bonam.

XXIV. *In Midam.*

SORS tibi nominibus nocuit male grata duobus,
 Quod dederit sophiæ stultitiæque parum.
 Si tibi stultitiæ plus esset, stultus haberi
 Posses; si sophiæ plus foret, esse sophos.
 At tu *μωρόσοφος* sapiens es morio, stultus
 Et sapiens, & nec morio, nec sapiens.
 Nunc tamen ut Curius præsentia secula damnas;
 Nunc stolidi fingis garrulitate jocos:
 At sophiam simulans per longas proderis aures:
 Dissimulans sophiam, dissimulare nequis.
 Unde igitur vives nulla, Mida, præditus arte,
 Si tibi nec stulto, nec licet esse sopho?

XXV. *In Nævolum.*

NÆVOLE, dum clamas, ut Stentora vincere possis,
Omnis homo est animal nocte dieque boans,
 Jam tibi dilapsa est prope nonagesima messis,
 Jam tremit invalido curva senecta gradu:
 Vertice jam lævi vix tres hædere capilli,
 Et cernis quantum noctua mane videt:
 Semper & e gelido distillat stiria naso,
 Et fluit in madidos longa saliva sinus:
 Nec tibi gingiva dens unus & alter inermi est:
 Nec plus rugarum simia scalpit anus:
 Jam capulum spectas, jam Ditis limina pulsas,
 Expectatque tuas jam Libitina faces.
 Nævole, si pudor est, nugarum desine tandem,
Omnis homo clamans, Nævole, nullus homo es.

XXVI. *Ad*

[*Et sapiens*] Genev. 1584. & 1594, Commel. Hart. & Elzev. 1621, *Et sapiens*.
 2 2 3,

XXVI. *Ad Nearam.*

QUALITER ad solem foliis morientibus arent
 Candida virginea lilia secta manu;
 Paullatim lento sic maceror igne, Neära,
 Ut primum radii me tetigere tui.
 At mihi dum roseis tractim das oscula labris,
 Sentit & attactus debilis umbra tuos,
 Mens redit, & vigor ignescit, velut herba refurgit,
 Cum levis arentem recreat imber humum.
 Ergo quando oculis pereuntem me oscula sanant,
 Et mea in arbitrio vitæque morsque tuo est:
 Perde, nea, ut visum est; sed dum pereo, oscula junge:
 Sæpe ut sic vivam, sic volo sæpe mori.

XXVII. *Ad Eandem.*

NE fugitivum animum nostrum ad te perde, Neära,
 Seu domino dura es, sive benigna suo.
 Si mihi dura manes, ¹ fugitivum at suspice nostrum:
 Si facilis mihi sis, hunc facilis quoque ama.

XXVIII. *In Leonoram.*

PICTA tibi est facies, mendax est lingua, manuque
 Æneus annellus, vitrea gemma nitet.
 Quis tibi vel verum credet, Leonora, loquenti,
 Quando tui nunquam pars caret ulla dolo?

XXIX. *In Eandem.*

PUTRIS odor spurco stomachi qui manat ab antro,
 Ne lædat, laurum cum, Leonora, voras,
 Amnigena ignigenæ facis ut jungatur Iaccho,
 Et nunquam sicco sobria Nympha Deo.
 Quæque suum vivens servavit morte pudorem,
 Mortua nunc per te damna pudoris habet:
 Nec potuit, quamvis contactis cortice membris,
 A lenocinio tuta manere tuo.
 Quid tibi non credam de te, Leonora, licere,
 Tam male cui concors conciliatur amor?

XXX. E

¹ Fugitivum at suspice nostrum] Forte suscipe.

XXX. *E Græco Ruf.*

QUI te videt beatus est, Qui basiat semideus est,
Beator qui te audiet, Qui te potitur est Deus.

XXXI. *De Neæra.*

ILLA mihi semper præsentī dura Neæra,
Me, quoties absūm, semper abesse dolet.
Non desiderio nostri, non moeret amore,
Sed se non nostro posse dolore frui.

XXXII. *Ad Ponticum.*

ARIDA torreret tibi cum præcordia febris,
Pontice, nec vitæ spes foret ulla tuæ:
Munera spondebas, cælumque in vota fatigans.
Fundebas miseras ore tremante preces.
Audit vota Deus, febrim tibi pellit, & assem
Oblatum facilis pro nebulone capit.
At tu ideo sanctus vis & Dis. carus haberi,
Teque virum credi scilicet esse pium.
Vir bonus esse potes, cujus caput asse redemptum est,
Judicioque tuo, judicioque Dei?

XXXIII. *Præpostera pietas.*

CUM patre nil vivo tibi conveniebat: iniquis
Litibus exstincti dissidiisque senem:
Defunctum nunc thure colis, ² tumulumque coronas
Floribus, & magna mole sepulchra locas.
³ Quamlibet his tumeas, pietas præpostera certe est
In patre nil præter funus amare patris.

XXXIV. *E Græco.*

NEMO meas cumulēt violis fragrantibus umbras,
Nec mihi Pyramidum mole sepulchra loeet.
Si quis amat, vivo largum se præstet amico,

Tali-

¹ Præpostera pietas] Is. Taurin. 1590. meas.
In præpostere pium.

⁴ E Græco] Is. Taurin. E Græco Thee-

² Tumulumque coronas] Idem bustumque gndis.

⁵ Nemo meas] Idem, Nemo meam cu-

³ Quamlibet bis tumeas] Idem hic ti- mulet v. f. uquam.

Talibus officiis dum locus esse potest.
Verum ubi consumptos Lachesis mihi finiet annos,
Vel fracta incultis horreat urna rubis.

XXXV. *In Phyllidem.*

Phylli, omnes deamas, redamat te, Phylli, nec ullus:
Miraris fieri id qua ratione queat?
Nempe ideo cunctos quod ames discrimine nullo,
Hæc ratio est cur te nullus amator amet.
Odero vis igitur cunctos? male colligis isthuc,
Nec te odisse velim: sed nec amare veto.
Quidnam igitur suades ut amer? sic suadeo, Nullum
Oderis: ast unum, Phylli, ut ameris, ama.

XXXVI. *E Græco Philodemi, lib. septimo.*

Dives eras, & amator eras: nunc pauper, amore
Es¹ liber, præsens o medicina fames.
Quæ te delicias dulcemque vocabat Adonin,
Menophile, nomen nunc rogat illa tuum,
Qui genus? unde domo? jam te docet usus, opinor,
Quod cui res deerit, nullus amicus erit.

XXXVII. *E Græco Posidippi, seu Cratetis.*

QUOD vitæ ingrediatis iter? si rura labore,
Si domus est curis anxia, lite forum:
Si mare sollicitat terror, metus urget habentem
Rem peregre; ast inopem cura molesta coquit.
Sollicitudo toris genialibus adstat: es expers
Conjugis, id sævæ est degere more feræ:
Proli ærumna comes: quasi manca est orba senecta:
Robore canities, mente juvena caret.
Primum ergo optandum est non nasci, proxima vota
Ærumnas fato præveniente mori.

XXXVIII. *Contraria sententia verisimilis, ex Metrodoro.*

QUODVIS vitæ iter insistas: si rura voluptas,
Tecta quies habitet, fama decusque forum:
Rem mare suppeditat, comitatur gloria ditem
Si peregre it, nemo conscius est inopi:

Felix

¹ Es liber] Hart Es liber.

Felix vita toris genialibus adstat : es expers
 Conjugis, & curæ pondere liber eris:
 Deliciæ patrum soboles, minus angeris orbus:
 Robusta est ætas prima, secunda pia.
 Commoda quum vitæ tot sint, vota utraque damna:
 Non nati, aut hausta luce repente mori.

XXXIX. *Ad Rogerum Aschamum Anglum, qui librum cum honorifico
 elogio, & sui amoris significatione miserat.*

AMplector, Rogere, tuum vehementer amorem,
 Et nimii dectum pignus amoris amo:
 Nec minus est animus genitor mihi gratus amoris,
 Quæque animum virtus ornat amatque tuum:
 Nec minus est gratus magni comes error amoris,
 Et nimio cæcum pectus amore mei.
 Et cum cuncta probem, virtutem, munus, amorem,
 Et nimio foetum pectus amore mei:
 Absque errore meo vellem fas esset amare
 Errorem de me, dulcis amice, tuum.

XL. *In Gelliam.*

POSSE negem in varias se vertere Protea formas?
 Vertumnus vultus sumere posse novos?
 Quæque pia pavit sceleratum fraude parentem,
 Quique tuos petiit Deianira toros?
 Cum toties juvenes vultus de pixide sumas,
 Quotidie in faciem Gellia versa novam?
 Posse negem e puero juvenes Jolaon in annos
 Mutari subito, Calliroësque genus?
 Æsonaque in viridem succo rediisse juventam,
 Et quæ Nyseis Bacchum aluere jugis?
 Nulla dies non te cum spectet mane puellam,
 Nulla dies non te vespere cernat anum?

XLI. *Ad Leonoram.*

NUPTA¹ prius mater fuerat: dein debilis ætas
 Efficit hanc lenam nunc, Leonora, tuam.
 At meretrix quam nupta prius tu filia, matrem
 Vincis, mox natæ lena futura tuæ.

Quid

¹ Nupta prius mater fuerat] Hart, prius mater meretrix.
 Tom. II.

Quid lenæ neptis, meretricis filia, patre
 Ex Monacho tantis laudibus adjiciet?
 Adjicit, & primis hanc atque hanc vincit in annis,
 Pene infans matris jam quoque lena suæ.
 Scilicet ante annos generosi feminis arbor
 Protinus in fructus luxuriare solet.

XLII. *Ad Peiridem.*

CARNEM ut emas, ¹ Peiris, venalis filia prostat,
 Et pretium cœnæ fit Leonora tuæ.
 Crede mihi hoc facinus superat feritate Cyclopas,
 Et Læstrigoniæ facta cruenta gulæ.
 Nam neque Cyclopum Cyclops in corpora sævit,
 Antiphates socios nec laniavit atrox.
 Hostis eis, tumidisve hospes ejectus ab undis,
 Fluctibus aut laceræ præda fuere rates.
 Tu referre putas nihil an sit civis, an hospes;
 Dumque vores, curæ est nil tibi quæle vores.
 Utque vores alios, truculentior ista ferarum
 Sævitia est, natam posse vorare suam.

XLIII. *Cœna Gavini Archiepiscopi Glasguensis.*

PRÆSULIS accubui postquam conviva Gavini,
 Dīs non invideo nectar & ambrosiam.
 Splendida cœna, epulæ lautæ ambitione remota,
 Tetrica Cecropio feria tineta sale:
 Cœtus erat Musis numero par, nec sibi dispay
 Doctrina, ingenio, simplicitate, fide.
 Ipse alios supra facundo prominet ore,
 Qualis Castalii præses Apollo chori.
 Sermo erat ætherii de majestate tonantis,
 Ut tulerit nostræ conditionis onus:
 Ut neque concretam Divina potentia labem
 Hauserit in fragili corpore testa hominis:
 Nec licet in servi Dominus descenderit artus,
 Naturam exuerint membra caduca suam.
 Quisquis adest dubitat scholane immigrarit in aulam,
 An magis in mediam venerit aula scholam.
 Juppiter Æthiopum convivium solus habeto,
 Dum mihi concedas Præsulis ore frui.

XLIV. *E*

[*Peiris*] An potius *Peiri*.

XLIV. *E Græco.*

LIBER eram, vacuo mihi cum sub corde Neæra
 Ex oculis fixit spicula missa suis:
 Deinde unum evellens ex auricomante capillum
 Vertice, captivis vincla dedit manibus.
 Risi equidem, fateor, vani ludibria nexus,
 Hoc laqueo facilem dum mihi spero fugam:
 Ast ubi tentanti spes irrita cessit, ahenis
 Non secus ac manicis implicitus, gemui.
 Et modo membra pilo vinctus miser abstrahor uno,
 Quo dominæ nutus me violentus agit.

XLV. *E Græco.*

ROBORA si linguæ Demosthenis æqua fuissent,
 Non ' Macedum Grajas Mars populasset opes.

XLVI. *In hominem vanum.*

DUM blitea infani compilas scripta Doleti,
 Et blateras nullo jurgia tincta fale,
 Quicquid agunt alii præ te contemnis, & uni
 Se tibi dat Phœbus, Pieridesque favent.
 Solus agas recte per me licet omnia; sed dum
 Omnia te solo iudice solus agas.

XLVII. *Ad Leonoram.*

NESCIO tot mœchi tibi cum, Leonora, fuissent,
 Cur Monachum natæ dixeris esse patrem:
 Ni grege de tanto, qui nocte dieque ruebant,
 Nemo minus Monacho forte pudendus erat.

XLVIII. *Ad Leonem.*

CUM strepis assidue fulgentibus arduus armis,
 Horrida cum jaculo est dextera, & ense latus;
 Cum seges impexæ tibi prominet arida barbæ,
 Cum riget in tristes frons caperata minas:
 Te timidum dici vulgo indignaris, & esse

In-

1 Non Macedum] [Vide ad Silv. VII. Putida vesani referas cum scripta Doleti,
 vers. 72] Et blateras -----
 2 Dum blitea] Is, Taurin. A a a 2

Indicia ¹ hæc quenquam non metuentis ais.
 Qui timet assidue, est timidus, timidus Leo es ergo.
 Semper enim a nullo ne timeare, times.

XLIX. *Ad Julium Casarem Scaligerum.*

<p>DUM nunc nivalis Aquilo con- stringit gelu Lapsus rapaces fluminum, Nunc densus Auster vallium decli- via Nimiis inundat imbribus, Pedesque glacie vel vacillant lubri- ca, Vel in profundo hærent luto, Cunctos levabat spes labores unica Doctum videndi Julium. Hac spe ferebat pes viæ molestias Omnes libenter, & oculis Jam tum imputabat gaudium: lætus</p>	<p>animus, Bonis ² futuris ebrius, Prægestiebat, jam velut voti sui Fructu beato perfruens Sed lux Agini quinta nunc ³ agitur mihi, Fastidiosa dum mora Cumulat viarum incommoda, & mens anxia Spes pendet inter & metus Quamvis laboris omnia ingratißimi Sint plena, res mihi unica Magis molesta est cæteris molestiis, Non intueri Julium.</p>
---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

L. *Ad Reginam Navarræ, Margaritam Borboniam.*

NOBILIS Aseræis facta est Pandora Camænis,
 Nobile Lemniacæ scilicet artis opus.
 Et decor & nitidos finxit reverentia vultus,
 Blandaque virgineus pinxerat ora pudor:
 Addidit ingenii volucer Tegeræus acumen.
 Egregias artes scire Minerva dedit:
 Læta Venus lætum capiti aspiravit honorem,
 Adjecit lepidos mellea Suada sonos.
 At bona ni spernat præsentia livor iniquus,
 Et sua vix laudet secula lentus honos;
 Non minor est doctæ tibi, Margari, gratia lingua.
 Nec minor eximio fulgurat ore decor:
 Nec genitus Maja, nec Pallas amicior illi,
 Quam tibi, nec Pitho, nec magis æqua Veni
 Cætera Dî pariter vobis tribuere benigni,
 Plus tamen hoc æqua parte dedere tibi:

Illa

¹ Indicia hæc quenquam] And. Hart, *urris*.

Indicia hæc nullum quod vereare putes.

² Futuris] Commelin. Editio anni 1594, Elzev. 1621, & And. Hart, *fu-*

³ Agitur] Ita And. Hart: alii autem omnes *agitat*, male.

Illa novas pestes mortalibus intulit ægris,
At tibi jus fasque est cum pietate comes.

L I. *In Joannem solo cognomento Majorem, ut ipse in fronte
libri sui scripsit.*

CUM scateat nugis solo cognomine Major,
Nec sit in immenso pagina sana libro:
Non mirum titulis quod se veracibus ornat:
Nec semper mendax fingere Creta solet.

L II. *Ad Leonoram.*

ET scio te pictam, scio te, Leonora, voracem,
Et scio inexpletæ gurgitem avaritiæ:
Et scio te pueris carnem pro carne dedisse,
Nec tibi fumosos displicuisse coquos:
Et scio te Monachis mendicis claudere limen,
Inguine nec limen tristius esse tuo:
Et plus quam vellem, plus quam me scire necesse ei
Et plus quam deceat, denique cuncta scio.
Et cum cuncta sciam, videor fore sanus: at unum
Nescio, cuncta sciens, ¹ cur male sanus amem.

L III. ² *Nomine Henrici Kilgræi Angli ad Antonii Cocc.
doctissimi filiam egregie doctam, quæ postea
Kilgræo nupsit.*

ET decor & facies cum simplicitate venusta,
Insidiosa oculis, imperiosa animis:
Et motura feras docti vox pectoris index,
Pene parem superis te facit esse Deis.
Si par eximiam decoret constantia formam,
³ Efficiet superos hæc tibi pene pares.

L IV. *Ad Mortem, eidem Henrico scriptu.*

S P E S fallax, vanæque preces, & inania vota,
Et lacrymæ, & damno lata Erycina meo,

Par-

¹ Cur] In omnibus libris legitur cui, Buchau. Car. Utenhovii) nomine.
nullo, ut mihi videtur, sensu.

³ Efficiet superos] Idem. Hæc faciet superi

² Nomine Henrici Kilgræi] Basil. Ad ut sint tibi pene pares.
Camillam Morellidem G. B. C. V. (i. e. Geo.

Parcite, sopitis & me mihi reddite curis,
 Sit mora tormento, suppliciisque modus.
 Quod si nulla ægram relevent oblivia mentem,
 Nec contenta ferus vincula laxet amor:
 Tu saltem miserere animæ non digna ferentis,
 Mors, medicina meis una relicta malis.

LV. *Eidem scriptum.*

IN me consumsit vires fortuna maligna;
 Quæque ferunt hominum fata, reguntque vices:
 In me consumsit sic tela facesque Cupido,
 Ut spatium plagæ non sit inane novæ.
 Quique patet miseris ad cuncta pericula portus,
 Non recipit fessam mors mihi sæva ratem.
 Ambiguoque viæ stanti ad confinia vitæ
 Lumina mors claudit, vita manere negat.
 Cogor ad hoc tantum ingratas producere luces,
 Sufficiat pœnis ut mea vita novis.
 Quæ mea conditio est, cui tam præpostera lex est
 Fatorum, ut sit mors vivere, vita mori?

LVI. *Eidem ad Dominam navigaturam.*

UNDE meo sperem requiem, mea vita, dolori,
 Si fortuna meis non satiata malis
 Perstat adhuc sævire, odiisque tenaciter urgens
 Armata in exitium cuncta elementa meum?
 Spes & vota ferunt rapidi per inania venti:
 Unde prius solita est flamma alimenta trahit:
 Unda rapit, raptum id spatiis terra invida longis
 Dividit, unde animæ vita erat una meæ.
 Te quoque forte etiam capient oblivia nostri,
 Certe animum hæc uret sollicitudo meum.
 Hac ego si merui torqueri pectora cura,
 Ut metuum nostri ne memor esse velis,
 Non querar, aut lacrymis crudum exsaturabo dolorem,
 Ne lacrymæ nostro sint medicina malo.
 Dignus enim est tales pœnas expendere, quisquis
 Sustinet a vultu vivus abesse tuo.

LVII. *De Mellino Sangelasio.*

MELLINUM ¹ patrio sale carmina tingere jussit,
Parceret ² ut famæ Musa, Catulle, tuæ.

LVIII. *In Divitem avarum.*

DAS inopi dives, sed qualia reddere possit,
Munera. Nonne hoc est dicere? Redde mihi.

LIX. *De Adamante misso a Regina Scotiæ ad Reginam Angliæ.*

HOC tibi quæ misit cor, nil quod posset, habebat,
Carius esse sibi, gratius esse tibi.
Quod si forte tuum ipsa remiseris, illa putabit
Carius esse sibi, quam fuit ante tibi.

LX. *E Græco.*

PAUPER eram juvenis, senio confectus inerti
Sum locuples, misere sorte in utraque miser.
Quando frui poteram rebus, mihi copia deerat:
Copia nunc superest, fructus & usus abest.

LXI. *E Græco.*

FATA ferunt, fer fata, ferent: sin forte repugnas,
Et te ipsum crucias, nec minus illa ferent.

LXII. *Aliter.*

S I te fata ³ ferunt, fer fata: ferere. Ferentes
Fata ferunt: rapiunt, si minus illa feras.

LXIII. *E Græco.*

MORS velut immineat, præsentibus utere rebus:
Parce, velut fati fera sit hora tui.
Vere etenim sapiens est is, qui certum adhibere
Novit avaritiæ luxuriæque modum.

LXIV. *In*

¹ Patrio] Ita edidit Israël Taurinus legitur, *Dum parcit famæ.*
anno 1590, & Henr. Wetsen. 1687, alii
vero omnes patri.

² Parceret ut famæ] Apud Taurinum

³ Ferunt] Ita And. Harr. Commelin.
& Editio 1594: alii autem ferent.

LXIV. *In Doletum.*

CARMINA quod sensu careant, mirare, Doleti?
Quando qui scripsit carmina, mente caret.

LXV. *E Græco Anacreontis.*

<p>ET terra sicca potat, Terraque silva, & aura Silvas, & æquor auras, Et sol repotat æquor,</p>	<p>Et luna solem. Inique Incessitis sodales Me, quod bibam libenter.</p>
----------------------------------------------------------------------------------------------------------------------	----------------------------------------------------------------------------------

LXVI. *E Græco.*

NON agros cupio mihi feraces, Qui mî sufficiat, Macrine, vi-
Non aurum veluti Gyges: sed ctum.
illum Illud Nil nimium nimis juvat me.

LXVII. *In St. Doletum.*

VERBA Doletus habet (quis nescit?) splendida: verum
Splendida nil præter verba Doletus habet.

LXVIII. *E Græco Simonidis.*

NEC ullus expers criminis, nec mortis est.

I Hæc tria Epigrammata, in aliis editis ab Israël Taurino anno 1590, ubi omnibus libris omissa, quasi jure postliminii Buchananano restituimus, ex selectis inter multa alia Buchananano disertim adscribuntur: postremum etiam in Basilienfi Editione habetur.



GEORGII BUCHANANI SCOTI
JUSTA ET ICONES,
 EPIGRAMMATUM LIBER II.

J U S T A.

I. *Jacobo IV. Regi Scotorum.*

EAM A orbem replet, mortem fors occulit: at tu
 Define scrutari quod tegat ossa solum.
 Si mihi dent animo non impar fata sepulchrum,
 Augusta est tumulo terra Britanna meo.

II. *Magdalene Valesie Regine Scotorum, XVI. ætatis anno exstinctæ.*

REGIA eram conjux, & Regia filia, neptis
 Regia, spe & votis Regia mater eram.
 Sed ne transgrederer mortalis culmen honoris,
 Invida mors hîc me condidit ante diem.

III. *Eidem.*

IN me certarunt totas expromere vires
 Natura, & virtus, gloria, morsque suas.
 Esse bonam tribuit virtus, natura decoram,
 Esse brevis vitæ mors inimica dedit:
 Vivida perpetuum sed gloria floret in ævum,
 Ut penset vitam perpete laude brevem.

IV. *Eidem.*

NATA bis octonos Valesia Magdalis annos
 Hîc immaturo funere rapta jacet.

Tom. II.

B b b

Quam

Quam rapta invitis, lacrymis miserabile vulgus,
Mœstitia proceres, vir pietate probat.

V. *Briando Vallio.*

DIGNUS erat Pylio canescere Vallius ævo,
Hospite si tanto digna fuisset humus.
Ergo senī, quo nil melius; nec doctius orbe
Permenso vidit sol, Deus astra dedit.

VI. *Crittoni.*

CRITTO suo cupiens aliquid superesse sepulchro,
Nec simul in Stygios totus abire lacus,
Omnibus appingit fastosa insignia vitris,
Nec titulis vacua est ulla fenestra novis.
O spes fluxa, brevis famæ fiducia, mendax
Gloria cum primo deperitura Noto.

VII. *Gulielmo Budæo.*

GALLIA quod Græca est, quod Græcia barbara non est,
Utraque Budæo debet utrumque suo.

VIII. *Eidem.*

SUNT universi splendor orbis Budæus ornat unus innocentia,
Galliæ, Splendore vitæ, litteris, solertia,
Et Galliarum splendor est Lutetia, Orbem, Camœnas, Galliam, Lu-
Splendor Camœnæ sunt sacræ Lu- tetiam.
tetia:

IX. *Gilberto Kennedo Comiti Cassiliffæ.*

HIC situs est heros humili Gilbertus in urna
Kennedus, antiquæ nobilitatis honos:
Mûsarum Martisque decus, pacisque minister,
Et columen patriæ consiliumque suæ.
Occidit insidiis fallaci exceptus ab hoste,
Bis tria post vitæ lustra peracta suæ.
Parce, hospes, lacrymis, & inanem comprime luctum,
Non misere quisquam, qui bene vixit, obit.

X. 7a.

1 Nec simul] Omnes libri, Nec semel. Vide ad Plal. CIX. v. 30.

X. *Jacobo Silvio.*

SILVIUS ' hic situs est, gratis qui nil dedit unquam:
Mortuus & gratis quod legis ista, dolet.

XI. *Jacobo Fabro.*

QUI studiis primus lucem intulit omnibus, artes
Edoctrum cunctas hæc tegit urna Fabrum.
Heu! tenebræ tantum potuere extinguere lumen?
Si non in tenebris lux tamen ista micet.

XII. *Florentio Volufeno Scoto.*

HIC Musis, Volufene, jaces carissime, ripam
Ad Rhodani, terra quam procul a patria?
Hoc meruit virtus tua, tellus quæ foret altrix
Virtutum, ut cineres conderet illa tuos.

XIII. *In Robertum? Carnicrucium Sanctæ Crucis Abbatem.*

DAT titulos, dat opes, dat Crux mihi nomina gentis,
Addictusque cruci cum patre frater erat.
Crux fueram cunctis: mihi ne crux undique desit,
Membra mea en moriens do crucianda cruci.

XIV. *In Eundem.*

CORPORE cum fædo species sit fœdior oris,
Fœdum pectus habet, fœdus ingenium:
A cruce Parca dedit nomen præfaga futuri,
Haud alia hoc dignum morte cadaver erat.

XV. *Joanni*

¹ *Silvius*] [Intelligit *Jacobum Sylvium* Ambianum, medicum, qui Luteriæ Anatomicam professus est: hoc vero Buchanani epigramma inter funeris exsequias ipsis templi valvis adfixum ab auditorum quibusdam narrat *Sc. Sammarthani* lib. I. Elogiorum, ubi doctrinam ejus laudat,

sed fordes non racet.]

² *Carnicrucium*] Ita omnino legendum, quemadmodum in sua Historia [lib. xiv. 34 & 35.] a Buchanano nominatur, vulgo *cairnecross*,) quanquam in libris omnibus *Carnicrucium* legatur.

XV. Joanni Diguallō, argumento sumto ex Adami Otterburni Equitis
¹ clarissimi Hexametris.

NOMINE Joannes, Diguallus origine, flamen
 Flamine natus erat, quem tegit iste lapis:
 E patrio censu nec nummo ditior uno;
 Scriptura primas accumulavit opes.
 Sedulus hinc Petri coluit mensarius urbem,
 Hinc tumor, hinc res, hinc gloria, luxus, opes:
 Et velut hinc etiam traxisset stemmata gentis,
 Ornatur titulis parma superba novis.

XVI. Ad Adamum Otterburnum.

LANA mea est, (inquis) tua tela est, cum tibi reddo
 Hæc de carminibus carmina facta tuis.
 Synthesin e propria textam si dem tibi lana,
 Gloria Palladiæ non minor artis erit:
 Nec minus insigni Lysippus laude feretur,
 Ære licet fugat signa animosa tuo.
 Tolle, ais, hinc artem, lanam mihi redde, quid autem
 Ars tua, materia deficiente, potest?
 At mihi furtivæ si reddas vellera lanæ,
 Nuda tamen pretium merx feret ista suum.
 Hac vos de tabula pictores lege colores
 Tollite: ² Dædalia cesset in arte labor.
 Nulla Tarentino livescat lana veneno,
 Nec rubeant Tyriis vellera cocta focis.
 Deferat argentem dehinc pauper Mulciber Ætnam:
³ Mendicet Steropes, algeat Acmonides.
 Subtrahe materiam, nihil artem posse fatemur:

Sed

¹ Clarissimi Hexametris] Recentiores
 libri, clarissimi

² Dædalia cesset] An potius Dædalea,
 ut Propert. II. El. 14.

Dædaleum lino cum duce rexist iter.

³ Mendicet Steropes] Ita omnino legendum,
 non Mendicet, quod habent omnes
 libri: est enim Steropes unus e Cyclopi-
 bus, quos Jovi fulmina fabricasse
 Poëtæ fabulantur. Virg. Æneid. viii. 425.

Ferum exercebant caeco Cyclopes in antro,
 Brontesque, Steropesque & nudus membra
 racinon.

Claud. III. Conf. Honor. 191.

--- Vobis jam Mulciber arma
 Præparat, & Sicula Cyclops incude laborat:
 Brontes innumerus exasperat ægida signis;
 Alium fulminei crispæ in casside conum
 Festinat Steropes; nec tibi thoraca Py. acmon.
 Qui vero Virgilio & Claudiano Pyrac-
 mon appellatur, Ovidio Fast. iv. 286,
 Acmonides dicitur;

Hinc mare Trinacrium, candens ubi tingere
 ferrum

Brontes, & Steropes Acmonidesque solent.

Sed pretium gemmis majus ab arte venit.
At mea sedulitas fumos non colligit istos:
Si non culpabor, sat mihi laudis erit.

XVII. *Francisco Belcierio supremo in Senatu Burdegalenſi Præſidi.*

F RANCISCUS hic eſt Belcierius ſi-	mnium
tus,	Mœrorũ raptus ordinum, quamvis
Virtute honores adſecutus maximos,	ſenex
Princeps virorum in principum cœ-	Felice felix prole fato ceſſerit.
tu diu	Quicumque tranſis parce lacrymis,
Præſes, notatus labe nulla, ſplen-	& tibi
dida	Tuiſque talem poſce vitam & exi-
Fama, modetiſ opibus, ingenti o-	tum.

XVIII. *Andræ Goveano.*

ALITE non fauſta genti dum rurfus Iberæ
Reſtituiſ Muſas, hîc Goveane jaces.
Cura tui Muſis fuerit ſi mutua, nulla
Incolet Elyſium clarior umbra nemus.

XIX. *Innocentio Fontano Burdegalenſi Poëtæ & Cauſſidico.*

A Fonte naſtus nomen Innocen-	Sacro: Innocentum corpus in Fano
tius,	jacet,
Dieque natus Innocentibus ſacro,	Fontem ſepultum propter Innocen-
Legatus a Republica Lutetiam	tium.
Miſſus, parœciæ hoſpes Innocen-	Vitæ peractæ propter Innocentiam
tium,	Cœlum Innocentes inter animus in-
Vivos reliquit Innocentibus die	colit,

XX. *Petro Plancio Pariſenſi.*

FESSUS Atlantiades toties tranſmittere nubes,
Tanariam toties ire, redire viam:
Ante Jovem ſupplex ſtetit, & finire labores
Poſtulat, aut ſocium qui relevaret onus.
Æqua petis, (ait ille) petiſque in tempore, nam te
Qui juvet, aut nemo, aut Plancius unus erit.
Sæpe ego per tenebras vidi cum ſcanderet Alpes
Concretæ gelidum findere marmor aquæ:

Vidi

[I Tuiſque talem] Cairns 1677. Lond. apud Belgas Edit. Quifque talem,
1686. Elzey. 1628. aliæque recentiores

Vidi cum fessos cursu præverteret Euros,
 Et Zephyri lentos antevolaret equos.
 Non labor infomnis, non sævæ injuria brumæ,
 Non sitis æstiferi cum furit ira canis:
 Non salebris colles, non cœno undante paludes,
 Non scopulis torrens impediēbat iter.
 Quid referam ingenium, magnæque capacia curæ
 Pectora, custodem depositique fidem?
 Eloquiumque potens mandatis addere pondus,
 Comere res tenues, promere difficiles?
 Et facilem quamvis ad cætera munia mentem,
 Difficilem falli muneribusque capi?
¹ Hunc age: quam primum volat ille, & mole relicta
 Corporis, Eridanus qua Ligus urget aquas,
 Astra, Deum plaudente choro, novus incola scandit
 Plancius, & superûm jussa minister obit.
² Sis felix licet, usque tuis decus, & dolor ingens,
 Ultima nos donec mittet in astra dies.

XXI. *Eidem.*

CURA, fides, labor, ingenium, vigilantia, Planci,
 Fecerunt carum civibus esse tuis.
 Jam virtus, hominumque favor spondebat honores,
 Et meritis regum conciliatus honor.
 Sed vulgaris honos meritis minor: ergo abiisti
 Illo, ubi virtuti verus habetur honos.

XXII. *Henrico Borbonio summæ spei adolescenti.*

BOrboniæ spes illa domus, patriæque patrisque;
 Nunc patris & patriæ, Borbonidumque dolor,
 Heic situs Henricus, violas adsperge viator:
 Neu bona quæ fuerat vita, reare brevem.
 Sat vixit, bene qui vixit: spatium brevis ævi
 Ignavi numerent tempore, laude boni.

XXIII. *Pa-*

¹ *Hunc age: quam primum*] Sic distinguendam existimavimus sententiam: libris autem fere omnibus nulla interpunctione legitur, *Hunc age quamprimum* v. i. Sensus autem videtur, *Hunc age*, supple tua vice substitue, aut laboris socium

adjunge.

² *Sis felix licet, usque tuis*] An potius sic dispungendum,
Sis felix licet usque, tuis decus -----
 Cæterum Commel. Genév. 1584 & 1594,
 & Hart. deest *Sis*.

XXIII. *Patricio Buchanano fratri.*

Si mihi privato fas indulgere dolori,
 Ereptum, frater, te mihi jure fleam:
 Nostra bonis raros cui protulit artibus ætas,
 Et nivea morum simplicitate pares.
 At si gratandum lætis est rebus amici,
 Gratulor immensis quod potiare bonis.
 Omnia quippe ¹ piæ vitæ & sinceriter actæ
 Præmia securus non peritura tenes.

XXIV. *Joanni Ransforto Equiti Anglo.*

Hunc, Ransforte, tuo cineri Buchananus honorem
 Dat meritum, duro ² cultus in exilio.
 Mens generosa atavos non est mentita vetustos:
 Pace tua est pietas cognita, Marte manus.
 Cultus erat simplex, sine luxu splendida mensa,
 Ara domus miseris, arca benigna bonis.
 Non libertatem fandi peregrina tyrannis,
 Non animum fregit patria serva tuum.
 Mens invicta malis fesso de corpore cessit,
 Jam ³ pulso exitii servitii que metu.

XXV. *Carolo Cossæo Brixiaci Comiti.*

CAROLUS hic situs est modica Cossæus in urna,
 Pyramidum dignus cui tegat ossa labor.
 Patria Brixiacum, genus alto e sanguine Cossi,
 Nec proavum inferior nobilitate torus.
 Ingenium felix, facies gratissima, vicit
 Nemo manu juvenem, consilioque senem.
 Quæcunque armiferis inimica est natio Francis,
 Auxit cum titulis Marte coacta novis.
 Cum Batavo Germanus, Iber, Ligur, Insuber, Anglus,
 Laudavere fidem, ceu tremuere manum.
 Quod mortale fuit, rapuit mors: ⁴ fama virescit,
 Dum domus Hectoridum regia sceptrâ geret.

XXVI. *A-*

¹ *Piæ vitæ*] Forte *pie*.
² *Cultus*] Libri omnes habent *custos*, & Editio anni 1594, alii autem omnes
 repugnante & metro & sensu: *cultus* igi-
 tur videtur legendum, eodem sensu quo
 in prioris libri Epig. 3.
³ *Jam pulso*] Ita habent Commelin.
 & Editio anni 1594, alii autem omnes
Impulso.
⁴ *Fama virescit*] Forte *virescet*.

XXVI. *Alexandro Cocburno.*

OMNIA quæ longa indulget mortalibus ætas,
 Hæc tibi, Alexander, prima juvenia dedit.
 Cum genere & forma generoso stemmate digna,
 Ingenium velox, ingenuumque animum.
 Excoluit virtus animum, ingeniumque Camœnæ
 Successu, studio, consilioque pari.
 His ducibus primum peragrata Britannia, deinde
 Gallia ad armiferos qua patet Helvetios:
 Doctus ibi linguas, quas Roma, Sion & Athenæ,
 Quas cum Germano Gallia docta sonat.
 Te licet in prima rapuerunt fata juvenia,
 Non immaturo funere raptus obis.
 Omnibus officiis vitæ qui functus obivit,
 Non fas est vitæ de brevitate queri.

XXVII. *Rogero Aschamo Anglo.*

ASchamum extinctum patriæ, Grajæque Camœnæ,
 Et Latiae vera cum pietate dolent.
 Principibus vixit carus, jucundus amicis,
 Re modica, in mores dicere fama nequit.

XXVIII. *Dianæ.*

VENATRIX Regum jacet hac sub mole Diana,
 Fracta annis, nec tum sponte pudica fuit.
 Omnia quæ rapuit, tandem ' nil amplius optat:
 Sed quod nunc satura est, gratia Parca tibi.

XXIX. *Jacobo Stuardo Scotorum Proregi.*

QUAMVIS flere nefas te cœlo, Jacobe, receptum,
 Tot populis nunquam mors fuit una dolor:
 Nullo unquam tantam se ingessit pectore virtus,
 Signa nec ostendit tam manifesta sui.
 Nullo unquam impietas gavisa est funere tantum,
 Nec sibi plus juris credidit esse nefas.
 Ista licet tanto genitrix sit Scotia luctu,
 Tam genitum gaudet, quam periisse dolet.

XXX. *Joan-*

1 Nil amplius] An legendum nihil amplius, ut Horat. I. Ep. II. 46?

XXX *Joanni Hamiltono Fani Andreae Archiepiscopo.*

PROstibulum plebis miseræ, lupa publica mater,
 Fecit ut incerto de genitore fores.
 Vix tandem inventus prolis cupidusque & egenus,
 Qui te progeniem diceret esse suam:
 Sed generis mansere notæ, mens subdola, fallax
 Lingua, animus gaudens sanguine, dextra rapax,
 Luxuries parti male pejus prodiga, fornix
 Pro thalamo, nummus numinis instar erat.
 Adjuncti his vitiis naturæ plurima sponte,
 Dignus Hamiltona dum cupis esse domo.
 Stemmate sed falso nihil a te dignius actum est,
 In crucē quam laqueo quod tua colla dares.

XXXI. *Eidem.*

CORPUS Hamiltoni jacet hac Antistitis urna:
 Impurus lassat spiritus Eumenidas.
 Prodigio tandem respirat libera tellus,
 Ad Stygium gaudet noxia turba lacum:
 Dum totus ruit in pœnas unius Avernus,
 Stat rota, nec Phlegyas flagra facesque timet.
 Sisyphus in saxo sedet, haurit Tantalus undam,
 Et Tityi, lasso vulture, fibra jacet.
 Quæ multis cæso quæsitæ est gloria monstro,
 Jure suo hanc propriam crux laqueusque tulit.
 Exitus ut justus, sic justa injusta fuerunt,
 Corpore sacrilego quod caruere canes.

XXXII. *Joanni Juello.*

R EGINÆ geminæ pari labori, Verum non animo pari, Juelle, Fecerunt, pietas ut esset orbi Illustris tua. Sæviendo ferro Et igne altera id egit, ut niteret Virtus temporibus probata duris, Ut aurum solet ignibus recoctum. Justo te altera prosequens honore Produxit patriæ in theatrum: & oris	Tot dotes animique adhuc latentes Ostendit populo: sed eruditis Et plenis pietatis, entheoque Fervore ingenii libris, nepotum Famam in secula dum tuam propa- gas, Illiusque odio, istiusque amore Majorem ipse tibi celebritatem Famæ in tempora cuncta comparasti.
----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------

XXXIII. *Ei-*

XXXIII. *Eidem.*

JUELLE, mater quem tulit De-rens
 vonia, Elisabetha docta doctarum artium:
 Nutrixque fovit erudita Oxonia, Pulvis pusillus te sepulchri hîc con-
 Quem Maria ferro & igne patria ex- tegit:
 pulit, Quam parva tellus nomen ingenis
 Virtus reduxit, Præfulem fecit pa- occulit!

I C O N E S.

I. S A T U R N U S.



UREA secla olim me paupere Rege fuerunt:
 Lis, vis, fraus aberant, omnia pacis erant.
 At nunc justitiam mentita injuria dives,
 Lis, vis, fraus, auri secula nuda premunt.

II. J U P I T E R.

L Argus opis, nec avarus opum, dum regna tenebam:
 Inde mihi cœlum fama benigna dedit.
 Hæc æquat virtus humili de plebe Quiritem
 Regibus, hæc homines efficit una Deos.

III. M A R S.

Magna quod evortam Mavors sum jure vocatus,
 Quam validus dextra, tam rationis inops.
 Vis, furor, ira, pavor, comites sunt, & mihi testes,
 Quantum consilii vis ferat orba mali.

IV. S O L.

SOL oculus mundi, longum mortalibus annum,
 Inque vicem noctes metior, atque dies.
 Luminis & vitæ fons, per quem fructus & usus
 Utilibus, pulchris gratia rebus adest.

V. V E N U S.

A LMA Venus, rerum genitrix, hominumque voluptas,
Curarum requies, publicus orbis amor.
Hi quoque, qui tetricis invadunt crimina verbis,
Vultu dissimulant, dissimulant & amant.

VI. M E R C U R I U S.

Q Uot Protei vultus, tot sunt mihi nomina & artes,
Nulla est ingenio fraus male nota meo.
Tam catus & mendax, vafreque impostor, ut esse
Possim chemistæ, augur, & astrologus.

VII. L U N A.

Q UOD maculas vultus alieno lumine fuco,
Muto cuncta, marem nunc peto, nunc fugio.
Quod vaga, quod nunquam constans, vis discere causam?
Fœmina sum, uxoris forsitan imago tuæ.

VIII. T E M P U S.

S U M genitor veri, domitor livoris, operti
Index, astrorum filius atque comēs.
Me sequor, & fugio mea per vestigia, nunquam
Cum sim, quotidie nascor & intereo.

IX. V I C T O R I A.

S I tam consilio firmet Victoria mentem,
Quam palpat sensus lætitiaque capit:
Anteferenda aliis cunctis foret unica: verum
Fortunæ raro est mens bona juncta bonæ.

X. A L C Y O N E.

S Olvere quæ vitæ potuerunt stamina Parcæ,
Solvere conjugii non potuere fidem.
Alcyone unus amor Ceyx vivus fuit, idem
Alcyone Ceyx mortuus unus amor.

XI. *HELENA.*

VIX fieri, si sint gignentum in semine vires,
 Non, Jovis & Ledæ filia, pulchra potes.
 Vix fieri, si sint gignentum in semine vires,
 Et Jovis & Ledæ filia, casta potes.

XII. *EADÉM.*

MILLE petita procis, totidem repetita carinis,
 Mille poëtarum fama laborque fui.
 O si nota minus, minus & formosa fuisset!
 Maxima matronæ est laus latuisse probæ.

XIII. *PENELOPE.*

FORMOSAM, viduam, ditemque, in flore juventæ,
 Inter tot juvenes, Penelopea, procos,
 Qui te servatam bis denos credidit annos,
 Non oculis tantum captus, opinor, erat.

XIV. *DIDO.*

CASTA, decens, generosa animi, Phœnissa peregi
 Fœmina, magnanimis vix imitanda viris.
 At tu sacratam, Maro, labe adspargere famam
 Conaris, famæ non sine labe tuæ.

XV. *SOPHONISBA.*

VIVERE post victam patriam, patremque, domumque,
 Non potero dominis mancipium Aufoniis.
 Morte manumittar: poteram felicius ante
 Non iterum tædis conciliata novis.

XVI. *ALEXANDER MACEDO.*

FAMÆ dira fames, sitis & vefana cruoris,
 Rex Macedo, vitæ carnificina tuæ:
 Non sine extinguere potuerunt justius ullo,
 Quam potando sitis, quam comedendo fames.

XVII. *I-*

XVII. I D E M.

MAGNUS Alexander, prædo clarissimus, orbis
Exitio vivens, ludibrio moriens.
Perdere quem nequit Mars armis, Bacchus inermis
Perdidit, immisto cum Stygis amne mero.
Famæ dira fames exstingui hoc fine, cruoris
Hoc fine exstingui debuit atra sitis.

XVIII. LAURENTIUS VALLA.

QUID celebras Marios, Curios, fortemque Camillum,
Miratrix veterum, Martia Roma, ducum?
Omnibus iis egit potiorem Valla triumphum:
Unde tuus cuncta in secula vivet honos.

XIX. I D E M.

Monstra animi domuere sopher: quæ terra vel Orcus
Protulit, Herculeæ sunt superata manu.
Portentis Latium sermonem Valla levavit,
Invicto expugnans pectore barbariem.

XX. Maria Regina Scotiæ puella.

UT Mariam finxit natura, ars pinxit: utrumque
Rarum & solertis summum opus artificis.
Ipse animum sibi dum pingit, sic vicit utrumque,
Ut natura rudis, ars videatur iners.

XXI. Eadem adulta.

NI mihi tam foedus, tam dirus avunculus esset,
Seclî hujus Mariæ foemina prima forem.
Sed vitiis, quibus evertit regna omnia, famam
Polluit ille suam, polluit ille meam.

XXII. Carolus Lotharingus Cardinalis.

JAM furor humanus Furias lassarat, inermes
Torpuerant angues, torpuerantque faces:

Cum

¹ Protulit] Recentiores fere Pertulit. Epig. ab And. Hart.

² Eadem adulta] Omissum est hoc

EPIGRAMMATUM

Cum te vis inimica bonis, Carle, edidit, unus
Pro Furiis possis qui¹ satis esse tribus.

XXIII. *Margarita Regina Navarræ.*

ESSE aliis videor felix patre Rege, viroque,
Et nato, & proavis edita sceptrigeris.
Ast ego felicem, si sum, me judico, rerum
Quod Dominus famulam me velit esse suam.

XXIV. *Maria Regina Angliæ.*

SUM Marie, male grata patri, male grata marito:
Cælo invisa, meæ pestis atrox patriæ.
Nulla aberat labe: nisi quod fuit addita custos
Fida pudicitæ forma maligna meæ.

XXV. *In Elizabetham Angliæ Reginam.*

CUIUS imago Deæ, facie cui lucet in una,
Temperie mixta, Juno, Minerva, Venus?
Est Dea: quid dubitem? cui sic conspirat amice
Mascula vis, hilaris gratia, celsus honos:
Aut Dea si non est, Diva est quæ præsidet Anglis,
Ingenio, vultu, moribus æqua Deis.

XXVI. *In Eandem.*

QUÆ manus artificis tria sic confundit, ut uno
Gratia, majestas, & decor ore micent?
Non pictoris opus fuit hoc, sed pectoris, unde
Divinæ in tabulam mentis imago fuit.

XXVII. *Ad Thomam Randolphum Anglum.*

SÆPE tibi, Randolphè, jubes me pingere Regem,
Qualem optem, tribuat si mihi vota Deus.
Accipe. SIT primum veræ pietatis amator:
Effigiem summi se putet esse Dei.
Pacem amet: &, si res poscat, sit ad arma paratus:
Exuat in victos arma, odiumque simul.
Nolo nimis parcus, nimium sit nolo benignus:

Utra-

Utraque regno æque est exitiosa lues.
 Non sibi sed populo sese putet esse creatum,
 Et se communem civibus esse patrem.
 Puniat invitus, cum res jubet esse severum:
 Publica cum poscent commoda, lenis erit.
 Vivat, ut exemplar populo sit recta sequendi:
 Sit vultus pravis terror, amorque bonis.
 Excolat impense ingenium, corpusque modeste:
 Luxuriem frenet cum ratione pudor.
 Jam tacitus tecum, Tentas me fallere, tanquam
 In tabula nostram qui mihi pingis heram.

XXVIII. *In Syllam.*

NULLA cadaveribus quod crux vacet, aut cruce campus,
 Quod lacera in portis omnibus ora patent:
 Quod sonat attrita feralis compede carcer,
 Squalet & humanis ossibus albet ager:
 Artibus his Regem dici te, Sylla, leverum,
 Et patriæ affectas ut videre pater.
 Sic mihi se medicus doctum per funera jactet:
 Sic fracto laudes Automedonta jugo:
 Navita naufragiis celebretur: perdere cives
 Sit laus egregii sæva per arma ducis.
 Perdere non populum generosi est gloria Regis:
 Pro populo Regem est gloria vera mori.

XXIX. *Amor.*

QUIS puer ales? Amor. Genitor quis? Blandus ocelli
 Ardor. Quo natus tempore? Vere novo.
 Quis locus excepit? Generosi pectoris aula.
 Quæ nutrix? Primo flore juvenia decens.
 Quo nutrit victu? Illecebris, vultuque² venusto.

Qui

¹ *Jam tacitus tecum, Tentas me fallere*] Omnes quos viderim libri (præter Genev. 1584.) hunc versum, nulla adjecta post *tecum* distinctione, sic exhibent, *Jam tacitus tecum tentas me fallere*: quo pacto vix ullus huic loco sensus conciliari posse videtur: interposita autem pausa, facile se prodit sententia, hæc nimirum; *Jam tu, Randolphe, tacitus tecum missas; Tentas, at frustra, me fallere,*

Buchanane. Quamvis enim boni Regis in genere imaginem a te depingi exoptabam, tu tamen (quod me haud animadversurum putabas) heram meam Elizabetham Anglorum Reginam in tabula quasi vivis coloribus delineatam mihi exhibuisti: quæ enim de bono Rege a te generaliter sunt dicta, in illam omnia atque unice conveniunt.

² *Venusto*] Editio anni 1594, & Comel. *modeste.*

Qui comites? Levitas, otia, luxus, opes.
 Cur puero belli semper furiosa cupido?
 Impellunt avidæ spes, trepidique metus.
 Non metuit mortem? Non. Quare? Sæpe renasci,
 Sæpe mori decies hunc brevis hora videt.

XXX. *Chrysalus.*

Dives opum, pauperque animi, plus possidet auri
 Chrysalus, in fulva quam vehit Hermus aqua.
 Possidet inclutulum sed cæci carceris umbris:
 Nec procul infernis, ut reor, a tenebris.
 Et decies una, vel sæpius, inspicit hora,
 Et numerans miseras usque fatigat opes.
 Nec satis hoc: centum ferratis limina portis
 Addita, centenis ferrea claustra seris.
 Custodesque canes, arque horridus ære satelles
 Excubat ad clausas pervigilatque fores.
 Non miser uxori, non audet credere natis:
 Frigida non piæ quos habet ara Deis.
 Formidat, si vermis humo, mus exeat antro,
 Si luteum Progne sub trabe figat opus:
 Si trabibus laxum suspendit aranea cassẽ,
 Esse putat nummis retia tensa suis.
¹ Si sol rimosas penetret vel luna fenestras,
² Et tenuem fudit lux inopina diem:
 Oblinit extemplo rimas, ne scilicet auro
 Inficiat ³ radios ille vel illa suos.
 Nec minus obscuras formidat luce tenebras,
 Et latebras promptas ad scelus omne duces.
 Ipse suam, veluti furem, luctatur in umbram:
 Gypsatas metuunt credula corda manus.
 Huc labor, huc miseri spectat vesania voti,
 Et trepidi semper corde micante metus.
 Post inopis curas & inania tædia vitæ,
 Dives ut ad Stygias isse feratur aquas:
 Atque opibus mortem cœu placaturus avaram,
 Semper inops vivit, ne moriatur inops.

XXXI. *Joan-*

¹ Si Sol rimosas] Recentiores libri, forte *fundat* legendum.
 repugnante sensu & metro, Si Sol remotas. ³ Inficiat] And. Hart, *Intingat*.
² Et tenuem fudit] Commel. *fundit*,

XXXI. *Joannes Sturmius.*

ORA vides Sturmi, sed & hæc Germania fumit,
Hæc pietas, Latio cum lubet ore loqui:
Hæc Hermes, alio citius nec se putat ore
Flectere posse homines, flectere posse Deos.

XXXII. *Idem.*

ORA hæc sunt Sturmi: picturæ verba darentur
Si sua, de Phœbi pectore missa putes.
Nec falso: expulsus jamdudum Phocidos antro
In Sturmi sedem pectore Phœbus habet.

XXXIII. *Idem.*

NIL refert, Sturmi hæc, an Phœbi dixeris ora:
Hoc Phœbus solet, hoc Sturmius ore loqui.

GEORGH BUCHANANI SCOTI

STRENÆ, POMPÆ, VALENTINIANA,
EPIGRAMMATUM LIBER III.

S T R E N Æ.

I. *Ad Regem Scotiæ Henricum.*



URBA frequens Jani fundit pia vota Kalendis,
Ut novus exacto faustior annus eat.
Hic, ager ut multo sementem fœnore reddat,
Postulat, hic pecori prospicit, ille gregi.
Bellum miles avet, requiem mercator ab ar-
mis,

Divi-

Divitias alter poscit, & alter opes.
 Sunt quibus in voto est ventosi gloriâ vulgi:
 Sunt, quibus & damnis est caruisse satis.
 Ast ego, ne lassem¹ tibi vanis æthera votis,
 Optime² Rex, opto, sit tibi certa salus.
 Hoc satis est unum: quoniâ te sospite nobis,
 Succedent regno prospera cuncta tuo.

II. *Ad Mariam Reginam Scotie.*

UT mihi magna tuæ fortunæ mûnera reddas,
 Accipe fortunæ mûnera parva meæ.

III. *Ad Eandem.*

INVIDA ne veterem tollant oblivîa morem,
 Hæc tibi pro xenio carmina pauca damus.
 Sunt mala: sed si vis, poterunt divîna videri:
 Nam nunc quod magno venditur ære, bonum est.

IV. *Ad Discipulos.*

MOS vetus est Jani dare mutua donâ Kalendis,
 Annus ut auspicio prosperiore fluat.
 Et mihi quæ possim dare tantum verba supersunt:
 Sed nostrum nemo vult sibi verba dari.
 Nil dare non fas est, vanum est dare verba. Quid ergo
 Restat? Verba dari qui sibi nolit, emat.

V. *Ad Episcopum indoctum.*

CARMINA portanti, Præsul, tua janua clausa est:
 Munera portanti janua tota patet.
 Præsulis ergo tenes perfecti mûnera solus:
 Quippe animo cujus munera sola placent.

VI. *Ad*

¹ *Tibi vanis æthera votis*] Ita restituendum duximus hunc versum; neque enim aliter constare posse videtur aut verborum sensus, aut Latini sermonis structura, in quorum utrumque peccant omnes libri, in quibus legitur,

Ast ego ne lassem tua vanis æthera votis: atque adeo in eundem ferè incidere errorem, quem ad *versum* *pendit carminis* 3. *Silvarum* supra adnotavimus.

² *Optime Rex*] And. Hart, *Unum opto id, Princeps, sit* ———

VI. *Ad Mariam Scotiæ Reginam.*

DO quod adest: opto quod abest tibi: dona darentur
Aurea, fors animo si foret æqua meo.
Hoc leve si credis, paribus me ulciscere donis:
Et quod abest, opta tu mihi: da quod adest.

VII. *Ad Jacobum Stuartum Moraviæ Comitem.*

SEra, Jacobe, quidem sunt, parvaque munera nostra:
Hac in re vitium si quod inesse putas,
Ne sectare meam, sed contra corrige culpam,
Et cito, sed larga munera redde manu.

VIII. *Loquitur Adamas in cordis effigiem sculptus, quem Maria Elizabethæ Angliæ misit.*

QUOD te jampridem fruitur, videt, ac amat absens,
Hæc pignus cordis gemma, & imago mei est.
Non est candidior, non est hæc purior illo,
Quamvis dura magis, non mage firma tamen.

IX. *Ad Jacobum Moraviæ Comitem.*

QUOD tibi parva damus, multi te ducere parvi,
Atque ea non hilari sumere fronte putant.
Falle malas linguas, maledicta, Jacobe, refuta;
Magnaque munifica dona repende manu.

X. *Ad Elizabetham Angliæ Reginam Kal. Jan. anno M. D. LXVIII.
Buchananus Janum alloquitur.*

JA NE pater, solus partes qui versus in omnes
Quicquid habet tellus ante retroque vides:
Prospice quæ possim non dedignanda Kalendis
Saxonidum dominæ mittere dona tuis.
J. Me, puto, scis inopem, de Dis non ditibus unum,
Et veteri tantum simplicitate rudem.
Posce Deos alios: dat opes Saturnia, formam
Pulchra Venus, cultum flava Minerva animi.
B. At Dea nil istis eget hæc, cui dona parantur;
Juno opibus, studiis Pallas, & ore Venus.
J. Posce tuas Musas: sunt & sua dona Camœnis,
Parva licet, magnis non male grata Deis.

D d d 2

B. Quæ

B. Quæ dent Piërides tenues modo verba supersunt :
 Nemo, reor, sanus vult sibi verba dari:
 J. Pacem adeas igitur: nam Pax, ditissima Divûm,
 Commoda quæ cupiant Crœsus & Irus, habet.
 B. Hæc quoque Saxonidæ jam Pax dedit Heroïnæ,
 Atque omne in regno jus dat habere suo.
 J. At tibi res quamvis desit, puto, vota supersunt:
 His opibus diti par potes esse Midæ.
 B. Dicis opes inopes: sed & hinc vix munera spero,
 Cum videam votis vix superesse locum
 Ecquid enim huic optem, ¹ cui fors virtusque benigne
 Et natura suas accumularit opes?
 J. Cuncta licet superent, superest quod ditibus optes;
 Perpetuus vitæ perftet ut iste tenor.
 B. Hac sequar: a votis, quibus unis esse benigno
 Sors mihi dat, xenium auspiciûmque petam.
 Sit tibi qui nunc est animus, Regina, perennis,
 Cæteraque haud animo deteriora tuo.
 Annuit, & Janus mihi vultu arrisit utroque,
 Et mea dicta ratam jussit habere fidem.

XI. *Ad Joannam Havartam.*

SI nisi pro genere & meritis, Havarta, dabuntur
 Munera, rarus erit qui tibi dona feret.
 At si mente Dei pura sine munere læti
 Placentur, falsa vel sine thure mola:
 Proxima Dîs, etiam cur non te, virgo, reamur
 Possè animi pura simplicitate capi?
 Hac ego spe fretus, quamvis exilia dona,
 Ingenii foetus carmina mitto mei.
 Quod si rusticulum non dedignabere vatem,
 Prompta erit obsequio nostra Thalia tuo.

XII. *Ad Mildredam Gulielmi Cæcilii uxorem, ma-
 tronam virtute & eruditione præstantem.*

MUNERA quæ tibi do Jani, Mildreda, Kalendis,
 Ditia si non sint, commoda forsân erunt.
 Non Arabum messes, gemmasve Oriente petitas,
 Sed tibi do, noster qualia reddit ager.
 Quæ neque latrones possint, neque tollere fures
 Clam, nec, si cupias, perdere, perdideris.

Non

¹ Cui fors virtusque. Hart. Fors virtusque.

Non tibi ¹ si donet quicquid Tagus egerit auri,
 Muneribus nostris uberiora dabit.
 Quod si magna putes, nullo sumtu atque labore
 Maxima de simili reddere messe potes:
 Parva licet credas, sunt & sua commoda parvis:
 Parva quod expectet qui tibi parva dedit.
 Denique qualia sint, bona, parva, exilia, magna,
 Ipsa jube, arbitrii res erit ista tui.
 Nec mihi, si cupias non æqua rependere, fas est;
 Reddere nec melius deteriusve potes.
 Nulla tamen magici latet hîc insania cantus,
 Nec mala fraus: animo sint procul ista meo.
² Scire cupis quo tanta cadant promissa? Libenter
 Quodcunque optaris tu mihi, id opto tibi.

XIII. *Ad Eandem.*

QUOD, Mildreda, mihi carmen pretiosius auro
 Miseris, ingenio gratulor usque tuo.
 Atque etiam grates agerem quod miseris aurum,
 Id nisi dixisses desipientis opes.
 Si tamen hunc morbum tibi senseris esse molestum,
 Nemo tibi medicus credo negabit opem.
 At si quem scabies, rabiesve poetica vexet,
 Sanari epota vix queat Anticyra.
 Quid, quod & hanc rabiem gravius symptoma sequatur,
 Addita pauperies vatibus usque comes?
 Quod nisi vitaris pestis contagia, donis
 Carmina si certes vincere nostra tuis,
 Prospice ne morbum mutes, & garrula egestas
 Sit tibi, dum fatuas das mihi divitias.

XIV. *Ad Eandem.*

<p>NI, Mildreda, tui viri, patris- que Moverer reverentia, haud abiret</p>	<p>Impune hoc facinus, meas Camœ- nas Quod corrumpere nixa sis, & auro Castas</p>
--------------------------------------------------------------------------------------------------------------	------------------------------------------------------------------------------------------------------------------------------------------

¹ Si donet] Editio anni 1594, & Com-
 melin, quæ donet.

² Scire cupis q. t. c. promissa? Libenter]
 Ita distinguendam arbitror sententiam;
 Genev. tamen 1584 & 1594. Commel.
 & Hart. Scire c. q. t. c. promissa libenter,

Quodcunque, &c. Elzev. vero 1621 &
 Edimb. 1677, eodem modo, nisi quod
 pro libenter libenter præferant; reliqui
 autem S. c. q. t. c. promissa, libenter Quod-
 cunque, &c.

Castas prostituas prius puellas,	Pœnitentia protinus sequetur.
Contentas nemorum antea virentum	Sic te carminibus moleste habebō,
Umbris, frigore fontium sacrorum,	Sic canam tibi, & obstrepam usque
Rivi & murmure leniter strepentis:	& usque,
At nunc barbarico superbientes	Donec percipias, nec absque damno,
Luxu, & divitiis tuis, priorem	Quanto carmina lætius refundat
Vix norunt comitem, morasque neſtunt,	Noſtra hæc arca, quam tua arca nummos.
Et me ſegnius audiunt vocantem.	Exemplumque dabo tibi tuiſque,
At tu, ſi ſapies, dehinc cavebis	Ne nimis facili benignitate
Iſta me ratione provocare.	Quis certare meæ loquacitati
Quod ni feceris, hanc benignitatem	Vicino monitus velit periclo.

XV. *Ad Eandem.*

V ULGUS me vocat, & putat poëtam.	Nec naris, neque judicandi ege- na?
Aula non putat, & vocat poëtam.	At at, jam videor tenere cauſſam,
Nam ſi crederet eſſe me poëtam,	Quæ pro carmine dat malo bonum aurum,
Avarum, puto, non putaret eſſe.	Non dat carminis æſtimationem:
Aut ſi crederet eſſe non avarum,	Nec ſuum ſtudioſum indicat legendi,
Non pro carminibus malis, ineptis,	Sed ſaſtidia vitat audiendi,
Incomtis, mihi reddidiſſet aurum.	Nec me ſcribere, ſed monet ſilere.
Quid cauſſæ rear eſſe cur rependat	Et recte monet illa, ſi poëtis
Probo ruſticulum aula carmen auro;	Loquendi modus eſſet, & ſilendi.
Aula tam ſapiens, & erudita,	

XVI. *Ad Agnetem Cæcilii filiam.*

QUOD tibi vis tacito voto, quod mater aperto,
Hoc tibi fors cito det, filia Cæcilii.

XVII. *Ad Antonium Cucum Equitem Anglum, & filias doctiſſimas.*

CUCIDES, Antoni ſoboles generoſa parentis,
Et ſobolis doctæ doctior ipſe parens,
Non ego Pieridas, vobis in vota benignis,
Nec precibus Clarium ſollicitabo Deum.
Cucides Aonidæ mihi erunt, pater alter Apollo,
Ingenio vires ſufficietque meo.

Inde

[*Vobis in vota benignis*] Quidam benidum; ſententia enim eſt, Si vos benigne
gnas legendum malint: at nihil mutan-
votis meiſ annuat.

Inde mihi surget xeniorum maxima merces,
 Largaque de vestra munera fruge dabo.
 Ludere me forsan perfricta fronte putetis:
 Quod fieri alterius merce benignus amem.
 Non ita: nam cum det Deus omnibus omnia, lætus
 Accipit e donis munera parva suis.
 Vos quoque germanæ Dīs tot virtutibus æquæ,
 Et studiis docti docta propago patris,
 Estē Dei similes, nec munere ¹ pendite mentem:
 Muneribus pretium mens generosa facit.

XVIII. *Ad Jacobum Moraviæ Comitem.*

SI magis est, ut Christus ait, donare beatum,
 Quam de munifica dona referre manu:
 Aspice quam faveam tibi: sis ut dando beatus,
 Non renuo fieri, te tribuente, miser.

XIX. *Ad Matthæum Levinæ Comitem, Scotiæ Proregem.*

CUM mihi quod donem nil sit, tibi resque superfit;
 Accipe, cui dones officiosus opes.
 Non ego sum nimius voti: ex tanto æris acervo
 Sufficient animo ² millia pauca meo.
 Denique da quidvis, podagram modo deprecor unam:
 Munus erit medicis aptius illa suis.

P O M P Æ.

I. ³ APOLLO & MUSÆ EXULES.

SEDIBUS extorres bello, ad te fugimus, una
 Musarum caste quæ pia sacra colis.
 Non querimur: magna exilium mercede levatur,
 Si fruimur vultu nocte dieque tuo.
 Est mihi carmen Hymen, lusus, convivia, cantus,
 Materia ætati non aliena tuæ.
 Sit procul a tragico semper tua vita cothurno:
 Et mihi fas hostes sit celebrare tuos.

Digna

¹ *Pendite mentem*] Ita utraque Genèv. & Hart. *molliora pauca*.
 Commel. & Hart. alii autem omnes, ³ *Apollo & Musæ exules*] Hoc carmen,
pandite mentem. quemadmodum & sequentia, in nuptiis
² *Millia pauca*] Commel. Genèv. 1594, Mariæ scriptum videtur.

Digna Dea tibi sunt facies, virtusque genusque:
 Concinet ergo intèr te lyra nostra Deos.
 Sufficis æternum mihi sola in carmina: nulla est
 Sanguinis heroi tam numerosa domus.
 Ni Dea nata fores, mihi tanta potentia fandi est,
 Protinus ut faceret te mea lingua Deam.
 Cura mihi historia est, ut per me mortua vivant,
 Stent sua virtuti præmia, poena malis.
 Cætera consequeretur numeris facile omnia, tantum
 Virtutes possem si numerare tuas.
 Digna coli cælo, terras cole: sidera nosse
 Si juvet, hîc duce me, sidera nosse potes.
 Metior hoc radio terras, mare, sidera: monstro
 Quam parvo humanus ludat in orbe labor.

II. Pompa Deorum in nuptiis Mariæ.

1. DIANA.

Q Uinque mihi fuerant Mariæ, pater alme, ministræ,
 Et decus, & nostri gloria prima chori.
 Hoc numero comitum cælo caput alta ferebam:
 Sumque aliis nimium visa beatâ Deis.
 Nam Venus & Juno successibus invida nostris,
 Unum de numero surripuere meo:
 Et nunc orba cohors numero sibi displicet, uno
 Pleiadum languet ceu minor igne chorus.
 Audeat hoc deinceps exuta licentia frenos:
 Objiciat sævis incommitata feris.

2. JUNO.

S IT tibi venatus, mihi sint connubia curæ:
 Contenta officio sit Dea quæque suo.

3. VENUS.

C ESSET amor, pariter cessabunt fœdera rerum:
 In chaos antiquum cuncta elementa ruent.

4. CERES.

S I² parili cunctæ fugiant connubia voto,
 Rara tui fiet, Delia, turba chori.

5. PAL-

1 Sanguinis heroi] i. e. heroici.

2 Si parili cunctæ] Uterque Genev.

Commel. & Hart. Si parili cunctæ.

5. PALLAS.

SI pariter fugiant omnes connubia nymphæ,
Nullus erit posthac virginitatis honos.

6. SATURNUS.

SI tibi fas fuerit tædis arcere puellas,
Cur mihi fas non sit præsecuisse mares?

7. MARS.

UNDE mihi miles, si totum transgat ævum
Fœmineum in sterili virginitate genus?

8. MERCURIUS.

FRUSTRA & ego doceam eloquium, liquidamque pæ-
læstram,
Et celerem Eoa merce onerare ratem.

9. APOLLO.

DELIA parce metui, meaque hæc simul accipe dicta,
Quæ tibi veridico præscius ore cano.
Juno vocat, Mariasque tuas jubet esse maritas,
Castaque legitimi jura subire tori.
Multiplicesque tibi Marios Mariasque rependent,
Accrescetque tuis longior ordo choris.
Semper prima novæ sobolis tibi serviet ætas:
Proxima Junoni: cætera fata vetant.

10. JUPITER.

QUinque tibi Mariæ fuerant, sed quinque Dearum
Instar erant forma, moribus, ingenio.
Quinque Deum dignæ thalamis, si jungere tædas
Mortali superos ferrea fata sinant.
At nunc florentis cum pars jucundior ævi
Tota sit in castris pene peracta tuis,
Altera militia est, atque altera castra sequenda;
Jamque viris ætas serviat apta viro.
Sic vicibus variis rerum immutabilis ordo
Permanet, & constat mutuus orbis amor.

11. TAL-

II. TALTYBIUS.

ALTER Hymen lætis jam vocibus æthera pulset;
 Sit Maria ut tædis altera juncta novis.
 Connubio quantum sociat Venus aurea, tantum
 Detrahitur numero, casta Diana, tuo:
 Unaque jam superest Mariis de quinque Dianæ:
 Hæc quoque jam socios respicit una toros.
 At vos quas comites dignata est candida nuper
 Delia virgineis associare choris,
 Sic Veneri lætæ lætam² exercete juventam,
 Augeat ut choreas casta Diana suas:
 Proque una Marias multas donate Dianæ,
 Ut Veneri sponfas fœneret illa novas.
 Ut chorus alterius florescat uterque, vicissim
 Sentiat alterius semper ut alter opem.
 Sic mutant elementa vices contraria, sese
 Assidue perimunt, & perimendo novant.

III. Pompæ Equestres.

1. *Turma Æthiopum.*

FAMA tuæ virtutis ad hæc nos littora traxit,
 Unde venit calidi mollior aura Noti.
 Fama tui Reges tanto super altior omnes,
 Quam tuus a nostro dissidet ore color.
 Ergo ubicunque lubet devotis utere dextris,
 Sive magis ratibus, sive placebit equis.
 Experiare fidem bello vel pace licebit,
 Serviet imperio vitæque morsque tuo.

2. *Turma Septentrionalium Equitum.*

NEC minus Arctoas sparsa est tua fama per oras;
 Nec minus Eoas, occiduasque domos,
 Quam per inaccessas Libyæ squalentis arenas,
 Nec minus hoc cælo pectora tangit honos.
 Sunt animi, sunt dextræ animis servire paratæ,
 Et mens imperium prompta subire tuum.

Si

¹ Taltybius] Is præco erat in Græcorum exercitu. Homer. Iliad α. 320. exercere.
 Ovid. Epist. III. 9.

Si fortuna animis fuerit, si viribus æqua,
Officiis in te non prior ullus erit.

3. *A Neptuno missa turma.*

Nympha inter pulchras pulcherrima Neptuninas,
Nympha Caledoniæ gloria magna tuæ:
Sola opibus digna Oceani, cum murice gemmis,
Quæque arbor¹ tacta est Gorgone facta lapis:
Nos tibi cæruleis Triton submisit ab undis,
Iussit & hæc domini nomine ferre sui.
Utere Neptuno, seu viribus est opus undæ,
Sive ratis, celeris sive erit usus equi.
Si minus hi placeant, sic cogita, in æquore natos
Assuetos solido non satis esse solo.

4. *Equites versicolores.*

HÆC acies equitum sub versicoloribus armis,
Fortunæ faciem fulget amicta suæ.
Tu modo si faveas, etiam fortuna favebit:
Virtuti comes est scilicet illa tuæ.

5. *Equites qui in galeis ferebant Palladem adversus eos qui
Cupidinem ferebant.*

URE, sed imbelles, puer, ignibus ure puellas:
Bellica belligeræ tela relinque Deæ.

6. *Alius.*

PALLAS adest, hasta metuenda & Gorgone sæva:
Qui locus hîc jaculis, parve Cupido, tuis?

7. *Alius.*

CÆCUS Amor, sapiens Pallas: temerarius illi
Impetus, huic ratio tela manumque regit.
Exitus in dubio non est, si casus inermis
Conserat armata cum ratione manum.

IV. Pom.

¹ Tacta] Facta habent omnes libri, tacta, V. Ovid. Met. 4. v. 744.
nullo fere sensu: ejus loco reposuimus

IV. Pompæ Deorum Rusticorum dona ferentium Jacobo VI. & Mariæ matri ejus, Scottorum Regibus, in coena quæ Regis baptisma est consecuta.

1. *Satyri Regi.*

Silvestres tibi Satyri dona
Damus agrestia, ruris alumni
Volucres læti ruris alumnos;
Et prævertere solitos ventos
Male confisos pedibus cervos.

At cum veniet robur ab annis
Capies acribus ipse Molossis
Capreas; claudes retibus apros:
Disces strepitu sæpe quod urbis
Jure anteferat rura voluptas.

2. *Nereides Reginae matri.*

VIS dura ferri marmoris
Magnesii contagio
Imbuta vertit algidam
Ad Arcton acrem cuspidem.
Cuicunque virtus imbuit
Potenti vi præcordia,
Te spectat unam, cardini
Cuicunque cœli subjacet.

Arcana vis hæc Indico
Nos traxit huc a littore,
Ut non trahat potentius
Ferrum. flex Heraclia:
Virtutis ut propius tuæ
Claro fruamur lumine,
Et patriis munusculis
Testemur observantiam.

3. *Najades Regi.*

NON sic luciferi viator ortu
Gaudet, navita non serenitate;
Felix, pusio, nuncius tui ortus
Nostra ut pectora mœsta recreavit.

Quare munera Najades pusilla
Hæc damus tibi: nec tamen pusilla,
Si non munere pectus æstimetur,
Verum e pectore munus æstimetur.

4. *Fauni Reginae.*

VIRTUTE, ingenio, Regina, & munere formæ
Felicibus felicior majoribus,
Conjugii fructu sed felicissima, cujus
Legati honorant exteri cunabula:
Rustica quem donis reverentur numina, filvis
Satyri relictis, Najadesque fontibus.
Faunos in melius properantis pignora secli
Responsa ferre cœlitum Rex hæc jubet:

Omnia

Omnis in hunc rerum consensit machina Regem,
Non forte lectum aut lege, sed fato datum.
Non aliter quam natura novere magistra,
Monstrante nullo, apiculæ suum ducem.

5. *Oreades Regi.*

MONTANA dona montium Ni forte malis avios per anfractus
celentes Nemorum, relictis capreis, Na-
Secreta¹ Oreades nunc damus te- præas
nellos Captare capreis non minus fugaces,
Catulos ferarum: firmius vigebit Sed capreis capi minus paventes:
Cum corpus annis, acribus Molossis Cupiesque silvarum horridos recess-
Sequeris ipse capreas fugaces, sus
Aprosque claudes nexibus plagarum: Præferre forsan oppidis superbis.

V A L E N T I N I A N A.

I.

FESTA Valentino rediit lux: frigora languent,
Et liquat horrentes mitior aura nives.
Jam propior propiorque novo se lumine vestit
Phœbus, & aurato purior axe micat.
Findere jam tenero meditatur cuspide terram,
Gramen & in virides luxuriare comas.
Cortice laxato gemmas jam parturit arbor:
Mitis init regnum jam Cytherea suum.
Pabula persultant lætæ pecudesque feræque,
Quisque sibi sociam jam legit ales avem.
Inde sibi dominam per sortes quærere in annum
Mansit ab antiquis mos repetitus avis.
Quisque legit dominam quam casto observet amore,
Quam nitidis fertis obsequioque colat:
Mittere cui possit blandi munuscula veris,
Pallentes violas, purpureamve rosam:
Quæque suis vicibus nascencia sufficit annus
Munera, temporibus non aliena suis.
Nos quibus & jam flos melioris decidit ævi,
Nec niteant horti, nec renovetur ager;
Serta tamen dominæ nostro ex Helicône petamus,

Frigo-

¹ Ita omnino legendum, levissima mutatione, *Oreades*, non *Orcades*, prout in omnibus libris habetur, quod non modo metri legibus & communi horum carminum inscriptioni repugnat, sed etiam sententiam aut nullam aut absurdissimam reddit.

Frigoribus nullam depositura comam :
 Et Veneri castæ castum libemus honorem,
 Et veteres repetat sobria Musa jocos.

2. *Ad Mariam Flaminiam sorte Reginam.*

REGIA, Flaminia, jamdudum sceptrā teneres,
 Si genus aut virtus regia sceptrā daret.
 Si det sceptrā decus, dominæque potentia formæ,
 Non decor aut forma est dignior ulla tua.
 Si studiis hominumque favent bona numina votis,
 Jam tibi regna hominum vota precesque dabant.
 Si Dea non stabilis rerum moderatur habenas,
 Surda aures, cæco lumine, mentis inops,
 Heic neque surda fuit, nec cæca, aut mentis egenā,
 Cum tribuit dextræ sceptrā tenenda tuæ:
 At si cæca fuit, si surda, aut mentis egenā,
 Virtutem cæcæ credo fuisse ducem.

3. *Ad Eandem.*

CUNCTA tuo cum colla jugo det sponte juvenus,
 O post sceptrigeram formā secunda Deam:
 Esse tamen cæcam Sortem ne crede, quod ævo
 Me tibi mancipium deteriore dedit.
 Commendent juvenes aut formā, aut gratior ætas:
 At solet in senibus certior esse fides.
 Ut sua dant animos illis bona cognita, sic me
 Sors tenuis dominam demeruisse jubet.
 Ergo mei quanto minor est fiducia, tanto
 Major erit certam cura probare fidem.

4. *Ad Eandem.*

ACCIPE quos foetus tibi fertilis educat annus,
 Flaminia, o ævi flosque decusque tui:
 Non capiti ornatum; neque enim splendescere pulcher
 Externi cultus munere vultus eget:
 Sed magis ut noscas, ubi ver aspexeris anni,
 Quam cedant veri tempora verna tuo.

5. *Ad Eandem.*

FLORET ager, florent horti, se floribus arbor
 Induit: honori cuncta serviunt tuo.

Sed

Sed tamen alterno lapsu natura recurrens
 Variare poterat temporum credi vices,
 Ni nostri ingenii, quod jam defloruit, ævum
 Sterili in senecta parturiret carmina;
 Carmina naturæ non edita sponte, sed auræ
 Tui favoris spiritum debentia.

6. *Ad Mariam Betonam pridie Regalium Reginam sorte ductam.*

REGNO animus tibi dignus erat: tibi regia virtus:
 Et poterant formam sceptrum decere tuam.
 Fortuna erubuit sua munera sola dcesse:
 Quæ tibi nunc plena dat cumulata manu.
 Cumque tibi immunem dederit livoris honorem,
 Non satis est tardam visa luisse moram:
 Ni Regina, orbis longe dignissima scepro,
 Gauderet regno læta subesse tuo.

7. *Ad Eandem.*

AN querar? an potius fortunæ munera laudem,
 Quæ me Betonæ mancipat imperio?
 Quo mihi forma decens hoc tempore? cum mihi nulla
 Spes superest, quod sit mutua cura mei.
 Si fortuna mihi melior, melioribus annis
 In me munifica sic foret usa manu:
 In cinerem subito cecidissem versus, eratque,
 Quod mihi vita brevis, pœna futura levis.
 Nunc face fors lenta torret, nec dat mihi vitæ
 Gaudia, nec subitam dat mihi mortis opem.
 Sed seu vita manet, vel mors, hoc gratulor unum,
 Sub dominæ arbitrio est vitæque morsque mea.

8. *Ad Eandem.*

QUÆ melior meritis mihi fors, Betona, dedit te,
 Hæc cito sed meritis det precor æqua tuis.

9. *Ad Eandem.*

HORRET hiems, nec prata nitent, neque floribus horti,
 Unde queam dominæ festa parare meæ
 Quique fuit cultu Musarum fertilis hortus
 Ingenii, ætatis frigore stringit hiems.
 Si tamen adspiret Zephyrus Betonidos auræ,
 Hic etiam in vernas luxuriabit opes.

GEOR-

GEORGII BUCHANANI SCOTI MISCELLANEORUM LIBER.

I. *Ad invictissimum Franciæ Regem Henricum II. post victos Caletes.*

<p>NON Parca fati conscia, lu- bricæ Non sortis axis sistere ne- scius, Non siderum lapsus, sed unus Rerum opifex moderatur or- bem: Qui terram inertem stare loco ju- bet, Æquor perennes volvere vortices, Cælumque nunc lucem tenebris Nunc tenebras variare luce: Qui temperatæ sceptrâ modestiæ Dat, & protervæ frena superbiæ: Qui lacrymis sædat triumphos, Et lacrymas hilarat triumphis. Exempla longe ne repctam: en ja- cer Fractusque & exspes, quem gre- mio suo Fortuna fotum, nuper omnes Per populos tumidum ferebar. Nec tu, secundo flamine quem su- per Felicittatis vexerat æquora, Henrice, virtus, nesciisti Imbriteræ fremitum procellæ. Sed pertinax hunc fastus adhuc pre- mit,</p>	<p>Urgetque pressum: & progeniem sui, Fiducia pari tumentem Clade pari exagitat Philippum: Te, qui minorem te superis geris, Culpamque fletu diluis agnitam, Mitis parens placatus audit, Et solitum cumulat favorem: Redintegratæ nec tibi gratiæ Obscura promit signa. Sub algido Nox Capricorno longa terras Perpetuis tenebris premebat; Rigebat auris bruma nivalibus, Amnes acuto constiterant gelu, Deformis horror incubabat Jugeribus viduis colono: At signa castris Francus ut extulit Ductorque Franci Guisus agminis, Arrisit argenti sub Arcto Temperies melioris auræ. Hiems retuso languida spiculo Vim mitigavit frigoris asperi: Siccis per hibernum serenum Nube cava stetit imber arvis. Stravit quietis æquora fluctibus Neptunus, antris condidit Æolus Ventos, nisi Francas secundo Flamine qui veherent carinas. Per arva nuper squalida, & ignibus Ad-</p>
---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

I. *Ad invictissimum Franciæ Regem*] Edit. *Henrico II. Francorum Rege invictiss. re-*
Rob. Stephani 1558, *De Calcio nuper ab* *cepta.*

Adhuc BRITANNIS pene cal-
 lentia,
 Cornu benigno commeatus
 Copia luxurians profudit.
 Idem ut reductas abdidit oppidis
 Francus cohortes, mitis hiems modo
 Se rursus armavit procellis,
 Et positas renovavit iras.
 Stant lenta pigro flumina marmore,
 Canisque campi sub nivibus latent,
 Diverberatum sævit æquor
 Horriferis Aquilonis alis.
 Ergo nec altis tuta paludibus
 Tulere vires mœnia Gallicas,
 Nec arcibus tutæ paludes
 Præcipitem tenuere cursum.
 Loræne princeps, præcipuo DEI
 Favore felix, præcipuas DEUS
 Cui tradidit partes, superbos
 Ut premeres domitrice dextra.
 Unius anni curriculo, sequens
 Vix crederet ætas promeritas tibi
 Tot laureas, nec si per auras
 Pegasea veherere penna.
 Cessere saltus ninguidi, & Alpium
 Inferta cœlo culmina, cum pater
 Romanus oraret, propinquæ ut
 Subjiceres humeros ruinæ.
 Defensa Roma, & capta Valentia,
 Coacta pacem Parthenope pati,
 Fama tui Segusianus
 Barbarica face liberatus.

Æquor procellis, terra paludibus,
 Armis BRITANNUS, mœnia
 seculis
 Invieta longis, insolentes
 Munierant animos Caletum:
 Loræna virtus, sueta per invia
 Non usitatum carpere tramitem,
 Invieta devincendo, famam
 Laude nova veterem refellit.
 Ferox BRITANNUS viribus an-
 tehac,
 Gallisque semper cladibus imminens,
 Vix se putat securum ab hoste
 Fluctibus Oceani diremtus.
 Regina, pacem nescia perpeti,
 Jam sprete mœret fœdera, jam Dei
 Iram timet sibi imminentem,
 Vindictis & furia flagellum.
 Cives & hostes jam pariter suos
 Odit pavetque, & civium & ho-
 stium
 Hirudo communis, cruorem
 Æque avide sitiens utrumque.
 Huic luce terror Martius assonat,
 Diræque cædis mens sibi conscia,
 Umbræque nocturnæ quietem
 Terrificis agitant figuris.
 Sic læsa pœnas Justitia expetit,
 Fastus superbos sic Nemesis pre-
 mit,
 Sic mitibus justisque præbet
 Mitis opem Deus atque justus.

II. 3 *In Castitatem.*

CASTITAS biandi domitrix
 amoris,
 Castitas vitæ specimen prioris,

Labe cum puras soboles colebat
 Aurea terras.

Casti-

1 *Adhuc Britannis pene calentibus*] Ibid.
Adhuc Britannis pene calentibus.

2 *Sic læsa pœnas*] Abest ab Editione
 Rob. Stephani postremum hoc terrasti-
 chon.

3 *In Castitatem* Narrat Tho. Randol-
 Tom. II.

phus, Elizabethæ Anglæ ad Mariam
 Scotam tum legatus (Epist. ad Gul. Cæ-
 cilium 27 Feb. 1564. Bibl. Cotton. Ca-
 lig. B. 10.) se lautissimo convivio Edim-
 burgi fuisse susceptum, in quo ad majo-
 rem celebritatem variaz larvæ erant ex-
 cogi-

F f f

Castitas ¹ vitæ specimen futurae,
 Morte cum victa sociata membris
 Pura mens puris radiantis aulam
 Incolet æthræ.
 Una nec certam Veneris sagittam,
 Jura nec fati metuis severi,

Quippe quæ rursus moriente major
 Morte resurges.
 Pura cum puris agites ut ævum
 Angelis, quorum studium secuta
 Colliges fructus socios secundæ
 Reddita vitæ.

III. De amore Cossæi & Aretes.

QUO te sub antro, ² quo nemorum avio,
 Ætus levantem frigore ³ languido
 Cossæus aspexit, profanis
 Cerni oculis, Arete, insolentem?
 Tu cura es illi, seu roscio dies
 Arridet ⁴ ortu, seu medio dies
 Incandet æstu, sive cœlum
 Nox tacitis operit tenebris.
 Tu si vocaris, per juga Caucasi
 Te belluosi, torrida solibus
 Per telqua Maurorum, per æquor
 Puppibus indomitum sequetur.
 Non tecta tectis, prædia prædiis,
 Aurumve stratis cogere montibus,
 Non ⁵ certat Eoum decoris
 Oceanum spoliare gemmis:
 Non otiosa lentus inertia
 Vitæ fugacis ver breve carpere,
 Somnoque jucundo molestas
 Ægri animi relevare curas.
 Unam ⁶ irretorto lumine te videt,
 Unam inquieta sollicitudine
 Te spectat absentem, invocatque,

Te dominam veneratur unam.
 Non ille coma molle nitens coma
 Te, nec Sabæis ambit odoribus;
 Non ⁷ improbus captat dolosis
 Illecebris animum rebellem.
 Sed luce ferri luctifica minax,
 Pectusque squamis asper aheneis,
 Aut spumeos frenos fatigans
 Quadrupedis præeuntis Euros:
 Qualis virentem Mars prope Strymona
 Exerret acrem quadrijugum fugam,
 Seu Parthiæ cladem feroci,
 Seu gelido meditatur Istro.
 Nec tu labores despicias anxios,
 Te nacta dignam scilicet indolem,
 Nec credulum pascens amorem
 Spe sterili crucias amicum.
 Seu per procellis fœta nivalibus
 Prærupta, & Alpes agmen agit feras,
 Seu per tumentes imbre fluctus,
 Seu validas labefactat arces:
 Tu dux per Alpes pandis iter feras,

Amnes

cogitata. Primum enim missum præferebat Cupido, carmen Italicum decantans. Secundum comitabatur virgo venustissima, quæ Castitatis personam gerens hos versus *Castitas blindi*, &c. modulabatur. Tertiæ denique mensæ apparuit puer, Temporis faciem mentitus, ministris carmen illud accinentibus quod habetur Miscel. xvi. *Annata telis dextram*, &c.

1 *Vitæ specimen future*] Prædict. Epist.

vitæ specimen secunda.

2 *Quo nemorum avio*] Editio Isr. Taurini anno 1590, *quo nemore avio*.

3 *Languido*] Isr. Taurinus, *languidos*.

4 *Arridet*] Ita Taurinus, alii autem omnes, *Arrisit*.

5 *Certat*] Taurin. *curat*.

6 *Irretorto lumine*] Vide quæ nos supra ad Psal. XXXIII. 59.

7 *Improbis captat dolosis*] Taurin. alii vero, *improbis captat dolosus*.

Amnes frementes pontibus alligas : Pax læta securas per urbes
 Tu claustra portarum revellis, Fundit opes facilemque so-
 Et peragis sine cæde ¹ bella. mnum :
 Quacunque ² justas, te duce, ver- Hostes quietis, fraus male callida
 terit Et vis ³ faceffunt ; cana iterum Fi-
 Cossæus iras, ³ luridus anteit des
 Pallor, tremor, terror, pavor- Terras revisit Veritasque,
 que Justitiæ reducis fœdres.
 Depositis male fortis armis. O Diva, custos pacis amabilis,
 Tu dura Rheni pignora, & asperos Bellique formidabilis arbitra,
 Lari colonos, tu Ligurem levem Quæ jura fatorum superba
 Et ⁴ Cantabrum exarmas, docef- Non metuis dominasque Par-
 que cas :
 Indocili juga ferre collo. Fac ne maligni injuria temporis
 Quacunque amicos, te duce, ver- Tot vestri amoris pignora d'leat,
 terit Aut obruat cæcæ sepulta
 Vultus, per agros pax nitet aurea, Sub tenebris taciturnitatis.

IV. *Ad Franciscum Olivarium Franciæ Cancellarium, Εὐχαριστικὸν.*

SI quod sub antro Castalio latet Infragilisque animique rectus.
 Carmen repostum, quod fera ro- Interque curæ pondera publicæ
 bora, Martisque vixdum ⁶ compositas mi-
 Quod saxa ducat, fluminumque nas,
 Præcipites remoretur undas? Non negligit ceu se minores
 Nunc prome sacri, Calliope, chori Vulgi humiles tenuis querelas.
 Regina, Olivari & memora piam Et quanquam honoris contigit hunc
 Mentem Camœnarum erga alu- gradum,
 mnos, Quo celsius nil ambitio impotens
 Et memori refer ore grates: Sperare possit, pectorisve
 Qui, quamquam ab alto culmine Compositi moderamen optet :
 Gallicæ Olim in juvena Pieridum comes
 Rei gubernet munia publicæ, & Clarus per illas redditus, ac potens,
 A Rege permissas habenas Agnoscit acceptos honores,
 Imperio moderetur æquo, Pieridum pater ac patronus.
 Nec fasci iniquo subditus ingemit, Quod si ad Garumnæ littora Vasco-
 Nec re secunda turgidus intumet, nis
 Utraque fortuna peræque Abs te impetrato perfruar otio,
 Liber-

¹ *Bella*] Taurin. *regna*.² *Quacunque*] Taurin. *Quocunque* : & ita etiam versu post hunc octavo.³ *Luridus*] Idem, *pallidus*.⁴ *Et Cantabrum*] Idem, *Tu Cantabrum*.⁵ *Faceffunt*] Idem, *faceffit*.⁶ *Compositas minas*] Isr. Taurin. *compositi minas*.

Liberque curis entheoque
 Pieridum furiatus æstro;
 Si nostra cultus indiga splendori
 Camœna, silvis aptior asperis,
 Aulæ reformidet nitorem

Et dociles melioris urbes,
 Echo loquaci te scopulo latens,
 Amnisque densa cinctus arundine,
 Fontesque, Olivari, sonabunt,
 Et virides nemorum recessus.

V. *In Polyonymum.*

LUfitanicus unus es mare ultra, & Nec portus, neque merx, neque
 Citra Algarbicus, Indicusque, insula ulla est,
 Arabisque, Lucelli unde levis refulget aura,
 Perficus, Guineusque, & Africa- Quæ te non titulo augeat. Tot
 nus, ergo
 Congusque, & Manicongus & Za- Cui sunt nomina, nonne jure Re-
 lophus: gem
 Nec tuis titulis abest superbis Multis nominibus vocabo magnum?
 Æthiops nimio perustus æstu, Sed Rex nominibus tot ille magnus,
 Nec circum triplicem refusus or- Si belli furor, aut mare æstuosum
 bem Occludat piperariam tabernam,
 Cunctarum Oceanus parens aqua- Famam¹ fœnore prænabit emtam,
 rum: Versuram faciet vel esuribit.

VI. *In Leonoram.*

CUM faciem nimbo madidam, Leonora, viderem,
 Et cerussatas arte nitere genas,
 Pingere credideram solum te scire: probavi
 Ex facie doctam terque quaterque manum.
 At simul aurato mihi fulserat annulus ære;
 Quæque nitet digitis vitrea gemma tuis;
 Non animo tantum didici te fingere, verum
 Certant cum vaftris æmula signa dolis.
 Fictum animum, pictamque cutem, fraudesque latentes
 Æs breve tam certis exprimit indiciis,
 Ut te non melius potuisset pingere Apelles,
 Fingere vel fuso doctius ære Myron.

VII. *Ad Peiridem Lenam.*

LENA tibi est genitrix, tu matris filia pellex,
 Et tua suscipiet filia matris onus.
 Cumque tibi fratrem prudens natura negasset,

In

¹ Famam fœnore] Deest hic versus in editione Taurini.

In Monachis fratrum tu quoque nomen amas.
 Quam bene quod primis pater est tibi mortuus annis,
 Ne natæ jam plus quam pater ille foret.
 Exulat extremos tibi vir depulsus ad Indos,
 Proque viro lixas diligis atque coquos.
 Consobrina suos tecum partitur amores,
 Et tibi crissanti Æthiopissa tribas.
 Nescio quid monstri celas, Leonora, reclusi,
 Quando tibi solum monstra pudenda placent.
 Impietas odisse suos est maxima, verum
 Impietas sic est major amare suos.

VIII. *Ad Henricum II. Franciæ Regem de soluta urbis Mediomatricum obsidione.*

COELO vetustas intulit Herculem,
 Mirata monstribus lethiferam manum:
 Flammiſque ſtellatus reſulget
 Saxificæ domitor Medusæ.
 Si poſcat æquo nuda ſub arbitro
 Virtus honores, impiger Hercules,
 Henrice, concedet priores
 Jure tibi volucerque Perſeus.
 Nam multiformi tu numeroſus
 Hydra, Meduſa peſtiferum magis
 Monſtrum repreſſiſti, impetuſque
 Prodigii retudiſti inanes.
 Occaſum & Arcton jam comitem
 trahens,
 Et arma Eoæ Carolus Auſtriæ,
 Torrentis hiberni petebat
 More furens populator urbes.
 Sub Semimauro Cæſare, pro pudor!
 Germana virtus ceſſerat, Italum
 Indocta libertas tyranni

Ferre jugum tacite fremebat.
 Spes inquietæ blanda cupidinis
 Nutrix in orbem vota tetenderat,
 Rerumque faſtus ſomniabat
 Imperium, male certus augur.
 Tu bellicoſæ dux bone Galliæ
 Sperare promptam cuncta ſuperbiam
 Compescuiſti: tu dediſti
 Indomito laqueos furori.
 Quis vultus illi? ¹ qui dolor intimis
 Arſit medullis? ſpiritus impotens
 Cum clauſtra ſpectaret Moſellæ
 Et juvenum intrepidam coronam.
 Sic unda rupes ſævitur in obvias,
 Clauſus ² caminis ignis inæſtuat,
 Hyrcana ſic tigris cruento
 Dente ſuas furit in catenas.
 Sed nota Marti ³ dextra Bironii,

Mu-

¹ Qui dolor] Iſr. Taurinus, quis dolor.

² Clauſus caminis ignis] Idem, ignis caminis clauſus.

³ Dextra Bironii] Vir genere & literis juxta ſpectabilis D. Jacobus Mackenzæus ſupremæ apud Scotos in rebus civilibus Curix Senator digniſſimus, hujus carminis exemplar, ad calcem Hiſtoriæ

Heſt. Boëthii adſcriptum, benigne mecum communicare dignatus eſt, cætera fere cum vulgatis editionibus conſentiens, præterquam quod hoc in loco, pro *dextra Bironii*, *dextra Guiſi* legatur: & ita quidem primum ſcripſiſſe crediderim Buchananum, poſtea vero *Guiſi* odjo incitarum, ejus loco *Bironium* ſubſtituiſ-

Murisque virtus impatiens regi

Ut fulsit, & pulsi procella

Cornipedum tremuere campi;

Ceu nocte sueta degeneres ferae

Vexare caulas in timidum pecus

Fortes, ad aspectum leonem

In latebras pavidæ recurrunt:

Sic ille nuper spe insatiabili

Complexus orbem, robora Galliae

Spectare vix ausus, recurrit

Ad solitas male cautus artes.

IX. *Ad Juventutem Burdegalem.*

VASCONIS tellus, genitrix
virosum

Fortium, blandi genitrix Lyæi,

Cui parens frugum favet, & relictis

Pallas Athenis.

Te licet claris decoret triumphis

Martius belli labor, & vetusti

Nominis splendor, seriesque longum

Ducta per ævum:

Ni tamen doctas foveas Camœnas

Et bonas artes opera fideli,

Spes tuas vano studio in futuros

Porrisis annos.

Non enim moles Pariæ columnæ,

Phidiæ aut vivax ebur, aut Myro-

nis

Æra mansuræ poterunt sacrare

Nomina famæ.

Obruet longos cita mors labores,

Obruet claros titulos opesque;

Saxa findentur vitiata feræ

Dente senectæ.

Mulciber quamvis & iniqua Juno

Verterint urbem Priami superbam,

Illa Smyrnæis inimica pensat

Fata Camœnis:

Nec suo mallet cineri superstes

Ilium Eois dare jura terris,

Qua patent¹ nigros Rhodope ab
nivosa

Usque sub Indos.

Sola doctorum monumenta vatum

Nesciunt fati imperium severi,

Sola contemnunt Phlegethonta, &

Orci

Jura² superbi.

X. *Marco Antonio Monlucio.*

MONLUCI, armatæ regeres ut frena cohortis,
Supra annos virtus consiliumque dedit.

Supra annos animi vis Martia perdidit ausum

Obvia fulmineo pectora ferre globo.

³ Quem super astantem muros prius horruit hostem,

Postea defuncti vindicis ossa colit.

XI. *Ca-*

se. Cæterum, quamvis *Bironii* virtus hac
in re egregie enituerit, præcipuam ra-
men gloriam penes *Gursum* fuisse testatur
Thuanus Hist. lib. XI.

¹ Nigros] Isr. Taur. *fuscos*.

² Jura superbi] Idem, *Jura severa*.

³ Quem super astantem muros, &c.] For-
dam hunc locum maculam inquinasse

jam olim mihi persuaseram: at ea qua
præcipue parte lateret, quove demum
pacto tolleretur, non ante quam schedæ
prelo darentur, ulla arte deprehendere
valens, coactus sum rem pene deplora-
tam tum intactam relinquere. Tandem
vero cum hujus Monlucii genus & for-
tunam paullo accuratius cognossem, e
vestigio

X.I. *Calendæ Majæ.*

SALVETE ¹ sacris deliciis sacrae Talis beatissimæ incubat insulis
 Majæ Calendæ, lætitiæ, & mero, Felicis auræ perpetuus tepor,
 Ludisq; dicatæ, jocisq; Et nesciis campis senectæ
 Et teneris Charitum choreis. Difficilis, querulique morbi.
 Salve ² voluptas, & nitidum decus Talis silentium per tacitum nemus
 Anni recurrens perpetua vice, Levi susurrat murmure spiritus,
 Et flos renascentis juvenæ Lethenque juxta obliuiofam
 In senium properantis ævi. Funereas agitat cupressos.
 Cum blanda veris temperies novo Forsan supremis cum Deus ignibus
 Illuxit orbi, primaque secula Piabit orbem, lætaque secula
 Fulsere ³ flauenti metallo Mundo reducet, talis aura
 Sponte sua sine lege iusta: Ætherios animos fovebit.
 Talis per omnes continuus ⁴ tenor Salve fugacis gloria seculi,
 Annos repenti rura Favonio Salve secunda digna dies nota,
 Mulcebat, & nullis feraces Salve vetustæ vitæ imago,
 Seminibus recreabat agros. Et specimen venientis ævi.

XII. *Alexandro Cocburno.*

INGRATIS vexata hominum Natura querelis,
 Et sterilis lassis credita visceribus,
 Cocburnum in lucem dedit, & rude pignus alendum
 Mnemosynes natis tradidit & Sophiæ:

Sors

vestigio loci vitium mihi indagasse sum
 visus. Res autem, referente nobilissimo
 scripore Aug. Thuano Hist. lib. xvii. ita
 se habebat. M. Ant. Monlucius filius erat
 Blasii Monlucii Ducis ac Marecalli Fran-
 ciæ strenuissimi. Is, ardente inter Philip-
 pum Hispanum & Paulum V. Pontificem
 Rom. bello, captaque a Duce Albano
 Ostia anno 1556, studio gloriæ prove-
 ctus, cum in statione esset, negotium in
 se suscepit Ostiæ, (quam Galli recupe-
 rare destinabant) situm fossæque altitu-
 dinem cognoscendi: verum loco diligen-
 ter considerato, dum redit, sclopeti ictu
 in pectus accepto vulneratus est, vixque
 in Strozii Ducis Galli hospitium illa-
 tus, & lecto impositus, satis temporis
 habuit antequam exspiraret, quo vere
 ac plene Strozium de re omni certio-
 rem redderet. Ex his plane liquet [Post-
 ea] hic ab indiligente, aut rei gestæ

ignaro exscriptore pro [Ostia] substitu-
 tum: quo vocabulo suo demum loco re-
 stituto, facile sibi constar totius Epi-
 grammatis, aliter inexplicabilis, vis &
 sententia. Rem vero ulterius confirmare
 videtur Joach. Bellaji in eundem Mon-
 lucium Epitaphium:

*Littora Dardaniæ quondam ut contingere pri-
 mus*

Dum cupis, & primus, Protefilæ, cadis:

Sic cupidus pugne fossa Mon'ucius hostem

Dum prohibet primus, primus ab hoste cadit.

Hostia prima fuit Monlucius, Ostia nempe

Haud alia poterat conditione capi.

*At vos, ne hæc decimum, Gal'i, vos ducat
 in annum*

Ostia, Monluci pectora quisque gerat.

¹ *Sacris]* Ifr. Taur. festis.

² *Voluptas]* Idem, venustas.

³ *Fulsere]* Ifr. Taurin. Fluxere.

⁴ *Tenor]* Idem, decor.

Sors, ubi maturis accessit robur ab annis,
 Addidit & dotes ambitiosa suas.
 Sed sibi præferri Virtutem irata, doloris
 Exegit pœnas vindice morte sui.
 Si numeres annos, cecidit florente juventa,
 Si studia & mores & benefacta, senex.

XIII. *Ad Thomam Cromelium Anglum.*

PORTUS & afflictis statio tutissima rebus,
 Et nostro miseris sola sub axe salus,
 Vindice quo floret pietas rediviva parentum,
 Sanctaque cum nivea simplicitate fides:
 Illius haud duro munuscula suscipe vultu,
 Mente tuus tota qui cupit esse cliens:
 Qui vagus, exul, inops, terra jactatur & unda,
 Per mala quæ fallax omnia mundus habet,
 Dum ferus ¹ hinc sævit veterani exercitus hostis,
 Dum tonat horrificas Principis aula minas,
 Dum nivibus canent impervia culmina montes,
 Dum valles nimis impediuntur aquis:
² Post mala tot fessus velut Atthida stratus ad aram
 Ante tuos supplex offero dona pedes,
 Ingeniū sterilis tenui de messe maniplos
 Quos dat non fallax, sed male cultus ager.
 Si placeant, librum, si non, amplectere mentem,
 Majus erit voto, si sit utrumque, meo.

XIV. *Epi-*

¹ *Hinc]* Ita Taurinus, at And. Hart, & alii omnes, *huic*.

² *Post mala tot fessus velut Atthida stratus ad aram]* Aram Misericordiæ Athenis nobilissimam intelligit, quam luculentis versibus describit Statius Theb. xii. 481.

*Urbe fuit media nulli concessa potentum
 Ara Deum, mitis posuit Clementia sedem,
 Et miseri fecere sacram: sine supplice nun-*
quam

*Ille novo, nulla damnavit vota repulsa.
 Auditi quicumque rogant, noctesque dies-*
que

Ite daum, & solis numen placare quere-
lis. &c.

Ejus etiam meminit Claudianus, Bell. Gild. 404.

——— *Si flentibus aram,*
Et proprium miseris numen posuistis Athenæ.
 Indeque natum falsum illud Demonaſtis Cynici diſterium, qui cum videret Athenienſes hoc agere, ut Corinthiorum exemplo gladiatorum ſpectacula in urbem inducerent, *Ne prius, inquit, Athenienſes hæc decernatis, quam Misericordiæ aram ſubvertatis.* Lucianus in ejus vita. *Atthida autem aram dixit Buchananus, pro Athenienſem vel Anicam, pari modo quo Virgilius Sicelides Muſæ pro Sicula, & Libyſtidæ urſæ pro Libycæ.*

XIV. *Epitaphium Nicolai Baconis Procancellarii Angliæ.*

HIC Nicolaum ne Baconem con- Neu morte raptum crede, qui uni-
ditum ca brevi
Existima illum tamdiu Britannici Vita perennes emerit duas: agit
Regni secundum columnen, exitium Vitam secundam coelites inter ani-
malis, mus:
Bonis asylum; cæca quem non ex- Fama implet orbem, vita quæ illi
tulit tertia est.
Ad hunc honorem fors, sed æquitas, Hac¹ posita in ara corpus animi ce-
fides, lim domus,
Doctrina, pietas, unica & prudentia. Ara dicata sempiternæ memoriæ.

XV. *Ad Henricum VIII. Angliæ Regem.*

FAMA levis (si certa² fides adhibenda poëtis)
Ex humili enascens paullatim affurgit, & alto
Vertice cæruleo sese inserit ardua cœlo.
Quippe velut tenui nascens de fomite rivus
Per tacitas primum nullo cum murmure valles
Serpit, & ut patrii se sensim e margine fontis
Largius effudit, pluvios modo colligit imbres,
Nunc lacubus sese pigrisque paludibus auget:
At postquam spatium vires accepit & undas,
Spumeus effractis prorumpit in æquora silvis.
Sic primo summissa metu vaga fama susurrat;
Mox vulgo insinuat se: postquam audacia crevit,
Torva oculos, vultuque minax, atque ore procaci,
Certa auget dubiis, miscet mendacia veris.
Illa sed in cunctos nimium Dea prodiga, facti
Infectique loquax, in te tamen invida laudis,
Parca sui, studioque animi deprensa maligno est.
Nam licet ingenti præconia fuderit ore,
Speque tui adventus animos implevit & aures,
Laudibus inferior tanto est virtute tuique
Dotibus ingenii, quanto se attollere vero

Altius

¹ Posita] Mallet posuit.² Fides adhibenda Poëtis] Adhibere fidem hoc sensu a nullo purioris Latinitatis auctore dici supra annotavimus ad Epig. xv. v. 2. Cæterum Buchananus ob oculos fuisse videtur illud Aufonii Epist. x. Si qua fides falsis unquam est adhibenda poëtis.

Tem. II.

Rectius tamen addenda dixisset, ad exemplum Ovidii Met. xv. 361.

Si qua fides rebus tamen est addenda probatis.

Quamquam & ibi in nonnullis membranis adhibenda repererit Cl. Nic. Hein- sius.

Altius & vano solita est splendere fuco.
 Illa quidem haud falso mentis celebravit acumen,
 Ingeniumque capax, & primis semper ab annis
 Pectora Cecropiæ studiis addicta Minervæ:
 Nec tacuit recti memorem, sanctæque tenacem
 Justitiæ mentem, miserisque in rebus egenis
 Præsidium, pœnamque malis; nulloque favore
 Ancipites inter corda inclinantia lites.
 Magna (nec inficior) sunt hæc, sed summa tuarum
 Non ibi consistit laudum nec terminus hæret.
 Scilicet in tanto fortis splendore secundæ
 Nosse modum, quantoque supra virtutibus omnes
 Omnibus emineas, ¹ tanto submissius æquo
 Te gerere in cunctis, tetrico nec honore severum,
 Nec fracta gravitate levem, non ore superbum,
 Non tristem aspectu, vultusque horrore minacem;
 Sed comem, placidumque bonis, placibilis iræ,
 Quique magistratus largissima frena remittas
 Sponte tua, salva quoad majestate liceret.
 Hæc tua te virtus Diis immortalibus æquum
 Efficit, atque hominum supra fastigia tollit.

XVI. *Mutuus Amor.*

ARMATA ² telis dexteram,
 Lavam veneno seviat
 Mors: cuncta tempus demetat
 Falce, aut senectæ deterat:
 Non mortis hoc propinquitas,
 Non temporis longinquitas
 Solvet, fides ³ quod nexuit
 Intaminata vinculum.
 Mors & senectus obruit
 Cum Scipione Lælium,

⁴ Canam fidem non obruit,
 Non pectorum constantiam.
 Durabit usque posteris
 Intaminata seculis
 Sincera quæ Britannidas
 Nescit fides Heroidas.
 Rerum supremus terminus
 Ut astra terris misceat,
 Regina Scota diliger
 Anglam, Angla Scotam diliger.

XVII. *In*

¹ Tanto submissius æquo] Ita Hart.
 Cairns & Elzey. 1621. pro quo reliqui
 omnes æquum, inepre, mea sententia, re-
 posuerunt.

² Armata telis] Vide quæ nos supra ad
 Misc. II.

³ Quod nexuit Intaminata vinculum] MS.
 in Bibl. Cotton. quod vinculum Intamina-
 ta nexuit.

⁴ Canam fidem non obruit] Prædict.
 MS. & rectius, opinor, obruet,

XVII. *In Leonoram.*

SICCINE de nostra nunquam egrediēre culina,
 Pinguibus & fies semper amica coquis?
 Utque coquum coquus expellit, fit protinus hæres
 Successorque tuo fit nova præda toro.
 Jamque etiam hesternas deglubere cœpat ofellas,
 Crescit & in mores filia parva tuos:
 Lingit & argentes concreto jure patellas,
 Nudaque jejunæ præripit ossa cani.
 Sic tener, & firmis nondum satis unguibus ursus
 Magnanimo lambit vulnera facta patri.
 Munus obire potest, Leonora, decentius istud
 Longæva senior cana parens Hecuba,
 Efferat annosos rabies cui spumea rictus,
 Et latrat, patulo dum cupit ore loqui:
 Et stipis exiguæ si spes accessit, ¹ adulat,
 Nec quicquam in dura fronte pudoris habet.
 Illa analecta legat, dentes illi ossa fatigent:
 Cum canibus certet de dape pene canis.
 Tu juvenum potius validis obnitere nervis,
 Et facie atque annis concipe digna tuis.
 Filia parva aviam spectet matremque, & utrinque
 Spem capiat vitæ consiliumque suæ.

XVIII. *Ad Eandem.*

VIVE male, Monachique tui, lixæque, coquique,
 Mater edax, illex filia, nigra tribas.
 Ne tamen interea vestri immemor arguar esse,
 Vos penes hoc nostri pignus amoris erit.

XIX. *In Leonoram.*

MENDICIS ætas Monachis tibi prima dicata est,
 Jam tibi maturæ sola culina placet.
 Divinare licet, sed non libet, & pudet, ævo
 Excipies quales deteriore viros.

XX. *In*

¹ *Adulat*] Ita Lucretius & Cicero loquuntur: longe tamen frequentius *adulari* quam *adulare* alii usurpant.

XX. *In Neæram*

CUM pulchram roseus dies Neæ- Noctem deprecor, & diem repo-
 ram sco,
 Ostendit mihi, sic miser furore- Quæ pulchram mihi referat Neæ-
 Inquietus agor, trahor, peruror, ram,
 Ut rursus tacitas amem tenebras, Ceu mali mihi causa sint tenebræ.
 Ceu mali medicina sint tenebræ. Quis vitæ manet ordo me modus-
 At cum nox tenebris opaca cæcis que?
 Jam solis jubar aureum fugavit, Cui vota ut tribuant Dei faventes,
 Et solis jubare aurea refulgens. Cum votis neque Dii dabunt faven-
 Jubar splendidiusque, puriusque, tes,
 Formosam mihi sustulit Neæram, Ne miserrimus esse perseverem.
 Jam rursus tenebras malas perosus, Hoc Venus probat, & probat Cu-
 Pulchram cernere quæ negant Neæ- pido.
 ram, Diis votisque potentior secundis.

XXI. *In Julium I I. Pontificem.*

GENUA cui patrem, genitricem Græcia, partum:
 Pontus & unda dedit, num bonus esse potes?
 Fallaces Ligures, & mendax Græcia, ponto
 Nulla fides. In te singula solus habes.

XXII. *De Nicotiana falso nomine Medicæa appellata.*

DOCTUS ab Hesperiiis rediens Nicotius oris,
 Nicotianam rettulit,
 Nempe salutaris cunctis languoribus herbam,
 Prodesse cupidus patriæ.
 At Medice Catharina, *κίθαρις* luesque suorum,
 Medea seculi sui,
 Ambitione ardens, Medicæ nomine plantam
 Nicotianam adulterat:
 Utque bonis cives prius exuit, exuere herbæ:
 Honore vult Nicotium.
 At vos auxilium membris qui quæritis ægris,
 Abominandi nominis
 A planta cohibete manus, os claudite, & aures
 A peste tetra occludite:

Nectar

1 Os claudite, & aures A peste tetra oc- circa meo periculo rescribere, Os claudite,
 cludite] Quis Nicotianam auribus obesse naves d. p. s. o.
 aut prodesse unquam prodiderit? Quo-

Nectar enim virus fiet, Panacea venenum,
Medicæa si vocabitur.

XXIII. *Ad Carolum Cossæum Brixiani Dynastam, post captas Vercellas.*

QUIS me nivosos Alpium trans
 ¹ vertices

Curru volucris deferet?

Quis nube septum me remotis Peg-
 galus

Sistet jugis OEnotriæ?

Non ut parentum laude Romam,
 vel sua

Virtute Venetum nobilem,
Fratriſve² flammis & sororum lacry-
 mis

Padium calentem conspicer:

Sed te, beatæ lux beata Galliæ

Cossæ, propius ut colam,

Te mirer Italum, te Pelasgum glo-
 riam,

Splendore fuscantem novo:

Ceu Sol Dianam, ceu Diana cæteras

Obscurat astrorum facies.

Nec pectus hac mi perculit cupi-
 dine

Florentis ævi gloria:

³ Seu pertinacem cum Batavum im-
 pelleres,

Sæva tremendus cuspide,

Qualis columbas spargit imbelles fuga

Ales minister fulminis:

Seu⁴ cum decoro lqualidum te pul-
 vere

Mirata quondam est Ruscino,

Solum feroces bellicosæ Iberiæ

Parma morantem exercitus;

Tunc cum tuorum fida castrorum
 comes

Attonita Virtus par novum
Spectavit, hinc virum, inde bel-
 lum, & horruit

Quod fecerat spectaculum.

Vercella pectus una sollicitat meum,

Vercella sola macerat,

Vercella victa, Galliis, dum vincitur,

Feliciores victricibus:

Virtute tanta cominus cui perfrui

Indulſit astrorum favor,

Inusitato quam theatrum cœlites

Elegerint spectaculo:

Cum, te chorago, pace cum placi-
 da feram

Mars copulavit dexteram:

Bellona mitis frena legum pertulit,

Innoxioque fœdere

Vis æquitati juncta, jus licentiæ

Secura preſſit compita,

Salvoque recti & improbi discrimine

Castris forum se miscuit.

Quem nuper inter arma fossarum³
 mora,

Celsæque pinnarum minæ,

Tot stricte tela, plumbeæque gran-
 dinis

Procella non exterruit,

Idem, urbe capta, fronte non tristi
 ferox,

Non impotens victoria;

Non ira & odio sævus implacabili,

Non effertus cœdibus;

Perambulavit liberas metu vias,

Ceu pace festa, exercitus.

Non

¹ Vertices] Ita Taurinus, alii omnes
 vertices.

² Fratriſve] Ita Taur. alii vero Frä-
 trifque.

³ Seu pertinacem] Ita Hart. alii omnes
 Ceu, & plerique interpellares pro impelleres.

⁴ Seu] Ita Taur. alii omnes, Sed.

Non insolentis militis formidine Matrona cultus exuit:	Leges stupebat non minus vinci suas,
Non officina clausa merces abdidit, Non hospes aurum credidit	Quam vatis olim Thracii Ad carmen amnes stare, silvas cur- rere,
Solo refoffo. Non pudori filiae Parens, maritus conjugii	Cervo leonem, ovi lupum
Vim expavit ullam. Subitus oppres- sae sonus	Mitem accubare, & acribus lepu- sculum
Urbis, turbarum & cornuum Clangor, virorum clamor, armo- rum fragor,	Latus Molossis jungere.
Vulgi infidebant auribus. Caedes ob oculos, & fuga, & fer- rum madens	Ego ¹ hunc triumphum, hac te de- corum gloria, Cossae, ³ malim cernere,
Cuiore nondum frigido. Voluebat animus quid facere victor, pati	Quam spolia regum, dirutarumque urbium Gazaeque pompam barbarae, Victaeque turbae fletibus plauden- tium
Victus soleret: tot tamen Inter timores vim timere, te duce, Nemo sibi permiserat.	Contaminatum gaudium. Sed quando tanto disistis caelo & solo
Cum tu tot animos militum, tot en- suum	Sors invida id praeculserit, Te prosequemur mente grata, qua licet
Sic temperares impetum: Ceu versat animus corpus unum, & corpore	Et vota nuncupabimus; Haustusque dulcis Liberi libabimus Heroas inter fospites;
Enata ab uno brachia. Natura genitrix tam novam ¹ discor- dium	Canetque victor pariter & victus tuum
Rerum videns concordiam,	Hic robur, hic clementiam.

XXIV. *Joannis Calvinii Epicedium.*

SI quis erit nullos superesse a funere manes
Qui putet, aut si forte putet, sic vivit, ut Orcum
⁴ Speret, & aeternas Stygio sub gurgite poenas,
Is merito sua fata fleat, sua funera ploret
Vivus, & ad caros luctum transmittat amicos.
At nos, invitis quanquam sis raptus amicis
Ante diem, magnis quamvis inviderit ausis
Mors, te flere nefas, Calvine, & funera vanæ

Ludi-

¹ *Discordium*] Libri omnes, *discordiam*,
nullo fere sensu.

² *Ego*] Taurinus, *Ergo*.

³ *Malim*] Ita Taur. alii omnes, *ma-*
lui, metro repugnante.

⁴ *Speret*] Forte *Spernat*.

Ludibrio pompæ, & miseris onerare querelis.
 Liber enim curis, terrenæ & pondere molis,
 Astra tenes, propiusque Deo, quem mente colebas,
 Nunc frueris, puroque vides in lumine purum
 Lumen, & infusi satiatus Numinis ¹ haustum
 Exigis æternam sine sollicitudine vitam:
 Quam neque dejiciunt luctus, nec tollit inani
 Ebria lætitia spes, exanimantve timores,
 Quæque animo offundit morbi contagia corpus.
 Hanc ego quæ curis te lux exemit acerbis
 Natalem jure appellem, qua raptus in astra
 In patriam remeas, & post fastidia duri
 Exilii, mortis jam mens secunda secundæ,
 Fortunæ imperio major, primordia longæ
 Ingreditur vitæ. Nam ceu per corporis artus
 Quum subit animus, pigræ vegetatque movetque
 Molis onus, funditque agilem per membra vigorem;
 Quum fugit, exanimum jacet immotumque cadaver,
 Nec quicquam est luteæ nisi putris fabrica massæ:
 Sic animi Deus est animus, quo si caret, atris
 Obruitur tenebris, specieque illusit inani
 Fallaces rectique bonique amplectitur umbras.
 Ast ubi divini concepit Numinis haustum,
 Diffugiunt tenebræ, simulacraque vana faceffunt,
 Nudaque se veri facies in luce videndam
 Exhibet æterna, quam nullo vespere claudit
 Septa caput furvis nox importuna tenebris.
 Hunc ergo in portum cœlo plaudente receptus
 Tu licet in placida tranquillitas pace quiescas,
 Non tamen omnino potuit mors invida totum
 Tollere Calvinum terris; æterna manebunt
 Ingenii monumenta tui: & livoris iniqui
 Languida paullatim cum flamma refederit, omnes,
 Religio qua pura nitet, se fundet in oras
 Fama tui. Ut nuper falso te nomine Clemens,
 Te Pauli duo, flagitiis & fraude gemelli,
 Te Julii timuit rabies, te nobilis una
 Fraternalis impietate Pius: sic nominis umbram
 Ingeniique tui effigiem post fata timebit
 Vana superstitio: quique olim in sede Quirini
 Triste furens, flammaque minax ferroque tyrannus

Transitu-

¹ *Haustum*] Legendum potius videtur, *haustu*. [Et cur non Gracismus sit, qui familiaris nostro?]

Transtulit inferni cuncta in se ¹ munia regni,
 Imperio Pluto, foedis Harpyia rapinis,
 Eumenis igne, Charon-naulo, triplicique corona
 Cerberus, immissi stupefactus lumine veri,
 Terrificoque tuæ dejectus fulmine linguæ,
 Transferet infernas in se post funera pœnas:
 Inter aquas sitiens, referens revolubile saxum,
 Vulturibus jecur exesus, cava dolia lymphis
 Frustra implens, Ixioneum distentus in orbem.

XXV. *Joanni Areskino, Comiti Marriæ, Scotorum Proregi.*

SI quis Areskinum memoret per bella ferocem,
 Pace gravem nulli, tempore utroque pium;
 Si quis opes sine fastu, animum sine fraude, carentem
 Rebus in ambiguis suspicione fidem;
 Si quod ob has dotes sævis jactata procellis
 Fugit in illius patria fessa sinum;
 Vera quidem memoret, sed non & propria: laudes
 Qui pariter petet has unus & alter erit.
 Illud ei proprium est, longo quod in ordine vitæ
 Nil odium aut livor quod reprehendat habet.

XXVI. *Matthæo Stuardo, Levinia Comiti, Scotorum Proregi.*

REGIS avus, Regis pater, alto e sanguine Regum
 Imperio quorum terra Britannia subest,
 Matthæus: genuit Levinia, Gallia fovit,
 Pulso Anglus thalamum, remque decusque dedit.
 Cœpi invicta manu: famam virtute refelli,
 Arma armis vici, consilioque dolos.
 Gratus in ingratos, patriam justequè piequè
 Cum regerem, hostili perfidia cecidi.
 Care nepos, spes una domus, meliore senectam
 Attingas fato, cætera dignus avo.

XXVII. *Annæ Valsinghamiæ Thomæ Randolphi uxori.*

ANNA ² hic Randolphi jaceo cum prole sepulta:
 Et genitrix, uno & mortua & orba die.
 Et genus & facies populo sunt nota: sed uni
 Sat mihi sit mōres complacuisse viro:

Quos

¹ Munia] Libri omnes habent *munia*, *bris Randolphi*, perperam, vel ipso titulo
 nullo, ut mihi viderur, sensu. indicante, legitur.
² Anna hic Randolphi] Omnibus li,

Quos gemitu probat, & lacrymis, curaque fideli;
Nec patitur famam me moriente mori.

XXVIII. *Ad Camillam Morelliam.*

CAMILLA, multo me mihi Doctis Minervam, pectine Apolli-
carior, nem,
Aut si quid ipso est me mihi ca- Cantu Camœnas, & lepore
rius, Vel superes Charites, vel æ-
ques.
Camilla, doctorum parentum
Et patriæ decus & voluptas: Hos ferre fructus, Utenhovi, de-
cet
Ni Gratiæ te plus oculis ament, Laurum, vireto quæ teneram co-
mam
Ni te Camœnæ plus oculis ament, Nutrivit, & ramos refudit,
Nec Gratiæ gratas, nec ipsas Castalio saturata rore.
Esse rear lepidas Camœnas:
Quæ virgo nondum nubilis, artibus

XXIX. *In Rusticum.*

RUSTICUS hem cunctos cum congeminaret ad ictus,
Hiberno properans findere ligna foco:
Syllaba quid toties juvet hem geminata, laborem,
Quærenti uxori, rettulit ille, juvat;
Nempe simul toto contentis corpore nervis
In rimam cuneum fortius ictus agit.
Illa memor Veneris media inter gaudia, telum
Ut penetret magis, hem congeminare jubet.
Nil opus est, inquit, nunc hoc conamine, conjux,
Findere te sane nolo, forare volo.

XXX. *E Græco Simonidis.*

HOMO cum sis, nihil asserere Spatia ætatis promitte: etenim
stabile;
Muscæ volucris res in morem
Nec ubi videris hominem, certa Inconstantia rotat humanas.

XXXI. *Ex Eodem.*

UT arma fugias, fata non fugies tamen.

XXXII. *Ex Eodem.*

DE luce cassis cor memoriam non supra
Unum tenebit, si cor habeamus, diem.

XXXIII. *Ad Henricum Scotorum Regem.*

CALTHA suos nusquam vultus a sole reflectit,
 Illo oriente patens, illo abeunte latens:
 Nos quoque pendemus de te, sol noster, ad omnes
 Expositi rerum te subeunte vices.

XXXIV. *Ad Carolum Utenhovium.*

MORTE carent superi: superis par cætera diva est,
 Saxonidas justo quæ regit imperio.
 At morte ut careat mortali stirpe creata,
 Non dare Lysippus Praxitelesve potest:
 Musa potest fati domitrix, quæ pectora vatum
 Enthea fatidico¹ plena furore quatit.
 Te manet, Utenhovi, decus hoc, decus hoc manet illam,
 Ut celebris numeris fiat uterque tuis:
 Solus enim vates es tali Heroide dignus,
 Hæc sola ingenio est area digna tuo.

XXXV. *Ad Salutem in nuptiis Reginae.*

ALMA Salus, reduci tibi² Nymphæ hæc vota dedere
 Quattuor, ut dominæ conciliere suæ,
 Ejus & æternam statuas in pectore sedem:
 Non alia poteris sanctius æde coli.

XXXVI. *Hymnus in Christi ascensionem.*

IO triumphe, Ecclesia,
 Jam victor hostium tuus
 Dux templa scandit ætheris,
 Adversa patri vulnere
 It & coronam ostendere,
 Qualis redivit de prælio
 Tabo decoro fordidus.
 Demissa nubes se explicat
 Sub Imperatoris pedes:
 Reclusa cœli janua
 Invitat omnem exercitum:
 Vox Angelorum cantibus

Venire Regem nunciat:
 Æther nitescit gaudio,
 Timore pallent Tartara,
 Mundus stupet spectaculo
 Suspensus ante incognito:
 Mors victa flet, spes præmii
 Levat labores militum.
 Cum Patre Proles unica,
 Et ex utroque Spiritus,
 Adeste sic pugnantibus,
 Ut sint triumphi compotes.

XXXVII. *E*

¹ Plena furore] Basil. Musa furore quatit. ris ministras, quæ etiam omnes Mariæ.
² Nymphæ hæc vota dedere Quattuor] Nym- nominabantur.
 phas hic vocat quattuor Mariæ Scotæ corpo-

XXXVII. *E Græco Stobæi de brevitæ vite.*

REBUS in humanis nulla est constantia certa:
 Veridico vates Chius ut ore canit.
 Non minus est foliis hominum gens fluxa caducis:
 Pauci ubi ceperunt auribus ista suis
 Pectoribus fixere: animis namque indita quondam
 Spes teneris blande credula corda fovet.
 Et dum læta viret jucundo flore juventa,
 Percursant animos irrita multa leves:
 Nec senium mortemve pavet: neque corpore sano
 Provida venturi cura doloris adest.
 O male stultorum mens credula, qui brevis ævi
 Tempora non norint quam fugitiva volent!
 At tu præmonitus nigræ ad confinia mortis
 Lætus age, & genio gratificare tuo.

XXXVIII. *Apud Clementem Alexandrinum, Strom. lib. 6.*

MULIERE nulla res viro præstantior
 Bona evenire, nil mala pejus potest.

I Hoc Epigramma in sola Editione Basileensi reperitur.

GEORGII BUCHANANI SCOTI
 * DE SPHÆRA
 LIBER I.



UAM variæ mundi partes, quo femina
 rerum
 Foedere conveniant discordia, lucis &
 umbræ
 Tempora quis motus regat, æstum fri-
 gore mutet,

Obscu-

* Monendus est in antecessum lector, optimi MS. Adami Regii & Editionis
 hos de Sphæra libros (in nostra hac Edi- Genevensis anno 1584, nobis facta esset
 tione) prius typis excusos fuisse, quam copia.

H h h 2

- Obscuret Solis vultum Lunæque tenebris,
 5 Pandere fert animus. Tu qui fulgentia puro
 Lumine templa habitas, oculis impervia nostris,
 Rerum sancte parens, audacibus annue coeptis:
 Dum late in populos ferimus tua facta, polique.
 Immensum referamus opus: gens nescia veri
 10 Ut residem longaue animum caligine mersum
 Attollat cœlo, & flammantia mœnia mundi
 Dum stupet, & vicibus remeantia tempora certis,
 Auctorem agnoscat, tantam qui robore molem
 Fulciat, æternis legum moderetur habenis,
 15 Consilio¹ innumerosque bonus conformet ad usus.
 Tu mihi, Timoleon, magni spes maxima patris,
 Nec patriæ minor, Aonii novus incola montis,
 Adde gradum comes,² & teneris assuesce sub annis.
 Castalidum nemora & sacros accedere fontes,
 20 Nympharumque choros, populoque ignota profano
 Otia,³ nec damno nec⁴ avaræ obnoxia curæ.
 Tempus erit, cum tu, veniat modo robur ab annis,
 Spumantes versabis equos in pulvere belli
 Torvus, & in patriam⁵ assurges non degener hastam.
 25 Interea genitor Ligurum⁶ sine fulminet arces,
 Germanosque feros, & amantes Martis Iberos:
 Consiliis armisque premat,⁷ Francisque tropæis
⁸ Littora Phœbeas decoret testantia flammæ.
 Hoc quodcunque vides circumque infraque supraque
 30 Volvere perpetuo labentia secula motu,
 Omnia complexum gremio, longæva vetustas
 Admirata decus varium, pictique nitorem
 Ætheris, & puros radiati luminis orbes,
 Uno appellari⁹ consensit nomine mundum.
 35 Et¹⁰ quanquam moles omni sibi parte cohærens
 Una sit, & nexis per mutua vincula membris

Con-

¹ Innumerosque bonus] Editio Edinburgensis And. Hart, nostrosque bonus.

² Et teneris assuesce sub annis Castalidum nemora] Desunt hæc duo hemistichia in Editt. anni 1594. & Commelini.

³ Nec damno] MS. & Hart. nec dammus.

⁴ Avaræ] Gen. 1584, amara.

⁵ Assurges] MS. assurgens.

⁶ Sine fulminet] Ita MS. Gen. 1584. & And. Hart.: alii omnes seu fulminet,

⁷ Francisque] And. Hart. alii omnes, Franciscæ.

⁸ Littora Phœbeas] MS. Littora Phæbeos d. r. luctus. Eridani ripas intelligit Phæthontis casu Poëtarum fabulis nobilitatas.

⁹ Consensit] Commelin. & Editio anni 1594, consentit.

¹⁰ Et quanquam] Eadem Editt. At quanquam.

- Conspiret, positaque semel rectore sub uno
 Observet leges; non est ramen omnibus unum
 Partibus ingenium, non vis nativa: sed orbes
 40 Astriferi, & nitidi sublimis regia cœli,
 Immunis senii, & vultu immutabilis uno
 Perpetuum servat solida & sincera tenorem.
 At quicquid gremio Lunæ complectitur orbis,
 Permutat variatque vices, trepidoque tumultu
 45 Æstuat, & nunquam sentit pars ulla quietem:
 Sed ¹ ruit in sese, & civili vulnere semper
 Aut cadit, aut perimit, alioque renascitur ore,
 Rursus ut intereat. Nam pars hæc infima mundi
 Quattuor includit genitalia corpora: terram,
 50 Et, tenues undas, quique undis altior aër
 Incubat, & volucrem campos super aëris ignem.
 Hæc sua vel levitas, vel densæ pondera molis,
 Disposuere locis: quoniam densissima quæque
 In massam coiëre, suoque impulsu deorsum
 55 Pondere, telluris medium glomerantur in orbem:
 Quem circum amplexus fudit se mobilis humor,
 Pulvereumque globum terræ, siccosque fluentem
 In cineres vinxit: super hunc se rarior aër
 Explicuit, sursumque leves onerosior ignes
 60 Expulit, ut puri teneant confinia cœli.
² Hæc ita contiguïs inter se finibus hærent,
 Orbis ut exterior complexibus interiorem
 Ambiat, & toto circum se corpore fundat:
 Aëra sic ignis, sic undam amplectitur aër:
 65 Sic levis unda gravem premeret sub gurgite terram
 Perpetuo, nisi cura Dei se attollere montes
 Jussisset, vallesque premi, terramque cavernis
 Hiscere, & ingentes humori aperire lacunas,
 Et maris irati sepsisset molibus ³ oras.
 70 Scilicet humano generi pater optimus olim
 Prospiciens, certis compressit finibus undas,
 Et terræ faciem cœlo patefecit apertam:
 Unde animal cœleste genus, ⁴ terræque colonus.

Respi-

¹ Sed ruit] Exdem Editt. Nam ruit.
² Hæc ita contiguïs] Gen. continuis. [Ita
 in antiquis Poëtis librarii has voces in-
 ter se permutare soliti fuere. vide ad O-
 vid. IV. Metam. 57.]
³ Oras] Comm. & Edit. anni 1594 iras.

⁴ Terræque colonus]. MS. Pineier. &
 Hart. colonum. Ovid. quidem colona di-
 xit; nusquam vero invenio colonum neut.
 Vocem quidem adjective usurpat Cice-
 ro, ut. *ager colonus*, at passivo significato,
 pro *agro in quem colona est deducta*.

- Respiceret patrii flammantia moenia cœli,
 75 Et, quanquam membris terrena mole gravatis;
 Qua licet ¹ infernæ fugiens contagia labis,
 Mens erecta polum levibus ² superevolet alis.
 Ergo ita præscriptos elementa coercita fines
 Cætera conservant: sed tellus corpus in unum
 80 Cum liquidis ³ coit ipsa undis, ceduntque vicissim
 Amplexuque foveant sese, alternisque fruuntur
 Hospitiis, mixtæque unum coguntur in orbem:
 Orbis enim speciem gravitas sua fecit utrique.
 Nam quibus est pondus, proclivia corpora, mundi
 85 In medium se sponte ferunt: sic humor ⁴ aquai
 Ima petit, sic saxa jugis ⁵ avulsa trahuntur
 Silvarum cum strage: omnes sic undique partes,
 Qua vis nulla vetat, medium nituntur in orbem.
 Inde rotundari libratis undique massam
 90 Ponderibus ratio ⁶ pervincit: sin tibi sensus
 Certior esse animo iudex videatur, id ipsum
 Non tibi difficile est certis cognoscere signis.
 Nam si ⁷ plana foret facies telluris ab Indo
 Littore ad Herculeam Calpen, cum Phœbus Eoo
 95 Cardine depromit radiatæ spicula flammæ,
 Non citius Gangem, quam Gades tela diei
 Lucida percuterent, & cum Sol condit Ibero
 Æquore flammam, una cunctis mortalibus hora
 Obstita nox tenebris fuscas offunderet alas.
 100 At nunc paullatim tenebris Aurora fugatis
 Exserit Oceano placidum caput: aurea cum fax
 Evocat æstiferos stratis e mollibus Indos,
 Humida nox riguos per nostra cubilia somnos
 Fundit adhuc: Indos ubi nox involverit umbra,
 105 Clara per Hesperios fundunt se lumina colles.
 Nempe quod in modicum tellus erecta tumorem
 Tardius his, illis citius ⁸ vaga lumina terris
 Dividat, & clivo radios frangente supino
 Occidat his, illis surgat Sol, passibus æquis
 110 Quem fugit, & sequitur cæcis nox atra tenebris.

Nec

¹ Infernæ] MS. innatæ.
² Superevolet] Commelin. & editio anni 1594, supervolat.
³ Coit ipsa undis] Edinb. And. Hart, omnes, undis.
⁴ Aquai] Ita And. Hart: alii vero omnes, aquarum.
⁵ Avulsa] Commel. & Editio anni 1594, evulsa.
⁶ Pervincit] Ita And. Hart, alii omnes, convincit.
⁷ Plana] [Ita correximus: nam in editione nova erat plena.]
⁸ Vaga lumina] MS. & Gen. sua lumina.

- Nec minus id Lunæ poterunt monstrare labores,
 Cum procul a fratris radiis ¹ ferrugine vultus
 Induit oppositæ in medio telluris ab umbra:
 Nam tenebris primis nobis cum Luna laborat,
 115 Post mediam Perſes æra auxiliaria noctem
 Personat, & magicos vetat exaudire ſuſurros.
 Quid? quod ubi Lunæ pars altera lumine caſſa eſt,
 Altera fraternis fulget pars æmula flammis,
 Qua rubor infecit tenuem falcatur in arcum.
 120 Corporis obſcuri nam mobilis umbra figuram
 Exprimit, unde fluit: redduntque ² trigona trigonam,
 Quadratam faciem quadrata, rotunda rotundam.
 Ergo orbis cum ſit tellus, cœuntia Solis
 Lumina clivoſæ circum latera ardua terræ
 125 Undique conſtringunt umbram, clauſamque rotundant.
 Nam ſi plana foret facies telluris ab omni
 Parte ſui, nunquam ³ tenebreſcens cornua Phœbe
 Fingeret, aut faciem vaga ſumeret umbra rotundam.
 Quin & Parrhaſia tellus declivis ab Arcto eſt
 130 Uſque Noti algentem qua ſeſe exporrigit ortum.
 Nam quo quiſque magis tepidos declinat ad Auſtros,
 Hoc humilis Cynofura magis ſe deprimit; at quo
 In Boream properas magis, hoc ſeſe Parrhaſis uſa
 Altius attollit: ſimilique tenore deinceps,
 135 Quantum terra tumens dorſo conſurgit iniquo,
 Tantum ſe nobis aperitque & ⁴ cōdit ⁵ Olympus.
 Nec te commoveat, quod in altos edita montes
 Pars ⁶ terræ aſſurgat quædam, depreſſa profundis
 Vallibus hæc ſidat penitus, camposque jacentes
 140 Explicet, humanos dum ſe conformat ad uſus.
 Iſta quidem noſtris diſcrimina magna videntur
 Eſſe oculis, terramque negant plane eſſe rotundam.
 Sin conferre ſolum juvet ad radiantia mundi
 Mœnia, & immenſam, quæ continet omnia, molem:
 145 Ille tumor terræ, quem nos miramur, inanis
 Vanefcit, ⁷ nullumque facit penitus momentum.

Non

¹ Ferrugine] MS. & Gen. caligine.

² Trigona trigonam] MS. & Gen. tri-
 gona trigonas, Quadratas umbras quadrata,
 rotunda rotundas.

³ Tenebreſcens cornua Phœbe] [Verbum
 veteribus ignotum, nec auctoritatem niſi
 a patribus ecclēſiæ habens, ſed Poëtis

non uſurpandum.]

⁴ Condit Olympus] Olympi MS.

⁵ Olympus.] Ita Commel. & Editi.
 1594, alii vero Olympi.

⁶ Pars terræ] And. Hart, Pars mundi.

⁷ Nullumque facit] MS. & Gen. nul-
 lum efficiens penitus.

- Non secus ac vitreum si musca perambulet orbem,
 Qui nobis penitus lævis videatur, & omni
 Asperitate carens, sentit tamen illa tumorem,
 150 Parvaque inæquali figit vestigia clivo,
 Non aliter fixura nisi sulcata dehiscat
 Hic rimis, ¹ illic tumulis sibi machina dispar.
 Nec minus in faciem se colligit unda rotundam
 Pondere pressa suo, qua per declivia terræ
 155 Ire licet: certis potes id ² cognoscere signis.
 Nam velut in terris, sic & fulcantibus æquor
 Nunc polus assurgit, nunc se declinat, & undas
 Pene subit, ponto in cumulum crescente rotundum.
 Aspice cum plenis a littore concita velis
 160 ³ Puppis abit, sensim se subducente carina,
 Linteaque & summo apparent carchesia malo.
⁴ Nec minus e navi terram spectantibus unda
 In medio assurgens, cum litus condidit, alta
 E specula mali (quamvis ea longius absit
 165 Quam laterum crates, & ⁵ pinea texta carinæ)
 Littora tota patent. Quid? quod penetrabilis undæ
 Corpus ⁶ ὁμοιομερές cum sit, pars quæque minuta,
⁷ Quantulacunque ⁸ tamen, magno cum corpore formam,
 Nomen & ingenium ex æquo communicat: ignis
 170 Non minus est ⁹ tepida latitans scintilla favilla,
 Laomedontæas quam qui dejecerat arces;
 Nec quicquam proprium est huic, quod non vindicet æquo
 Jure sibi exiguæ populatrix flamma lucernæ.
 Nec laticis nomen sibi verius æquoris unda
 175 Vindicat, æstiva quam ros glomeratus in herba.
 Ergo velut tenui se ros argenteus orbe
 Lubricat, & nitidis depingit gramina gemmis,
 Et quæ de madidis dependet stiria tectis:
 Sic late effusus ponti remeabilis humor
 180 In cumulum assurgit, formamque affectat eandem.
 Sed quid ego hæc longis rationum ambagibus usque
 Prosequor, & claris conor lucem addere rebus?

Cum

¹ Illic tumulis] MS. tumulis illic.² Cognoscere] MS. deprehendere.³ Puppis abit] MS. classis abit.⁴ Nec minus] MS. & Pincier. in marg.
Quin etiam terram e navi s. u.⁵ Pinea texta] Ita And. Hart; alii
omnes, tecta.⁶ ὁμοιομερές] Edit. Joan. Pincieri, Herbornæ 1587. Commel. & 1594, ὁμοιομερές.⁷ Quantulacunque] Edinb. And. Hart:
Quantumcunque.⁸ Quantulacunque tamen] MS. & Geni:
Quantumcunque etiam.⁹ Tepida latitans] MS. parva latitans.

- Cum neque qui fuscus calidus vapor inficit Indos
 Obstet avaritiæ, nec Sol violentior arva
 185 Æthiopum torrens, Boreæque inamabile frigus:
 Omnia jam vasti ratibus panduntur Iberis
 Clausura orbis, rerum longis incognita seclis
 Jam ¹ secreta patent: namque insatiabile monstrum
 Orcus Avaritiam Stygiis emisit ab antris
 190 Germanam Harpyis: facies inculta, situque
 Tristis, hiant rictus, tetricis frons aspera rugis,
 Ora fame pallent, corpus miserabile curæ
 Attenuant, virus promptam ² ad perjuriam linguam
 Inficit, & trepidam exercent insomnia mentem,
 195 In vigiles ne blanda quies irrepat ocellos.
 Illa olim lustrans sicco vix fertile sparto
 Lyriadum littus, raræque in collibus herbas
 Qui ³ legeret genus acre virum, se in pectora sensim
 Insinuans ⁴ dedit, & stimulis præcordia cæcis
 200 Impulit, & resides animos, ⁵ durumque laborem,
 Et male cum grata longum luctamen arena,
 Et tenum victum, & tecto sub paupere ⁶ tristem
 Objicit ante oculos vitam, & sub nocte sopora
 Mentibus illudit varias mentita figuras.
 205 Nunc nemora Æthiopum mollique aviaria lana
 Induit, & dices alio sub sidere monstrat
 Silvarum exuviis Seras: nunc decolor Indus
 Zinziber & piper accumulatur, nunc cinnama dives
 Cogit Arabs: nunc fœcundo de vulnere matris
 210 Thus & myrrha fluunt, perque inscia vomeris arva
 Congerit in cæcas aurum formica cavernas.
 His animum illusi formis, duraque premente
 Pauperie, & magnum magni spondente laboris
 Spe pretium, linquunt patriamque thorumque laremque,
 215 Grandævusque patres, flentesque in limine natos,
 Præcipitantque animas in aperta pericula viles
 Auspice avaritia. Et quanquam furor omnibus idem,
 Paullatim tamen ignoti formido coëgit
 Oceani littus legere, & confidere ponto
 220. Parcior: at postquam cum lucro audacia crevit,

Alta

¹ Jam] Editio Commel. Jo. Pincieri, 1594, *Quas legeret.*
 & 1594, *Quin* — *pendantur.*
² Ad perjuriam] And. Hart, in *perju-*
ria. Pinc. in margine habet *convicia.*
³ Qui legerent] Commel. & Editio
 Tom. II.
⁴ Insinuans dedit] And. Hart. *Induit &*
stimulus agitans præcordia.
⁵ Durumque] MS. *vanumque.*
⁶ Tristem] MS. *duram.*
 I i i

- Alta ¹ petunt, caraque procul tellure relicta
 Velivolas verrunt rostris spumantibus undas.
 Jam sordent spolia Æthiopum, pauperque ² Zalophus,
 Guineaque, & nimio Congus sub sole recoctus,
 225 Et quicquid longis cumulaverat Africa seclis,
 Aut nondum nostris mentem labefacta venenis
 Spreverat: una animos rapit India, sola profundam
 India dives opum ingluviem expletura videtur,
 Et votis factura modum: qua signifer annum
 230 Circulus obliquans vicibus discriminat æquis,
 Frigoribusque pares alternos temperat æstus,
 Lucri dira fames penetrat: non Seres & Indi,
 Et quisquis ³ primis tepefactus flatibus Euri
 Mollia laniferis carpit velamina filvis,
 235 Non quæ vincendo fessum terra ultima Bacchum
 Vidit pampineos moderantem tigride currus,
 Quæque laboriferi finem dedit Herculis actis,
 Et quæ Pellæas sensit postrema farissas,
 Sufficiunt avidis animis: qua panditur orbis
 240 ⁴ Sub Noton Herculeæ fugiens compendia metæ,
 Donec ad argentem trans Ægocerotæ Canopum
 Ardua ⁵ devexi niteant fastigia cœli,
 Fregere ignotas remis audacibus undas.
 Et quicquid tenebris longa ignorantia cæcis
 245 Obruerat, qua nec Romana aut Barbara traxit
 Arma odium, bellive furor, non prodiga vitæ
 Gloria, non præceps audacia, non vagus error,
 Quo neque ⁶ monstrorum ⁷ fœcunda licentia vatum
 Ausa inferre pedem est, auri scelerata cupido
 250 Irrupit: quærensque viam per devia mundi,
 Dum nihil occultum, dum nil sibi linquit inausum,
 Quod ratio longis ⁸ nisa est extundere seclis,
 Illa oculis hominum ostendit, terramque fretumque
 Aëraque & gremio cœli versatile templum
 255 Cætera complexum tumidos se cogere in orbes:

Et

¹ Alta petunt] Commelin. & 1594. ca-
 rent hoc versu.

² Zalophus] Ibid. Caliphus.

³ Primis] And. Hart, primi.

⁴ Sub Noton] MS. In Noton.

⁵ Ardua] And. Hart, Avia.

⁶ Monstrorum] Gen. 1584 & 1594, &
 Commelin. nostrorum.

⁷ Fœcunda] Commel. & Editio anni

1594, facunda. [Hæc varietas ex diver-
 sis lectionibus loci Ovidiani III. Amor.
 XII. 41. quem exprimit Buchananus, or-
 ta est.]

⁸ Nisa est extundere seclis] Ita And.
 Hart, & Elz. 1621: at Elz. 1628, Werst.
 1687, Lond. 1686, & Jo. Cairns 1677,
 visa est extundere seclis. Commel. autem
 & Editio anni 1594, visa est ostendere seclis.

- Et mundi effigiem per singula membra rotundam,
 Pendentemque suo & libratam pondere terram
 In media mediam mundi regione locatam:
 Et circumfufos cunctis e partibus orbes
 260 Ætheris, in medium toto procumbere niſu,
 Inque globum cogi nitendo, in ſequē volutos.
¹ Neſtere perpetuis redeuntia ſecula ſeculis.
 Una igitur cum ſit moles telluris & undæ,
 In ſpeciem ² cogens ſeſe omni parte rotundam;
 265 Concavus hanc aër, qui circumvolvitur, eandem
 Ducat ut effigiem, ratione evincere promptum eſt.
 Extima pars etiam, volucris quæ cingitur igni,
 Ignis ab amplexu curvum ſinuatur in arcum.
 At levitate ſua ³ vivacis ſemina flammæ
 270 Alta petunt: donec Lunæ circumfluus orbis
 Arceat, inque globum cogat coaleſcere fluxam
 Materiam: rurius flammæ ⁴ pars infera ſeſe
 Lubricat orbe cavo, cum ſcilicet undique partes
 Impellant ſeſe, & ſuſum levitate ferantur,
 275 Poſtremæque premant, ſemperque prioribus inſtent,
 Quaque licet, tentent puro ſe adungere cœlo.
 Sic medium fugiens mundi, ſe flammea moles
 Contrahit, inque cavum inferne ſe ⁵ circinat orbem.
 Quattuor hæc ſimili cum ſint elementa figura
 280 Prædita, non uno pergunt tamen incita motu
 Ire: ſed hæc ſuſum levitas rapit, illa deorſum
 Pondus, & hunc unum dedit iis natura meatum.
 At flammæ orbis, flammisſque propinquior aër,
 Quod fluat in gyrum celeri vertigine raptus,
 285 Indicat exitiale micans fax dira cometæ,
 Multaque quæ liquidis flagrant incendia campis
 Ætheris, Eoſ cum nocte orientia cœli
 Margine, & Heſperio cum nocte immerſa profundo,
 Aut Phœbi cum luce parem ſervantia curſum,
 290 Non tamen hæc circum terras per inane rotantur,
 Sponte ſua, volucris ſed torta volumine raptat
 Secum cuncta trahens domini violentia cœli.
 Aëris at vario terræ pars proxima motu
 Volvitur incertis ſemper vexata procellis.
 295 Nam cum Sol oriens radiorum ſpicula fundit,

Humen.

¹ Neſtere] MS. Reddere.
² Cogens ſeſe omni parte rotundam] And.
 Hart, ſeſe cogens unde unde rotundam.

³ Vivacis] Commel. & 1594, vivacia.
⁴ Pars infera] MS. pars infima.
⁵ Circinat orbem] Commel. & 1594, arcum.
 I i i 2

- Humentesque bibit rores, fumosque volucres,
 Nube polus densa latet obrutus, humida molles
 Vis abit in pluvias, aut grandine ruris honorem
 Decutit, aut operit, niveo ceu vellere, montes,
 300 Aut matutinis vestit dumeta pruinis.
 At tenues nebulæ & sicci spiracula fumi
 Cum glomerant campo sese æris, ilicet Auster
 Imbrifer, aut gelida Boreas effusus ab Arcto
 Nubila volvit agens, & turbine pulveris atrī
 305 Verrit humum, siccisque furens bacchatur arenis.
 Æquora nec latis late circumfona terris
 Non in se remeant rursus, & tumefacta redundant
 Perpetuo fluxu: terra una immobilis hæret
 In sese incumbens, nec sursum limite recto,
 310 Nec fugit ¹ in dextram, aut lævam, seditve deorsum,
 Nec sese sua per vestigia volvit in orbem.
 Nam cum stelliferi sursum undique machina cœli
 Assurgat, tellusque sua gravitate deorsum
 Pressa fluat; recto quo limite cunque mearet,
 315 Scanderet, & nitidis propius succederet astris,
 Et bene dispositi turbaret fœdera mundi,
 Quæ levibus sursum, gravibus dant ire deorsum,
 Cumque suum tetigere locum, si nulla quietem
 Vis peregre infestet, tranquilla pace potiri.
 320 Terra igitur nec sponte sua secedere mundi
² E media regione potest, nec viribus ullis
 In latus impelli potis est, tollive, premive:
 Cum sit nulla usquam tantæ violentia molis,
 Moliri quæ sede sua per vimque movere
 325 Congeriem terræ possit. Nec rursus in orbem
 Se rotat, ut veterum falso pars magna Sophorum
 Crediderat, Samii jurata in verba magistri.
 Quippe astrorum ignes spectantia lumina falli,
 Quæ volucris circum torqueri turbine cœlum
 330 Immota tellure putent: ceu littore puppis
 Cum fugit, & vento radit vada falsa secundo,
 Stare ratem pigroque putes hærrere profundo,
 Cum fugiant colles, silvæque urbesque recedant:
 Nox ita corporeos hebetat caligine sensus.
 335 At tu, care puer, nunc mecum lumina mentis.
 Huc intende, animoque orbem percurrere sagaci,

Eque

¹ In dextram aut lævam] Ita Genev. 1584 alii omnes dextrum aut lævum.
 & 1594; Commel. Pincier. MS. & editi ² E media] MS. A media.

- Eque suis tenebris ¹ demersum protrahe verum.
 Finge animo, pigris immoto corpore flammis,
 Stare polum, terram se circumvolvere in orbem,
 340 Perque ter octonas umbrarum & luminis horas
 Claudere perpetuum sua per vestigia gyrum:
 Hanc neque vim cursus celeres æquare sagittæ,
 Nec ² volucrum poterunt alæ, nec flamina venti,
 Nec quæ sulfureæ impellit violentia flammæ
 345 Saxa, cavo inclusus quoties furit æstus aheni.
 Nonne ³ vides parva pueri crepitacula dextra
 Cum quatiant? vel cum nervo stridente sagitta
 Missa volat? vel cum follis de fauce reclusus
 Ventus anhelantem fovet in fornacibus ignem?
 350 Nonne vides quanto cum murmure sibilat aër,
⁴ Seque gemit findi? si parvo igitur momento
 Cum sonitu impulsus fremit atque remugiat aër,
 Quem fore speramus sonitum? quæ murmura? tellus
 Concita præcipitem dum se contorquet in orbem,
 355 Totque simul silvæ præruptaque culmina montium
 Auram indignantem ⁵ scindant, lacerentque forentque?
 Tam ⁶ celeri tellus igitur si concita motu
⁷ Iret in occasum, rursusque rediret in ortum,
 Cuncta simul quateret secum, vastoque fragore
 360 Templâ, ædes, miserisque etiam cum civibus urbes
 Opprimeret subitæ strages inopina ruinæ.
 Ipsæ etiam volucres tranantes aëra leni
 Remigio alarum, celeri vertigine terræ
 Abreptas gemerent silvas, nidosque tenella
 365 Cum sobole, & cara forsan cum conjuge: nec se
 Auderet Zephyro solus committere turtur,
⁸ Ne procul ablatus terra fugiente Hymenæos,

Et

¹ *Demersum*] MS. Pincier. & Hart. *demersum*. [Quod nos reposuimus, cum *dimergere* veteres dixisse ignorem, & cur non mox editor *dimersum* etiam exhibuit, cum ita in MS. esse testetur?]

² *Nec volucrum poterunt alæ*] Ita Hart, alii autem, *Nec poterunt alæ volucrum*.

³ *Nonne vides*] Hos II versus, juxta Editionem Edinb. & quæ eam sequuntur, hoc loco ponendos duximus; in prioribus autem Edit. proxime post *Præcipiti vanum*, &c. ponuntur.

⁴ *Seque gemit findi*] MS. & rectius, *Seque gemit findi*.

⁵ *Scindant, lacerentque forentque*] MS. *scindunt, lacerantque, feruntque*.

⁶ *Tam celeri tellus igitur*] Ita And. Hart, alii omnes, *Ergo tam celeri tellus si* —

⁷ *Iret in occasum*] Imo vero (quod recte vir doctus observat) qui terram ajunt stante cœlo moveri, necesse habent dicere eam ab occasu in ortum ire, indeque in occasum redire; cum cœlum videatur movere ab ortu in occasum: nam cum ripa in occasum ferri videtur, navis fertur in ortum. Vide Copernicum.

⁸ *Ne procul*] MS. Pincier. Commeß. & Genev. 1594. *Et procul*.

- Et viduum longo luctu defleret amorem.
 Quid? cum prima leves ¹ ineunt certamina Persæ,
 370 Medorum & paribus stat contra exercitus armis;
 Stante polo, fugiente solo, dum missile ferrum
 Aëre suspensum vacuo volat, ² altera telis
 Occurrens pars se indueret, pars altera nunquam
 Vulnera perferret, tela &, vertigine terræ
 375 Hostibus ablatis, domini vestigia propter
 Irrita conciderent. Quid? cum se concita tellus
 Semper in occasum torquet, si cærule ponti
 Æquora lenta jacent, pigrisque immota lacunis
 Interea, nonne aut terræ pars magna necesse est
 380 Innatat æquoribus, naturæ & fœdere rupto
 Unda levis rupes onerosas gurgite gestans
³ Non cedat, montesque altos non perforet humor,
 Ante quidem indocilis minimos gestare lapillos?
⁴ Aut si terra undis solida & non fracta resistat,
 385 Quotidie partem obrueret ⁵ vis humida ponti,
⁶ Demersamque freto quam Sol modo viderat, hanc nox
 Squalentem informi semper spectaret arena.
 Quod si terra pari contorta volumine secum
 Æquora raptaret, quique æquora concita tollit.
 390 Spiritus impulsu ablati traheretur eodem,
 Hanc ⁷ neque vim contra semper labentis eodem
 Æquoris, & versi violenta in flumina ponti,
 Navita vel verrens abiegnis æquora palmis,
 Vel late expansis ⁸ possit contendere velis,
 395 Præcipiti vanum cursu vincente laborem.
 Quid Solem loquar aut Lunam? ⁹ quid cætera cœli
 Sidera, quæ peragunt non æquo tramite cursum,
 Inque chori ludunt speciem, & nunc lumine juncto

Mutua

¹ Ineunt certamina Persæ] Præ oculis habuisse noster videtur illud Maronis Georg. IV. 314.

Prima leves ineunt si quando prælia Parthi. Nec tamen Parthi hic scribendum; exempli enim loco proponere videtur prælium inter Medos & Persas pro summo Asiæ imperio decertantes.

² Altera telis] Editio And. Hart, altera pugna Indueret telis se occurrens, altera nunquam Vulnera perferrent.

³ Non cedat] MS. Pincier. Hart. Non cedit montesque alios jam perferet humor.

⁴ At si] Legendum Aut si, cum MS. & melioribus libris.

⁵ Vis humida] Ita Hart, & Pincier. alii omnes pars humida.

⁶ Demersamque] MS. dimerfamque.

⁷ Hanc neque] Deest hic versus in omnibus ante Edinburgensem Editionibus.

⁸ Possit] MS. possit.

⁹ Quid cætera] And. Hart, quid carula cæli Cætera, quæ peragunt non æquo sidera cursu.

- Mutua conspirant, spatiis nunc diffita longis
 400 Quæque suum servant diversa lege tenorem?
 Hæc si perpetua statione ¹ immota manerent,
 Non procul a fratris radiis ferrugine vultum
 Nunc Phœbe indueret, nunc fratrem admota subiret
 Et trepidum subitis tenebris confunderet orbem:
 405 Nec Sol æstiferi modo torrida brachia Cancri
 Scanderet, imbriferos modo declinaret ad Austros,
 Nunc medio auratas cum limite versat habenas,
 A tenebris paribus lucem fecerneret horis:
 Nec variis rerum vicibus, quæ terra pruinis
 410 Obruta, quæ pigro torpebat frigore, lætis
 Frugibus & blando florum venaret amictu,
 Et coqueret mites in apricis collibus uvas:
 Nec Veneris jubar Oceano modo mane decoros
 Exfereret vultus, & prævia lumina Soli,
 415 Nunc ² præluceret vespertinis Hymenæis.
 Regia si cœli pigra atque immota maneret.
 Nec levior fuit in positu telluris & undæ
 Error eorundem, qui mœnia celsa Crotonis
 Incoluere Sophi Lacedæmoniumque Tarentum:
 420 Quippe nihil toto naturæ in corpore claudi
 Purius aut melius ³ vivaci semine flammæ;
 Omnibus unde ortus nascentibus, omnibus auctus
 Progenitis, ⁴ vigilisque ciens præcordia motus,
 Qui meat in lentos discusso frigore nervos,
 425 Insinuantque animam æternam per membra caduca,
 Conciliat fluxis cœlestia semina ⁵ rebus.
 Huic igitur multo visa est dignissima sedes
 Arcanum penetrabile orbis mediique recessus:
 Unde adyto e sacro partes effundere in omnes
 430 Se queat, ut (si fas parvis componere magna)
 Quod vegetat pigros cunctis animantibus artus
 Sanguinis & vitæ fons cor, de pectoris antro
 Vitalem spargit per cætera membra calorem.
 Proxima post ignem est illis sita terra: nec unam
 435 Hanc statuere tamen, sed & huic Antichthona terram
 Adversam æternos circum ignem volvere gyros.

Hæc

¹ Immota] Editio 1594, & Commell. *inina*.

² Nunc] And. Hart, *Nunc vespertinis præluceret Hymenæis*.

³ Vivaci] MS. *vivacis*.

⁴ Vigilisque ciens] *Vigilis* dixit pro *vigil*, quod ex *vigilis* contractum docet Vossius. Arist. lib. iv. cap. 33.

⁵ Rebus] Editio 1594, & Commell. *flammi*.

Hæc procul a vera quantum ratione recedant,
 Percipe: nam gravibus cum sit vis una movendi,
 Sponte sua ut fugiant cœli convexa, fluantque
 440 In medium mundi centrum: ut terra infima sidat
 Sponte sua, & media mundi in statione necesse est
 Aëre libratum vacuo se fingat in orbem.

Nec minus id certis facile est cognoscere signis:
 Si minus a porta tellus distaret Eoa,
 445 Quam Tartessio, qui fessos accipit axes,
 Limite; jam Phœbus radiis¹ insigne coruscis
 Cum caput exsereret, majorem ostenderet orbem
 Mane oriens, rursus ventura nocte minorem.

Sidera quid memorem? vel quæ labuntur eodem
 450² Limite perpetuo, vel quæ non passibus æquis
 Per liquidos cœli campos constanter oberrant?
 Cum propiora meant, majori corporis aucti
 Esse videbuntur nobis: ³ dum longius absunt,
 Pro spatii faciem ostendent ratione minorem.

455 [⁴ At nunc a terra pariter distantia ab omni
 Parte, pari semper se dant spectanda figura.]

Quin Solem observa, cœli de culmine recta
 Cum ferit Æthiopas radiorum cuspide, nulla
 Cum teneros foetus defendit pampinus umbra:

460 Si propior terris lucis moderator Eois
 Tunc⁵ regeret currus, major peragrandia peracta
 Lucis parte foret, cœli & fastigia paucis
 Mane per adversum clivum Sol scanderet horis,
 Serus in occiduum spatium majore iugales

465 Conderet Oceanum. Contra si terra propinqua
 Hesperia metæ, longe distaret Eoa,
 Mane diu Titan scandens sublime cacumen
 Ætheris, Hesperias cito⁶ præcipitaret in undas:
 Tempora nec lucis (⁷ ut nunc solet) ætheris alti

470 E

¹ *Insigne*] And. Hart, *illustre*.

² *Limite*] MS. *Tramite* [Quod præferrem, quia *limite* modo præcessit.]

³ *Dum longius absunt*] And. Hart. *Sin longius*. MS. *Sin longius absunt*.

⁴ *At nunc*] In sola editione Edinburgensi reperiuntur hi duo versus, quos omittendos censuit vir doctus: duriter enim illi dictum videtur *pari figura* pro *pari magnitudine*. Habentur iidem duo versus etiam in MS.

⁵ *Tunc*] And. Hart. *Tum*.

⁶ *Præcipitaret*] MS. *festinaret*.

⁷ *Nunc ut solet*] And. Hart. *ut sum*. MS. *ut nunc solet*, ubi hæc annotat eruditissimus Regius, *Herborniana*, inquit, editio inepte *casuras* hæc, ut hic, sic alibi in Poëta autographo frequentes, invertit: omnis enim *casura* indifferens est, quia sistitur in ea *dimensio*: itaque in saltationibus ad *casuras* pede terram feriebat, quod recte annotavit Scaliger. [Recte vir doctus: & usus est Buchananus jure suo. vide ad Ovid. II. Metam. 743. & IX. 405.]

- 470 E folio spatii medius fecerneret æquis.
 Præterea propior ¹ si Sol sese exferat Indis;
 Quam cadit Hesperii, umbras oriendo minores
 Horis ² projiceret paribus, quam littora Calpes
 Cum petit in noctem quatiens declivis habenas.
 475 Corpus enim ad lumen si proponatur opacum,
 Tam magis obscuras in longum ³ porrigit umbras,
 Quam magis a denso removebis corpore lumen.
 Nunc Sol æquales spatii æqualibus umbras
 Cum jaciat, spatii ⁴ terram undique ⁵ despicit æquis,
 480 Ex æquo occiduae, portæque propinquus Eoæ.
 Terræ orbis calidum sed nec declivis in Austrum
 Propendet, nec Mænaliam confurgit in Ursam,
 Sed medio inter utrumque polum descrimine pendens,
 Circumfufum æquo distinguit limite cælum.
 485 Nonne vides? blandi cum nuntia veris hirundo
 Admonet æquales cum lucibus esse tenebras,
 Aut cum Libra dies noctesque examine justo
 Temperat, & mites fovet æstus mitior uvas,
 Mane novo surgens roseo cum Phœbus Eo
 490 Fundit in humentes radiorum spicula terras,
 Turræque domus, armataque mœnia pinnis,
 Et quæ finitimis excludit jurgia limes
 Arbor agri rectos ad fera cubilia Phœbi
 Projicit umbrarum mucrones: rursus in undas
 495 Vespere discedens sero, cum condit anhelus
 Phœbus equos, roseos umbrarum cuspis in ortus
 Tenditur: at cum Sol pluvios declivis in Austros
 Ægocerota tenet, vel cum sublimis in Arcton
 Emicat, æquoreique accendit brachia Cancri,
 500 Nunc Noton obliqua, Boream nunc appetit umbra.
 Sed media mundi tellus statione relicta,
 Si se Parrhasiam magis acclinaret ad Arcton,
 Omnis in algentem sese umbra extenderet Arcton:
 Sin magis humentes sese inclinaret in Austros,
 505 Omnis in humentes sese umbra extenderet Austros:
 Et ⁶ transversa fluens tum vespertina secaret

Por-

¹ Si Sol sese exferat] MS. si se Sol ex-ferat. spatii cælum undique respicit æquis, Edinb. terram undique diffugit æquis, quod tolerari

² Horis projiceret paribus] And. Hart. potest: nos cum viro docto legendum putamus despicit.

³ Porrigit] MS. porriget, quod & magis arri-der. ⁵ Despiciat] MS. diffugit.

⁴ Terram] Editio 1594, & Commel. ⁶ Et transversa] Hi duo versus in Editione Commel. & 1594, desiderantur.

Tom. II.

K k k

Porrectam Eois longe de montibus umbram.

Sed neque si tellus medio non esset in axe
Inter utrumque polum, subtracto lumine fratris

510 Delia telluris subita palleret ab umbra,
Diviso quoties æquali limite cælo,
Objicit adversum radiis solaribus orbem.

Nunc age, telluris quæ sit mensura, quis illam
Ambitus in gyrum remeans circumdet: ab imo

515 Linea quæ fuminas mundi penetraret ad oras,
Quanta sit: & veterum quænam solertia molem
Sit dimensa, animo¹ attentus percurrere sagaci,
Oblitusque humiles curas, paullum erige mentem,
Et mecum ingentes cæli spatia per² orbes.

520 Chaldæi procures (sic fama est prodita) vasti.
Cum campi incolerent æquor, lateque pateret
Ætheris immensi partes prospectus in omnes,
In numeros primi stellas & nomina certa
Digessere, suis signantes astra figuris.

525 Illiciebat enim mentesque oculis benigna
Temperies, aër tranquilla luce serenus
Semper, & æstivi facies innubila cæli.

Ergo propositi victrix industria, certis

Finibus & spatiis numerorum inclusit Olympum:

530 Et qui vectorem Phryxi Libramque pererrat
Circulus, in partes divisit quattuor æquas.
Neve etiam exiguis spatiis mensura deesset,
In novies denas visum est³ discerpere partes
Quadrantem, & totidem partiri in⁴ fragmina gyrum,

535 Qui spatiis utrumque polum discriminat æquis.

Cumque foret terris homini jam notior æther,

Turpe videbatur, qui tam longinqua sagaci

Ingenio cruerat, propriam non noscere sedem;

Quique velut patriam ipsum animo peragrasset Olympum,

540 Degere natalis peregrinum in carcere glebæ,

Ignotum populis⁵ ignorandumque propinquis.

Sed cum frigoribus torpens, aut torrida flammis,

Aut infesta feris, squaleret maxima terræ

Portio, cum monstris etiam crudelior ipsis

545 Bar-

¹ *Attentus*] Ita And. Hart, alii autem stimat vir doctus.
omnes tantam.

² *Orbes*] Editio Pincieri, & 1594,
& Cominel. oras.

³ *Discerpere*] *Dispersere* legendum exi-

⁴ *Fragmina*] MS. *semina*.

⁵ *Ignorandumque propinquis*] MS. *igno-*
rantemque propinquas.

- 545 Barbara sævities hominum loca culta teneret,
 Prodigæ nec vitæ fitis insatiabilis auri
 Sævo auderet adhuc vitam committere ponto:
 Ipse animus velox, longum¹ renuente laborem
 Corpore, mensuram (patrii velut hospes Olympi)
 550 In cœlo² invenit terræ. Nam plana jacentis
 Assyriæ peragrans decies cum sena viator,
 Ac bina adversam transisset millia in Urfam,
 In quadrante poli quadrantem mensus ahenò,
 (Quem spatia extremas per limbi sectilis oras
 555 In novies partitus erat dena instar Olympi)
 Inde per angustæ cœlum sublime dioptræ
 Intuitus rimam, solito sublimius una
 Parte super³ terras⁴ conscendere repperit Arcton.
 5 At rediens totidem sua per vestigia retro
 560 Millia, parte una descendere pressius Arcton
 Repperit, ⁶ in veritas ceu se deflesteret undas.
 Hoc aliis sæpe atque aliis tentantibus, idem
 Affuit eventus: sic experientia longa
 Edidicit decies sex binaque millia passum
 565 Respondere uni cœlesti e corpore parti.
 Hunc igitur ratio numerum per fragmina circi,
 Qui per utrumque polum productus limite recto
 Hinc atque hinc spatiis cœlum⁷ determinat æquis,
 Multiplicans quantus⁸ terrarum circulus orbem
 570 Ambiat, invenit. Cum terræ deinde rotundæ
 Circuitum inventum tres dissecuisset in æquas
 Particulas, inter summum telluris & imum
 Quanta foret penetrans per centrum linea vidit.
 Nil adeo inculti montes, nil concita ventis
 575 Æquora, nil oculis densi impenetrabilis orbis
 Obliterat moles animo, quin devia rerum
 Cerneret, & clara rationis lampade fretus,
 Panderet infernas immissa luce tenebras.
 Nec levior labor est cœlo componere terram:
 580 Ut collata simul cum sint ratione sagaci,

Per-

¹ *Renunte*] Ita And. Hart, alii omnes
vincente.

² *Invenit terra*] MS. *terra invenit.*

³ *Terras*] Editio anni 1594, Pincieri
 1587, & Commel. *cælos.*

⁴ *Conscendere*] Ita And. Hart, alii ve-
 1 *transcendere.*

⁵ *At rediens*] MS. *Ac rediens.*

⁶ *In veritas ceu se deflesteret undas*] Com-
 mel. & 1594, *a veritis ceu se reflecteret*
undis.

⁷ *Determinat*] MS. *discriminat.*

⁸ *Terrarum*] Ita And. Hart, alii omnes
terrarum.

- Percipias rerum sit quantula portio, verbis
 Quam nos magnificis in regna superba secamus.
 Partimur ferro, mercamur, sanguine fuso
 Ducimus ¹ exigua glebæ de parte triumphos.
 585 Illa etenim moles per se spectata seorsum,
 Magna quidem: si cum stellati tegmine cœli
 Componas, puncti instar erit, vel seminis, unde
 Condidit innumeros senior ² Gargetius orbes.
 Nam neque si terræ spatium vitreique profundi
 590 Multiplices decies centena in millia passum,
 Atque iterum totidem, totidemque in millia ducas,
 Mensus eris magno exiguam de corpore partem.
 Nec labor & ratio poterit dependere terræ
 Circuitum astriferi quota pars æquaverit orbis:
 595 Non magis, Oceani quam si juvet edere quantam
 Urna brevis magno capiat de gurgite partem.
 Nec, ³ nisi terra foret puncti non scissilis instar,
 Dimidium cœli semper finiret Horizon,
 Signaque sex infra tenebris absconderet atris.
 600 Altera sex æquo præciciens limite cœlum
 Contemplanda oculis semper daret obvia nostris.
 Nec vaga cum pleno turgescit Cynthia cornu,
 Surgeret Hesperium Phœbo subeunte profundum:
 Aut prono Hesperiiis curru se tingeret undis,
 605 Phœbus ab Eois cum fluctibus exserit axem:
 Ni collata polo moles telluris & undæ
 Pene atomi exiguæ speciemque modumque ⁴ teneret:
 Nec minus id geminæ poterunt ostendere stellæ,
 Omnia persimiles, lucem, faciemque modumque,
 610 Dividit in partes hæc ⁵ Taurum, hæc Scorpion æquas,
 Has vigil observans castrorum ex aggere miles,
 Aut dum nocturnas rate navita dividit undas,
 Vidit ut Eois quoties caput exserit undis
 Altera, ⁶ sub Mauris se fluctibus altera semper
 615 Condat, ⁷ & æquali dirimentes limite cœlum
 Dimidium retegant oculis spectabile nostris,
 Dimidium celent: sic ut Finitor utramque

Hac

¹ Exigua] MS. exigua.
² Gargetius] MS. Gargeticus (i. e. Epicurus) rectius tamen Gargetius, quomodo eum Cicero lib. xv. Ep. 15. Et Statius Sylv. I. 3. 94. appellant.
³ Nisi terra] Commel. Edit. 1594. & MS. si terra: male.

⁴ Teneret] Pincier. Commel. & Editio anni 1594, referret.

⁵ Taurum] Ita Edin. And. Hart, alii autem omnes Cancrum, male.

⁶ Sub Mauris] And. Hart, se Mauris sub.

⁷ Et æquali] Ita And. Hart, alii vero omnes, ut æquali.

- Hac atque hac mediam secet uno tempore stellam.
 Hic, si luminibus spatium telluris iniquæ:
 620 Officeret, cœli nobis spectanda pateret
 Pars ¹ minor: aut quoties ² in opacos ardua montes,
 Crescit humus, si prospectus quoque cresceret una,
 Jam media plus parte poli de montibus altis
 Cernere fas esset, tenebris occulta lateret.
 625 Pars minor: at nunc seu spectes per plana jacentis
 Assyriæ nitidum cœli remeabilis orbem;
 Seu super ærii montis sublime cacumen,
 Dimidio cœli non plusve minusve videbis:
 Et Tartessiacis cum Taurus ³ mergitur undis,
 630 Scorpius Eois oriens emergit ab undis,
 Inque vicem semper remeantes passibus æquis
 Hic premit adversos, hic fluctibus exserit ignes.
 Nullum adeo montes ingestaque culmina celsis
 Nubibus efficient momentum, totave terræ
 635 Machina, cum magno si componatur Olympo:
 Non magis ac radiis volitantia corpora Solis
 Cum Tauri collata jugis, aut Alpibus, aut quæ
 Saxa Prometheis famam meruere catenis:
 Aut si componas late circumsona terræ
 640 Æquora cum tenero, qui pingit gramina, rore:
 Hunc etiam auricomum, qui prospicit omnia, Solem
 Adspice: qui quanto major sit corpore terræ,
 Post tibi perspicuis clarabimus argumentis.
 Is tam mole ingens, tam claro lumine purus.
 645 Cum nitet, & nulla nubis caput occulit umbra,
 Non multo apparet nobis pede longior uno.
 Ergo is tantillum cum sese ostendat, in axem
 Ipse suum Phœbus si te super æthera tollat,
 Inque diem Phaëthontas tibi cedat habenas,
 650 Quantula de cœli spectanti vertice cello
 Terra videretur? ⁴ si cœli e vertice terra
 Ulla videretur: jam quantula portio cœli
 Ipse sui Sol est? Solem quoque qui vehit orbis
 Quantulus est cum stelligero collatus Olympo?
 655 Terra igitur cum sit ⁵ multesima portio Solis;

Pars

¹ Pars minor] Quinto post versu habes pars minor, omnia interjecta in Edit. Commel. & anni 1594, desiderantur.

² In opacos ardua] MS. in summos ardua.

³ Mergitur] Pincier. Commel. & 1594,

mergit in.

⁴ Si cœli e vertice terra Ulla videretur] In prædictis Edit. hæc desiderantur.

⁵ Multesima] Ita And. Hart, at Pinc. Commel: & alii, mullesima.

- Pars orbis Sol parvâ sui; qui continet orbis
 Solem, stelligeri exilis sit portio cœli;
 Stelligero ¹ tellus si componatur Olympo;
 Nulla queat numeris ratio comprehendere, tellus
 660 Pars quota sit vasti, qui continet omnia, mundi.
 Hæc illa est hominum sedes, hæc illa ferarum
 Et volucrum domus: hoc angusto e carcere quantum
 Surripit Oceani terræ circumflui humor?
 Quique per Herculeæ irrumpens divortia metæ,
 665 Europam Libycis late sejungit ab oris?
 Adde huc claustra Arabum, quæque arctant æquora campos
 Hyrcanos: huc adde lacus laxasque paludes,
 Et quæ præcipiti labefactant flumina montes
 Vortice, vel pigris stagnant immota lacunis.
 670 Dumque hæc vi rapiunt, hæc orbem gurgite mergunt;
 Conditur exiguæ sub aquis pars maxima terræ.
 Quod superest, magno velut insula parva profundo
 Innatat: ² hæc etiam quantum vel squalet arenis?
 Vel tumet in vastos sine fruge, sine arbore montes?
 675 Vel nimis ardet flammis? vel frigore torpet?
 Vel jacet humano ³ indocilis mansuescere cultu?
 Vel fœcunda malis animantum in funera succis?
 O pudor! o stolidi præceps vesania voti!
 Quantula pars rerum est, in qua se gloria ⁴ jactat;
 680 Ira fremit, metus exanimat, dolor urit, egestas
 Cogit opes; ferro, insidiis, flamma atque veneno
 Cernitur ⁵, & trepido fervent humana tumultu.

¹ *Stelligero*] Editio Edinb. And. Hart, addit & hunc versum,

Aut qui stelligero nitet altior orbis Olympo?

² *Hæc etiam*] And. Hart, & MS. *huic etiam*, quod ægre cum sequentibus congruit.

³ *Indocilis*] And. Hart, & MS. *indocile ab! mansuescere cultu*. Vide notas viri docti vulgaribus libris subjectas.

⁴ *Jactat*] Ita Hart, alii omnes, *tollit*.

⁵ *Cernitur*] Pincier. Commel. & 1594: *Scilicet*.

GEORGII BUCHANANI SCOTI
DE SPHÆRA
LIBER II.

- J**AM mihi, Timoleon, animo majora capaci
Concipe, ¹ nec terras semper mirare jacentes :
Excute degeneres circum mortalia curas,
Et mecum ingentes cœli spatia per oras.
5 Nec tibi Dædaliæ temeraria vincula ² ceræ
Nectere opus, volucresque ³ jugis frenare dracones,
Montibus aut ⁴ structis cumulare ad sidera montes :
Auctor ego, audendi dux, & per ⁵ trita viarum
Ante feram gressus, qua primum cœlifer Atlas
10 Stravit iter, quaque Herculeæ vestigia plantæ
Ire monent, ⁶ nec non Scythica de rupe Prometheus
Pendulus, & volucer Perseus, & Latmius heros,
Et Cepheus tota pariter cum gente, ferasque
Qui sectatur adhuc cœlo venator Orion.
15 Nonne vides ut nocte faces arx lucida cœli
Proferat, & tenebras flammæ lumine puro
Discutiat, pandatque viam, seseque tuenti
Offerat, & quantum mortalia lumina fas est
Templa Deûm spectare, & cœlum immune senectæ,
20 Obvia sese oculis dent sidera cernere nostris?
Nec tamen iis ducibus nimium confide: tenebris
Corporeis oculorum acies hebetata remotos
Non satis ad certam trutinam cœli exigit orbes.
At cognata polo ⁷ simul ac mens libera ⁸ frenis
25 Tollit humo sese, & penetrans immane coruscum,
Paullatim tardos absterfa ærugine sensus
Ferre diem docet; abscedunt caliginis umbræ,
Nudaque se nobis offert natura videndam.

Quod

¹ Nec terras] And. Hart, & MS. Neu
terras.

² Ceræ] Pincier, anni 1587, Com-
mel. & Editio anni 1594, cura.

³ Jugis] MS. jugo.

⁴ Structis] MS. structos.

⁵ Trita viarum] MS. tuta viarum.

⁶ Nec non] And. Hart, nec jam.

⁷ Simul ac] MS. simul &.

⁸ Frenis] Pincier, anni 1587. Commel.
And. Hart, & Editio anni 1594 curis.

- Quod si oculis fidas, rationis luce remota,
 30 Corporeis; quicquid nos circum nocte dieque
 Volvitur, esse unum credas improvidus orbem:
 At si cœlestes flammæ ratione sagaci
 Observes, ut juncta meent nunc lumina, ut amplis
 Diffita nunc spatiis liquidum per inane ferantur,
 35 Hæc terras propiora fecent, illa ardua mundi
 Templa procul teneant: merito dubitabis, an unus
 Tam variis possit sedem dare motibus orbis.
 Nam neque fas credi, ceu pinnis dividit undas
 Squamigerum pecus, & volucris secant aëra pennis,
 40 Sponte animata suo se sidera volvere gyro.
 Quicquid sponte sua atque anima vegetante cietur,
 Se vario exercet motu: nunc dextra capeffit,
 Nunc abit in lævum: modo curvo limite in orbem
 Circum agitur, modo progreditur, retroque recedit:
 45 Denique quo velox animi rapit impetus, omnes
 Effingit species motus faciesque, nec unum
 Perpetuo servat certa sub lege tenorem.
 Sæpe etiam, alterna requie variante ¹ laborem,
 Otia succedunt. At sidera passibus æquis
 50 Perpetuum circa terras volvuntur in orbem,
 Otia nec durum renovant alterna laborem.
 Non igitur stellas animæ vis vivida torquet,
 Quæque suam motu impellens sine fine perenni,
 Æqualique tenore in partem semper eandem.
 55 Sed neque fortuna temere impellente feruntur
 Sidera: nam fortis quæ vis temeraria volvit
 Cunque ², nec æquali spatio, nec tempore certo
 Constantes peragunt æterna in secula motus:
 Sed sæpe externis velocius incita causis
 60 Deproperant cursus; sæpe indupedita quiescunt,
 Aut fingunt lentos magno molimine gyros.
 Usque adeo juncta est cæcæ inconstantia sorti.
 Præterea ³ proprium stellis natura meatum
 Si daret, in ⁴ nullam has ageret progressio partem:
 65 Quippe quibus natura dedit se impellere ⁵ prorsum,
 Aptæ ad nativum tribuit quoque membra meatum,
 Corporis & speciem: stellarum ⁶ at corpora in orbem

Cum

¹ Laborem] Prædictæ Edit. labori.
² Cunque] Commel. & 1594, cuncta.
³ Proprium] Pincier. Commel & 1594,
 premium.

⁴ Nullam] Eadem Edit. mediam.
⁵ Prorsum] Ibid. sursum.
⁶ At] Decet hæc vox in Edit. And.
 Hart.

- Cum ¹ coëant, alios nequeunt effingere motus,
 Quam se perpetuo sua per vestigia gyro
 70 Volvere; corporibus quæ vis est una rotundis.
 Esse globos porro cœlestia corpora stellas,
 Ostendunt Lunæ facies: quæ seu nova cœlo
 Cornua complexu meditatur libera fratris,
 Æmula seu Phœbi primo se vespere ponto
 75 Exserit Eoo, seu qua se cunque videndam
 Dat specie, teretem se fingere tentat in orbem.
 Quando igitur nec sponte sua per inane rotari
 Astra, nec incertos temeraria volvere lapsus
 Deprendit ratio: superest ut fixa per orbes
 80 Quæque suos (veluti per tympana summa rotarum
 Clavus inhærescit, tabula vel nodus acerna)
 Perpetuo maneant, & cum se verterit orbis,
 Astra suum peragant cum cœlo tracta meatum.
 Et quia non uno semper per inane feruntur
 85 Ordine, nec cœlum transcurrunt passibus æquis:
 Quam ² foret astrorum vario discrimine motus,
 Esse pares numero cum motibus ætheris orbes
 Deprendit solers industria: semper ut imum
 Ac propius terris Lunæ terat orbita cœlum,
 90 Et minimum lento flexu volvatur in orbem.
 Proximus huic, ³ parvo sed proximus intervallo,
 Mercurius, latoque diem modo Lucifer astro
 Præveniens, idem noctis prænuntius ignis
 Hesperus, observant Solem prope passibus æquis:
 95 Ut medius rerum Sol omnia lumine lustret,
 Educet & foveat flammis, nunc celsus in ⁴ Arcton
 Emicet, humentes nunc se demittat in Austros;
 Dumque his nunc propior, nunc illis admovet axem,
 Et variis varium partitur lucibus annum,
 100 Omnibus æquales faciat cum luce tenebras.
 Altior hoc Mars sanguineo rubet ⁵ igne: propinquus
 Juppiter ⁶ huic hilarat nitidum fulgore salubri
 Æthera: Saturnus liventi pallidus astro

Septi-

¹ Coëant] Pinc. Commel. & 1594, *veniant*.

² Quam foret] Deest hic versus in Editione Pincieri, Commel. Edit. 1594. & MS. & sane eo facile carere possit reliqua oratio.

³ Parvo sed] Ita Hart. Commelin. Tom. II.

Gen. 1594, omnesque recentiores; rectius tamen MS. & Pinciero magno sed legi videtur. Vide Virg. Æneid. V 320.

⁴ Arcton] MS. Arcto.

⁵ Igne: propinquus] Pinc. Commel. & 1594, *igne cruentus*.

⁶ Huic] Prædictæ, hinc.

- Septimus, obscuras fuligine versat habenas.
 105 Hos ¹ super octavum celeri volat agmine cœlum,
 Mille oculis, mille igniculis sub nocte sopora
 Discutiens atras piceæ caliginis umbras,
 Ne temere in tenebris erret per opaca viator,
 Ne temere ignotis vagus erret navita in undis,
 110 Ne vigil excubitor spatiis non dividat aquis
 Tempora, ne famulas lassent impensius æquo
 Pensa manus, durum cantu fallente laborem.
 Hos orbes tantum veteres novere: nec ultra
 Esse rati quicquam, præter secreta Deorum
 115 Templâ, ubi nec morbi, nec luctus & anxia cura
 Sollicitant miseras trepida formidine mentes:
 Sed secura quies, & nescia vita senectæ,
 Et cum pace fides habitant, quæque ultima terras
 Deseruit nostris vitiis offensa nocentes.
 120 Attamen assidua observans cœlestia cura
 Lumina posteritas, cœlum non simplice motu
 Credidit octavum celeres absolvere gyros,
 Quin modo Mænaliâ paullatim vergere ad ² Arcton,
 Nunc regredi, pluviosque magis deflectere ad Austros,
 125 Sed lento & sensum prope decipiente recessu,
 Ut duo vix unam titubet per secula partem
 E gradibus novies vicens: quippe latentis
 Tot gradibus mundi cardo est secretus ab Arcto.
 Hæc, quibus indulsit cœlum majora benignum
 130 Otia, & ingenii vires maturior ætas
 Firmavit, quæsisse juvet, perque ardua montium
 Ire juga, &, qua nulla hominum vestigia signat
 Orbita, secretos Musarum accedere fontes:
 Temporaque incedant velati frondis honore
 135 Vatibus intactæ antiquis: nos propter amœnum
 Eridanum Phaëthontea repetamus in umbra
 Sparsa per astriferos late miracula campos,
 Qua Pelusiâci cura est progressa magistri,
 Contenti novisse polos, dum classica cessant,
 140 Nec ferus Aoniis Mars invidet otia Musis.
 Octo igitur solos veterum solertia cœlos
 Noverat: & varii quot erant discrimina motus,
 Æthera cœlestes totidem divisit in oibes.
 Nec tamen (hæc ratio quamvis monstravit aperte)

145 Cessat

¹ Hos super] And. Hart. & MS. Hæc ² Ad Arcton] MS. in Arcton.
 super.

- 145 Cessat adhuc cæcis inscitia mersa tenebris
 Oblatrare palam, cœlum damnare quiete
 Ausa, pigram celeri motu convertere terram.
 Cum quibus indulsit sensum natura videndi,
 Quotidie cernant, noctis cedentibus umbris,
 150 Mane novo Phœbum paullatim ¹ emergere ponto,
 Aut velut enasci longinquo ex æquore terræ:
 Inde per adversum cœli conscendere clivum,
 Donec propositi victor stetit arduus alto
 Culmine, & in cunctas radiorum spicula terras
 155 Direxit: mox æquoreas declivis in undas
 Præcipitat celerem parili moderamine currum,
 Donec equos fessos Atlantide serus in unda
 Abluat, & furvæ cedat sua tempora nocti.
 Sic vaga rorifera confurgit Delia biga:
 160 Sic medii sensum potitur fastigia cœli:
 Sic cadit in fluctus. Hac sidera ² lege serena
 Nocte per ætherios volvunt sua lumina campos:
 Primum humili, celsa mox lampade, rursus ad imum
 Usque solum pressa, mox ³ vel tellure vel unda
 165 Absorptum quærunt spectantia lumina lumen.
 Deinde ubi dimenso latuerunt tempore, rursus
 Deproperant solitos solito moderamine cursus,
 Perque vias mundi liquidas sine fine reversa
 Perpetuo monstrant cœlum se volvere gyro.
 170 Nec minus e fixis poteris cognoscere stellis
 Continuo cœlum circum se volvere flexu,
 Quotidieque novos, dum ⁴ circumvertitur, orbes
 Claudere. Conspicuo Cynosuram in vertice mundi
 Adspice sublimem, junctamque Lycaonis Ursam,
 175 Quique sinu magno geminas complectitur Arctos,
 Serpentem ingentes ingenti corpore flexus
 Torquentem, & tota lucentem nocte Bootem,
 Nonne vides, Cynosura breves ut colligat orbes,
 Circumeatque ⁵ suam lenta vertigine caudam?
 180 Utque Helice quanto gelidis Aquilonis ab auris
 Longius abscessit, tanto volet ocius, ut se
 Circumagens fulcet majoribus æthera spiris?

Laxius

¹ Emergere] Pincier. Commel. & 1594. seq. *quarant.*
assurgere.

² Lege serena] MS. *lege tenentur.*

³ Vel tellure] MS. Hart. & e recen-
 tioribus quidam, *ut tellure.* & mox vers.

⁴ Circumvertitur] Pincier. Commel &
 1594. ac MS. *circumvolvitur.*

⁵ Circumeatque] Pincier. Commel. &
 1594, *circundetque.*

- Laxius hæc etiam comitatur plaustro Bootes:
 Et quo quæque magis septem semota ¹ trione est
 185 Stella, magis laxos in cœlō circinat orbēs:
 Donec ad has ventum est, quæ sero vespere ponto
 Lumina demergunt: sed & hæ cœlum esse rotundum
 Significant, longos flectentes luminis arcus.
 Quoque polo propior quæque est, brevior recondit
 190 Se spatio sub aquis: quo vitat longius Arcton,
 Hoc arcu brevior volans per cœrula cœli
 Cernitur, & longam indulget sibi condita noctem.
 Quando igitur totis qui lucent noctibus ignes
 Perficiunt orbés totos, quæ mersa profundo
 195 Sidera se condunt, arcu sinuantur, ut orbés
 Fingere conentur; certum est se volvere in orbem,
 Cuncta suo motu quod torquet sidera, cœlum.
 Nec mihi Democriti persuaserit acris acumen,
 Leucippusve, aut Cecropiis Epicurus in hortis,
 200 Secretus turbæ strepitu, nascique morique
 Quotidie stellas, Phœbeos fluctibus ignes
 Exstingui, aut undæ tactu marcescere terræ,
 Eque solo rursus vel aquis emergere partu
 Ulque novo. Nam fortuito quæ parturit ortu
 205 Casus, in iis nunquam manet invariabilis ordo,
 Et modus & facies, numerusque & tempora partus,
 Et concessa locis semper cunabula certis.
 Sed neque vis tanta est brutæ telluris, & undæ,
 Ut subito immensos educant luminis orbés,
 210 Eductos perimant: nec, si foret illa potestas,
 Parte sui tellus vires proferret in una
 Perpetuo, ut nobis progigneret India stellas
 Mane, sub æquoreis Atlas absconderet undis
 Vespere: quæ tellus a ² Calpe separat Indos,
 215 Luminis infelix partu viduata jaceret.
 Præterea tenuem cur nunc in cornua Lunam
 Surgere, nunc ³ plenam tumido splendescere vultu
 Cernimus, & certos incerti luminis orbés
 Nunc nitido monstrare die, nunc nocte sopora?

220 Cum-

¹ Trione] MS. Hart. Pincier. librique
 omnes vetustiores, *trioni*: recte aurem re-
 posuit vir doctus *trione*, ita enim Lu-
 cret. II. 18.
Corpore sejunctus dolor absit; mensque fruatur.
Fucundo sensu, cura semota metuque.

² Calpe] Hart. Pincier. *Calpa*.
³ *Plenam tumido splendescere*] Pincier.
 Commel. Edit. 1594. ac MS. *pleno tumi-*
dam. [Rectius meo iudicio. Sic *plenum os*
 Petron. cxxvii.]

- 220 Cumque aliis semper facies maneat sua stellis,
 Cur unam inconstans tenet hæc constantia Lunam?
 Quid loquar Arctoo stellas in culmine mundi
 Æquoris immunes? quæ vis hæc lumina servat,
 Semper inocciduo decorantia lumine cælum,
- 225 Cum neque contingant terras¹ aut humida regna
 Nereos, unde queant hebetes accendere flammæ?
 Quid? quod & Arctophylax Ariadneæque coronæ
 Sidera, quæ flavis tota se nocte BRITANNIS
 Ostendunt. Pharia sub aquis merguntur in ora?
- 230 Ac, Rhodiis rara qui fulget luce, Canopum
 Perpetua prope nocte Pharos videt, ultima tellus
 Æthiopum, nulla sidus condente latebra,
 Spectat pervigiles præbentem noctibus ignes?
 Quomodo, quas Phariæ perimit contagio terræ,
- 235 Cernit inextinctas lucere BRITANNIA flammæ?
 Aut Rhodiis eadem gignit perimitque Canopum
 Hora, Pharo tarde² qui condit lumen, in oris
 Æthiopum nunquam e cœli statione recedit?
 Esse etiam cælum nulla non parte rotundum,
- 240 Ostendunt celeres magnum per inane rotatus.
 Nulla etenim molis facies diversa citatos
 Tam facili lapsu potis est absolvere gyros:
 Nulla capax magis est cuncta inter corpora forma,
 Ambitus æqualis omni quæ parte coercet,
- 245 Quam globus: hac igitur non forma decentior ulla est
 (Cætera complecti quod debuit omnia) cœlo.
 Hoc etiam³ Assyrii scrutati sidera cura
 Agnovere senes, quod, cum deprendere motus,
 Fluxaque momentis distinguere tempora certis
- 250 Tentarent, spatiisque polum metirier æquis,
 Nulla foret studio huic diversæ machina formæ
 Apta, nisi ad speciem penitus tornata rotundam.
 Quo minus id dubites, animo tibi finge supremi
 Diversam cœli faciem, sive esse trigonam,
- 255 Sive æquo laterum ductu quadrare libebit.
 Cum liquidi per plana poli terrisque propinquus

¹ Cur-

¹ Aut humida regna] Pincier. Commel. & 1594 neque regna profundis, aliæ neque humida, And. Hart, & MS. aut regna profundis.

² Qui condit] Ita Pincier. Genev. 1594. & Commel. recte; de Canopo enim lo-

quitur, ut notat vir doctus; MS. tamen & Hart. quæ legitur.

³ Assyrii] Ita videtur legendum (momento viro docto) Edinb. And. Hart, & MS. Assyria, Pincier. Commel. & 1594. assid. a.

- Currum ageret celerem Phœbus, germanave Phœbi,
 Major eis moles, atque ingens corporis auctus
 Esse videretur: rursus cum flexus in alti
 260 Angulus ablatos raperet fastigia cœli,
 Contrahere angustos spatiis brevioribus ignes
 Aspiceres, lucemque solo præbere malignam:
 Qui nunc æquali discreti limite terris
 Monstrant æquales (absint modo nubila) vultus.
 265 Nam quod ab Eoæ Phœbus cum limine portæ
 Exit mane novo, vel cum se vespere sero
 Tethyos in thalamos recipit, majore videtur
 Orbe ² suis propius terras accendere flammis:
 Non longi in caussa est spatii distantia major.
 270 Cum neque plus distet Phœbus, sua spicula summo
 Cum jacet e cœlo, propior nec luceat imo
 Margine, mane oriens, ³ vel nocte urgente recedens:
 Sed ⁴ tenues fumos & mane & vespere terræ
 Exhalant vapidæ, veram qui luminis augent
 275 Longinqui speciem, & spectantia lumina fallunt.
 Non secus ac altis ⁵ quæ lucent cunque sub undis
 Corpora, decipiunt visus, majoraque veris
 Apparent, positæ in medio quod densior undæ
 Humor inoffensos nequeat transmittere visus.
 280 Nec mihi non aliqua niti ratione videntur
 Propterea mundum qui credunt esse rotundum,
 Quod Pater omnipotens, ⁶ cum rerum prima creavit
 Semina, & in varias ea jussit abire figuras,
 Omnibus in rebus (quantum mortalia possunt
 285 Æquari æternis, & non peritura caducis)
 Ipse sui ⁷ voluit quædam ut remaneret imago,
 Atque aliqua patrem soboles ex parte referret.
 Sic quæ feminibus coeuntēs quattuor omnes
 Finguntur species nitidi sub tegmine cœli,
 290 Quanquam ⁸ mutatis pereant redeantque figuris
 Quottidie, tamen æterna se lege propagant:
 Et cum morte gerit bellum natura, peremtum

Resti-

¹ Currum] MS. Pincier. Commel.
Gen. 1594, Elzev. 1621, Cursum.

² Suis] Edinb. And. Hart, suas, ter-
ris, flammis.

³ Vel nocte urgente recedens] Pinc. Com-
mel. & 1594, vel cum se vespere condit.

⁴ Sed tenues] Prædictæ Edit. sed fumos
& mane novos & vespere terræ.

⁵ Quæ lucent cunque] MS. lucent que-
cunque.

⁶ Cum rerum] Pinc. Commel. & 1594.
qui rerum prima.

⁷ Voluit] Pinc. Commel. & 1594,
velit.

⁸ Quanquam] Ibid. & MS. Quam-
vis.

- Restituens simili redivivum ¹ in prole parentem.
 Sic homines fragili quamvis e stirpe, perennant
 295 Qua licet: & sobole æterni, compage caduci,
 Æmula divinis peragunt sua secula seclis.
 Utque in iis propior divinæ stirpis imago
 Luceret, cœlo data mens, quæ corporis artus
 Non solum vegetet tardos, sed carcere cæco
 300 Clausa ² licet, pigræque coërcita pondere molis,
 Evolet immensi supra fastigia cœli
 Cum libuit, penetretque imæ cava viscera terræ.
 Non illi obsistit solidæ impenetrabile massæ
 Corpus, & obscuris Acherontia regna tenebris
 305 Obsita, non atris obsessus nubibus ær,
 Infirmasque acies oculorum hebetantia Solis
 Lumina, non spatium vasto semotus Olympus
 In se præcipiti semper revolubilis orbe,
 Omnia quin oculis ³ peragraret pectoris: ut quæ
 310 Abdidit, aut spatiis longis natura removet,
 Educta e tenebris propiusque admota videret.
 Illa igitur purum cœli cum cerneret orbem
 Damnatum nulla per secula longa senecta,
 Nobiliore ortu quam obnoxia corpora morti
 315 Credidir esse satum, propiusque referre parentem.
 Utque Dei nullis natura coërcita metis,
 Principio medioque caret, nec finibus ullis
 Clauditur, aut spatiis ævi, sed totus ubique est,
 Integer ⁴, immensus, invisibilis, incomprehensus:
 320 Sic mundi in teretem facies coit undique formam.
 Undique par similisque sui, sine fine, sine ullo
 Principio, nullis per tot labentia secula
 Deterior damnis, aut auctior incrementis,
 Et rediens in se lapsu sine fine perenni,
 325 Nec motus medium, aut finem, aut exordia novit.
 Totus & in sese incumbens per inane profundum,
 Non eget externis ut pendeat undique caussis.
 Hæc mundi forma est, seriesque æterna movendi,
 Semper ad occasum sese ut convertat ab ortu,
 330 Quaque abiit redeat, totiesque abiens rediensque
 Observet sedem veluti non mobilis unam.

At

¹ In prole] Pinc. Commel. & 1594. duobus versibus desideratis.
 in morte.

² Clausa licet] Commel. & 1594, Clausa micet, penetretque imæ cava viscera terra,

³ Peragraret] MS. peragravit pectoris, & quæ.

⁴ Integer] Deest hic versus in toties

memoratis codicibus.

- At vero quinque erroneas Titaniaque astra
 Quamvis perpetua lustrent vertigine terras,
 Semper & in partem quam stellifer orbis eandem
 335 Nitantur, tamen haud æquis sua passibus urgent
 Lumina; sed lento magis itque reditque recurso,
 Quo magis ad terram quisque inclinatur inertem.
 Scilicet ingentes cum fingeret ætheris orbem
 Cœlituum pater, atque hominum formaret ad usus:
 340 Proxima quæ nostros incurrunt lumina visus
 Si tam præcipiti vertigine² torta mearent,
 Quam gremio quæ cuncta suo suprema coercet
 Machina, tam celeres spectantia lumina motus
 Deficerent, hebetesque oculos caligo repente
 345 Conderet, ad nullosque usus properatio motus
 Aptæ foret: paucis Phœbea recurreret horis
 Et fugeret lampas, nec tempora commoda somno
 Nox brevis, aut præceps lux opportuna labori
 Divideret, toties reduces cum Sole tenebræ
 350 Omnia turbarent operum momenta, nec æstas
 Concoqueret fruges, nec dulces pallor in uvas
 Serperet, & lente mitesceret³ acris amaror:
 Gleba nec exiguo putrescens frigore venis
 Imbiberet cupidis genitales ætheris imbres:
 355 Nec breve ver blandos florum spiraret odores,
 Sed properata æstas veris spoliaret honorem:
 Pelleret æstatem autumnus; dum messis in herba
 Turgeret, deformis hiems infirma necaret
 Semina, solliciti spem deceptura coloni.
 360 Ergo ille ætherii clemens moderator Olympi,
 Ad varios hominum dum sese accommodat usus,
 Orbibus extremis celeres absolvere motus
 Posse dedit, sed quos visus non sentit acumen,
 Dissita tam longo spatio dum sidera spectat.
 365 Ac dein paulatim motu interiore repressus
 Impetus, & tardo flexu quæ citima fulgent
 Lumina quæque suos tali discrimine cursus
 Deproperant, oculis ut nec spectantibus obsint,
 Nec turbent nostros nimium properata labores.

370⁴ Sic¹ Quo magis] MS. Qua magis.² Torta] Notat ex MS. suo vir doctus, tota.³ Acris amaror] Ita MS. & Hart. alii vero omnes acer. [Solebant veteres ta-

lia adjectiva utroque modo efferre. vid. Donat. ad Terent. Eunuch. II. III. 13. vid. Nor. ad Petron. cap. 113.]

⁴ Ac dein] MS. At dein, & mox met: interiore habet MS. viri docti.

- 370 ¹ Sic spatium novies ternis quod Luna diebus
Conficit, ² hoc uno peragit Sol aureus anno,
Assequiturque iterum germanam, iterumque relinquit,
Lunaremque suis claudit congressibus annum.
Mensibus octonis ter Mars velocior orbem
- 375 Assequitur Solis, duodenis Juppiter annis,
Saturnus ³ totidem, si ter sex insuper addas,
⁴ Circumagit ⁵ flexum qualem Sol aureus unum.
Quo magis hoc animo possis comprehendere, finge
Esse simul cunctos Tauri sub fronte planetas,
- 380 Molirique suos non æquo tramite gressus.
Quo lenta se quisque magis vertigine torquet,
Longius a Tauro spatio brevior recedet:
Ac citius rursus occurreret ter Luna novenis
Lucibus; & clara Tauri sub fronte micabit,
- 385 Quo vix perveniet longo Sol aureus anno,
Mars geminis, brumas post bis sex Juppiter, ⁶ ignes
Falciferi quo bruma Dei tricesima ducet.
Quod si oculis juvet istius specimen tibi motus
Subjicere, in bibula labor est non magnus arena,
- 390 Per seriem octonos ut ducat circinus orbes,
Semper ut exterior spatiis brevioribus ⁷ arcum
Ambiat internum; extremas cujusque per oras
⁸ Nominibus numeroque æqualia pone planetis
Robora curforum, lentisque perambulet orbem
- 395 Passibus internum interior, semperque deinceps
Quisque gradu paullo properet majore: supremus
Ambitus, atque idem longissimus, orbis imago
Signiferi, raptim pedibus peragretur anhel-

Cur-

¹ Sic spatium] Hos versus sic emendat
Ad. Regius,
*Sic spatium novies ternis quod Luna diebus
Conficit, hoc uno Phæbus decurrit in anno:
Quem fugit ac sequitur germana, iterumque
relinquit.*

*Lunaremque suis claudit congressibus annum.
Mensibus octonis ter Mars his tardior orbem
Regressus peragit: duodenis Juppiter annis:
Quem decies ternis Saturni fidus oberrat.*

² Conficit hoc] Ita exhibent Editiones
Pincieri, Commel. & 1594, at And.
Hart, alique,

*Conficit, hoc una prope luce minus peragit Sol,
Assequiturque iterum, &c.*

³ Saturnus] Deest hic versus in recen-

tioribus.

⁴ Circumagit] Desideratur hic versus
in editionibus vetustioribus.

⁵ Flexum qualem] MS. flexum postquam.

⁶ Ignis] Editr. Pincieri, Commel. &
1594.

*Mars geminis brumis, post bis sex Juppiter
æstus,*

Aluiferum quo bruma Deum tricesima ducet.

⁷ Arcum] Prædictæ Editr. & MS. ar-
cum.

⁸ Nominibus] Ita omnes & scripti &
typis cusi: mihi vero vix dubium est quin
Nominibus Buchananus scripserit; ita e-
nim Pincierus pag. 155. ver. 2. & pag.
160. v. 33.

- Curforis, qui tardigrados fugiatque prematque
 400 Angusto lentos signantes limite gyros.
 Sic ubi veloces emisit carcere currus
 Prætor, & in magno fervent certamina circo,
 Hic Veneto favet, hic Prasino, & clamore secundo
 Quisque suos animans studiis ardentibus urget,
 405 Dum teretem calidus metam circumvolat axis.
 Interea si lassus equus defecerit, aut si
 Non satis increpuit lentis auriga flagellis,
 Injecitve moram fracto rota debilis orbe:
 Dum reduci curru speratæ præmia palmæ
 410 Victor habet, quintum gyrum vix ultimus implet
 Præteritus toties, toties prior urget & instat.
 Nec me adeo fallit veterum sententia multis
 Credita jam seclis, penitusque in mentibus hærens,
 Orbis ad occasum quod sese semper ab ortu
 415 Torqueat extremus, motu invariabilis uno,
 Ac reliquos orbes celeri vertigine secum
 Corripiat, seseque sequi prope passibus æquis
 Cuncta suis cogat famulantia legibus astra,
 Quocunque incubuit: septem tamen usque resistunt,
 420 Qua licet, errones, tentantque ¹ accedere ad ortum:
 Illa igitur proprio motu cum semper ad ² ortum
 Confugiant, pugnentque adversos volvere gyros,
 Adversos quoque Signiferi urgent ignibus ignes,
 Inque dies paullum effugiunt, retroque recedunt,
 425 Nec semper cum supremo vestigia cælo
 Juncta ferunt, peraguntque suos æqualiter orbes:
 Sed quo citerior quisque est, minus impetus illum
 Longinqui vincit cæli: quo quisque recedit
 Longius a terris, propiusque admotus Olympo est,
 430 Hoc magis obsequitur, violentique ætheris audit
 Imperium, vique obnitens licet usque repugnet,
 At lapsu sensum prope decipiente recurrit.
 Sic quod tricenis spatium Saturnius annis
 Regreditur cælo contra obluctante propinquo,
 435 Lucibus hoc ipsum peragit ter Luna novenis:
 Tanto quippe minus longinquo obnoxia cælo,
 Quam magis a domino semota est imperioso.
 Neve uno geminos mirere in corpore motus
 Adversos, spectare jubent, cum concita remis

440 It

¹ Accedere ad ortum] And. Hart, re-
cedere ab ortu.

² Ad ortum Confugiant] Idem, ab ortu
Defugiant.

- 440 It ratis, aut vento radit vada falsa secundo,
 Illa quidem properat, qua vis agit acta lacertis,
 Aut vento impulsâ, aut ablata rapacibus undis:
 Interea vector per pinea ¹ texta carinæ
 Ingrediens, lentoque urgens vestigia passu
 445 Pergit in occasum, dum navis currit in ortum,
 Et pariter geminos fert uno in tempore motus,
 Sponte sua hac properans, illac rapiente carina.
 Observant exempla alii: vel musca per hastam
 Cum subit adversam, vel cum subrepat in orbem
 450 Se contra vertente rota, & vertiginē rapta
 Tentat in obliquum sensim ² succedere clivum.
 Sic momenta duo contraria corpore in uno
 Possē putant fieri; naturæ ³ hoc sponte, sed illud
 Vi peragi externæ debens exordia causæ.
 455 At mihi diversos in corpore simplice motus,
 Sive repugnantes, sive in contraria versos
 Naturæ ingenio nemo persuaserit auctor:
 Sive ille Assyriis cœli observator in oris,
 Sive Pharon propter, celsæ aut Carthaginis arces,
 460 Seu fuerit doctis sophiæ scrutator Athenis.
 Unus enim est uno simplex in corpore motus
 Simplice, nec rursus credam cœlum obice cœlo
 Aut tardare suos aut retro flectere cursus.
 Nempe ea corporibus solis concessa potestas
 465 Est, ut se impedian, aut indupedita quiescant,
 Aut alio remeant, quam quo fert impetus illa
 Naturæ, ⁴ quibus eventis contraria constant
 Eventa, ut flammæ gelidis, humentia siccis.
 At quibus hæc insunt, pereunt, perimuntque vicissim,
 470 Et faciem immutant, minuuntque, augentque, nec unquam
 Inconcussa manent, æterna exercita pugna,
 Sed cœli nulla facies vertente senecta
 Permanet, eventis nullis obnoxia, nulli
 In se propterea civili obnoxia bello.
 475 Forsitan & quæras, quæ sit sine fine rotati

Mate-

¹ *Texta*] Pincier. Commel. & 1594. Commel. & 1594, legunt *hunc illum & debentem*: sed *hunc illum & debentem* non respondent antecedenti *momenta*.

² *Succedere*] MS. *subrepere*.

³ *Hoc sponte sed illud — debens*] Sic legendum, monente viro docto, quamquam sine auctoritate codicum: Pincier.

⁴ *Quibus eventis*] Pincier. &c. *quorum eventis contraria pugnant*.

- Materies cœli, nullam ¹ quæ fessa quietem
 Accipiat, nullis per tot labentia secla
 Deterior damnis, nullo pollentior auctu,
 Solaque tot claudens fluxarum semina rerum
 480 Nulla senescentis discrimina sentiat ævi.
 Primum corporibus non est vis illa quaternis
 Quæ renovant omnes genitali e semine fœtus,
 Congressu vario permixta, abeuntia rursus
 Interimunt, & perpetuis exercita pugnis
 485 Mutant innumeras varie coëuntia formas.
 Nam si terra forent cœlestia templa, vel humor,
 In medium ruerent mundi collapsa deorsum,
 Quem sortita unum sunt omnia pondera motum.
 Sin foret ² ætheriæ compages extima sphaeræ
 490 Aurarum ³ e levibus flabris, tenuive vapore
 Ædificata ignis, recta per inane mearet
 Materies sursum nulloque coërcita vallo
 Exterius ⁴, nullis offensibus indupedita,
 Difflueret per inane vagum, & dispersa periret,
 495 ⁵ Et nusquam in certa statione coacta maneret,
 Et nusquam intestina se vi glomeraret in orbem,
 Clauderet & solido fluitantia corpora vallo,
 Et sese fugiens nullo cum fine sequensque
 Flesteret innumeros sua per vestigia gyros.
 500 Nam quæ ⁶ naturæ propriæ non sponte feruntur
 Corpora, perpetuo nequeunt ⁷ æquoque tenore
 Volvere se motu: at naturæ non minus ignis
 Pugnat, ut in gyrum ⁸ remeet, quam limite recto
 Si ruat in præceps, terramque petessat inertem.
 505 Ergo cum deorsum tellus moveatur & humor,
 Sursum aër, sursum fugiat vegetabilis ignis,
 Cœlum in se rediens æternos circinet orbes;
 Diversam cœli vim materiamque fatendum est.
 Quo minus id dubites, sic accipe: corpora cuncta

510 Na-

¹ *Quæ*] Pincier. Commel. & 1594. *in certa.* Elzev. 1621. Waesberge 1660. Cairns 1677 *incerta* unica vocabulo: *quod.* male.

² *Ætheric*] MS. *extremæ.*

³ *Aurarum e*] Ita legit vir doctus ex MS. cum in aliis sine *e* legeretur.

⁴ *Exterius*] Ita legit ex MS. suo. vir doctus: at Edinb. eaque priores, *Exterius.* MS. *Externis nullis.*

⁵ *Et nusquam*] MS. *Et nunquam:* & mox

⁶ *Natura propria non sponte*] Pinc. Commel. & 1594, *Natura non impellente feruntur.*

⁷ *Æquoque tenore*] Prædictæ Editæ. *æquique tenoris.*

⁸ *Remeet*] Eadem, *redeat.*

- 510 Naturalia sponte sua per seque moventur,
Permutantque locum, vis propria ¹ scilicet ollis
Intestina ciens motum Natura vocatur.
Omne autem corpus vel simplex simplice motu
Deproperat cursum, vel mixtum mobilitate
515 Incerta nunc huc agitur, nunc pellitur illuc
² Semper, consilii quo pars violentior urget.
At ³ duo cum pura pollentia simplicitate
Corpora sint, vel quæ coeunt contracta rotundam
In faciem, vel quæ recto se limite tendunt;
520 Simplicibus totidem formas natura meandi
Corporibus tribuit: quædam volvuntur in orbem,
Et circa medium punctum indefessa recurrunt:
At centrum fugiunt alia, aut se limite recto
Præcipitant mediam properantia tangere metam,
525 Ni vetet & celerem sistat vis obvia cursum.
Quantum in se est igitur, cum nunquam Elementa rotundos
Efficiant ⁴ gyros, corpus quintum esse necesse est
Hæc præter, quod perpetuos sinuetur in orbes
Sponte sua, tanto divinius omnibus illis,
530 Quanto sit formis præstantior omnibus orbis.
Quod si naturæ vi cœli cærulea templa
In sese remeant semper, peragantque perennes
Circuitus, etiam pars quantulacunque revulsa
Corpore de cœli motu rapietur eodem,
535 Et globuli ⁵ finget faciem ⁶ omni ex parte rotundi.
Sic cum se nubis gravidæ profudit ab alvo
Agmen aquæ pluviae, magnum per inane rotatæ
Se glomerant guttæ, & qua vis fert ponderis illas,
Ima petunt, & seu frondis, ⁷ viridive potitæ
540 Graminis hospitio pendent, coguntur in orbem:
Lubrica paullatim donec per saxa, per herbas,
Perque cavas ⁸ valles, declivi tramite, matris

Cæru-

¹ Scilicet ollis] MS. & vetustiores editi, scilicet illis.

² Semper consilii] MS. Semper & infertur quos pars.

³ At duo] Pincier. Commel. & Editio anni 1594, pro hoc versu & duobus sequentibus habent quinque,

Duplicia aut pura cum prædita simplicitate
Corpora sint, vel quæ nullis obnoxia damnis
Constituunt cæli firmis compagibus aulam:

Vel variis vicibus varias subeuntia formas
Noctivagæ Phæbes gremio comprehensa tenentur.

⁴ Efficiant gyros.] Idem libri, In gyros currant.

⁵ Finget] MS. effinget

⁶ Omni ex parte] Pincier. Commel. & Editio anni 1594. faciem de parte.

⁷ Viridive] Idem, viridisve.

⁸ Valles] And. Hart & recentiores, fessas.

- Cæruleum in gremium insinuata sponse ¹ quiescant.
 Nam cum sit cælum, velut humor, & ignis, & aër,
 545. Corpus *εὐκλειπές*, si quid natura ² benigna
 Indulset toti cælo communiter, uni-
 Cuique dedit parti ingenio ut frueretur eodem.
 Ergo, cum cæli vis sit nativa rotari,
 Continuo pars nulla ejus de corpore magno
 550. Avulsa in terras caderet, sursumve volaret,
 Sed servaret eum, sibi quem natura meatum
 Primigena cessit (se circum ut volveret) hora.
 Quod si nec (levibus quæ vis primæva movendi est
 Addita corporibus) sursum se limite recto
 555. Tolleret, aut (gravibus quæ vis est una) deorsum
 Sideret, haud illi levitatem aut pondus inesse
 Certum est, rectivagi quæ sunt primordia cursus.
 Nec procul a vera, reor, is ratione recedet,
 Qui neger, aut gigni naturæ viribus astra
 560. Posse, vel affectum senio tabescere cælum,
 Aut ³ abitu minui, cognati aut coporis auctu
 Crescere: materiam nam vis contraria mutans,
 Ex aliis alias mutat reparatque figuras.
 Frigida enim calor interimit, stringentia corpus
 565. Frigora vitalem postquam pepulere calorem,
 Mors subit, in tenues vaneicit spiritus auras,
 Aridaque ⁴ uvescunt nimium, & jejunia longa
 Paullatim extenuant, atque humida corpora solvunt.
 Nec nasci est aliud, quam formæ accessio, fingens
 570. Materiam, faciemque novans; mortemque vocamus,
 Expulit affuetam cum vis contraria formam.
 At neque ⁵ vis ⁶ motu est ulli contraria, nusquam
 Eventa eventis cæli ⁷ pugnancia certant,
 Quæ variant ejus faciem, ⁸ mutantque, vel ævi
 575. Dentibus attritum cogant succumbere fato.
 Congeries nusquam est cognati corporis, unde
 Augmina suscipiant, vel quo detracta recurrant
 Corpora fiderei molem attenuantia, templi.
 Quin & naturæ non expugnabile cælum
 580. Viribus, æternis longa observatio seclis

Sen-

¹ *Quiescant*] MS. *quiescunt*.
² *Benigna*] Pincier. &c. ac MS. *beni-*
³ *Abitu*] Commel. & 1594, *obitu*.
⁴ *Aridaque uvescunt*] Pincier. Commel. &
 1594. *Aridaque humor alit, fitis & jejunia*.
⁵ *Vis motu est ulli*] MS. *vis ulla est cælo*
⁶ *Motu*] Pincier. &c. *cæli*.
⁷ *Pugnancia*] Pinc. Commel. & 1594.
⁸ *Mutantque*] MS. *mutentur*.

- Sensibus ostendit. Quæcunque obnoxia fati
 Legibus occasus vicibus mutantur & ortus,
 Sensus in iis diversa notat tria tempora, vel cum
 Crescendo augescunt, simul & cum tempore vires
 585 Et molem accipiunt: vel mole & viribus aucta,
 Quantum naturæ finit ¹ inviolabilis ordo,
 Crescendo ad summum jam pervenere cacumen:
 Vel cum victa situ, & defecta senilibus annis,
 Sponte retro redeunt, ævoque soluta fatiscunt.
 590 Hæc data crescendi fato lex omnibus, aut quæ
 Nata solo, sed fixa solo radice tenentur,
 Aut quæ flexibiles animati corporis artus
 Sponte movent, mutantque locum, volucresque feræque
 Nataque cæruleis Neptunia monstra sub undis:
 595 Cumque ipso quibus est major cognatio cœlo,
 Secla hominum hac certa fatorum lege tenentur,
 Semper ab exiguis ut progressa incrementis
 Augescant, & cum robur tetigere juventæ,
 Paullatim lenta vires minuente senectæ,
 600 Declinent, iterumque sua in primordia cedant.
 At quibus a primis rerum natalibus usque
 Cura fuit cœli faciem, motumque modumque
 Observare, & solertis monumenta laboris
 Postera per memores vulgare in secula fastos,
 605 Nullum ævi imperium sensere in corpore cœli:
 Sic iisdem spatiis eadem intervalla diremtis
 Sideribus perstant, idem ² vultusque colorque,
³ Et modus & numerus, ⁴ facieque & partibus iisdem
 Surgunt mane faces, sero & se vespere condunt,
 610 Atque iisdem accendunt quibus olim lumina terris,
 Asservantque unum nihil immutata tenorem.
 Hæc ita cum perstet rerum constantia certa
 Immutabilis, æternoque immobilis ævo;
 Perstat item cœlum, scabræque immune senectæ
 615 Non damna innumeris seclis, non augmina sentit.
 Nec tamen adversis quamvis obnoxia caussis
 Aurea flammantis non sint palatia cœli,
 Protinus orbatum credam natalibus orbem,
 Et sua non ulli debere exordia caussæ,

620 In-

¹ Inviolabilis] MS. invariabilis.

Et modus & numerus faciesque: e partibus —

² Vultusque colorque] MS. vultusque colorque.⁴ Facieque] Ita legendum suadet vir doctus, And. Hart, faciesque e, antiquiores, faciesque &.³ Et modus & numerus, facieque] MS.

- 620 Ingenitum ¹, semperque novum, semperque vetustum,
Vique sua æterno peragentem secula motu.
Nam neque materiæ vis est ea, ut ² ipsa movere
Se queat æternum alterius non indiga causæ.
Quicquid enim specie motus quacunque movetur,
625 Altera protrudit vis id violentior. Atqui
Cum nequeat series esse infinita moventum,
Quæ sese pariter fugiant sine fine premantque,
Esse aliquam primam vim naturamque necesse est,
Cætera quæ motus ³ expers queat ipsa movere
630 Sponte sua, non externis obnoxia causis.
Hanc veteres, ducti rationis lumine, cæcis
Naturæ in tenebris videre, & corpore cassam
Deprehendere potestatisve, ævive, locive
Limite conclusam nullo, exclusamve, sed omnia
635 ⁴ Complexam, totamque in toto corpore mundi
Partibus & cunctis fusam, quæ viribus iisdem
Fulciat & moveat, vegetet, foveatque novetque
Quicquid in immensa est brutum aut vegetabile rerum
Congerie, quam nec vox fando, oculisque videndo,
640 Aut subtile queat complecti mentis acumen.
Sed nec magni operis moles, ⁵ & semper in orbem
Motus, & æterno manans de fonte caloris
Vis vegetabilis, & rerum ⁶ inviolabilis ordo
Ignorare sinit; nec gens tam barbara terris
645 Errat in incultis, ut non, cum sidera spectet,
Fulguraque & vasto tremefactum murmure cælum
Audiat, esse Deum credat, vim scilicet illam,
Quæ regat immensam justo moderamine molem,
⁷ Et moveat nostros per tot miracula sensus.
650 Hanc igitur tantam vim, nec rationis egentem,
Tempore nec lassam, nec fractam viribus ævi
Credere nos fas est, nec cogi viribus ullis,
Sed sponte æternos mundi convertere motus.

¹ *Ingenitum*] Pincier. &c. *ingentem*, ubi etiam & apud A. Hart hic versus præcedentem anteit.

² *Ipsa*] Ita Pincier. &c. alii autem, *ipsa manere Sic queat*. MS. *queant*.

³ *Expers queat*] MS. & Hart. *queat expers*.

⁴ *Complexam*] MS. *Amplexam*.

⁵ *Et semper*] MS. *Nec semper*.

⁶ *Inviolabilis*] MS. *invariabilis*, & ita.

MS. Gul. Geddei.

⁷ *Et moveat*] MS. Pincier. Gen. 1594,

Commel. *Ut moveat*.

GEORGII BUCHANANI SCOTI
DE SPHÆRA
LIBER III.



ACTENUS in vasto late exspatiatus
Olympo,
Axe vago, nusquam hospitio, nusquam
lare certo,
Collige, Timoleon, laxas paullisper ha-
benas;

- Ingentes campos immensique ætheris æquor
5 Circumscribe animo, & transversis mœnia mundi
Digere limitibus mecum: ¹ ut mens edita cœlo
Assuescat patriam paullatim agnoscere sedem:
Dum foliis auræ crepitant, dum molle renidens
Pratorum conspirat honos, dum dexter Apollo,
10 Et non difficiles indulgent carmina Musæ.
Sidera præcipiti ² cursu revolubilis æther
Indefessa trahit secum, noctesque diesque
Perpetuo remeans sua per vestigia gyro.
At penetrans paribus librata viscera terræ
15 Ponderibus medius stat nullo mobilis ævo
Axis, & hinc atque hinc extremis partibus orbem
Stelliferum tangens, geminis determinat ³ omnem
Cardinibus mundum immotis, quos Græcia dixit
Ingeniosa Polos: alter sublimis ad Arcton
20 Surgit, & æquoreis metuens se tingere lymphis.
Conspicuum totis ostendit noctibus ignem,
Vicinaque sibi fecit cognomen ab Urâ.
Alter in adversa mundi regione ⁴ sub undas
Conditur Oceani, nostris incognitus oris,
25 Antipodum late regnis illustris ab Austro
Qui madidis illinc advolvit nubila pennis.

Hi

¹ *Ur]* Ita legit vir doctus e MS. suo, ditio anni 1594, And. Hart, & MS. cum libri omnes ante editi ac MS. & ha-
berent. *fluxu*, alii *flexu*.

² *Cursu]* Ita Pincier. Commel. & E-
Tom. II.

³ *Omnem]* Pincier. &c. *illic*.

⁴ *Sub undas]* Pincierus, *sub undis*.

- Hi Polon Austrinum dixere, Antarticon illi,
 Quod regat inferni per ¹ marmora spumea mundi
 Nocte rates fera, Arcadicæ contrarius Ursa.
 30 Inde ter octonas a cœli vertice partes
 Defugiens cyclus cœlum secat Arcticus: illi
 Nomen ab Arctoo quod non procul axe recedat.
 Altera majori secat orbem linea gyro,
 Qua Sol æquorei propior per sidera Gancri
 f 35 Scandit, & æstivas in longum porrigit horas,
 Et lento repetens Atlantica littora flexu
 Contrahit angustas spatia brevior tenebras.
 Hanc ubi contigerit metam Phœbeius axis,
 Rursus in fumentes sensim delabitur Austros.
 40 Et quia non flammis unquam propioribus Arcton
 Aspicit, æstiva locus a statione vocatur
 Solstitium: æstivum quoque nomen sumit ab æstu.
 Circulus ² hic decies septem est a vertice mundi
 Exclusus spatiis. Medii post orbita cœli
 45 Ingenti cingitque & dividit æthera spira,
 Lanigeri pecoris justæque exordia Libræ
 Percurrens ab utroque polo par distat, utrumque
 Ex æquo spectat, noctes æqualibus horis
 Partitur cum luce, æqua cum frigore flammam
 50 Temperie jungens autumnus & vere tepenti:
 Hic hiemes nimias, nimios hic mitigat æstus,
 Per ter tricenae distans a vertice partes:
 Omnia quod spatiis rerum momenta prope æquis
³ Dividit, Ausonio Æquator cognomine dictus.
 55 Proximus a media mundi statione recedit
 Solstitii hiberni gradibus ter circulus octo:
 Brumalem nostris hunc appellamus in oris.
 Quem Sol cum tetigit gelido Ægocerotæ potitus,
 Et penitus pluvios sese dejecit in Austris,
 60 Bruma riget nobis, canis adoperta pruinis
 Terra latet, glaciæ pigra frenatur aquarum
 Impetus, & nemorum Boreas populatus honorem
 Spumiferos ⁴ volvit pelagi cum murmure fluctus,
 Et vix immensam ⁵ finit lux turbida noctem.

65 At

¹ *Marmora spumea*] MS. *spumea marmora*.

² *Hic*] Ita And. Hart: numerum rotundum 70 pro vèro 66 cum dimidio posuit: Pincier. &c. *Circulus undecies senis a*.

In auctoris autographo se legisse testatur Ad. Regius, *Circulus hic decies septem*.

³ *Dividit*] MS. *dividat*, & rectius.

⁴ *Volvit pelagi*] MS. *pelagi volvit*.

⁵ *Finit*] Commel. & 1594, *sequitur*.

- 65 At quibus aduerso domus est sub cardine cœli,
 Perpetuaque vident fulgentem nocte ¹ Canopum;
 Iis vix longa breui concedunt lumina nocti:
 Et cum Sol mediam cœli terit arduus arcem,
 Tum male pubentes defendit pampinus uvas,
 70 Tum pecori raræ præbent umbracula silvæ.
 Ultimus ² aduersum est qui circuit ambitus axem,
 Ignotumque polum atque oculis astra inuia nostris:
 Totque suo distat spatiis a cardine, quantum
 Circulus Arctous glaciali distat ab Arcto;
 75 Totque gradus fugit a brumali limite Solis,
 Carcinus ³ Arctoo quantum secedit ab orbe.
 Cingitur his cœli revolubilis area spiris
 Quinque, pari semper distantibus intervallo:
 Unde Parallelis nomen fecere Pelasgi.
 80 Præterea gemini cœlum cinxere Coluri,
 In gemino sese scindentes vertice mundi.
 Hi reliquos omnes qui signant æthera gyros
 Transcurreunt, dirimuntque in partes quattuor æquas.
 A nitidis ⁴ Phryxi vectorem dividit alter
 85 Piscibus, & surgens occulti a vertice mundi
 Per Libram ad gelidam redit, unde ⁵ occeperat, Arcton.
 Alter ab Arctoo decurrens vertice Cancrum
 Separat a Geminis, inde inclinatur ad axis
 Inferni caput, ac rursus Ægocerotæ pererrans
 90 Autumno ⁶ dirimit brumam, & caudam ad Cynosuræ
 In sese coiens perfectum circinat orbem.
 Hos, quia pars nobis semper latet abdita cæcis
 Sub mundi aduersi tenebris, dixere Coluros.
 Alter ab æquatis tenebris cum lucibus, alter
 95 Cognomen gemina Phœbi a statione recepit.
 Hos super obliquo percurrit limite cœlum,
 In latum gradibus bis senis æthera signans
 Signifer ⁷, innumera flammarum luce coruscus
 Signifer, hospitiumque Deum, moderator & anni,
 100 Dispensans spatiis labentia tempora certis.
 Hic auro gravidas Phœbus molitur habenas,

Hic

¹ Canopum] MS. & Hart. Canopon. Aulidis Phryxi.
² Aduersum est] Pincier. aduersum circumuenit ambitus. Commel. & 1594, aduersum qui circuit. ⁵ Occeperat] Pincier. Commel. & 1594, inceperat.
³ Carcinus Arctoo] Pincier. Arctoo astivus. ⁶ Autumno] Edit. prædictæ, Hæc inam dirimit.
⁴ A nitidis] Pincier. Commel. & 1594, ratis Edit. MS. Totus & innumera.
⁷ Signifer] Deest hic versus in memoratis Edit. MS. Totus & innumera.
 N n n 2

- Hic varias ponitque & sumit Delia formas,
 Hic quinque Errones, sed certis legibus errant,
 Exercentque suas cœlo ¹ gaudente choreas.
 105 Nam reliquos cœli, qui signant æthera, gyros
 Longa hominum varios solertia finxit ad ulus.
 Hi ² fugiunt aciem visus, tantumque ³ notari
 Mente queunt sola, tenues sine corpore ⁴ spiræ.
 Ipse asper gemmis & multo balteus auro
 110 Invitat spectantum oculos, & nocte serena
 Illustrat tacitum ⁵ jucundo lumine mundum.
 Neve oculos fugiat cupidos, satietve videndo,
 Dum renovat mutatque vices remeabilis anni,
 Nunc hanc, nunc illam terris dat cernere partem:
 115 Et seu bruma diem spatiis brevioribus arctet,
 Torrida seu longas æstas exporrigat horas,
 Seu ver ⁶ autumnusque æquet cum lucibus umbras,
 Signa dies condit sex, & totidem reteggit nox,
 Dimidiumque oculis pandit spectabile nostris.
 120 Hunc quoque qua longo præcingit limite mundum
 In partes veteres ter divisere quaternas,
 Cuique suum nomen tribuentes, cuique figuram,
 Cuique suos certis comprehensos finibus ignes,
 Qui fingunt variis animantium corpora formis.
 125 Primus ad Auroram circum cava tempora flexa
 Cornua contorquens Aries, cœlestia pandit
 Limina ⁷ signorum, doctorque & janitor anni,
 Aurato insignis villo de nocte serena,
 Ter sex exiguis variatus corpora stellis.
 130 Has, ubi fraternis exsurgit Delia flammis
 Æmula, ceu domina cedens veniente, recondit,
 Destituens visus, & ni vicinia claris
 Luceret stellis, etiam locus ipse lateret.
 Hunc (quia vel Phryxum avexit Phryxique sororem,
 135 Cum fugerent sævæ furias fraudemque novercæ:
 Vel quia per calidas Libyæ squalentis arenas
 Bacchus ab Eois agmen cum duceret oris,
 Jamque siti nimia nimio sub Sole labantes
 Deficerent artus, fessis ostenderet undas)

104 Jup-

¹ Gaudente] Editt. prædictæ, gaudente. do fidere.

² Hi fugiunt] And. Hart. Ut fugerent.

³ Notari] Idem, notare Mente queant.

⁴ Spiræ] Idem, spiras.

⁵ Jucundo lumine] MS. Geddei jucun-

⁶ Autumnusque] MS. Autumnusve.

⁷ Limina] Ita MS. exhibet. Pincier. in margine adscriptum habet, quod magis probò: alii libri editi fere omnes Lu-
mina.

- 140 Juppiter in cœli media regione locavit,
Qua fecat æquatrix obliquam linea Zonam,
! Quique hiemes placido gelidas a vere Colurus
Separat, in partes hanc atque hanc dividit æquas:
Proxima Sidonii fulgent illustria Tauri
- 145 Sidera: quinque Hyades per frontem & cornua sparſæ
Fata gemunt fratris, fraternaue fata gementes
Irrorant tepidis sitientes ² imbribus agros.
Laxa etiam rutilis lucent palearia flammis
Tergaque, nec genibus pedibusve illustria defunt
- 150 Sidera, nec segnis torpet sine lumine venter.
Ultima lucis egens tenues vanescit in auras
Pars, Athamanteum ³ nisi quæ pecus ante pusillis
Ignescit ⁴ facibus, cognataque sidera jungit.
Hic ⁵ Atlantiadas extremum includere Taurum
- 155 Fama canit septem, sed septima rara videri
Abſcondit mœſtos tenui caligine vultus:
Seu dolor in cauſſa eſt, & adhuc lacrymabile Trojæ
Exitium deſlet, faciemque Electra recondit:
Sive timor, magnum fugiens quod Oriona ſeſe
- 160 Defendat tenebris: ſive indignata cubile
Sifyphium lateat Merope, quod ſola ſororum
Paſſa ⁶ ſit imparibus connubia jungere tædis.
Hæ licet haud magnis illuſtrent æthera flammis,
Magnum nomen habent: quod tempora commoda ſignent
- 165 Meſſibus, & ſulcis ſemen mandare ſubactis.
Hoc igitur ſpatio procumbit poplite flexo
Taurus Agenoreus roſcum converſus ad ortum,
Ad gelidas arctos, æquantem lumina ſpiram
Noctibus effugiens: hunc Juppiter intulit aſtris,
- 170 Vecturæ ſolvens pretium, quod ab Aſide terra
Incolumem Europam Cretæas vexit ad oras.
Jam mihi Ledæos concordia pectora fratres

Suſpice

¹ Quique hiemes placido] Imprudenter poëta noſter Arietem in ſeſtione verna hic reponit: cujus prima ſtella toris 28 fere gradibus inde abeſt, & 17 gr. 25 min. in Boream declinat. *Ad. Regius.* At qui Buchananum non Poëtarum modo, ſed & Aſtronomorum quorundam ſic loquendi conſuetudo facile excuſat.

² Imbribus] Pincier. Commel. & 1594, *nubibus.*

³ Niſi quæ] MS. Niſi qua, & rectius

mea ſententia.

⁴ Ignescit] Ita potius legendum arbitror cum Pinc. Commel. & 1594, quam *Ignescunt & jungunt*, uti in omnibus aliis codicibus.

⁵ Hic Atlantiadas] Ita libri prædicti, alii omnes, & MS. *Remur Atlantiadas.*

⁶ Paſſa ſit] Pincier. Commel. & 1594, *ſuſſa ſit*, & Pincier. in margine habet *auſa.*

- Suspice perspicuis insignes corpora stellis.
 Verticibus superant spiram, qua flectit habenas
 175 Arduus Æthiopas Sol cum rapidissimus urit,
 Nulla Syenitas cum protegit umbra colonos.
 Promeruit cœlum pietas, mortisque vicissim
 Divisæ cum fratre moræ, Ditisque severi
 Alternis subeunda domus: data proxima sedes
 180 Solstitio, liquidum qua cingens linea cœlum
 Præcipitis¹ dirimit confinia veris ab æstu.
 Proximus his densos Cancer Junonius ignes
 Explicat, Herculeis ausus subrepere plantis
 Forcipe vulnifica infestus, cum scilicet heros
 185 Comprimeret flammis crescentem in vulnere Lernam.
 Hunc pede contritum Alcides occidit, in astra
 Intulit occisum implacabilis ira novercæ,
 Perque caput chelasque & duri tegmina dorsi,
 Asperfit densas non multo lumine stellas.
 190 Dein² Nemees terror Lunæque horrendus alumnus
 Aspicit adversum adversus consurgere Cancrum:
 Hunc³ etiam Herculeis non æqua laboribus inter
 Sidera nutrit Juno: Tyrinthius heros
 Exitium late pecori dominisque ferentem
 195 Immanem immanis prostravit vulnere clavæ:
 Cœlum Juno dedit cæso, magnosque per artus
 Accendit claras illustri lumine stellas.
 Pone subit pedibus Virgo subjecta Bootæ,
 Luminibus flagrat caput, & manus, & sinuosæ
 200 Collucet tunicæ, ⁴ lucet pes, lucidus alis
 Ignis inardescit, maturis lucet aristis
 Spica⁵ manus dextræ: nec promptum exponere nomen
 Virginis est: sive illa Ceres despectat ab alto
 Arva, parens legum & frugum, nataque reperta
 205 Jam placata, avidi fortunat vota coloni:
 Sive Isis longis permensa erroribus orbem,
⁶ Jam Dea sit Phariis de Graja facta juvenca:

Sive

¹ *Præcipitis*] Idem libri *Præcipiti*, Regius, Ptolemæi, Theonis, Procli male.
² *Dein*] Prædicti libri, *Tum Nemees*.
³ *Etiam*] Prædicti libri, *etenim*.
⁴ *Lucet pes, lucidus alis Ignis inardescit*] Defunt hæc in prædictis libris. In Pinc. marg. pro *tunicæ, mammae* adnotatur.
⁵ *Manus dextræ*] *Manus leve*, MS.
⁶ *Jam Dea sit*] Pincier. Gen. & Com. mel. *Nam Dea sic Phariis d. G. f. j.*

- Sive piam Liber, cum fleret fata parentis;
 Imposuit cœlo Erigonem: seu lucida sedem
 210 Vindicat ¹ hic terras fugiens Astræa nocentes,
 Postquam operum socium primum mactare juvencum
 Impia sustinuit soboles ætatis ahenæ,
 Deinde etiam versis cognata in funera dextris
 Polluit innocuam natorum sanguine terram,
 215 Æneaque in sævum mutavit secula ferrum.
² Nec procul autumnus sævus confinia signat
 Scorpio, monstrum ingens, late per cœrula cœli
³ Brachia protendens, & curvæ spicula caudæ:
 Signiferi sextam metitur corpore partem,
 220 Erigonæ propior chelarum exporrigit arcus,
 Et speciem justæ meditatur fingere libræ,
 Ut cum luce pares umbrarum examinet horas:
⁴ Ac magno tepidos propendens corpore in Austros
 Effugit æquantem noctes cum luce Colurum.
 225 Sidera pauca quidem rutilo splendore coruscant,
 Cætera lucis egent hebeti marcentia flamma:
 Juppiter astra dedit cæso decus Orione.
 Nec mihi semifero, Chiron, indictus abibis
 Corpore, nubigenum justissime Centaurorum;
 230 Saucia crura gemens Lernæi tabe veneni:
 Iratus morti instanti, nimiumque moranti,
 Crudeles Parcas crudeliaque astra vocabas.
 Non tulit e justo miseri senis ore querelas
 Juppiter: æternumque dedit pro morte petita
 235 Vivere, languidulisque ornavit corpora stellis,
 Cruraque & intentum ⁵ cum telo in Scorpion arcum:
 Jussit & autumnus marcentis claudere metam,

Cum

¹ Hic] Pincier. Commel. & 1594. hanc.

² Nec procul] Septimo Zodiaci loco Scorpionem reponit, priscos Græcos & Hyginum secutus, qui totum illud stellarum systema quod in Australi Æquatoris confinio Virginem & Sagittarium toto 60 gr. intervallo interjacet, unum sidus Scorpionis appellant. Quo respexit Maro Georg. I.

— Ipse tibi jam brachia contrahit ardens Scorpion, & cœli iusta plus parte relinquit.

Clarius autem Ovidius Met. II.

Est locus in geminis ubi brachia concavat arcus Scorpionis, & cauda flexis utrinque lacertis Porrigit in spatium signorum membra duorum.

Posteriores autem Scorpionem in duo signa tribuerunt, priorem ejus partem, quæ ad Virginem & Æquatorem chelas exporrigit, Græce ζυγος, Latine Libram appellant: posteriorem vero partem, corpus & caudam complexam, signum octavum, peculiari Scorpionis nomine indito, constituentes.

³ Brachia protendens] Ita Pincier. Gen. Commel. & Lond. 1686, MS. & alii editi, portendens.

⁴ Ac magno] MS. At magno.

⁵ Cum telo in] Pincier. Commel. & 1594. Intenum cœli prope scorpion arcum.

- Cum gelida donec faciat divortia bruma
 In Tropico linquens Sol autumnum ¹ Capricorni.
 240 Hic anni taciturna quies, sine murmure venti
 Alcione tutos præstant super æquora nidos,
 Terra gelu constricta jacet, nix candida molli
 Vellere torpentes operit cum frugibus agros:
 Donec debilibus flammis Phœbeius axis
 245 Stellatum Ægocerotæ intrans, Aquilonis ad auras
 Scandere paullatim tentet, nimiumque morantem
 Lucibus exiguis cogat concedere noctem.
 Hunc cœlo imposuit Liber, ² quod forte Typhœa
 Cum ³ fugerent, Diique in varias formidine formas
 250 Mutati se teegerent volucrumque ferarumque,
 Ipse sub hirsuti velatus tegmine capri
 Vitavit calidas hac fraude Typhoeos iras,
 In cœloque sui posuit monumenta pericli.
 Non procul inflexa lymphas effundit ab urna
 255 Phryx puer (Idæis tendentem retia silvis
 Armiger in cœlum rapuit Jovis:) ⁴ ignibus olli
 Ardet apex, ardent humeri, & cum pectore mammæ,
 Et ⁵ manus & lumbi, genuum nitet ignibus orbis,
 Stellasque pedes; qua prona inflectitur urna,
 260 Stellarum ⁶ liquidis series intermicat undis.
 Hunc inter Phryxique pecus, cœlestia pingunt
 Æquora squamigeri Pisces: Borealibus auris
 Hic propior majorque, Noto vicinior ille:
 Collucet parvis per ⁷ lucida corpora stellis.
 265 Alter ad alterius caudam se vertit, utrumque

Bis

¹ Capricorn] MS. Hart. & alii quidam libri, Capricorno.

² Quod forte Typhœa] Pincier. Commel. & 1594. monumenta Typhœa Cum fugeret.

³ Fugerent] Pincier. Genev. & Commel. fugeret.

⁴ Ignibus olli] Observat accuratissimus Regius poetam nostrum hanc stellarum Aquarii Astrothesiam ex Hygino traduxisse: cum autem ille multum diversus abeat a Ptolemæo & Astronomis, qui in capite unam tantum stellam reponunt, nullam in cubitis, nullam in pectore aut mammis, in lumbis, genibus aut pedibus nullas; existimat Regius totum hunc locum, ut aptius Astronomorum descriptioni conveniat, sic emendandum:

——— Ignibus olli
 Ardet apex, ardent humeri & manus utraque, & ulna,
 Et femur & clunes, & crura micantia flammis;
 Tum quam læva tenet vestis, suspensaque dextra
 Hydria, & illustris qua prona inflectitur urna,
 Stellarum liquidis limes intermicat undis.

⁵ Et manus & lumbi] Pincier. Commel. & 1594. Et manus & venter.

⁶ Stellarum liquidis] Prædicti libri, series internatat; alii omnes, & MS. limes intermicat.

⁷ Lucida corpora] Iidem, lævia corpora.

- Bis senis faculis splendescens linea jungit,
 Et dirimit, vcteres quem coeli dicere Nodum
 Consuevere, ¹ illic quod hiems finita reducat
 In sese volucrem volvendis mensibus annum,
 270 Nectat & extremos cum Phryxæo Ariete Pisces:
 Dignatos cœlo Pisces, quod mater amoris
 Cum fugeret sævam cum prole Typhoeos iram,
 Jamque iter Euphrates hibernis ² imbribus auctus
 Impediisset aquis, scindentes flumina pinnis
 275 Lenibus in ruta statuerunt numina ripa.
 Astra per hæc duodena regens Sol aureus axem
 Partitur celerem duodenis mensibus annum.
 Hunc medium spatiis æquis utrinque diremtum
 Linea percurrit, per quam Sol aureus axem
 280 Semper agit, nusquamque suo de limite flectens
 Hinc atque hinc senas magno de corpore partes
 Signiferi cernit, per quas errantia cursum
 Lumina permutant: propius vestigia Solis
 Sæpe premunt, præeuntve, aut æquis passibus ignes
 285 Adjungunt famulos dextra lævaque, nec audent
 Longius a domini nitidis divertere flammis.
 At Phoebe, nec Signifero contenta vagari,
 Qua patet in latum, nunc celsa excurrit in Arcton,
 Nunc humili curru ³ madidos deflectit in Austros
 290 Explorans vigili terrarum devia flamma.
 Dumque redit, mediam transverso tramite spiram
 Percurrens sæpe obscura ferrugine vultum
 Ipsa tegit, sæpe obscura ferrugine fratrem
 Induit, & subitis mortalia corda tenebris
 295 Terrificat: ⁴ Graji hinc fecere Ecliptica nomen,
 Sidera quod spira hac Titania semper in una
 Deficiant, trepidisque hegent sua lumina terris.
 Est etiam occulti dirimens confinia cœli
 Circulus a nostri qui semper tangitur orbis
 300 Margine, Finitor vero cognomine dictus:
 Nam quodcunque supra est tellurem visile cœli
 Finit ab inferna seclusum parte, Polumque
 Dividit in geminas æquali mole cavernas.
 Harum sub terris semper latet altera, semper
 305 Altera conspicua est; partes hic limes in omnes

Serpit

¹ Illic quod] MS. Illinc quod h. f. re- fluitibus.
 ducit.

² Imbribus] Pincier. Commel. & 1594.

Tom. II.

³ Carru] Ibidem libri, cursu.

⁴ Graji hinc] MS. Graji hinc.

- Serpit humi, terræ extremis & ¹ stringitur oris.
 Nec tamen immota sese statione coercet,
 Terrarum cœlique affixus partibus iisdem:
 Nec pariter mundo circumvolvente recurrit
 310 Semper ad occasum, roseo fugitivus ab ortu,
 Ceu reliquæ nitidum quæ ² cingunt æthera spiræ:
 Sed nunc Parrhasiam sensim se fleçit ad Arcton,
 Nunc pluvios Austros, modo sese inclinat ad Eurum,
 Et Zephyros fugit, aut sequitur vestigia Phœbi,
 315 Et vespertinas Atlantis radit arenas;
 Et quocunque moves gressum, tecum illa movetur,
 Et fugit, & sequitur, cœlum terrasque ³ recondens
 Ante, retro condens, & quantum subtrahit una
 Parte, alia reddit, cunctasque volatilis oras
 320 Permutat, semperque novus semperque vetustus.
 Finitor visus visu finitur, & omnem
 Separat in geminas partes æqualiter orbem:
 Si neque prospectum montes vallesque profundæ
 Impediant, sed camporum se libera planis
 325 Lumina diffundant spatiis, & cuspide visus
 Undique porrectum feriant nullo obice cœlum.
 Hanc igitur quoties metam se sidera supra
 Tollere cernuntur, stellarum credimus ortum;
 Cum subeunt, oculos & præcipitata relinquunt,
 330 Occasum appellamus: & hoc se limite claudit
 Lux intempestas fugiensque sequensque tenebras.
 Et quamquam numero non est comprehendere certo
 Tot Finitores, quod cœli terminus idem
 Omnibus in populis non sit, nec limes eisdem
 335 Idem permaneat, minimo quoties momento
 Mutavere locum: tamen omnes cogere visum est
 Sub geminas formas: nam luces noctibus æquans
 Circulus incumbens quibus est a vertice summo
 Ad perpendiculum, partes is findit in æquas
 340 Sic Finitorem, ut, qua jungit sectio partes,
 Dimensis spatiis sic angulus exeat æquus,
 Quattuor ⁴ ut cœlum in partes discriminet æquas:
 Unde fit ut rectus recte dicatur Horizon.

Hic

¹ Stringitur] Pinçier. Commel. & 1594.
 stringitur.

² Cingunt] Ita Pinc. Commel. &
 1594; alii & MS. pinguunt. Mihi vero
 singunt magis placet. vid. p. seq. vs. 358.

³ Recondens Ante] Ita legendum arbitror,
 sublata distinctione, quam libri omnes
 post recondens hic adhibent.

⁴ Quattuor ut] Deest hic versus in
 Pinc. Commel. & 1594.

- ¹ Hic orbis quibus est situs, una nocte dieque
 345 Conspiciunt totum se circumvolvere cœlum,
 Et geminus mundi vertex declivis utrinque
 Radit Horizontem, geminoque in vertice stellæ
 Perspicue surgunt iis omni nocte caduntque,
 Et tarda in vetitum demergunt lumina pontum.
 350 At vero quando æquantis prope tegmina cycli
 Illinc obtusus, hinc angulus exit acutus,
 Finitor sese obliquat: Polus alter in undis
 Conditur Antipodum regnis illustris, ² & alter
 Ducit ³ inoccidua puppes per cœrula flamma,
 355 Et dirimit cœlum ac terras obliquus Horizon,
 Nec totum nobis facit ⁴ unquam visile cœlum.
 Hos Finitores, sed partes semper in æquas,
 Innumeræ dirimunt ⁵ cingentes æthera spiræ,
 Perque Polos ductæ, sic undique ut exeat ⁶ æquus.
 360 Angulus: at nomen, multis licet, omnibus unum.
 A medio posuere die: sermone vocatur
 Quippe *μεσημεριὸς* Grajo sub culmine cœli
 Linea quæ Phœbi medium discriminat orbem,
 Perque caput nostrum gelidam hinc decurrit ad Arcton,
 365 Inde Polum inferni lucentem in culmine mundi,
 Quum medius rerum minimas Sol efficit umbras.
 Hanc quoque sub terris volucris cum Delius axe
 Attigit, offusum chaos illætabile noctis
 Involvit nobis hominumque boumque labores,
 370 Et simul occasu, simul æquis Phœbus ab ortu
 Exclusus spatiis media illic luce refulget,
 Et nostro adversum radiis illuminat orbem.
 Quum nobis contra nox intempesta silentes
 Sternit aquas pelagi, ponunt sua murmura venti,
 375 Perque nemus volucres, pecudesque feræque per herbas,
 Perque maris magni scopulosa cubilia cete
 Accipiunt mollem per languida membra soporem.
 Is quibus est semper terris aut urbibus idem
 Circulus, ex æquo semper dirimuntur ab ortu

380 Oc-

¹ Hic orbis quibus est situs] Ita Pincier. *cidua* exhibet, quod viri docti sententiam
 Genev. Commel. & Hart. MS. vero & confirmat.
 alii editi, *Hic quibus est orbis situs.*
² Et Alter] MS. *At alter.*
³ Ducit inoccidua] Ita legendum, mo-
 nente viro docto, non divisim, in occi-
 dua, prout in omnibus Edit. MS. *Inoc-*

⁴ Unquam] MS. *usquam.*

⁵ Cingentes] MS. *scindentes.*

⁶ Æquus] Pincier. Commel. & 1594,
idem.

- 380 Occasusque, unoque iis Sol pariter momento
 Arduus e medio fulgentis culmine cœli
¹ Indicit requiem, ² & sextam denuntiat horam.
³ Ne te præteream, veterum celeberrima vatū
 Lactea carminibus via, lato limite cœlum
- 385 Quæ decoras dirimisque, & sera nocte ⁴ refulges,
 Incurrisque oculis, toti & spectabilis orbi
 Luce nites grata, quoties ⁵ innubilis ær
 Mittit inoffensos cœli ad palatia visus.
 Et quia conspicuo facilis candore notari es,
- 390 Lactea nomen habes: vel quod (nisi fabula priscis
 Vatis imposuit) de magnæ lacteus humor
 Ubere Junonis fusus transversa per astra
 Cæruleum infecit candenti limite cœlum.
 Sunt quibus ad superos, & magni tecta tonantis
- 395 Hac iter esse placet: sunt qui jam corpore functis
 Manibus hîc sedem credant restare beatis,
 Curarum expertes ubi, securique laborum
 Perpetuum degant ceu Dii feliciter ævum.
 Nec desunt Phaëthontææ vestigia flammæ
- 400 Qui credant retinere Polum, cum devius axis
 Phœbeus rectore novo prope mœnia mundi
 Diruit, ætherios flamma populante penates:
 Nec qui, principio rerum cum fingeret auctor
 Partibus e variis orbem coëunte caverna
- 405 Hinc atque hinc, cœli summis in partibus oras
 Commisissas, tenuisse notas, ut scilicet orbis
 Hac velut extrema maneat compage cicatrix.
 At quibus occultas rerum perquirere causas
 Cura fuit, multas magno sine lumine stellas
- 410 Exiguas ⁶ credunt collata luce nitorem
 Gignere, sed qualem vel sera crepuscula reddunt,
 Vel cum venturo pallescunt sidera Phœbo.
 Hos inter quicquid spatii concluditur orbes,
 In quinas secuit veterum solertia Zonas:

415 Qua-

¹ Indicit] MS. Geddei Inducit.² Et sextam] Diei scil. artificialis, sive meridiem. Alludit ad earum regionum consuetudinem, in quibus æstivis Solis ardoribus homines domi se continere ac quieti dare consueverunt. Imitatur autem illud Manilii lib. I. v. 632.—— Medium præcidit Olympum,
 Discernitque diem, sextamque examinat horam.³ Ne te præteream] MS. Ad. Regii, Nec te præteream: quod & magis probandum videtur.⁴ Refulges] Ita MS. & vetustiores editi: Hart. vero & recentiores omnes, refulgens.⁵ Innubilis] And. Hart, immubilis, Pincier. &c. penetrabilis.⁶ Exiguas] Pincier. &c. Exiguum.

- 415 Quarum quæ medium ¹ præcingit maxima cœlum,
Hinc spira æquorei Cancrî finitur, & illinc
Clauditur humentes Capricorni limite ad Austros,
Orbita qua rapidis ² teritur Phœbea quadrigis.
His quia carceribus semper Titani axis
420 Flectitur, & radiis subjectam torret acutis
Tellurem, antiqui Zonam dixere perustam.
At quod complexu spatium brevior coërcet,
Hinc qui Mænaliæ circumfluit ambitus Urfam,
Illinc adversi amplexus fastigia cœli
425 Conspicius tantum infernis Antarcticis oris,
Horrentes dixere plagas, & frigore pigro
Torpentes, hebes obliqua quod cuspide Titan
³ Vix tenebras densas vincat splendore maligno,
Et cæca obductum lateat caligine cœlum.
430 Has inter medianque duæ late æthera laxis
Amplexæ pandunt spatiis, moderamine leni
Frigore ⁴ quod flammæ hebetent, & frigora flammis.
His quoque suppositæ secuerunt æquora terræ
In Zonas totidem veteres, nam circulus Urfas
435 Qui tenet amplexu, terras despectat inertes,
Frigore damnatas, tenebris tetraque sepultas
Nocte, diem cum Sol post tempora longa reduxit,
Obliquos avertit equos, humilisque per oras
Circuit extremas declivis mœnia mundi,
440 Porrigit & longam exiguis de collibus umbram.
Ergo pigra jacet sine fruge, sine arbore tellus,
Aut nivibus canis horrens, aut frigore torpens,
Obruta vel tetra caligine, rara ferarum,
Nulla per incultas hominum vestigia terras
445 Ostendit ⁵: gelidis Boreas effusus ab antris
Sævit, & horriferis flabris sua regna flagellat,
Iratique maris lento torpore ligatas
Sternit aquas, stringitque gelu Neptunia regna,
Marmoreum fundens per languida stagna rigorem.
450 Par habitus cœli atque soli sub cardine mundi
Adverso, & similis concreti ignavia ponti.
Proxima post gelidas duplex plaga tenditur oras,
Sed quas culturæ patientes mitior aër

Efficat,

¹ Præcingit] MS. præcinxit. illustret splendore maligno.
² Teritur] Pincier. Commel. & 1594. ⁴ Quod flammæ] Melius forte qua.
fertur. ⁵ Ostendit] Pincier. Commel. Edit.
³ Vix tenebras] MS. Aëra vix densum 1594 & MS. Occurrunt.
O o o 3

- Efficit, hinc flammis glaciem solventibus, illinc
 455 Frigoribus rapidum flammæ moderantibus æstum.
 Altera finitima est arvis, quæ Parrhæsis Arctos
 Despicit, ad calidam a Thule porrecta Syenen:
 Felix terra virûm ingeniis & robore, felix
 Frugibus & fœtu pecorum, quæ postulat usus
 460 Naturæ, quæ luxuries profundere gaudet;
 Quicquid deliciis peperit corruptior ætas
 Sufficit e gremio tellus fœcunda benigno.
 At plaga ad algentem trans Ægocerotha Canopora
 Par cœlo, non æqua solo, prope tota refuso
 465 Mergitur Oceano; late regna humida Nerei
 Exercent canos vasto cum murmure flûctus.
 Si qua patet magno tellus ¹ exserta profundo,
 Barbaries inculta tenet, non legibus urbes
 Divitibus tenues æquant, non pœna coërcet
 470 Carceribus fontes, nec sunt sua præmia laudi:
 Sed fera sævities alterno sanguine gaudens,
 Nec contenta odium fuso ² satiare cruore,
 Ni laniet mandatque artus, dapibusque nefandis
 Exuat humanos polluto gutture mores:
 475 Quale nec informes ursi, nec Parthica Tigris,
 Nec leo Marmaricis patrat vastator in oris,
 Cædibus aut nullis rabies expleta luporum.
 At Tropiæos inter magnæ pars maxima terræ,
 Sub media porrecta diæ, pulsatur anhelis
 480 Solis equis: illic semper nox æqua diæ
 Dividit æquales tenebrarum & luminis horas.
 Ergo quibus causas rerum quæsisse latentes
 Cura fuit, studioque acri perfringere claustra
 Abditæ naturæ, & venturis prodere seclis,
 485 Illic exustas flagranti sidere terras
 Crediderant nullo sua viscera solvere fœtu,
 Sed sterili squalere situ, Phœbumque propinquum
 Ignibus epotos in cœlum haurire vapores:
 Hinc fore nec siccis ut sese attollat arenis
 490 Herba, nemus nullas ramorum exporrigat umbras,
 Vixque ferant rapidum sitientes dipsades æstum.
 At melior cæcas naturæ expendere causas
 Libra Posidonii, medio sub limite cœli
 Qui ver perpetuum & nulla violabile bruma
 495 Esse putat, viridesque æterno gramine campos.

Nam

¹ Exserta] MS. exorta.² Satiare] MS. saturare.

- Nam si sub Tropico ferventi fusca Syene,
 Atque ultra fuscā tellus porrecta Syenen
 Æthiopum colitur populis, moderatior oræ
 Interioris ager gignet pecudesque virosque,
 500 Quæque virū præsens pecudumque expostulat usus.
 Quippe Syenitas calidi sub sidere Cancrī
 Quod feriat recta radiorum ¹ cuspide torrens
 Illic Sol propius, lentasque retinet habenas,
 Acrius infestat cuncta & violentius urit.
 505 At medio subjecta Polo moderatior arva
 Sol coquit, & quanquam radiis sublimis acutis
 Figat humum, ² nullaque arbor se protegat umbra:
 At rapidus lapsu celeri sic transvolat axis,
 Ut terra afflatu nocturni frigoris algens
 510 Concipiat modicos properantis sideris æstus,
 Namque ibi perpetuo cum sit nox æqua diei,
 Absentemque diem non longa crepuscula ³ tendant,
 Quo magis est tenuis, citius vim frigoris aër
 Induit, & densæ subiens penetralia terræ
 515 Visceribus cæcis, Stygiaque in sede sepultum
 Evocat ignavum supera ad convexa rigorem.
 Quid? quod ubi minimas hic Phœbus contrahit umbras,
 Nudaque maturis æstas flavescit aristas,
 Tum Scythicus radiis Taurus propioribus ictus
 520 Squalentes tumulos oblectaque culmina longis
 Frigoribus cœlo ostendit, canæque propinquo
 Tabescunt a Sole nives, glacieque soluta
 In mare spumiferos præceps rapit impetus amnes.
 Tum nebulam tenuem, & sicci spiracula fumi
 525 Halat humus: tum Riphæis erumpit ab antris
 Sudificus Boreas, rupesque & saxa flagellans
 Nubibus aërias nudat squalentibus Alpes,
 Et Taurum, & mediis insertum Caucasum astris:
 Nigrantemque hiemem, & piceæ caliginis agmen
 530 In medium cogit cœlum stridentibus alis,
 Æthiopumque solo sitientes irrigat herbas,
 Temperat & nimios fœcundis imbribus æstus.
 Inde ruens præceps altis de montibus unda
 Torrentes impellit aquas, pecudesque ferasque
 535 Villarum cum strage trahit, perque arva refusi

Mille

¹ Cuspide torrens] MS. cuspide terras.³ Tendant] Ita And. Hart, alii omnes;² Nullaque arbor] Pincier. Commel. condant.

& 1594, ut vix ulla.

- Mille vias pandunt vasto cum murmure rivi.
 Quos ubi cœruleum Nilus collegit in alveum
 Riparum impatiens, late per plana jacentis
 Ægypti diffundit aquas, genaliaque arva
 540 Fœcundat Libyci felici uligine limi.
 Quoque magis rapido cœlum candescit ab æstu,
 Hoc magis obscuris vestit se nubibus ær:
 Quo magis obliquam feriunt Phœbea Syenen
 Tela, minus densa cœlum nigrescit ab umbra.
 545 Nec minus adversa mundi regione remotum
 Cum Sol Ægocerota tenet, contraria regna
 Æthiopum pluvii flabris ¹ ulescere ab Austri
 Credibile est, & flamina Etesia & annua cogi
 Nubila, quæ nimios compescant imbris ætius,
 550 Qua Zona occultum se torrida flectit ad axem.
 Quamlibet hæc firmis astrinxerit argumentis
 Dia Posidonii mens, vis rationis & auctor
 Vix paucis fecere fidem, Calaica donec
 Classis, iter quærens nitidis ad littora gemmis
 555 Fœcunda, & fuscis radiis propioribus Indos,
 Deprendit secreta orbis, tenebrisque sepulta
 Eruit, innumeris & rura habitata colonis
 Vidit, qua medium Phœbi terit orbita cœlum,
 Percutit & recta subjectas cuspide terras,
 560 Taprobanen findens ² ditem, Brasiliaque arva,
 Arva voluptati teneræ blandisque dicata
 Deliciis, cornu quæ copia larga benigno
 Et veris genialis honos fovet: aurea duræ
 Mala ferunt silvæ, ³ ridet vestita colores
 565 Terra novos, odor Ambrosius de suavis halat
 Floribus, & blandis volucrum strepit aura querelis.

¹ Ulescere] Pinc. Commel. & 1594. *diam.*
humescere.

² Ditem] Idem libri, & MS. *me-*

³ Ridet] Idem libri, & MS. *reddit.*

GEORGII BUCHANANI SCOTI

DE SPHÆRA

LIBER IV.



UNC mihi stellarumque ortus obitusque
canenti
Sis facilis, causas penitus dum promo
latentes,
Cur lenta Oceanum¹ linquant hæc, illa
repente

Signa per obliquum properent ascendere cælum:

- 5 Cur iterum falsas subeant hæc ocyus undas,
Illa trahant tardos lento molimine gressus:
Cur ubi Sol mediam cœli conscendit in arcem,
Longior hic, alibi contractior exeat umbra:
Cur² Thebæa suas consumat Pyramis umbras:
10 Cur hic æqua dies semper cum nocte recurrat,
Una dies & nox una illic finiat annum.

- Qualiter e gremio magnæ telluris in oras
Luminis herba recens tenerum cum tollit acumen,
Et, cœlo sese ostendit, tum dicimus³ ortam:
15 Aut quibus indulsit melior natura moventem
Membra animam, lucem cum primum hausere, parentis
Mox egressa alvo, nata atque exorta putamus:
At cum fracta malis aut fessa senilibus annis

In

¹ *Linguant*] Pincier. Commel. & E-
ditio anni 1594, *fugiant*.

² *Thebæa*] Pincier. Gen. Commel. &
Wetsten. *Phæbea*, male: *Thebæa* enim in
Buchanani autographo scriptum se vi-
disse testatur Ad. Regius. Pyramis au-
tem *Thebæa* dicta est a *Thebis* nobilissima
urbe Ægypti, a Busrice Rege ejus no-
minis secundo ad Nili ripam condita,
quam Heliopolim Diodorus Siculus,
Strabo Diospolim, Ptolemæus Diospo-
lim magnam appellavere, sub latitudine
25 gr. 30 min. positam, maximæ ampli-
tudinis, summaque Regum munificencia

deinceps cultam, & illustribus operum
monumentis certatim ornata. Inter
cætera obelisci fuere ex alabastrite lapi-
de pyramidalis forma, primum a Busiri
(ut tradit Diodorus) aut Mitre (ut Pli-
nius) tum Sochi & Ramæ, magno nu-
mero & immensa mole constructi: quo-
rum umbras sub solstitio æstivo in ea la-
titudine *in suo se statu consumentes* (ut in-
quit Cassiodorus) ultra constructionis
spatia nulla parte respici oportuit. Re-
gius.

³ *Ortam*] Pincier. Commel. 1594,
& MS. *ortum*.

- In gremium terræ ¹ recidunt, seseque resolvunt,
 20 Effugiuntque oculos, occasum obitumque vocamus.
 Hæc ad sidereos motus sermonis egestas
 Transtulit aptavitque vocabula, scilicet ortum
 Sideris appellans, quoties emerfit ab ima
 Parte poli, nostrisque oculis impervia liquit
 25 Regna, & ab infernis ascendens manibus, oras
 Limitis evicit qui nostrum terminat orbem.
 Rursus ubi repetens inferni devia mundi
 Transít Horizontem, & nostris subtracta recondit
 Sese stella oculis, obitum dixere priores:
 30 Ceu pereant falsis Neptuni immersa lacunis,
 Quæ fugiunt nostros abeuntia lumina visus.
 [Aut ² ubi mane novo redeunt pontoque videntur
 Exsertare faces, subito ceu nata ³ decore
⁴ Cum retegunt vultus, stellarum hunc dicimus ortum.]
 35 Nec tamen occasus simplex est nomen & ortus,
 Nec modus & ratio: nam cum velocior ignis
 Assëquitur Solem, & radiorum luce corusca
 Obsessus latet, & languentia lumina condit,
 Hunc ⁵ primis vigil excubiis de nocte requirens,
 40 Occasum vocat has vicino Sole latebras.
 Inde ubi jam Phœbo se profert mane relicto
 Stella iterum, & paulum Solis velocior axem
 Prævenit emergens, ortum dixere Poëtæ:
 Heliacum vulgus nomen fecere, quod ortum
 45 Hunc atque occasum faciat vicinia Solis.
 Quin etiam quoties cœli per cœrula templa
 Stella pari cursu jungit sua lumina Soli,
 Una oriens, pariter sera se nocte recondens:
 Cosmicon hunc ortum Graji dixere, Latini
 50 Matutinum: obitus, primo cum ⁶ vespertis ortu
 Cum stella occiduo se condit in æquore, Grajis
 Acronychos, Latio sed vespertinus habetur.
 At quæ Sole novo subito exoriente recedunt

Ultima

¹ Recidunt] MS. redeunt.² Aut ubi] Hi tres versus in solis E-
ditt. Pinc. Commel. & anni 1594, ha-
bentur. Et eosdem, quanquam in Poë-
tæ autographo deletos, retinere tamen
Regio placuit, ut (inquit) unde analogia
illa ortus & occasus siderum deducta sit, etiam-
num facilis intelligeretur. Quasi cum ex Theo-
phanus & Chryssippi fabulis sidera subinde vereoriri ac interire antiquitus vulgo crederentur,
vocabula deinceps in eorum motibus sine usur-
pata.³ Decore] MS. decoros.⁴ Cum retegunt] MS. Tum retegant vul-
tus, renoventque orientia flammæ.⁵ Primis] Pinc. Commel. & 1594. primus.⁶ Vespertis] Pinc. Gen. Commel. Hart.
vesperus.

- Ultima de cœli statione, & lumina Ibero
 55 Æquore demergunt, & rursus nocte resurgunt,
 Eoque faces ostendunt margine cœli,
 Quum Sol Hesperias præceps descendit in undas,
 1 Cosmicum eum lapsum dicunt, atque acronychum ortum;
 Vespertinum ortum, matutinumque receptum
 60 Ausonii dixere senes, quique arva colentes
 Spectabant cœli faciem, quique æquora velis
 Permensi, & ducibus per spumea cæcula stellis
 Junxerunt varias vaga per commercia gentes,
 Et qui per memores signarunt secula fastos.
 65 Nec tamen astringero fulgentia sidera cœlo
 Omnibus in terris uno se tempore condunt,
 Aut retegunt, cunctis neque sese æqualiter oris
 Ostendunt spatio æquali: sed quas super urbes
 Evolat Æquator lucas cum noctibus æquans,
 70 Sidera cuncta illis 2 paribus surguntque caduntque
 Momentis, paribus lucent paribusque teguntur
 Condita 3 sub terras, vel condita lumine Solis.
 Nec quicquam in latis flammæ 4 est ætheris oris,
 Quod non sese illisvolvendo 5 præbeat anno.
 75 At quibus a terra sese altius exserit Arctos,
 Pervigiles totis hi cernunt noctibus ignes,
 Qui sibi commissâ nunquam e statione recedunt.
 Quoque magis fugit a flabris Aquilonis acutis
 Stella oriens, vigiles ostendit tardius ignes,
 80 Et tanto subit Hesperias maturius undas.
 Sed quibus infernis lucens Antarcticus oris
 Luminibus vertex præcingitur, omnia nobis
 Nox tegit, æternisque latent obfessa tenebris.
 Nec minus & nobis tota lucentia nocte
 85 Astra latent illos, aut scra ex æquore surgunt,
 Et 6 vix visa iterum ponto sua lumina condunt.
 At quibus Assyria scrutari sidera cura
 Propositum, variasque vices deprendere fati,
 Non obitum stellæ unius speculantur & ortum,
 90 Sed signorum ortus numerant a limite cycli

Fini-

1 Cosmicum eum] MS. Cosmicus iis obitus est, acronychusque recursus.

2 Paribus] Pincier. Commel. & 1594. semper surguntque.

3 Sub terras] MS. sub terris.

4 Est] Pincier. Commel. & 1594. acronychus.

5 Præbeat]. And. Harr, prodeat.

6 Et vix] Pinc. Commel. Edit. 1594, & MS. Aut vix.

- Finitoris, ubi inferni liquere recessus
 Orbis, & Eoi surgentes margine cœli
 Invisunt nostras alterno lumine terras.
 Iidem obitum dicunt, quoties se sidus Iberum
 95 In mare præcipitat, mundique extrema latentis
 Claustra subit, seu mane novo, seu vespere sero,
 - Seu medio flagrante die, seu nocte sopora,
 Cum pigra implacidas mulcent oblivia ¹ curas.
 Ergo ter octonas bis sex cum signa per horas
 100 Collustrent terras, non æquis singula surgunt
 Momentis, æquisve cadunt, sed tardius illa,
 Hæc spatio brevioris suas ex æquore flammæ
 Attollunt, quamvis signis mensura sit una
 Omnibus, & partes æque dirimantur in æquas.
 105 Hos varios signorum obitus Chaldæus in orbe
 Astrolabo cernens, docuit ratione sagaci
 Mensura incertos certa deprendere motus.
 Nam cum ter quinas partes Æquator in horas
 Perpetuo attollat, totidemque sub æquoris undis
 110 Deprimat, hunc statuit signis discordibus ortus
 Esse modum, & iusto metiri examine, quanto
 Tardius hæc illis spatio ² emergantque cadantque,
 Et velut apposita motus deprendere norma.
 Nam cum signa trahunt ³ ponto surgentia secum
 115 Ex ⁴ æquante cyclo iusta plus parte, vocarunt
 Rectum ortum: at plures quoties ex æquore partes
 Signiferi emergunt, quam spiræ æqualiter orbem
 Quæ secat, ex æquoque a cardine distat utroque,
 Hunc rite obliquum signorum dixeris ortum.

¹ Curas] Pincier. Commel. & 1594 *ter-*
ras.

² Emergantque cadantque] MS. *emergunt-*
que caduntque.

³ Ponto surgentia secum] MS. *secum sur-*
gentia ponto.

⁴ Ex æquante cyclo] Pincier. Commel.
 & 1594, *Æquantis cycli.*

SUPPLEMENTUM

Libri Quarti Sphære GEORGII BUCHANANI,

Auctore JOANNE PINCIERO *Medico.*

- SIGNUM autem recto surgens quod ab æquoris undis
 Tramite conscendit loca, qua licet, ardua cœli,
 Tarde oritur, lentoque gradu, spatiumque requirit
 Temporis hoc majus, quo rectius exit ab undis.
 5 Inflexum contra quod iter molitur, & orbem
 Lumina sistentem molli curvamine linquens.
 Nititur obliqui clivum conscendere cœli,
 Deproperat cursum & velocibus utitur alis:
 Quoque via magis inflexa contendit in altum,
 10 Hoc spatio exoritur signum emergitque minori.
 Par ratio occasus. Nam cum labentia signa
 Plus ex orbe trahunt qui luces noctibus æquat,
 Quam proprio e circo, rectus perhibebitur ille
 Occasus: sed Zodiaci cum mergitur arcus
 15 Major, & æquantis cycli minor occidit, illum
 Obliqui occasus voce insignire licebit.
 Signum autem recto sese quod in æquora lapsu
 Præcipitat, vastis metuens immergier undis,
 Occasum tardat: quoque est sublimior ille
 20 In cœlo locus unde cadit, magis hoc quoque crescit
 Ille metus, majore mora & subit æquora signum.
 Quod vero obliquo loca per declivia flexu
 Tendit in Oceanum, trepidat formidine nulla,
 Et tanquam fractum leni curvamine lapsum
 25 Sentiat, occasum properat: quo obliquior autem
 Ille, sub Hesperias signum hoc cadit ocyus undas.
 Hæc tamen iis aliter, queis Sphæra est recta, quibusque
 Per caput atque pedes æquatrix linea currit,
 Et geminus vertex in Finitore quiescit,
 30 Eveniunt: aliter queis primi cingulus orbis
 Hac caput, atque pedes illac declinat, ubi alter
 Exstat Horizontem supra Polus, alter in ima
 Mundi parte latet tantum spectabilis illis
 Qui nostris adversa premunt vestigia plantis.
 35 Namque globi in recto positu, si sectio fiat

- Æquantis spiræ, & vicini Signiferi æquas
 Quattuor in partes; quarum par umbra diei
 Incipiat binas in Libræ atque Arietis ortu:
 Et totidem auratas ubi Phœbus flectit habenas
 40 Cornutus Caper & metuendus forfice Cancer:
 Quadrans Zodiaci tunc cum quadrante diebus
 Æquantis noctes, qui limite clausus eodem,
 Temporis æquali spatio surgitque caditque.
 Nec tamen hinc sequitur, quadrantum partibus æquis
 45 Competere, ut parili spatio surgantque cadantque.
 Nam qui principio properantius æthera scandit,
 Præcipiti aut lapsu Mauro se littore condit,
 In fine is peragit lento molimine gressum.
 Ast cujus partes primæ cunctanter in altum
 50 Emergunt, aut Hesperii se fluctibus abdunt,
 Postremæ accelerant cursum & velocius urgent.
 Quadrantes igitur bini, queis limina Libræ
 Atque Athamantei pecoris primordia donant,
 Et si principio plures ex æquore partes
 55 Signiferi educant, quam spiræ æqualiter orbem
 Quæ secat, ex æquoque a cardine distat utroque,
 Attamen æquali tollunt se tempore & abdunt.
 In reliquis quos Ægoceros, quos Carcinus ardens
 Incipiunt, equidem anticipans Æquator eundo
 60 Signiferum circum superat, par sit tamen ille
 Currenti, parilique mora clarum æthera scandunt,
 Et parili occiduis merguntur tempore in undis.
 Non secus ac bini, quibus est par robur eundi,
 Parque pari spatio quam debent tangere meta,
 65 Qui prior excurrit pedibus pernicipibus, idem
 Prævertit comitem, sed tandem fessus eundo
 Deficit, & tardo mutat molimine cursum:
 Par iter ingrediens festinat lentius alter,
 Sed propiora ferens positæ vestigia metæ
 70 Accelerat pedibus, comitem premit, urget & instat,
 Affequiturque simulque scopum hic pede tangit & ille,
 Hic vero observa & memori tibi mente reconde
 Segmina Zodiaci paria, & distantia utrinque
 Æquo intervallo, vel primo a stigmate Libræ,
 75 Vel pecoris per aquas quod Phryxum vexit & Hellen,
 Vel Cancræ æstivi, vel brumalis Capricorni,
 Surgere¹ mominibus paribus, paribusque recondi.

Ergo

[¹ Mominibus] Ita Pincier. Hart. uterque Elzev. at Wersten. Lond. Edimb.
 1677, &c. *nominibus*; male.

- Ergo se adversis radiis ferientia signa
 Experiantur idem. Nec Tauro rectior exit
- 85 Scorpius, aut Aries donat sua tempora Libræ,
 Aut Astræa jubet lentos descendere Pisces:
 Par Geminis Chiron, & idem quod Carcinus ardens
 Humidus Ægoceros, nec plus Leo tollitur Urna.
 Tertio enim duo si possunt componier uni
- 85 Una etiam illorum est, & par mensura duorum.
 Atqui aliud signum semper licet addere binis
 Oppositis, cum quo pariter sic distet utrumque
 Quattuor a punctorum aliquo, quæ diximus ante.
 Sic Aries & iusta Bilanx cum Virginis astro
- 90 Conferri possunt. Nam primo a stigmate Canceri
 Dux ovium, Virgoque pudens æqualiter absunt.
 Virgo eadem, & recto pendens examine Libra,
 Libræ principium pariter fugiuntque premuntque.
 Ergo quod Astrææ par Libra Ariesque, necesse est
- 95 Esse pares etiam Libramque oviumque maritum.
 Id reliquis, quæ se radiis & lumine spectant
 Adversis, quadrat par demonstratio signis.
 Sin Æquatorem non rectus findat Horizon
 In Sphæræ obliquo positu, dirimatur in arcus
- 100 Æquales geminos qui luces noctibus æquat
 Circulus, & bis sex signorum argenteus ordo:
 Nempe ubi se medios communi vulnere scindunt,
 Qua dux lanigeri pecoris cava cornua flectit,
 Et qua Libra suas demittit pendula lances:
- 105 Signifer hic medius mediisque Æquator eodem
 Temporis ascendunt spatio, labuntur eodem.
 Attamen hos ipsos si in partes ruperis æquas,
 Intentisque oculis, quo tempore quælibet harum
 Ascendatve cadatve notes, nunc ocyus hujus
- 110 Tollere se partem, rursusque sub æquore mergi,
 Nunc partem illius veraci lumine cernes.
 Namque arcus illi, quos Phryxi vector & Helles
 Orditur, qui virgineo clauduntur ab astro,
 Ætheris alta petunt tali certamine, cujus
- 115 Principio Oceanum citius Phœbi orbita linquat,
 Tardius Æquator, sed cum jam extrema propinquant,
 Signifero cunctante, volat properantius Æquans.
 Contra arcus, quorum nutans examine iusto

Libra

[Nec Tauro] Hos quinque versus e Lucani lib. IX. v. 533. & seqq. mutuos
 cepit Pincierns.

- Libra caput, quorum Pisces extrema tuentur,
 120 Sic surgunt, ut principio velocius Æquans
 Linquat Horizontem, quam Signifer orbis, Eoum:
 Paullatim mediaque via laxatur eunti
 Signifero frenum, comiti stringuntur habenæ.
 Signum hic Phryxæi quo distat ab Arietis ortu
 125 Parte ab utraque minus, fugit hoc obliquius undas,
 Et nitidi citius superat fastigia cœli:
 Quo vero ad justæ quodvis exordia Libræ
 Accedit propius, minus hoc se obliquat ab Indo
 Littore progrediens, & serius æthera vincit.
 130 Ergo via surgunt flexa Caper, Hydria, Pisces,
 Dux ovium, Taurusque minax, geminique puelli.
 Ast Cancer, Nemeesque pavor, Virgoque malignæ
 Desertrix terræ, speciesque bilancis, & acer
 Scorpio, Centaurusque truci spectabilis arcu,
 135 Conscedunt recto cœlum sublime meatu.
 At vero recto scandentia limite cœlum
 Signa petunt udas molli curvamine lymphas:
 Quæque per obliquos Eoo cardine flexus
 Emergunt, recto rapiuntur in æquora casu.
 140 Hinc signa adversos in se vertentia vultus,
 Non velut in recta pariter sua lumina Sphæra
 Promere in hoc positu, pariterque recondere constat.
 Hic quanto signum spatio conscedit Olympum,
 Tanto illi oppositum spatio descendit Olympo:
 145 Quaque mora signum subit udæ Tethyos undas,
 Oppositum hac udæ quoque Tethyos exit ab undis.
 Quin signis æquo fugientibus intervallo
 Alterutrum e punctis, queis nox æquata diei
 Nomen habere dedit, metæ contingit Eoæ
 150 Limen momentis paribus transire, parique
 Tempore in adversæ se limine condere metæ.
 Confer in hac Sphæra (res hæc quoque digna notatu)
 Luminis oppositi se percutientia telis
 Signa iisdem signis in Sphæra, cujus Horizon
 155 Lineaque æquatrix recto se tramite findunt:
 Confer, & invenies, duo respondere duobus
 Juncta simul junctis, nec poscere plusve minusve
 Temporis hæc illis, seu se super æquora tollant
 Margine ab Eoo, medii seu culmine cœli
 160 Præcipitata maris sub aquas labantur Iberi.
 Hactenus exposuit leges mea Musa modumque,
 Signa quibus scandant nitidi latera ardua cœli,

Et

- Et quibus infernum repetant labentia mundum.
 Majus opus superest, discrimina lucis & umbræ
 165 Dicere: cur alibi nox prodeat æqua diei
 Semper, at hic toto bis tantum æquetur in anno.
 Cætera, nunc atram superet lux candida noctem,
 Nunc lux deficiat, capiantque augmenta tenebræ.
 Curque dies toto quæ maxima gignitur anno,
 170 Longior his, illis brevior, longissima donec
 Sex vigeat menses: quod idem contingit & umbris.
 Dicam etiam æstates geminas spatio unius anni,
 Et totidem brumas, Solemque in vertice stantem.
 Et varias Phœbi radiis splendentibus umbras,
 175 Interdum & nullas. Populo hæc ignota profano,
 Digna tamen credi. Tu luminis auctor & umbræ,
 Luce tua mersas densa caligine mentes
 Irradia, verumque rudi da noscere vulgo.
 Sol radiis insigne caput¹ fulgentius auro
 180 Cum mane æquoreis emergens exserit undis,
 Protinus aufugiunt tenebræ, rebusque colores
 Et formæ redeunt, & quæ contexerat umbra,
 Abstuleratque oculis, nitido Sol lumine reddit.
 Idem fessus equos vasto cum gurgite mergit,
 185 Qua Tartessiacæ quatiuntur fluctibus oræ,
 Nox atra obscuris tenebrarum adremigat alis,
 Et nostrum involvit cæca caligine mundum.
 Quare a Sole dies fluit & dependet ab illo
 Tanquam individuus comes: hoc promente coruscum
 190 Ex undis caput, illustrat lux protinus orbem:
 Abscondente iterum, subito lux deserit orbem.
 Unde diem dicunt spatium quo Phœbus ab ortu
 Fertur in occasum, nostraque in parte moratur:
 Noctem autem quando nostris e finibus axem
 195 Flammigerum abduxit, visus fugientia nostros
 Regna suis radiis & claro lumine spectans.
 Quin & flammivomo Sol spargit ab axe calorem,
 Quo globus inferior, quique illum amplectitur ær,
 Nunc flamma majore calet, nunc frigore torpet,
 200 Nunc æquo frigus moderamine temperat æstum.
 In caussa radii, quis Sol modo rectius orbem
 Aspicit, oblique missa modo lampade lustrat:
 Sol etenim summi quando de vertice cœli

Sub-
 1 Fulgentius] Ita princeps Editio Herbornensis & And. Hart. aliæ omnes
 fulgentibus.
 Tom. II.

- Subjectam recta radiorum cuspide terram
 205 Percutit, illa suo, quod densum est, corpore flammæ
 Excipit, & rectos recto quoque verberare sursum
 Reflektit radios, quorum geminata potestas
 Atque in se rediens duplicatque augetque calorem.
 Cum vero medii declinans culmen Olympi
 210 Oblique terram lampas Titania spectat,
 Terra etiam oblique radiorum tela retorquet:
 Quoque retorquentur radiorum obliquius ignes,
 Terra minus calet hoc, & terræ proximus aër.
 Inde vices anni veniunt, adamabile veris
 215 Tempus, & autumnus mista cum frigore flamma,
 Et glacialis hiems, & sicca caloribus æstas.
 Insuper & Titan splendens si corpus opacum
 Attingat, cujus radiis impervia massa,
 Ejus ab averſa facie proficiſcitur umbra:
 220 Quæ, prout Sol supera terras deſpectat ab arce,
 Nunc nulla eſt, nunc dextra fluit, nunc læva, brevique
 Nunc ſe arctat ſpatio, nunc longa cuspide finit.
 Nam quo Sol propior, viſum qui terminat, orbi,
 Hoc magis in longum nigrans producit umbra.
 225 Idem quo rerum, quarum umbra e corpore pendet,
 Verticibus propius nitidum caput admovet, umbræ
 Hoc magis arctantur, ſummo dum culmine cœli
 Stans ita colluſtret denſæ latera omnia mæſæ,
 Ut penitus nullam de ſe tunc præbeat umbram:
 230 Dicere quam malunt alii perpendicularẽ.
 Ergo dies & nox atris obſcura tenebris,
 Atque vices anni, rerumque volubilis umbra,
 Imperio Phœbi parent, Phœboque reguntur.
 Quisquis aves igitur docili cognoscere mente,
 235 Quomodo quæ dixi quavis regione locoque
 Contingant, & quam vario diſcrimine, curſum
 Phœbeum intentis oculis & mente tuere.
 Ille per obliquum ſignorum dirigit orbem
 Fulgentes gemmiſque rotas fulvoque metallo,
 240 Et bis ſex meſes totidem per ſigna vagatur,
 Solaremque ſuis claudens erroribus annum
 Ad ſpatium redit, unde ſuum prius egerat axem.
 Et quia Zodiaci ſeptem pars una triones
 Aſpiciunt, ad madidos pars altera ſeſtatur Auſtros,
 245 Nunc hac nunc illa cœli ſtatione videndum

- Se præbet Titan, medium modo permeat orbem:
 Sic ut ab hoc quando currens longissimus errat,
 Vicenos quatuorque gradus vix deviet in quam-
 cunque suas partem flectat diversus habenas.
- 250 Ergo quibus noctes exæquans spira diebus
 Summa poli nullo penetrat fastigia flexu,
 Perpetua in capitis relegens vestigia puncto:
 His quia conspicuum nunquam altius æthera scandit
 Sol, quam se Stygias labens demittit in undas,
- 255 Quæ mora metitur luces, metitur & umbras;
 Et lux bis senis, totidem nox clauditur horis.
 Luce vident media bis iidem in vertice Phœbum,
 Exactis citius quam mensibus effluat annus:
 Nempe semel quando fugiens duo sidera Pisces,
 260 Phryxæi ingreditur pécoris fax aurea signum:
 Atque iterum quando subit æquæ limina Libræ.
 Partibus his etenim findunt se Æquator, & ordo
 Signifer; hic Solis vehit æquans circulus axem.
 Eveniunt sub idem tempus degentibus illic
- 265 Æstates geminæ. Nam Sol tunc rectius orbem
 Terræ irradiat cœli sublimis ab arce,
 Intenditque suas duplicato robore flammæ.
 Has simul ignivomæ metas tetigere quadrigæ,
 Ætheris e summo Phœbea cacumine lampas
- 270 Despicit; & quia stare nequit, neque tollere curtum
 Altius, inferiora rotas ad sidera flectit.
 Hinc Solis statio duplex, quæ dicitur alta,
 Nomen habet. Quin Solstitii quoque circulus alti
 Dicitur Æquator terras habitantibus illas,
- 275 Quod Sol hunc feriens cœlo sistatur in alto.
 Currum Phœbus agens illac e culmine Olympi
 Cum spatiis æquis occasum spectat & ortum,
 Pertica fixa solo, sed summa cuspide in ipsum
 Suspiciens, nullam de longo porrigit umbram
- 280 Corpore, quod claris colluceat undique flammis.
 At quando medio cœli declivis ab orbe,
 Vel geminas Arctos spectantia signa pererrat,
 Vel partē adversa madido vicina Canopo,
 Jamque rotas humiles per Cancrī limen, aquosique
- 285 Ægocerotis agit, quia punctum verticis illic
 Longius evitare nequit, dispergit in orbem
 Obliquos radios, flammisque minoribus urit.
 Unde illis hiemem Lernaëus Carcinus unam
 Caussat, ab æquoreo profisciscitur altera Capro.

- 290 Huc ubi declivem Titan devexerit axem,
Flectit equos superi versus fastigia cœli:
Solstitium hinc duplici discrimine nascitur imum.
Cumque suos Sol lævus equos deduxit in Austrum,
Dextrorsum umbra cadens Boreæ spatiatur in hortis:
- 295 At dexter geminas pendentia sidera in Urfas
Cum terit, Australes tegit umbra sinistra colonos.
Sed quorum regio spatio est subjecta quod inter
Æquantem & Cancri Tropicum concluditur, illi
Non secus ac reliqui, quibus est obliquior orbis
- 300 Astrigeri positus, bis tantum quolibet anno
Enumerant æquas tenebrarum & luminis horas.
Quod cyclum noctes quavis regione diesque
Æquantem toties lampas Phœbeia tangat,
Labentem celeri pede donec compleat annum.
- 305 Tempore sed reliquo modo decrescentibus umbris
Augescunt luces, umbræ modo longius illis
Perdurant spatium: luces a limine Capri
Augmentum capiunt, donec Sol aureus illis
Cancri in vestibulo longissima tempora donet.
- 310 Hinc ubi laxatas iterum deflexit habenas
Hirsutum Ægocerota petens, majoribus umbras
Extendit spatiis, luces brevioribus arctat:
In primis Capri dum vertat partibus axem,
Obruit Arctœas ubi nox amplissima terras.
- 315 Utræque at spatio tanto majore trahuntur,
Quam magis in cœlo polus Arcticus eminet alto.
Hi quoque suspiciunt media bis luce quotannis
Rectos verticibus radios immittere Phœbum.
Finge etenim spatiis æqualibus undique spiram,
- 320 Quæ fugiat Cancri Tropicum æquantemque diebus
Noctes, & recto capitum fastigia ductu
Transeat his, Superi quos hac regione locarunt.
Sic efficta locis cum findat spira duobus
Zodiacum, hæc loca bis proles Hyperionis axe
- 325 Vecta suo tangit, statuitque in vertice currum,
Dum rapidis fugiens annus prætervolat alis.
Hinc duplex illis æstas emergit, & altum
Solstitium duplex: bis opaci corporis umbra
Vanescit penitus, nullaque in parte videtur.
- 330 Quin etiam geminas illic contingere brumas
Evincit ratio, cum Sol diversus ab illa
Fictitia spira, vel primis partibus errat
Multipedis Cancri, vel setigeri Capricorni:

- In quibus eveniunt etiam duo Solstitia ima.
 335 Utque duæ¹ certant non æquo frigore brumæ,
 Mite parit Cancer; facit hoc vicinia Cancri:
 Durius Ægoceros, nam longius ille recessit:
 Sic quoque luciferum Cancer Junonius axem
 Altius extollit, minus alte corniger Hircus.
 340 Hic quoque cum Phœbus radiantis spicula flammæ
 Dirigit ex Austro, Boream vaga permeat umbra:
 Cum rediens illinc superato culmine cœli
 In Borea fulget, tepidos volat umbra per Austros.
 Hæc dextrum mundi latus occupat, illa sinistrum.
 345 His autem, quibus Arctous sic cardo levatur,
 Ut Cancri Tropicum videant in vertice summo
 Ducere perpetuos sua per vestigia gyros,
 Tantum, Phœbe, semel volucris dum labitur annus,
 Ingrediens primas Cancri velut hospes in oras,
 350 Ad perpendiculum radios demittis Olympo,
 Et nullam denso de corpore porrigis umbram.
 Dumque volans Cancrum vicinaque signa peragras,
 Una æstas illis toto producit anno,
 Exhilarans inopem sperata messe colonum.
 355 Hic semel in primis Cancri Sol sistitur oris,
 Atque iterum hirsuti fulgens in limine Capri.
 Dumque Caprum visit, quæque illi proxima signa.
 Una absumit hiems hominumque boumque lobores,
 Et quicquid sudore madens collegerat æstas.
 360 His nulla in mundum protenditur umbra sinistrum;
 In summo cœli quia fornice retrahit axem
 Phœbus, & in læva tantummodo parte vagatur.
 Quas vero terras spatium tegit illud Olympi,
 Hac Cancri Tropicus quod terminat, Arcticus illac
 365 Circulus, hæc nunquam cernunt in vertice Phœbum:
 Usque adeo in madidos æther defleßitur Austros.
 Et quoties nostrum fulgenti Cynthus orbe
 Percurrit mundum, semper de corpore denso
 Mobilis umbra fluens adversa in parte videtur.
 370 His itidem una æstas exornat frugibus agros,
 Una operit campos nivibus, ceu vellere, bruma.
 Æstatem Cancer, brumam Caper humidus affert.
 Horum in principiis Solis bis sistitur axis,
 Per duodena means dum sidera circinat annum,
 375 Hic locus, hæc patria est, quæ nos vitalibus auris

E.li

- Edidit, hæc nobis vitæ instrumenta ministrat,
 Et quicquid rerum varius desiderat usus.
 Ast quibus Arctous regionibus imminet orbis,
 Una coquit segetes æstas, bruma una fluentes
 380 Stringit aquas; duplici Solis statione fruuntur;
 Corpore de denso semper cadit umbra, nec unquam
 Omnino nulla est. Communia gentibus ista
 Finitimis: sed habent hæc propria, quæ modo dicam.
 Arcticus, ut notum est, sic cyclus fingitur, ipso
 385 Mundi ut stante polo circumducatur in orbem
 Zodiaci vertex illi qui proximus exstat:
 Arctoa ex isto procedit spira rotatu.
 Ergo datum spira quibus est habitare sub illa,
 Signiferi vertex semel omni luce movetur
 390 Per capitis punctum, & cœli fastigia transit.
 Quod dum fit, duodena gerit qui sidera circus
 Junctus Horizonti est, & eadem sede tenetur.
 Momine sed citius, promoti cardine circi
 E puncto capitis, sex signa levantur & orbe
 395 Visuntur supero: totidem sua lumina condunt.
 Parte sui nulla Cancri submergitur illic
 Circulus: at contra semper latet æquore tectus
 Brumalis Tropicus. Quare Titania lampas,
 Vestibulo e Cancri radiorum spicula jactans,
 400 Vicenas quatuorque diem producit in horas.
 Cum vero Ægocerotis equos in limine flectit,
 Obscuras horis totidem determinat umbras.
 Quas autem terras hinc circulus Arcticus ambit,
 Illinc ipse polus gemina notissimus Urfa
 405 Claudit: iis Cancri tangentia sidera limen
 Ut nunquam æquoreæ tinguntur fluctibus undæ:
 Sic quæ principio Capri vicinia jungit,
 Æquoreæ nunquam surgunt e fluctibus undæ.
 Parte igitur Phœbus, quæ nunquam labitur, errans
 410 Continua superas illustrat lampade terras:
 Et si Zodiaci pars expers æquoris ampla est,
 Lux tangit senos, non æquat, maxima menses.
 Sin brevis, haud longo viginti & quattuor horas
 Exsuperat spatium. Sic si pars æquore merula
 415 Magna est, nox etiam spatium majore moratur;
 Sin brevis, haud multis itidem nox clauditur horis.
 Hic signa ex undis tollit præposterus ordo.

Nam

[Momine] Recentiores quidam Momine. Vide supra pag. 486. v. 77.

- Nam citius Taurus Phryxi vectore, sed illo
 Exsurgunt citius Pisces, sed Piscibus Urna;
 420 Quæ recta serie ponto sua lumina mergunt.
 Quæ vero adversa facie modo dicta tuentur
 Sidera, ea inversus condit sub fluctibus ordo.
 Scorpio enim labens Libram prævertit, & illa
 Astræam, Astrææ sidus cadit ante Leonem:
 425 Legitimo tamen hæc conscendunt ordine cœlum.
 Ast ipso Arctoo sub cardine circulus æquans
 Totus Horizontem sine vulnere tangit, & ejus
 Hospitio fruitur, nec ab illo flectitur usquam.
 Hinc sequitur, semper sex signa latere sub undis
 430 Nunquam e conspicuo lucem mittentia cœlo,
 Et totidem siccis extremi mœnia mundi
 Perpetuo in gyrum flammis ambire meatu.
 Cum Titan igitur per signa latentia currus
 Dirigit ignitos, tenebris & nocte teguntur
 435 Terræ illæ senos medio sine lumine menses.
 At cum supremum peragrat lustrantia mundum
 Signa, dies oritur nullis turbanda tenebris,
 Aurea quam bis ter repararit cornua Phœbe:
 Una dies ergo, & nox una ibi terminat annum.
 440 Percurri medii diversa habitacula mundi,
 Et quid cuique solo contingat ab ætheris arce
 Ostendi, egressus circo, qui luminis horas
 Æquales nocti facit ad polon Arcticon usque.
 Sic licet a circo tibi pergere, lector, eodem
 445 Usque tuo, nostris dum cardo incognitus oris
 Immineat capiti, & cœli se in vertice sistat.
 Par utriusque viæ ratio est. Tu mentis acumen,
 Judiciumque adhibe, nec secius omnia nosces,
 Quam præsens oculis propius si admota videres.

GEORGII BUCHANANI SCOTI
 DE SPHÆRA
 LIBER V.



- ACTI¹ animi, heroës, seclis melioribus orti,
 Qui primi ingenii nixi pernicipibus alis,
 Perque leves vecti stellas, totque orbibus orbes
 Implicitos, magni intrastis penetralia cœli,
 5 Ausi ingens facinus, penitus penitusque repostas
 Naturæ in latebris causas ratione sagaci
 Detexistis, & in cæca caligine merli
 Certa ostendistis terris vestigia veri.
 Non cæca ambitio vobis, non blanda voluptas,¹
 10 Non vigiles curæ, non lucri pallida tabes,
 Sublimes fregere animos, quin invia rerum
 Sensibus humanis mentis penetraret acumen,
 Eque Deum arcanis adytis per secula longa
 Astrorum erueret cassas interprete leges.
 15 Ergo nec imperium vos formidabile lethi,
 Nec quæ cuncta domant longis obliviam seclis,
 Sub latebrisque suis & cæca nocte coercent;
 Sed procul obscuri tenebris ab inertibus Orci
 Gloria sublimes illustri in luce reponet,
 20 Præpetibusque vehet per postera secula pennis.
 At qui divitiis aut incubuere caducis,
 Aut Veneris facibus cæcoque Cupidinis æstu
 Ablati in terram divinæ semina mentis
 Merferunt, pecudum de more ignobilis oti
 25 Tempora transmissere velut per somnia, seclis
 Ignotique suis, ignorandique futuris.
 Namque ubi corporei labefacta est² tabe veneni,
 Torpentemque bibit Lethæo e gurgite somnum
 Mens cognata polo, vel molli laxa remisit

30 Frena

¹ MACTI] Ita And. Hart, El- sunt verba, Maçti fortasse scripserat vir
 zev. 1621 & MS. alii fere omnes Maçte, summus, saltem ita debuit.
 male, notante Joh. Ger. Vossio Artis ² Tabe] Pinc. Commel. & 1594, labe,
 Grammaticæ lib. 3. cap. 47. cujus hæc

- 30 Frena voluptati, rebusque elata secundis
 Intumet, aut duris cadit, aut, velut orba carina
 Remige, jactatur fortunæ impulsa procellis,
 Nec videt, aut sperat placida statione quieta
 Littora, nec tutos a fluctu & flamine portus.
- 35 Victa malis igitur, quicquid vel profuit olim,
 Vel nocuit, putat esse Deum: si murmure cœlum
 Increpat, elusus fulsit si nubibus ignis,
 Corde micans trepidat, consternaturque timore;
 Soricis occentus metuit, corvique volatum.
- 40 Exigit has pœnas veræ ignorantia causâ,
 Contemptusque Dei, & nimium sibi credulus error.
 Tantaque se nubes animis offudit, ut, ingens
 Qua fovet ingentem Nereus complexibus orbem,
 Vana superstitio miseras compleverit urbes:
- 45 Posse Deos cogi magicis parere susurris,
 Et Solem obduci tenebris, cantusque veneno
 Æmonii plenæ vultum expallescere Lunæ.
 Ac victricis anus ne carmine tracta Deorum
 Numina succumbant, cœlumque invita relinquunt,
- 50 Æra crepant cunctis frustra auxiliaria terris.
 Nec minor accessit pestis, scrutator Olympi
 Assyrius taciti, cum Lunæ obscurior orbis
 Palluit, objectis aut Solis imago tenebris
 Abstraxit lucemque orbi, rebusque colorem:
- 55 Stultitia vulgique & credulitate² sequaci
 Utitur Astrologus, magna atque horrenda minatur,
 Insanamque famem, populantemque oppida pestem,
 Et bella, & quicquid bellorum infania cladis
 Invehit, humanis irataque numina rebus.
- 60 Quoque magis liceat grassari impune per omne
 Flagitium, & laxos sceleri permittere frenos,
 Adscribit cœlum sceleri, Regumque furores
 Excusans fovet, atque insontibus imputat astris.
 Nec metus hic tantum labefactat pectora vulgi,
- 65 Sed domini rerum, sed classe virisque potentes
 Expavere duces defectum lumine Solem,
 Pallentem tenebris Lunam, cœlique tumultu
 Fata rati exitium trepidis portendere terris,
³ Demisere animos, consternatique luerunt
- 70 Stultitiam clade ingenti patriæque ruina.

Is

¹ Ac victricis. MS. At victricis.

1594, sequaci ab- utitur.

² Sequaci Utitur] Pinc. Commel. &³ Demisere animos] MS. dimisere.

- Is timor in Siculo Luna tabente profundo
 Cecropias attrivit opes, educere classem
 Dum pavet e portu ¹ non æquo numine ductor,
 Victricem tories aciem, seque ipse, ratefque.
 75 Perdidit, & miseras hac clade afflixit Athenas.
² Hæc eadem Emathium cœli ignorantia Perfen
 Perculit; hæc vano Paullum trepidare tumultu
 Forte coëgisset, si non solertia Galli
 Fortibus Æneadum firmasset pectora dictis.
 80 At tu commentis hominum cœlestia cogi
 Corpora ne credas, mecum ratione sagaci,
 Timoleon, rerum occultas disquirere causas
 Ne pigeat: cur Sol nitidum caligine vultum
 Rarius obnubat: cur Luna recolligat ignes,
 85 Nunc nova se curvans in cornua, nunc velut orbis
 Dimidium fingens, sinuataque rursus utrinque
 In faciem tumidam dorso ³ turgescat iniquo:
 Orbe dein pleno, fraternæque æmula flammæ
 Æquali illustret divisum limite mundum:
 90 Inde retro rediens toridem discrimina fingat,
 Donec commissis curru cum fratris habenis,
 Jam permensa polum, parvum decircinet annum.
 Cur etiam pleno cum tota recanduit orbe,
 Ista repentinis expalleat ora tenebris:
 95 Nec semper, nec tota ⁴ etiam, persæpe sed una
 Parte nitens pura, reliquam ferrugine tingit:
 Mox redit ad sese, & defuncta labore coruscum
 Lucis inoffensæ mortalibus exserit orbem.
 Quisquis es e tenebris tantis mortalia primus
 100 Pectora qui solvisti, & ⁵ clara in luce locasti,
 Dignus eras, seclis quem vivida fama futuris
 Sacrasset, meritumque polo statuisset honorem,
 Ut Cephæo, ⁶ ut Cephei genero, natæque, torique
 Consorti, atque aliis qui templâ per aurea cœli

105 Nocte

¹ Non æquo numine ductor] Niciam Atheniensium ducem innuit, qui obsessis jam diu Syracusis, quum auctis hostium copiis, & gravi morbo in castris faviente, discessum pararet, Lunæ deficientis pavore usque adeo est perterritus, ut, veritus classem portu educere, seipsum classemque perdiderit, & Atheniensium opes clade illa penitus affixerit. Vide Thucydidem lib. vii. Diod. Sic. lib. xiii.

Plin. l. ii. c. 12. & Plutarchum in ejus vita.

² Hæc eadem] Vide hac de re Livium lib. xlii. cap. 37. & postea pag. 501.

³ Turgescat] Elzev. Wetst. Cairns, consurgat.

⁴ Etiam] Pinc. Commel. & 1594, tamen.

⁵ Clara in luce] Recentiores Edit. clara in luce: aliis deest in.

⁶ Ut Cephei genero] MS. & Cephei genero.

- 105 Nocte micant nitidis variati corpora stellis.
At nos victuris potius committere chartis
Barbaricum Xerxis fastum juvat, armaque diri
Cæsaris, & facta Emathii scelerata tyranni:
At bene promeritos de vita hominumque salute
- 110 Negligimus Lethes tetra sub nocte jacentes.
Non ita: nam nostræ si qua est fiducia Musæ,
Littora non Lelegum, non tantum Latmia noscent
Saxa tuum nomen, sed qua complexitur orbem
Usque ad Parrhasiam Nereus circumsonus Arcton,
- 115 Voce canent memores grata Endymiona minores:
Endymiona, suo quem Delia candida fratri
Prætulit, invicta Veneris confixa sagitta,
Collibus in Lelegum, qua Caria celsa profundo
Imminet Ægæo, pulchros dum flumina propter
- 120 Pascit agens tauros, juvenum pulcherrimus ipse,
Endymion teneris sensim imbibit ossibus ignem.
Non illi Dryades, nec amantes prata Napææ
Percussere animum, quanquam per prata Napææ
Sæpe agerent choreas, nudatæ crura, pedesque,
- 125 Brachiaque, & flavam per lactea colla refusæ
Cæsariem: quamquam Dryades sub fronde latentes
Sæpe recedentem sequerentur, sæpe sequentem
Profugerent visæ, & cuperent fugiendo videri.
Unius in Lunæ vultu sic vultibus hærens
- 130 Spectat inexploto¹ fugientem lumine, spectat
Mane recedentem, & tacito sua gaudia voto
Nutrit, vota ausus nondum committere verbis.
Ut furor increvit, majorque insania morbi
Expressit veras flagranti e pectore voces,
- 135 Sæpe super Latmi frondosa cacumina pernox
Spectabatque Deam, spectansque fovebat amorem,
Et gemitu & vanis tundeat saxa querelis.
O nemora, o fontes, & amictæ frondibus umbræ;
Antraque sævarum latebris horrenda ferarum!
- 140 Si qua latet radix aut graminis herba salubris,
Quæ levet insanos vel tollat pectoris æstus,
Ferte salutiferum vestro medicamen alumno.
Sed neque surda meis flectuntur saxa querelis,
Nec nemora & fontes: nostro Dea sola dolori
- 145 Auxilium tu ferre potes, Dea cujus ab ore
Herba bibit sitiens rores, mare gestit, & æther

Ridet,

¹ Fugientem] MS. surgentem.

- Ridet, & amissi solatur damna diei.
 Sed quid ego hæc demens? aut quo tam prospera rebus.
 Fata meis? decus ætheriæ regina choreæ.
- 150 Præferat ut cœlo terras, & Sole relicto
 Gaudeat ut ¹ pecoris duro placuisse magistro?
 Quin morere infelix, neu credulitate dolorem
 Falle tuum frustra, neu spe te decipe vana.
 Una tuum mors est quæ solvere possit amorem.
- 155 Hæc juvenis per saxa & inhospita culmina Latmi,
 Et nemora, & solis solus dessebat in antris,
 Dum sopor in victos oculos & torpor in artus.
 Infusus lassum in viridi prosterneret herba.
 Sed nec amor Divam, nec segnior ignis edaci.
- 160 Carpebat cura, nitidi de culmine cœli
 Spectantem tenera teneri decus oris in herba,
 Neglectamque comam per lactea colla, recentes
 Colla nives ² flavumque comam quæ vinceret aurum
 Et nisi, cernentem ne falleret omnia fratrem,
- 165 Et timor & pudor obstaret, dilapsa per auras
 Isset in amplexus: sed nec timor ³ & pudor ægrum
 Sic fregere animum, fratrem quin obice nubis
 Falleret, oppositæque latens telluris in umbra:
 Et cum vicina projecta ⁴ jaceret in herba,
- 170 Et leviter roseo libaret ab ore modesta
 Oscula, vota metusque & spes alternat amorque,
 Dum vult, dum non vult somnos turbare, cupitque
 Deprendi, & metuit, nescit roget anne rogetur,
 Certa rogare, licet mallet tamen ipsa rogari:
- 175 Sponte sopor lentos pueri patefecit ocellos.
⁵ Ut pudor ex illo victus concessit amori;
 Non contenta polo terras præferre, per auras
 Sustulit, inque sua juveni super æthera biga
 Sublato, non nota homini penetrabilia regni
- 180 Ipsa sui spectare dedit, monuitque propinquis
 Proderet ut populis, fingentes vana Sophistas
 Argueret, quique astra putant Titania glebas
 Ignitas, lapidesve, scaphasve, rotæve figura
 Vertendo e media flammæ ⁶ apside vomentes:
- 185 Aut arva æreis populis habitata, & ab igne

Con-

¹ Pecoris duro] MS. duro pecoris.² Flavumque] Pinc. Commel. Edit.

1594, & MS. flavumque.

³ Et pudor] MS. aut pudor.⁴ Jaceret] MS. lateveret.⁵ Ut pudor] MS. Et pudor.⁶ Apside vomentes] Pinc. Commel. &

1594, umbone vomentes.

- Conceptum nostro vitreo sub corpore lumen
 Condentes. Hæc ¹ Car in Latmia pascua cœlo
 Redditus Endymion late vicina per arva
 Diffudit Lelegum, & flammis infesta Chimæaræ
 190 Pascua flauentis Lyciæ, rivisque superbam
 Mæoniam auriferis, mitique umbrosa Lyæo
 Culta Phrygum, & molles ad durum littus Ionas.
 Inde per Ægæos accepit Achaia fluctus
 Transmissum studium astrorum: vix fœra togatæ
 195 Cura fuit genti cœli deprendere motus,
 Et secreta Deum Ausonias vulgare per urbes.
 Primus enim Gallus mites cum Pallade Musas
 Castra sequi docuit, durum & mollire Gradivum,
 Et iura Oenotriis cœlestia prodidit oris.
 200 Nam cum jam castris Macedum collata Latina
 Castra minarentur, pugnae & spes certa propinquæ
 Hinc atque hinc tumidas animorum accenderet iras,
 Lunaque jam toto prope cœlo fratris ab ² orbe
 Dissita, sanguineum ventura nocte ruborem.
 205 In vultus fûsura foret, ne visa repente
 Res inopina rudes quateret terrore cohortes
 Insolito, his Gallus firmavit pectora dictis.
 Romulidæ magni, quorum victoria pene
 Imperii fines terris æquavit & astris,
 210 Accipite hæc memoresque animis mea figite dicta.
 Mox ubi tellurem nox atra involverit umbra,
 Luna repente suum si condet turbida vultum,
 (Condet enim vultum) ne vos timor urat inanis
 Ceu cladem insolitis indicant numina monstribus.
 215 Namque parens mundi, cum prima exordia rerum
 Fingeret, æternis sic nexuit omnia causis,
 Quæque suum immota servant ut lege tenorem:
 Ut tenebræ: lucēs, ³ ut lux alterna tenebras
 Excipiat cæcas; ut nunc se liquidus aër
 220 Denseat in nubes, pluvios modo solvat in imbres,
 Nunc rutilet flammis, nunc grandine verberet Alpes.
 Hæc quia quottidie fieri aut plerumque videmus,
 Afficiunt nulla trepidas formidine mentes.
 At si deficiens contraxit Luna ruborem,
 225 Solve tenebrosis placidum caput abdidit umbris:

Ida

¹ Car] Ita legit ex MS. suo ¹ do- 1594, *max*, quod tolerari potest.
 ctus, nam Endymion e *Caria* erat; And. ² Orbe] Ita prædictæ Edit. aliæ *ore*.
 Hart, *cur*, male; Pinc. Commel. & ³ Ut lux] MS. & *lux*.

- Icta repentino saliunt præcordia motu,
 Ora metu pallent, linguam sua verba relinquunt:
 Cum tamen hæc miranda minus sint fulguris igne,
 Et cœlestis aquæ & lapidosi grandinis imbre;
 230 Ut quæ non vicibusque statis, aut ordine certo
 Missa fluant: contra Solis Lunæque labores,
 Lex æterna & naturæ ¹ invariabilis ordo
 Alligat, eque suis promptum est prædicere caussis,
 Cur, quibus in terris, quoties, quo tempore ponant
 235 Astra suos sumantque iterum Titania vultus.
 Ac ne forte alicui falsas affingere caussas
 Credar, & in rebus procul a tellure remotis
 Ludere, quod crassos fugiant cœlestia sensus,
 Cernite, quæ manibus tractari pene oculisque
 240 Conspicienda patet, naturam mobilis umbræ.
 Omne quod officiet luci, objectuque tenebras
 Efficiet, corpus vel par fateare necesse est,
 Vel minus, aut majus lucentis corpore massæ.
 Si modus ambobus par est, æqualis utrique
 245 Umbra fluit, teretem fingens sine fine columnam:
 Sin angusta magis lux se brevior coarctet
 Circuitu, tenui incipiens a cuspide crescit
 Latior umbra, & quam magis a fulgore recedit,
 Tam magis in latum spatiosas porrigit alas.
 250 At si forte minor mensura in corpore denso est,
² Quam quod luce nitet, denso cum corpore primum
 Par modus est umbræ, dein se brevioribus arctans
 Concludit spatiis, & cuspide finit acuta.
 Nunc oculos animi ad cœlestia templa referte,
 255 Quaque licet ³ rebus conferte æterna caducis:
 Namque minor magno ⁴ cum tellus corpore Phœbi
 Tota sit, angustum in teretis mucronis acumen
 Umbra fugit, specie & sensum tenuata rotunda
 Parva sui circumscribit pomœria regni.
 260 Nam clypeus Phœbi jaciens de corpore magno
 Spicula, nec numero nec fine coërcita certo,
 Involvit terram radiis latera ardua cingens,
⁵ Qui sensum in teretem cogunt coalescere conum
 Nigrantis tenebras umbræ, e telluris opacæ

265 Fi.

¹ Invariabilis] MS. & inviolabilis.² Quam quod] MS. Quam quæ.³ Rebus] Pincier. Commel. & 1594. sensum.
nobis.⁴ Cum tellus] MS. tellus cum.⁵ Qui sensum] Ita MS. editi omnes, Et

- 265 Finibus, & noctem angustis sic undique claudunt,
 Ut nec Atlantiaden tangant fastigia summa
 Umbrarum, ¹ aut vacuis late palantia campis,
 Ætheris astra, suo variant quæ lumine mundum,
 Et nunquam vigili cœli e statione recedunt.
- 270 Ergo ubi Sol toto terræque marisque diremtus
 Abscedit spatio, & nostrum nox occupat orbem:
 Tum si Luna micans puro nitidissima cœlo,
 Ambrosiamque comam & divinæ frontis honorem
 Protulerit ² gaudente polo, nigrantibus umbris
- 275 Occurrens tenebris sese induit, oris honorem
 Et nitidum ingrata ferrugine purpurat orbem,
 Paullatim in pulchram faciem serpente veneno.
 Deinde ubi sese orbem virus diffudit in omnem,
 Unde rubor primum cœpit subrepere, primum
- 280 Incipit exiguæ scintilla accendere flammæ,
 Atque iterum puro totum caput induit auro.
 Namque globus Lunæ, qui tot mutatur in ora,
 Lucis egens propriæ languet, nisi lumine cassam
 Accendat molem adversam fax ignea Phœbi,
- 285 Et velut in vitream radiorum spicula massam
 Inferat, obscuramque abigat caliginis umbram.
 Ergo ubi se propius Phœbeo admoverit igni
 Delia, pars suprema oculis impervia nostris
 Tota nitet, tota est fraternæ obnoxia flammæ:
- 290 Proxima pars languet: dein quo magis illa recedit
 Fratris ab amplexu, magis & magis ignea nobis
 Se reteggit facies: ³ donec cum solvere currus
 Jam parat, & vitream subiturus Nereos aulam
 Phœbus agat lassos per iter declive jugales;
- 295 Et contra ignicomans Phœbe se tollat ab Indo
 Littore, tota nitens, tota auro insignis, & ore
 Tota suum referens & puro lumine fratrem.
 Tum vero adversi Solis referitur ab ictu,
 Et lumen trahit illa oculis pars obvia nostris.
- 300 Qualiter ad Solem vitrei si corporis orbem
 Volveris assidue, tremulæ pars altera lucis
 Icta nitet radiis, & puro accenditur igni;
 Altera lucis inops pallet nigrantibus umbris.
 Aspice quam primum complexu libera fratris

305 Ve-

¹ Aut vacuis] Ita MS. alii omnes, & in Pinc. Commel. & 1594. desiderantur.
 vacuis.

² Protulerit] Hic & qui sequitur versus *solvere currus Cum parat.*

³ Donec cum] MS. alii vero, donec jam

- 305 Vespere Luna redit, vel cum se mane recenti
 Perfudit liquidis Nabathææ Doridos undis,
 Et tenuem tenui cornu falcatur in arcum:¹
 Tum si perspicui facies innubila cœli,
 Admisitque oculos, & se dedit illa videndam
- 310 Quæ propior Phœbo est pars, aurea lumine puro
 Splendet, & exiguo meditatur cornua flexu:
 Altera languet hebes, liventi pallida gyro
 Area lucis inops, speculi ceu vitreus umbo,
 Cum nequit adversi radios admittere Phœbi.
- 315 ¹ Atque ea cum facies Lunæ sit lumine ² cassæ,
 Nosse, reor, promptum est, cur Sol ferrugine vultus
 Induat, & subita condat sua lumina nocte.
 Nam cum Luna silens flectit per inane jugales,
 Inferior nitidum si forte subiverit orbem
- 320 Solis, & in terram radiorum intenta refregit
 Spicula, subjecta compacti corporis umbra
 Induit obscuras subita caligine terras:
 Noctē repentina oppressæ volucresque feræque
 Attonitæ fugere, stupor quatit inscia veri.
- 325 Corda, quod æternis credant damnata tenebris
 Secula, se scelorum meritas expendere poenas,
 Inque chaos rupto confundi fœdere mundum:
 Donec ab oppositu lampas Phœbea sororis
 Libera claravit jucundo lumine campos,
- 330 Et terram tenebris, homines formidine solvit.
 Causa diu latuit, facti admiratio mansit:
 Inde superstitio crevit, se in pectora vulgi
 Paullatim insinuans, & credula corda fatigans:
 Sive Deos non ausa suos deprendere fama
- 335 In coitu, atque arcana poli spectando profanos
 Conscelerare oculos, seu caligantia nemo
 Lumina mortalis poterat contendere contra
 Luminis æterni fontem, & jubar igne coruscum,
 Quod spectantum hebetes radiorum cuspide visus
- 340 Arceat, & tenebris temeraria lumina plectat.
 Hic aliquis veri studio flagrantior, & cui
 Vivida vis animi spem consiliumque fovebat,
 Cum jubar igniferum radiis fulgoris acutis
 Lumina rejiceret spectantum, seque tuendam
- 345 Visibus humanis cœlestis flamma negaret,

Forte

¹ *Atque ea*] Ita MS. Pinc. Genev. ² *Cassæ*] Pincier. Commel. & 1594.
 Commel. alii fere omnes, *At ea*, *cassæ*,

- Forte oculos hebetes liquidam dejectus in undam,
Deprendit secreta poli, Lunæque nigrantis
Umbram animadvertit tenebras prætexere Phœbo,
Et sibi suppositæ tenebras inducere terræ.
350 Hoc aliis deinde atque aliis mirantibus, alter
Punxit acu penetrans non uno vulnere chartam,
Admisitque diem per multa foramina fractum;
Oraque velatus male parva vidit in umbra,
Quid faceret magnam terris mirantibus umbram.
355 Multiforique aliis radios dedit arca cribri
Cernere, citra ullam diviso lumine noxam.
Persea sic olim clypei fulgentis in orbe
Fama est saxificæ faciem vidisse Medusæ.
Sic in multifidos diviso gurgite rivos
360 Se minor Euphrates, nec jam pontisque vadique
Impatiens tumidusve hosti Babylona superbam
Prodidit, & domito induxit juga Persica collo.
Illud in his rebus forsan mirabere, fulgens
Lumine Luna notho, cum Phœbi subdita flammæ
365 Secludat terris, cum Lunam terra vicissim
Se Phœbo objiciens spoliât fulgore corusco:
Cur quoties Phœbe cursum permensa peracto
Mense redit, properans radiis Hyperioni cincto
Jungere complexus, non semper mœret ademtum
370 Terra diem quærens, necopinis² ista tenebris:
Deinde minutatim cum Luna recolligit orbem,
Occiduique oriens cernit vestigia Phœbi,
Cur non interjectus eis tum corpore denso
Terræ globus obscura nos ambiat umbra,
375 Et subita cogat sub nube rubescere Lunam.
Hic quoque cum vulgo ne te rationis egentem
Deviis error agat transversum a limite recto,
Mente memor reputa, quæ Solis diximus ante
De cursu obliquo, Lunæque erratilis orbe.
380 Esse quidem medio in spatîo, quæ linea signet
Signiferum, Graji fecere Ecliptica nomen,
Sub qua perpetuo per signa obliqua rotatu
Delius in sese redeuntem circinat annum.
At non Luna suos agit hoc moderamine currus,
385 Sed modo torrentis Cancrî ferit ardua spiram,
Interdum tepidos humilis declinat ad Austros,

Nunc

1 Punxit] Pincier. Genev. Commel. 2 Istâ] Idem, *visita*.
Pinxit.

- Nunc medio fecat orbe viam, perque aurea signa
 Nusquam flexa legit rosei vestigia Phœbi.
 Hæc igitur quoties Ecliptica linea centrum
 390 Per medium penetrans Titania dividit astra,
 Si subiit Phœbum Lunæ pallentis imago,
 Tellurem obscura late caligine vestit,
 Nec totam tamen; atra etenim Titanidos umbra
 Paullatim Solis radiis arctata rotundam
 395 Cogitur in faciem, & mucronem fingit acutum.
 At si subiectam dirimens Ecliptica Lunam
 Fecit inæquales diviso in corpore partes,
 Tum quota pars Lunæ Solis subtenditur orbi,
 Pars ferruginea latitat tota Solis in umbra.
 400 Quod si signiferi cycli extremas legat oras
 Delia, rorifero peragrans confinia curru
 Vel Cancri æstivi vel brumalis Capricorni,
 Clarus abit Phœbus, nullique obnoxius umbræ
 Illustrat ¹ lætas jucundo lumine terras.
 405 Nec si plena volet toto nitidissima cœlo
 Delia, terrarum subita pallefcit ab umbra.
 Scilicet has rerum genitor, cum fingeret orbem,
² Fluxaque perpetuo vinciret secula nexu,
 Esse vices jussit: nam cum secessit ab ima
 410 ³ Exclusus tellure polus, nox alta tenebris
 Cuncta suis condens vacuo ⁴ regnabat in orbe.
 At postquam emicuit nitido jubar igne coruscum
 Solis, & obscurum jucundo lumine mundum
 Claravit, nox impatiens attollere vultus
 415 Adversum auratis radiis Hyperiona cinctum,
 Fugit in extremas trepido pede concita terras.
 Seu pudor in causa est, & rapri injuria regni,
 Sive timor, mœsta ex illo se condit in umbra
 Terrarum: & quamvis spatiis pater optimus æquis
 420 Temporis obscura lumen secrevit ab umbra,
 Livor adhuc stimulis animos discordibus urget,
 Bella ciens, prædæque inhians, nec limite certo
 Contentus vanas exercet inaniter iras.
 Nam cum Phœbus equis cœlum velocibus ambit,
 425 Ne pereat celeri radiorum cuspide fixa
 Umbra fugax paribus cœlum collustrat habenis:

¹ Cujus¹ Lætas] Pinc. Commel. & 1594.
cecas.² Fluxaque] MS. Fixaque.³ Exclusus] MS. Seclusus.⁴ Regnabat] MS. regnavit.

Cujus ab igniferis telis protecta tuetur
Regna tenebrarumque & sceptrum noctis opacæ.

- Id licet angustis hinc atque hinc finibus arctet
- 430 Imperium Phœbus, partem & sibi menstrua Lunæ
Vindicet ambitio, & fulgentia sidera certis
Incurfent vicibus, tenuemque e paupere regno
Prædam ² aveant: non illa sui tamen immemor (etsi
Imbellem frenet populum, pigrosque sopores,
435 Et somnos pingues, & sollicitantia mentes
Somnia vana leves, requiemque laboris iniqui
Pondere defessam, & fures nil fortiter ausos,
Et magis insidias occulta fraude timendas:)
Non oblita sui tamen, aut prece supplice terram
440 Sollicitat matrem, cognataque flumina, densas
Ut Soli objiciant nebulas, & spicula frangant
Ignea, sideribus tenebris ut lumen opacis
Eripiant, regerantque acceptos nubibus ³ imbres.
At cum summa tenet Phœbus fastigia cœli
445 Signiferi nitidum peragrans altissimus orbem,
Illa movet tardos lento molimine gressus,
Inque suis latebris venientem abscondita Lunam
Occupat: interdum cum Sol propioribus urget
Tellurem radiis, properantem ad littora Calpes
450 Assequitur, tenebrisque involvit, & oris honorem,
Qui mare, qui terras, qui cœli cœrula templa
Exhilarat, furvæ caligine noctis opacat.
Nec satis ulta suum crudelis Diva dolorem
Se putat hac pœna, Solem quoque pellere regno
455 Nititur, & quoties trans Ægocerota remotos
Invisit populos formosi Hyperionis axis,
Solvit & adstrictas glaciali compede lymphas,
Liberat & nivibus montes, nemorumque comanti
Brachia fronde novat, convestit gramine campos,
460 Umbra super Tanaim Riphæaque culmina biga
Invehitur furva, & populos quos Arcticus ambit
Circulus, in tenebris claudit, faciemque serenam
⁴ Obscurat cœli, & longa ⁵ sub nocte recondit.

SUP-

¹ Cujus ab igniferis telis] MS. Possit ut
^a Solis radiis protecta tueri.

² Aveant] Pinc. Commel. & 1594.
abigant.

³ Imbres] MS. ignes.

⁴ Obscurat] MS. Obsufcat.

⁵ Sub nocte recondit] Sequebantur in

MS. codice Geddei 22 hi versus, ab au-
ctore (uti recte annotavit vir doctus) non
expoliti, nec præcedentibus satis respon-
dentes. Nam, præter alios nævos, Lu-
næ tribuunt non suas, sed noctis & um-
bræ technas.

SUPPLEMENTUM

Libri Quinti Sphæra GEORGII BUCHANANI,*Auctore* JOANNE PINCIERO *Medico.*

- CUM vero armatas flammis ac luce quadrigas
 Sol vehit in Borean, gentesque invisit utrique
 Vicinas Ursæ glacie nivibulque rigentes,
 Austrinas Nox atra plagas petit, atque Canopo
 5 Ulteriora tegit tenebris nigrantibus arva.
 Quin nisi forte Sophos ratio speciosa fefellit,
 Umbrai genitrix natæ miserata dolorem,
 Continuumque fugam, Solique irata superbo,
 Exhalat spissos gravido de viscere fumos,
 10 Cogitque in nubes, quarum regionibus illis,
 Quas natura polis mundi subjecit utrinque,
 Tanta est crassities, tam denso corpore massa,
 Ut Phœbi radios, nihili ceu tela, retundant,
 Lucem excludentes eludentesque calorem.
 15 Ergo illis atræ tenebræ dominantur in oris
 Perpetuo, & quamvis lucem præsentia Solis
 Afferat, impediunt nubes, aditumque recusant.
 Sed quorū me sermo rapit? Vos illa, Quirites,
 Figite pectoribus memores ante omnia, Luna
 20 Lumine subtracto (præsens ita postulat usus)
 Cur nitidos tingat picea ferrugine vultus.
 Cumque laborantem ventura nocte tenebris
 Cernetis Lunam, ne despondere viriles
 Sed firmate animos: nihil hic præfaga futuri

25 Por-

*Talibus aggreditur Phœbeum Cynthia regnum:
 Et conjuratis picea caligine terris
 Imperat, in longam producant nubila noctem.
 Ast ille intrepido nullos habitura triumphos
 Nubila præteriens vultu, sibi temperat iras
 Præcipites. Et nostra soror nos pellere mundo
 Tentat? Et admissas furtivi luminis umbras
 Objiciunt nobis expulsa lampade terræ?
 Illa meos quondam blandis complexa lacertis
 Accepit radios: nostri quoque numinis usu
 Clara per aëreos fudit sua lumina campos.*

*Sed quid ego insanas? neque enim livescere fas est.
 Illa ferat Scythicas Tanai de rupe tenebras:
 Nos Agasimbeas pugnantis spicula flammæ.
 Illa Syemtas: nos Persica regna colemus.
 Si placet imbelles hominum conjungere iurmas,
 Est quoque pars nobis media telluris. Opacis
 Conspersgat tenebras: Subita redimemus ab umbra
 Pallentem infracto victores lumine terram.
 Sin lubet æquales imæ telluris habenas
 Versari, ter quina unam per tempora partem
 Transca ut solitos lustret telluris honores.*

- 25 Portendit natura mali: timor omnis in hostes
 Ille ruat nostros, & fortia pectora frangat.
 At vos ¹ maesti animis veterum de more Quiritum
 Intrepida pugnate manu, Macedumque cohortes
 Et premite, & pressas ultro citroque fugate:
 30 Haud dubiam vobis promittunt numina palmam.
 Dixerat hæc Gallus, pressoque obmutuit ore.
 Ipsa fidem clades Macedum firmavit. Ab illo
 Tempore Romulidæ nulla formidine fractis
 Spectavere animis Lunæ Solisque labores.

¹ Maesti animis] Libri omnes maeste, male. Vide supra ad lib. V. v. i.

F. I. N. I. S.

Monitum ad Lectorem.

POST Joannem Pincierum, ad duos postremos Georgii Buchananani de Sphæra quos ipse nunquam absolverat libros, Supplementa etiam scripsit Adamus Regius Scotus. Ea cum paullo accuratius hoc argumentum tractare, & feliciore vena quam qua usus est Pincierus effusa viderentur, neutiquam omittenda censuimus. Et a quibusdam fortasse, nostratibus præsertim, piaculum mereri existimabimur, quod Pincieri potius quam Regii nostri carmina Buchananæis proxima adjunxerimus. Sed, præterquam quod haud magno discrimine referre arbitremur, quo ordine collocentur hæc Supplementa, monendum quoque duximus Lectorem non hic nos carminis, sed temporis duntaxat habuisse rationem. Cum enim Pincierus Buchananani libros de Sphæra primus typis evulgarit, operamque haud pœnitendam in Supplementis pertexendis primus posuerit, quæ una cum omnibus fere ejus libri Editionibus in publicum deinceps prodierunt, indignum utique videbatur, eum de loco, quem tamdiu tennerat, deturbare. Cæterum, quod ad Regium nostrum attinet, is non modo posteriorum librorum lacunas explevit, sed integrum de Sphæra opus recensuit, & luculento admodum omnigenæque eruditionis copia referto Com-

mentario illustravit; quæ omnia justo volumine comprehensa, Caroloque I. Britanniarum Principi inscripta, Auctor ipse prælo destinasse videtur. Ejus libri exemplar nitidissimum, & forte unicum; in celebri Academiæ Edinburgenæ Bibliotheca asservatur. Ipsius quidem ad Buchananum Supplementa jampridem existant in Deliciis Poëtarum Scotorum editis Amst. 1637. at nos præcipue ad codicem manuscriptum respeximus, cujus (cum multis aliis instituto nostro summe necessariis) ex instructissima illa Bibliotheca nobis benigne indultus est usus.

Libri quarti Sphære a GEORGIO BUCHANANO
non absoluti

SUPPLEMENTUM,

ADAMO REGIO SCOTO *Auctore.*

SIC quibus est rectus signis surgentibus ortus,
Lentius & segni tanto magis æthere cursum
Tarda trahunt, nectuntque moras, quo rectior illis
Et magis acclivi deducitur orbita cælo.

5 Quæ vero obliquo referunt sua lumina curru,
Quo magis inflexum peragunt iter, ocyus alto
Profiliunt, spatiisque suos brevioribus ortus
Expediunt, celeri & claudunt sua tempora gyro.

Nec dispar ratio occasus, qui rectus habetur;

10 Quum quam Signiferi plus Æquatoris in undas
Signa ferunt, tardoque gradu sua sidera condunt:
Quum minus, obliquus perhibetur: & ocyor astra
Præcipitat cælo occubitus, quo obliquior: ut quo
Rectior inclinat, sic tardius urget in æquor,

15 Et Tartessiacis immergit serius undis.

Hos etiam stellarum obitus metimur & ortus
Segmento æquantis cycli, quod in ordine recto
Signorum, vernum punctum, stellamque cadentem,
Aut ascendentem dirimit: nec dispare forma

20 Rectius

- 20 Rectius his, illis obliquius æquora linquit,
 Aut subit: has sensim remoratur, promovet illas;
 Et sua multiplici discrimine tempora mutat.
 Nec similem servat sphaera variante tenorem
 Seu signum, seu stella cadens, vel ab æquore surgens:
- 25 Nam quibus æquatrix insistit linea, rectum
 Ad perpendicularum, cardoque videtur uterque;
 Signiferi æquantisque cycli distincta Coluris
 Segmina quadrantum, paribus redeuntque abeuntque
 Integra momentis, æquataque tempora servant.
- 30 At non quadrantes alii, quocunque notentur
 Principio, parteseve aliæ quadrante minores,
 Sic ortus obitusque suos æqualibus unquam
 Arcubus absolvunt, aut tempora partibus æquant:
 Quin hic Signiferi superet, superetur at illic
- 35 Portio, quem secum trahit, Æquatoris ab arcu;
 Ut nunquam paribus cum Finitore trigonum
 Cruribus efficiant: mensura at dispere, semper
 Rectius Oceanum fugiant hæ, obliquius illæ
 Aut repetant, varioque situ discrimina mutant.
- 40 Nam quo Signiferi partes propiore recessu,
 Phryxæi pecoris, justæque exordia Libræ,
 Discreta serie præeunt, aut pone sequuntur:
 Hoc magis obliquo flexu, velocius undis
 Subducunt sese, vel condunt: rectius autem
- 45 Et tardo magis ingressu, quo hinc inde remota
 Solstitia accedunt propius. Sic cardo propinquus
 Incitat, aut simili motum ratione retardat.
 Quæ vero autumnii verisque a limite partes
 Continua serie ad Cancrum Caprumque trahuntur,
- 50 Obliquos: at quæ a Cancro Caproque tenebras
 Lucibus æquatas attingunt perpete ductu,
 Exortus obeunt rectos: sed dispere norma.
 Nam quæ principiis distant magis, hoc minus ortu
 Obliquo rectove Indo de littore surgunt,
- 55 Hesperiove cadunt; semperque prioribus addunt,
 Aut adimunt sua quæ succedunt tempora: toti
 Dum sese integris quadrantes arcubus æquent.
 Hic intervallis quæcunque a cardine eodem
 Dissita sunt paribus quadrantum segmina, norma
- 60 Æquali peragunt ortus: sic Carcinus ardens
 Ledæos æquat fratres, Astræa bilancem,

- Ægoceros Chirona, & Pisces Janitor anni;
 Par Tauro Nemees terror, vastusque Leoni
 Scorpion, huic plena terras qui proluit urna.
- 65 Signa etiam adversis quæ sese frontibus urgent,
 Hinc subeunt legem: nec Chelis portitor Helles
 Rectius assurgit, non Tauro Scorpion; æquat
 Lædæos fratres Chiron, Cancrumque calentem
 Ægoceros; par est mensura Leonis & Urnæ;
- 70 Nec pecori æquoreo concedunt Virginis ignes.
 Quin hic semissiles etiam quæcunque cyclorum
 Zodiaci, lucique umbras æquantis, iisdem
 Finibus inclusæ, Eo simul æquore totas
 Se tollunt, conduntque simul se littore Ibero.
- 75 Hoc demum cujusque licet deprendere signi
 Segmentive pares ortus obitusque, nec unquam
 Fingere dissimiles in Finitore trigonos:
 Seu se Mygdoniis elata cubilibus Indo
 Margine promoveant; seu fortunata ' revifant
- 80 Hesperidum nemora, atque emenso Atlante residant.
 Ordine sic certo, mundi quibus axis utrinque
 Radit Horizontem, retegì, rursusque recondi
 Signa vident, stellasque suas; semperque tenore
 Constanti servare vices & tempora motus.
- 85 Axe sed obliquo, quibus hic sublimior exstat,
 Ille latet mundi polus, & sua sidera celat;
 Transiliunt circi, qui visum terminat, oras
 Disparili norma stellæque & signa: nec idem
 Surgendi modus est, aut par mensura cadendi.
- 90 Omnibus, a media mundi regione sub ipsos
 Usque polos. Nam qua tellus conclusa polari
 Atque æquante cyclo sese diffundit in orbem,
 Signifer integris (certo quas limite finit
 Cum Chelis Aries) tantum semissibus ortus
- 95 Occubitusque suos exæquat: cætera surgunt
 Disparibus segmenta modis, nisi cruribus æquis
 Efforment intra Tropicos si quando trigonos.
 Continuas autem partes semissis in Arcton
 Inflexæ, a primo redeuntis limine veris,
- 100 Virginis ad finem, celeri hic obliquius ortu
 Quam sphæra in recta semper se tollere cernes.
 Disjunctas vero propius quo a cardine verno
 Distiterint, magis oblique; quo longius absunt,

Rectius

1 *Revifant*] Sic legendum monet contextus: MS. tamen & Amst. *revifent*.

- Rectius Eois emergere fluctibus, usque
 105 Quo simul integris semisses arcubus exstent:
 Non idem alterius modus est semissis in Austrum
 Prolapsæ: nam quas Chelarum a limite partes
 Ordine¹ connexas trahit ad confinia veris,
 Rectius hic, recti quam Finitoris in oris,
 110 Attollit: discontinuas quo pondera Libræ
 Attingunt propiore situ, sic rectius; at quo
 Longius abscedunt, sic inclinatus undis
 Exserit, ut justis sua tempora partibus æquet.
 Hinc fit, ut a summa Phœbi declivis ad imam
 115 Semissis statione, atque ejus segmina quævis,
 Hic semper recta ascendant; acclivia vero
 A bruma ad Cancrum quæ signa trahuntur Olympo,
 Obliquo ostendant sese & sua sidera flexu.
 Si porro hic segmenta notes a cardine utrovis,
 120 Qui lucem noctemque pares determinat, æquis
 Ante, retro spatiis distantia, semper eadem
 Mensura, quamvis properent hæc, illa morentur
 Exsertare suos deprendes æquore currus.
 At quæ solstitio paribus junguntur utrinque
 125 Arcubus alterutri, divisim tempora nunquam,
 At junctim exæquant rectis; tantumque reponit
 Tardius hinc, illinc quantum velocius aufert.
 Quippe ortus rectos discrimine semper eodem
 Exsuperant, minuuntque suos, parilique reclinant
 130 Secessu a media mundi statione: latentis
 Sive poli spectent flammis propioribus ignes;
 Sive Lycaoniis distent vicinibus Urfis.
 Quia etiam adversis toto quæ distita cœlo
 Occursant radiis, atque obvia lumina miscent,
 135 Non nisi juncta suos spatiis æqualibus ortus,
 Hic ut in extremo recti curvamine cœli,
 Conficiunt, numerantque pari sua tempora cursu.
 Sic tamen hic etiam sejuncta æquantur, ab undis
 Ut quanto alterutrum sese effert tempore, eodem
 140 Se condat reliquum; similique tenore ferantur
 Hoc oriens, illudque cadens. Hic denique normam
 Ascensus casusque sui pars una eademque
 Sic variat, tantoque vices discrimine mutat,
 Ut recto mundi si claustra latentia cursu

145 Dese-

¹ Connexas] Ita MS. at Amst. *convexas*.
 Tom. II.

- 145 Deferat, obliquo se mergat in æquora lapsu.
 Sin oritur celeri gyro, descendat inertis;
 Et nunquam parili cedat redeatque tenore.
 Legibus his, medio tellus a limite cœli
 Qua patet Arctoi late ad confinia circi,
 150 Sidera se nobis retegunt & signa, caduntque.
 At quibus algentes qui circumflectitur Arctos
 Circulus infistit, dum circinat orbita Solis
 Undique prospectum, & cœli se terminat oris:
 Zodiaci senis quæ se pars altera signis
 155 Porrigit acclivem a Capro per limina veris
 Ad Cancrum, sic tota simul convertitur uno
 Momento, ut secum nil Æquatoris ab Indo
 Sublevet, Hesperio quem totum littoire condit.
 Altera quæ totidem a summo descendit ad imum
 160 Solstitium signis per justæ examina Libræ,
 Luminibus nostris si impervia regna relinquat,
 Æquantem cyclum totum deducit ab undis:
 Sin adeat, partem nullam trahit ejus in undas.
 Denique queis vertex erectus constitit inter
 165 Signiferi mundique polos, ubi frigore pigro
 Immitis terras Aquilo damnavit inertes:
 Proxima solstitium æstivum quæ segmina utrinque
 Attingunt paribus spatiis, a cardine vertex
 Si minus Arctoo, numero majore, minore,
 170 Si magis abfuerit, semper sublimia perstant,
 Hesperio nunquam tingi metuentia ponto:
 His adversa latent sub Finitore, nec unquam
 Æquore se tollunt Indo, metuuntque videri,
 Et Boreæ gelidis sua sidera credere flabris.
 175 Cætera solstitiis distantia longius, ortus
 Alternant obitusque vices, totumque reducunt
 Abducuntque cyclum æquantem: sed dispare forma.
 Nam quæ prona jacent Chelis contermina, recto
 Ordine majorem illius surgentia partem
 180 Oceano educunt, conduntque relapsa minorem
 Ordine mutato: sed quæ primordia veris
 Stant circum, & propius Nepheleia vellera spectant,
 Inversa surgunt serie, tolluntque minorem
 Æquantis circi partem, rectaque recondunt
 185 Majorem; similique modo discrimina semper
 Permutant: donec vertex cum cardine mundi
 Arctoo coëat, fiatque Æquator Horizon:
 Sena ubi perpetuos totis exstantia gyris

- Signa choros ducunt, pelagique immunia longæ
 190 Mensibus hic senis præstant solatia nocti.
 Conspicuis nunquam hoc cælo lex altera flammis
 Pressa latent tenebris & opaca nocte: nec ullos
 Hæc ortus, aut illa obitus in margine cæli
 Moliri, aut positas tentant transcendere metas.
 195 Quas porro leges, ortus quibus occubitusque
 Alternent, circi medium qui dividit orbem,
 Citra circuitum signis præfixit; easdem
 Ultra etiam dedit oppositis natura: parique
 Illa hinc, hæc illinc norma, decedere ponto
 200 Restituique iterum voluit: sic ordine solers
 Quamquam dissimili, certo tamen, omnia cælo
 Digerit, atque adimit, vel reddit sidera terris.
 Jam quibus astrorum cursus, variosque recursum
 Observare fuit curæ, penitusque repositos
 205 Cælorum felici ausu penetrare recessus:
 Naturæ has latebras, & tantum pervia menti
 Claustra recludentes, ubi conspexere tenaci
 Temporaque & motum coiisse in fœdera nexu,
 Inque vicem sese metiri, ut tempore motum,
 210 Tempora sic motu definivere, suisque
 Distinxere annos spatiis, mensesque diesque:
 Sive illos Phœbi quæ ducitur orbita spiris,
 Seu vaga palanti designet Cynthia curru:
 Tum quibus in terris, & cur Phœbeius axis
 215 Alternis æquet tenebris hic, augeat illic,
 Et rursus minuat vario discrimine luces:
 Protrahat his umbras humilis, sublimior illis
 Contrahat; aut lustret totas e vertice moles.
 Scilicet ætherei Titan fons luminis, ignes
 220 Undique vitales terris sparsurus, anhelis
 Signiferum permensus equis, cursuque peracto
 Quum redit unde abiit, quocunque in limite metam
 Fixerit, hoc totum gyro definiet annum:
 Qui spatio semper sibi par claudetur eodem,
 225 Principium si sidus erit; sin limen aprici
 Veris, inæquali deducet tempora circo.
 Jam quos Sol menses, dum singula signa pererrat,
 Dispersitque suum bis senis partibus annum,
 Ter denis finit gradibus, Latonia Phœbe
 230 Non nisi decurlo signorum terminat orbe:
 Aut ubi quam liquit metam jam contigit; ultra
 Aut ubi prægressi relegens vestigia Phœbi,

- Assequitur fratrem, atque evanida cornua condit.
 Quoque semel spatio, permenso Phœbus Olympo,
 235 Obliquum decurrit iter, soror illius orbem
 Ter quater integrat, positosque recolligit ignes,
 Et proprium absolvit bis sex his mensibus annum.
 Hos annos ergo & menses dispensat utrumque
 Sidus, & imparili moderantur tempora motu.
 240 Ast uni Phœbo normam metamque diebus
 Præfinire datum, variataque legibus æquis
 Partiri terris discrimina lucis & umbræ.
 Nempe diem naturalem vertigine spiræ
 Unius absolvit: vel primi simplice motus
 245 Circuitu, tanti protractu temporis aucto,
 Obliquo quantum interea Sol axe peregit:
 Civilem vero, terras dum lampade lustrans
 Exstat Horizonti, primo deducit ab ortu
 Littus ad occiduum, & præsentī lumine ubique
 250 Orditur finitque diem; noctemque tenebris,
 Dum latet, & fusco terras involvit amictu.
 Sic fugit alterna vel pellit luce tenebras,
 Permutatque vices, noctem ut vertigo diemque
 Una ferat secum, nox illic una diesque
 255 Continuet plures decursu perpete gyros.
 Nec tamen alternis æquantur lucibus umbræ,
 Mensurave pari, similique tenore vicissim
 Incrementa loco quovis aut tempore mutant.
 Namque ubi terrarum medii fastigia cœli
 260 Occupat Æquator, nunquamque a vertice nutat,
 Phœbeas quoniam spiras Finitor utrinque
 Semisses recta semper partitur in æquas;
 Perpetuo noctique dies, noctesque diesque
 Inter se paribus spatiis æquantur; & æquis
 265 Ut lux bis senis, sic nox traducitur horis.
 Hic Sol dum Boreæ confinia lustrat & Austri,
 Nunc Phryxæa suis perfundens vellera flammis,
 Pendula nunc justæ trutinans examina Libræ,
 Arduus e summo cœlorum culmine, eodem
 270 Bis anno Æthiopum sitientes torret arenas:
 Et versa in sese radiorum cuspide, rectas
 Arboribus negat & puteis illustribus umbras.
 Quas hinc digressus, seu se demittat in Urfas,
 Cornua seu Capri repetat, declivis utrinque
 275 Hic dexteras, illic media sub luce sinistras,
 Omninoque pares Tropico sub utroque, aliisque

Porrigit e signis, quorum inclinatio par est.

Quin si vicino ætatem, brumamque remoto

Axe trahit Titan, & dum propiore reflexos

280 Concurſu cogit radios, acieve retuſa

Laxius incurvat; ſiccis nunc æſtuat arvis,

Nunc ſua frigoriſus concedit tempora; blando

Frigora nunc æſtu, nunc frigore mitigat æſtum.

Bis idem hic gravidis annus caneſcet ariſtis,

285 Bis dabit arboriſus frondes, bis vitibus uvas,

Molliſus & lætos pratiſus renovabit honores

Flore novo, bis cana gelu, pluviisſus madeſcens,

Alternas ſibi bruma vices depoſcet, inerti

Squalebunt bis arva ſitu, bis frigora ſylviſus

290 Decutient frondes, & erunt ſine floribus horti.

At quoniam utrumviſus Phœbuſus declinet in axem,

Vix quater hic ſeniſus a vertice partiſus unquam

Abſcedit, nec magno æſtum diſcrimine mutat:

Seu radios laxa, ſeu cuſpide ſeclat acuta:

295 Et metas cœlique inter faſtigia currenſus,

Itque reditque brevi ſua per veſtigia gyro.

Nulla hic bruma gelu, non ulliſus Sole remoto

Frigoriſus riget, aut nemorum populatur honorem:

Non nivibus canent, non horrent arva pruinis,

300 Nec glaciſus incruſtat aquaſus, nec turbiduſus unquam

Inſultat teclis lapidoſiſus grandiniſus imber.

Perpetui pratiſus floreſus, denſiſusque perenneſus

Luxuriant ſilviſus frondeſus; ſemperque recentem

In ſegetem turgeſcit humuſus, ſua germinat arboſus

305 Poma ferenſus, totoque parit vel parturit anno.

Tanta beat fœtaſus cœli indulgentia terraſus.

Non illiſus cenſetur hiemſus, niſi Sole propinquo

Æquora perſudit quum pluſimus imber, & æſtuſus

Mitior a pluviis Eurique frequentibus auris

310 Incubat, & glebaſus fœcundo rore maritat.

- Nec certa niti nobiſus ratione videntur,

Qui velut in Tropiciſus, ſic Æquatoriſus in ipſo

Tranſcuſu, geminiſus ſtatuunt Titania ſiſti

Lumina ſolſtitiiſus: quæ, cum ſub vertice ſiant,

315 Alta vocant; totidem quaſi diſtinguantur ab imiſus.

Nam quanquam in Cancro Phœbuſus Caproque morari

Dicatur; ſeu quod retro flexuruſus habenas

Hos ultra ſineſus neutrum tranſcendat in axem;

Seu quia vix ullo jam tum diſcrimine luceſus

320 Augeri minuive queat deprenderet ſenſuſus:

- His tamen ex causis æquanti adscribere cyclo
Solstitium non jure licet: quem ultraque citraque
Phœbus agens currum, nusquam remoratur anhelos.
Quadrifuges, metis nisi cum se flectit in illis.
- 325 Efficiat vero si par mensura dierum
Solstitium, hic toto Sol stare videbitur anno.
Nec si illic, summam quoniam tenet ætheris arcem,
Altius ire nequit, pronoque inclinet Olympo,
Solstitium faciet: nec enim tum sistit equorum
- 330 Procursum, aut verso relegit vestigia curru,
Donec in extremas promovit lampada metas:
Jamque parallelus quivis sic circulus alti
Solstitii fiet, statuit dum in vertice Phœbum.
Ut par sit geminam tantum statione morari
- 335 In Tropici Solem, reliquis aut omnibus æque
Bis geminum adscribi spiris: nec solus ab alto
Solstitio Æquator proprium sibi nomen habebit.
Hic demum usque adeo pronis libratur utrinque
Verticibus nusquam terris acclivior axis,
- 340 Ut nullum dextro lævove sub æthere verset
Astrum immune maris: retegunt se cuncta caduntque
Sidera, nec totas ducunt illustria noctes.
Quorum autem Arctoum vertex inflexus in orbem,
Æquantem citra cyclum, sed Carcinon ultra
- 345 Constitit, his Aries tantum Chelæque tenebras
Lucibus exæquant: non æquas cætera mutant
Signa vices; verum exiguo discrimine: namque
Hoc toto quacunque patet lux maxima tractu,
Tres solas horæ semisses detrahit umbris:
- 350 Nec plus nox adimit minimæ longissima luci.
Quin nec ubique pari trahitur lux maxima filo:
Altius at quibus æquoreis submovit ab undis
Conspicuas Cynosura faces, his Phœbus habenas
Laxat, & ardentis complexus brachia Cancri
- 355 Curriculo majore diem producit; ut Hirci
Sidera percurrentes arcu breviorē coarctat.
Hic quum spirā, cui vertex insistit, utrinque
Signiferum feriat, bis anno sistet eodem
Vertice sub summo Solem, geminumque notabit

360 Sol-

[1 Solstitio] Post hunc versum in Editione Amstel. hi sequuntur,
Depreſsum est hunc esse locum, quo circulus alti Solstitii medium signorum percutit orbem.

quos ab Auctore Lucani lib. IX. v. 531. in suis Commentariis citatos, officina librarii in textum tranſtulit.

- 360 Solstitium: si stare velis sub vertice Phœbum;
 Ultima ubi non sit protractæ meta diei
 Aut noctis: nec Phœbus equos currumque reflectit:
 Æstates etiam geminas, vicinia Solis
 Si facit æstatem, vel sola remotio brumam.
- 365 Quanquam illis nec prata rigent, nec pigra ligantur
 Stagna gelu, nec humus hiberno frigore torpet:
 Vix montes nix ulla tegit, nec sæpius unquam
 Eripit his Soles, aut plenius irrigat arva
 Juppiter, ardentes aut temperat imbribus æstus:
- 370 Quam quum Phœbeos alta sub luce jugales
 Sistit anghela dies, mediamque peregerit horam.
 Flumina tum multos pontusque lacusque vapores
 Exhalant; totas & jam Sol arduus haurit,
 Quas iterum effundat plenis e nubibus undas.
- 375 Longius amotos nec si declivis in Austros
 Ægoceros humili Solem statione moretur,
 Frigoribus defævit hiems: quin blandior aura
 Perpetuo ceu vere tepet, largoque sereno
 Indulget natura sibi: vicinior autem
- 380 Carcinus æstivis etiam fervoribus urit.
 Hic quoque nunc dexteras nemorum, nunc ire sinistras
 Conspectiunt umbras: sed cono dispare, signis
 E paribus: totas etiam bis luce quotannis
 Sub media absumi; quum vertice rectus ab alto
- 385 Signifer extremis cœli qua cernitur oris
 Insistit, raditque polis confinia terræ.
 Jam vero Cancer recta quibus imminet, ipso
 E Tropico, summique tenet fastigia cœli;
 Hac Sol, obliquum dum ducitur annus in orbem,
- 390 Ut tantum semel ingreditur, sic cuspide recta,
 Non nisi tum, medio cœli de fornice, terras
 Subjectas ferit: & nusquam porrecta Syenem
 Umbra fugit, penitusque suos evanida conos
 Destituît: volucres haud usquam verius alto
- 395 Solstitio remoratur equos, non acrius arvis
 Æstuat, aut siccis ardescit Phœbus arenis.
 Et quanquam multos æstas hic una calorem
 Protrahat in menses, longoque efferveat æstu,
 Frigoribus tamen & gelidæ sua tempora brumæ
- 400 Concedit: quin jam manifestius algor & æstus
 Alternant cum Sole vices, pluvioque subinde
 Reddit hiems Austros, fœcundaque nubila glebis.
 At seu Parrhasiam conscendat Phœbus in Arcton,

- Siue Noton repetat, dextris a vertice nunquam
 405 Exspatiatur equis, nec turbinis umbra madentem
 Jam tantum non læva cadens excurrit in Austrum.
 Hic etiam summa quum Cancer ab ætheris arce
 Despectat terras, obliquior orbita Solis
 Scindit Horizontem surrecto segmine, qua cum
 410 Æquatōre coit: statuitque in margine cœli,
 Hinc Chelas, illinc Nephelæi velleris ignes.
 Nec multum dispar terris a limite Cancri
 Est habitus cœli, ad cyclum vicinior Ur̄is
 Signiferi quem cardo terit. Lux namque quotannis
 415 Bis tantum æquales numerat cum noctibus horas:
 Solstitium bis Phœbus obit: totumque vicissim
 Uno annum integrant æstas & bruma recessu:
 Quanquam non æquis spatiis, nec ubique locorum
 Temperie simili. Nam quo sublimior exstat
 420 Oceano vertex, propiusque accedit ad Arcton,
 Acrior in plures protracto frigore menses
 Sævīt hiems: siccis minus ul̄ta caloribus æstas
 Tardius inducit messes, aut purpurat uvas:
 Longius ut luces, sic Sol altissimus umbras
 425 Producit: Septem minus & vicina trioni
 Sidera perpetuas peragunt illustria noctes.
 Arduus at nunquam his Titan e vertice rectos
 Impingit radios, aut lævas porrigit umbras:
 Nec minor hic bis septenis semisse reducta,
 430 Quattuor aut senis lux maxima longior horis.
 Has quæ Zodiaci Arctoo sub cardine gentes
 Attingunt propiore situ, bis noctibus æquas
 Aspiciunt etiam luces, geminoque morantem
 Solstitio Solem: nunc Cancri in limite, toto
 435 Circumferre faces gyro, bis terque quaternas
 Alterna sine nocte diem producere in horas:
 Nunc totidem horarum spatio, sub sidere Capri,
 Non interruptis alterna luce tenebris
 Cedere: inocciduis ut utroque in limite flammis
 440 Radat Horizontem, & tantum semel umbra sub Austrum
 Excurrens sine fine fluat; Sol infima circi
 Cum tenet æstivi, & tantum non mergitur undis.
 Perpetuas his bruma nives & frigora multos
 Prorogat in menses, brevibusque caloribus æstas
 445 Vix tepet, & rara solatur fruge colonum.
 Jam cœli medium quoties his setiger Hircus
 Cornibus insedit, gyrum solaris in unum

Orbita cum superi coalescit margine mundi.

- Hinc quibus affurgit mundi ad fastigia vertex,
 450 Hoc etiam commune datum; nunquam nisi Libra
 ' Judice, villosa aut Phryxi vectore, diebus
 Æquari noctes; æstatem hiememque per unam
 Circumagi Solem: dici si debeat æstas,
 Quæ vix fronde viret, nullis incanet aristis,
 455 Perpetua obnubit cœlum caligine, lenta
 Sic languet flamma, vix ut brumalia laxet
 Frigora, nimbofos vel leni mitiget aura
 Horriferi Boreæ flatus. Hanc perpete bruma
 Usque adeo natura plagam terrasque rigentes
 460 Solibus ignavis, & raro culta colono
 Arva situ, pelagusque gelu damnavit inerti.
 Solstitium Cancri tantum sub sidere Titan
 Hic peragit, Capro semper latitante: diesque
 Continuas aliquot consumit maxima spiras,
 465 Noxque pares adversa trahit: sed & utraque tanto
 Pluribus extrahitur, propius quo cardine mundi
 Distiterit vertex, donec longissima senos
 Tantum non explet menses: nec sic tamen æquat
 Nox hiberna diem æstivum: quem Phœbus ab undis
 470 Dum vehit acclivis, vel pronus condit in undis,
 Ætheris extremas bis præterlabitur oras:
 Bis simili allapsu orditur finitque tenebras.
 Hic quoque conspicuo mundi cum circinet omnem
 Axe plagam, lævas in longum exporriget umbras.
 475 Queis demum Arctous cœli de culmine vertex
 Imminet, atque imas mundi circumfluit oras
 Qui medium luci atque umbris discriminat orbem
 Circulus; imparibus totum semissibus annum
 Meritur cum nocte dies: senisque videtur
 480 Mensibus, & totidem occulitur Phœbeius axis.
 Nusquam ortus, nusquam occasus, mediæve diei
 Designare plagam; æstatem discernere bruma
 Nulla fruge licet: vix frondes induit arbos,
 Frigora vel vernos admittunt longa tepores.
 485 Has sedes mediis mundi regionibus exul
 Informis sibi legit hiems; quas sola teneret,
 Duro tuta gelu, sævis armata pruinis,
 Incanaque nive & gelidis Aquilonibus horrens.
 Et quanquam hic solus Phœbum statione moretur

490 Can-

- 490 Cancer inoccidua; totoque acclivis Olympo
 Undique diffugiat spatiis æqualibus undas,
 Et longas quaquaversum circumferat umbras:
 Usque adeo tamen obliqua tum cuspide lumen
 Flectitur, & densa languet caligine Titan,
 495 Vix ut tam modicis hiberna remittere flammis
 Frigora, vel rigidis exsolvere Nerea vinclis,
 Aut terræ laxare sinus & viscera possit,
 Quo sese humanos didat genialis in usus.
 Jam vero, tellus a circo æquante tenebras
 500 Lucibus ad cyclum gelidas qui circuit Arctos
 Qua patet in latum; quoniam lux maxima certis
 Incrementa capit gradibus; non dispare norma,
 Dissimili tamen effectū; nec semper iisdem
 Terrarum spatiis discreta, aut limite fixo:
 505 Qui primi æthereas animo & ratione sagaci
 Monstravere vias, & quas non cannabe possent;
 Cœlo metiri terras docuere, dierum
 Hæc intervallis numerisque augmenta per horæ
 Semisses distincta suis, recto ordine, qua tum
 510 A mundi medio Arctoum inclinata sub axem
 Culturæ patiens tellus est credita, septem
 Signaverè notis, totidem regionibus orbem
 Finivisse rati: a Meroë quæ climata nusquam
 Ultra Sauromatas Riphæaque culmina ducunt.
 515 At nostro quorum solers audacia seculo
 Explorata dedit maria undique, & undique terras
 Persuasit jam posse coli, nullisque periclis
 Exhausta ignotum priscis penetravit in orbem,
 Lege quidem normaque pari semissibus horæ
 520 Climata distribuunt: numero sed plenius aucto,
 A Meroë ad cyclum Phœbi quem semita tractu
 Cardinis exarat, ter sena & quinque recensent:
 Singulaque impositis appellavere locorum
 Nominibus, per quæ medium quo clima notatur
 525 Circulus excurrrens cœli fastigia signat.
 Quæ quo sunt cyclo æquanti propiora, diemque
 Segmento brevior trahit Junonius ignis,
 Latius extendunt fines, majoraque terræ
 Comprehendunt spatia, & circis majoribus orbem
 530 Incingunt: Helicen sed quo vicinius altam
 Aspiciunt, Cancro Phœbum referente sub undas
 Tardius, & gyro clausas brevior tenebras,
 Hoc magis angustis circo contracta minore

- Finibus, æquali variant discrimine luces;
 535 Usque ter octonas dum lux absolverit umbras.
 Sic totidem dimensa pari ratione modoque
 Ultra Æquatorem distingui climata possunt,
 Et definiri discrimina lucis & umbræ,
 Tempora si mutes: nam dum brumalibus illic
 540 Canet hiems nivibus, nobis maturat aristas
 Æstas, & rapidos accendit sicca calores.
 Hinc dispar non pauca situs immutat ejusdem
 Climatis in tractu: nec non communia quædam
 Servat in oppositis. Etenim sub climate eodem,
 545 Una quibus medium lucis discriminat orbem
 Meta, deditque vetus Periœcis Græcia nomen,
 Mutatur cum nocte dies: hos quippe tenebris
 Intempesta premit dum nox, altissimus illos
 Sol ferit: & quoties umbras lux æquat utrisque,
 550 His ubi se primo sub vespere condidit undis,
 Illis mane novo se Tethyos exserit undis:
 Ast alias utrisque potest simul usque videri,
 His oriens, illis prono devexus Olympo.
 At qui obversa colunt sub eadem climata circuli
 555 Dimidiæ lucis semisse, ideoque Pelasgis
 Antœci proprio dicuntur nomine: utrisque
 Quamvis una notet mediam noctemque diemque
 Hora, parique gradu diductus & ordine crescat
 Decrescatque dies, tamen his dum Delius axe
 560 Protrahit acclivi luces, umbrasque coarctat,
 Declivi jam tum cœlo delabitur illis,
 Contrahit & luci tenebris quas laxat habenas:
 Uno eodemque igni, simul his algore nivali
 Nectit aquas, brumamque arvis inducit inertem;
 565 Illis torrenti flagrantior incubat æstu,
 Et jam flava Ceres campos investit aristis,
 Turgentisque videt magna spe vinitor uvas.
 His etiam stellarum obitus mutantur & ortus,
 Nam quæ Signiferi surgentia sidera partes
 570 Hic tollunt, illic referunt labeutia in undas:
 Quæque hic ima latent, illic immunia ponti
 Pervigili totas traducunt lumine noctes.
 Qui demum adversis urgent vestigia plantis
 Antipodes, tantum ratione & nomine paucis
 575 Priscorum notos, idem secernit Horizon,
 Atque eadem mediæ justa semisse dici
 Linea; disjunctos spatiis a cardine mundi

- Hos ¹ Boreo Notioque illos secludit iisdem.
 Ast hos somniferis dum nox amplectitur alis
 580 Hiberna, & medio volvuntur sidera lapsu,
 Illis longa dies æstivis ducitur horis,
 Et minimis uvas defendit pampinus umbris:
 Quumque his decrescunt, illis augentur eadem
 Mensura parilique modo noctesque diesque:
 585 Perque vices utrique vident quæ sidera, sero
 His ubi se condunt, simul illis mane resurgunt:
 Quæque oculos fugiunt hic usque latentia nostros,
 Illic perpetuis exstant illustra flammis.
 Usque adeo simili permutant omnia cœlo:
 590 Dissimilesque habitus rerum sic provida lege
 Dispensat natura pari, & sua commoda terris
 Omnibus indulgens nostros se didit in usus.
 Naturæ arcana hæc priscis vix cognita seclis,
 Lucri sacra fames, atque indefessa cupido,
 595 Dum cuncta explorat, terras dum circuit omnes,
 Nec sibi inaccessum quicquam vel linquit inausum,
 Eruit in lucem; atque oculis subjecit & armis
 Pervia jam nostris quantumvis dissita regna
 Terrarum: fecitque fidem sic æquora vasto
 600 Tellurem gremio complecti, & fœdere in unum
 Concordi coiisse globum, centroque locari,
 Ut circumfusum sursum undique spectet Olympum;
 Tuta nec adversis vestigia figere plantis
 Antipodes ² metuant: & quæ miracula rerum
 605 Vix paucis potuere Sophis ratione magistra
 Persuaderi olim, nostri solertior ævi
 Ingluvies, alium nondum satiata sub axem
 Decurrens, sensu deprnderit obvia: & Ur sis
 Jam nunc occiduis, alieno sidera cœlo,
 610 Exilis qua ducit acus, ignota sequatur.

¹ Boreo Notioque] Ita MS. Amst. No-
 toque, repugnante metro.

² Metuant] Ita MS. at Amst. me-
 tuent, male.

SUPPLEMENTUM,

ADAMO REGIO SCOTO *Auctore.*

- A**ST ubi flammivomis iterum expugnata sagittis
 Delius hæc repetit, lucemque in regna reduxit,
 In Noton illa suas alioque sub axe jacentes
 Ducit in Antipodes tenebrarum hiemisque cohortes,
 5 Frigoribus somnoque graves; loca squalida castris
 Occupat obscuris, imbelliaque agmina campis
 Latius effundit; propiusque minatur Olympo
 Cuspide promota, si longe apside sub alta
 Distiterit terris Titan: sin orbis in imis
 10 Sedibus eccentrici vicinior obsidet umbras,
 Ignavum illa metu populum trepidasque catervas
 Aggeribus claudit brevibus valloque minore,
 Contractoque subit cœlum jam parcius axe,
 Vicino semper metuens concurrere Phœbo.
 15 Se nisi fraternos propius Latonia Phœbe
 Quum dat in amplexus, collo caudave Draconis
 Implicitam, nox atra suis obtenderit umbris:
 Ut quæ non potuit Titani lumina, terris
 Eripiat: quanquam non omnibus omnia possit:
 20 His tamen, aut illis Phœbei corporis orbem,
 Aut totum interdum, aut aliquam tegit invida partem.
 At quoties pleno fraternos induit ignes
 Ore, atque adversis referitur Cynthia flammis;
 Si nimium fidens animi, telisque superba
 25 Non propriis, volucris propius jam concita biga,
 Castra inimica subit, positumque inscendere vallum,
 Et fossas superare audet secunda pericli:
 Nunquam impune vagas umbras noctemque soporam
 Sollicitat, quin aut faciem maculata decoram
 30 Parte aliqua tabo liver, fractisque sagittis
 Consternata metu; pulso vix ære venenum
 Excutitur, celerique fuga sese eripit hosti.
 At si quando humili subiecta per æthera biga,

- 35 Armorum fulgore tumens, plenaque pharetra,
 Intima castrorum penetret, mediisque Draconem
 Pervigilem tenebris incurrerit: ilicet ille
 Deprensam tenet, intortoque volumine caudæ
 Implicat, aut morfu infestat linguaque trifulca.
 Tum totam infuso faciem fœdata veneno
 40 Illa tremit, palletque metu incurfantibus umbris,
 Injectaque mora trahitur per opaca viarum:
 Donec Avernales tandem eluctata per umbras
 Fratris in aspectum rursus se vindicer, ignes
 Jamque novos posito sensim pallore resumat.
 45 Temporibus sic astra statis cœlumque tenebras
 Exercere odiis, & certis lumina caussis
 Deficere ac retegì voluit Natura; nec unquam
 Hos Lunam temere Solemve subire labores:
 Non magicis cœlo duci, aut squalere susurris:
 50 Non iras monstrare Deum, vel poscere pulsi
 Æris opem: sibi quæ vulgi male credulus error,
 Vana superstitio, & veri mens nescia finxit.
 Hæc animos Macedum sternat formido; luantque
 Quicquid habent Divi irarum cladisque futuræ.
 55 Hæc ubi differuit Gallus, populoque profano
 Eventu factura fidem secreta reclusit:
 Tantarum attonitæ rerum novitate cohortes
 Romulidum, nunc ora viri mentemque fragacem
 Suspiciunt, nunc jura animis cœlestia versant,
 60 Vincita suis. Sed adhuc pars vani incredula vulgi
 Spemque metumque interdum hæret, magnisque tenebras
 Exposcunt votis, prono lux aurea cœlo
 Occubat, & fuscis nox atra adremigat alis:
 65 Æmula cum fratris mundo subvecta silenti
 Titanis, sudum pleno subit æthera vultu:
 Moxque trahit rugas. Tum Gallum protinus omnes
 Circumstant: qui monstrat, uti occurfantibus umbris,
 Auricomæ frontis paullatim exuta decorem
 70 Livescat, totum donec ferrugine vultum
 Induat; & densas vix tandem emensa tenebras
 Incipiat puros qua primum expalluit ignes
 Concipere, & totis sensim se liberet umbris.
 Olli continuo posita formidine certi
 75 Has cœlo æternas Naturam figere leges,
 Dia nec incertos moliri sidera cursus:

Spe magna attollunt animos, pugnæque futuræ
 Expediunt sese, atque alacres jam prælia poscunt.
 Ex illo Æneadæ tabentia sidera nullo
 80 Perculsi spectare metu, nec credere cœlo
 Carmine deduci, aut magicos hausura fufurros
 Æra laboranti crepitu succurrere Lunæ.

F I N I S.

JOANNIS PINCIERI *Medici*

A R G U M E N T A

In Libros SPHÆRÆ GEORGII BUCHANANI.

ARGUMENTUM LIBRI I.

QUID mundus: mundi quot constet partibus orbis:
 Inferior quot contineat genitalia rerum
 Semina: quæ sursum levitas gravitasve deorsum
 Ex illis rapiat: faciem telluris & undæ
 Qualem massa gerat. Quod terra immota quiescat;
 Volvatur liquidum sua per vestigia cælum.
 Quodque magis tellus roseo non distet ab ortu,
 Distat ab occiduis quam qua Sol mergitur undis:
 Nec propius Boream tangat quam tangitur Austro.
 Ambitus hinc terram quantus circundet in orbem:
 Quanta ejus medium quæ transit linea punctum:
 Et quamvis terræ per se sit maxima moles,
 Quod cælo collata tamen sit seminis instar,
 Ex quibus innumeros Epicurus condidit orbes.
 Ista liber scito complectitur ordine primus.

ARGU-

ARGUMENTUM LIBRI II.

ALTER in ætheria totus consumitur ora.
 In qua, quod sensus cœlestia corpora fallant,
 Mentem adhibere decet; quæ plures colligit orbes
 Multipliçi e motu, visus licet arguat unum.
 Hi non arbitrio proprio casuve moventur,
 Sed quia sunt orbes, natura agitantur in orbem.
 Pressius hinc numerus sphaerarum inquiritur, & quam
 Quæque habeat sedem. Norat veneranda vetustas
 Bis quatuor, nonam quibus adjungere nepotes.
 Astra probant cælum immota tellure rotari,
 Astra sub Hesperio nunquam morientia ponto.
 Orbis idem specie formatum semper ab ortu
 Tendit in occasum: quo connituntur & ipsi
 Errones una, sed passibus haud tamen æquis.
 De quorum gemino damnatur opinio motu.
 Ex elementari massa constare negatur
 Machina cœlestis, nullis exposita ruinis,
 Eventis nullis: tamen hinc natalibus orbum
 Non sequitur cælum, divina potentia quondam
 Quod fecit, quod adhuc divina potentia servat,
 Et varie movet, & mira ratione gubernat.

ARGUMENTUM LIBRI III.

PROMTIUS in cælo ut varii discrimina motus
 Observare queas, aliosque deinde docere,
 Priscorum finxit solertia docta Sophorum,
 Ut circa immotum currens rota volvitur axem:
 Sic esse & cælo, circa quem volvitur, axem:
 Extremas cujus, qua tangit sidera, partes
 Dixerunt duo puncta Polos sermone Pelægo.
 Idem etiam variis cæli palatia gyris
 Distinguunt, quorum bini dicuntur ab Arctis,
 A Solis bini nomen meruere reflexu.

Hi.

*Hi, quia sunt parvi, non æquis partibus orbem
Ætherium findunt, appellanturque minores.
Majores reliqui paria in segmenta nitentem
Discindunt cæli campum: ut qui lucibus æquas
Nocturnas reddit tenebras, geminique Coluri,
Zodiacusque patens, in bis sex signa diremtus,
Quin visus etiam nostri finitor Horizon,
Atque ~~persequitur~~ ^{est}. Non huc via Lactea spectat.
Hos inter quina spatiis æqualibus inter
Sese distantes spiræ inveniuntur: Olympum
Per quas cum terra una, qua respondet Olympo,
In totidem secuit majorum industria Zonas.
Tertius ista liber prolixius omnia tractat.*

ARGUMENTUM LIBRI IV.

AUCTOR quæ voluit quarto comprehendere libro,
Non longa serie mox ipso in limine narrat.
Ast quam propitiis Musis, Phœboque favente
Gnaviter orsus erat, nequirit pertexere telam.
Sive illi duræ secuerunt stamina Parcæ:
Sive agitans vates alio vatem impulit ardor:
Sive ætate gravi, victoque senilibus annis
Non indulserunt graviores otia curæ.
Mancum opus ^{est} mutilum est, ^{est} cui bona portio desit,
Namque ortus præter stellarum obitusque, Poëtæ
Ad designandum triplici discrimine tempus
Qualibus utuntur; quidque ortum obitumque vocare
Astrologi soleant; libro nihil exstat in isto.
Vestibulo ex ipso quid desit collige lector.

ARGUMENTUM LIBRI V.

QUID Lunæ obscuret cæca caligine vultum,
Vel Phœbi obnubat faciem, illiusque micantes,
Auferat in certâ radios mortalibus ora:
Versibus excultis liber edocet ordine quintus.

*Carminis Æmonii tantum is negat esse venenum,
 Vel tantum magicos vel aniles posse susurros,
 Ut Phœbum obducant tenebris, Phœbivæ sororem.
 Quin ob defectus Lunæ Solisque labores,
 Si forte Astrologus pestemve famemve minetur,
 Aut hostem infestum peregrinis affore ab oris
 Nuntiet, indignum terreri pectora censet.
 Posse etenim ex ipsis naturæ fontibus hujus
 Eventus causam reddi, sub nomine Galli
 Militis & Musas & Martia castra secuti
 Narrat, & e tenebris tenebrarum vindicat ortum.
 Huic etiam calcem libro non addidit auctor
 Extremamve manum: nam pauca deesse videntur.*

In GEORGII BUCHANANI SCOTI
 de Sphæra libros,

a JOANNE PINCIERO recognitos, & Supplementis auctos,
 Epigrammata duo, a JOHANNE JONSTONO
 SCOTO, Helmstadio missa.

I.

VIDIT ut eximii Phœbus mon-
 umenta laboris
 Sic indigne adeo nocte silente pre-
 mi:

Ingemit, ac secum meditans, Ec-
 quis modus (inquit).

Aut erit hic tanti quæ medicina
 mali?

Quis redimet, lucique iterum redi-
 viva reponet?

Qualis huic fronti laurea frondis
 erit?

PINCIER en solus palmæ succedit
 honori,

Atque opus a tenebris vindicat ar-
 te sua.

Sic igitur parta læteris fronde, per-
 ennis

Nominis ut vigeat fama decusque
 tui.

A L I U D.

Cynthius Uranæ curæ est, ut
 cætera cœli

Lumina, quæque regunt flam-
 mea signa Polum.

Uranien Phœbo curæ quis nescit?
 utrique est

PINCIER ingenii clarus honore
 sui.

Hæc

Hæc Solis coelique vias monstravit: En utriusque vides vera hic vestigia,
 at ille Sphæram
 Pieriæ docuit plestra movere ly- Sedulus exornat dum, BUCHA-
 ræ. NANE, tuam.
 Hinc facili tua Musa stylo tam dul- Sic faveant igitur Musæ, sic dexter
 cia fundit Apollo,
 Carmina, vel prisceis annumeran- Sic faveant cœptis astra benigna
 da choris. tuis.

De Sphæra GEORGII BUCHANANI,

Et Supplemento JOHANNIS PINCIERI.

LECTOR, & numeris, & uni- Et doctissimi & optimi Scoto-
 versi rum
 Orbis artificii vacans theatro, Felicissimus æmulator Hæssus
 Et laudes cane grate BUCHA- Doctus philosophus, bonusque
 NANI, vates.
 Et laudes cane grate PINCIERI.
 Nulla Musæ quod ausa, BUCHA- Ter conatus ego, quod hic & ille,
 NANUS Ter divæ Uranies opem vocavi:
 Cœpit raræ opus eruditionis, Ter vero calamis manu rejectis,
 Sphæramque harmonicis modis Ter frustra Uranies opem voca-
 polivit, vi.
 Solers cosmographus, bonusque Namque uni quod & alteri dede-
 vates. runt,
 Hoc multis aliis Dii negarunt.
 Nulla Musa quod ausa, PINCIE- Libri, quisquis es, ergo lector hu-
 RUS jus,
 Dedit raræ opus eruditionis, Et laudes cane grate BUCHA-
 Expletum numerisque, & absolu- NANO,
 tum Et laudes cane grate PINCIE-
 Cunctis partibus, & tulit lacunas, RO.

RODOLPHUS GOELENUS,
 Professor Philosophiæ in Academia
Marpurgensi.

ADAMI REGII SCOTI

In Libros GEORGII BUCHANANI de SPHÆRA

A R G U M E N T A.

ARGUMENTUM LIBRI I.

PRIMUS habet complexa suo quæ semina rerum
 Luna sinu cohibet; certis sic sedibus apte
 Disponi levitate sua vel pondere, ut uni
 Circumfusus aliud discordi fœdere præstet
 Hospitium: verum guavo cessura colono
 In corpus coisse unum terramque salumque,
 Et formam quaquaversus retinere rotundam.
 Terram autem immunem motus sua pondera mundi
 Librare in medio, & magna sub mole videri:
 Immenso quamvis si componatur Olympo,
 Vix atomi sit vel puncti non scetilis instar.

ARGUMENTUM LIBRI II.

Hic primum ex vario qui versat sidera motu
 Ætheris immensi molem dispescit in orbes:
 Qui circa immotam ut vectent sua sidera terram,
 Non casu, nec sponte sua, sed lege cientis
 Naturæ, certa peragunt vertigine cursum.
 Tum quot sunt numero, tum quo sese ordine claudant,
 Explicat; utque globi nulla non parte rotundam
 In faciem coëant: hinc qua ratione supremus
 Secum alios orbes ducit, reliquique sub illo
 In mundi adversam torquent sua sidera partem.
 Tum quæ materies cælo data, simplice constans
 Natura: quam non mutet, non ulla senescens

Vis

*Vis ævi lasset, minuatve vel augeat: ortus
Quæ tamen laud' expers, æternæ exordia causæ
Debeat, immensum justo moderamine mundum
Quæ regat, & nostros clemens conformet ad usus.*

ARGUMENTUM LIBRI III.

EDOCET hic cæli, circa quem volvitur, axem,
Immotosque polos, mundique ut mœnia gyri
Ardua disparibus spatiis utrinque Polares,
Et Tropici, paribusque secant Æquator, Horizon,
Quique diem medium dirimit, qui Solis utramque
Percurrit metam, qui justo examine signat
Æquatas tenebris lucēs; & latior illis
Signifer obliquo deducit sidera tractu:
Lactea inæquali tum ducitur orbita calle:
Et cæli ut faciem, sic & telluris & undæ
Quinque tenent Zonæ, quas nostri industria secti
Cultas humanos se didere vidit in usus.

ARGUMENTUM LIBRI IV.

EXPLICAT hic stellarum ortus obitusque, Poëtis
Tempora qui signent: tum cur quæ recta feruntur
Plus, obliqua minus, secum Æquatoris ab undis
Signa emersa trahunt, conduntque abeuntia in undas.
His nos addidimus cur lux contracta tenebras
Protrahat, atque statis vicibus protracta coarctet;
Aut semper cum Sole pares sibi vindicet horas:
Cur Sol dum spatiis lucem discriminat æquis,
Altior his umbras minuat, depressior illis
Augeat: æstivæ cur hic æqualia lucēs
Tempora concedant tenebris, increseat at illis
Usque adeo protracta dies, nox una diesque
Dum totum sub utroque polo definiat annum:
Climata dein, quantoque situs discrimine, in orbem
Quæ colitur tellus, homines vestigia mutant.

ARGUMENTUM LIBRI V.

DEFFECTUS *Lunæ varios Solisque labores*
Quintus ut enarret, damnat quod credidit olim
Vana superstitio, & veri gens nescia, cæcis
Condere se tenebris metuentia sidera carmen
Æmonium, & cælo deduci posse venenis,
Credula ni pulsæ plebs auxilietur ahenis:
Damnat & Astrologos, frustra quasi bella famemque
Regnorum aut clades, vel Regum funera ab illis
Deliquiis metuant: tum Lunæ narrat amores:
Primus & ut veras horum deprendere causas
Endymion potuit: quas demum castra secutus
Romulidum Gallus diffusius explicat, omni
Et posita socios animat formidine in hostes.

In tres Sphæræ Scriptores Scotos.

<p>BINA <i>Caledoniæ</i> fulserunt hæc- nus oræ Lumina, præcipuis annumerata Sophis: Qui circum immensi sinuosa volumi- na cæli Vecti animos, calamo supposuere suo. Prodiit inde SACRI celebris cogno- mine BOSCI, Cujus in Uraniæ gloria prima scholis. Prodiit & VATUM PRINCEPS, qui carmine dulci Sidereas docuit <i>Timoleonta</i> vias.</p>	<p>Divino excitus jam tandem RE- GIUS æstro Perficit & clara lustrat utrumque face: Proximus, ut genio felicitis carminis uni, Notitia astriferi major utroque poli. Trina <i>Caledonio</i> posthac sint insita cælo Lumina, cum primis emineant- que Sophis: Deducta in terras qui sidera & orbi- bus orbes Implicitos calamo supposuere suo.</p>
----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

PATRICIUS SANDÆUS.

*In viri clarissimi, Juris peritissimi, Mathematici doctissimi,
ADAMI REGII, ad G. BUCHANANI Poëta-
rum nostri seculi facile Principis Sphæram Supplementum, &
Commentarios, ALEXANDRI HUMII ab omine &
nomine Tetraſtichon.*

NON Natura tibi mentitur ab
omine nomen,
Quod personæ index ingenique
tui.

Adamus primus vidit sub origine
mundum:

Tu mundi leges, tempora, tem-
pla vides.

Regibus hoc studium paucis, dare
fœdera terris:

At tibi nosse poli fœdera, nosse
soli.

Ergo neget quisquam positum tibi

ab omine nomen?

Cum tam conspirent nomen &
omen idem.

ALIUD EJUSDEM.

TU *SCOTIS* quondam præluxti
lumina, lumen

Ad lumen supplet *REX, Bucha-
nane*, tuum.

Nunc gaudete duos vobis luceſcere
Soles,

SCOTIA quos peperit, si sapit,
orbis amat.

F I N I S.



EURI.

M E D E A

Georgio Buchanano Scoto Interprete.

Ad Illustrissimum Principem,

JOANNEM A LUCEMBURGO,

IVERIACI ABBATEM,

GEORGII BUCHANANI

P R Æ F A T I O.

NON dubito plerosque futuros, Princeps clarissime, qui statim ubi hæc in manus sumserint, meam admirentur impudentiam, vel potius temeritatem, quod in tanto bonorum ingeniorum proventu, id ego potissimum sim ausus aggredi, quod aliorum vel pudor refugerat, vel reformidarat audacia, atque Euripidi vertendo manum admolari non pertimuerim: præsertim quum non ignorarem hanc a plerisque rem prius tentatam, uni Erasmo ita successisse, ut juxta ab incepto me deterrere debuerit illorum casus, atque hujus felicitas: qui, præterquam quod ad eam rem venerat tot bonarum artium præsidio instructus, etiam si qua erat in hac parte novitatis gratia, eam præoccupaverat. Accedit & illud, quod præter summam in Choris obscuritatem (quæ huic scriptori adeo familiaris est, ut eam de industria seclatus esse videatur) hæc ipsa quondam Fabula ab Ennio prius versa fuerat, cujus non pauci versus adhuc in veterum commentariis passim leguntur: quorum comparatio his nostris, alioqui obscuris, plurimum sua luce officere posset. Ego vero, tantum abest ut his a scribendo rebus fuerim deterritus, ut in utriusque fortunæ qualemcunque eventum non mediocriter præsidium hinc fore jam animo præceperim, atque mihi ipse quodammodo sponderim. Nam tametsi plausum a studiosorum theatro hæc Fabula non accipiat, si utcunque tamen steterit, nec ignominiose explodatur, nunquam æque moleste

moleste feram Ennii atque Erasmi auctoritate mihi tenebras offundi, quam me post tam præclara nomina qualemcunque saltem locum tenuisse. Hoc vero quicquid est operæ, nos tibi, Princeps clarissime, potissimum censuimus dicandum, non modo ut grati saltem animi professione tuam erga me summam testarer humanitatem, aut a vestræ familiæ nobilissimæ splendore contra calumniantium invidiam præsidium mihi peterem; sed ut meliori spe reliquorum doctorum suffragiis me committerem, si tui iudicii prærogativa subnixus essem: qui quum in omni disciplinarum genere principatum teneas, ac in hoc Poëticiæ studio singulari quadam felicitate verseris, soles tamen (ut inquit ille) meas esse aliquid putare nugas.

ARGUMENTUM.

JASON Medea comite Corinthum profectus, cum Glaucæ Creontis Corinthiorum Regis filia nuptias paciscitur. Medea vero, indicto a Creonte exilio, unius diei moram exorat. Idque beneficium ut remuneraretur, dono per filios ad Glaucam mittit vestem & coronam auream, quibus illa induta exstinguitur: Creon quoque filia adhærens perit. Medea quum suos interfecisset liberos, currum, quem a Sole acceperat, alatis draconibus junctum, conscendit, atque Athenas profugit. Ibique Ægeo Pandionis filio nubit. Pherecydes autem & Simonides ajunt, Jasonem a Medea recoctum, juvenem denuo factum. De patre vero ejus Æsone, is qui de Argonautarum reditu scripsit, ita inquit,

*Atque iterum blanda fecit revirere juventa
Æsone, subtili distringens arte senectam,
Plurima quum labris coxisset pharmaca in aureis.*

Æchylus,

[Atque iterum] Hos versus Latine reddidisse videtur ipse Buchananus, ex istis Græcis,

Tom. II.

Αὐτίκα δ' Ἄισονα θῆκε φίλον κόρον ἡρώοντα,
Γῆρας ἀπολύσας· εἰδυῖσισι παρὰ πίδεσσι,
Φάρμακα πολλὰ ἔψχε' ἐπὶ χερυσίνισι λίθῃσι.

Y y y

Æschylus, in fabula quæ *Nutrices Bacchi* inscribitur, ait Bacchi nutrices, earumque viros, juvenes ab ea denuo factos. Staphylus autem inquit Jasonem quodammodo a Medea peremtrum. Nam quum ejus suasu sub Argus puppe obdormiret, navisque jamjam vetustate solveretur, ruina puppis oppressus periit.

Aliter per Aristophanem Grammaticum.

MEDEA odio adversus Jasonem concepto propter nuptias Glaucae Creontis filiae, Glaucam, Creonta, ac suos etiam liberos interemit: relictoque Jasone, Ægeo nupsit. Fabula Corinthi fingitur agi. Chorus est e mulieribus Corinthiis. Docuit eam¹ Pythiodoro prætore circiter octogesimam septimam Olympiadem.

¹ *Pythiodoro*] Ita legendum, non quod omnes libri habent, *Pythodoro*.

P E R S O N Æ.

NUTRIX *Medeæ.*

PÆDAGOGUS.

MEDEA.

CHORUS *mulierum Corinthiarum.*

CREON *Rex.*

JASON.

ÆGEUS *Rex Atheniensium.*

NUNTIVS.

FILII *Medeæ.*

EURI-

EURIPIDIS

POETÆ TRAGICI

MEDEA,

GEORGIO BUCHANANO SCOTO

INTERPRETE.

N O T I X.



TINAM Pelasgis
littus Argo ad Col-
chicum

Non transvolasset
Cyaneas Symple-
gadas:

Nec strata saltu pinus olim Pe-
lio

Cecidisset: æta nec virorum for-
tium

5 Dextris tulisset arietis spolium
aurei

Pelia imperante: non hera ex-
cellam mea

Medea Iolcon appulisset, Jasonis

Amore sævo pectus ægrum sau-
cia:

Auctor puellis nec trucidandi pa-
trem

10 Peliam, Corinthi degeret cum
liberis

Viroque, gentis cujus exul in-
colit

Solum, favorem demereri sedula,
Et ipsa ubique morem Jasoni
gerens:

FELICITATEM quam supre-
mam existimo,

15 Concors marito mulier ubi degit
suo.

Nunc odia fervent, dissident ca-
rissimi

Nuper: suorum liberorum pro-
ditor

Heræque Jason nuptiis regalibus
Fruitur, tyranni filiam Corinthii

20 Creontis arcto conjugem am-
plexu fovens.

At

1 Pelasgis Argo] Pari antonomasia di-
cit Pelasgis Argo, pro Pelasga vel Græca,
quo supra Miscel. 13. *Anthida aram*; pro
Atheniensem, & *Sphær.* III. pag. 469.

vers. 170. *Aside terra*, pro *Asiatica*, & Ovid.
Ep. XII. 9. *Magnetida Argo*, pro *Ma-
gnesia*, appellat.

Y y y 2

- At misera miseris habita ludibrio
modis
Medea, pactam clamat infelix si- 45
dem:
Pignusque fidei dexteram invo-
cat datae:
Testesque pacti conscios facit
Deos,
25 Non ita merenti quam rependat
gratiam
Fallax Jason: inedia se mace-
rans
Jacet, doloris magnitudine ob-
ruta
Flumine perenni lacrymarum li-
quitur.
Ex quo mariti sensit in se injuriam,
30 Immota vultus, moesta terræ lu-
mina
Figit: procellæ similis, aut sco-
pulo, abnuit
Surdis amicorum auribus solami-
na:
Nisi quod subinde colla flectens
candida,
Secreta secum exposulat, de-
flens patrem,
35 Patriam, penates patrios, quos
prodidit,
Virum sequuta, cui modo con-
temnitur.
At misera tandem jam suis didi-
cit malis.
Q U A M sit paternum suave
non linguere solum.
Inferens natos odit, aspectu frui
40 Non gaudet: illud vereor, ut
ne quid novi
Excogitet. N A M quum pati-
tur injuriam
Elatus animus, haud facile sibi
temperat.
Hanc novi ego probe: trepida-
que exanimor metu
- Ne ferrum acutum condat in
præcordia,
Ingressa furtim tectum ubi torus
sternitur:
Aut ne maritum perimat ac spon-
sam simul:
Dein majus ipsa subeat infortu-
nium.
Metuenda sane est, nec facile
victoriam
Referet, in illam si quis odia
exerceat.
50 At cursu omisso jam reversi li-
beri,
Non mente volvunt matris in-
faustæ mala.
P U E R I L I S animus gravibus
haud curis patet.
PÆD. Antiquum herilis fami-
liæ peculium,
Quid sola stabas conquerens pro-
pter fores?
55 Abs te relinqui sola Medea ut
feret?
NUT. Senex minister liberorum
Jasonis,
M A N C I P I A frugi, si quid
e venerit heris,
Æque dolere suo decet ut in-
commodo.
Vis me doloris eo redegit, ut
solo
60 Cœloque cogar evomere domi-
næ mala.
PÆD. Quid? misera nondum
luctui statuit modum?
NUT. A fine tantum luctus, o
bone vir, abest,
Ut hæc doloris sola sint primor-
dia.
PÆD. O stulta, (liquidem sic
decet de heris loqui)
65 Ut nil malorum comperit recen-
tium.

NUT.

NUT. Quid istud est? ne pigeat
effari, senex.

PÆD. Nil: extulisse me priora
pœnitet.

NUT. Amabo, me conservus
haud celaveris:

Nam si necesse est, spondeo si-
lentium.

70 *PÆD.* Sacras ad undas abeo Py-
renes, ubi

Sedere soliti sunt ad aleam senes.

Colloquia dum clam capto secre-
ta, audio

Exigere pueros ut Corintho co-
giter

Cum matre regni sceptraque hic
tēnet Creon.

75 *Verusne rumor hic sit, haud
certo scio:*

Falsum esse mallet, ac falsus ut
sit comprecor.

NUT. Et hæc Jason liberis fieri
finet,

Iratus et si dissidet cum conjuge?

PÆD. Affinitati vetus amor ce-
dit novæ:

80 *Nec huic amicus perstat ille fa-
milie.*

NUT. Perimus igitur, si ma-
lum accedit malo

Novum vetusto, donec exhau-
stum hoc erit.

PÆD. At tu quiesce, & com-
prime hæc silentio.

Nam tempus haud dum est, hoc
heræ ut fiat palam.

85 *NUT.* Audite pueri, qualis in-
vos sit parens.

Perire nolim, dominus est enim

meus:

Verum erga amicos perfidus de-
prenditur.

PÆD. Publica querela est ista,
jamdudum ipsa scis,

SIBI malle cunctos esse bene
quam proximo:

90 *Hunc jure, at alium 'commodo
adductum suo.*

*Si caritati liberum sponsam pa-
ter*

*Præfert Iason, nil facit certe
novi.*

NUT. Intro ite pueri, cuncta
succedent bene.

*At tu seorsum hos contine quan-
tum potes,*

95 *Neve ad parentem propius acce-
dere sinas.*

*Ira frementem nuper, oculis
flammeis*

*Vidi minantem nescio quid istis:
neque*

*Imponet iræ frena, donec quem-
piam*

*Feriat: in hostes potius utinam
hunc impetum*

100 *Fortuna, amicis incolumibus,
transferat.*

MED. Infelix ego, miseris curis
Confecta, hei mihi quomodo
perii!

NUT. Hoc, hoc ipsum est, ca-
ri pueri,

Æstuat ira animus genitricis,

105 *Turget bilis, properate cito,
Tecta subite:*

*Neve accedite lumina pro-
pius,*

Neve

[*Commodo adductum suo*] Ita Editio
Henr. Stephani anno 1567, & recentio-
res libri: Basil. vero, Commelin. & San-
ctandr. 1597, *additum.*

Neve accedite lumina propius] Ita an-

tiquiores libri; recentius vero editi, *li-
mina*: pro veteri autem lectione stare vi-
detur ipse Euripides, *Καὶ μὴ πάλαι πο-
τε*

- Neve adieritis, sed vitate
Animumque ferum, ac triste ingenium
- 110 Mentis præcipitis: jamjam ite,
Intro abscedite celeri passu.
Nam luctus dubio procul olim
Nubes surgens subito ardebit
Majore furore: ac patrabit
- 115 Aliquid mentis vis infrenis,
Et serie stimolata malorum.
MED. Heu, heu, toleravi misera,
toleravi mala magnis deflenda
Luctibus! O nati scelerati,
- 120 Vos male perdat miseranda parens
Cum patre, ac tota domus pereat.
NUT. Me miseram, cur natos patris
Peccato adscribis? cur illos
Odisti? hei mihi, pueri, misere
- 125 Metuo ne quid secus eveniat.
GRAVIS est regum fastus, & iræ
Nimium memoris, qui dare leges
Sunt soliti aliis, lege soluti
Ipsi. Judice me libertas
- 130 Par, & vitæ æquatio præstat,
Seque assuescere legibus æquis:
Si non regifico splendore, at
Tuto contentuisse licebit.
Nam popularius æqui juris
- 135 Primum est nomen, & experiundo &
Uso longe præstabilius.
AT sublimia nunquam stabili
Perstant homini fixa pede diu,
ac
Si quando fors læva intonuit,
- 140 Hoc ex fonte innumeræ luctus
Undæ in splendida tecta redundant.

- CHO.* Vocem audiui, audiui
planctum
Miseræ Colchidos: animi nondum
Æstus composuit: fare age, anus.
- 145 In vestibulo stans audiui
Intra atria clamorem: haud lætor
Vestræ, mulier, luctu domus,
Ac mihi minime grata geruntur.
NUT. Domus heu periit!
- 150 Deserta omnia: detinet illum
Aula tyranni, ac contabescit
Luctu in thalamis hera, amicorum
Nullo mollita animum hortatu.
MED. Heu, heu, ruat in caput hoc miserum
- 155 Fulmen ab æthere. Quis mihi superest
Dehinc vitæ usus, vivere ut optem?
Eheu! longis tristem curis,
Parcæ, miseram abrupte vitam.
CHO. Audisti, o Jupiter, o tellus,
- 160 O lux, quam vocem misera edat
Mulier? quod tandem immoderatum
Thalami desiderium cogit,
Stulta, accelerare horam fati?
Istud ne expete: quod si conjux
- 165 Connubio tuus alio fruitur,
Id ne improperes illi crimen.
Hanc tibi iudex Juppiter æquus
Dirimet litem. Ne te afflictus
Socium lugendo tori.
- 170 *MED.* O magna Themis, atque Artemis sancta,
Cernitis, impius in me conjux
Quale

Quale patrarit facinus, sancto
 Mihi jurejurando adstrictus?
 Quem cum sponsa utinam simul
 175 ipsis
 Ædibus oppressos conspiciam,
 Qui immeritam læsere priores.
 O pater, o patria a me inho-
 neste
 Germano deserta peremto!
 NUT. Quos vocet audis, quos
 imploret?
 180 Themis augustam, cum Jove,
 præses
 Qui creditur esse sacramenti:
 Nec cohibere hera poterit fa-
 cile
 Pectoris æstus.
 CHO. Qui fiet prodeat ut co-
 ram?
 185 Auribus ut sermonis nostri
 Vocem hauriat, ut, si pote
 fieri,
 Acres animi leniat iras,
 Ac violentum ingenium ponat?
 NUT. Haudquaquam sedulitas
 nostra
 190 Deerit amicis.
 CHO. At abi mea tu, domi-
 namque foras
 Educ, atque alloquere: heus
 propera,
 Ne delignet quicquam asperius
 Hos adversum, quos habet in-
 tus:
 195 Gliscit enim vis sæva doloris.
 NUT. Effecta hæc dabo. Sed
 metuo ut heræ
 Persuadere queam: ista labori
 Gratia vestro a me referetur:
 Et si foetæ more lænæ
 200 Luminis acies flammea servis
 Triste minetur, si quis propius
 Ut compellet, tentet adire.

NIL peccarit, veterum læva ac
 Præpostera qui vocet ingenia,
 205 Qui cantus ad sacra Deorum,
 Ad convivia, festasque epulas
 Instituire, illecebras gratas
 Auribus: at suaviloquum car-
 men
 Nemo invenit quo sedaret
 210 Tristes animi curas, unde
 Mortes plurimæque mala erum-
 punt
 Eversura domos: verum istis
 Cantu medicari utilius erat.
 Ad lautas epulas quid frustra
 215 Illa tendunt, copia ubi dapis
 Præsente animum lætitia ex-
 plet?
 CHO. Mœsti luctus gemitus
 nostras
 Perculit aures, clamat misera
 Illa, quam dolor edere cogit,
 220 Voce, malum compellans spon-
 sum,
 Veteris desertorem thalami.
 Læsa Themis Jove natam im-
 plorat,
 Arbitram jurisjurandi,
 Quæ illexit miseram ad solum
 Achivum
 225 Per mare sævum, Scythiæ ad-
 versum,
 Per ponti immensi spumantes
 Cano sale fauces angustas.
 MED. Egressa tecto sum, Co-
 rinthiæ nurus,
 De me querendi ne sit ulli oc-
 casio.
 230 Plerosque novi, quod seorsum
 degerent,
 Habitos superbos: hos frequens
 præsentia
 Fecit molestos: alius ingressus
 viam

Vitæ

- Vitæ quietæ, ignaviæ ¹ subiit
notam:
Quia judicandi certa veritas
abest
- 235 Oculis ab hominum, qui prius-
quam pectoris
Norint recessus intimos, visos
modo
Odere, nullis provocati inju-
riis.
Ergo urbis hospes moribus se
accommodet.
Nec laudo civem, contumax
qui civibus,
- 240 Asperque agresti degit insolentia.
At enim inopinum hoc quod
mihi evenit malum,
Vitam abstulit vivæ: pereco:
vitæ exui
Jamdudum amorem, amore
mortis percira.
In quo reposita cuncta habe-
bam, pessimus
- 245 Plane virorum me reliquit vir
meus.
NIHIL miserius foeminis, ter-
ra, omnium
Quaecunque vivunt, menteque
vigent, edidit.
Primum necesse est opibus im-
mensis virum
Emere, sui que accipere domi-
num corporis.
- 250 Accedit aliud huic malo gra-
vius malum,
In quo periculum maximum,
frugi vir, an
Nequam: mulieri repudium in-
fame est, neque
- Sponsæ maritum, jus recusandi
est suum.
In jura moresque venientem
opus est novos
- 255 Plane ariolari (quippe quæ haud
didicit domi)
Quali marito serviendum sibi
foret.
Et ista recte cuncta quum cura-
veris,
Si degat una sponte vir patiens
jugi,
Beata vita est; sin secus, præ-
stat mori.
- 260 Domesticorum si quis offendant
virum,
Foras profectus fedat ægritudi-
nem,
Caris amicis junctus aut æqua-
libus:
At nos necesse est unius ab ar-
bitrio
Pendere, in unumque intueri:
& interim
- 265 Vitam periculis nos carentem
degere
Domi asseverant, ferre sese lan-
ceam,
Errore ducti: nam ter in acie
prius
Armata certem, liberos quam
edam semel.
Sed non utraque hac spectat
æque oratio:
- 270 Hæc namque patria tibi, hic
penates patrii,
Præsidia vitæ, grata conversa-
tio
Inter sodales: contra inops ego,
patria

Extor-

¹ *Subiit*] Ita Euripides & orationis tem omnibus [*subit*] editum est.
contextus legendum postulant: libris au-

Extorris, aspra læsa contumelia,
 A conjuge solo advecta præda
 barbaro.
 275 Non hic propinquus, mater aut
 germanus est,
 Ad quos malorum afflicta tem-
 pestatibus
 Me veluti portum recipere in-
 tutum queam.
 Tantisper igitur impetrare abs-
 te velim,
 Dum mihi facultas aliqua ratio-
 ve suppetet,
 280 Qua de marito expetere suppli-
 cium queam,
 Ob quæ patravit immerenti,
 & plectere
 Illi locatam cum parente filiam.
 Sis tacita. P L E N A mulier
 alioqui metus,
 Infirma, ferrum contueri haud
 sustinet:
 285 At in torum si quispiam pecca-
 verit,
 Nullum cruoris pectus est sitien-
 tius
 CHO. Id fiet: etenim jure pœ-
 nas expetis,
 Medea: sortem nec dolere te
 tuam
 Miror. Creonta sed video re-
 gem gradum
 290 Ferre huc, novorum consilio-
 rum nuntium.
 CRE. Te, torva, vultu tetrico,
 iratam viro,
 Medea, monui, regno ut ex-
 torris meo
 Comitata geminis hinc abires
 liberis:
 Vetui morari: quando decreti
 arbiter
 295 Istius ego sum, non revertar
 hinc prius

Tom. II.

Domum, exulem quam finibus
 protrusero.
 MED. Hei pereō, penitus un-
 decunque miserrima!
 Omnes rudentes explicant ho-
 stes mei:
 Mali nec usquam commodus
 datur exitus.
 300 Afflicta quamvis pessime, id
 quæram tamen
 Quæ causa regno me exigere
 cogit, Creon?
 CRE. Te metuo (quorsum fal-
 sa opus prætere?)
 Lethale gnatae ne exitium struas
 meæ.
 Causæ timorem suggerunt
 hunc plurimæ.
 305 Sagax es, artes gnara longe
 pessimas,
 Graviterque tædis orba fers di-
 vortium:
 Et nunc minari fama te refert
 malum
 Sponsoque, sponsæque, & no-
 væ nuptæ patri.
 At id prius quam fiat, ante-
 vortere
 310 Volo cavendo: præstat autem
 odium tuum
 Nunc ferre, sera quam, pera-
 cto facinore,
 Hanc lenitatem luere pœniten-
 tia.
 MED. Non fama primum nunc
 nocet, Creon, mihi
 Miseræ, sed ante damna non
 semel dedit.
 315 QUICUNQUE vera prædi-
 tus prudentia est,
 Ne disciplinis liberos impen-
 sus
 Erudiat æquo, nec sapere do-
 ceat nimis.

Z z z

Nam

- Nam pigra præter quæ sequuntur otia,
 Obliquus urget livor illos civium.
- 320 Apud imperitos scita si sophiæ nova
 Promas, ineptum rentur atque inutilem.
 At si putere denuo præcellere
 Hos qui sophorum auctoritatem vindicant,
 Eris molestus: idque adeo mihi evenit.
- 325 Perita quum sim, hos urit invidentia:
 His otiosa dicor: illis displicet
 Diverſa vitæ ratio: nec defunt quibus
 Obesse videar mediocri hac sapientia.
 Tu quoque vereris, ne quid in te perpetrem:
- 330 Non hic mearum, ne time, rerum est status,
 Reges ut a me metuere deceat, Creon.
 At tu quid in me perpetrasti iniquius?
 Natam elocasti cui tibi lubitum est viro:
 At ego maritum prosequor odio meum.
- 335 Nec temere, opinor, ista gestisti: neque
 Rebus secundis invideo: quin nuptias
 Facite, beati vivite: latebras fugæ
 Permite tantum hic: læsa licet, injurias
 Mustabo: discam cedere melioribus.
- 340 CRE. Speciosa sunt hæc, blandaque auribus, tamen.
 Vereor repositum ne coquas animo malum.
 Atque adeo tanto credo quam pridem minus.
 PRÆCIPITIS iræ mulierem, aut etiam virum
 Vites facilius, quam modestum atque tacitum.
- 345 Desine morandi fando causas necere:
 Abi: statutum est ita: nec ars ulla faciet
 Isthic ut habites me perosa hostiliter.
 MED. Per genua quæso, perque desponsam recens.
 CRE. Ah, verba perdis: neutiquam persuaseris.
- 350 MED. Et me repelles, haud reveritus supplicem?
 CRE. Equidem familiæ non meæ te præfero.
 MED. O patria, subiit nunc recordatio tui!
 CRE. Qua nil secundum liberos mihi carius.
 MED. O amor, hominibus pestis exitiabilis!
- 355 CRE. Perinde, opinor, res uti sese dabit.
 MED. Quis auctor horum, tu memento Juppiter.
 CRE. Abscede, inepta, meque curis libera.
 MED. Curæ premunt me, nec ego curis novis.
 CRE. Hinc exigere subito servili manu.
- 360 MED. Noli obsecro, sed id te sine exorem, Creon.

CRE.

- CRE.* Adhuc molesta, mulier,
eris, uti video.
- MED.* Abibo: non hoc ut pre-
cibus impetrem ago.
- CRE.* Quorsum igitur urges,
nec meo abscedis solo?
- MED.* Unum instruendæ mo-
do fugæ indulge diem:
- 365 Et quando curam hanc genitor
abjecit, sine
Me comminisci liberis opem ul-
timam.
- Miserescat horum: nam & tibi
sunt liberi.
- Parens parentis calamitatibus
fave.
- Nam nulla cruciat cura me exi-
lii mei,
- 370 Sed liberorum miseræ me ma-
cerant.
- CRE.* Haud impotenti mente
sum & tyrannica:
- Quin sæpe damno mihi meus
pudor fuit.
- Et nunc aperte, mulier, erra-
tum meum
- Prævideo: verum vince, quod
vis accipe.
- 375 Præmoneo tamen id, si moran-
tem crastinus
- Hic te videbit Phœbus; ac na-
tos tuos,
- Actum est, peristi: fixa stat
sententia.
- Nunc, si necesse est, lucis u-
nius moram
- Permitto: nam nil interim pa-
traveris
- 380 Horum, timore quæ me ha-
bent nunc anxium.
- CHO.* Infelix mulier, misera,
malis.
- Miseris obnoxia, quo tandem
- 1 *Siveris*]. Antiqui libri permisti: male.
- Te vertes? cujus amicitiam,
Cujus tectum aut terram invenies
Portum malis?
- 385 Traxit ineluctabile fatum
In mare te, Medea, malorum.
- MED.* Male cuncta cedunt un-
decunque, quis neget?
- Sed ne putetis pessime hoc suc-
cedere,
- 390 Sponsis adhuc mihi pugna su-
perest cum novis:
- Ingens futurusest labor cum af-
finibus.
- Credis tyranno quisse me pal-
parier,
- Ni subfuisset spes lucri, vel
spes doli?
- Supplex fuisssem? contigisssem
illi manum?
- 395 At ille tanta præditus vecordia
est,
- Ut quum liceret obviam cona-
tibus,
- Si me expulisset, ire, siverit
diem
- Hunc me manere, tres ego ho-
stes quo meos
- Maestabo, patrem, filiam,
meum virum.
- 400 Sed tanta lethi quum facultas
suppetat,
- Unde inchoabo, dubia, ami-
cæ, fluctuo.
- Subdamne thalamis nuptialibus
faces?
- An ferro acuto rupta fodiam
pectora,
- Ingressa furtim tectum ubi to-
rus sternitur?
- 405 Sed me moratur una res: si ca-
pta sim
- In tectâ scandens, per dolum
dum rem gero,
- Per-

- Peremta risus exhibebo male-
 volis.
 At usitatam præstat insistere
 viam,
 Cujus perita sum, necandi phar-
 macis.
 410 Esto, perierint: quod recipiet
 me oppidum?
 Quod erit asylum? fida quæ fi-
 di hospitis
 Domus patebit, protegetve
 perfugam?
 Nusquam est. Manebo paullu-
 lum, dum stabilia
 Alicunde nobis præsidia sese of-
 ferent.
 415 Dolis adoriar, clamque perfun-
 gar nece.
 Si pellat hinc me fors inelucta-
 bilis,
 Mucrone peragam facinus ipsa
 vel palam.
 Lubens peribo, modo queam
 illos perdere.
 Ad culmen imus præcipitis au-
 daciæ.
 420 Regina nobis culta semper u-
 nice,
 Hecate triformis, artis adju-
 trix meæ,
 Te juro, nostra quæ colis pe-
 netralia,
 Nostro e dolore nemo referet
 gaudium.
 His luctuosas atque acerbas nu-
 ptias,
 425 Affinitatem funebrem & meam
 fugam
 Reddam: eja cunctis utere si-
 mul artibus,
 Medea, cuncta convoca consi-
 lia: age,
- Aggredere facinus: nunc opu
 constantia
 Animoque forti: quæ feras, vi-
 des: cave
 430 Ut ne propines risui nepotibus
 Te Sisyphæis, nuptiisque Iaso-
 nis,
 Te patre claro Soleque proavo
 editam.
 Perita es ipsa, deinde nata fœ-
 mina.
 IGNAVA quibus est mens ho-
 nesta ad omnia,
 435 Ad turpe superest facinus omne
 audacia.
 CHO. Retro ad fontes sacra fe-
 runtur
 Flumina, jus & fas vertuntur:
 Hominum plena dolis consilia:
 Nec pacta fides Diis sacra certa est.
 440 Audiet ex hoc muliebre bene
 Genus: accrescet gloria nobis.
 Non jam deinceps fama sinistra
 Traducet fœmineum sexum.
 Ex hoc mutabit Musa modos
 445 Vatum priscorum, qui cantu
 Muliebrem celebrant perfidiam.
 At si cœleste melos citharæ
 Nos docuisset carminis auctor
 Phœbus, paria audisset
 450 Progenies virum.
 Sed multa potest longior ætas
 Nobis exprobrare, virisque.
 At tu patriam deseruisti
 Animi vecors, vecta gemellos
 455 Trans scopulos ponti, ac pere-
 grinam
 Habitas terram, orbata cubilis
 Tædis vidui, ac misera hinc exul
 Ejiciere ignominiose.
 Periit reverentia juris ju-
 460 randi: nullus superest Grajis
 Pudor,

- Pudor: in cœlum sed revolavit. 485 Ferre fuga fœvit: sed nec indigne fero,
 Tibi vero nec patria domus est, Nec velle possum male tibi, etsi me oderis.
 Infelix, in quam ceu portum
 Perfugas e thalami curis:
 465 Sed regina potentior Occupat aulam.
 IAS. Non nunc, sed ante sepe perspectum est mihi
 QUAM sit malum impotens & immedicabile
 Ira aspra. Licitum fuerat & terra & domo
 470 Hic tibi frui, siquidem tulisses molliter
 Potentiorum imperia, quæ nunc exulas,
 Ob vana verba, quæ molestiam mihi
 Minime faceffunt: perge, uti facis, dicere,
 Longe virorum pessimum esse Iasonem.
 475 At quæ in tyrannos blaterasti, si exules
 Ob hæc, recense pro lucro iustam fugam.
 Ego sævientum mollebam principum
 Animos feroces, ne exularis: tu tamen
 Stulta esse pergis, prodigens convicia,
 480 Dirisque reges devovens: itaque exulas.
 Nec ista amicos me movent ut deferam.
 Adsum, tuisque commodis, mulier, vaco,
 Ut ne recedas hinc inops cum liberis.
 Egenſve rerum. MULTA secum incommoda

- MED. O pessime undiquaque! nam imbecillitas
 Conviciari me finit tantum mea:
 Me adisti, adisti, maxime mortalium
 490 Exose Diisque mihiq̃ue cunctisque hominibus.
 NON fortitudo est ista, non fiducia,
 Læſos amicos contueri cominus:
 Sed morbus unus omnium gravissimus
 Additus hominibus, impudentia. Id tamen
 495 Abs te probe actum est, quod adieris: ego ut levem
 Animum dolore, jurgia in te congerens:
 Et tu vicissim sentias molestiam.
 Et primum (ut a primis initiis ordiar)
 Salutis auctor tibi fui, ut Graji sciunt
 500 Quoscunque tecum vexit Argo Pelias.
 Flammam vomentes jussus es tauros jugo
 Supponere, & lethale sulcis condere
 Semen, draconem sæpe in orbem nexilem,
 Circumvolutum vellus auro fulgidum, &
 505 Sopore nunquam fessa victum lumina
 Fallere: peremto tibi dedi illo cernere

Z z z 3

Vitale

[Tu tamen] Recentiores, ut tamen: male.

Vitale lumen: prodito patre &
domo,
Applicui Iolcon te sequuta, tibi
nimis
Hic obsecundans, ac mihi pa-
rum providens.
510 Peliam peremi, morte qua nul-
la gravior,
Manu suorum liberorum: su-
stuli
Tibi metum omnem: tu tot ob
beneficia
Nos prodidisti, prædo perfidi-
sime,
Novas sequutus nuptias, post
liberos
515 De me creatos: oibus etenim
si fores,
Veniam dedissem conjugis cu-
pido novæ.
Dein pejeratis Diis fides fluxa:
ac satis
Statuere nequeo quos putabas
tum Deos
Regnare, credas nunc quoque,
an potius novum
520 Jus esse fasque traditum morta-
libus,
Ut qui tibi ipsi es conscius per-
jurii.
O tacta sæpe dextera, o sæpe
genua
Frustra prehensa tibi manu infi-
dissima!
Ut spes fefellit! age, velut a-
micum alloquar,
525 Sperantis instar aliquod abs te
commodum:
Etenim rogando detegam sce-
lus tuum.
Quo nunc revertar? spreta quo
me conferam?
An ad penates patrios, ac pa-
triam,

Quam te sequuta prodidi? an
potius petam
530 Pelia misellas filias, quæ me
hospitem
Tractent benigne patris ob ne-
cem sui?
Sic est, amicos perdidi dome-
sticos:
Quos non decebat afficere me
injuriam,
Te propter, hostes universos
reddidi.
535 Ergo beatam inter Pelasgidas
nurus
Me reddidisti pro his beneficiis:
virum
Sum singularem nacta fidum-
que misera.
Si profuga cogor hoc solo egre-
dier, inops,
Deserta amicis, sola solis libe-
ris
540 Comitata, pulchrum elogium
erit sponso novo
Mendica proles exulans cum
conjugem,
Cui debet, aura quod fruitur.
O Juppiter,
ADULTERINI indicia cur
certa hominibus
Auri didisti, sed virum in cor-
pore nota
545 Impressa nulla est unde noscan-
tur mali?
CHO. GRAVIS ira res est, &
malum insatiabile
Amici amicis conferunt quum
jurgia.
IAS. Me, ut video oportet e-
loquendi esse haud rudem,
Verum gubernatoris instar cal-
lidi
550 Effugere summa linteorum mar-
gine

- Loquacitatem, mulier, istam
futilem.
- Ego, beneficium quando ni-
mium exaggeras,
Venerem salutis autumo au-
ctorem meæ,
Ducemque cursus, nec Deum
aut hominum alteri
- 555 Debere ob illa sentio me gra-
tiam.
Ingenii acumen acre suppetit
tibi: at
Orationis arrogans jactantia est,
Ea quum recenseres, quæ coacta
feceras
Amore, duris nos ut e labori-
bus
- 560 Erueri posses: illa tamen exa-
mine
Librare nolo exactiore: sicubi
Profueris, agnosco libens bene-
ficio.
- At, ut docebo te, incolumi-
tate ex mea
Plus quam dedisti, ad te redun-
dat commodi.
- 565 Primum, Pelasgam, patria pro
barbara,
Terram colis, ubi lex & æqui-
tas vigent,
Nec jura cedunt gratiæ vel vi-
ribus:
- Omneque doctam te esse Graji
intelligunt,
Famaque flores: finibus si in ul-
timis
- 570 Orbis habitares, mentio haud
fieret tui.
Mihi nec aurum sit domi agge-
stum, neque
Orphea canendo suavis quæ
vicerit,
Splendore si non fortis hæc de-
coret favor.
- Hæc dicta nostris sint super la-
boribus,
575 Contentionem quando ad hanc
me provocas.
At quæ exprobrasti regiis de
nuptiis,
Primum reperiēs hic sapere me
dein virum
Et temperantem, & tibi meis-
que liberis
Fidelem amicum: sed quiesce
tu interim.
- 580 Ut me Corinthon ex Iolco con-
tuli,
Cumulo malorum inexplicabili
obrutus,
Quid comminisci commodum
potui magis,
Quam si puellam regiam exul
ducerem?
Non (quod tibi ægre est) quod
torum odissem tuum,
- 585 Sponsæque amore saucius forem
novæ,
Nec numero ut ulli liberum
contenderem:
Sat liberorum est: de sobole
nil conqueror:
Sed, quod putandum plurimi
est, ut splendide
Ævum exigamus, neve penu-
ria premat;
- 590 Quippe indigentes qui fugere
procul sciam
Cunctos amicos: utque familiæ
meæ
Pro dignitate liberos educerem,
Ex teque natis gignerem fratres,
repares
Quos simul honorum per gradus
producerem:
- 595 Meamque postquam constabi-
liissem domum,
Felix ut essem: liberis sane tibi
Haud

- Haud est opus aliis: mihi vero
utile est
Consulere natis per futura pi-
gnora.
Num cogitasse videor absurde?
600 *MED.* Modo ne angat animum, haud
istud ipsa dixeris.
AT eo mulierum crevit impo-
tentia,
Si conjugalis salva sit fides
tori,
Tum cuncta recte creditis suc-
cedere:
Sin hac sinistra parte quidquam
605 Quæ cara fuerant, sunt statim
inimicissima.
At quam fuisset procreasse li-
beros
Aliunde melius, nec fuisse foe-
minas?
Exempta quantis vita foret ho-
minum malis?
CHO. Hæc pulchre, Jason, 630 Non me sequutum regiis his
perpolita oratio est.
610 At mihi videre (invita quamvis,
proloquar)
Egisse inique, conjugem quum
proderes.
MED. Quam nostra vulgo dis-
sident sententia!
ORATIONIS qui probus erit
artifex,
Factisque iniquis, hunc reor 635 *MED.* Ne mihi dolori juncta
gravissima
615 Poena esse dignum: nam quæ
iniqua comere
Se gloriatur lingua, non male-
ficio
Ullo abstinebit, ac vacua sa-
pientiae est.

1 *Factisque iniquis* An forte iniquus?

Igitur omitte splendidis colori-
bus

Fucare verum, & eloquendi vi-
ribus:

620 Verbo quidem uno te subito
confecero.

Siquidem fuisses vir bonus, te
oportuit

Non hæc amicis clam peregrisse,
at prius

Me persuasa nuptias facere no-
vas.

IAS. Quin paruiesses mihi sua-
denti probe,

625 Siquidem indicassem nuptias,
quæ nec modo

Tumidi minuere pectoris bi-
lem potes.

MED. Non hæc movebat caus-
sa te, sed barbaras

Tædas senectam adusque fore
putaveras

Parum decoras. *IAS.* Tibi ve-
lim id persuadeas,

630 Non me sequutum regiis his
nuptiis

Cupidinem uxoris: sed (uti
dixi prius)

Tuæ saluti consulebam, ac li-
beris

Meis, uti de stirpe fratres re-
gia

Domui futuros præsidia progi-
gnerem.

635 *MED.* Ne mihi dolori juncta
sit felicitas,

Opeſque, quæ cor triste curis
ulcerent.

IAS. Hæc vota vertes, tibi que
melius consules

Precando, ne quod utile est,
triste id putes:

Nec

Nec quum secundæ res erunt
te esse miseram.

640 *MED.* Illude: perfugium tibi
inventum est: ego
Deserta cogor his profugere fi-
nibus.

IAS. Tibi auctor ipsa es, ne
alteri id des crimini.

MED. Quinam? novis quod
prodidi te nuptiis?

IAS. Diris tyrannos exsecrandis
devovens.

645 *MED.* Et exsecratur vestra me
invicem domus.

IAS. Quot his supersunt plu-
ra, quæ haud redarguo?

At si qua poscis præsidia tuæ
fugæ,

Natisve, nostris ex opibus ac-
cipere, age

Profer parato liberali dextera

650 Donare, nostros tesseras ad ho-
spites

Dare, ut exultantem recipiant
humaniter.

Hæc si recuses, mulier, haud
recte sapis.

Iram remitte: consules tibi me-
lius.

MED. Tuis nec uti volumus
hospitibus, neque

655 Accipere quicquam, nec dede-
ris aliquid mihi:

NAM quæ mali dant dona,
profunt nemini.

IAS. At ego Deorum sancta
testor numina,

Natis paratum cuncta me dare
tibi que:

Sed tu recusas optima, & fero-
cia

660 Fugas amicos, ac malo id qui-
dem tuo.

MED. I, sponsam amatam vi-

Tom. II.

se: nimium demoror

Ab ejus oculis te procul: agite,
nuptias

Facite: faventes forte si respe-
xerint

Nos Dii, pigebit apparasse na-
ptias.

665 *CHO.* Si iusto amores acrius
Humana corda vulnerent,

Virtus faceffit, deperit

Famæ decus; sed si Cypris

Gradu modesto venerit,

670 Nemo Deorum est gratior.

Regina Cypris, aureo

Ex arcu inevitabilem

In me sagittam haud torseris,

Amoris unctam nectare.

675 Mi grata temperantia,

Munus Deum pulcherrimum.

Infrenis iracundia,

Rixosæque æmulatio,

Mentem mihi ne saucient

680 Ulla dolentem pellice.

O sancta Cypris, quæ toros

Amas carentes litibus,

Parata promte expendere

Lecti jugalis crimina

685 O patria, o ædes meæ,

Nunquam exul, & consilii
inops

Ævum moleste transigam,

Confecta miseris luctibus.

O fata, fata, tollite

690 Ex hoc prius me lumine!

INTER molesta cuncta nil

Molestius cognovimus,

Pelli solo quam patrio.

Nec id relatu didicimus

695 Alterius: haud te civitas

Miseratur, aut æqualium

Quisquam gravissimis malis

Pressam. MALE pereat miser,

Miserabilisque nemini,

700 Qui, quum licet, nullo colit

A a a a

Officio

Officio amicos, nec aperit

Sincera claustra pectoris.

Mihi quidem amicus nunquam
erit.

ÆGE. Medea salve, hoc pul-
chrius procemium

705 Nemo habet, amicos quo sa-
lutarit suos.

MED. Salve propago providi
Pandionis

Ægeu, unde in istud contulisti
te solum?

Æ. Phœbi vetustum deferens
oraculum.

M. Cur umbilicum faticanum
adisti soli?

710 *Æ.* Prolis cupido consulere ade-
git Deum.

M. Et sobolis orbus, per Deos,
ævum exigit?

Æ. Orbus, voluntas quando
sic tulit Deum.

M. Cœlebsne, vinctus an ju-
gali copula?

Æ. Haud nuptialis fuimus ex-
pertes tori.

715 *M.* Quid tandem Apollo ret-
tulit de liberis?

Æ. Carmen facultatem supra
humani ingenii.

M. Responso nobis nosse num
fas est Dei?

Æ. Fas est: peritæ namque
mentis indiget.

M. Quid ergo dixit? scire si
fas est, refer.

720 *Æ.* Utri eminentem solvere ve-
tuit pedem:

M. Nempe antequam facias
quid, aut quem adeas locum?

Æ. Prius paternam quam adie-
ro rursus domum.

M. Tu cujus ergo ad hancce
tellurem venis?

Æ. Pittheus tyrannus quispiam
est Troezenius.

725 *M.* Pœlopi (ut ajunt) filius
sanctissimus.

Æ. Communicare oraculum
cum illo volo.

M. Sane peritus talium & gna-
rus vir est.

Æ. Mihiq; amicos inter ac-
ceptissimus.

M. Sit auspiciatum quicquid
animo destinās.

730 *Æ.* Cur corpus oculusque ita
tuus contabuit?

M. *Ægeu*, maritus pessimus
hominum est meus.

Æ. Quid ais? aperte profer
ægritudinem.

M. Immeritam Jason afficit me
injuria.

Æ. Quinam? profare quicquid
est apertius.

735 *M.* Habet supra me conjugem
domus heram.

Æ. Nempe ausus istud facinus
est scœdissimum?

M. Sic est: priores nunc ami-
cos despicit.

Æ. Amore captus, an torum
exosus tuum?

M. Ingenti amore, nec suis fi-
dus manet.

740 *Æ.* Valeat, malitia si modo est
qua prædicās.

M. Affinitatem concupivit re-
giam.

Æ. Quis conjugem illi dede-
rit, hoc ediffere.

M. Is qui Corinthi scepra mo-
deratur Creon.

Æ. Veniam meretur, mulier,
iste tuus dolor.

745 *M.* Ad hæc & exul hoc mise-
ra pellor solo.

Æ.

- Æ.* A quo? recens hoc denuo
narras malum.
- M.* Regno exulare me Creon
isto jubet.
- Æ.* Sinit hoc Jason? nec equi- 770 Nec vim time, te neutiquam
dem hoc facinus probō.
- M.* Verbo repugnat, exigī re
non vetat.
- 750 Sed te per istud oro mentum,
per tua
Te genua supplex, supplices
tendo manus,
Miserere, miserere mulieris mi-
sererrimæ:
Nec orbam amicis exulemque 775 *Æ.* Mihi ne parum credis? quid
despice,
Regno domoque contuberna-
lem excipe.
- 755 Sic efficacem sortiantur exi-
tum
Quæ a Diis petisti liberis super,
ipseque
Moriare felix: comminisci haud
alteram,
Qualis reperta est sponte, po- 780 *Æ.* Fies amicus, nec fidem præ-
tuisses viam.
- Dehinc faxo ne sis sterilis, &
sobole domum
- 760 Fundabo vestram: tale novi
pharmacum.
- Æ.* Permulta sunt cur facere
tibi gratum hic velim.
- Primum Deorum, liberum dein
gratia
- Quos polliceris: muneri nam- 785 Et quando visum est sic tibi,
que huic ego
Inefficax sum totus: ita profe-
cto habet.
- 765 Tu si Cecropium adveneris so-
lum, hospitem
Reciperē nitar, cultor ut justī
unice.
- Præmoneo tantum id te, mu-
lier, ex hoc solo haud
- Te duco: verum sponte si per-
veneris
Nostras ad ædes, tuta mecum
manseris.
- Quin effer ipsa sponte gressum
hinc: nam id velim,
Me criminandi ne sit hospitibus
locus.
- M.* Id fiet: at si dederis, ita fo-
re hæc, fidem,
Votis abunde satis erit factum
meis.
- Juratus ac vinctus sacramento
mihi:
Verbis ligatus, testibusque Diis,
meus
- Infirma sum: illis regna, vires,
oppida
Large supersunt, ac opes ty-
rannicæ,
- Æ.* Probe eloquuta es, mulier,
atque provide:
- Adversus hostes hunc tuos præ-
tendere
Potero colorem: tutiusque istud
reor.
- Præsidia muni; verbaque ac
Deos præi.
- M.* Jura solum terræ, patrem-
que mei patris

790 Solem, Deorumque universum
adjice genus.

Æ. Quid præbiturum vel ne-
gaturum? refer.

M. Quod non repelles exulem
regno tuo:

Nec si meorum quispiam velit
hostium

Educere, haud id vivus & vo-
lens fines

795 Æ. Tellurem & alium dejero
Solis jubar,

Deosque cunctos, firma fore
quæ postulas.

M. Sat est: quid autem pœnæ
erit, si pejeres?

Æ. Quæ pejerantes pœna con-
sequi solet.

M. Avibus secundis perge, cun-
cta recte habent.

800 Ergo te revisam protinus, ubi
fecero

Quæ destinavi, & quæ vole-
bam ubi assequar.

CHO. At te pacifer hinc Mer-
curius

Incolumem ad tua tecta redu-
cat:

Quæque agitas animo perficere

805 Det tibi, nam generosus

Mihi vir visus es, Ægeu.

MED. O Juppiter, Jovisque
fas, faxque aurea

Phœbi, tropæum nunc feram
illustrissimum!

Nunc recta ad ipsam tendimus
victoriam.

810 Spes expetendi de hoste suppli-
cii datur.

Nam qua pericli supererat vel
plurimum,

Portus repertus natus est Pan-
dionis.

¹ Posthac rudentem principem
ligabimus,

Cursum tenentes recta ad ur-
bem Palladis.

815 Nunc cuncta prodam, mente
quæ celaveram,

Ac dicta crede serio, quæ pro-
loquar.

Mittam e ministris quempiam,
qui Jasonem.

Arceſſat ad me: post ubi per-
venerit,

Oratione blandiore colloquar:

820 Recte videri nuptias & ordi-
ne

Factas, quibus me bene meren-
tem prodidit:

Nec parva secum ferre dicam
commoda:

Petamque natis hic licere vive-
re:

Non quod relinquere liberos ve-
lim meos,

825 Et hostium hic exponier ludi-
brio:

Sed ut puellam regiam perimam
dolo.

Nam dona sponsæ quæ ferant,
natis dabo,

Subtile peplum, cum corona
nexili

Ex auro: ut isthoc munere re-
dimant fugam.

830 Quod si recepta dona corpus
tetigerint,

Peri-

¹ Posthac rudentem principem] Rectius
forte & Euripidis menti convenientius,
Ex hoc, scilicet portu, ad quem funem præ-
cipuum quasi alligabo. Metaphora Poë-

tis aliisque usitatissima. Ovid. Epist.
Leand.

Illic est aptum nostræ navale carinæ,
Et melius nulla stat mea puppis aqua?

Peribit ipsa, & quisquis admo-
rit manum:
Sic imbuentur efficaci pharma-
co.
Atque hic loquendi de his mihi 855
statuam modum.
Sed corda mœror obruit, quum
cogito
835 Quantum supersit perpetrân-
dum dehinc scelus.
Mactabo natos, nec manu quis-
quam mea
Hos liberabit: post ubi turba-
vero
Penitus Jafonis domum, ver- 860
tam solum
Profuga, peremtis liberis ca-
rissimis,
840 Cæde inquinata dexteram ne-
faria.
Non est ferendum, fœminæ
carissimæ,
Risus ut hosti materia sim: sic
eat.
Quid enim relictum est cur ju-
vet dehinc vivere?
Nam nec patria, nec mihi do-
mus, nec miseræ
845 Perfugia restant ulla: tunc in-
sanii,
Patrios penates quum reliqui,
credula
Homini Pelasgo, qui, favente
numine,
Pœnas rependet: nam nec ex
me liberos
Vivos videbit dehinc, nec e
sponsa nova
850 Gignet, venenis sed mala peri-
bit malis.
Me nemo posthac infimulet
ignaviæ,
Aut imbecillẽm desidemve cen-
seat:

Quin contra amicis benevolam,
hostibus gravem.
Nam quisquis istis præditus erit
moribus,
855 Ævum perenni laude clarum
transiget.
C. Arcana nobis quando credis
pectoris,
Prodesse cupio tibi, ac tueri
publicum
Mortalium jus fasque: quare
suadeo
Ne tam nefando scelere te con-
tamines.
860 M. Hæc fixa perstant: ac tibi
ignosci potest
Isthæc loquenti, quæ pari haud
premeris malo.
C. Mactare sobolem mulier au-
debis tuam?
M. Id nempe conjux maxime
indigne feret.
C. Et tu miseris maximis cu-
mulaberis.
865 M. Sic eat: inanis omnis est
oratio,
Ab instituto quæ refrenet: ve-
rum age,
Opera fideli semper utimur tua
Ad cuncta tectam quæ fidem
desiderant.
Adduc maritum: at ne revela
regibus
870 Consilia nostra, si sapias & es
fœmina.
C. Cecropidæ quondam feli-
ces,
Et sancta Deum soboles,
Arva invicta ac sacra colentes,
Aurea quos sapientia pascit
875 Lucida puræ per spatia æthræ
Traducentes molliter ævum:
Ubi castas quondam Pieridas
Fama novem peperisse

Narrat flavam Harmonien:
 880 Ubi pulchri flui flumina pro-
 pter
 Cephisi Venerem ajunt fessam
 Mollibus exhalando flabris,
 Et blandum spirantibus auris
 Campos afflavisse beatos,
 885 Dum nectit purpuream roseo ac
 Suaveolenti e flore coronam
 Ambrosiæ comæ:
 ¹ In quam, ut referunt, comites
 sophiæ
 Misit amores, omnigenæ essent
 890 Ut virtutis opitulatores.
 Quinam sacrorum fluviorum
 Urbs, & cunctis hospitæ tellus
 Te venientem accipiet, sobolis
 Exsecranda cæde cruentam?
 895 Quin expende hic inter amicos
 Quantum aggrediare nefas, ani-
 mum
 Refer ad tristia funera prolis.
 Ne, per genua oramus pariter
 Cunctæ, ne progeniem peri-
 mas.
 900 Unde hæc cruda audacia cor-
 di?
 Unde hæc cæca temeritas? na-
 tis
 Nempe inferre manum pote
 propriis?
 Quinam immunes fletibus ocu-
 los
 In natorum funere habebis?
 905 Quum procumbet soboles sup-
 plex
 Inter cædem, miseranda ani-
 mi

Sanguine poteris tingere dex-
 tram?

JAS. Advenio jussus: quamli-
 bet succenseas,
 Hic tibi deesse nolui: sed ex-
 pedi

910 Ecquid requiras modo novæ
 ex nobis rei.

MED. Jason, oro, quicquid
 in te dixerim,

Ignosce: nostra si quid iracun-
 dia

Asperius egit, te remittere id
 decet

Beneficiorum memoriæ com-
 munium.

915 Namque ipsa mecum sola dum
 ratiocinor,

² Me me reprimi: Misera,
 cur insanio?

Infensa cur sum recta consulen-
 tibus?

Hostis tyrannis sum, viroque
 qui facit

Quod utilissimum est mihi, so-
 ciam tori

920 Dum rege natam ducit, ac na-
 tis meis

Fratres creabit? non furoris im-
 petum

Frenare par est? quid fero,
 quum præbeant

Dii cuncta abunde? non mihi
 sunt liberi?

Orbos amicis video nos & exu-
 les.

925 Hæc, mente volvens, quanta
 vis insanix

Me

¹ In quam, ut referunt, comites sophia
 Misit amores] Ita cum veteribus libris
 distinguenda sententia, non ut in recen-
 tioribus,

In quam, ut referunt comites sophia,

Misit amores. ———

Euripid.

τῇ σοφίᾳ παρίδους

πῶς αὖτις ἴστας.

² Me me reprimi] Wetst. Memet.

Me tenuit, iramque immerentem intelligo.

Quin laudo nunc te, providumque judico,

Qui tam potentem affinitatem adjunxeris.

Ego stulta certe, consilii quæ particeps

930 Istius esse, quæ ministra debui
Adstrare lecto conjugis novæ,
atque ei

Gratum quod esset, facere; verum nos sumus

Non dico pestis quanta, certe foeminæ.

Sed te malorum non decet fieri æmulum,

935 Et stulta stultis dicta dictis red-
dere.

Insaniebam, fateor, ante: cedo nunc:

• Consultius deliberavi. O liberi,

O liberi, huc accedite, exite huc, domo

Prodite, complectamini, alloquamini

940 Cum matre patrem: pristinum deponite

Odium in amicos cum parente pristinos.

Jam fœdus ictum est: ira cessit: dexteram

Prehendite. Hei mihi! subit animum mali

Memoria tecti. O liberi, an superstites

945 Exporrigetis dexteras caras diu?

Hei misera! lacrymis nuper obfusa & metu,

Odium paternum tempus ubi jam leniit,

Rigare fletu cogor ora denuo.

CHO. Et nostra liquidis ora fletibus madent,

950 Præsente majus ne quod accadat nefas.

JAS. Hæc laudo, mulier: illa nec graviter fero.

PAR est profecto foemina uti succenseat

Novas marito contrahenti nuptias.

At saniora consilia tuus animus

955 Admisit: ipsaque admonente tempore

Fideliorem percipis sententiam: Quod esse munus foeminæ arbitror probæ.

Nec oscitanter, filii carissimi, Vestrae salutis inita ratio est a

patre,

960 Siquidem faventes habeat inceptis Deos.

Nam spero terræ vos adhuc Corinthiæ

Olim futuros principes cum fratribus.

Sed crescite modo: cætera expediet pater,

Divumque quisquis nos benignus aspicit.

965 Utinam ex ephebis exeuntes vos probe

Videam institutos, superioresque hostibus!

Sed cur tenellas uda lacrymis genas

Mœres, retrorsum flexa vultus candidos?

Nec hæc libenter auribus verba imbibis?

970 MED. Nil: liberorum memoria animum perculit.

JAS. Bono animo es: istis ego probe prospexero.

M. Fict:

- M.* Fiet : tibi parebo : verum
foemina
Sum ; NATUS autem sexus 995 Tenuē ferentes filios , & au-
hic ad lacrymas.
J. Cur tantopere vero ingemi-
scis pignora ?
975 *M.* Ea nempe peperī : quum
precarer prospere
His , me subibat tacita commi-
seratio ,
An certa sint hæc vota. Sed
qua gratia
Huc te vocavi , ex parte di-
ctum : cætera
Ego in memoriam suggeram.
Quum regibus
980 Visum sit isto me relegare e
solo ,
Id esse video commodissimum
mihi ,
Principibus ut ne sim impedi-
mento & tibi ,
Hic commemorando : quippe quum
inensa videar
Aulæ , exulatum propero : ve-
rum liberi
985 Ut educari patria possint ma-
nu ,
Roga Creontem ne jubeat esse
exules.
J. Certum experiri , at nescio
an persuasero.
M. At tu jubeto sponsa genito-
rem ut roget ,
Hinc exulatum ne releget libe-
ros.
990 *J.* Fiet : & opinor impetratu-
ram , nisi
A cæterarum discrepabit mori-
bus.
M. Et ego laboris hujus adju-
trix ero.
Nam dona mittam , pulchrius 1015 Illi : puella regnat , ego fu-
quibus nihil gam haud modo

Auro,

Auro, sed anima liberum redi-
mam lubens.
At vos propinquas, filii, in-
gressi domos,
Novam parentis conjugem, 1045
dominam meam,
Orate, deprecamini ne ver-
tere
1020 Solum necesse sit, offerentes
in manum
Hæc dona: multum namque
nostra id interest,
Illius isthæc munera accipi ma-
nu.
Ite, & peracta re probe ex 1050
sententia,
Matri referte nuntium qualem
cupit.
1025 CHO. Nulla dehinc superest
spes pueros
Victuros: ad cædem prope-
rant.
Sponsa coronam fulvam acci-
piet,
Misera accipiet miserum exi-
tium,
Flavæque comæ dirum orna-
tum
1030 Acceptum capiti imponet.
Gratia pepli, & nitor ambro-
sius
Auro tempora cingere coget.
Sponsa ornabitur orco.
Tales cadet in laqueos,
1035 Misero & fato defungetur:
Nec mortis patet exitus us-
quam.
Tu vero, o miser, o infelix
Sponse! affinis dum vis re-
gum
Esse, calamitatem imprudens
1040 Arcessis natis, ac sponsæ
Miserum exitium. O miseran-
da parens

Tom. II.

Puerorum! tua lugeo fata,
Quæ thalamos geniales pro-
pter,
Dulcia prives pignora vita,
Quos tibi vir linquens, in-
iuste
Nuptæ thalamo alterius frui-
tur.
PÆD. Natis remissum est, o
hera, exilium tuis.
Regina munus in manum ac-
cepit lubens.
Tranquilla pueris cuncta sunt
illinc tuis.
1050 MED. Hei! P. Quid gemi-
scis, cuncta quum felici-
ter
Cedant? quid ora vertis illuc
candida?
Meum nec audis mente læta
nuntium?
M. Æ, æ!
P. Hæc cum relatis nuntiis
haud congruunt.
1055 M. Væ denuo, væ! P. Num
fefellit opinio
Mea me, malumque nuntium
invitus fero?
M. Quæ nuntiata, nuntiata:
haud culpo te.
P. Dejecta vultus ergo quid
fletu mades?
M. Huc multa cogunt, o se-
nex: namque & Dei
1060 Huc impulere, & stultitia si-
mul mea.
P. Animo bono es: per libe-
ros potentiæ
Adhuc prioris magna superest
portio.
M. Alios quidem prius misera
deducam ego
P. Non sola natis segregaris.
CALAMITAS

B b b b

1065

1065 Modice ferenda est tibi, genita
ta quum sis homo.

M. Id fiet : at tu protinus in
ædes abi,
Puerisque solitum præpara dia-
rium.

Jam parta vobis civitas, o
filii,

Filii, domusque; quam cola-
tis me sine,

1070 Orbi parente sempiternum !
at exulem

Me capiet alia terra, fructus
antequam

Capiam expetitos, quam bea-
tos videro,

Lectos priusquam nuptialesque
thalamos,

Sponsasque vobis præparem,
ac tollam facem.

1075 O jam sinistram contumaciam
meam!

Frustra educavi, filii, vos,
pertuli

Frustra labores, anxia incas-
sum fui,

Frustra dolores passa sum puer-
perâ.

O spes inanes sæpe de vobis
meas!

1080 Fore vos senectæ præsidia no-
stræ, & manu

Vestra sepulchro mortuam me
contegi:

Quæ prima ferme vota sunt
mortalibus.

Exstincta nunc est dulcis ex-
spectatio.

Nam mœsta, vobis orba vi-
tam transigam,

1085 Et luctuosa: nec deinceps cer-
nere

Vobis parentem suavis oculo-

lis licet,

Ad institutum transeuntibus
novum.

Eheu! quid in me respicitis,
o filii,

Risu renidentes mihi novissi-
mo?

1090 Hei misera! quid agam? mu-
lieres, mihi deficit

Cor, intuendo blanda lumina
liberum.

Nequeo: priora consilia va-
leant: solum

Mecum relinquent: quid? do-
lore dum patrem

Afficio, duplo gravius arces-
sam malum

1095 Mihi ipsa? minime: consilia
valeant: mihi

Quid contigit cur torpeam?
ludibrio

Me patiar esse meis inultis ho-
stibus?

Audenda sunt hæc. Sed meæ
est ignaviæ

Hoc crimen: animo molliora
fuggero

1100 Verba, introite: si quis est cui
non licet

His interesse sacris, ipse vide-
rit.

Meam profecto dexteram non
polluam.

Ah facinus, anime, ne istud
admittas cave:

Ipsos omitte, misera parce li-
beris:

1105 Fugæ levamen exulantes una
crunt

Nostræ. Per atræ noctis ulte-
res Deos

Non sic abibit, ut meorum
ego hostium

Natos

Natos relinquam obnoxios libidini.

Vitare mortem non queunt: quo nos trahit

1110 Fatum, sequamur; fortiantur terminum

Hinc lucis, unde ceperint primordium.

Peracta sunt hæc: fixa stat sententia:

Hanc nemo reddet irritam.

Jam vertice

Hæret corona: sponsa peplis regia

1115 Perit involuta, sat scio: ingrediar iter

Miserrimum jam, miserius etiam meos

Missura natos per iter. Alloqui libet:

Date, date matri dexteram, amplectamini

Nati parentem. O mihi manus carissima, o

1120 Carissimum os, o forma, gratraque facies!

Felicitatem, sed ibi, vobis comprecor:

Nam quicquid hic supererat, abstulit pater.

O molle corpus, grataque amplexatio,

Blandumque spirans suavis oris halitus!

1125 Abite, abite, contueri non queo

Vos jam: malorum cedo magnitudini:

Videoque quantum perpetrabitur nefas.

SED pessimorum facinorum

genitor furor

Ratione major me retrorsum distrahit.

1130 CHO. Mecum sæpe exactius Sum conata expendere, ac

Subtili librare examine,

Num deceat disquirere foeminas

1135 NEC nobis Musarum aliena Sunt commercia: sunt sapientiae

Corda capacia, non tamen omnibus:

Sed rara inter copia foeminas

Indulget studiis sapientiae.

1140 Illud vero ausim contendere, His cum longe actum felicius

Quibus ævum penitus transigere

Contigit orbis sobolis,

Quam quibus est numerosa propago

1145 Sorte data: orbi quod inexperti

Ignorent, an dulce an amarum

Sit genuisse; anxietatibus

Vacui innumeris vivant: soboles

1150 Degunt miseræ tempora vitæ

Primum ut honeste² educant, vitæ-

que necessaria subsidia parent.

Deinde accedit ad alias curas

1155 Illud, sintne futuri (incertum)

Male compositis moribus, an boni.

Id

1 Degunt] Forte Degant.

2 Educant] Libri omnes educant. Vide de Metris Buchan. cap. III. §. v. 7.
B b b b 2

Id quoque postremum mortali-
um

Nulli non grave proloquar:
etsi

Cætera vitæ commoda suppetant,
Et pubentes jam perveniat

1160 Corpus ad annos, moribus
optimis

Exculto ingenio, Dea inutilis
Tum si illa incumbat Mors,
dulces

Ac mittat sub tartara liberos:

Qui fuit utile, pignora propter

1165 Hunc adjectum a Diis, mortalibus

Intolerandum luctus cumulum?

MED. Jamdudum, amicæ,
opprior exitum rei,

Fortuna quo se vertat illic,
præstolans.

Atqui e ministris cerno quendam
Jæsonis

1170 Gressus ferentem ad nos anhelospiritu.

Mali videtur fore recentis nuntius.

NUN. O perpetratrix facinoris
nefarii.

Medea! fuge, fuge, classe
seu cita licet,

Seu vecta curru corripe celerem
fugam.

1175 MED. Quæ digna causa cogit
ad properam fugam?

N. Regia puella modo periit,
atque genitor

Creon, venenis illiti pariter tuis,
M. Gratum attulisti nuntium:

deinceps meos

Inter benevolos ac amantes
nostri eris.

1180 N. Quid? mente sana mulier

es? an desipis?

Domum tyranni funditus quum
verteris,

Audire gaudes, nec facinus
istud paves?

M. Non deest ad ista quod
queam rependere.

Sed ne gravere tantulum nobis
moræ

1185 Dare, pereundi donec explices
modum.

Nam morte functos si sciam
miserrima,

Cumulabis animum gaudio duplice
meum.

N. Ut gemina proles cum patre
advenit tua,

Et conjugalis attingit limen domus,

1190 Famuli, dolori quibus erat tuus
dolor,

Gaudemus, aures omnium cito
pervolat

Rumor, maritum teque pacto
foedere

Confopuisse pristinam discordiam.

Hic tangere manus, ille flavum
verticem

1195 Mulcere pucris: ipse quoque
præ gaudio

Pueros gynæceum usque lætus
prosequor.

At hera colenda quæ tui nobis
loco

Successit, antequam puerulos
viderat,

Vultu renidenti intuens Jæsonem

1200 Hærebat: at post mœsta tristis
lumina

Abcondit, ora retro flectens
candida,

Quippe puerorum graviter adventum
ferens.

Sed

Sed leniebat molliter puellulæ
 Iras Jafon, differendo talibus:
 1205 Adversum amicos ne fueris
 aspera: animum
 Compone, rursus flecte vul-
 tus, ac puta
 Hos esse amicos, quos mari-
 tus diligit:
 Et dona suscipe, & patrem
 exora tuum,
 Hinc ne releget pignora, meam
 in gratiam.
 1210 At illa mundum ut vidit, haud
 viro amplius
 Negare quicquam sustinuit:
 ac antequam
 Tectis absissent genitor & nati
 procul,
 Ornata peplis ipsa versicolori-
 bus,
 Mollem corona preffit aurea
 comam,
 1215 Sese nitentis ante speculi splen-
 didum
 Æquor refingens: ac renidens
 suaviter,
 Spectabat umbram corporis
 inanimem sui.
 Dein sede sese sublevans e re-
 gia,
 Per tecta graditur læta donis,
 molliter
 1220 Eburna terræ collocans vesti-
 gia,
 Et colla fixo sæpe spectans lu-
 mine.
 At triste post hæc incidit spe-
 ctaculum:
 Colore mutato subitus iterum
 tremor
 Obliqua membra vexat: ac
 ægre throno
 1225 Præoccupato potuit efficere ne
 humi
 Prolapsa rueret: tum pedisse-

qua quædam anus,
 Iram esse Panos, aut Deum
 cujuspiam
 Rata, ejulavit lugubre, ante
 candidis
 Nam tincta spumis ora vidit,
 & oculis
 1230 Circumrotari pupulas, & san-
 guinis
 Inane corpus: ejulatum flebi-
 lem
 Dein excipit ploratus, alia
 ipsum ad patrem
 Festinat, alia calamitatem con-
 jugis
 Novum ad maritum currit ut
 recenseat.
 1235 Tota in tumultus versa varios
 regia
 Strepebat, & jam cursor ac-
 celerans gradum
 Lassus citatum, ad terminum
 pervenerat.
 Hæc muta, clauso quæ jace-
 bat lumine,
 Suspiria trahens graviter, ex-
 pergiscitur.
 1240 Misera gerebat cum duplici
 bellum malo:
 Nam quæ premebat verticem
 auro tortili
 Corona, mirum, flammeam
 scaturiginem
 Voracis ignis evomebat: at
 pepli
 Tenuis, tuorum liberorum mu-
 nera,
 1245 Niveum exedebant corpus &
 miseræ cutem.
 Porro illa surgens e throno,
 comam igneam
 Rotat, huc & illuc usta ja-
 ctans tempora,
 Quærens coronam excutere:
 at insolubilis

- Aurum tenebat nexus: & quoties comam
 1250 Quatiebat, ignis sæviebat acris
 Duplo: mali tum victa magnitudine
 Cecidit, parenti cognitu tantum suo
 Facilis: nec oculis forma constabat sua,
 Decor nec oris; vertice e summo cruor
 1255 Stillabat igne mixtus; avulsa ossibus
 Caro venenis per genas tacitis fluit,
 Ceu tæda lentis læsa sudat lacrymis.
 Res dira visu, terror omnes occupat,
 Tangere cadaver nemo ut auit: scilicet
 1260 Magistra fors adversa nos erudierat.
 Ignarus autem genitor infelix mali,
 Ut recta primum contigit, cadaveri
 Infusus ingemuit, & ulnis comprimens,
 Atque osculatus, solvit oralibus:
 1265 O nata misera, quis Deorum perdidit
 Sic morte foeda te? quis orbavit senem
 Capulo propinquum, tristeque filicernium?
 Utinam liceret, nata, tecum commori!
 Ut lacrymis & luctibus fecit modum,
 1270 Senile corpus allevare dum cupit,
- Peplis adhæsit tenuibus, uti laureis
 Ramis adhæret hedera: tum certaminis
 Horrenda facies oritur: ille tollere
 Genua experitur, illa contrahitur.
 1275 Sin vim parabat, viva vellens viscera
 Nudabat ossa: deinde sensim languit.
 Fugiente vita spiritum tandem miser
 Efflavit, impar invalescenti malo.
 Jam juncta genitor nataque cadavera jacent,
 1280 Dignum profecto lacrymis spectaculum.
 De te quid opus oratione? senties
 Pœnæ expetitæ jam vicissitudinem.
 HAUD primitus nunc esse res mortalium
 Umbras fugaces credo; nec dubitaverim
 1285 Hos qui videntur sapere, verborum aucupes
 Hos curiosos, asseverare omnium
 Jure esse habendos optimo stultissimos.
 Certe beatus nullus est mortalium.
 Ut affluunt res, ille fortunatior
 1290 Illa putetur, haud beatus sit tamen.
 CHO. Jure, ut videtur, plurimum hodie congeret
 Deus malorum in Jasonem: infortunii

- Tui misertum est, o Creontis filia
 Misella! thalamis quæ procul
 ab Jæsonis
 1295 Ad tecta Ditis functa fato ducis.
MED. Certum est, amicæ
 fœminæ, celerrime
 Natis peremtis hoc solo discedere;
 Nec otiose desidendo dexteræ
 Infestiori dare necandos filios
 1300 Mori necesse est liberos penitus meos.
 Quando id necesse est, nos
 trucidemus utique,
 Qui progenuimus: verum age,
 anime, accingere:
 Ecquid moramur dira patrare
 scelera,
 Et quæ necesse est perpetrare?
 age, o manus
 1305 Mea misera, ensẽ cape, cape, ac ad carceres
 Progredere vitæ tristis, ac ne
 defice:
 Nec subeat animum liberorum
 memoria
 Quos edidisti, o cara; & obliviscere
 Fuisse natos breviculum hunc
 diem tuos.
 1310 Post deinde lugẽ: nam tametsi
 occideris,
 Cari fuerunt: mulier autem
 misera ego.
CHO. O terra lucidumque
 Phœbi jubar! videte,
 Aspiciate pestilentem.
 1315 Hanc fœminam & cruentam,
 Manum trucem priusquam
 In liberos verterit,
 Qui de tua stirpe aurea
 Ducunt originem.
- Quam metuo, Deũ
 Ne imbuat hominum sanguis
 dextram.
 At tu cœligenæ moderator
 Lucis, cohibe, reprime, Furiam
 Pelle cruentam & miseram tectis
 1325 E feralibus. Incassum labor
 Deperit ob natos susceptus:
 Pignora frustra cara genueras:
 O Symplegadum inhospita saxa,
 Quæ deseruisti, angustas fauces!
 1330 Misera, unde tibi furor hic
 animi?
 Unde atrox cædes cumulatur?
 QUISQUIS consanguinea
 terram
 Imbuerit cæde, ac macularit
 Sanguine dextram, vindicta
 comes
 1335 Urget sæva, ac Dii mala plurima
 Hinc domibus cœlitus immittunt.
 PUER. Quid agam? parentis
 quomodo hei fugiam manus?
 ALTER. Ignoro, frater care:
 perimus utique.
CHO. Audis puerorum, audis vocem?
 1340 O misera, o infelix mulier!
 Tectum ingrediar, pignora rapiam e
 Cæde nefanda.
 PUER. Per o Deorum numen
 opitulamini
 Dum licet, in ipsiis pene retibus sumus!
 1345 *CHO.* Misera aut ferrum, aut
 filicem gestas
 Pectore, quæ propria mactabis
 Dextra

- Dextra pignora quæ peperisti.
Unam secula memorant, unam
Ino, quam fœdasse cruore
1350 Sui recensent pignoris caram
manum,
Nec sponte, diro sed furore
percitam,
Infanientem Juno quum mise-
ram domo
Exegit: oblita cæde natorum
impia
Periit peremtis liberis mortis
comes,
1355 Progressa littus ultra, in æ-
quor decidens.
Quid sceleris jam restat inau-
sum?
O FOEMINEI thalami curæ
Pleni anxiferæ, quanta e vo-
bis
Homines torquet lerna malo-
rum!
1360 IAS. Quæ statis hæc propter
ædes, fœminæ,
Estne intus auctor facinoris
nefarii
Medea, sese an abripuit alio
fuga?
Tellure sese ni recondat obru-
tam,
Pennave liquidas ætheris fin-
dat plagas,
1365 Domui rependet capta pœnas
regiæ.
An se, interemta stirpere regum,
credidit
Impune tectis hisce posse eva-
dere?
Nec illius me cura, sed sobo-
lis coquit.
Namque illa pœnas solvet his
quos læserat:
1370 Sed liberorum huc venio vitæ
ut consulam;
- Ne scelera matris vindicantes
impia
Genere propinqui adversus il-
los sæviant.
CHO. Nescis malorum quo re-
dactus sis, miser
Iason, alias ista nunquam di-
ceres.
1375 IAS. Quid est? an etiam me
interimere cogitat?
C. Cæsi occiderunt liberi ma-
tris manu.
I. Hei mihi! quid ais? ut me
jugulasti, fœmina!
C. Ut luce cassis cogita de li-
beris.
I. Ubi eos peremit? intus an
foris? refer.
1380 C. Foribus reclusis funera in-
tuebere.
I. Auferte vestes, tollite hinc
repagula
Statim, ministri, scelus ut
aspiciam duplex,
Illos peremtus, hanc, uti pœ-
nam exigam.
MED. Quid frustra in istas
arietas pulsans fores.
1385 Cæsosque, meque cædis au-
ctorem petens?
Laborem omitte hunc, me-
que, si qua in re est opus,
Affare: manus haud licebit
tangere.
Talem parentis Sol pater cur-
rum mihi,
Quo me tuerer e manu hosti-
li, dedit.
1390 J. O dira, Diis o mulier im-
mortalibus
Exosa, mihi que, & omnibus
mortalibus!
Quæ sustinebas liberorum pe-
ctori

Infe-

- Inferere ferrum mater, orbum
& perdere
Me! & his patratu intueri fu- 1415
stines
1395 Solem solumque, facinus ausu
peffimum?
Male peri: ego refpisco nunc;
infanii
Tum, cum paternis ædibus
te barbaro
Grajas ad urbes e solo advexi,
malum,
Pestemque, patris proditricem, 1420
& patriæ
1400 Quæ te educavit: supplicia de
me expetunt
Scelerum tuorum vindices E-
rinnyes.
Nam fratre cæso, sanguinis
focio, ratem
Mecum decoram ingressa es
Argo Peliam.
Hinc orsa es: inde conjugali 1425
copula
1405 Mihi juncta, de me sustulisti
liberos,
Offensa tædis quos peremisti
novis:
Quod Graja nulla perpetrasset
fœmina,
Quibus ego spretis prætulisti tha-
lamus tuos,
Affinitate pestilente me illi-
gans
1410 Sævæ lænæ, haud fœminæ,
quæ pectore
Scyllæ cruentos ferreo vincis
canes.
Sed nulla mentem commo-
vent opprobria,
Ita impudenti obduruisti au-
dacia.
- Pereas, cruenta liberorum car-
nifex.
Lugere superest mihi meum
infortunium,
Qui nec recenti perfruar con-
nubio,
Nec quos creavi & educavi li-
beros,
Jam morte raptos, alloqui vi-
vos licet.
MED. Quam multa contra
suppetunt quæ redderem,
Si non utrinque testis esset Jup-
piter,
Quam debuisti ac retulisti gra-
tiam.
Spretisne nostris nuptiis tu
molliter
Vitam perageres, mihi mise-
ræ illuderet?
Regiaque virgo, & qui dedit
nuptum hanc, Creon,
1425 Impune an unquam me expu-
lissent hoc solo?
Igitur lænam me voca, aut
Scyllam (ut lubet)
Thuscum obidentem litus,
ut par est, tuum
Animum vicissim perculi mo-
lestiis.
IAS. Angeris & ipsa, & es
malorum particeps.
1430 M. Modo ne dolentem irri-
deas, juvat dolor.
I. O matre nati filii nefa-
ria!
M. O filii, ut vos perdidit
scelus patris!
I. Non hos peremit nostra
certe dextera.
M. Sed culpa, lectumque in
jugalem injuria.

I 435

I Tum, cum] Multi e recentioribus Tunc, cum.
Tom. II.

C c c c

1435 *I.* Torumne propter ausa es
illos perdere?

M. An hunc dolorem mulieri
reris levem?

I. Si qua est modesta: tu undique
es pessima.

M. Illi occiderunt: hoc habet
te pessime.

I. Capiti imminibunt vindices
umbræ tuo.

1440 *M.* Diis primus auctor notus
est injuriæ.

I. Diis nota mens est execrabilis
tua.

M. Mihi es molestus, & odiosa
oratio.

I. Et tua vicissim mihi, sed
hac molestia

Facile carebis. *M.* Quomodo?
id namque unice

1445 *Cupio. I.* Remitte flenda mihi
cadavera,

Ac sepelienda. *M.* Minime,
eos namque hac manu

Junonis alto sepeliam sanctæ
sacro,

Sepulchra ne forte hostis in-
solentia

Violet superbi; Sisyphique
posteris

1450 Cædis nefandæ sacra dabo pia-
mina,

Festaque dicabo in posterum
solennia.

At ipsa Erèchthei propero ad
urbem, ubi Ægeo

Jungar marito, filio Pandio-
nis.

Tu vero, ut æquum est te,
peribis pessime,

1455 Argus reliquiis tempora effra-
ctus tua,

Finem nefastum sentiens tha-
lami mei.

I. At te cruentæ filiorum E-
rinnyes

Perdant, & ultrix Justitia cæ-
dis feræ.

M. Ecquis Deorum te audiet
vel dæmonum,

1460 Perjure, fallax, hospitumque
proditor?

I. Ah, ah, nefanda libero-
rum carnifex!

M. Proficiscere domum, con-
de tumulo conjugem.

I. Natis orbus geminis abeo.

M. Nondum luges: senium
expecta.

1465 *I.* O carissima pignora! *M.* Ma-
tri

Cara profecto, patri mini-
me.

I. Tamen exstincti. *M.* Te
ut cruciarem.

I. Heu me miserum! tangere
cara

Cupio natorum ora meorum.

1470 *M.* Nunc alloqueris, nunc
amplecti

Optas, dudum quos repulisti.

I. Per o Deorum numen id
tribue mihi,

Ut molle corpus liberum tan-
gam manu!

M. Minime: incassum verba
profundis.

1475 *I.* Juppiter hocne, ut sperni-
mur, audis,

Quæque scelestæ patraverit in
me

Lea, natorum cæde cruenta?
Quod licet unum, fleo, vo-
ciferor,

Testes-

1480 Testesque Deos advoco, natos 1485 CHO. DISPENSAT mortalia cuncta
 Quod me attingere manibus prohibes
 Abs te occisos, quod mihi tollis
 Funeris arbitrium, quos utinam
 Nunquam ego genuissem, abs te ut cæfos
 Cernere, cogerer ipse superstes.

Cælo Juppiter: inopina Dei
 Plurima peragunt, spes eventu
 Fraudant sæpe suo: quæ credas
 Fieri haud posse, expediet
 Deus, ut
 1490 Finem hæc nunc sortita est fabula.

Acta fuit Burdegala, Anno M. D. XLIII.

F I N I S.

E U R I P I D I S

P O E T Æ T R A G I C I

A L C E S T I S,

GEORGIO BUCHANANO SCOTO

I N T E R P R E T E.

Ad Illustrissimam Principem,

D. M A R G A R I T A M,

Henrici II. Francorum Regis Sororem,

I N

A L C E S T I N

P R Æ F A T I O.



LCESTIN Euripidis, ante aliquot annos a me Latinam factam, ad te potissimum, Margarita Principum optima, censui mittendam. Nec id ea modo causa feci, qua cæteri fere solent, qui hoc tempore in scribendo aliquid aut possunt, aut audent: ut videlicet

C c c c 2

hac

hac prærogativa freti, aliorum judicia minus reformident, & auctoritate nominis tui adversus calumniantium malignitatem se tueantur: sed quod hujus Fabulæ lectionem tibi multis de causis non ingratam fore sperabam. Est enim orationis genere leni & æquabili, & quod Euripidis proprium est, suavi: parricidii vero & veneficii, & reliquorum, quibus aliæ Tragædiæ plene sunt, scelerum, nulla prorsus hic mentio, nullum omnino vestigium. Contra vero, conjugalis amoris, pietatis, humanitatis, & aliorum officiorum, adeo plena sunt omnia, ut non verear hanc Fabulam comparare cum libris eorum Philosophorum qui ex professo virtutis præcepta tradiderunt: ac nescio an etiam præferre debeam. Actio enim rerum sermone & spiritu pene animata, acrius quam nuda præcepta sensus impellit, & facilius in animos influat & illabitur: atque ubi illapsa fuerit, firmiter hæret, & quasi radices agit. Quod si quis minus ad te pertinere credat ista, quod eo jam in omni virtutis genere sis progressa, ut non sis alienis exemplis confirmanda, sed alios tuo exemplo ad virtutem provoces, fallitur vehementer, meo quidem judicio: præcepta enim officiorum, & rerum præclare gestarum memoria, aliis fortassis utiliora erunt, qui ea legunt, ut velut ad normam suos mores eo dirigant: illis certe jucundissima esse debent, qui jam perfuncti discendi & imitandi laboribus, sub aliena persona suas laudes citra omnem adulationis suspicionem legunt. Habet enim hæc Fabula, quantum ego quidem judicare possum, earum virtutum, quas in te non minus libenter agnoscimus, quam in Alcestide legentes miramur, adeo expressam imaginem, ut quoties eam in manus sumas, toties tuarum tibi virtutum in mentem veniat necesse sit; eam quum laudari audies, de tuis moribus judicium fieri existimes. Eam igitur ad te, ut dixi, mittimus. Quod si audacius a me factum videatur, eam tu potissimum culpam præstes oportet: quæ me tua auctoritate ad scribendum impulisti, & in arenam productum omni favoris genere prosequeris & foves. Vale.

Ad Sereniss. juxta ac Eruditiss.

Angliæ Reginam ELIZABETHAM, in Alcestin
GEO. BUCHANANI Epigramma.

<p>CUM tibi flebilibus Pythias sal- tata cothurnis Non oculos posset, non satiare animum, Jamque juberetur lacrymosa Tragœ- dia rursus Ire sub aspectum, Regia virgo, tuum: (Alpha Robertorum Dudleius ille Robertus, Testis & orator Foxius hujus erit:) Te quoque tam rara motam pietate recordor A lacrymis ficas non tenuisse ge- nas. Scilicet ille (nihil quo mitius aspicit æther) Tam tibi COR placidum, tam tibi mite dedit, Fas sit ut, & vere, mihi dicere, nullius unquam Sanguine Regales te maculasse manus. Si Pythiæ pietas, pietas si vera Da- monis Uda fuit lacrymis facta potentis Heræ, Quis, simul Alcestin subeuntem fata mariti Viderit, haud mœstis fletibus ora riget? Perlege priscorum numerosa volu- mina vatam,</p>	<p>Quicquid & Annales temporis hu- jus habent, Rarus amor fratres alterna morte re- demptos Compulit alternis ire redire viis. Filius a Stygio patrem qui liberet Orco, Forſan in historiis unus & alter erit. At quæ projiciat caro pro conjugē vitam, Alite ſoligena rarior uſque fuit: Quare age quæ raris ſuperas virtuti- bus annos, Cui niſi quod rarum nil placuiſſe ſolet, Quæ triviale nihil, ſed pulchra, ſed omnia rara, Concipis, o ſexu gloria rara tui: Quam penes eſt unam noſtro rariſſi- mus ævo CANDOR, & integræ relligio- nis amor, Rara fides, pietas, conſtantia, rara potestas, Quaque capax rarum nil magis or- bis habet Per genium, Regina, tuum, per & omnia rara, Per tibi qui tribuit Regia ſceptra, Deum, Saltet ut hanc tragico tua gens mire apta cothurno (Rarior ut pietas deſinat eſſe) jube.</p>
--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

ΚΑ'Ρ-Ο'ΑΟΣ, θεῶν ἐν, ΟΥ'ΘΕ'Ν—Ο'—ΒΙ'ΟΣ πῆλω θεῶν.

S. Majeſt. T. perpetua obſervantiæ voluntate deditiſſimus

CAROLUS UTENHOVIUS

F. Gand.

C c c c 3

AR-

ARGUMENTUM.

QUUM jam moriturus esset Admetus, Apollo a Parcis impetravit ei, ut quantum vixisset, alterum tantum viveret, si alium daret, qui pro se moreretur. Parens autem uterque quum hanc pro filio moriendi conditionem recusasset, Alcestis uxor se obtulit. Paucos vero post dies quum ea incidisset calamitas, Hercules advenit. Is edoctus ab uno ministrorum quæ Alcestidi contigerant, ad sepulchrum profectus, Mortem abegit: mulierem veste obnubit: atque Admetum orat, ut eam a se acceptam servet. Affirmabat enim sibi, quum lucta vicisset, eam præmio datam. Id quum abnueret Admetus, detectam ei, quam lugebat, ostendit uxorem.

P E R S O N Æ.

A P O L L O.

T H A N A T O S.

C H O R U S.

S E M I C H O R I O N.

A N C I L L A *Alcestidis.*

A L C E S T I S.

S E R V U S.

A D M E T U S.

E U M E L U S.

H E R C U L E S.

P H E R E S.

EURI.

EURIPIDIS

POETÆ TRAGICI

ALCESTIS,

GEORGIO BUCHANANO SCOTO

INTERPRETE.

A P O L L O.



Tecta cara regis Ad-
meti, in quibus
Convictor esse pertu-
li servis Deus.

Huc me coëgit, filium Æscu-
lapium

Flammis trifulcis quum peremit
Juppiter.

5 Ego impotenti sævus ira ful-
minis

Fabros Cyclopas perimo: pœ-
nas ut darem,

Mortalis esse me viri servum pa-
ter

Voluit. Profectus igitur huc,
pecus hospitis

Pavi, domumque præstiti in-
columem hætenus:

10 Ut sancta sancto quæ Pheretis
filio

Pareret: ipsum liberavi e fauci-
bus

Lethi imminentis, præoccu-
pans Parcas dolo.

Namque annuerunt mihi Deæ,
ut subducerem

Admetum ab orco, & funus in
præsentia

15 Aliud loco ejus manibus suppo-
nerem:

Quumque ambiisset ille amicos,
omnium

Expertus animos, patris, ac
matris senis

Quæ peperit ipsum, nemo præ-
ter conjugem

Inventus unam est, sponte quæ
prior mori

20 Voluit, nec alma luce postea
frui.

Ea bajulatur nunc manus inter
domi

Frigente sensim corpore: hæc
etenim dies

Decreta fato est, morte vitam
ut exuat.

Sed funus hic ne polluat me,
desero

25 Caros penates. Mortuorum sed
prope

Thanatos sacerdos advenit, sub
tartara

Raptu-

Rapturus illam. Tempori vero
huc adest,

Hunc præstitutum mortis ob-
servans diem.

TH. Ha, ha, ha, ha.

30 Quid tibi tandem hic, Phœbe,
negotii?

Quid oberras hæc limina pro-
pter?

Iterum injurius es Diis Stygiis,
Quorum aboles ac tollis hono-
res.

Non sat erat tibi, morti Ad-
meti

35 Injecisse moram arte dolosa
Circumventis Parcisi? Iterum
Arcitenentem cur modo dex-
tram

Armatus ades Pelix observans
Natam, quæ pro conjuge caro
est

40 Pollicita mori?

AP. Bono animo es, æquum
jusque fasque poscimus.

TH. Quorsum igitur arcu, justa
si petis, est opus?

AP. Hæc arma semper ferre
consuetum est mihi.

TH. Opemque ferre præter æ-
quum his ædibus?

45 AP. Hominis amici mihi do-
lori est calamitas.

TH. Etiam hoc secundo frau-
dor abs te funere?

AP. Atqui nec illud abstuli in-
vito tibi.

TH. Cur vivit ergo, nec apud
inferos agit?

AP. Sponsæ redemptus morte,
quam tu nunc petis.

50 TH. Et quam silentes mortuam
ad manes agam

AP. Perge, aufer: etenim ne-
scio an persuasero.

TH. Mi? munus ipsum, cujus
est occidere.

AP. Minime: morantes morte
sed tollere senes.

TH. Quo verba spectent & vo-
luntas tua, scio.

55 AP. Alcestidi ergo non licet
senio frui?

TH. Non licet: honores, Phœ-
be, nos etiam juvant.

AP. Nil præter animam pote-
ris unam tollere.

TH. Ex morte juvenum majus
accedet decus.

AP. At vetula moriens ditius
tumulabitur.

60 TH. Lex hæc rem habentes,
Phœbe, solos respicit.

AP. Quid? tu Sophistes insciis
nobis eras.

TH. Res ampla quibus est, re-
dimerent mortis moras.

AP. Non ergo visum est tibi
facere gratum hic mihi?

TH. Minime: ipse morum non
meorum ignarus es.

65 AP. Quos nec Deorum nec ho-
minum ullus diligit.

TH. Haud cuncta poteris præ-
ter æquum consequi.

AP. At reprimetur ista sæva
immanitas

Quamlibet acerba: talis acce-
det domum

Pheretis hospes, imperante Eu-
rystheo

70 Thrace ab nivosa quadrijugos
abducere:

Acceptus hospes ille in Admeti
domum,

Vi tollet istam foeminam tibi,
neque

Hanc a me inibis gratiam: &
quum ingratis

Eadem

Eadem peregris, odio esse
haud defines.

75 *TH.* Ut multa dicas, nil tamen
profeceris.

Hæc mulier Orci pallidam vi-
set domum.

Properoque ad ipsam, ut ense
delibem comam.

Damnatus ille Manibus Deis
erit,

Cuicunque ferrum hoc verti-
cem libaverit.

80 *CH.* Quæ pro foribus tacitur-
na quies?

Cur conticuit domus Admeti?

SE. Nullus adest qui narret a-
micus,

An lugenda est filia Peliae

Alcestis ceu mortua, an aura

85 Fruitur supera, quæ optima
longe

Mihique & cunctis foemina visa
est

In conjugem fuisse?

SE. Auditne quisquam lacry-
marum aut planctuum

Sonum per ædes, flentium aut
suspiria?

90 *SE.* Minime: sed neque famu-
lūm quisquam

Ad vestibulum est. Utinam, o
Pæan,

Auxiliator in hac clade adfis,

Atque salutifer aspicere.

SE. Nec tacita domus defun-
cta esset

95 Domina: nec clam condita tu-
mulo est.

SE. Unde? haud video quid
te recreet.

SE. Tamne probam clam po-

pulo Admetus

Conjugem humasset funere vili?

SE. Nec ante portas conspicio

100 Fontanæ aquæ lavacra, ceu

Ad mortuorum januas.

Assuevit: haud propter fores

Abscissa coma est, posita in lu-
ctu

Quæ funereo cæditur, usquam

105 Neque virgineum perstrepit
agmen.

SE. Atqui hæc fuerat præscri-
pta dies,

Qua tenebrosū videret Orcum.

SE. Quorsum hæc memoras?

SE. Pupugisti cor, pupugisti
animum

110 *CH.* Quum bonos Parcæ ra-
piunt severæ,

Qui bonus vixit teneris ab an-
nis,

Jure eos luget. Neque enim
Chimææ

Arva si remis adeas, vel æstu
Semper arentes Garamantum

arenas,

115 Templaque Ammonis, miseræ
prece umbras

Faucibus tetri rapies ab Orci.
Mors gradu tristis properat ci-
tato.

Nec focos juxta video Deo-
rum,

Quem sacerdotum precibus
fatigem.

120 Si modo argutis oculis decorus
Filius Phœbi hac frueretur au-
ra,

Illa, desertis Stygiis tenebris,
Noctis & portis, Acheronte ab
ipso

Viva

1 Quem sacerdotum] Legendum arbi-
tror sacerdotem: Euripides enim,

Tom. II.

ὅτι ἔχον ἐν τῇ
Μηλοθύτῳ πορευομένη.

D d d d

Viva rediret.

125 Namque defunctos revocabat
Orco,

Antequam telo trifido timen-
dus

Jupiter sævos jaculatus ignes,
Perculit illum.

Nulla spes vitæ reliqua est: per-
egit

130 Cuncta rex: omnes pecudum
cruentis

Stragibus Divum cumulantur
aræ,

Nec mali est usquam fugæ cer-
ta certi.

Sed uda lacrymis quæpiam egre-
ditur domo

Ancilla. Miserum me! quid af-
feret novi?

135 Veniam meretur luctus hic, si
quicquam heris

Accidit acerbum. Scire at illud
gestio,

Vita fruatur mulier, an jam per-
ierit?

AN. Vivam vocare & mortuam
pariter licet.

CH. Qui poterit idem vivus
esse & mortuus?

140 AN. Vix ducit ægra spiritum
ad thalami fores.

CH. Uxore quali qualis orba-
bere miser?

AN. Jam conjuge orbus domi-
nus istud sentiet.

CH. Nec spes salutis ulla restat
amplius?

AN. Fati prementis instat illi
terminus.

145 CH. Ergo apparantur justa rite
funeri?

AN. Mundus paratus est, quem
humo condat simul.

CH. Præstante sese conjuge or-

batum sciat,

Sub orbe cœli nulla qua melior
fuit.

AN. Quidni? quis aliter sen-
tiat? qui foemina

150 Potuisset ulla facere gloriosius,
Suumque amorem prodere ma-
nifestius

Erga maritum, quam suam si
impenderit

Vitam illi? at ista cuncta novit
civitas.

At obstupefces, si modo au-
dies, domi

155 Quæ perpetrarit. Destinatum
quum diem

Adesse sensit, lauta vivo flu-
mine

Corpus decorum, cedrino ex
armario

Effert amictum: comta deinde
splendide

Mundo superbo constitit do-
mesticam

160 Vestam ante, tales ora solvens
in preces:

O Dea, ego tristes abeo ad um-
brarum domos:

Tibi advoluta te precor novis-
simum,

Orbos tuere liberos: huic con-
jugem

Caram, maritum filiaæ da splen-
didum:

165 Nec, velut acerbo rapta ma-
ter funere est,

Præcipitet illos Parca præcox:
sed sua in

Patria beati transigant ac suavi-
ter

Jucunda vitæ spatia. Cunctas
regiæ

Accessit aras, supplicavit, sin-
gulas

170 Festa corona myrtæ cinxit co-
mæ:

Nec ora fletu madida, nec su-
spirio

Indice doloris, vis nec instan-
tis mali

Vultus decori pristinum carpsit
decus.

At conjugalem ut attigit tha-
lamum, ac torum,

175 Lacrymis profusis solvit ora ta-
libus:

O lecte, ubi mihi morte quem
redimo mea

Solvit pudorem virginalē vir,
vale.

Nec te quidem odi, me tamen si
extinxis:

Nam dum recuso conjugem, &
te prodere,

180 Morior. At alia te tenebit fœ-
mina

Non castior, fortasse fortuna-
tior.

Tum devoluta exosculatur le-
ctulum,

Totumque inundat lacrymarum
flumine.

Ubi tandem abunde fletuum
profuderat,

185 Revoluta strato ex ædibus se
proripit.

Ac sæpe thalamo egressa rediit
denuo,

Supraque lectum denuo incu-
buit. Peplos

Flebant tenentes liberi: illa am-
plexibus

Modo hunc, modo illam com-
primebat, scilicet

190 Moritura jamjam: flebili tota
domo

Famuli tumultu fata lugebant
heræ.

At illa dextram singulis dedit,
neque

Quisquam inter omnes adeo
contemptus fuit,

Quem affata non sit mutuis ser-
monibus.

195 Atque ista turbant nunc domum
Admeti mala,

Quæ morte poterat fugere:
mortem dum fugit,

Nunc sempiternum sibi dolo-
rem arcessiit.

CH. His ingemiscit igitur Ad-
metus malis,

Quem fata nupta dividunt ab
optima.

200 AN. Luget profecto: conju-
gem caram tenens

Ulnis, rogansque morte ne se
derat:

Absurda poscens, quæque fieri
non queant.

Tabescit illa, & languidum
manus onus

Projecta inertis, debilem et si
spiritum

205 Vix fessa ducat, intueri Solem
avet,

Almæque lucis ultimo aspectu
frui,

Visura nunquam splendidum
posthac jubar.

Sed abeo, teque adesse nuntia-
vero.

Nec semper omnes regibus ci-
ves favent,

210 Nec rebus adsunt turbidis ala-
criter:

At tu vetustus amicus es meis
heris.

CH. O Dii, quæ fuga superest
cladis?

Quæ fuga sortis, quæ imminet
aulæ?

D d d d 2

Exitne

Exitne aliquis? laceremne comam?
 215 Pullone tegam corpus amictu?
AN. Certa res est, certa, amici:
 Sed precemur numina:
 Nam potestas est Deorum
 Visque longe maxima.
 220 O Apollo sancte, cladis
 Exitum hujus invenni:
 Affer, affer remedium nunc,
 Ut prius commentus es.
 Nunc ades salutifer:
 225 Pelle fatum lugubre,
 Ditis implacabilis
 Pectus atrox mitiga.
CH. Heu, heu: vix, vix!
 O nate, nate Pheretis, Adme-
 te o miser,
 230 Qua clade premeris orbus ista
 conjuge?
 Pateris ferro rem fugiendam,
 Et graviore clade piandam,
 Quam si laquei de trabe celsa
 Tereti neetas vincula collo.
 235 Non enim caram modo, at
 Conjugem carissimam
 Hac morientem luce videbis
 Sed jam maritus ipse progredi-
 tur domo.
 Pheræa tellus ingemisce, illa-
 cryma.
 240 Optima longe scæmina morbo
 Contabescens Ditis ad umbras
 Sub cava rapitur viscera terræ.
 Nunquam thalamos plus læti-
 tiæ
 Quam tristitiæ ferre fatebor:
 245 Partim id veteris casibus ævi
 Doctus, partim hac clade re-
 centi
 Regis, quem longe optima con-
 jux
 Morte relinquens, non sinet
 unquam

Dehinc vitalem vivere vitam.
 250 *AL.* O Sol, luxque diurna,
 Cœlestesque rotatæ
 Celeri turbine nubes.
AD. Me teque miseros aspicit
 duos, tua
 Nil promerentes morte dignum
 cœlitus.
 255 *AL.* O tellus, o atria, thalami
 O geniales patriæ Iolci!
AD. Sustolle teipsam, o mise-
 ra, neu me deseras,
 Sed flecte precibus omnium do-
 minos Deos.
AL. Biscalmam video, video
 ratem,
 260 Atque umbrarum portitor hæ-
 rens
 Conto arcessit me prope Chæ-
 ron.
 Age festina, quæ causâ morâ?
 Præsto cætera cuncta: moraris
 Nos sola, gradu celeri propera.
 265 *AD.* Heu, navigationem acer-
 bam istam mihi
 Memoras: malorum quanta nos
 moles premit!
AL. Eripit, eripit quidam tibi
 me
 (Nonne vides) ad tecta silen-
 tum.
 Fronte subnigra lumina Pluto in-
 270 tentat celer huc: quid facis?
 aufer.
 Quod miserabilis iter infisto?
AD. Acerbum amicis ac mihi,
 atque liberis,
 Queis luctus hic est proprius,
 miserrimum.
AL. Jam dimittite, dimittite
 me.
 275 Genua labant: jam deponite
 me.
 Oculos densæ condunt tenebræ.
 Pueri,

Pueri, o pueri, jam vestra parens
 Nulla est, nulla est jam vestra parens.
 Valere nati, & lumen alium cernite.
 280 AD. Hei mihi! tristis vox ferit aures,
 Ac morte mihi durior omni.
 Ne me desere, ne per superos Tolera: nam te lumine cassa
 Vivere acerbum est; pendet ab una
 285 Te mea mors ac vita: ita nobis
 Tui amor penitus fixus inhaeret.
 AL. Admete, cernis quo in loco res sint meae.
 Quæ sentit animus, ante mortem proloqui
 Volo. Salutem prætulî meæ tuam:
 290 Per fata lucem, quum liceret cernere,
 Morior, fuisset quum integrum haud pro te mori:
 Sed mihi maritum, quem luberet Thesstatum
 Eligere, sedes & beas regio Incokre luxu: abs te revulsa
 vivere
 295 Renui orphanis cum liberis: vitæ meæ
 Minime peperci, ætate quamvis integra
 Quum, qui genuerat te pater, quæque peperit,
 Te prodidisset mater, auras linquere,
 Quibus decorum jam per ætatem foret,
 300 Et gloriosa morte vitam filio

Suo redimere; quippe quibus unicus eras,
 Nec spem relictam procreandi liberos
 Te functo haberent. Vivemus tu, ac ego:
 Nec tu doleres solitudinem tori
 305 Vidui, nec orbos educares liberos.
 Sed hæc Deorum quando quispiam gradu
 Hoc ire voluit, sic eant: at gratiam
 Hanc tu referto, quam peto, haud meritis parem:
 (NAM par rependi pretium animæ nullum potest.)
 310 Sed quam ipse justam dixeris: quum diligas
 Æque atque ego istos (si sapias) pueros, meæ
 Domini face, isti sint domus: nec liberis
 Induc novercam fœminam minus probam
 Parente, natis quæ manum impingat meis
 315 Tuisque, livor tristis ubi stimulos ciet.
 Utrique cave, istud faxis oro. Prioribus
 Inimica natis quum noverca inducitur,
 Nihilo cruenta vipera est clementior.
 In patre magnum filius præsidium habet,
 320 Sermone cum quo mutuo possit frui.
 Tu, nata, vero quomodo educaberis

In

[Abs te revulsa] Principi editioni Vascosani abest abs, Basil. avulsa.

In virginali ætate honeste?
 quam tuo
 Nuptam parenti fors dabit, quæ
 nec nota
 Te fœdet ulla, nec tuas ipso in
 aditu
 325 Florentis ævi nuptias contami-
 net?
 Neque elocabit mater unquam
 te, neque in
 Dolore partus affidens solabi-
 tur,
 Ubi nil parentis caritate est sua-
 vius.
 Mori necesse est me: timori nec
 malum
 330 Cras istud, aut in tertium est
 mensis diem.
 Jamjam inter umbras luce cas-
 sas censeor.
 Valet, læti vivite: at tu vir
 potes
 Te gloriari conjugem nactum
 optimam:
 Et vos, parentis optimæ vos
 filios.
 335 CHO. Bono animo es: hujus
 polliceri hoc nomine
 Ego nil verebor, mente ni prorsus
 caret.
 ADM. Ne metue, fient ista,
 fient. Nam mea
 Viva ut fuisti sola, sola mor-
 tua
 Dicere conjux: nec tuo ulla
 me loco
 340 Suum vocabit sponsa Theſſialis
 virum:
 Quamvis superbos generis enu-
 meret avos,
 Formæ decore quamlibet præ-
 fulgeat.
 Sat liberorum est, liceat istis
 modo frui

Deos precamur, quando te frui
 haud licet.
 345 Nec finietur luctus hic spatio
 annuo:
 Sed omne in ævum, quod su-
 pererit dehinc mihi,
 Lugebo, matrem, quæ pepe-
 rit, odio, ac patrem
 Habebo, amici quando verbo,
 non re erant.
 Tibi ego salutem debeo, quæ
 pro mea
 350 Anima dedisti quod homini est
 carissimum.
 Non jure, tali quando privor
 conjuge,
 Dura inter ævum transigam su-
 spiria?
 Nec cœtus aut æqualium con-
 vivia
 Post me juvabunt: nec coronæ
 florea,
 355 Cantusve dulces: nostra nec ci-
 tharam manus
 Dehinc tanget unquam, nec
 Libyſſæ ad tibiæ
 Sonos canoros animus oblecta-
 bitur:
 Nam cuncta vitæ tu abstulisti
 gaudia.
 Quin & periti dextera artificis
 tua
 360 In lecto imago ficta collocabi-
 tur.
 Amplectar illam manibus, illi
 procidens
 Tuum vocabo nomen, ulnis
 conjugem
 Caram tenere, non tenens, fin-
 gam tamen.
 Est ea voluptas frigida: at mo-
 lestiam
 365 Animi levabit. Umbra me per
 somnia

Utinam

Utinam reversa oblectet. ET-
 IAM lurida
 Sub nocte amicos suave vultus
 cernere,
 Quocunque sese in tempore of-
 ferent. Mihi
 Si lingua adesset Orphei, &
 blandum melos,
 370 Furvæ canendo pectus ut Pro-
 serpinæ
 Duri vel Orci flecterem, ac re-
 ducerem
 Te, promptus irem: centiceps
 nec me canis,
 Nec qui silentes portitor ma-
 nes vehit,
 Prohiberet, alium viva per
 me denuo
 375 Donec videres lumen. Illic
 mortua
 Nunc præstolare, donec illuc
 mortuum
 Me fata mittent, ac domum
 ambobus para,
 Una ut habitemus. Nam sepul-
 chro corpora
 Uno imperabo collocari, & con-
 feri
 380 Lateri latus te propter exten-
 sum meum:
 Nec ipsa mors me poterit abs-
 te avellere,
 Quæ sola nobis usque fida in-
 venta sis.
 CHO. Mœrore digna est: ita-
 que luctus particeps
 Hujus ero, amicum velut ami-
 co convenit.
 385 ALC. Ipsi hæc loquentem,
 filii, audistis patrem.
 Nullam deinceps spondet aliam

[Ipsi hæc loquentem] Recentiores libri
 Ipsa, male: Euripid.

conjugem
 Sibi fore, nec me luce cassam
 negliget.
 ADM. Nunc assevero id, at-
 que perfectum dabo;
 AL. Cape pignus horum de mea
 pueros manu.
 390 AD. Accipio carum pignus e-
 cara manu.
 AL. His tu puellis mater esto
 meo loco.
 AD. Te morte rapta cogit id
 necessitas.
 AL. Intereo, nati, par fuit
 quum vivere.
 AD. Quænam futura est vita
 mihi superstiti?
 395 AL. Te mitigabit temporis lon-
 ginitas:
 Qui periit autem, in posterum
 jam fit nihil.
 AD. Duc, duc me ad Orcum
 per Deos tecum simul.
 AL. In morte nostra sat super-
 que cladis est.
 AD. Sors sæva, quali viduor
 abs te conjuge?
 400 AL. At at, tenebræ jamjam
 oboriuntur oculis.
 AD. Perii profecto, si modo
 abs te deferor.
 AL. Nil me putaris jam, velut
 nusquam forem.
 AD. Attolle vultus, liberos
 neu deferas.
 AL. Non sponte certè, sed va-
 lete, liberi.
 405 AD. Oculos ad illos tolle, tolle
 & aspice.
 AL. Sum nulla posthac. AD.
 Quid agis? ita me deferis?
 AL. Va-

Ω παῖδες, αὐτοὶ δὲ τὰδ' ἐσχηκότες
 Πατρὸς λίσσονται ———

AL. Valeto. *AD.* Miseris heu
pereo miser modis!

CHO. Periiit, nec usquam est
uxor Admeti amplius.

EUM. Hei mihi misero, periiit
mater!

410 O pater, adiit manes! neque
jam

Dulci fruitur lumine Solis.

Me deseruit, me orbum, in-
felix.

Languidulos cerne oculos, ri-
gidas

Cerne manus. O genitrix audi,
415 Audi genitrix! ego te appello,

Tua proclivis ad oscula pullus.
AD. Nil audientem, nil viden-

tem affare: ego,
Vosque ambo sæva clade per-

culsi sumus.
EU. Puer, o genitor, matre

orbatus,
420 Solus deseror! o me miseris

Pressum ærumnis, teque foro-
rem,

Quam premit eadem fors! o
genitor,

Infrugiferos, infrugiferos
Thalamos nactus es! haud teti-

gisti
425 Hac cum conjuge claustra se-

nectæ:
Prius crepta est; te pereunte,

Genitrix, pariter domus everfa
est.

CHO. Admete, clades has ne-
cesse est perpeti:

Nec primus es, nec ultimus
mortalium

430 Uxore viduatus proba. Atque
id cogita

Nos universos esse morti obno-
xios.

AD. Scio: nec ista me repen-

te perculit

Ærumna: pridem præscius ma-
lo premor.

Sed efferendæ funus huic pa-
rabitur:

435 Adeste, & alternante planctu
lugubri

Date iusta. Diti dicite impla-
cabili

Pæana. Scepbris Thessalum
quisquis meis

Paret, mulieris hujus ergo pu-
blice

Lugere jubeo rasili tonsos co-
ma,

440 Pulloque amictu. Quadrijugos-
que jungite

Currus: superbam sonipedum e
collo jubam

Tondete ferro: tibix nusquam
sonus

• Strepat per urbem, vel suavi-
loquæ lyræ,

Bis Luna senos donec orbes im-
pleat.

445 Nam neque cadaver hoc sepe-
liam carius

Ullum, nec in me paribus offi-
ciis; neque

Honoribus cam prosequi dignis
queam,

Quæ me redemit sola morte vi-
caria.

CHO. O Pelix mihi nata, vale,
450 Quæ Orci habitas sine Sole do-
mos.

At sciat arbiter hoc Stygius
Nigricomans Deus, atque se-

nex

Portitor exanimem populum
Qui vehit, & subigit residens

455 Puppe ratem celerem, mulier
Optima longe Acherontis a-

quas,

Optima

Optima fœmina transvehitur
Rate bis calma.
Pieridum tu carmen alumnis
460 Decantabere diu, montigena
Te testudine septem nervis
Resonante canent, ac sine ci-
thara
Memores repetent carmine lau-
des,
Quum redeuntis circulus anni
465 ¹ Mensẽm Spartæ Carneium ite-
rat,
Lunaque pernox vere benigno
Pleno pernitet orbe decora,
Inque beatis divitis agri
Decantabere semper Athenis.
470 Tales mors tua sufficit hymnos
Vatibus. O revocare liceret
Si te superas rursus ad auras
E tenebrosis sedibus Orci,
E Cocyti fluctibus, alno
475 E flumine, quæ vehit um-
bras.
Tu fœminei gloria sexus,
Sola reperta es conjugis Orco
Quæ mutata anima animam eri-
peres.
Terra levis tibi sit super ossa.
480 Quod si tædis vir tuus aliis
Captus erit, mihi jure invisus
Natisque tuis deget, quando
Nec tua mater, nec qui genuit
Te senior pater, abdere vellent
485 Pro nato sua corpora terra,
Nec servarint, etsi seris
Candida sparsi tempora canis.
At tu primo in flore juventæ
Juvenis redimens fata mariti

490 Deferis auras. O mihi talem
Vitæ sociam Dii date sponsam;
Quæ jucundum transigat ævum
Mecum: at vitæ cognita pau-
cis
Est mortalibus ista voluptas.
495 HER. Cives Pheræam qui co-
litis urbem, an domi est
Admetus? CHO. Intus est Phe-
retis filius.
At quæ te ad urbem causâ ade-
git Thessalam,
Hospes Pheræas advenires ut
domos?
H. Obeo laborem Eurystheo
Tirynthio.
500 C. Quo tendis? error quis va-
gabundum trahit?
H. Diomedis ut Thracis qua-
drigas huc agam.
C. Qui poteris? hospes an ve-
tus forsân tibi est?
H. Minime, nec unquam Bi-
stonum attigi solum.
C. Potiare ut illis, ferro oportet
cernere.
505 H. Sed nec labores refugere,
ut velim, licet.
C. Causa redibis rege, vel cæ-
sus cades.
H. Discrimen istud non adeo
nunc primitus.
C. Quid promovebis, domi-
num ubi deviceris?
H. Captos tyranno tradam equos
Tirynthio.
510 C. Frenare captos alter haud
facilis labor.

H. An

¹ Mensẽm Carneium] Gr. Μὴν Καρνίου, mensis apud Lacedæmonios nomen, sic dicti a Καρνίῳ festis Apollinis eo mense celebratis. Meminit ejus mensis præter Euripidem Thucydes lib. V. & Plutar-
Tom. II.

chus in Nicia, ubi eum dicit eundem esse qui Atheniensibus Μεταγυμνῶν appellatur. quem Augusto nostro respondere vult Petavius, lib. I. cap. 12.

- H.* An forte flammæ evomunt e naribus?
C. Avidis virorum membra laniant dentibus.
H. Memoras ferarum, non equorum pabulum.
C. Prælepe tabo sordidum intuebere.
 515 *H.* Quo patre jactat educator se editum?
C. Marte, & opulentam frenat armis Thraciam.
H. Fatis laborem debitum agnosco meis,
 Per aspra semper quæ petunt sublimia.
C. Cum Marte natis optimum fuerat manum
 520 Non contulisse, primitus Lycaone,
 Ac deinde Cygno: tertius porro hic mihi
 Cum domino equisque exhauriendus est labor.
 Mortalium sed nullus intuebitur
 Hostis paventem dexteram Alcmena fatum.
 525 *C.* Atqui ipse dominus hujus Admetus soli
 Huc tecta linquens dirigit recta gradum.
AD. Jove nate salve, Persei clarum genus.
H. Admete salve, rector in clypeo Theſſalum.
A. Utinam! Benevolum te mihi certo scio.
- 530 *H.* Tonsura vero quid sibi hæc vult lugubris?
A. Hodie cadaver effereandum est hinc mihi.
H. Avertat istud fors malum a natis tuis.
A. Vivunt creati liberi de me domi.
H. Maturus annis forse genitor occidit?
 535 *A.* Et ille superat atque mater, Hercules.
H. An igitur uxor periit Alceſtis tua?
A. De uxore nobis sermo sese offert duplex.
H. Fatone functam dicis? an superat adhuc?
A. Obiit, nec obiit: meque luctu conficit.
 540 *H.* Perplexus es, juxta atque pridem intelligo.
A. Fatine nostri quæ premat necessitas?
H. Pollicita mortem nempe pro te occumbere.
A. Si pepigit istud, quomodo hanc vivam putas?
H. Lugendo clades interim ne præveni.
 545 *A.* Cui mors propinqua est, jam periſſe illum puto:
 Qui periit autem, jure nusquam dixeris.
H. Non esse, & esse discrepant longissime.
A. Sic tibi videtur, Hercules; aliter mihi.

H. Quid

1 Cum Marte natis optimum fuerat manum Non contulisse] His plane contrarius Euripides,

Ἡ καὶ με πατρὶς, οἷς Ἄρης ἱσχυάτο, Μάχην συνάψαι. — — —

Fefellisse Buchananum videtur prava ejus

seculi Editio, in qua forte *μὲν* pro *με* legebatur: Quamobrem, si fas esset, sic totam sententiam resingerem,

Cum Marte natis nempe oportuit manum Me contulisse — — —

H. Quid ergo luges? quisnam amicorum occidit?

550 *A.* Mulier. Mulieris mentio facta est modo.

H. Aliena, vobis an propinqua sanguine?

A. Aliena, quamvis juncta necessitudine.

H. Quinam ergo vitam finit domi tuæ?

A. Hic educata est orba patre mortuo.

555 *H.* Utinam dolore comperissem liberum:

A. Exspecto quorsum tendat ista oratio.

H. Alterius hospes hospitis domum petam.

A. Bona verba: facinus istud avertat Deus.

H. Ingrata lugenti hospitis præsencia est.

560 *A.* Ingredere tu ædes, mortui sint mortui.

H. Hospiti epulari turpe funesta in domo.

A. Ducam seorsum te hospitum ad cœnacula.

H. Sine abire, inibis gratiam a me maximam.

A. Minime: nec alios hospes accedes lares.

565 *H.* Heus tu, præito, reclude posticum ædium:

Jube atrienses apparare largiter Hospitibus epulas. Limen autem claudite,

Quod medium ab aula separat cœnacula.

Non est decorum luctus ut convivio

570 Obstrepant, & aures hospitum offendat dolor.

CHO. Admete, quid agis? tan-

ta quum te calamitas

Premat, recipies hospites? ita desipis?

AD. Atqui domo illum si expulissem & mœnibus

Hospitii egentem, an id probares? neutiquam.

575 *Minus hospitalis, non minus miser forem.*

Ad calamitates illud etiam accederet,

Ut hospitum hostis mea vocaretur domus.

Nunc hospitem illum habeborursus optimum.

Siticulosum quando ad Argos venero.

580 *C.* Cur ergo, amicus siquidem is est, uti tu ais,

Hunc esse passus nescium ærumnæ es tuæ?

A. Siquidem ille nostrum scisset infortunium,

Nunquam subisset atrium domus meæ.

*At facere stulte me ille forsan rebitur,

585 *Nec hæc probabit. Mea sed aula haud hospites*

Huc ventitantes scit repellere turpiter.

C. O viri hospita liberi Semper atria, quæ incola

Se dignatus Apollo

590 *Est Phœbus citharæ sciens. Nec Deum puduit domus*

Hujus lanigeros greges Curvis pascere vallibus:

Et per prata virentia

595 *Pastoralia carmina Blanda pangere fistula.*

Quin & versicolorum Lyncum turba suavibus Emollita modis, gregi

600 Junxit intrepido latus.
 Armentumque leonum
 Venit fulvicomantum
 Ex Othry nemoroso.
 Ad tuæ strepitum lyræ
 605 Applausit maculosus
 Pictorum hinnuleum chorus,
 Pernici pede deferens
 Abietum alticomum nemus,
 Docto carmine concitus.
 610 Ergo tu pecoris domum
 Fertilissimam colis
 Limpidum propter lacum
 Boebiae, arvi & jugera:
 Et patentibus soli
 615 Terminos convallibus,
 Qua jubar Solis cadens
 Nube currus induit,
 Ad Molossos pertinet,
 Et freta Ægæi maris,
 620 Æstuosa & littora
 Cellsum ad usque Pelion.
 Nunc apertis ædibus
 Humidis fletu genis
 Hospitem recipit tamen,
 625 Conjugis modo mortuæ
 Flens adhuc funus recens.
 Nam pudori pronus est
 Candor ingenuus, neque
 Ulla pars sapientiæ
 630 Abest, quum probitas adest.
 Et mentem bona spes habet,
 Successura homini pio
 Omnia recte.
 AD. Cives Pheræi qui hicade-
 stis sedulo,
 635 Famuli cadaver rite compostum
 ad rogam
 Sublime portant, ac sepulchri
 ad aggerem.
 At vos supremam prodeuntem
 jam viam
 De more defunctam ultimum
 alloquimini.

CHO. Atqui senili cerno geni-
 torem gradu
 640 Huc se ferentem, conjugis &
 mundum tuæ
 Portare famulos manibus dona-
 ria.
 PHE. Mœroris adsum parti-
 ceps, fili, tui.
 Proba & pudica sane es orbus
 conjugis.
 Sed ista quamvis dura perpeffu,
 tamen
 645 Feras necesse est. Accipe hunc
 mundum, ac humi
 Una reconde. Honore corpus
 prosequi
 Illius æquum est, quæ prior
 pro te mori
 Sustinuit: ac ne sobolis orbus
 degerem
 Tristem senectam & luctuosam
 te sine,
 650 Perfecit una: cæterisque fœ-
 minis
 Tam illustre facinus ausa pepe-
 rit gloriam.
 O sospitatrix filii, quæ mor-
 tuos
 Nos suscitasti, jam vale. Ac
 manes tibi
 Placidos bonosque sub Ache-
 ronte imo precor.
 655 TALES hominibus utiles tæ-
 das reor,
 Aut vincla nunquam nosse con-
 jugalia.
 AD. Nec has rogatu nostro
 ad inferias ades.
 Præsens amicum nec mihi in
 numero es, neque
 Hunc induetur illa mundum,
 aut indiga
 660 Rerum tuarum sepelietur. Tum
 æquius

- Dolere fuerat, fata quum me
tollerent.
An qui stetisti tum eminus, qui-
que alteram
Senex puellam siveris pro te 685
mori,
Illacrymabis funeri huic? Nec
mihi pater
665 Verus fuisti, nec peperit ea me
parens,
Falso parentem quæ meam se
diſtitat:
Sed stirpe servili editum in lu-
cem tua
Me admovit uxor uberi furtim 690
suo:
Et tu quis esses prodidit peri-
culum.
670 Nam nec patrem te existimo
vere meum:
Aut si es, pavore nemo te mor-
taliū
Superat inertī, qui supremo in
lumine
Vitæ, senectā languidus, nec 695
volueris.
Nec fueris ausus emori pro fi-
lio.
675 Sed has mulierem hanc exteram
in se sumere
Partes tulistis, quam genitri-
cem & patrem
Solam vocare jure possum æ-
quissimo.
At te facinoris tam decori glo-
ria
Ingens manebat, filium super-
stitem
680 Si morte genitor liberavisses
tua,
Quum posset ævi reliquus haud
longus tibi
Restare cursus. Quod supere-
rat temporis,
- Mecum ista vivo viva consene-
sceret,
Tædis nec orbus macerarer lu-
ctibus.
685 At tu, beata vita quicquid par-
turit
Fructus, tulisti: scepra qui flo-
rentibus
Tegueris annis, meque regni
filium
Hæredem habueris, orbus ut
ne liberis
Vacuam alienis dissipandam lin-
queres
690 Domum. Nec illud dixeris, te
a filio
Prodi, senectam quod tuam
contemserit,
Ut qui reveritus semper unus
maxime
Te sim. Rependis gratiam hanc
contra mihi
Cum matre genitor: sed nec
alios liberos
695 Dehinc gignere potes, qui se-
nectutem tuam
Alant & ornent. Neque enim
humabere hac manu.
Etenim quod ad te pertinet,
sum mortuus
Jamdudum. At alium si salutis
vindicem
Sum nactus, atque intueor ejus
munere
700 Hoc lumen alium, me illius
natum puto,
Vicesque senii huic educandi
debeo.
VANE profecto postulant se-
nes mori,
Et de senectā longiore expostu-
lant:
Si mors propinquet, nemo jam
cupit mori,
E e e e 3 705 Ne-

705 Nemo senectam queritur amplius gravem.

CH. Absque his malorum jam sat est. Quiescite:

Nec tu paternam, nate, bilem exaspera.

PH. O nate, probris quem lacessis arrogans?

Venalumne de grege, aut Lydum, aut Phryga,

710 An Thessalum me Thessalo nescis patre,

Planeque stirpe generis ingenui satum?

Nimis insolenter contumeliosus es:

Et verba juvenis in patrem petulantia

Jactas. At isthic haud procax gratis eris.

715 Dominus familiæ te edidi ut fores meæ:

Deinde educavi, non prior ut exstinguerer.

Nec hanc habemus traditam a majoribus

Legem, ut parentes morte fervent liberos:

Nec Grajus hic mos. Sive felix, seu miser,

720 Tibi natus uni es. Cuncta ego officia patris

Tibi cumulate præstiti: late imperas

Populis; & agri fusa late jugera,

Quæ mihi reliquit genitor, hæc linquam tibi.

Qua fraudo te in re? quamve facio injuriam?

725 Ne morere pro alio, nec ego pro te. Cernere

Tibi dulce lucem est, dulce patri itidem puta.

Nam reputo mecum, quot manendum secula

Sit inter umbras; quam brevibus angustiis

Sint clausa vitæ spatia, sed blanda tamen.

730 At tu reculas impudenter emori,

Ultraque fato destinatum terminum

Uxore cæsa vivis: ac redarguis

Dein me pavoris, fœmina, timidissime,

Inferior ipse, quæ tuam juvenis vicem

735 Formose functa periit. At enim callide

Rationem inisti, qua perenne viveres,

Si ut quamque nactus conjugem sis, ne mori

Pro te recuset, persuadere poteris.

Dein ipse timidus impetis conviciis,

740 Qui facere renuant hæc, amicos: heus tace,

Tecumque reputa, vita ceu dulcis tibi est,

Dulcem esse cunctis. Si ingeras opprobria,

Haud falsa rursus, & plura forsan audies.

CH. Jam fit malorum superiorum accessio:

745 Senex, omitte exasperare filium.

AD. Ceu me loquuto cuncta prome: veritas

Si

Si audita te urit, abstinendum
injuria.

PH. Pro te fuisset gravius erra-
tum mori.

AD. Nil ergo refert juvenis
obeat an senex?

750 PH. Una anima oportet, non
duabus vivere.

AD. Quin vive; secula donec
anteas Jovis.

PH. Sic immerentes hem pa-
rentes devoves?

AD. Te nempe vitæ longioris
amor tenet.

PH. At pro te, opinor, hoc
cadaver efferunt.

755 AD. Quod te pavoris arguit,
timidissime.

PH. Pro me perisse hanc haud,
opinor, dixeris.

AD. Utinam aliquando tibi o-
pus opera sit mea.

PH. Sæpe esto conjux, effe-
ras ut plurimas.

AD. Tibi hoc pudendum, qui
recularis mori.

760 PH. Suave lumen hoc, suave
cernere.

AD. Ignavus animi es, nec viri
quicquam tenes.

PH. Non funus effers lætus ac
ridens senis.

AD. Utcunque moriere, mo-
riere inglorius.

PH. Audire male post fata non
curæ est mihi.

765 AD. Ohe, senectus plena ut
impudentiæ est!

PH. Haud impudens hæc, illa

sed stolidia fuit.

AD. Abi, atque humare me
cadaver hoc sine.

PH. Abeo: ipse humabis, quip-
pe qui ipse occideris.

At tu propinquis conjugis pœ-
nas dabis.

770 Posthac Acastum nemo censebit
virum,

Germanæ inultam si ferat taci-
tus necem.

AD. Nunc apage tuque & uxor
orbi liberum

Vivente nato: digni ut eslis,
carpite

Miseram senectam; nec eadem
mecum domys

775 Vos capiet. Ite. Patrium præ-
conio

Siquidem liceret tibi larem in-
terdicere,

Nihil moratus hunc tibi inter-
dicere.

At nos (ferendum quippe præ-
sens est malum)

Eamus ignem mortuæ suppo-
nere.

780 CHO. Fortibus, o miserabilis,
ausis

O generosa, atque optima lon-
ge,

Salve! Sit tibi bonus ac pla-
cidus

Atlantiades, Plutoque facilis
Te suscipiat.

Si qua bono-
rum

785 Illic præmia, cum Persepho-
ne

Vitæ fructus carpe bene actæ.
S E R.

1 Si qua bonorum Illic præmia] Elzev. 1628 & 1676., Westf. Lond. bonarum. Iisdem etiam ut & Vascos. Steph. Ba-
sil. Commel. Sanctand. pro illic illuc

legitur: utrumque male: lectionem enim
nostram adstruit ipse Euripides,

— in δὲ τὴν καὶ

πλὴν ἐστὶ ἀγαθῶν —

SER. Plerosque memini plurimarum gentium
 Domoque & epulis hic ab Admeto hospites
 Olim receptos: hospite isto at nequior
 790 Se in hos penates nullus unquam contulit.
 Funesta primum tecta non exhorruit
 Intrare, luctu squalidum cernens herum.
 Dein fortuitos apparatus insolens
 Non consulebat, clade perspecta, boni.
 795 Si quid deesset, immodeste clamitans,
 Id flagitabat. Cymbium & manibus capax
 Tollens, meraco ingurgitat se sanguine
 Nigræ parentis, usque dum affusa undique
 Calfecit artus flamma, vino exæstuaris.
 800 Deinde impeditus fronde myrtea comam,
 Agreste latrat: dissonos licet sonos
 Audire pariter. Ille securus animi
 In clade nostra cantitat: nos autem heram
 Lacrymis profusis flemus optimam: haud tamen
 805 Spectante, fletu commadesimus, hospite,
 Quando ita voluntas fert herilis. Interim
 Ego peregrinum hunc excipio dapibus domi,
 Furem scelestum & impium sicarium.

Effertur illa, funerinec prodii
 810 Comes, manuve nuda planxipectora,
 Dominamve luxi, quæ parens fuerat mihi
 Servisque cunctis, quæ mariti mollibus
 Frangebat iras vocibus, mille & malis
 Nos eruebat. Itaque jure hunc odero,
 815 Qui tecta subiit in calamitate, hospitem.
HER. Heus tu, severum cur tuere ac tetricum?
HAUD esse torvo erga hospites vultu decet
 Servum, sed animo excipere læto comiter.
 Tu domino amicum suscipis supercilii
 820 Severitate tristi & ore turbido, Intentus animum cladis in luctum exteræ.
 Accede propius huc, uti sapientior
 Reddare. Nostri lege qua mortalia
 Natura genuit? haud opinor: unde enim
 825 Id nosse posses servus? at de me accipe:
MORI necesse est omnibus mortalibus:
 Nec ullus hominum novitan sit crastinæ
 Visurus ortum lucis: etenim lubrica
 Fortuna cæcas temperat rerum vices,
 830 Quæ nec doceri aut arte comprehendiqueant.
 Hæc doctus ex me, genium age exhilara: bibe.

Quod-

Quodcunque vitæ singuli affe-
runt dies,
Id crede nostrum; sortis esse
cætera.

Præterea hominibus cœlitum
suavissimam

835 Longe Dionem cole: benigna
etenim Dea est.

Hæc alia omitte, & mihi mo-
nenti obtempera:

Siquidem videntur vera quæ ti-
bi consulo.

Atque adeo, opinor, exsolu-
tus his malis,

Comamque vinctus flore nobis-
cum bibes

840 Istius inanis liber ægritudi-
nis.

Nec dubito quin si proluat se-
mel scyphus

Inversus hic te, ex vultuoso
& tetrico

Effinget alium. Quando mor-
tales sumus,

Ex usu opinor sapere nos mor-
talia.

845 Nam tetricorum & tristium æ-
rumna potius

Quam vita, vita me putanda
est iudice.

SER. Hæc scimus. Atqui fa-
miliæ præsens status

Nihil habet aptum risui & con-
viviis.

H. Mulieris obitum ne exteræ
supra modum

850 Desse: familiæ quando salvi
sunt heri.

S. Salvi? fugit te quanta cla-
des nos premit?

H. Nisi forte dominus me fe-
sellerit tuus.

S. Nimis ille, nimis est hospi-
talis omnibus.

H. Minime: nec ad eum funus
externum attinet.

855 S. Nimis hoc profecto familia-
re funus est

H. Fors me malorum quippiam
celaverit.

S. Perge esse lætus: nos heri
tangant mala.

H. Hic sermo luctus exteræ
haud exordium est.

S. Nec tibi epulanti mœstiti-
dinem afferam:

860 H. Injuriam tuli haud feren-
dam ab hospite.

S. Alieno adisti hanc, hospes,
aulam in tempore.

Nam luctuosa cuncta cernis,
rasile

Caput & amictum lugubrem.
H. Num liberum

Decessit aliquis, an gravis senio
pater?

865 S. Exstincta conjux, hospes,
Admeti occidit.

H. Quid ais? deinde me rece-
pit hospitem?

S. Suis pudebat te repellere ab
ædibus.

H. O quali es orbus, o miser-
rime conjugē!

S. Quæ clade eadem pariter
omnes perdidit.

870 H.

1 Nos heri tangant mala] Forte tangunt. Euripid.

—ἡμῖν δὲ δεσποτῶν μέλει κακὰ.

2 Hic sermo luctus exteræ haud exordium
est] Luctus exteræ, i. e. luctus ob exteram

Tom. II.

familiam, dura videtur locutio: forte
exteri Buchananus scripserit: id enim ad
Euripidis sententiam propius videtur ac-
cedere,

ὅδ' αὖ θοραίων πημάτων ἀρχὴ λόγῳ.

F f f f

870 *H.* Quin sentiebam id uda cernens lumina,
 Tristemque vultum, rasilēmque verticem.
 Tamen exterum illi funus esse credidi:
 Ac vi coactus hanc subivi januam:
 Atque in statu isto turbido rerum bibi,
 875 Et hospitalis hominis assedi in domo
 Conviva demens flore vinctus tempora.
 Sed culpa, qui non indicaveris, tua est,
 Ærumna tanta quum familiæ incumberet:
 Sed ubinam humatur? qua profectus reperiam?
 880 *S.* Larissæ ad alta nobilis quæ mœnia
 Recta itur, urbis ante portam protinus
 Tumulum videbis artifice factum manu.
H. O anime, corque exercitum molestiis,
 Ostende qualem Electryonis filia
 885 Alcmenæ sobolem procreavit te Jovi!
 Subtrahere fato fœminam exstinctam est opus,
 Suosque rursus ad penates ducere
 Alcestin, Admeto ut rependam gratiam.
 Ibo, & nigrantis squalido ferrugine
 890 Stolorum tyrannino manium insidias dabo.
 Atque illum, opinor, deprehendam ad aggerem

Tumuli bibentem victimarum sanguinem.
 Quod si e latebris clanculum irruens eum
 Prendam, & lacertis strinxero circumdatis,
 895 Utcunque latera verset, eripiet mihi
 Hunc nemo, donec conjugem Admeti auferam.
 Sin aucupantem hæc præda me fefellerit,
 Nec ad cruoris adsit haustus, inferum
 Reges adibo & regna Solis nescia,
 900 Poscamque, nec non impetraturum reor,
 Alcestin, ut eam conjugem tradam in manum,
 Qui me recepit hospitem, nec reppulit,
 Quamvis acerbo fauciatus vulnere,
 Animo, sed alto id me reveritus abdidit.
 905 Quis Thessalum est in hospites benignior,
 Grajumvè? certe fordido non dixerit,
 Generosus animi quum sit, beneficium datum.
AD. Heu mœstum aditum, tristem aspectum.
 Vidui tecti. Quo feror? ubi sum?
 910 Quid loquar? aut quid taceam?
 Qui peream? O me misero fato Genitum! functus morte beatos
 Ducō, his gratulor, hos amo, cum illis
 Degere dehinc libet: haud libet auras

- 915 Cernere superas, haud juvat
almæ
Dehinc vestigia figere terræ.
Obside tali despoliatum
Mors me sævo pignerat Orco.
CHO. Subi, subi tenebras
920 Tecti: subi: tulisti
Digna lacrymis: tulisti
Calamitatem lugubrem.
Conditos nil lacrymæ
Conjugis manes juvant.
925 AD. Hoc, hoc, verbo vulne-
ra renovas.
QUÆ magis homini est aspra
calamitas
Quam spoliari conjuge fida?
Utinam tædæ thalamiq̃ue ex-
fors
Socia haud ulli tecta habitas-
sem.
930 Lectos vacuos conjuge, & er-
bam
Sobolis vitam duco beatam.
Unam in vitam impendere cu-
ras.
Est moderati sarcina luctus:
At languentia pignora mor-
bo, &
935 Deformati funere thalami,
Intolerandi est cumulus luctus:
Præsertim, quum conjugis or-
bam &
Sobolis liceat ducere vitam.
CHO. Sors, fors ineluctabilis
940 Premit, nec ullus lacrymis
Modus est. Acerba fers, ta-
men
Perfer: etenim nec conjuge
Tu primus orbus es: alios
Mortalium alia calamitas
945 Dolore sævo conficit.

- AD. Longi o luctus, o ami-
corum
Desideria luce carentum!
Cur vetuisti me præcipitem
Triste sepulchri mittere in an-
trum,
950 Et cum conjuge fida pariter
Tumuli unius mole recondi?
Accepisset geminas pro una
Animas Pluto, transque fre-
tassent
Duo fidissima pectora pariter
955 Stygias undas.
CHO. Mihi vir quidam sangui-
ne junctus
Puerum amisit lacrymis dignum,
Solam generis spem, moderate
Tamen ærumnam hanc pertu-
lit, etsi
960 Orbus sobolis vertice cano
Et præcipiti languidus ævo.
AD. O mutati facies tecti!
Quinam ingrediar, quinam ha-
bitabo
Versis fati? hei mihi! quan-
tum
965 Distat ab illa domus hæc, o-
lim
Quam Peliacæ lumine tædæ,
Et festis ululatam hymenæis
Ingrediebar dexteræ inhærens
Caræ conjugis, ac multifono
970 Convivarum strepitu a tergo,
Qui beatos dicerent
Meque & illam mortuam:
Quippe utrosque nobiles,
Et utrinque ex optimis
975 Editos majoribus
Conjugali vinculo
Copulatos. At modo
Nuptialis carminis

Luctus

1 Homini est aspra]. Recentiores omnes gre sensus, Anapæsticorum leges multo minus patiuntur.

- Luctus occupat locum:
 980 Proque candidis peplis
 Pulla vestis ad toros
 Me reducit coelibes.
 CHO. Mali inexperto tibi fortunæ
 Dolor hic cursum rupit amicæ.
 985 At servasti vitam animamque:
 Mortua conjux liquit amantem.
 Quæ nova mentem turbat imago?
 Multos conjuge mors orbavit,
 Solvens socii foedera lecti.
 990 AD. Et si aliter aliis visum, amici,
 conjugis
 Feliciorem duco quam sortem meam:
 Erepta namque plurimis molestiis,
 Cum laude summa: triste nil
 dehinc sentiet.
 At ego, perisse quem fuerat æquum,
 meo
 995 Fato superstes vitam agam illætabilem:
 Quod adeo jam nunc sentio.
 Nam qui domum
 Subire potero hanc? quem alloquar?
 cujus fruam
 Sermonem? mentem quo domi oblectem?
 gradum
 Quo vertam? ubique solitudo
 in ædibus
 1000 Mœrore mentem conficit,
 quum conjugis
 Vacuum cubile cerno, quum
 vacuum throni
 Sedem relictam, & squalidum

- situ solum.
 Circaque genua procidentes liberi
 Descent, parentem lacrymantem: servi hera
 1005 Sese queruntur destitutos optima.
 Atque is domi rerum est status mihi: at foris
 Me Thessalorum nuptiæ, me foeminis
 Cœtus frequentes enecabunt, different.
 Dolore miserum uxoris æquales meæ:
 1010 Quas quo intuebor ore? Tum si quis male
 Animatus in me est, solvet oralibus:
 En quem cupido foeda vitæ detinet,
 Metusque mortis, qui redemit conjugis
 Se morte ab Orco ignavus: ac vir postea
 1015 Sibi videtur. Tum parentes proprios
 Infensus odit, ipse non ausus mori.
 Hic rumor inter improbos me differet.
 Ecquam ergo vita mihi voluptatem feret,
 Quem fama lacerat, & calamitas obruit?
 1020 CHO. EGO ignota profano
 Per compendia vulgo
 Musarum comes ivi:
 Et sermonibus aurem

Doctis

[*Ecquam e. v. m. voluptatem feret*] Vultiores editi, excepto Steph. *Ecquem*. At quamvis apud Comicos *quis* pronomen ejusque nonnulla composita foemi-

nina reperiantur, mihi tamen eos hic imitari voluisse Buchananum neutiquam fit verisimile.

Doctis applicui meam
 1025 Non raro. At ¹ remedi genus
 Nondum ullum reperi, cui
 Cedat dura necessitas.
 Hanc contra medicamina
 Docti nec dedit Orphei
 1030 Thressis in tabulis manus:
 Nec cum Asclepiadis pater
 Phœbus pharmaca proderet,
 Ut mortalibus ægris
 Morbo membra levarent,
 1035 Hanc adversus opem tulit.
 Solas hujus ad aras
 Non est ire Deæ, neque
 Ad simulacra: nec ulla
 Est placabilis hostia.
 1040 O diva, o, violentior
 Ad me ne solito veni!
 Nam tu consiliis comes.
 Quicquid Juppiter annuit,
 Certum ducis ad exitum:
 1045 Tu dextra facili domas
 Duri robora ferri;
 Nec factum tibi mentis
 Infrenem cohibet pudor:
 Et dextræ infragili suæ
 1050 Vinclo te implicuit Dea.
 Perfer: nam neque fato
 Functos æthereas trahes
 Flendo rursus ad auras.
 Mors etiam notha pignora
 1055 Divum falce metit sua.
 Dum nobiscum erat omnibus
 Cara, & mortua cara erit.
 Tu lecti tibi comparem
 Supra omnes generosam es
 1060 Sortitus. Neque conjugis
 Bustum ullus numeret tuæ
 Inter funereas specus,

Aggere quæ tumuli premunt
 Vita functa cadavera:
 1065 Divinis sed honoribus
 Æquet religio hospitum
 Manes. Atque aliquis via
 Flectens dixerit olim:
 Hæc moriendo viri sui
 1070 Vitam sponte redemit:
 Nunc auget numerum Desum.
 Salve o sancta: ope sospita
 Nos præsens. Ita votis
 Illam atque ² omnibus bonis
 1075 Longum posteritas colet.
 Sed visa fallunt me, nisi Alc-
 menæ satus,
 Admete, ad ædes dirigit gres-
 sum tuas.
 HER. Admete, amicos libere
 eloqui decet,
 Nec in recessu pectoris silen-
 tio
 1080 Abdere quod ægre est: amici
 haberes me ut loco,
 Dignus videbar, clade quum
 in tua afforem:
 At tu propinquo conjugis jam
 funere.
 Non indicato, me recepisti
 hospitem,
 Ceu cura premeret te doloris
 exteri.
 1085 At ego coronis tempora evin-
 ctus, Deis
 Libavi apud te in lugubri læ-
 tus domo.
 Irascor equidem, irascor hac
 injuria
 Affectus abs te; sed tuis jam
 luctibus.

Accer-

¹ Remedi] Ita legendum, non (quod omnes libri habent) *remedii*, carminis ratio requirit.

² Omnibus bonis] Perperam libris o-

mnibus (præter Vascos. & Steph. *omni-*
bus scriptum est. Vide quæ nos supra ad
 Baptist. p. 252. NUNC. v. 1345.

- Acerbitatis nolo quicquam ap-
ponere.
- 1090 Caussamque, cur huc sum re-
versus, denuo
Narrabo: mulierem interim
hanc serva mihi,
Dum rege cæso Bistonum huc
redux agam
Thraces quadrijugos. Sin, quod
absit, accidat,
(Nam me ut reducant sospitem
precor Deos)
- 1095 Hanc dono dicoque familiæ an-
cillam tuæ,
Quæ parta nobis est labore ma-
ximo.
Proposita namque publico in
certamine
Sudore digna deprehendi præ-
mia,
Unde hanc reporto victor: e
certamine
- 1100 Leviores munus erant equi vi-
ctoribus:
Majora sed qui vicerant, ut cæ-
stibus
Luctave fortes, dona refere-
bant boum
Armenta: post hæc ultimo fœ-
mina loco.
Quumque incidissem forte, tur-
pe sum ratus
- 1105 Cum laude pariter præmium
contemnere.
Sed (ut ante dixi) fœminam cu-
ræ tuæ
Commendo, quam non prædo
per vim sustuli,
Sed comparatam maximis la-
boribus
Adduco: fors factum ipse post
laudaveris.
- 1110 AD. Quod clam te habuerim
calamitatem conjugis,
Ne interpretere contumeliæ,
Hercules,
Id ergo factum, aut quod si-
nistre sentiam
De te. Dolori sed dolorem ad-
jeceras,
Alterius ædes si subisses hospi-
tis:
- 1115 Nam flere clades sat mihi fue-
rat meas.
Sed hanc puellam, si pote, ob-
secro jube
Asservet alius Thesialum, quem
non pari
Sors calamitate perculit, multi
hospites
Tibi sunt Pheræi. Memoriam
cladis meæ
- 1120 Renovare omitte: non potero
siccis domi
Oculis tueri hanc: vulnere vul-
nus novum
Ne appone: satis est cladium,
quod nunc premit.
Qua parte poterit ædium ser-
varier
Caste puella? vestis adolescen-
tulam
- 1125 Cultusque loquitur: an virum
in commercio?
Qui poterit inter assiduo juve-
nes agens
Castam tueri se? nec in prom-
tu, Hercules,
Regere juventam est: ac mihi
cura est tui.
Functæne fato conjugis thala-
mo hanc alam?
- 1130 Et qui in cubili collocabo hanc
illius?

Offen-

1 Aut quod] Recentiores, haud quod: male.

Offensionem hic metuo duplicem: & civium

Ne criminetur quispiam me, & optime

De me merentis proditorem conjugis

Dicat puellæ alterius amplexu frui:

1135 Sponsamque vereor mortuam, cujus mihi

Esse sacrosanctam memoriam merito decet.

Me multa circumspicere par. O fœmina,

Quæcunque tandem es, es profecto Alcestidi

Modo & statura corporis similima.

1140 Me miserum! ab oculis per Deos procul meis

Apagè mulierem hanc, neve perdas perditum:

Namque intueri conjugem videor meam,

Quum intueor istam, pectus horror obsidet:

Fontes ab oculis lacrymarum profluunt:

1145 Nunc calamitatis hujus, heu miser, miser,

Acerbitatem luctuosam sentio.

CHO. LAUDARE sortem non equidem possum tuam:

Tamen ferendum, quisquis es, quod dant Dei.

HER. Si mihi potestas esset hæc divinitus

1150 Concessa, ab umbris conjugem ut reducerem,

Eamque possem tibi referre gratiam.

AD. Scio referres promptus: at cuinam hoc datum?

Nec luce cassis luce post frui licet.

HE. Perfer modeste, neve te affliçtes nimis.

1155 AD. Lenire verbis facile, quod durum est pati.

HE. Quid promovebis, perpetim si lugeas?

AD. Scio: dolendi sed voluptas me huc rapit.

HE. Exstinctam amare, lacrymandi occasio est.

AD. Etiam miserius quam loquor me perdidit.

1160 HE. Uxore es orbus optima: quis id neget?

AD. Nullo ut fruatur pectus hoc post gaudio.

HE. Tempus levabit, quod recens nunc est, malum.

A. Tempus profecto, si mori tempus vocas.

H. Te mitigabit uxor, ac tædæ novæ.

1165 A. Au, quid ais? ex te haud istud exspectaveram.

H. Expers jugalis exiges vitam tori?

A. Nulla accubabit mulier unquam huic pectori.

H. Prodesse reris posse te sic mortuæ?

A. Ubi ubi sit, illam honore semper prosequar.

1170 H. Hæc laudo sane, laudo: sed stulte facis.

A. Sponsum nec ulla me vocabit fœmina.

H. Quin conjugem erga laudo nimirum fidem.

A. Si negligam etiam mortuam, peream male.

H. Nunc recipite tecto hanc stirpem nobili statam.

1175 *A.* Per qui creavit te Jovem
istud deprecor.

H. Hoc si recusas, perperam
tibi consulis.

A. Hoc ni recuso, macerabor
luctibus.

H. Obsequere; & hujus non
pigebit gratiæ.

A. Utinam haud tulisses præ-
mium hoc certaminis.

1180 *H.* Et mecum es hujus parti-
ceps victoriæ.

A. Probe es loquutus, sed re-
cedat foemina.

H. Siquidem est necesse: at
num necesse sit, vide.

A. Necesse: nisi ob id forte
tu succenseas.

H. Non temere id a te tanto-
pere contenderem.

1185 *A.* Age, vince: quamvis gra-
ta minime postules.

H. Factum probabis postea:
pare modo.

A. Siquidem hanc subire testæ
oportet, ducite.

H. Servis mulierem hanc neu-
tiquam commiserò.

A. Quin ipse in ædes ducito
illam, si lubet.

1190 *H.* Tibi profecto mulierem tra-
dam in manum.

A. Ego haud tetigero, testæ
subeunti patent.

H. Tuæ stat uni dexteræ hanc
concredere.

A. Coactus istud atque nolens
perpetro.

H. Protende promptus dexte-
ram, tange hospitam.

1195 *A.* Protendo, veluti Gorgonis
sectum ad caput.

H. Tenesne? *A.* Sane teneo.

H. Serva jam, & Jove

Natum fatebere generosum o-
lim hospitem.

Ipsam intueri, similis uxori an-
tuæ

Sit, ac beatus luctuum jam de-
fine.

1200 *A.* O Dii boni, o miraculum
inopinum ac novum!

Oculis profecto conjugem in-
tueor meam:

Aut me Deorum quispiam lu-
dibrio

Recreat, inani corda lactans
gaudio.

H. Non ita: sed ipsam conju-
gem cernis tuam.

1205 *A.* Ne larva ab umbris missa
sit, circumspice.

H. Cave esse credas hospitem
tuum magum.

A. Sed quam sepelii, conjugem
intueor meam?

H. Sic. At fidem tu, & jure,
forti non habes.

A. Tango alloquorque conju-
gem ut vivam meam?

1210 *H.* Alloquere: votis quicquid
optabas, habes.

A. O corpus, oculus o conju-
gis carissimæ!

Spem præter habeo te, videre
postea

Quam non putaram posse me!

H. Ne dubita: habes,
Modo ne Deorum quispiam in-
videat tibi.

1215 *A.* O clara soboles maximi Jo-
vis: utinam

Beatus ævum transigas, ac sô-
spitem

Te servet idem, qui creavit,
Juppiter.

Nam me jacentem solus crexti.
E Styge

Quo-

Quonam reducti ad lumen hanc
rursus modo?

1220 *H.* Depræliatus cum tyranno
manium.

A. Ubi nactus illum prælio con-
gressus es?

H. Propter sepulchri dexteram
injeci aggerem.

A. Quid muta tandem perfe-
verat fœmina?

H. Nondum tibi fas ejus allo-
quo frui,

1225 *Diis* antequam sese expiarit ma-
nibus,

Terrisque lucem tertia¹ offen-
dat dies.

Duc conjugem intro jam tuam,
ac in postterum,

Admete, justî cultor atque in
hospites

Pius esse persta. Vale. Ego
Stheneli filio

1230 *Abeo* imperatum mihi labo-
rem ut exsequar.

A. Mane, ac penates & dapes

adi sacras.

H. Id fiet alias: nunc celeri-
tate est opus.

A. Dii rem secudent, teque
reddant sospitem.

Edico cunctis civibus regni
mei,

1235 *Ob* res secundas ut choris in-
dulgeant,

Et victimarum sanguine aras
imbuant.

Mutata vitæ in melius est fa-
cies modo.

Felicitatem nec tego ingratus
meam.

CHO. Fortuna vices lubrica
versat

1240 *Varias* docilis sumere formas.

Inopina Dei plurima peragunt:

Non succedunt quæ fore spe-
ras:

Quæ fore nemo posse putaret,
Sæpe expediunt numina. Qua-
lem

1245 *Hæc* sortita est fabula finem.

¹ *Ostendat*] *Vetustiores, ostendet.*

F I N I S.

S A T Y R A

I N

CAROLUM LOTHARINGUM C A R D I N A L E M,

Auctore GEORGIO BUCHANANO *Scoto.*



SSE Deum tandem, qui iustis temperet orbem

Legibus, oppressos ¹ vi qui respectet egenos,

Et premat clatos, poena didicere magistra
Guifiadæ: numerosa cohors, quæ brachia cœlo

5 Intentare ausa est, pietatem expellere mundo
Conata est, scelerique suas permittere habenas:
Ad paucos contracta fugam, latebrasque saluti
Respicit, & damnat sumta infelicitè arma:

Proque tot insana ² quos credulitate triumphis
10 ³ Sperarat, numerat clades. Hunc dira phrenesis
Abstulit, hunc mœror; fugiendo dimicat ille,
Et vicisse putat, si visum ⁴ evaserit hostem.

At columen generis, Magni de semine Carli
Ementitus avos, dulci qui plaudere somno

15 Ipse sibi assuetus, voto complexus inani est
Imperii ingentes incerto limite fines,
Qui titulo Solymos, titulo Trinacria rura,
Spe Gallos, spe Germanos, spe ⁵ vate Britannos

Spon-

¹ *V7*] Ita Editio Israël's Taurini 1590, & D. Roberti Sibbaldi 1702, qui tamen in suis in hanc Satyram Notis in quodam Exemplari MS. pro *vi*, & se legisse testatur.

² *Quos*] Ifr. Taurinus, *quot*.

³ *Sperarat*] Ifr. Taurini Editio anni 1590, *sperabat*.

⁴ *Evaserit*] Taurinus *effugaverit*.

⁵ *Vate*] Ita Taurinus, at D. R. Sibbaldi Editio, *vate*, repugnante prioris syllabæ mensura.

- Spondebat, jacuit violatæ victima paci,
 20 Et scelere infectas, Poltroto vindice, terras
 Deseruit moriens, & spes finivit avaras.
 At tu, qui nullo fortunæ vulnere restas
 Læsus adhuc, cum germano impietate gemello,
 Carole, Romanique decus columenque senatus,
 25 Ne tibi concessum fortunæ crede faventis
 Munere, quod iusta nondum secuere securi
 Carnifices ¹, tibi colla manus: te servat in orbis
 Ludibrium Nemesis, pœna & graviore coërcet,
 Quam si producto tetra de carceris umbra
 30 Funderet invisum, populo plaudente, cruorem,
 Aut coqueret lentæ corpus fervore favillæ,
 Exemplo prædocta tuo. Mors terminus ævi est
 Omnibus ex æquo, nec pœna, sed exitus hinc ad
 Vitam aliam, solis nec tantum optabile iustis
 35 Perfugium, sed forte tibi. Nam Tartara quamvis
 Incoleres, quamvis media sitientis in unda
 Aspiceres ² pœnam Phrygii senis, & sua semper
 Excrefcens in damna jecur, revolubile saxum,
 Et quicquid ³ sceleri invenit solertia vatum;
 40 Supplicio levioere tamen sub verbera sævæ
 Te quaterent Furia, quam te nunc conscius horror
 Exagitat vesani animi, cæcisque recurrens
 Exercet stimulis. Oculos circumfer, & omnem
 Aspecta intentus qua sese exporrigit orbem,
 45 Quæ regio non te scelerum, vesane, tuorum
 Admoneat? quæ terra tuæ vestigia nescit
 Perfidia? Primum marcentia lumina Alastor
 Attolle in cœlum, & quem quondam mente negabas,
 Ore fatebaris, ⁴ damnis intelligis esse,
 50 Crede Deum tandem: quem tu nisi mente negasses,
 Non meritis patrem, patruum tibi sanguine cunctis
 Exutum spoliis, extremo in ⁵ limite vitæ
 Festinare coëgisses, paucosque senectæ
 Præcipitare dies: non post incestibus aulam
 55 Fœdatam, in thalamos scelerata libido propinquos

Irruc-

¹ Carnifices] Ita Taur. Sic Silius Ital.
 lib. I. v. 173. Carnifices manus, Martial.
 lib. 12. Epig. 48. Carnifices pedes, & ipse
 Buchan. paullo post, Carnifices oculos: at
 Editio D. R. Sibbaldi, Carnificis.

² Pœnam Phrygii senis] Idem, Phrygii
 pœnam senis,

³ Sceleri] Taur. scelerum.

⁴ Damnis intelligis esse, Crede Deum tan-
 dem] Taurinus sic distinguit,
 ——— damnis intelligis, esse

Crede Deum tandem ———

⁵ Limite] Taur. limine.

G g g g 2

Irrueret, ¹ pacem turbaret; fraude, venenis
 Pollueret belli leges, perjuriam magnam
 Crederet esse artem, magnum mendacia quæstum.

- Hæc tibi perpetuo cum conscia pectora turbent,
 60 Nec possis, utcumque velis, humana tuentem
 Dissimulare Deum, nec, quem contemnis, amare,
 Nec fugere, aut scelus non formidare tuorum
 Supplicium; non ² tu, quoties micat ignibus æther,
 Atque atras scindunt rutilantia fulgura nubes,
 65 In te missa putes cœlestia tela necesse est,
 Et conjurato flammæ descendere mundo?
 Aut tibi si sensus animi stupor obruit omnes,
 Conscius ut scelus tibi non moveare tumultu
 Orbis, & attonitam tibi qui fragor excitat aurem
 70 Saxea non pulset trepido præcordia motu,
 Aspice vexatas, qua Gallia panditur, urbes,
 Aut flammis fœdata aut deformata ruinis
 Oppida, disiectis tot rura inculta colonis;
 • Aspice tot viduas, puerosque parentibus orbos;
 75 Sedibus ejectæ tot mendicabula plebis,
 Inter fumantes villas, taboque natantes
 Sanguinis innocui campos, inhumataque passim
 Ossâ virum, ³ laceros artus, deformiaque ora,
 Perfidie monumenta tuæ, convivîa corvis
 80 Exposita, & canibus cœnam, te dante, cruentam:
 Hæc tibi, quantumvis animum firmaris atrocem,
 Terrificent oculos spectacula: nam neque credam,
 Nec natura finit, quæ fœdis lumina scortis
 Succumbunt, quæ flexanimo viscantur ab auro,
 85 Purpura quæ capiat, quæ nudi cernere ferri
 Fulgorem metuunt, cumulas cæde nefanda
 Ut spectent miseras horrore immunia terras:
 Majus enim monstrum est, hominis sub imagine tectum
 Esse animal lacrymis luctuque immobile, nullum
 90 Quod scelus effugiat, quod legum fœdera temnat,
 Quam Scyllas, quam Centauros, quam pignora terræ
 Ausa colubriferis pedibus succedere Olympo.
 Hunc ego qui gemitu spectet sine funera vulgi,
 Pallentemque famem, jus fasque expellere mundo
 95 Qui cupiat, non esse hominem, non esse putabo.

¹ Pacem turbaret, fraude, venenis] Taurino sic interpungitur sententia, 'pacem turbaret fraude, venenis.'

² Tu] Taur. te.

³ Laceros] Idem. lacerosaque.

- Quadrupedum volucrumque genus, vel si qua ferarum
 Sævitiem exsuperent tumido lata monstra profundo:
 Sed tectum exuviis hominis crudelius ipsis
 Esse aliquid Furiis, imo Phlegethonte creatum:
 100 Quippe oculis siccis toties quod talia ¹ cernat,
 Quæ sævæ possent lacrymas excire Megaræ.
 Quin etiam lassant Furias misera nacentum
 Supplicia. & fessis quondam cessare colubris.
² Fama est Tisiphonem. At tu si ³ cæde cruentum
 105 Non poteris satiare animum, tua lumina pascant.
 Viventum sordes, lacrymæ, suspiria, luctus,
 Passim extinctorum laceri crudeliter artus.
 Aut si carnifices ⁴ oculos lassare tuendo
 Non poteris, pars ulla tui ne sit scelerum experts,
 110 Semianimes artus & adhuc spirantia membra.
 Ore vora, crepitentque avidis sub dentibus ossa:
 Atque epulis tandem satur immoriare petitis.
 Aut explere tibi si nulla cadavera possunt
 Sanguinis ingluviem insanam, tua dente cruento
 115 Ipse tibi lania membra, in tua viscera conde
 Viscera: sic digno vita potiere sepulchro,
 Exitio factis, dape conveniente palato.
⁵ Hac poteris tantum ratione, cadavere corvos,
 Funere presbyteros, spoliis fraudare supremis
 120 Carnifices, ferre ad manes solatia raræ
 Mortis, apud sævam vere jactare Megæram,
 Quod ⁶ qui te fieret ne quisquam nequior alter

Cer-

¹ Cernat] Editio D. R. Sibbaldi, exemplum Virgilii vocalem ante vocalem eam ob causam non perimentis, *Æneid. I.*

² Fama est Tisiphonem] Ita utroque codice scriptum: non sine duplicis vitii suspitione: primum quod nominum in e primæ casum quartum in em terminaverit: deinde quod hoc pacto literam cum sua vocali, alia sequente, elisio negligatur. Reherent forte nonnulli ejusmodi Accusativorum in em haud pauca apud optimos scriptores, & in his Buchanannum ipsum, reperiri exempla, fidem faciente Jonsono illustri Grammatico Comment. pag. 78. Ecclipsin autem negligi, vel ob causam, quemadmodum Pro: perius lib. II. El. 32:

Hac eadem ante illam impune & Lesbia: fecit.

quod cum voce claudatur oratio; ad

Et vera incessu patuit Dea. Ille ubi matrem.

Verum cum utrumque a trita scribendi norma tam diversum abeat, duoque hæc incommoda tam levi unius literæ mutatione evitari possint, mihi vix dubium est quin Buchananus *Tisiphonem* hic scripserit.

³ Cæde] Edit. D. R. Sibbaldi, corde.

⁴ Oculos lassare] Hanc lectionem MS. cujusdam Exemplaris merito præfert D. Rob. Sibbaldus, quamvis ipse oculis spectare ediderit, Taurinus oculos spectare.

⁵ Hac poteris tantum ratione] Legendum malim, Hac poteris tandem.

⁶ Qui te] Taurin. Quod qui ne fieret quisquam te nequior alter.

G g g g 3)

- Certaris, tamen unum inter tot sæva patraris
 Dignum laude nefas, quod te consumseris ipse
 125 Dente tuo: neque enim consueta piacula tanto
¹ Sufficiunt scelerum cumulo, nec more decebat
 Humano finire dies, cum viceris omnem
 Flagitiis famam, rabiem feritate ferarum,
 Et spem, ² qua possit, venturo demseris ævo,
 130 Nequitiam superare tuam, ³ neu fœdior alter
 Viveret in terris qui te demitteret Orco:
 Orco, qui tetri jamdudum exercet Averni
 Omnia monstra, tuis qui cuncta ergastula pœnis
 Invigilare facit, scelerum ut portenta novorum
 135 Suppliciis frenare novis queat: ut breve tempus
 Si tibi sit vacuum tormentis, qui modo terras,
 Miscueris tanta cum seditione tumultu,
 Cogere ne ⁴ posses bella ad civilia manes.
 At tu diffidiis jam pene extincta nefandis,
 140 Ni ⁵ fax dissidii pereat, dehinc Gallia gaude;
 Nam simul ac terris, tetrum demissus in Orcum,
 Carolus abscedet, Furiarum agitante flagello,
 Incolet incultas iterum pax aurea terras.

¹ *Sufficiunt*] Exemplar Sibbaldinum
sufficient.

² *Qua possit*] Taurinus, *quo*.

³ *Neu*] Idem. *neq.*

⁴ *Posses*] Idem, *possis*.

⁵ *Ni*] Idem. *Si*.

F I N I S.

METRIS BUCHANANÆIS

L I B E L L U S.

METRORUM genera, quibus Buchananus usus est, ad duo capita reduci possunt, eorum scilicet quæ in Psalmorum Paraphrasi occurrunt, atque eorum quæ in aliis suis Poëmatibus ab ipso usurpata inveniuntur.

C A P. I.

De metris in Psalmorum Paraphrasi a Buchananus usitatis.

Metrorum in Psalmorum Paraphrasi occurrentium genera sunt undetriginta.

I. Primum genus est monocolon. Versus sunt Heroici hexametri, sex regionibus constantes, quarum sextam Spondæus, quintam¹ Dactylus, quatuor reliquas indiscriminatum Dactylus aut Spondæus obtinet, hoc modo;

1	2	3	4	5	6
--	-vv	--	--	-vv	--
-vv	--	-vv	-vv		

Eo decies utitur, Psalmo videl.

I. Felix ille animi, quem non de
ramite recto.

¹ Non tamen dubitavit noster, ad exemplum optimi ævi Poëtarum, in quinta regione Spondæum, licet rarissime, adhibere, veluti Psalmos 137.

18. Te, Deus alme, colam, te toto pectore amabo.

45. Cor micat, exsultant trepidis præcordia fibris.

78. Audite Isacidæ, & rerum pietate parentem.

85. Non semper tumidis fervent vexata procellis.

89. Tu mihi carmen eris, rerum pater optime, semper.

104. Te rerum, Deus alme, canam Dominumque parentem.

107. Cantemus Dominumque bonum facilemque parentem.

132. Davidis esto memor, genitor, memor esto laborum.

135. Vos quibus est sacri custodia credita templi.

II. Secundum genus, dicolon distrophon, ad imitationem Horatii lib. 5. Od. 16.² vel potius Prudentii, hymno 9. *περί σεφάνων*. Versus prior est hexameter heroicus modo memoratus. Posterior Iambicus Hipponactæus trimeter acatalectus, constans sex pedibus, quorum ultimus semper est Iambus, [sive Pyrrhichius,] secundus & quartus Iambus, & ejus loco laud raro Tribrachys: locis autem imparibus, i. e. primo, tertio & quinto, præter Iambum,
¹ Spon-

Diripite, ex imis evertite fundamentis.

² In illa enim Ode secundus quisque versus ex puris Iambis constat.

¹ Spondæum etiam, Anapæstum, Dactylum aut Tribrachym recipit; juxta hoc schema;

1	2	3	4	5	6
v -	v -	v -	v -	v -	v -
v v -	v v v	- v v	v v v	v v -	v v
- -		- -		- -	
- v v		v v v		- v v	
v v v		v v -		v v v	

Secundi generis Psalmi sunt, 16.

2. Quid trepidæ gentes vano fremuere tumultu.
20. Cuncta licet ferro late populetur & igni.
24. Tota quidem Domini terra est, & quicquid ubique.
57. Sancte parens, miserere animæ pereuntis, & omnem.
60. Sancte parens, nostris vitiis offensus, abactus.
69. Sancte parens, fer opem lassio: torrentibus undis.
83. Ne taceas, ne cuncteris, pater optime, neve.
93. Jam Dominus rerum imperium suscepit, amictus.
95. Eia alacres cuncti Domini celebremus honores.

¹ Iambici perfectissimi sunt, qui nullum alium admittunt pedem præter Iambum, quales sunt Catulli in carmine 4, & Horatii secundi quique versus Epod. 16. Id vero cum difficillimum Poëtæ experti essent, quod vocabula omnia (quæ pene innumera sunt) in quibus duæ pluresve syllabæ aut longæ aut breves continue occurrant, vel ex concursu consonantium longæ evadant, hac lege ipsis essent interdicta; ut angustiis hisce semet exsolverent, in locis imparibus Spondæum substituerunt: neque hoc contenti, postea etiam, ut facilius carmina istiusmodi componerent, vice Iambi & Spondæi eorundem compares, sive ejusdem quantitatis pedes, sutrogarunt, *h. e.* cum ex Grammaticorum placitis, syllaba longa duobus temporibus, brevis vero uno tem-

97. Ipse sui Dominus regni moderatur habenas.
108. Mens invicta malis, animi vigor integer, orbis.
109. Ne sileas, ne dissimula, mea gloria, neve.
118. Eia Deum laudate, Deum facilemque bonumque.
126. Quum pater omnipotens captram remeare Sionem.
136. Eia Deum laudate, Deum facilemque bonumque.
147. Eia Deum laudate, Deo date carmina digna.

III. Tertium genus, dicolon distrophon, ad exemplum Horatii lib. 5. Od. 1. Martial lib. 1. Ep. 50. Prudentii secunda præfat. Apotheoseos, Aufon. Epig. 26. Primus quisque versus est Iambicus senarius acatalectus, cujus modo in II. genere meminimus. Secundus vero est Iambicus dimeter, seu quaternarius, acatalectus, constans quatuor pedibus, quorum ultimum constituit Iambus [vel Pyrrhichius;] secundum Iambus, vel ejus compar Tribrachys; primum & tertium Iambus, Spondæus, Anapæstus, Dactylus aut Tribrachys. Quanquam Buchana-

nus

pore constet, adeoque una longa duabus brevibus æquipollet, inde est, quod Poëtæ loco Iambi, qui tribus temporibus enunciatur, Tribrachym, qui totidem postulat tempora, posuerint; & pro Spondæo itidem, qui 4 temporibus conlat, Anapæstum aut Dactylum, qui 4 etiam temporibus efferuntur, collocarint. Notandum tamen (quamvis par videatur ratio) Trochæum aut Amphibrachym nunquam in carmine Iambico recipi; Proceleusmaticum vero apud Tragicos pro Spondæo nonnunquam admitti. Sed, ut ad Buchananum redeam, ille Senecam præcipue sequutus, (ut Spondæum omittam sæpius locis imparibus quam Iambum adhibuit) hanc fere rationem servat, ut sedes prima & quinta eodem plerumque pedes recipiant, hoc est, sæ-

pissime

nus nunquam, quod meminerim, tertio loco Tribrachym¹ aut Dactylum usurpat. Cæterum dimetros quibus ille usus est, hoc modo metiri possis;

I	2	3	4
v-	v-	v-	v-
--	vvv	--	vv
vv-		vv-	
vvv			
-vv			

Tertii generis Psalmi sunt 28.

3. Heu quanta numero viiibusque factio.
6. Dum fervet ira, Domine, dum mens æstuat.
10. Quonam usque custos gentis humanæ tuos.
21. Quod hoste victo Rex triumphat gaudio.
22. Cur me relinquis, o Deus, Deus meus.
27. Deus in tenebris cum mihi præluceat.
34. Seu læta fors me foverit, seu tristior.
38. Ne me furoris æstuante incendio.
39. Quum sævus hostis me meo lætus malo.
41. Beatus ille qui misertus pauperis.
44. Vetusta ad aures fama nostras attulit.

piissime Anapæstum, sæpius tamen prima quam quinta, utraque sed raro admodum Tribrachym admittant. In secundo autem & quarto loco quam sæpiissime dominatur Tribrachys, crebrius tamen in secundo. In tertio denique loco frequens est Dactylus, rarior in primo, rarissimus in quinto: at nunquam in tertio per totam Psalmorum Paraphrasin inve-

Tom. II.

48. Rector beate cœlitum, cui nil viget.
53. Opinionum fœda mentem toxico.
62. Mens acquiescit unice mea in Deo.
74. Cur nos relinquis penitus, o rerum parens.
76. Gentes profanæ numinis loco colunt.
79. Hæreditatem, rector orbis, cur tuam.
87. Abramidarum cæteras urbes supra.
92. Te prædicare, laudibus te prosequi.
110. Sic alloquutus Dominus est Dominum meum.
112. Beatus ille qui Deum rerum patrem.
115. Te, magne rector orbis, haud victoriam.
120. Hinc me obsidebant bella, & hinc calumniæ.
127. Ni cœpta Dominus juverit, frustra struis.
133. Nil caritate mutua fratrum, nihil.
134. Domini ministri, nocte qui custodiæ.
139. Momenta vitæ nulla te latent meæ.
141. Aurem vocanti da parens propere, meas.

IV. Quartum genus, dicolon distrophon, quale est Horat. Carm. lib.

nio Anapæstum, quamvis in Tragœdiis interdum sed rarissime assumatur: sed de hoc commodius sequente capite agemus.

¹ Idem fere de Senecæ dimetris observavit Ant. Delrius, qui Tribrachym raro, Dactylum nunquam, a Seneca tertia sede positum invenerit.

H h h h

lib. 1. Od. 7. Versus prior est Hexameter heroicus, ut supra. Posterior Alcmanius Dactylicus tetrameter acatalectus, quatuor ultimos habens pedes carminis heroici, hoc modo;

1	2	3	3
--	-vv	-vv	--
-vv	--		

Hujus generis Psalmi sunt duo.

4. O pater, o hominum Divumque æterna potestas.

111. Sive inter fidos tractem secreta sodales.

V. Quintum genus, dicolon trochæstrophon, quale est Catulli carmen 11. Horat. lib. 1. Od. 2. Statii Silv. 4. carm. 7. Prudentii Cathemerinon Hymn. 8. &c. Versus primus, secundus & tertius Sapphicus hendecasyllabus pentameter acatalectus,

1 Semel tamen, Psalmò scil. 90. strophe 7. Trochæum admisit loco secundo, in illo versu, *Mox humi comis jacet arefactus;* quod etsi nusquam ab Horatio, Statio, Prudentiove sit factum, licentia tamen Poëtica neutiquam est existimanda: vetustus enim Sapphicus, teste Scaligero, Poët. lib. 2. cap. 16. talis fuit: & Alcæus & Sappho eo loco trochæum sæpe adhibuerunt, ut

Ποικιλίζων ἀλάναν Αἰφροδίτα: &

Παῖ Διὸς δολόπλοκε λίττομαί σε.

Quos sequutus est etiam Catullus, veluti Car. 11.

Sen Sacas sagittiferosque Parthos. &

Pauca nunciate mee puella. & Car. 52.

Otium, Catulle, tibi molestum est.

In illo quoque Senecæ versu Troad. Act. 3. 836. Choraëum secundam sedem tenere contendit Scaliger,

An ferax varii lapidis Caryssos,

dua namque (ut vult ille) *vocales in unam coalluere:* verum Farnabius (cui potius hac in re assentior) *Dactylum hic in secundo loco positum* affirmat, qui alibi pluries apud Senecam reperitur; veluti

Sumere innumeras solitum figuras. &

Quæque ad Hesperias jacet ora metas. &

Si qua Parrhasie glacialis ursa.

constans Trochæo, Spondæo, Dactylo & duobus Trochæis [vel ultimo Spondæo,] hoc modo;

1	2	3	4	5
-v	--	-vv	-v	-v

Quartus autem quisque est Adonius pentasyllabus dimeter acatalectus, constans Dactylo & Spondæo, seu duobus postremis carminis heroici pedibus, hoc modo;

1	2
-vv	--

Hoc genere carminis usus est Psalmis 10.

5. O potens rerum Deus, aureleni.

17. Æquus exaudi, bone rector orbis.

51. O

Ut ut sit, ejusmodi Sapphicos suavissimos esse asserit Scaliger, in quibus Dactylus duobus utrinque Trochæis medius interponitur; eosque qui eam licentiam vocarunt Grammaticos pauca aut fuisse memoris aut lectionis. Rationem autem cur ab Trochæo secunda regione data opera Horatius ablinuerit, hanc reddit Cl. Bentlejus, ad lib. 2. Od. 19. ver. 15. *ut versus illi tardiores gravioreque venirent ad aures; nam sine Spondæo celeris nimium volubileque & sine pondere feruntur.* Utcunque se habeat hæc res, satis ad Buchananani causam tuendam facit, quod antiquissimorum Poëtarum, quin & principum hujus carminis auctorum exemplo, Trochæum secunda sede, idque semel tantum, & tam longo opere adhibuerit. Id autem hoc præcipue loco ab eo factum videtur, ut lethi mortalibus correptissimo gradu imminentis velocitatem describens, syllaba correpta in longæ vicem substituta, cum emphasi ostenderet, & quasi animo repræsentaret. Cæterum, si qua culpa est ab Horatio desectere, non solus peccavit Buchananus, sed licentia (si modo licentia sit dicenda) socios habuit maximos sui seculi Poëtas, Paulum Melissum, & Michaëlem Marullum, quem divinum vatem Muretus nominat.

51. O salus rerum, lacrymis precantum.

55. Cœlitum rector bone, mitis aurem.

65. Te manent laudes, Deus, in Sione.

67. Arbiter mundi facilis bonusque.

72. Da tuæ Regi, Deus, æquitatis.

90. Cœlitum rector bone, abusque primis.

101. Te, salus rerum, cano, qui precanti.

103. Sit parens rerum mihi carmen, illum.

VI. Sextum genus, tricolon trochæstrophon, ad exemplum Horatii lib. 1. Od. 9. quibusdam carmen Horatianum appellatum. Versus primus & secundus est Dactylicus Alcaicus acatalectus, constans ex penthemimeri Iambica. i. e. Spondæo vel Iambo, (sed sæpius 2 Spondæo,)

1 Nullum carminis genus Horatio tantopere placuisse apparet ex usu ejus frequentiore: verum Horatium illius primum auctorem non fuisse probant Alcaei fragmenta quædam, quæ hoc metro scripta adhuc supersunt.

2 Horatium majore cura Iambum prima fede refugisse, quam Buchananum, ex hoc manifestum est, quod in 37 Odis hoc carminis genere conscriptis, Iambum non nisi 19 vicibus adhibuerit Horatius; Buchananus vero in Psalmis tantum 16, quibus hoc metro usus est, non minus quam quadragies & bis eum admiserit: in Alcaicis puris, quibus octies est usus; 38 vicibus Iambum primo loco posuerit. Idem quoque de tertio versu dicendum, in cujus prima regione Iambus decies duntaxat apud Horat. reperitur, Buchananus vero vigesies & quater usurpatur. Stautius vero & Prudentius, qui puris Alcaicis semel usi sunt, hic ult. hym. περί τριων, ille Silv. 4. car. 5. nunquam Iambum initio admiserunt.

3 Semel tamen cæsura illam, sive syllabam residuam, brevem fecit noster, Psal. 77. str. 3.

Iambo, & cæsura, seu syllaba 3 longa, deinde duobus Dactylis [vel ultimo Amphimacro, sive Cretico,] hoc modo;

1	2	3	4
-v	v-	-	-vv
v-	v-	-	-v-

Tertius est Iambicus Archilochius dimeter hypercatalectus: pes primus & tertius Spondæus, & nonnunquam Iambus; primus quidem rarius 4, tertius verorariissime, 5 secundus & quartus semper Iambus, cum syllaba in fine residua, hoc modo;

1	2	3	4
-v	v-	-v	v-
v-	v-	v-	v

Quartus est Dactylicus Alcaicus, vel, ut alii nominant, Pindaricus, in quo duos Dactylos continuos sequuntur duo Trochæi [vel

Surda abnuebat aure fideliū;

sequutus non modo Alcæum, primum hujus metri auctorem, qui sæpe syllabam brevem eo loco adhibuit, veluti,

Πᾶρ μὲν γὰρ ἀντλῶ- ἰσοπίδα ἔχου. &
Προκόψομεν γὰρ εἰδὲν ἀσώμενοι;

sed Horatium ipsum, Car. III. 5.

Si non periret immiserabilis.

agnoscente ipso Cl. Bentlejo ad Carm. III. 23. quanquam ille parum sibi constans paulo ante ad Carm. III. 2. id nunquam ab Horatio factum contenderat.

4 Vide notam (2)

5 Quintam hujus versus syllabam apud Horatium semper longam esse ostendit Bentlejus ad lib. 2. Od. 19. vers. 15. Buchananus tamen novies in Psalmis Iambum hoc in loco admittit, Psal. videl. 7, Strophe 10. l. 19, 13. l. 46, 2. l. 50, 7. l. 56, ult. l. 77, 8 & 18. l. 82, 5. l. & 91, 8. idque auctoritate Alcaei, a quo Iambum hic positum docti observant, ut

Ω Βακχί φέμακον δ' ἄριστον. &
Μελιχρόν αὐτὰρ ἄμφι κίρσα.

H h h h z

[vel ultimus Spondæus,] hoc modo;

1	2	3	4
-vv	-vv	-v	-v

Hujus generis Psalmi sunt 16.

7. In te salutis spem posui mere.
11. Quum spe salutis non dubia fruam.
15. Sanctæ Sionis templa quis incolet.
19. Insanientis gens sapientiæ.
30. Te nostra semper carmina, te lyra.
46. Quum muniat nos præsidio suo.
50. Qui frenat æquis legibus arbi-ter.
56. Orbis creator me bonus adspice.
58. Qui jura celfo de folio datis.
77. Te voce semper, te prece sup- plice.
82. Regum timendorum in pro- prios greges.
91. Si protegendam præsidio Dei.
123. Ad te levavi, Rex, pater & Deus.
125. Sionis arcem non Aquilo im- potens.

1 Nuper ingeniose admodum observavit Cl. Bentlejus, carminis Asclepiadei hanc esse indolem & artificium, ut syllaba ultima Choriambi, in qua cæsura & pausa sit, vocem terminet: ut

Dona l rem pateras l grataque commodus.
eamque ob causam, præter *anæstrophas* crimen, cujus eum merito damnat, versum illum lib. 4. Od. 8. 17. tanquam spurium, & a Monacho aliquo, non ab Horatio profectum, rejicit & explodit,

Non incendia Carthaginis impia.
in qua cæsura vocem mediam dirimit, sic,
N. n in l encidia Car l thaginis impia.
Ne quis autem forte erret ignarus, Lectorem admonet vir Cl. in versibus ejusmodi,

140. Æterne rerum conditor, a ma-
læ.

146. Te magne rerum conditor, &
tuas.

VII. Septimum genus, dicolon distrophon. Versus primus Sapphicus, de quo in V. genere; secundus Iambicus dimeter, de quo in III. genere supra egimus.

Eo utitur semel, Psalmo scil.

8. Gentis humanæ pater atque cus-
tos.

VIII. Octavum genus, tricolon tetrastrophon, ad imitationem Horatii lib. 1. Od. 5. Versus primus & secundus est Asclepiadeus Choriambicus tetrameter acatalectus, qui quatuor habet regiones, quarum primam Spondæus, secundam & tertiam Choriambus, quartam Iambus [seu Pyrrhichius] obtinet, hoc modo;

1	2	3	4
- -	-vv	-vv	v
			vv

Alii autem metiuntur per Spon-
dæum, Dactylum & cæsuram,
' seu syllabam longam, ac dein-
de

Exegi monumentum ære perennius.
Rejesteque retrorsum Hannibalis mina.
&c. M. cum sua vocali rejici, & perinde esse ac si scriberetur,

Exegi monument l ære perennius, &c.
in unico autem illo versiculo Carum. II. 12.
Dum flagrantia de l torquet ad oscula.
affirmat, præpositionem *de* quasi separari a verbo *torquet*, quippe quæ non nativa vocabuli ejus pars sit, sed adventitia & externa, &c.

Excussis igitur omnibus qui apud Buchananum occurrunt versibus Asclepiadeis, cum hanc legem, & paullo quidem strictius quam ipsum Horatium servasse invenio: toto enim opere semel tantum cæsura in penultimam vocis

de duos Dactylos, vel ultimum
Amphimacrum, hoc modo;

1	2	3	4
--	-vv	-	-vv
			-v-

Tertius est Pherecratius heroicus,
trimeter acatalectus, constans
Spondæo, Dactylo & Spondæo
hoc modo;

1	2	3
--	-vv	-

Quartus denique est Glyconius
Choriambicus trimeter acatale-
ctus, constans Spondæo, Cho-
riambo & Iambo [seu Pyrrhi-
chio,] hoc modo;

1	2	3
--	-vv-	v-
		vv

Hujus generis Psalmi sunt 4.

9. Rerum certa salus, te cano,
gratias.
64. Audi, sancte parens, non te-
tricus preces.
84. O Rex armipotens, qui cre-
peris tuo.
130. Curarum rapidis fluctibus ob-
rutus.

vocis syllabam cadit, cujus ultima in M defi-
niens eliditur, videl. Psal. 40. strophe 11,

Promissique tenacem & miseris opis:
cujusmodi tamen octo sunt apud Horatium
versus: neque Buchananus unquam præposi-
tionem a suo verbo divellit, quod ab Hora-
tio est factum. Verum (ne quid dissimulem)
unicus est locus, in quo adversus Horatii nor-
mam peccasse videtur noster, Psal. scil. 144.
str. ult.

Felitem populum inter bona talia.

Fortè tamen sic excusari possit, si Bentleji ra-
tiones paululum invertamus, dicamusque pau-
sam in ultimam syllabam vocabuli *populum* in-
cidere, si versiculi partem priorem (ex ipsius
mente) a posteriore diremtam spectemus,
quemadmodum altero post versu, ubi hemi-

IX. Genus nonum, dicolon di-
strophon, quale est Horatii lib. 4.
Od. 7. Prior quisque versus est hexa-
meter heroicus, de quo supra. Alter
vero Archilochius Dactylicus dimeter
hypercatalectus, vel, ut alii volunt,
penthemimeris heroica, constans duo-
bus Dactylis & syllaba, hoc modo;

1	2
-vv	-vv
	-

Hoc genere semel utitur, Psalmo scil.

12. Affer opem, servator opem fer,
pulsæ recessit.

X. Decimum genus, monocolon.
Versus Iambicus dimeter, cujus in
tertio genere meminimus. In hoc
imitatus est Prudentium hymno I.
Cathemerinon &c. Sedulium hymno
ultimo, hymnosque complures Ec-
clesiasticos: quemadmodum illi, ita
Psalmi hoc genere carminis compo-
siti par tetrasticha progrediuntur.

Hujus generis Psalmi sunt 14.

13. Quousque rector unice.
31. In te locavi spem meam.
37. Ne livor urat æmulus.
47. Telluris omnes incolæ.
52. Quid gloriaris impie.

54. Re-

stichium illud repetitur, videmus fieri: quod
autem syllaba illa postea perimatur, id ex cau-
ortum videri potest, propterea quod alterum
Asclepiadei membrum a vocali incipiat. Ut
ut se habeat hæc res, illud certissimum est (fa-
tente ipso Bentlejo) Græcos hanc regulam ne-
glexisse: & quamvis Boëtius, Prudentius &
Ausonius, in paucis illis quos hoc metri ge-
nere versus condidere, eam accurate servave-
rint, nonnullos tamen qui post renatas literas
florere Poetas, vel illam penitus ignorasse,
vel parum attendisse, palam est; & inter alios,
non minus literis quam pietate est insignis, Flo-
rentius noster Volusenus, in poematio illo
quod Dialogo suo *De Animi tranquillitate* sub-
nexuit, vices (minimum) ab hac lege disces-
sit. Vid. quæ nos postea ad metrum XII.

H h h h 3

54. Rerum parens me protege.
 59. Ab hostis inclementia.
 86. Da mitis aurem supplici.
 96. Non usitato pangite.
 98. Non usitato carmine.
 117. Omnes ubique gentium.
 148. Laudate Dominum cœlitum.
 149. Cantate Domino canticum.
 150. Laudate Dominum, lucidum.

Quibus addas Hymnum matutinum ad Christum,

Proles parentis optimi.

XI. Undecimum genus, dicolon distrophon, ad exemplum Horatii lib. 1. Od. 3. Versus prior est Glyconius trimeter; posterior Asclepiadeus tetrameter: de utroque hætenus in VIII. genere dictum est.

Eo utitur Psalmis 3. nempe

14. Secum infania callide.
 35. Rerum sancte opifex ades.
 43. Vindex esto mihi Deus.

XII. Duodecimum genus, tricolon tristrophon, quali utitur Prudentius Præfat. Cathemer. Primus quisque versus est Glyconius trimeter, secundus Asclepiadeus tetrameter, de quibus modo, & in VIII. genere egimus. Tertius autem quisque est Choriambicus Alcaicus pentameter acatalectus, qui constat e Spondæo, tribus Choriambis, & Iam-

I Quemadmodum ex eruditissimo Bentlejo superius notavimus carminis Asclepiadei primum Choriambum in integra voce apud Horatium, quem & noster imitatus est, semper desinere, ita ab eodem viro clarissimo reque ipsa edocti, reperimus versus hujus Alcaici (qui Asclepiadeus est Choriambo auctus) secundum etiam Choriambum vocem semper apud Horatium terminare: nisi forte excipias v. r. ult. Od. 18. lib. 1.

Arcanique fides prodiga perlucidior vitro:
 quod tamen cum hac lege neutiquam pugnare contendit Bentlejus, quod *prepositio per non*

bo [sive Pyrrhichio] hoc modo.

1 | 2 | 3 | 4 | 5
 - | -vv- | -vv- | -vv- | v-

Hoc genere utitur semel, Psalmo scil.

16. O rerum sator & salus.

XIII. Genus decimum tertium, dicolon tetrastrophon, quale est Horatii lib. 1. carm. 10. Versus primus, secundus & tertius Asclepiadeus tetrameter, quartus vero Glyconius trimeter, de quibus superius egimus in genere VIII.

Hujus generis Psalmi sunt 6.

23. Quid frustra rabidi me petitis canes.
 42. Non cervus fluvios sic avet algidus.
 75. Te nos carminibus, Rex bone, patriis.
 99. Jam regnum Dominus, spirituum piis.
 102. Exaudi, genitor sancte, meas preces.
 144. Quo te, Rex hominum, carmine prosequar.
- XIV. Genus decimum quartum, monocolon, versus Iambicus Hipponactæus trimeter acatalectus, ad exemplum Horatii lib. 5. Epod. 17. Catulli car. 20. Prudentii Cathemerinon hymn. 7. &c. De eo supra in genere II.

Hujus

sit genuina, sed adventitia vocabuli pars. V. supra notam ad genus IX. Buchananus tamen (qui sedulo hanc regulam in Asclepiadeis secutus est, in Alcaicis sæpius eam neglexit, novies enim in hoc Psalmo primus Choriambus vocem dividit, & secundus bis. Neque hæc licentia existimanda est, cum non Græci solum Poëtæ ab hac lege discesserint, sed Catullus etiam carm. 31. in 12 versibus, quater primo Choriambo vocem mediam diffindat, Prudentius vero semel; secundo autem Choriambo Catullus bis.

Hujus generis Psalmi sunt 3.

25. Hic fidat armis, plebe se clientium.
 94. O fraudis ultor, sceleris o vindex Deus.
 106. Laudate Regem cœlitum, Regem bonum.

XV. Genus quintum & decimum, monocolon, quale est Stat. 4. Sil. 5. Claudiani carmen Fesceninum in nuptias Honorii & Mariæ, Prudentii hym. 14. *περὶ σεφάνων*. Versus Dactylicus Alcaicus acatalectus, quem in VI. genere explicavimus. Hic quoque observandum (quod de Iambicis dimetris supra monuimus) purus hosce Alcaicos in tetrasticha semper divisos esse.

Hujus generis Psalmi sunt 8.

26. Me vi tyrannus persequitur palam.
 29. Seu dives auro es, sive opibus potens.
 32. O ter beatum, cui patris optimi.
 49. Audite gentes, ortus & occidens.
 61. Audi vocantem me bonus, & meis.
 71. In te salutis spem posui meæ.
 73. Tellus ut undis hospitium neget.
 143. Audi vocantem rebus in asperis.

XVI. Genus sextum & decimum, monocolon, quale est Horatii lib. 1. Od. 1. Prudentii hymn. 5. Cæthem. Versus est Asclepiadeus tetrameter (de quo supra genere VIII.) Notandum vero Buchananum (ad exemplum Prudentii) Asclepiadeos hosce quaternos junxisse.

Hujus generis Psalmi sunt 3.

28. Princeps stelliferis altior orbibus.
 40. Quum circumfremere me timor & minæ.
 80. Hebræi generis pastor, uti gregem.

XVII. Genus decimum septimum; dicolon, distrophon, quo Boët. lib. 2. metr. 3. imitatur. Versus primus est Sapphicus pentameter, de quo supra in genere V. Alter est Glyconius trimeter, de quo in genere VIII. diximus.

Hujus generis Psalmi sunt 4.

33. Vos quibus puræ est amor æquitatis.
 70. O Deus, præsens ades, & periclis.
 121. Dum ferox armis inimicus instat.
 142. Invoco supplex Dominum, manusque.

XVIII. Genus decimum octavum, dicolon distrophon ad exemplum Boëtii lib. 3. metr. 3. Versus primus est Iambicus trimeter, cujus in II. carminis genere meminimus. Secundus vero est pentameter Elegiacus acatalectus, cujus prima & secunda sedes indifferenter Spondæum vel dactylum recipit, tertia semper postulat Spondæum, quarta & quinta Anapæstum, hoc modo;

1	2	3	4	5
-vv	--	--	vv-	vv-
--	-vv	.	.	.

Vel, ut aliis placet, versu in duos quasi membra diviso; post Dactylum aut Spondæum prima &

sc-

secunda regione indiscriminatim positum, sequitur cæsura pen- themimeris, qui primam par- tem terminat: alterum autem membrum post duos Dactylos altera itidem cæsura clauditur, hoc modo;

1	2	3	4
-vv	--	-vv	-vv
--	-vv	-	-

Hoc genere bis utitur, Psalmo scil.

36. Ut exa flammis mille sacrificis cremes.

63. Deus, salutis auctor & custos mex.

XIX. Genus decimum nonum, dicolon tristrophon. Versus primus & secundus est Trochaicus Alcmanius dimeter, seu quaternarius, ¹acatalectus, constans quatuor pedibus, quorum primus & tertius, seu loci impares, Buchananano semper est Trochæus, secundus præter Trochæum ²Spondæum etiam, ejusque compa- res Anapæstum & Dactylum recipit, quartus denique est Trochæus [vel Spondæus,] hoc modo;

1	2	3	4
-v	--	-v	-v
	-v		--
	vv-		
	-vv		

Versus autem tertius est Trochai-

cus Euripidæus dimeter cata- lectus ³, qui eosdem habet pe- des quos duo priores, præter ultimum, qui postrema syllaba detruncatur, hoc modo;

1	2	3
-v	-v	-v
	--	-
	vv-	

Alii metiuntur ⁴ tanquam Iambi- cum dimetrum cujus initio de- fit syllaba, hoc modo;

1	2	3	4
-	v-	--	v-
	vvv	--	

Hoc metro semel utitur, videl. Psalmo

66. Incolæ terrarum ab ortu.

XX. Genus vigesimum, dicolon distrophon. Versus prior heroicus hexameter, de quo in I. genere. Pos- terior Anapæsticus Partheniacus di- meter catalectus; qui constat tribus pedibus, quorum primus & secundus Anapæstum vel Spondæum indiffe- renter recipit, tertius solum Ana- pæstum, ac deinde superest syllaba, hoc modo;

1	2	3
vv-	vv-	vv-
--	--	-

Vel potius est ⁵ posterior pars car- minis hexametri heroci, cujus pri-

¹ Vide quæ nos infra ad genus XXIV.

² Vide quæ ad genus XXIV. infra notavi- mus.

³ Hic versus idem est cum versu priore Od. 18. lib. 2. Horatii, præterquam quod ille nul- lum alium admittat pedem præter Trochæum, Buchananus autem loco secundo Spondæum & Anapæstum etiam interdum recipiat. Al- dus Manutius, qui hoc genus carminis inter Iambica refert, quæ occurrunt apud Hora- tium, per Amphimacrum & duos Iambos

metitur.

⁴ Vide infra genus XXIV. & quæ ibi no- tavimus.

⁵ Ea enim, ut multorum aliorum, ita præcipue carminis heroici indoles est, ut se quasi in duas partes vel hemistichia dividat, in quorum medio vox paullum subsistit & mo- ram aliquam facit: membrum autem prius carmen constituit de quo egimus genere IX. posterius vero illud de quo nunc agitur.

primus pes una syllaba mutilus illo in I. genere superius egimus.
est, ¹ semimetro tantum super-
stite, *b. e.* syllaba longa, vel
duabus brevibus, cui deinde
tres ultimi pedes carminis hexa-
metri subjunguntur, hoc modo;

$\frac{1}{2}$	2	3	4
$\frac{1}{2}$	-vv	-vv	-
vv			

Hoc genere semel utitur, Psalmo scil.

68. O qui perpetuis orbem mode-
raris habenis.

XXI. Genus vigesimum primum,
dicolon distrophon, ut Horatii lib. 5.
Epod. 14. Ausonii Epist. 10. Primus
quisque versus est heroicus hexame-
ter, secundus autem iambicus dime-
ter: quorum supra in I. & III. me-
trorum generibus meminimus.

Hoc genere semel utitur, Psalmo nempe

81. Exsultate Deo nostro, bona
dicite verba.

XXII. Genus vigesimum secun-
dum, dicolon distrophon. Carmen
est Elegiacum omnibus notum, ex
hexametro & pentametro junctis
conflatum: de hoc in XVIII, de

Hujus generis Psalmi sunt 3.

88. Luce voco te, nocte voco te,
sola salutis.

114. Quum domus Isacidum patrias
remearet ad oras.

137. Dum procul a patria mœssi
Babylonis in oris.

XXIII. Genus vigesimum ter-
tium, dicolon distrophon. Primus
quisque versus est Trochaicus Euri-
pidæus dimeter, de quo in genere
XIX. dictum est. In illo autem ver-
siculo, *Agite festis laudibus*, Tro-
chæi vicem occupat Tribrachys. Se-
cundus autem est iambicus dimeter,
quem in III. genere enarravimus.

Eo utitur Psalmo

100. Orbis omnes incolæ.

XXIV. Genus vigesimum quar-
tum, monocolon, quali usi sunt
Plaut. Terent. Seneca, &c. Pruden-
tius Cathem. hymn. 9. Auson. dict.
Solon. veteris illius carminis cui ti-
tulus est Pervigilium Veneris, auctor;
Venant. Fortunat. Hymn. de cruce
Domini, &c. Versus est Trochai-
cus octonarius ² catalectus, con-
stans septem Trochæis & syllaba,
rece-

¹ Vide Scalig. Poët. lib. 2. cap. 6. & Nov.
Method. p. 747.

² Quidam ex unoquoque hujus carminis
versu binos faciunt, quorum primus sit Tro-
chaicus dimeter acatalectus, secundus Tro-
chaicus dimeter catalectus, de quibus in XIX.
genere dictum est. Et sane, si primum secun-
damve Psalmi 66. cum tertio uno versu con-
cludas, Trochaicum hunc octonarium cata-
lectum efficies. In primis certe Editionibus
Psalmi 105, & 129, vertus geminos esse, at-
que Buchananum ita primitus scripsisse ad Psalm.
105. adnotavimus. Quamobrem autem hunc

ordinem ipse postea immutaverit, binosque
versiculos ad unicum redegerit, nullam aliam
invenio rationem, quam quod apud veteres,
quos imitatus est, scriptores, Trochaicos
istiusmodi longe sæpius conjunctos quam di-
visos animadverteret: eamque ob causam, ut
bini versiculi in unum coalescerent, neque in
ipsorum commissuris ob vocalium concursum
hiatus aliqui orirentur, multa in posterioribus
editionibus mutanda, addenda, aut alio or-
dine ponenda habuit vocabula: id quod cuilibet
exemplaria conferenti obvium est. Vid.
quæ nos ad genus XXVIII.

recepto tamen in locis ¹ imparibus
Tribrachi; in paribus vero, præter
Tribrachyn, Spondæo etiam, Dacty-
lo & Anapæsto, ² hoc modo;

1	2	3	4	5	6	7	8
-v	-v	-v	-v	-v	-v	-v	-
vvv	vvv	vvv	-	vvv	vvv	-v	v
-	-	-	-v	-	-	-	-
vv-				vv-			
-vv				-vv			

Hujus generis Psalmi sunt 4.

105. Canite Dominum, & invoca-

te nomen ejus: exteris.

119. O beatos, qui sequuntur orbi-
tam legis Dei.

124. Ni faventis affuisset numinis
præsentia.

129. Jure dicat grex bonorum, Mil-
le me molestiis.

XXV. Genus vigesimum quin-
tum, monocolon, quali utitur Boër.
lib. 1. met. 5. & Seneca passim in
choris.

1. Quamvis carmina Trochaica & Iambica
maxime opposita videantur, eo quod Iambi-
ca Trochæum omnino respuant, sicut vicif-
sim Trochaica Iambum; facili tamen negotio
hæc in illa, & e contrario, converti possunt.
Syllaba enim principio Trochaici carminis ad-
dita Iambicum efficit: quemadmodum syllaba
principio Iambici detracta, Trochaicum su-
perest. Hoc tamen obiter advertendum, si
Trochaicum fuerit catalectum, syllaba ei ad-
dita Iambicum constituet ejusdem generis acata-
lectum: rursus si Iambicum fuerit catalec-
tum, syllaba ei detracta Trochaicum reddet
inferioris generis acatalectum, v. g. si Tro-
chaico octonario catalecto syllabam addideris,
Iambicum octonarium acatalectum efficies:
si vero Iambicum octonarium catalectum una
in principio syllaba curtaveris, Trochaicum
restabit septenarium acatalectum. Porro, si
tres syllabas, seu sesquimetrum, Trochaico
juxuleris octonario, restabit Iambicum sena-
rium, & vice versa. Atque ita deinceps de
aliis dicendum. His rationibus adducti sum-
mi notissimi Grammatici Trochaica universa
sub Iambicis complectuntur, quippe quæ
non magis ab illis distinguantur, quam acata-
lecta a catalectis: neque enim ullo discrimine
referre ajunt, sive initio sive fini versus sylla-
bæ adjiciantur aut auferantur. Accedit & il-
lud ad eorum opinionem confirmandam,
quod in Trochaicis, eodem modo in Iam-
bicis, duo semper pedes ad unam mensuram
constituendam requirantur; adeo ut in utrif-
que dimetrum ex quatuor, trimetrum ex sex
pedibus, &c. conficiatur. Sed, quod maxi-
mi momenti est, atque hanc rem extra du-
bium ponere videtur, quemadmodum Iam-
bica in locis paribus vice Iambi Tribrachym
recipiunt, in locis vero imparibus, præter
Tribrachym Spondæum etiam, Dactylum &

Anapæstum admittunt: ita in Trochaicorum
locis imparibus Trochæi vicem supplet Tribra-
chys, in paribus autem cum Tribrachi Spon-
dæus item, Dactylus & Anapæstus recipiun-
tur. Quod autem pedes qui in Iambicis locos
imparibus occupant, in Trochaicis locis impa-
ribus, & vice versa collocentur, id exinde
proficisci videtur, quod si Trochaica ex Iam-
bicorum legibus modularis, defectumque adeo
omnem in initio constituas, qui ex Trochai-
corum norma sedes impares obtinebant pe-
des, ii ad Iambicos numeros redacti in im-
paribus locis & contra consistent. v. g. si hunc
versum,

Canite Dominum, & invocate nomen ejus:
exteris.

ad modum Trochaicorum metiaris, ita pedes
collocandi sunt,

1	2	3	4	5	6	7	8
vvv	vvv	-v	-v	-v	-v	-v	-

si vero eundem ad Iambicorum regulas reda-
cas, hoc modo pedes sunt mensurandi;

dimid. 1	2	3	4	5	6	7	8
vv	vvv	v-	v-	v-	v-	v-	v-

Et hic,

Aucta nondum stirpe longis temporum decursibus.
Trochaicus erit, hoc modo,

1	2	3	4	5	6	7	8
-v	-	-v	-	-v	-	-v	v vel

metro autem paululum mutato, hunc Iambi-
cum efficit,

dimid. 1	2	3	4	5	6	7	8
-	v-	-	v-	-	v-	-	v vel vv

2. Atque hæc ratio est, quod quemadmo-
dum in Iambicorum prima & quinta sede se-
pius

choris. Versus est Anapæsticus Pindaricus ¹ dimeter acatalectus, constans quatuor pedibus, in quorum singulis recipit Anapæstum; cuius tamen vices promiscue suppleant Spondæus, & ² Dactylus, [& ultimo etiam loco interdum Tribrachys, Amphimacer, vel Trochæus] hoc modo,

1	2	3	4
vv-	vv-	vv-	vv-
--	--	vv	--
-vv	-vv	--	-vv
			vvv
			-v-
			-v

Eo semel tantum utitur, Psalmo scil.

113. Psallite Dominum pueri, Domini.

XXVI. Genus vigesimum sextum, dicolon tetrastrophon, ad exemplum fere Catulli, carmine 34. Primi tres versus sunt Choriambici Glyconii trimetri acatalecti, Spon-

dæo, Choriambo & Pyrrhichio [vel Iambo] constantes; sed loco Spondæi interdum recipiunt Trochæum ³ hoc modo;

1	2	3
-v	-vv-	vv
-v		v-

Quartus autem quisque est Pherecratius ⁴ heroicus trimeter acatalectus, constans Spondæo, Dactylo & Spondæo, hoc modo;

1	2	3
vv	-vv	--

Hujus generis Psalmi sunt 3.

115. Toto pectore diligam.

122. O lux candida, lux mihi.

128. Felix o ter & amplius.

XXVII. Genus vigesimum septimum, monocolon, ad exemplum Prudentii hymno 6 Cathemer. ⁵ Versus est Iambicus Anacreontius dimeter catalectus, qui constat tribus Iam-

bus dominantur Anapæstus & Dactylus, ita iidem pedes in Trochaicorum 2da & 6ta regione sæpius collocati inveniuntur; & prout in tertia Iambicorum, ita in 4ta Trochaicorum, nusquam toto opere Anapæstus occurrit.

¹ Aliis Anapæsticus Aristophanius nuncupatur.

² Vide quæ nos infra ad cap. 2. class. 2. gen. 2.

³ Catullus autem non Trochæum modo, sed sæpe etiam Iambum prima sede admisit: Boët. lib. 2do. met. 3. semel in prima regione recepit Iambum in illo versu, *Bonis crede sagacibus*. In lib. autem 4. met. 3. semper utitur Trochæo primo in loco: Buchananus vero, licet plerumque primam sedem Spondæo tribuerit, nonnunquam tamen Catulli Boëtiique exemplo ductus, non dubitavit Trochæum vice Spondæi substituere: & forte, eam ob causam, Psal. 116. str. ult. *Morte* potius quam *Morti* (prout in omnibus editioni-

bus exhibetur) legendum.

⁴ Id est, tres ultimi pedes carminis hexametri: quamvis autem Boëtius interdum in prima sede Anapæstum, & Catullus semel Iambum, sæpius vero Trochæum, posuerint: noster tamen Horatii exemplo Dactylum semper duobus Spondæis medium interponit, præterquam in unico hoc versiculo Psal. 128. *Comparata labore*, in quo Trochæus primo loco collocatur.

⁵ Utitur etiam Boët. in versibus prioribus lib. 2. met. 4. in quibus Spondæus etiam tertia sede nonnunquam assumitur; quod a Prudentio & nostro nusquam factum. Quisquis autem fuit, qui eam edidit metrorum Buchananæorum expositionem, quæ plerumque Psalmorum Paraphrasi subjungitur, ut in multis aliis, ita & hic turpiter hallucinatus est, qui hoc carminis genus idem esse existimaverit cum eo quo usus est Boët. lib. 3. met. 7. in illo enim primam sedem semper occupat Anapæstus.

Iambis & syllaba, recepto tamen syllabissime in prima sede etiam Spondæo, hoc modo;

1	2	3	
v-	v-	v-	-
-	-	-	v

Hujus generis Psalmus est unus, videl.

131. Si spiritu impotenti.

XXVIII. Genus vigesimum octavum, tricolon tristrophon, quale est Horatii lib. 5. Od. 13. 'Primus quisque versus est heroicus hexameter, de quo in primo genere: secundus

autem est Iambicus dimeter, de quo in genere III. egimus. Tertius vero est penthemimeris heroica, constans duobus Dactylis & syllaba, cujus in genere IX. meminimus.

Hoc genere utitur semel, Psalmo nempe

138. Pectore te grato Dominumque Deumque fatebor.

XXIX. Genus undetrigesimum, tricolon tristrophon, idem fere cum præcedente, nisi quod ordo paulum sit

1 Conqueritur Cl. Bentlejus pessimum a Lambino flagitium admissum, qui alterum quemque versum Epod. 11. & 13. lib. 5. Horatii (ad quorum imitationem scripti sunt Psalmi 138. 145.) in binos diviserit, cum antea conjunctim ederentur. Cum autem Lambinus se Buchanani nostri auctoritate motum id fecisse affirmet, operæ pretium erit paullo altius inquirere, quibus rationibus adductus Buchananus, & ipse unamquamque horum Psalmorum strophon tribus versiculis distinxerit, Odesque illas Horatii eo ordine digerendas Lambino persuaserit. Rationes vero hæc fuisse videntur. 1ma. Quod non satis congruum existimaret duo metrorum genera prorsus diversa uno versu concludere. 2da. Quod hoc pacto Flaccus, reclamantibus omnium carminum legibus, nunc syllabam brevem produxerit, nunc vocalem ante vocalem non abiecerit: veluti, Epod. 13.

Reduces in sedem vice: nunc & Achamenio. & Levare duris pectora sollicitudinibus.

Sic Epod. 11.

Arguit, & latere petitus imo spiritus. & Fervidiore mero arcana promorat loco.

Eodem quoque modo, si binos versiculos ad singulos relegisset, in prædictas leges peccasset Buchan. Psal. 138.

Coram superbis Regibus, & tua sacra canam. & Ferent, tuæque gloria ad jubar attenti.

& Psal. 145:

Cumque suo scelere a stirpe vellis impior. Neque elideretur M cum sua vocali, ut Qui me laesit hostium: incolumique dabis: & Natio nullo tuum in seculorum secula.

Sed has rationes, quantumvis speciosas, facili negotio evertit Bentlejus, non modo opinari tam MSS. quam a nte Lambini tem-

pora impressorum codicum fide, sed etiam, quod maximi est momenti, veterum Grammaticorum & Scholiastarum auctoritate & testimonio, qui non solum hos Horatii versus conjunctos citant, sed insuper de hujusmodi versuum (quos illi *Ἀσυναρτητοὺς*, i. e. *incon-nexos*, vocabant, genere & artificio sigillatim scribere. Et, ut alios omitam a Bentlejo citatos, Terentianus Maurus disertis verbis testatur *ex duobus colis unum versum fieri*, proque exemplo adducit alteros versus Epod. 11. & 13. Horatii. Quod ad syllabæ brevis productionem, collisiones collisionesque neglectas attinet, Hephæstion, qui horum *Ἀσυναρτητοὺς* versuum parentem & inventorem statuit Archilochum, expresse docet, *syllabam ultimam prioris coli perinde esse communem, ac si integrum hexametrum vel Iambicum clauderet*: unde collegisse Bentlejus videtur, versibus illiusmodi, ex duobus colis constatis, eandem indulgeri licentiam, ac si duos versus omnino distinctos constituerent. Quod si ita est (& ita quidem esse ex ipsius mente necesse est) non magno discrimine referre arbitror, an junctim scribantur, an in duo dissecentur hæc carmina: id saltem affirmare liceat, non tam triste hac in re a Lambino, atque adeo a Buchanano nostro, piaculum admissum, ut *Dauria Muse* (quod opinatur vir clarissimus) *pro dolore lacrymarent*.

2 In Iambicis hisce nullum alium adhibuit pedem Horatius præter Iambum, & locis imparibus nonnunquam Spondæum, qua in re cum æmulatus est Buchananus, excepto unico illo Psal. 145. versiculo,

Animal benigne recreas.

in quo primam sedem occupat Anapæstus:

fit inversus; nam qui illic secundum locum tenebant, hic tertium, & e contrario, versus occupavere: cæterum Horatii Epod. 11. per omnia simile est, præterquam quod illi primus versus est iambicus senarius, Buchananus autem hexameter heroicus: secundus vero utrique est penthemimeris heroica: tertius denique iambus dimeter.

Hoc genere scriptus est Psalmus

145. Te Regem Dominumque canam, dum lucida volvet.

C A P. II.

De generibus metrorum quibus in aliis suis operibus poetice usus est Buchananus.

GENERA metrorum quibus in reliquis suis carminibus utitur Buchananus, ad duas itidem classes possunt referri; quarum prima Poëmata ejus varia, Fratres nempe fraterrimos, Silvas, Epigrammata, Miscellanea, de Sphæra libros, Satyram in Cardinalem Lotharingum, quæque a metri genere nomina sunt sortita, Elegias, Iambos & Hendecasyllabos; secunda autem Tragædias tam sacras quam exteras, completatur.

1 Vide quæ nos modo ad genus XXVIII.

2 In Hendecasyllabis suis imitatus est Buchananus præcipue Catullum, qui prima regione haud raro vice Spondæi Trochæum & Iambum substituit, veluti Car. 1.

Arida modo pumice expolitum. &

Meas esse aliquid putare nugas.

Item Car. 50.

Gratias tibi maximas Catullus

Agit pessimus omnium Poëta.

Semel quidem apud Boëtium invenio Iambum lib. 3. met. 4. penult.

C L A S S I S I.

IN altera G. Buchananani Poëmatum parte (exceptis Tragædiis de quibus sequente classe agendum) metrorum genera sunt quatuordecim.

I. Monocolon. Versus sunt hexametri heroici, de quibus in primo Psalmorum metri genere superius egimus.

Hoc genere scripti sunt,

Franciscanus.

Silvarum liber.

Libri de Sphæra. &

Miscellan. carm. 15, & 24.

II. Dicolon distrophon. Carmina Elegiacum omnibus notum, de quo supra.

Hoc genere utitur,

Frat. fraterrim. maxima parte:

Toto Elegiarum libro.

Epigramm. passim.

Miscellan. nonnullis.

III. Monocolon, ad exemplum Catulli, Martialis, Statii, Prudentii, Aufonii, Boëtii, Sidonii Apollinaris, &c. Versus sunt Phaleucii hendecasyllabi pentametri acatalecti, quinque constantes regionibus, quarum primam possidet Spondæus, (sæpius etiam ejus loco Trochæus aut Iambus,) 2 secundam Dactylus, quem

Quis illos igitur putet beatos.

Semel etiam apud Ausonium Epist. 5. ver. ult.

Bonorum mala carminum taberna.

Trochæum semel adhibuit Sidon. Apoll. Car. 13. ver. 38.

Marsyæque times manum ac rudentem.

nisi forte penultimam vocis Marsyæ produxerit, quemadmodum alibi eandem syllabam in Euripidis, Car. 9. ver. 235.

Orchestra quatit alter Euripidis.

& ult. in Eia. Car. 14. ver. 6.

Eia Callope nitente palma.

III 3.

Vide.

quem sequuntur tres Trochæi, [vel ultimus Spondæus,] hoc modo;

1	2	3	4	5
-v	-vv	-v	-v	-v
-	-	-	-	-
v				

Hoc genere utitur,

Toto Hendecasyllabon libro.

Frat. fraterr. 14, 20, 21.

Epigram. lib. II. 32. & lib. III.

14, 15. & Ibid. Pomp. Deor.

Rust. 3.

Miscell. 5, 20.

IV. Monocolon. Versus Iambicus trimeter, de quo superiore cap. met. II. egimus.

Eo utitur,

Toto libro Iambon, aut solo, aut cum dimetro Iambico alternatim subjuncto.

Frat. fraterr. 1, 2, 28.

Epigram. lib. II. 8, 17, 19, 33.

Miscell. 14, 31, 32, 38.

V. Monocolon. Versus Iambicus dimeter, de quo cap. I. met. X.

Eo utitur solo,

Epigram. lib. I. 30. & lib. III.

Pomp. Deor. Rust. 2.

Miscell. 16, 36.

Vid. infra cap. III. n. 14. Sed missis hisce, Martialis,

Qui Musas coluit severiores,

nusquam in Phaleuciis, quibus tamen frequentissime utitur, alium initio quam Spondæum pedem adhibuit: in illo enim Epig. lib. 2. 6.

Rapta scribere sed Vitellianis.

ultima *et* rapta propter duas consonantes sequentes, licet vocis diversæ, producit, quemadmodum lib. 5. Epig. 70.

Quid gladium demens Romana stringis in ora.

Idem de Prudentio dicendum, qui prima sede semper Spondæum collocat, illo namque

VI. Dicolon distrophon. Versus primus Iambicus senarius; secundus Iambicus quaternarius, de quibus in met. III. cap. I.

Hoc genere utitur,

Toto fere libro Iambon.

Præfat. Frat. fraterr.

Epig. lib. I. 49.

Miscell. 23.

VII. Dicolon distrophon. Versus prior hexameter heroicus, posterior Iambicus dimeter: idem cum genere XXI. cap. I.

Hoc genere utitur,

Frat. fraterr. 4.

Miscell. 22.

VIII. Dicolon distrophon. Versus prior hexameter heroicus; posterior Iambicus trimeter: ejusdem generis est cum II. cap. I.

Hoc genere utitur,

Epigramm. lib. III. Pomp.

Deor. Rust. 4. Valent. I.

IX. Tricolon tetrastrophon: idem cum genere VI. priore capite memorato.

Hoc

capit. 6. 98.

Celsa scandere contigit Tonantis,

Celsa ultimam habet longam, ob prædictam rationem, prout idem in Psychomachia, ver. 252.

Imbuere, fragilique viros sedare triumpho.

1 Buchan. in 8 carminibus hoc metri genere scriptis 17 vicibus Iambum primo loco versus 1 & 2di adhibuit; & ter in primo versus tertii loco. Syllaba autem 5ta tertii versus quinquies illi brevis est, Horatio nunquam. Vide quæ ad gen. VI. cap. I. annotavimus.

Hoc genere utitur,

Frat. frater. 5, 30.

Miscell. 1, 3, 4, 8, 11, 28.

X. Monocolon. Versus est Anacreontius, de quo supra cap. I. gen. XXVII.

Hoc genere utitur,

Epigramm. lib. I. 65.

XI. Monocolon. Versus Anapæsticus, qualem genere XXV. cap. I. descripsimus.

Hoc genere utitur,

Epigramm. lib. III. Pomp. Deor. Rust. 1.

XII. Dicolon tetraſtrophon, in quo tres Sapphicos continuos sequitur Adonius; prout in genere V. cap. 1.

Hoc genere utitur,

Miscell. 2, 9.

XIII. Monocolon. Qualis est secundus quisque versus Horat. lib. I. Od. 4. vel potius secundus quisque lib. 2. Od. 18.¹ Versus est Iambicus Archilochius trimeter catalectus, constans quinque Iambis & syllaba, receptis tamen in locis impa-

ribus etiam Spondæo aut Anapæsto, & secunda regione nonnunquam Tribrachi, ² hoc modo;

1	2	3	4	5	
v -	v -	v -	v -	v -	-
- -	vvv	- -			
vv -					

Alii sic metiuntur, ut primo loco ponatur Iambus, vel Spondæus, vel Anapæstus; secundo Iambus, vel Tribrachys, cum syllaba residua seu cæsura; deinde tres Trochæi, [vel ultimus Spondæus,] hoc modo;

1	2	3	4	5	
v -	v -	-	- v	- v	- v
- -	vvv	v			- -
vv -					

XIV. Scazon sive Choliambus: quo nomine appellari consuevit Iambicus trimeter, seu senarius, cujus ultima sede Spondæus vice Iambi collocatur; quali usus est Catullus car. 8. Persius in Præfat. Martialis lib. 1. Epig. 3. Boët. lib. 2. met. 1. Hujus generis unicum tantum apud Buchan. versum reperio, Epig. lib. 3. Pomp. Deor. Rust. 5.

Ni forte malis avios per anfractus.

CLAS-

¹ Nulla autem re alia hi Horatii versus ab illis distinguuntur, præterquam quod in prioribus syllaba post duos pedes residua semper sit longa, quæ in posterioribus (quamvis rarius) sit brevis.

² Veluti in illo versu,

Captare capreis non minus fugaces.

In illo autem,

Secreta Oreades damus tenellos.

(ita enim legendum alibi ostendimus) *Oreades* trissyllabum est, per *οὐρεῖς*: ut apud Maonem *αἰνεῖα* tetrasyllabum, adeoque Iambus secundam tenet sedem, non vero Amphibrachys, utpote pes peregrinus; nec Tribrachys,

secundam enim syllabam longam esse monstrat & vocis origo, Græce *Ὀρεῖδες*, & Virgilii auctoritas *Æn.* 1.

Hinc atque hinc glomerantur Oreades: illa pharetram.

Fert humero.

Quod ad illum versum attinet,

Ni forte malis avios per anfractus.

quidam forte existimaverint *avios* dissyllabum esse, adeoque Spondæum ea regione positum, quod mihi in hoc genere diu & insolens videtur. Ego potius ad aliud metrum referrem, de quo gen. mox sequente.

CLASSIS II.

IN Tragœdiis suis usus est Buchananus metrorum generibus septemdecim.

¹ Iambicus trimeter, quem superius cap. I. gen. II. explicavimus. ² Majorem tamen hic (aliorum Tragœdiographorum more) quam in aliis suis carminibus Poëta sibi indulgit licentiam: in tertia enim sede nonnunquam adhibuit Anapæstum, & quod paullo durius est, in sede quarta eundem pedem, licet rarissime, collocavit. Utriusque quæ nos offendimus exempla hæc sequuntur.

Anapæst. sede tertia.

In Jephthe. } *Suo cruore tuis beneficiis licet.*

Vitæ capeffere, quando ceu facem Deus.

Parentis alterius libidini, & impio.

Baptiste. *Aut potius historiam vetustam interpolam.*

Plebs si quid erret, eam reducat in viam.

Quin lumen ingenii exseris illic tui.

Delicta publica publice, occulte nihil.

Gaudere decuit, & obsequi iussis Dei.

Præstare qui simulatis & scientia.

Medea. *Æque dolere suo ut decet incommodo.*

Vis me doloris eo redegit, ut solo.

Hæc namque patria tibi, hic penates patrii.

Sponsis adhuc mihi pugna superest cum novis.

Hic tibi frui, siquidem tu lisses molliter.

Prodesse capio tibi, ac tue-ri publicum

Me patiar esse meis inultis hostibus.

Deus malorum in Iasonem, infortunii.

Exegit, oblita cæde nato- rum impia.

Alcestide. *Heus tu præito, reclude posticum ædium.*

Leviore, munus erant equi victoribus.

Ana-

¹ Vide quæ nos supra ad cap. I. gen. II.

² Hier. Avantius id versibus apud Senecam 21. accidisse refert, at nunquam nisi dictio ipsa fuerit 4 syllabarum, excepto uno versu OEdipeo.

Inter senem juvenemque, sed propior seni.

Quod Anapæstum tertia sede adhibuerit Seneca, cum dictio adesset 4 syllabarum, casu potius quam consilio factum videtur: Buchananus certe in hisce non tam sollicitè diligens fuit, nam dictio quadrissyllaba quinquies tantum occurrit.

Cæterum de hoc numero auferri possunt versus 5, in quibus occurrunt pronomina *tuis, eo, eam, suo, meis*, quæ apud Comicos crebro in unam syllabam contrahuntur. Vid. in-

fra cap. III.

In 6to versu *ingeni*, ut in 13. *mi pro mihi* possumus legere.

In 7mo denique forte tertius pes Trybrachys est, prima quippe in *publice* censi potest brevis ob mutam & liquidam: quamvis enim nusquam eam syllabam correptam invenio, quia tamen ea natura est brevis, utpote a *populus* deducta, nihil video ob stare quo minus eam brevem Buchananus efferret; quemadmodum alibi in ejusdem originis voce *publicanus*. Frat. frater. r.

Publicanus esse non recuset. Pauperum.

Dentis igitur his octo versibus, supersunt tantum 12 pro 21 apud Senecam, in quibus Anapæstus tertium locum occupavit.

Anapæst: 4. sede.

Bapt. *Ne malle quisquam præcipitare te putet.*

Amet parentem, & officiis quibus potest.

Errare gentes, quam populum qui se Dei.

Meminisse toties sceleris eum sui puta.

Torquere flamma poterit inevitabili.

Med. *Ferre huc novorum confiliorum nuncium.*

Lethale gnata ne exitium fruas mea.

Alcest.

Hei mihi, quid ais? ut me jugulasti, foemina.

Nam par rependi pretium animæ nullum potest.

Aliena quamvis juncta necessitudine.

Hoc metri genere scripta est maxima Tragœdiæ cuiusque pars: nam totam fere fabula actionem complectitur.

II. Anapæsticus dimeter acatalectus, de quo in cap. I. genere XXV. superius egimus. Ejus in choris frequentissimus est usus².

III. Asclic-

¹ At quod 4to etiam loco Anapæstum assumferit, non ita facile excusandus Buchananus videtur: nam, si Avantio credimus, id nufquam a Seneca factum: quanquam ipse fateatur interpretes quosdam hac in re deceptos, sive (ut videtur) rei metricæ inscitia, sive potius pravorum codicum vitio, quod forte etiam Buchananum nostrum fessellit. Poëtices quidem Giesenæ auctores, quamvis Dactylo quartam sedem Iambicorum interdican, Anapæstum tamen, quod a brevi syllaba, ut Iambus, incipit, aliquo modo tolerari posse censent. Porro, in Iambicis dimetris hypercatalectis Anapæstum 4ta etiam sede ab ipso Seneca collocatum observantur Fabricius & Delrius, veluti Agam. 616.

Carusque Pelida nimium feroci. & 619.

Aut cum ipse Pelides animos feroces.

Verum, si a tantis viris dissentire liceret, versus hosce Sapphicis potius hypercatalectis quam Iambicis annumerarem, quibus scilicet una syllaba in principio redundet. Vid. Novam Meth. p. 775. & quæ nos supra ad gen. xxiv. cap. I.

² Quia Anapæsticum carmen, ut suavissimum, ita post Iambicum, Tragœdiarum scriptoribus longe frequentissimum est, idemque nonnulla tanquam sibi propria vindicare videtur, non ab re facturus existimabor, si peculiarem ejus indolem & structuram paulo fufius explicavero. Et, imo. quidem, genuini Anapæstici nullam observant cæsuram, adeoque quod in aliis fere omnibus vitiosum est, hic gratiam meretur: unde optimi sunt quorum singuli pedes singulas voces complectuntur, veluti

Pisciaque tacito sidera mundo. &

Tom. II.

Omne lato reducem potius. &

Oculos densa condunt tenebra.

Proximi his sunt, quibus unaquæque dipodia vocem terminat, ut

Ut perpetua serie latum. &

Nec perspicuis animi quisquam

Oculis radios cernere potis est

Veri simplicis ———

Atque hanc forte ob causam Servius Anapæstos dipodia mensurandos voluit, non item Dactylicos, utpote hac lege immunes: quod non satis attendentes Scaliger & Delrius, contra Servii auctoritatem, quaternarios tetrametros, non dimetros, appellandos censent. Hanc autem legem adeo stricte servandam sibi veteres statuerunt, Seneca in primis & Boëtius, ut qui in aliis mutum sibi indulgeant, ab hac ne vel semel, quod sciam, discefferint, ita ut inter dipodias nunquam Ecclipsin vel Synalœpham intervenire sint passi: excipio unum Herculis OEtæi locum, v. 1887.

Poscite magno Alciden gemitu.

Quod, inter alia, doctissimi Nic. Heinsii, qui hanc Tragœdiam Seneca merito abjudicavit, sententiam haud leviter confirmat. Buchananus autem, (ne quid dissimulem) qui in Psalterio, Jephthe & Baptiste hanc regulam immotam servat, in Medea eam sæpius neglexit, ut

Cum patre, ac tota domus fereat. &

Æstus composuit, fare, age, anus. &

Intra atria clamorem, haud later. &

Mulier. quod tandem immoderatum

Thalami desiderium cogit,

Stulta, accelerare horam sati.

K k k k

Quibus

III. Asclepiadeus Choriambicus explicavimus. Eo utitur primo choro Jephthæ.

IV. Gly-

Quibus addatur unus Alcestidis versus, cui collisio media intervenit,

Que mutata anima animam eriperes.

Ut verius eos præteream, quibus aliqua regione Dactylus, nulla vero Anapæstus inest, quosque, eam ob causam, Dactylicis potius quam Anapæsticis, licet iis undique stipatos, quidam forte accenseretur malint.

2do. Geo. Fabricius, qui Senecæ versus accurate descripsit, nusquam Dactylum secundo loco positum animadvertit, quem tamen Buchananus haud raro adhibuit, veluti Jeph.

Non mutaverit epibus Crasi. &

Licet injuria tibi fatorum. &

Virginibus tibi thalami expertes.

Medea.

Infelix ergo miseris curis. &

Neve accedite limina propius. &

At se pacifer hinc Mercurius.

Alcest.

Iterum injurius es Diis Stygiis. &

Minime: sed neque famulum quisquam. &

Ne me desere, ne per superos.

Delirius quidem se bis Dactylum apud Senecam secundam sedem occupantem deprehendisse existimat, semel scil. in Agamem. v. 607.

Qui vultus Acherontis atri.

Et semel in Octav. v. 779.

Aur quid peffiore portas anhelu?

Sed (quod pace tanti viri dixerim) prior ex his Anapæsticus non est, quippe qui hoc pacto Trochæum tertio loco habet, quem omnium suffragio Anapæstici respuunt: ego potius Sapphicum brachycatalectum, sive uno pede in principio mutilum, eum existimaverim. Alterum vero, præterquam quod ex ea Tragœdia est, quanti viri docti jamdudum genuinum Senecæ fœtum non agnoscunt, Dactylicum potius quam Anapæsticum censendum quidam existimabunt. Quod si ejusmodi versus Anapæsticis permixtos Anapæsticorum numero habere voluerimus, Boëtius Buchananum defendit, qui haud raro secundum illis locum attribuit. Proxime ergo disquirendum venit, an versus illi quaternarii, veris Anapæsticis undique circumvallati, quamvis nullus iis insit Anapæstus, Anapæsticis annumerari debeant. Et sane nullo eos discrimine Buchananum habuisse ex dictis fere palam est: neque eos distinxisse Boëtius videtur, utpote qui eos nullo ordine Anapæsticis immiscuit, qui alias semper aut uno carminis genere,

aut summum duobus certo ordine recurrentibus uti consuevit. In eadem fuere sententia omnes fere Grammatici, qui de hoc carmine scripsere, in eo enim omnes Anapæsto pares admittunt pedes, Dactylum, Spondæum, nonnulli & Proceleusmaticum, nulla ei propria servata sede: adeo ut toto in versu Anapæstico sæpe Anapæstus nullus inveniat. Julio quidem Scaligero Poët. lib. 2. cap. 36. Dactylus contra leges admissus videtur, quod, quamvis Dactylus Anapæsto potentia sit æqualis, dispositione tamen contraria sit, ut Iambo Trochæus, qui simul eundem versum ingredi nequeunt. Eruditissimus vero, & vir, si quis alius, in rebus istiusmodi perspicacissimus, Rich. Bentlejus, quamvis id plane & disertis verbis non affirmet, nullum pro Anapæstico videtur agnoscere, nisi cui vel insit Anapæstus, vel qui saltem ex solis Spondæis constet. Ego omnium fere Grammaticorum hac in re consensum potiore arbitror, tantisper saltem dum rationes cur ab iis dissentiat, vir celeberrimus in medium adducat.

3tio. De ultima Anapæsticorum regione major exorta est controversia, idem enim ille in literis vir summus R. Bentlejus, in Notis suis ad Joan. Antiochenum Malalam, p. 26. gravem hujus & superioris ævi Poëtis, & in his Buchananano nostro, impegit dicam, quod carminis Anapæstici legum ignari, ultimam cujusque versus syllabam, aliorum pene omnium carminum more, communem existimaverint, adeoque Anapæstos suos Tribrachi, vel Trochæo, vel Gretico, idque ubi nulla esset clausula vel interpunctum, terminare, vel etiam vocali aut litera M finire, versu proximo ab alia vocali vel H incipiente, non dubitarint; quum, ex ipsius sententia, ejusmodi carmina apud veteres (Græcos præsertim) uno tenore, & quasi unicus esset versus, a primo ad ejus generis ultimum progrediantur. Et quamvis vir non minus scriptis suis quam generis splendore illustris, Car. Boylius, recentium Poëtarum partes animose tueatur, Cl. tamen Bentlejus, tantum abest ut sententiam mutet, ut scripto Anglico de Epistolis Phalaridis, ac nuper in Notis ad Horat. Car. III. 12. eam ulterius confirmare pergat. Non nostrum est tantas inter tantos viros lites componere: quum autem susceptum carminis Buchananæi enarrandi officium id postulet, dabunt mihi æqui rerum æstimatores hanc veniam.

IV. Glyconius Choriambicus, de Jeph. p.189. ab illo versu,
quo in cap. I. gen. VIII. Eo utitur
interdum in choris, & nominatim

Jamjam discite perfidi.

ad

niam, ut absque gratia & odio, quorum causas procul habeo, quid hac in re ratione maxime subnixum mihi videatur, modeste, & ea qua par est erga tam splendida nomina observantia, paucis proferam. Et quidem veteres illos dedita opera ab hisce abstinuissse, quæ recentioribus a Bentelejo vitio vertuntur, mihi verisimillimum videtur, hosque rectius magisque ex ordine fuisse facturos, si illorum vestigiis paullo pressius institissent. Neque enim credibile est temere ac fortuito factum, ut tam raro illi, hi tam frequenter hanc legem migrarent. Accedit etiam ad Benteleji causam aliqua ex parte juvanda, quod prisca illi Poetæ nullas (uti dixi) syllabarum elisiones Anapaesticis suis medias intervenire permiserint, quæ apud recentiores nimis crebro occurrunt. Verum, hanc legem non ita stricte veteres sibi servandam statuisse, vel illud indicio est, quod nonnunquam ab ea discedant. Atque, ut Græcos omittam, e quibus quæ peti possunt exempla, Benteleus nobis ivit ereptum, dum ea ad suam mentem, levibus, fateor, ac ingeniosis, sed forte nimis audacibus mutationibus pertrahere nititur, e Latinis quidem Boëtius hanc regulam vel ignorasse vel parum attendisse videtur, nisi fortasse versus quibus abesset Anapaestus, hoc numero eximendo censuerit, quod ob superius allatam rationem mihi non sit verisimile: lib. certe 1. met. 5. etiam in veris Anapaesticis adversus hanc legem bis continue peccat. v. 44.

Operis tanti pars non vilis.

Homines quatinus Fortune salo.

Rapidos, rector, comprime fluctus.

ubi primus versus Trochæo, secundus Cretico, ex Benteleji sententia, terminatur. Quod ad Senecam attinet, Benteleus ait, *Adeo de industria cum temperavisse, ut semel tantum atque iterum Trochæo Anapaestos clausisset, nec nisi finita sententia*: nobilissimus contra Boylius id plus minus quinquages, idque nulla vel minima interveniente pausa, scilicet nullam exstimat, uterque parum ex vero pronunciantes. In genuinis enim Senecæ Tragædiis, nulla vel levi interpunctione subjecta, quater tantum in fine invenio Trochæum, Hip. scilicet v. 13. Herc. fur. v. 170. Med. v. 344. & Agam. 380. Interveniens puncto ter. Hip. v. 347. OEdip. v. 186. Tro. v. 101. Tribrachyn autem semel, Tro. 131. ut versus eos præteream, quos, quamvis Anapaesticis hinc atque hinc cinctos,

Benteleus Dactylicorum nomine habiturus videtur; quales occurrunt Herc. fur. v. 1056. Thy. 868, & 878. Agam. 85, & 356. Tro. 707. In Herc. autem OEtæo & Octavia, quas licet Senecæ viri quidam docti abjudicent, antiquas tamen esse omnes fatentur, sæpius ab hac regula discessum; Herc. OEt. 181, 594, 1281, 1877, & 1914. Octav. 62, 204, 768, 776, 777, 809, 899, 936, 978. annumeratis etiam Dactylicis. Quibus aliquis forte addat Herc. OEt. v. 1152.

Jam Thessalica Pelion Offa

Premet.

quemadmodum in Delii, Thyssii, Scriverii, & antiquioribus fere omnibus codicibus legitur. Et sane hanc lectionem haud parum confirmat, quod Seneca semper, alii plerumque *Offam Pelio imponant*, Vid. Herc. fur. v. 971. Agam. 338. Virg. Geo. 1. 281. Ovid. Met. 1. 155. Gronovius tamen legit,

Jam Thessalicam Pelion Offam.

ex MS. Flor. Quam lectionem eo stabilire nititur, quod Statius & Claudian. *Pelio Offam subijciant*: sed in promptu erat aliud & firmissimum subsidium, quod nimirum, si *Thessalica Offa* legamus, Tribrachys, pes alienus, secundam sedem invaderet: nisi dicamus, ob spiritum inter dipodias moram, syllabam brevem nonnunquam longam fieri, ut in Troad.

Bis pulsata Dardana Graio.

& Octav.

Desere vetat, in quo fuerat.

Quod ad alteram regulæ Bentelejanæ partem spectat, qua negat veteres *Anapaestos suos vocali vel litera M finire, versu proximo ab alia vocali, vel H, incipiente*, hanc quoque ab ipso Seneca nonnunquam reperio neglectam, Herc. fur. 1190. Med. 306. Thy. 849, 859, & 948. Tro. 73. nulla vel parva mediante interpunctione. Interjecto autem colo, Herc. fur. 1113. Med. 373. Denique absoluta periodo, Thy. 820, 958. Hipp. 8, 337. Tro. 94. Agam. 61. Ut taceam Herc. OEt. 1989, & Troad. 96. quem quispiam forte Dactylica basi terminatum causssetur. Hæc exempla (& plura forsitan repererit curiosus harum rerum indagator) duram istam Cl. Benteleji sententiam, qua *Buchananum nostrum, Scaligerum, Grotium, ceterosque adeo qui post renatas literas Tragædias scripsere, si stante re Græca vel Romana suas fabulas edidissent, stiblis & κλωμῆς; explodendos fuisse edicit, si non penitus averruncare,*

K k k k 2

mollire

ad chori usque exitum : toto item choro Bapt. p. 242.

Tandem livor, & impiis. &c.

Et Alcest. p. 587. 588. & 597; Trochaicis dimetris¹ & Pherecratiis, nonnunquam & Anapæsticis ternariis, temere quasi intermixtis. In Alcestide tamen sæpius adhibuit prima sede Trochæum², semel etiam in Baptiste,

Sola non metuis graves.

V. Iambicus dimeter, cujus in cap. I. gen. III. meminimus. Eo utitur nonnunquam in choris: veluti initio chori secundi Jeph. p. 189. Bapt. chor. 3. p. 239. Med. chor. p. 553. versus unus p. 567. a.

Qui de tua stirpe aurea.

quatuor p. 577. b.

Nec ante portas conspicio, &c.
septem p. 595. a.

Sors, sors ineluctabilis, & seqq.

VI. Versus Pherecratiis, de quo superiore cap. gen. VIII. Eo utitur toto choro Jephthæ p. 194. & sexies Alcest. p. 587. b. 588 a. & p. 596. b. &

mollire saltem ac mitigare posse videntur: præsertim si & illud adjecerimus, nullam de hac regula Bentlejana sive Græcorum sive Latinorum Grammaticorum usquam exstare præceptionem. Ut autem fateatur vir celeberrimus multo facilius esse leges condere, quam servare, ipse, qui Nob. Boyleum, & merito reprehenderat, quod in hac Græci distichi ex Phalar. Epist. 87. versione,

Multo videtur satius, timentem nihil

Futura fata, quam timentem perperit:

Iambicorum legibus vim intulisset, Trochæo vice Iambi collocato, ipse, inquam, dum alium in viam reducens, pro *timentem metuentem* substituit jubet, in erratum, licet non æque grave, prolabitur: eo enim pacto Dactylus quartam sedem occupaverit, qui locus ab Horatio, Seneca, aliove quoquam probo auctore, ei nunquam est tributus.

¹ Forte qui in Alcestide p. 587. occurrunt, Trochaicis dimetris catalectis, quibus per-

597. a. quindecies, aliis metrorum generibus varie interiectis.

VII. Versus Sapphicus, cujus structuram gen. V. cap. I. supra ostendimus. Eo utitur primo choro Jeph. primo & ultimo choro Bapt. item in initio Alcest. p. 578. a. Quandoque tertius quisque versus Adonio clauditur, quandoque rarius, & ad Poëtæ arbitrium, Adonius interjicitur.

VIII. Dactylicus tetrameter acatalectus, constans quatuor Dactylis, vel eorum loco Spondæis, excepto ultimo,³

Eo utitur p. 563. b. ut,

Subtili librare examine,

Num deceat disquirere fœminas

De rebus subtilibus anxie. &c.

IX. Anacreontius, qualem exhibuimus cap. I. gen. XXVII. Eo scripti sunt versus quinque Medea p. 567. a.

O terra lucidumque. & seqq.

Alcest. p. 577. a. versus unus,

In conjugem fuisse.

& pag. 595. a. versus tres,

Subi, subi tenebras. & seqq.⁴

X. Alc-

mixti sunt, annumerandi potius sunt quam Choriambicis; eo enim nomine a Fabricio censentur qui in Senecæ OEdip. ver. 882. & seqq. pari modo Trochaicis intersusperiuntur: Delrius contra utrosque Choriambicos trimetros appellat, substituto, ait, nonnunquam in locum Choriambi Molosso.

² Trochæum vice Spondæi sæpius adhibuit Seneca & Boëtius: semel etiam Horat. Car. I. 15.

Ignis Iliacas domos.

³ Tanta est licentia carminis Anapæstici, ut a Dactylico interdum discerni nequeat. Vid. supra ad hujus cap. gen. II.

⁴ Versus tamen postremus,

Digna lacrymis tulisti.

Dactylum habet prima regione: vel inter Trochaicos censerit potest, prima in *lacrymis* ob mutam & liquidam continue sequentes producta.

X. Alcmanius Dactylicus trimeter hypercatalectus, quale est illud Virgilii, *Munera lætitiæque dii*. Constat autem tribus Dactylis, cum syllaba in fine residua. Hujus generis versus novem una serie occurrunt Alcest. p. 584. b.

O Pelie mihi nata, vale, & seqq.

XI. Trochaicus Alcmanius dimeter acatalectus, de quo supra cap. I. gen. XIX. dictum. Eo utitur quinquies Alcest. p. 580. a. Trochaico dimetro catalecto alternis subjuncto,

*Certa res est, certa, amici,
Sed precemur numina. &c.*

XII. Trochaicus dimeter catalectus, qualis est tertius quisque versus gen. XIX. cap. I. Eo utitur alternatim cum Trochaico dimetro acatalecto (ut modo diximus) p. 580. a. interdum solo, ut quater aut quinquies ibid. quindecies Alcest. pag. 588. a.

Limpidum propter lacum. & seqq.
duobus Glyconiis interjectis, aliisque utrinque stipantibus. Item ter p. 595. a.

Calamitatem lugubrem. 2 &c.
Et p. 595. b. duodecies,
Qui beatos dicerent. &c.

XIII. Anapæsticus ternarius, constans tribus pedibus, quorum singulos (ad modum aliorum Anapæsticorum) Anapæstus vel Spondæus vel Dactylus promiscue obtinet. Hi in choris, Anapæsticis quaternariis, interim singuli, interim bini, nonnun-

quam & terni, interspersi occurrunt, veluti Med. p. 542. b.

Socium lugendo tori.
p. 548. b. *Phœbus paria audisset.*
p. 549. a. *Sed Regina potentior* 3
p. 557. b. *Et sancta Deum soboles. &
Fama novem peperisse
Narrat flavam Harmonien.*

duo item p. 561. duo p. 563. In Alcest. autem p. 580. tres; p. 594. b. unus.

XIV. Dactylicus trimeter acatalectus, constans tribus Dactylis, vel ultimo Amphimacro, quales, quod sciam, tres tantum, & in Alcest. p. 597. a. b. Pherecratiis & Glyconiis singuli interjecti occurrunt.

*Mors etiam notha pignora. &
Aggre quæ tumuli premunt. &
Hæc moriendo viri sui.*

Duo autem reperiuntur p. 563. b. quibus primum secundumque pedem facit Spondæus,

Mecum sæpe exactius.

Sum conata expendere, ac.

XV. Anapæsticus monometer, seu binarius, constans duobus pedibus, quorum alteruter vel Anapæstus sit, vel Spondæus, vel Dactylus. Is nunquam nisi semel uno in loco, & raro quidem occurrit, idque post multos Anapæsticos quaternarios (unde & basis Anapæstica nuncupatur,) quemadmodum Adonius (cum quo interdum confunditur) multorum Sapphicorum agmen claudit: unus p. 541. b. duo 543. a. unus

P. 547.

1 Vid. Notam ad hujus class. gen. I V.

2 In hoc versu Tribrachys primam obtinet sedem: in sequente prima in lacryma obmutam & liquidam producitur.

3 Notandum Anapæsticos hosce Glyconios nonnunquam evadere, ut,

Sed Regina potentior;
interdum & cum Pherecratiis coincidere, ut
Sponsa ornabitur Orco.
Nos tamen ejusmodi versus eorum numero habuimus cum quibus proxime conjuncti sunt.

p. 547. b. unus p. 549. a. unus p. 580.
a. unus p. 585. a.

XVI. Iambicus dimeter brachycatalectus, in quo tres sedes; quarum secundam Iambus vel Tribrachys, primam & tertiam Spondæus quoque, ejusque dissolutiones, Anapæstus vel Dactylus occupare possunt, cujus generis duos tantum versus reperio p. 567. a.

In liberos verterit. &

Ducunt originem.

XVII. Adonius dimeter, de quo hoc cap. class. I. gen. VII. & XV. ac cap. I. gen. V.

C A P. I I I.

Animadversiones quædam de Metris a Buchananano usitatis, deque syllabarum quarundam quantitate, &c.

ABSOLUTA superioribus capitibus (quantum in nobis est) metrorum omnium, quæ apud Buchananum occurrunt, expositione; superest demum, ut de metris ipsius in genere, aliisque ad rem metricam spectantibus, animadversiones quasdam hic in calce subnectamus.

§. I. 1. Nullam adhibuit Buchananus carminis speciem, nisi quam exemplo prævit aliquis antiquorum Poëtarum Latinorum, vel Classicus, vel Classicis proximus, inter quos Prudentium, Ausonium & Boëtium numeramus: id quod sequente Diagrammate perspicuum reddemus, in quo omnes apud Buchananum occurrentes versuum species, auctoresque quos in quibusque est imitatus, uno quasi conspectu exhibentur.

Versuum species a Buchananano usitate.

Metrorum genera in quibus occurrunt.

Poëta veteres quos Buchananus imitatur.

I. Heroicus hexameter.

1, 2, 4, 9, 20, 21, 22. 28, 29. cap. I. & 1, 2, 7, 8. cap. II. class. I.

Virgilius, Lucretius, Horatius, Ovidius, &c.

II. Pentameter Elegiacus.

18, 22. cap. I. & 2. cap. II. class. I.

Catullus, Tibullus, Propertius, Ovidius, &c.

III. Sapphicus pentameter.

5, 7, 17, cap. I. 12. cap. II. class. I. & 7. class. II.

Catullus, Horatius, Statius, Prudentius, Boëtius, Seneca.

IV. Phaleucius hendecasyllabus.

3, cap. II. class. I.

Catullus, Statius, Martialis, Prudentius, Ausonius, Boëtius.

V. Iambicus trimeter acatalectus.

2, 3, 14, 18. cap. I. 4, 6, 8. cap. II. class. I. & 1. class. II.

Catullus, Horatius, Martialis, Prudentius, Ausonius, Boëtius.

VI. Iambicus dimeter acatalectus.	3, 7, 10, 21, 23, 28, 29. cap. I. 5, 7, cap. II. class. I. & 5. class. II.	Iidem.
VII. Iambicus fenarius Scazon acatalectus.	14. cap. II. class. I.	Catullus, Persius, Martialis.
VIII. Iambicus Anacreontius dimeter catal.	27. cap. I. 10. cap. II. class. I. & 9. class. II.	Prudentius.
IX. Iambicus Archilochius dimeter hypercatal.	6. cap. I & 9. cap. II. class. I.	Horatius.
X. Iambicus Archilochius trimeter catal.	13. cap. II. class. I.	Horatius.
XI. Iambicus dimeter brachycatal.	16. cap. II. class. II.	Seneca.
XII. Choriambicus Glyconius trimeter.	8, 11, 12, 13, 17. 26. cap. I. & 4. cap. II. class. II.	Catullus, Horatius, Seneca, Prudentius, Boëtius.
XIII. Choriambicus Asclepiadeus tetrameter.	8, 11, 12, 13, 16. cap. I. & 3. cap. II. class. II.	Horatius, Prudentius, Boëtius.
XIV. Choriambicus Alcaicus pentameter.	12. cap. I.	Catullus, Horatius, Prudentius.
XV. Trochaicus octonarius catal.	24. cap. I.	Prudentius, Seneca, &c.
XVI. Trochaicus Alcmanius dimeter acatal.	19. cap. I. & 11. cap. II. class. II.	Seneca.
XVII. Trochaicus Euripidæus dimeter catal.	19, 23. cap. I. & 12. cap. II. class. II.	Iidem.
XVIII. Anapæsticus Pindaricus quaternarius acatalectus.	25. cap. I. 11. cap. II. class. I. & 2. class. II.	Seneca, Boëtius.

XIX. Anapæsticus Partheniacus quaternarius catalectus.	20. cap. I.	Boëtius.
XX. Anapæsticus ternarius acatalectus.	13. cap. II. class. II.	Seneca.
XXI. Anapæsticus binarius acatal.	15. cap. II. class. II.	Idem.
XXII. Dactylicus Alcmanius tetrameter acatal.	4. cap. I.	Horatius, Boëtius.
XXIII. Dact. Alcmanius tetram. acatal alter.	8. cap. II. class. II.	Seneca.
XXIV. Dactylicus Alcaicus tetrameter acatalectus, semi-Iambicus.	6, 15. cap. I. & 9. cap. II. class. I.	Horatius, Statius, Prudentius.
XXV. Dactylicus Alcaicus tetram. acatal. semi-Trochaicus.	6, cap. I. & 9. cap. II. class. I.	Horatius.
XXVI. Dactyl. Pherecratius, trimeter acatal.	8. 26. cap. I. & 6. cap. II. class. II.	Horatius, Boëtius.
XXVII. Dactylicus Alcmanius trimeter hypercatal.	10. cap. II. class. II.	Virgilius.
XXVIII. Dactylicus trimeter acatalectus.	14. cap. II. class. II.	Seneca.
XXIX. Adonius dimeter acatalectus.	5. cap. I. 12. cap. II. class. I. & 17. class. II.	Catullus, Horatius, Statius, Boëtius, Seneca.
XXX. Dactylicus Archilochius dimeter hypercatalectus.	9, 28, 29. cap. I.	Virgilius, Horatius.

2. Quam:

2. Quamvis autem Buchananus (ut ex præcedente hoc schemate palam est) nullas novas versuum species excogitaverit, in eorum tamen variis combinationibus non adeo fuit religiosus antiquorum imitator: quinque enim occurrunt apud eum metrorum genera, ex diversis carminum speciebus conflata, quorum nullum inter præfatos Latinos superest exemplum, *videl.*

1. Sapphicus cum Iambico dimetro. *Pfal.* 8.

2. Duo Troch. acatalecti, cum Troch. catal. *Pfal.* 66.

3. Hexam. heroicus cum Anapæst. Parthen. *Pfal.* 68.

4. Troch. dimet. acatal. cum Iamb. dimetro. *Pfal.* 100.

5. Hexameter heroicus cum Archil. dimet. hypercat. & Iambico dimetro. *Pfal.* 145.

Neque libertas hæc Poëtica Buchananano aut cuiquam vitio vertenda est: quamvis enim ambigi possit, an ullæ apud Horatium occurrant variorum carminum *Συζυγίαι*: nisi quas a Græcis sit mutuatus, nemo tamen id ei licuisse negaverit: Boëtius certe tot non modo versuum conjugationes, sed & versuum genera exhibuit, qualium apud vetustioris ævi Poëtas, qui ad nostram ætatem perennarunt, nullum quidem exstat vestigium, ut bonam eorum partem vel ipse primus excogitasse, vel novo atque inusitato ordine non sine affectatione copulasse a doctis existimetur. Multam etiam hac in re recentiores, & Buchanani fere æquales Poëtæ sibi indulgere licentiam, Beza, Scaliger, Buchnerus, & in primis Paulus Melissus, &c. Cæterum Buchananus Horatium Lyricorum principem exemplar sibi præ-

cipuum proposuit; post hunc vero Prudentium & Boëtium Poëtarum Christianorum Coryphæos: interdum tamen, ne servilis prorsus imitator videri posset, ingenio suo, licet rarius, servivit.

3. In Tragœdiis sacris gravissimus est, camque ob causam multo rarius quam Seneca metri genera commutat: præterea quocunque carminis genere quis scenam loquens ingreditur, eodem fere semper eam relinquit.

4. In Tragœdiis e Græcis conversis, Euripidis non sententiam tantum, sed & carminis genus ut plurimum est secutus: adeoque, ut in illo, ita & in Buchananano Iambici in dramatis actione, Anapæstici in choris fere dominantur; quomodo & in Euripide fabulæ distinguuntur: Buchananus tamen ab hac lege nonnunquam discedit, Sapphicis, Glyconiis, aliisque in aliorum ab Euripide usitatorum carminum vicem surrogatis.

6. II. Reliquum est ut Poëticas, quas vocant, licentias, aliaque ad rem metricam spectantia, sive a viris doctis, sive a nobismetipsis observata, excutiamus. Omnis autem licentia metrica, vel in syllabarum quantitate immutata, vel elisionum neglectu, vel pedum alienorum, vel alieno loco positorum usu, vel denique in crasibus diæresibusque inusitatis consistit. Ex his quædam superius attigimus, reliqua huc tanquam in commodiorem locum rejicere visum est: in quibus quæ Poëtarum veterum exemplis suffulta, quæ auctoritate destituta, quæque demum incerta atque ambigua videntur, suo ordine atque singulatim, quatenus ea nobis indagare licuit, ostendemus.

1. Non dubitavit Buchananus vocabulorum quorundam Hebraicorum mensuram mutare: veluti primam in *Rabini*, altera B rejecta brevem facit; quemadmodum & secundam in *Isacus* & *Isacida*, contra quam Hebræis efferuntur. Sed hoc solenne Latinis ac in more positum fuisse dudum monstrarunt viri docti, qui in vocibus barbaris, præcipue propriis, non tantum ab ea, quam in primæva sua lingua habuerant, quantitate discesserunt, sed & primas sæpissime syllabas, & haud raro medias, ancipites fecerunt; quod permultis exemplis Butlerus ostendit 2 Rhet. libro.

2. Quidam existimant penultimam in *fortuitus* male produci Psal. 19.

Non fortuito res caducas.

Et Psal. 110.

E fortuitis dum fugam premet, sitim.

Et in Alcestide,

Dein fortuitos apparatus insolens.

Cum ea syllaba, inquit, a Juvenale corripitur, Sat. 13.

Non quasi fortuitus, nec ventorum rabie, sed.

Quibus (Vossii verbis) respondeo, invalidum hoc esse argumentum, cum dici possit secundam & tertiam in *fortuitus* contrahi κατὰ συνίτην, quomodo & Horatius dixit, lib. 1. Ep. 1.

Præcipue sanus nisi cum pituita molesta est.

Nam produci primam in *pituita* liquet ex illo Catulli,

Mucusque & mali pituita nasi.

Sane Plautus penultimam τῷ fortuitu liquido producit in illo Trochaico,

Si eam senex anum prægnantem fortuitu fecerit.

Apud Horatium quoque legere est lib. 2. Od. 15.

Nec fortuitum spernere cespitem.

Et apud Aufonium in ludo Sapientum est iste Trochaicus,

Non erunt honores unquam fortuiti muneris.

Imo tantum abest ut hic errarit noster, ut Janus Doufa in Præcidaneis ad Horatium lib. 2. cap. 16. τὸ I in huiusmodi male corripitur.

3. Primam in *profiteor* produxit Buchananus Psal. 62.

Id profitentem audivimus.

quæ Horatio semper corripitur. Art. 27.

Deficiunt animique: professus grandia turgit. &

Inceptis gravibus plerumque & magna professis.

Et Epist. lib. 1. 18.

Scurrantis speciem præbere, professus amicum.

Item Ovidio, Statio, & ipsi quidem Buchan. versu immediate præcedente. Ennius tamen producit illo versu apud Nonium,

Te ipsum hoc oportet profiteri & proloqui.

Et Juvencus,

Professi rapiunt alieno nomine prædant.

Et pari ratione prima in *professio* Aratori longa est,

Æterni, scitote, Dei professio vera.

Eamque ob causam ea syllaba Poëtices Giesßenæ auctoribus anceps statuitur.

4. Ultima in adverbii hisce subito, denuo, imo, assiduo, nostro correpta leguntur. Psal. 69. str. 20.

Supplex opem orat: subito miserum subleva.

Psal. 104.

In cinerem, inspirante animam te denuo, surgit.

Bapt.

Bapt. p. 222. b.

Brevi peribit, imo perit, imo periit.

Alcest. p. 598. b.

Qui poterit inter assiduo juvenes agens.

Quod ad primum spectat, alibi nusquam nisi productum illud reperio. Ob adverbium autem *denuo* in fine correptum acriter in Buchananum invehitur Eglisemmius; at non impune tulisse passus est egregius Buchananus vindex, atque harum rerum iudex peritissimus, Gul. Barclajus: & quoniam ad Grammaticos Eglisemmius provocarat, adducit ille ex antiquis Victorinum, qui vocem *denuo* Dactylum esse diserte affirmat. Sedulius etiam minime spernendus auctor, qui floruit circa annum 430, ultimam corripit, illo versu,

Vox domini superexstat aquas, vox denuo verbum.

Imo autem Martialis corripit lib. 1. Epig. 86.

Vendere: nil debet, sœnerat imo magis.

Quod ad quartum attinet, puta *assiduo*, nusquam illud adverbialiter aut in soluta aut ligata oratione invenio, uno Plauto excepto, apud quem occurrit tribus tantum in locis, in quibus ipsius quantitas nequit dignosci. Existiment forte nonnulli Anapæstum in versu allato quarta sede esse positum, quem a Buchananano nonnunquam admissum monstravimus, p. 625. Ego vero ultimam in *assiduo* correptam, adeoque & Tribrachym potius arbitror; cum, si Anapæstum eo loco adhibere voluisset, in promptu ipsi fuerat adverbium *assidue*, ab aliis omnibus (ut diximus) præter unum Plautum, usitatum. Atque, ut libere dicam quid sentiam, videtur mihi Bucha-

nanus existimasse, (renitentibus licet Grammaticorum filiis) in hisce atque similibus adverbis ab ablativis secundæ deductis, ultimam semper syllabam communem esse, hoc est, aliquando (licet rarius) corripi posse. Et sane quod id sibi fas esse veteres crediderint, fidem fore facit permagna quæ in ejusmodi vocabulis apud eos occurrit inconstantia. *Modo* apud Victorinum longum legitur, sed apud Horatium aliosque breve. *Imo* Martialis corripit, *Quinimo* Prudentius; Victorinus producit. *Cito* Horatius corripit, Syrus Mimis producit. *Quomodo* Catullus producit, Martialis corripit & Horatius. *Sero* a Tibullo producit, a Martiale & Juvenale corripitur. Terentiano Mauro breve est *profecto*. *Vero* Valerio Flacco & Ausonio breve, Virgilio longum. *Omnino* Virgilius producit, Prosper corripit. Eadem videtur *gerundiorum* ratio, quæ a Virgilio fere producuntur, sed ab aliis Poëtis communiter usurpantur.

5. Mediam in *præstolor* Buchananus corripit Psal. 27.

Vite beatæ præstolor.

quæ tamen Grammaticorum vulgo producit, quod etiam a Valla factum est in translatione oraculi apud Herodotum in 7.

Terrenasque acies ne præstolare, sed hosti.

Horum, præcipue Despauterii, auctoritate fretus Taubmannus Buchananam corripientem reprehendit: sed a Buchananis partibus itant Becmannus, Vossius & Cellarius, qui analogia & origine vocis adducti mediam statuunt brevem: *præstolor* enim est a diminutivo *præstulus*, antique *præstolus*, quod a *præstus* nomine

mine obsoleto, unde *præsto* adhuc superest.

6. At huic normæ plane contrarium a Buchanano admissum est in voce *saluber*, cujus secundam invita analogia (a *salute* enim deducitur) correptam adhibuit, Psal. 99. str. 3. in illo Choriambico,

Nomen, qui salubri temperie modum.

Quod Vossio, Munckero aliisque displicet. Non tamen omni prorsus auctoritate distituitur Buchan. Helvius enim Cinna, qui ante Christum floruit, etiam corripuit illo versu,
Hoslica quod¹ salubrem cuspis haberet opem.

7. In illo versu Iambico Bapt. p. 229. a.

Cave lenitatis falsa species avocet.

ultimam verbi *cave* corripuit, quam ex Grammaticorum regulis, & probatissimorum auctorum usu, istiusmodi secundæ conjugationis imperativi postremam syllabam habeant productam: & nominatim ipsa hæc vox producitur a Lucretio lib. 2. ver. 754.

Proinde colore cave contingas semina rerum.

Horat. lib. 1. Ep. 6. ver. 32.

Lucum ligna? cave ne portus occupet alter.

Et Epod. 6.

Cave, cave: namque in malos asperrimus.

Ovid. lib. Met. 2. fab. 1.

Nate cave, dum resque finit tua corrige vota.

Stat. Theb. 11. ver. 111.

Prævaleat, plebesque, cave, Lernæa moretur.

Et Claudian. 4. Con. Hon. v. 332.

Obsidio, tum vota cave secura remittas.

¹ *Præsto*] [Vid. & Martini Lexicon Etym. in hoc verbo.]

Et ipse Buch. in Franc.

Ergo cave ne te falso sub nomine mendax.

Tuetur tamen Buchan. ejusdem Horatii auctoritas qui corripuit Epist. I. 13.

Vade, vale, cave ne titubes mandataque frangas.

Et Sat. II. 3. ver. 38.

Me capite in flumen: dexter stetit, & cave fasis.

Et ibid. ver. 177.

Tu cave ne minuas, tu ne majus facias id.

Et Sat. II. 5. ver. 75.

Laudato. Scortator erit? Cave te roget: ultro.

Et Ovid. 1. Trist. Eleg. 1.

Tu cave defendas, quamvis mordeberis dictis.

Et lib. de Ponto 3. Eleg. 1.

Huic cave degeneres: ut sint præconia nostra.

Pari modo *vale* & *vide* ultimam syllabam nonnunquam habent correptam. Cujus rei hanc reddit Vossius rationem, quod multa verba secundæ olim fuerant & tertiæ.

8. Primam in *denique* corripere videtur Buch. p. 229. a.

Regina denique gravius a quo irascitur.

si nempe ita metiamur versum,
Regi l na deni l que gravi l us æ l qu i ra l scitur.

cum Tribrahi in secunda regione: cujus tamen syllabæ correptæ nulum, quod sciam, apud probatæ classis Poëtam exstat exemplum: ne igitur syllabæ dimensionis vis inferatur, ita potius carmen existimo mensurandum,

Regi l na de l nique gra l vius æ l qu i ra l scitur.

Cum

² *Salubrem*] [Vide Pincier. Parerg. lib. III. cap. 19.]

Cum Anapæsto in quarta sede, firmatur lib. 7. Epig. 86.
quem pedem interdum eo loco admisisse Buch. alibi docuimus: aut forte dici possit *gravius* hic dissyllabum esse per *επιζήσιον*.

9. In illo versu Bapt. p. 240. b.

*Ecquid animo æquo fers dignitatem
tuam.*

primam in *dignitatem* corripuit: secus enim in metri legem peccaverit, si Spondaum eo in loco (quarta nimirum sede) adhibuisse illum dicamus. Verum (quamvis forte prima in hac voce nusquam brevis reperiatur) non tamen desunt exempla, in quibus syllabæ, quas muta aliqua cum liquida M aut N (nam cum L & R innumera occurrunt) continue consequantur, breves inveniuntur, veluti Horat.

Donatura cyeni si libeat sonum.

& Petron.

Atque urbana Progne —

Ne quid tamen dissimulem, Princeps Grammaticorum Vossius vocalem ante mutam & liquidam N in vocibus Græcæ originis duntaxat ancipitem poni contendit.

10. Idem quoque de *Publicanus* dicendum, cujus primam corripuit Frat. p. 283. b.

Publicanus esse non recuset. Pausurum, quanquam a nemine alio id factum legamus: neque enim obstat vocis origo, a *populo* enim deducitur, cujus prima est brevis.

11. Quod itidem primam in *ichneumon* corripit, Franc. p. 262.

*Semper erit tardus, lea serva, dolosus
ichneumon,*

non tantum pari ratione nititur, sed etiam Martialis auctoritate con-

*Delectat Marium si perniciosus
ichneumon.*

12. Quidam forte existimaverint ult. in *ergo* male corripit a Buch. Franc. p. 259.

*Ergo cave ne te falso sub nomine
mendax.*

quam absque ulla distinctione Marius Victorinus, eumque sequutus Novæ Methodi auctor, semper produci affirmant. Fateor equidem cum pro *caussa* accipitur, nusquam nisi longam inveniri; & etiam quando pro *εἶ*, seu *igitur*, sumitur, a Lucretio, Virgilio, Horatio, Tibullo, Manilio semper produci: at non desunt exempla quamplurima quibus correpta reperiatur: & in genere Martialis eam semper corripit, Statius ubique nisi uno in loco; & nominatim

Ovid. Ep. OEn.

Votis ergo meis alii rediture redisti.

Claud. Epist. ad Olyb.

*Despicis ergo tuum, si fas est credere,
vatem.*

Et Juven. Sat. 1.

*Impune ergo mihi recitaverit ille
togatos.*

13. Secundam in *parricidis* producit Buchananus Franc. p. 262.

De parricidis, de furibus atque cinædis. contra Grammaticorum regulas & Horatii auctoritatem lib. 3. Od. 29.

Telegoni iuga parricide.

Non tamen exemplo prorsus caruit noster, ante enim Aufonius produxerat, tetrasticho de Severo Imp.

Ut parricide regna adimat Didio.

quod & clarissimus Vossius, si non tueretur, saltem excusat, Art. Gram. lib. 2. cap. 20.

L l l l 3;

14. Ul-

14. Ultimum vocis *Eia* producendam statuit Probus, atque ita usus est Sidonius: corripuit tamen Buchanan. Psal. 147. ter.

Eia Deum laudate, Deo date carmina digna. &

Eia Deum cantate, Deo persolvite grates. &

Eia Dei laudes Solymæ pangite turre. ad imitationem Valerii Flacci Argon. lib. 8. ver. 100.

— *Eia per ipsum*

Scande —

quod & tutius Vossius censet.

15. Penultimam nominis *locuples* non dubitavit Buchan. longam efferre, eo quod sequantur muta cum liquida, in Bapt. p. 250. a.

Et locupletis Solomonis arces.

Neque obstat quod Vossius in fine hexametri se illam vocem usurpaturum negat, lib. 2. cap. 15. ob insolitum, ut videtur, atque auribus ingratum sonum, qui hic neutiquam locum habet: Horatius enim eam syllabam protractam extulit Car. II. 18.

Parum locuples continenti ripa.

16. Ultimam adverbii *uti* corripuit in Medea p. 547. a.

Adhuc molesta, mulier, eris, uti video.

Et p. 549 a.

Minime facessunt: perge, uti facis, dicere.

Et pag. 552. b.

Cupidinem uxoris: sed (uti dixi prius) cujus sane nullum reperio exemplum. Virg. certe producit Æn. 1.

Namque canebat uti bellantes Pergama circum.

Horat. item lib. 1. Od. 15.

Quem tu cervus uti vallis in altera.

Et ipse, Med. p. 552. b.

Meis uti de stirpe fratres regia.

Et p. 568. b.

Illos peremptos, hanc uti pœnam exigam.

Et Psal. 80. v. 1.

Hebræi generis pastor uti gregem.

Buchananus tamen non nusquam correptam legisse videtur, unde & in Profodia sua communem ponit, nisi forte eum decepit compositum *sicuti*, cujus ultimam Lucretius corripit lib. 2. ver. 536.

Sicuti quadrupedem cum primis esse videmus.

17. Buchanano vitio datur a Cl. Vossio quod primam in *citimus* produxerit lib. 2. Sphæræ

— *Quæ citima fulgent,*

Sidera —

& pari modo etiam in *citerior*, Ibid.

Et quo citerior quisque, magis impetus illum.

quam syllabam Fulgentius in Astro-nomicis corripit,

Qua citimus limes discescit turbida puris.

Quin & ipse Buchan. primam in *citroque* facit brevem,

Ultro citroque verba commutaveris.

Sed cum ex nullo idoneo auctore dignosci queat quantitas præpositionis *cis*, unde *citimus* & *citerior* sunt deducta; Fulgentiusque ille, & ipse non satis certæ ætatis, nec probatæ fidei scriptor, nec forte Buchanano nisi post scriptos de Sphæra libros unquam conspectus, primumque, quod sciam, in Jos. Scaligeri Append.

1 De hujus auctoris nomine & ætate disputantes videfis Turnebum Advers. lib. XIX.

cap. 3. Salmaf. Exerc. Plin. in Solini Polyhistora p. 796. edit. Traj. ad Rhenum. 1689.

pend. Virgilii Anno 1573. prodierit: cumque denique primam in *citra* & *citro* ejusdem originis vocabulis a Lucretio Horatioque productam inveniret; danda est tanto Poëtæ venia, si idonea auctoritate destitutus, eam huic syllabæ, quæ terfissimis ipsius auribus potissima est visa, quantitatem tribuerit.

18. Quidam forte opinentur primam in *totus* male corripit lib. V. Sphæræ,

Tum quota pars Lunæ Solis subtenditur orbi,

Pars ferruginea latitat tota Solis in umbra.

eo quod Aldus Manutius in sua Grammatica, & eo longe antiquior Cleodnius Constantinopolitanus, primam & *totus* a *tot* contra primogenii modulum produci affirmant: at illis imposuisse videtur, quod *totus*, pro *integro*, priorem habeat longam; quam vocem non a *tot*, sed a Græco τὸ ὅλον Vossius deducit. *Totus* certe a *tot*, sive redditivum & *quotus*, originariam suam servare mensuram aperte indicat Manilius lib. 3. ver. 4+7.

Detrahatur summæ tota pars, quota demitur inde.

Et Lucretius lib. 6. ver. 652.

Nec tota pars homo terræ, quota totius unus.

quam e membranis suis depromptam lectionem magnus Vossius ut elegantissimam verissimamque tueretur, tametsi impressi fere omnes libri exhibeant,

Et quota pars homo terræ sit totius unus.

19. Inscitiam suam produnt, qui Buchananum Iambicorum leges turbasse somniant, versu 2. Psal. 110.

Affide dexteram ad meam.

tanquam prima sede Trochæum, secundaque Spondæum collocasset, quod utrumque Iambici ex æquo respuunt; non animadvertentes penultimam & *affide* hic longam enunciari, utpote quod non ab *affideo* secundæ, sed ab *affido* tertiæ conjugationis deducatur: hoc vero eodem significatu quo illud usurpari, testes sunt satis locupletes, Terent. Heaut.

Affido, accurrunt servi, foccos detrahunt.

Cic. 1. Acad.

Et simul assidamus, inquam, si videtur.

Plaut. Aul.

In ara hic assidam sacra.

20. Synalœpham nusquam a Buchananano neglectam reperio, nisi forte in illo Anapæstico Med. 561. a.

Acceptum capiti imponet.

qui sic mensurandus videtur,

Accep l tum capi l ti im l ponet.

ad exemplum Senecæ in Troad.

Contenta sono, Hecora flemus.

Et Ibid.

Canuit Ide, Ide nostris.

[quemadmodum libri antiquiores Buchananano conspecti exhibent;] nisi fortassis sit Anapæsticus dimeter, aut Dactylicus quaternarius catalectus, aut Glyconius cum Trochæo in fine vice Pyrrhichii.

21. Quod ad illud attinet Med. p. 561. b. *Æ, æ*; Euripidi ipsi *Αἰ, αἰ*, vix vocis articulatae, nedum verus nomine censendum est.

22. Syllabam brevem ob cæsuram productam reperio lib. 2. de Sphæra, p. 453.

Ambitus æqualis omni quæ parte coërcet.

idem alibi observavit Ad. Regius. Sed cum ejusmodi exempla apud optimos Poëtas crebra occurrant, non est quod omnibus quæ apud Bucha-

nanum

nanum reperiuntur recensendis im-
moremur.

23. Atque eam ob causam, quam-
vis in illis versibus Psal. 9.

*Ut qua mole Sion crescit in æthera
Late conspicua, laudibus efferam
Te —*

conspicua jungi possit cum *mole*, at-
que adeo ablativi casus esse; mihi
tamen concinnius, & Latini sermo-
nis genio accommodatius videtur ad
rō *Sion* referri, atque adeo in nomi-
nandi casu esse positum: exemplo
autem præiverat eodem carminis ge-
nere Horat. Car. I. 13.

Certa fide manet, humor & in genas.

Et III. 16.

Quam si quicquid arat impiger Annibal.

Ita I. 3.

Perrupit Acheronta Hercules labor.

Et hoc Alcæico, Car. II. 13.

Cæca timet aliunde fata.

24. De *pedibus alienis* partim su-
pra egimus, in carmine scil. Sapphi-
co, in cujus secunda sede nonnun-
quam adhibuit Trochæum, veluti

Mox humi comis jacet arefactis.

Cui addantur alii duo versus, unus
Jeph. chor. 1. p. 185. b.

Nec tibi Syrus, neque dirus Ammon.

Alter Bapt. p. 250. b.

Numinis favor spatium relictis.

25. Item in Glyconio, cujus pri-

mam regionem Trochæum etiam oc-
cupasse in genere XXVI. cap. I. &
IV. class. II. cap. II. annotavimus.

26. Ibid. etiam in genere I. obser-
vavimus Anapæstum quandoque, li-
cet rarissime, in 4ta carminis Iam-
bici senarii sede collocatum.

27. In illo autem versu Bapt. p.
221. a.

Rex Antipatri Semiarabis pronepos.
mendum irreplisse videtur, non so-
lum quod ea ratione Trochæus, qui
omnium suffragio a carmine Iambi-
co debet exulare, quintam sedem
obtinebit, sed etiam quod veritati
historicæ pugnet, Herodes enim ille
filius erat Herodis Ascalonitæ filii
Antipatri Idumæi: adeoque legen-
dum *nepos* non *pronepos*, versulque
sic metiendus,

Rex Antipatri Selmiarabis nepos.
Neque tamen existimes quantum
locum occupare Pyrrhichium, eo
quod prima in *Arabs* Poëtis sit
brevis: Buchananus enim hic,
contra primitivæ vocis normam,
tertiam in *Semiarabis* produxit: ne-
que id ei magis vitio verten-
dum, quam Pœtarum principibus,
qui vocabulis usuri, quæ aliter ægre
admodum, aut non omnino, istud
carminis quo scribebant genus ingre-
di potuerant, quo facilius ista versi-
bus

1 Vid. supra cap. I. gen. V. ubi Senecam
majore licentia Dactylum secundo loco vice
Spondæi posuisse ostendimus. Idem quoque
Iambum secundum adhibuit Agam. ver. 854.

Eugitque in auras levioris ramo.

Et OEdip. 714.

Lavitque Dirce Tyrios colonos.

Imo Dactylum admisit primo loco, Agam.
631.

Et licuit versare dolos, ut ipsi

Fraude sua capti caderent Pelasgi.

Anapæstum etiam primo, & Iambum secun-

do loco, Agam. 836.

Venitque collo pereunte nasci. & 860.

Triplici catena, tacuit, nec ullo.

& Choriambum primo, Agam. 650.

Servitium contemptor levium Decrum.

denique inverso ordine Spondæum prima;
Trochæum secunda sede collocavit, Ibid.
615.

Quam non Pelei Thetidosque natus.

nisi forte voces sint trajectæ, legendumque,

Pelei quam non Thetidosque natus.

bus suis possent accommodare, a primogeniorum quantitate discedere non dubitarunt, & præcipue in nominibus propriis, quorum (ut supra animadvertimus) ne originaria quidem satis certa fuerat & legibus definita syllabarum mensura. Ita prima in *Priamides* & *Italia* summis Poëtis semper longa est, quæ tamen in *Priamus* & *Italus* semper est brevis. Sic prima in *Apulus* semper est longa, in *Apulia* anceps; secunda in priori semper brevis, in posteriori semper longa. Sic quoque Ausonius secundam in *Regifugium* metri necessitate coactus produxit, & secundam itidem in *parricida* Ausonium sequutus Buchananus ob eandem, ut videtur, rationem, fecit longam; & quod Buchananum vel omni culpæ suspitione eximit, Propertius, ob eandem causam, primam in *Arabia* & *Arabius* semper producit, lib. II. El. 10. ver. 16.

Et domus intacta te tremit Arabia.

Et lib. I. 14, 19.

Illa neque Arabium metuit transcendere limen.

Et lib. II. 3, 15.

Nec si qua Arabio lucet bombyce puella.

28. Porro, ut de *Crasibus* & *Dieresisibus* apud Buchananum occurrentibus aliquid adjiciam; (omissis quæ optimis omni ævo Poëtis in frequentissimo fuere usu, quæque nemini in re metrica paullulum versato ignota esse possunt;) quædam sunt quas rarissime ab aliis usurpatas reperio. Istius generis crasibus (sive Episypha aut Synereses mavis appellare) referri possunt *eo, eam, eum*, &c. in unam syllabam contracta, quorumque exempla superius adduxi-

Tom. II.

mus pag. 624. Et quamvis iis in locis concedamus Anapæstum quartam Iambici senarii sedem obtinere, adeoque voces eas dissyllabas esse, in illo autem Iambico, Bapt. 223. b.

Eos erudit cuncta spiritus Dei.

Eos necesse est monosyllabum esse, nisi vel prima regione Bacchium, vel secunda Amphimacrum collocare velimus, quorum neuter in Iambico locum habere potest. Primam in vocibus istis literam a Comicis nonnunquam absorptam non ignoro; id autem a Tragicis aliisve fæditatum nusquam reperio. Huc etiam spectat *tua* monosyllabum Psal. 37.

Tua faciet ut sit æquitas.

(nisi Proceleusmaticus primo loco adhibeatur, cujus in trimetris rarissimum, in dimetris nullum exemplum invenio.) Comici quidem *tua, sua*, &c. per unam syllabam efferunt, nulli autem quod sciam alii: In illo enim Sapphico Senecæ Agam. ver. 632.

Fraude sua capti caderent Pelasgi.

Dactylus primam sedem tenere videtur, ut in versu immediate præeunte,

Et licuit versare dolos, ut ipsi.

Vid. supra Notam ad n. 24. Quod ad illum Maronis versum spectat, Eclog. VII. ver. 54.

Strata jacent passim sua quæque sub arbore poma.

Vossius quidem uno in loco, libro scil. 2. cap. 14. *sua* esse ablativum structuram indicare, eundemque quem prima in *suavis* dissyllabo sonum habere affirmat: lib. vero 6. cap. 7. sibi aperte contradicit, Canterumque ita dicentem damnat. Nam (ipsius citaverba) *ut alibi diximus*, *sua hic omni-*

M m m m

113

no nominandi casu prolatum. Ubi-
nam id alibi dixerit non reperio,
plane contrarium dixisse modo indi-
cavi: sed δευτέραι φροντίδες σοφώτε-
ραι, cum posteriore enim Vossii sen-
tentia consentiunt summi in Vir-
gilium Commentatores, quanquam
in priore opinione fuisse Buchana-
num haud ægre crediderim.

29. Huc etiam referri potest *vie-*
tus, in illo versu Silv. 3. p. 330.

Quantum ver hyemem, vietum puer
integer ævi.

quod potius dissyllabicās enunciarī
malim per synezesin, quam per tres
syllabas, quarum adeo mediam cor-
ripi postulare carminis lex. A ver-
bo enim parum usitato *vieo* secundæ
conjugationis descendit; participia
autem ab ejusmodi verbis in *etus*
exeuntia penultima producta semper
leguntur, quemadmodum & hoc
ipsum apud Lucretium 3. 386.

Nec supra caput ejusdem cecidisse
vietam

Vestem —

utcunque vero se res habeat, Bu-
chananum tuetur Horatii Epod. 12.
auctoritas,

Quis sudor vietis, & quam malus un-
dique membris.

30. Eadem fere ratione absorberi
videtur diphthongus in *præoccupans*
in initio Alcestidis,

Leti imminentis, præoccupans Parcas
dolo.

eodem prorsus modo, quo *coperuisse*
pro *cooperuisse* apud Lucretium, *ve-*
mens pro *vehemens* apud Catullum &
Horatium, *conesto* pro *cobonesto* apud
Attium legimus.

31. *Synæresi* contraria est *Diæresis*,
cujus unicum reperio exemplum quod

alibi nusquam observaverim, vocem
scil. *suavis* trissyllabam, & sæpius
forte quam oportuit, veluti Psal. 45.

Et myrrhæ passim lacrymæ, statæque
suavis.

Psal. 119.

Faucibus meis suavi melle suavioribus.

Et in Alcest.

Suave lumen hoc suave cernere.

Quanquam exemplo haud existimem
destitutum Buchananum, nisi forte
analogias jure idem sibi licere in hac
voce sit arbitratus, quod aliis in *sua-*
fit, suetus, &c. quæ trissyllaba non-
nunquam effertur.

§. IV. Atque hæc sunt quæ in
universis Buchananī operibus Poëti-
cis, quatenus scil. carminis ipsius ra-
tio structuraque spectatur, animad-
versione digna videbantur: super-
sunt adhuc loca aliquot in quibus
non Buchananī, sed librariorum &
typographorum vitio, metrorum le-
gibus vis illata est, veluti;

1. Psal. 59. ver. ult.

Tuetur ut arx ænea:

prout in 7 variis editionibus legitur,
4 scil. Steph. Plant. Arg. & Tho.
Vautrollerii, ubi in secunda sede vi-
cem Iambi occupat Pyrrhichius; le-
gendum igitur ut in aliis,

Tuetur arx ut ænea.

2. Psal. 69. ver. 43.

Tu testis probri mihi ignominieque
superbæ.

habent duæ Steph. duæ Plant. &
Argent. adeoque prima in *ignominie*
erit brevis, quod exemplo prorsus
caret: quamvis enim concurrat mu-
ta cum liquida, G & N, syllabam
autem exinde ancipitem tantummo-
do

do fieri in vocibus iis quas a Græcis accepimus censet magnus Vossius alique. In illo autem Ovidii versu, quem in contrarium adducunt nonnulli,

Debuit illius misereri, & ignoscere nobis.

in optimis sive scriptis sive impressis libris deest &, adeoque in posterioribus Psalmorum editionibus rectius legitur,

Tu testis mihi probri ignominiaque superba.

3. Eodem modo Psal. 86. ver. 4.

Nec iræ semper vindicis.

prout in 5 antiquis codicibus editum est, dimetrorum normæ repugnat: pro quo recte in posterioribus,

Nec semper iræ vindicis.

4. Similiter etiam in Psal. 87. circa finem, duæ Steph. una Plant. & Argent. habent,

Et nostra si quid vox audiendum sonet. pro,

Et nostra si quid audiendum vox sonet.

5. Psal. itidem 92. ver. 13. in iisdem libris legitur,

O opera! facta o vere magna! o sub cava. pro,

O opera! facta o magna vere! o sub cava.

In omnibus hisce locis turbatus est, typographorum vel exscriptorum culpa, vocum ordo, in editionibus antiquioribus, qui in recentioribus, ipsius ut videtur auctoris jussu, est restitutus.

6. Psal. autem 113. ver. 4. rectius se habent vetustiores libri, tres scil. Steph. uterque Plant. & Argent. in quibus legitur,

Ut seclorum in secula longi.

non *seclorum*, quemadmodum in nuperius impressis, aduersus legem Anapæsticorum.

7. Psal. vero 94. ver. 19. male exhibent editi antiquiores

Formavit orbis, ipse nihil videt? vagas.

Eo enim pacto Anapæstus 4tam Iambici sedem occupaverit, cujus nusquam toto Psalterio exstat exemplum: facili autem mutatione in posterioribus emendatur, nihil in nil converso.

8. Illa autem lectio duorum Steph. & Argent. Psal. 98. ver. 20.

Lætis tubis & clangoribus:

non modo carminis structuræ repugnat, sed & sensum ineptum reddit: editores sefellisse videtur diphthongus æ pro is: quippe si hoc egissent, nullo negotio se vera lectio prodebar,

Lætis tubæ & clangoribus. uti in recentioribus editum est.

9. Psal. 119. strophe 5. ver. 6. legendum,

Languidum exalta: face ut te timeat animus ac amet.

non *fac*, ut in editione postrema And. Hart, & Lond. 1686. *fac* enim docente Cl. Vossio semper produci-tur: iis enim locis quibus Despaute-rius, Gifanius, alique corripere existimabant, cum optimis MSS. *face* legendum. Et ita noster in Alcesti-de consentientibus omnibus libris,

Domini face isti sint domus: nec liberis.

10. In Jeph. cho. 1. ver. penult. legendum,

Ni fallit animus, advenit ab exercitu. non *venit* ut in una Steph. duabus Plant. editionibus.

M m m m 2

5. V.

§. V. Sed missis hisce, in quibus codicum unus semper aut alter lucem foeneratur, supersunt adhuc vitia versibus nonnullis illata, quæ uno quasi tenore libros omnes pervaserunt.

1. Ut supra notavimus § II. n. 22. in illo Jephth.

Rex Antipatri Semiarabis pronepos.

legendum *nepos*. Quanquam enim *pronepos* corripiat Sidonius; a nullo tamen purioris ævi Poëta id factum. Vide etiam ibi aliam istius lectionis causam.

2. Bapt. p. 225. a.

Et quando apud vos nil reperio præfidi.
non *præfidii*.

Et 3tio post versu,

Et tu monenti obtempera. Sed consili
non *consilii*, prout in omnibus libris habetur.

Silvarum tamen carmine 2.

Tu procul hinc steriles rupes colis immemor Agrii.

non sine causa *Agrii* videtur retinendum (quamvis Apocopen patiatur) ut ab *agri* distinguatur, quemadmodum perperam in Basil. editum est.

3. In Iambœn carmine penult. metrum postulat ut legamus,

Patiens adiri propius indomitum furit.

quamvis in omnibus libris *indomitumque* legatur.

4. Ob eandem etiam rationem Epig. lib. 2. 24. legendum,

Dat meritum duro cultus in exilio.

reclamantibus licet omnibus libris, in quibus adversus carminis legem

verborumque sensum *custos* legitur.
- 5. Libro itidem Epig. 3. Pomp. ult. pro.

Secreta Oreades nunc damus tenellos.
inter alia legendum esse

Secreta Oreades —

ostendit carminis genus, de quo supra actum est p. 623.

6. Item in Alceſtide p. 588. a. contra omnium librorum fidem legendum;

Famuli cadaver rite compostum ad rogam.

non *compositum*, quod hucusque in iis conspicitur.

7. Denique Med. p. 563. b. hoc Anapaesticum ita scribendum,

Primum ut honeste educant, vitæ-

non autem *educant*, prout habetur in omnibus libris. *Educo* enim tertriæ conjugationis penultimaque producta, eodem sensu sæpenumero accipitur quo *educo* primæ, penult. correpta, veluti, Terent. Eunuch.

Eduxit mater pro sua.

Liv. lib. 1.

Puerum a parvo eductum.

Juven. Sat. 10.

Quos genuit quos eduxit.

§. VI. Restant tandem versus quatuor quæ ad supra tradita carminum genera nequeunt reduci: unus occurrit Bapt. p. 245. b.

Quo cunctus ibit orbis serius ocyus.

Alter Alcest. p. 597. b.

Abdere quod ægre est: amici haberes me ut loco.

De quibus ut primum dicam, quamvis uterque in medio multorum Iambicorum sit positus, adeoque ad eorum genus referendus videatur:

deatur: in priore tamen pes quartus hoc pacto Palimbacchius evadet, qui nusquam in Iambico locum habet: in posteriore vero Amphimacer, pes in Iambicis non minus ignotus, tertiam sedem occupabit. Nulla autem alia hisce angustis nosmet, aut Buchananum potius, expediendi ratio restare videtur, quam ut dicamus versus hosce ejus esse generis quos veteres ἀσυνάεττοις appellarunt, i. e. ex diversis metris sibi met coagmentatis compositos: adeoque eorum primus duabus partibus constare videtur, quarum prior est Iambicus dimeter catalectus,

Quo cunctus ibit orbis.

qualis est ille Prudentii,

Ades pater supreme:

posterior vero est Dactylicus dimeter, seu duo Dactyli, quales sunt illi Senecæ, Agam.

Non acies feras. &

Cervaque Parrhasis.

sive postrema pars Dactylici Alcaici, ut in illo Horat.

Versatur urna, serius ocys.

cui si adimas penthemimerim Iambicam, restabit hoc hemistichium, quod ab Horatio Buchananus est mutuatus. In posteriore autem versu clarius se duorum carminum coa-

gmentatio ostendit: prior enim pars est Iambicus monometer brachycatalectus, nisi quod primo loco (jure Iambicorum) pro Iambo vel Spondeo habeat Dactylum;

Abdere l quod æ l gr' est.

Posterior autem pars est Iambicus dimeter acatalectus,

Ami l c'a be l res m'ut l loco.

Neque hæc carminum diverforum conjungendi ratio adeo mira videri debet; multa enim ejusmodi apud Senecam occurrentia dudum monstravit Geo. Fabricius, & Græcos iis cebro fuisse usos ostendit Hephæstion, Marius Victorinus & alii.

2. Tertius reperitur; Med. pag. 563. b.

Sit genuisse; anxietatibus.

quem, cum Anapæstici utrinque circumstant, eorum numero habere par est. Aut igitur Anapæsticus est quaternarius catalectus, cujus scil. pedi ultimo deest syllaba; aut legendum, ut acatalectus fiat,

Sit genuisse; atque anxietatibus.

3. Quartus denique Med. pag. 567. b.

Quæ deseruisti, angustas fauces.

videtur Anapæsticus quaternarius hypercatalectus, cujus nempe prima vel ultima syllaba redundat.

Rudimenta Grammatices
THOMÆ LINACRI,

Ex *Anglico* sermone in *Latinum* versa,

I N T E R P R E T E

GEORGIO BUCHANANO SCOTO.

I L L U S T R I S S I M Æ

M A R I Æ

Invictissimi *Angliæ Franciæque* Regis, ac Fidei Defensoris
 filiæ, *Cornubiæ & Walliæ* Principi,

THOMAS LINACRUS

Medicus, cum omni observantia, S. D.



Q U O M tibi, illustrissima Maria, datus ab invictissimo Rege patre tuo, pro tua sanitate tuenda, *sim comes, nec id ministerium obire per valetudinem licuerit: cogitavi tecum, quam alia ratione tibi esse usui potissimum possem.* Itaque cernens in te, præter indolem quandam ad omne virtutum genus, quæ eminere in muliere possunt, incredibilem, nunc quoque felicissimi ingenii tui ad studia literarum generosum impetum; hunc mihi quam maxime, pro meo virili, juvandum fovendumque censui, vel intermissi diu officii mei sarcienti, vel literatorum omnium causa: quibus ipsa in literis proficiens, maximo procul dubio futura es tum ornamento, tum adjumento. Accipies igitur ea vultus serenitate, qua reliqua soles, hæc Latinæ Linguæ Rudimenta: quæ alias Anglis tuis per me edita, nunc in summam quam potui redegei claritatem. Non potest (fateor) nisi rude esse munus, sicuti ipso nomine præ se fert. Sed si aptum tibi principium ad majora discenda erit, vel opportunitate sua, principii gratiam, quod, juxta proverbium, plus est quam dimidium, licet totam nec mereatur, nec speret: tamen nec ea in totum (ut spero) destituetur. Diu vivas Anglorum delicia, decus.

Summa

Summæ spei & indolis adolescenti

GILBERTO KENNEDO

COMITI CASSILISSÆ,

GEORGIUS BUCHANANUS

S. P. D.



UUM superiore anno tibi cursim & memoria confirmandæ causâ hac Linacri Rudimenta prælegerem, placuit mihi supra modum in eo viro, etiam in rebus minimis, citra curiositatem exactâ diligentia, & ordinis lux, quanta in tam confusa rerum congerie esse potest, & quædam (ut reor) sani iudicii lectoribus in argumento vulgato non ingrata futura novitas. Quare visus sum mihi, tum ob hæc, tum ob alia multa, operæ pretium facturum, si eum libellum e vernaculo Anglorum sermone, quo primum ab auctore est editus, in Latinum vertèrem: aut quod ne in hac quidem parte doctissimi viri iudicium esset ignotum, aut quod hinc felicius, velut e purissimo quodam fonte, atque adeo ipsa Hippocrene, pueri Grammatices Rudimenta possent auspicari, quam ex triviali isthac sorde, quæ eis a Gymnasiarchis plerisque obtruditur: aut denique ut adolescentes sub optimo imperatore sacramento Musarum adaecti, majore quadam fiducia ea præcepta imbibant, quæ doctissimi viri auctoritate nixa, divina potius oracula, quam humanæ imbecillitatis commenta existimant. Sed non deerunt, sat scio, qui hæc etiam, antequam legant, in tanta veterum scriptorum turba, supervacua putabunt: quippe quibus persuasum est nihil dici jam posse, quod a veteribus, & publico gymnasiorum consensu receptis auctoribus sit prætermisum: aut si quid præterea dicatur

dicatur (*qualia hic pleraque de nominum declinatione, de relativis, de quibusdam verborum temporibus & modis, id adeo nihil esse, ut scriptum non fuisse longe præstiterit. Sed hæc querela cum sit aut hominum insigniter indoctorum, aut eorum qui adeo privatis affectionibus misere dediti sunt, ut, cum nonnulla secus dici videant, quam aut ipsi didicerint, aut hi, quos pro sacrosanctis habent, præcipiant, non jam temeritatis, sed impietatis cujusdam alios arguunt, qui vestigiis (ut ipsi ajunt) patrum relictis, præcepta illa tanquam leges sanctissimas nobis data, refigere atque etiam abrogare audeant. Contra quorum arrogans illud supercilium doctos omnes & humanitatis studiosos appello, quibus Linacer (nisi fallor) in majori opere fatisfaciet. Interim hoc opusculum sub tuo nomine, atque adeo in tuam gratiam, studiosis adolescentibus communicatum prodeat: qui si boni nostram operam consulunt, abunde mihi laboris mei fructum reatum esse credam. Vale.*

R U D I M E N T A DECLINATIONUM.



OCTO sunt partes orationis, *Nomen, Pronomen, Verbum, Participium, Præpositio, Adverbium, Interjectio, Conjunctio.*

Harum octo partium quædam declinantur, ut *Nomen, Pronomen, Verbum & Participium*: quædam sunt indeclinabiles, ut *Præpositio, Adverbium, Interjectio, Conjunctio.*

Earum quæ declinantur, hæc tres, *Nomen, Pronomen & Participium* declinantur per genera, casus & numeros.

Genera sunt tria: *Masculinum, Fæmininum & Neutrum.*

Casus sex: *Nominativus, Geniti-*

vus, Dativus, Accusativus, Vocativus & Ablativus.

Numeri duo: *Singularis & Pluralis.*

PRIMA DECLINATIO NOMINUM:

Nominum quædam hoc pacto declinantur,

Masculinum genus, *Nominativus singularis, Poëta, Genitivus poëtæ, Dativus poëtæ, Accusativus poëtam, Vocativus poëta, Ablativus poëta. Nom. plur. poëtarum, Gen. poëtarum, Dat. poëtis, Acc. poëtas, Voc. poëtaræ, Abl. poëtis.*

In fæminino genere, *Nom. sing. Mula,*

Musa, *Gen. musæ, Dat. musæ, Acc. musam, Voc. musa, Abl. musa. Nom. plur. musæ, Gen. musarum, Dat. musis, Acc. musas, Voc. musæ, Abl. musis.*

Hic quidem notandum est, quod in plurali numero omnium *vocativus* est similis *nominativo*, & *ablativus dativo*.

Præterea omnia nomina quæ ad hanc formam inflectuntur, sunt primæ declinationis.

SECUNDA DECLINATIO.

Masculinum genus, *Nom. sing. Magister, Gen. magistri, Dat. magistro, Acc. magistrum, Voc. magister, Abl. magistro. Nom. plur. magistri, Gen. magistrorum, Dat. magistris, Acc. magistros, Voc. magistri, Abl. magistris.*

In fœminino genere, *Nom. sing. Alvus, Gen. alvi, Dat. alvo, Acc. alvum, Voc. alve, Abl. alvo. Nom. plur. alvi, Gen. alvorum, Dat. alvis, Acc. alvos, Voc. alvi, Abl. alvis.*

Hic vero sciendum, quod in hac declinatione, si nominativus finietur in *us*, vocativus desinet in *e*, ut *dominus*, o domine: *radius*, o radie. Excepto nomine *filius*, quod facit *fili*: & propriis virorum nominibus finitis in *ius*, quæ vocativos faciunt in *i*, remota syllaba *us*, ut *Virgilius*, *Virgili*. Alioqui & in hac declinatione, & in reliquis omnibus, vocativus erit similis nominativo.

In neutro genere, *Nom. sing. Templum, Gen. templi, Dat. templo, Acc. templum, Voc. templum, Abl. templo. Nom. plur. templa, Gen. templorum, Dat. templis, Acc. templa, Voc. templa, Abl. templis.*

Tom. II.

Ad hanc formam omnia neutra habent tres casus similes in utroque numero, nominativum, accusativum & vocativum. Verum tres casus plurales, in *a* semper positionem habebunt: excipe *ambo* & *duo*.

Omnia vero nomina quæ ad hanc formam declinantur, sunt secundæ declinationis: una cum masculinis & neutris horum octo nominum, *Unus, ullus, uter, solus, alter, alius, totus, quis*: quæ una cum suis fœmininis faciunt genitivos in *ius*, & dativos in *i*: ut *Unus, unius, uni: una, unius, uni: unum, unius, uni*. In cæteris casibus declinantur ad formam aliorum nominum primæ & secundæ declinationis: atque ob eam causam hæc vocatur secunda forma secundæ declinationis.

TERTIA DECLINATIO.

Quædam etiam hoc pacto declinantur,

In masculino genere, *Nom. sing. Panis Gen. panis, Dat. pani, Acc. panem, Voc. panis, Abl. pane. Nom. plur. panes, Gen. panum, Dat. panibus, Acc. panes, Voc. panes, Abl. panibus.*

In fœminino genere, *Nom. sing. Nubes, Gen. nubis, Dat. nubi, Acc. nubem, Voc. nubes, Abl. nube. Nom. plur. nubes, Gen. nubium, Dat. nubibus, Acc. nubes, Voc. nubes, Abl. nubibus.*

In neutro genere, *Nom. sing. Sedile Gen. sedilis, Dat. sedili, Acc. sedile, Voc. sedile, Abl. sedili, Nom. plur. sedilia, Gen. sedilium, Dat. sedilibus, Acc. sedilia, Voc. sedilia, Abl. sedilibus.*

Hoc loco notandum est, omnia nomina hujus declinationis, & dua-

N n n n rum

rum proxime sequentium, habere tres casus similes in plurali numero, nempe nominativum, accusativum & vocativum.

Hujus item formæ pleraque una syllaba excrescunt in genitivo, & plerisque aliis casibus, idque variis modis: velut hæc quæ sequuntur exempla demonstrant: *Arabs, Arabis; Fæx, fæcis; Pes, pedis; Lapis, lapidis; Glans, glandis; Frons, frondis; Rex, regis, Fel, fellis; Hiems, hiemis; Ren, renis*: & in neutro, *Nomen, nominis*. Similiter, *Cato, Catonis; Virgo, virginis; Princeps, principis; later, lateris*: & in neutro, *Uber, uberis*. Similiter, *As, assis; Arpinas, Arpinatis; Dens, dentis; Ars, artis; Præceps, præcipitis; Nix, nivis*. Atque omnia quæ declinantur ad instar alicujus horum, sunt tertiæ declinationis.

QUARTA DECLINATIO.

Quædam vero sic declinantur,

In masculino genere, *Nom. sing. Visus, Gen. visus, Dat. visui, Acc. visum, Voc. visus, Abl. visu. Nom. plur. visus, Gen. visuum, Dat. visibus, Acc. visus, Voc. visus, Abl. visibus*.

In fœminino genere, *Nom. sing. Manus, Gen. manus, Dat. manui, Acc. manum, Voc. manus, Abl. manu. Nom. plur. manus, Gen. manuum, Dat. manibus, Acc. manus, Voc. manus, Abl. manibus*.

In neutro genere, *Nom. sing. Cornu, in omnibus casibus singularibus, Nom. plur. cornua, Gen. cornuum, Dat. cornibus, Acc. cornua, Voc. cornua, Abl. cornibus*. Et quæcunque hoc pacto flectuntur, sunt quartæ declinationis.

QUINTA DECLINATIO.

Quædam etiam nomina sic declinantur,

In masculino genere, *Nom. sing. Meridies, Gen. meridiæ, Dat. meridiæ, Acc. meridiem, Voc. meridiæ, Abl. meridiæ. Nom. plur. meridiæ, Gen. meridiærum, Dat. meridiæbus, Acc. meridiæ, Voc. meridiæ, Abl. meridiæbus*.

In fœminino genere, *Nom. sing. Res, Gen. rei, Dat. rei, Acc. rem, Voc. res, Abl. re. Nom. plur. res, Gen. rerum, Dat. rebus, Acc. res, Voc. res, Abl. rebus*. Et quæcunque hoc pacto declinantur, vocantur quintæ declinationis.

NOMINA NUMERALIA.

Numeralia ab uno ad centum, sunt omnia pluralis numeri, & declinantur hoc modo,

In masculino genere, *Nom. Duo, Gen. duorum, Dat. duobus, Acc. duos, Voc. duo, Abl. duobus*.

In fœminino genere, *Nom. Duæ, Gen. duarum, Dat. duabus, Acc. duas, Voc. duæ, Abl. duabus*.

In neutro genere, *Nom. Duo, Gen. duorum, Dat. duobus, Acc. duo, Voc. duo, Abl. duobus*.

Similiter per tria genera declinantur *Ambo, ambæ, ambo*.

In masculino & fœminino genere, *Nom. Tres, Gen. trium, Dat. tribus, Acc. tres, Voc. tres, Abl. tribus*.

In neutro genere, *Nom. tria, Gen. trium, Dat. tribus, Acc. tria, Voc. tria, Abl. tribus*.

Quæcunque vero hæc sequuntur, ad centum usque, sunt indecli-

declinabilia omnia : ut *Quatuor*, *quinque*, *sex*, *viginti*, *centum*, in omnibus casibus & generibus.

GRADUS COMPARATIONIS.

Tres sunt gradus comparationis, *Positivus*, *Comparativus*, & *Superlativus*.

Positivus is vocatur, unde *comparativus* & *superlativus* formantur.

Comparativus & *superlativus* formantur a proximo casu *positivi* in *i* finito : addendo pro *comparativo* hanc syllabam *or*, & pro *superlativo* *s* & *simus* : ut *docti*, *doctior*, *doctissimus* : *forti*, *fortior*, *fortissimus*.

At si *positivus* finietur in *r*, *superlativus* formabitur a *nominativo*, addendo *rimus* : ut *pulcher*, *pulcherimus*.

Quædam præterea nomina in *lis* finita, *superlativum* efficiunt, *is* mutato in *limus* : ut *humilis*, *humillimus* : *similis*, *simillimus* : *facilis*, *facillimus*.

A regula generali excipiuntur quinque nomina ; *Bonus*, quod facit *melior* & *optimus* ; *Malus*, quod facit *pejor* & *peffimus* ; *Magnus* quod facit *major* & *maximus* ; *Multus*, quod facit *plus* & *plurimus* ; *Parvus*, quod facit *minor* & *minimus*.

P R O N O M E N.

PRonominum quædam sunt *primitiva* : ut *Ego*, *tu*, *sui*, *ille*, *iste*, *hic*, *is*, *ipse*. Reliqua omnia *derivativa* sunt.

Primitiva quidem declinantur hoc modo,

In omnibus generibus, *Nom. sing.* *Ego*, *Gen. mei*, *Dat. mihi*, *Acc. me*,

Voc. deest, *Abl. me*. *Nom. plur.* *nos*, *Gen. nostrum*, vel *nostri*, *Dat. nobis*, *Acc. nos*, *Voc. deest*, *Abl. nobis*.

Hoc loco intelligendum est, omnia pronomina carere *vocativis*, his quatuor exceptis, *Tu*, *meus*, *nos* & *nos*.

In omnibus generibus, *Nom. sing.* *Tu*, *Gen. tui*, *Dat. tibi*, *Acc. te*, *Voc. tu*, *Abl. te*. *Nom. plur.* *vos*, *Gen. vestrum* vel *vestri*, *Dat. vobis*, *Acc. vos*, *Voc. vos*, *Ablativo* *vobis*.

In omnibus generibus, & utroque numero, *Nom. deest*, *Gen. sui*, *Dat. sibi*, *Acc. se*, *Voc. deest*, *Abl. se*.

Cætera *primitiva* declinantur ad instar *secundæ formæ secundæ declinationis nominum*, hoc pacto.

In *masculino genere*, *Nom. sing.* *Ille*, *Gen. illius*, *Dat. illi*, *Acc. illum*, *Voc. deest*, *Abl. illo*. *Nom. plur.* *illi*, *Gen. illorum*, *Dat. illis*, *Acc. illos*, *Voc. deest*, *Abl. illis*.

In *fœminino genere*, *Nom. sing.* *Illa*, *Gen. illius*, *Dat. illi*, *Acc. illam*, *Voc. deest*, *Abl. illa*. *Nom. plur.* *illæ*, *Gen. illarum*, *Dat. illis*, *Acc. illas*, *Voc. deest*, *Abl. illis*.

In *neutro genere*, *Nom. sing.* *Illud*, *Gen. illius*, *Dat. illi*, *Acc. illud*, *Voc. deest*, *Abl. illo*, *Nom. plur.* *illa*, *Gen. illorum*, *Dat. illis*, *Acc. illa*, *Voc. deest*, *Abl. illis*.

Similiter in *masculino gen.* *Iste*, *istius*, *isti*, *istum*, *isto*.

In *fœminino genere*, *Ista*, *istius*, *isti*, *istam*, *ista*.

In *neutro genere*, *Istud*, *istius*, *isti*, *istud*, *isto*.

Similiter eodem pacto in *masculino genere*, *Nom. sing.* *Hic*, *Gen. huius*, *Dat. huic*, *Acc. hunc*, *Voc. deest*, *Abl. hoc*. *Nom. plur.* *hi*, *Gen.*

horum, *Dat.* his, *Acc.* hos, *Voc.* deest, *Abl.* his.

In fœminino genere, *Nom. sing.* Hæc, *Gen.* hujus, *Dat.* huic, *Acc.* hanc, *Voc.* deest, *Abl.* hac. *Nom. plur.* hæ, *Gen.* harum, *Dat.* his, *Acc.* has, *Voc.* deest, *Abl.* his.

In neutro genere, *Nom. sing.* Hoc, *Gen.* huius, *Dat.* huic, *Acc.* hoc, *Voc.* deest, *Abl.* hoc. *Nom. plur.* hæc, *Gen.* horum, *Dat.* his, *Acc.* hæc, *Voc.* deest, *Abl.* his.

Similiter in masculino genere, *Nom. sing.* Is, *Gen.* ejus, *Dat.* ei, *Acc.* eum, *Voc.* deest, *Abl.* eo. *Nom. plur.* ii, *Gen.* eorum, *Dat.* eis vel iis, *Acc.* eos, *Voc.* deest, *Abl.* eis vel iis.

In fœminino genere, *Nom. sing.* Ea, *Gen.* ejus, *Dat.* ei, *Acc.* eam, *Voc.* deest, *Abl.* ea. *Nom. plur.* eæ, *Gen.* earum, *Dat.* eis vel iis, *Acc.* eas, *Voc.* deest, *Abl.* eis vel iis.

In neutro genere, *Nom. sing.* Id, *Gen.* ejus, *Dat.* ei, *Acc.* id, *Voc.* deest, *Abl.* eo. *Nom. plur.* ea, *Gen.* eorum, *Dat.* eis vel iis, *Acc.* ea, *Voc.* deest, *Abl.* eis vel iis.

Similiter in masculino genere, *Nom. sing.* Ipse, *Gen.* ipsius, *Dat.* ipsi, *Acc.* ipsum, *Voc.* deest, *Abl.* ipso. *Nom. plur.* ipsi, *Gen.* ipsorum, *Dat.* ipsis, *Acc.* ipsos, *Voc.* deest, *Abl.* ipsis.

In fœminino genere, *Nom. sing.* Ipsa, *Gen.* ipsius, *Dat.* ipsi, *Acc.* ipsam, *Voc.* deest, *Abl.* ipsa. *Nom. plur.* ipsæ, *Gen.* ipsarum, *Dat.* ipsis, *Acc.* ipsas, *Voc.* deest, *Abl.* ipsis.

In neutro genere, *Nom. sing.* Ipsum, *Gen.* ipsius, *Dat.* ipsi, *Acc.* ipsum, *Voc.* deest, *Abl.* ipso. *Nom. plur.* ipsa, *Gen.* ipsorum, *Dat.* ipsis, *Acc.* ipsa, *Voc.* deest, *Abl.* ipsis.

Duo item nomina eodem modo quo hæc declinantur, nempe *Idem* & *Quis*, hoc pacto,

In masculino genere, *Nom. sing.* Idem, *Gen.* ejuldem, *Dat.* eidem, *Acc.* eundem, *Voc.* deest, *Abl.* eodem. *Nom. plur.* iidem, *Gen.* eorundem, *Dat.* eidem vel iisdem, *Acc.* eisdem, *Voc.* deest, *Abl.* eidem vel iisdem.

In fœminino genere, *Nom. sing.* Eadem, *Gen.* ejuldem, *Dat.* eidem, *Acc.* eandem, *Voc.* deest, *Abl.* eadem. *Nom. plur.* eadem, *Gen.* earundem, *Dat.* eidem vel iisdem, *Acc.* eisdem, *Voc.* deest, *Abl.* eidem vel iisdem.

In neutro genere, *Nom. sing.* Idem, *Gen.* ejuldem, *Dat.* eidem, *Acc.* idem, *Voc.* deest, *Abl.* eodem. *Nom. plur.* eadem, *Gen.* eorundem, *Dat.* eidem vel iisdem, *Acc.* eadem, *Voc.* deest, *Abl.* eidem vel iisdem.

In masculino genere, *Nom. sing.* Qui, *Gen.* cujus, *Dat.* cui, *Acc.* quem, *Voc.* deest, *Abl.* quo. *Nom. plur.* qui, *Gen.* quorum, *Dat.* quibus vel quibus, *Acc.* quos, *Voc.* deest, *Abl.* quibus vel quibus.

In fœminino genere, *Nom. sing.* Quæ, *Gen.* cujus, *Dat.* cui, *Acc.* quam, *Voc.* deest, *Abl.* qua. *Nom. plur.* quæ, *Gen.* quarum, *Dat.* quibus vel quibus, *Acc.* quas, *Voc.* deest, *Abl.* quibus vel quibus.

In neutro genere, *Nom. sing.* Quod, *Gen.* cujus, *Dat.* cui, *Acc.* quod, *Voc.* deest, *Abl.* quo. *Nom. plur.* quæ, *Gen.* quorum, *Dat.* quibus vel quibus, *Acc.* quæ, *Voc.* deest, *Abl.* quibus vel quibus.

Derivativa vero declinantur hoc modo,

In

In masculino genere, *Nom. sing. Amo: Pluralis*, ut *amamus*.
Meus, Gen. mei, Dat. meo, Acc. meum, Voc. mi, Abl. meo. Nom. in o, alterum in *or*, & tertium quod plur. mei, *Gen. meorum, Dat. meis, substantiæ verbum appellatur*, nempe *Sum*.
Acc. meos; Voc. mei, Abl. meis.

In fœminino genere, *Nom. sing. Verba in o declinantur hoc pacto*,
Mea, Gen. meæ, Dat. meæ, Acc. meam, Voc. mea, Abl. mea. Nom. In prima Conjugatione activorum.
plur. meæ, Gen. mearum, Dat. meis, Acc. meas, Voc. meæ, Abl. meis.

In neutro genere, *Nom. sing. Meum, Gen. mei, Dat. meo, Acc. meum, Voc. meum, Abl. meo. Nom. plur. mea, Gen. meorum, Dat. meis, Acc. mea, Voc. mea, Abl. meis.*

Similiter Tuus, tui: tua, tuæ: tuum, tui.

Suus, sui: sua, suæ: suum sui.

Noster, nostri: nostra, nostræ: nostrum, nostri.

Vester, vestri: vestra, vestræ: vestrum, vestri.

Duo autem derivativa declinantur hoc modo,

In masculino genere & fœminino,
Nostras, nostratis, nostrati: Vestras, vestratis, vestrati: sicut nomina teritiæ declinationis, cum hoc nomine *Cujas, cujatis, cujati*, similiter.

VERBUM.

VERBUM declinatur per modos, tempora, personas & numeros.

Modi sunt quinque, *Indicativus, Imperativus, Optativus, Subjunctivus, & Infinitus*.

Tempora item sunt quinque, *Præsens, Præteritum imperfectum, Præteritum perfectum, Præteritum plus quam perfectum, & Futurum*.

Personæ tres, *Prima*, ut *Amo*: *Secunda*, ut *amas*: *Tertia*, ut *amat*.

Numeri sunt duo, *Singularis*, ut

INDICATIVUS MODUS.

Præsens, sing. Amo, amas, amat.

Plurale, amamus, amatis, amant.

Præteritum imper. sing. Amabam, amabas, amabat.

Plurale, amabamus, amabatis, amabant.

Præteritum perf. sing. Amavi, amavisti, amavit.

Plur. amavimus, amavistis, amaverunt vel amavere.

Præteritum plus quam perf. sing. Amaveram, amaveras, amaverat.

Plur. amaveramus, amaveratis, amaverant.

Futurum singulare, Amabo, amabis, amabit.

Plur. amabimus, amabitis, amabunt.

IMPERATIVUS MODUS.

Præsens & præteritum imperfectum sing. Ama vel amato, amet vel amato.

Plur. amemus, amate vel amatote, ament vel amanto.

Præteritum perfectum, & plus quam perfectum deest in omnibus Latinis verbis, sed pro illis utimur similibus subjunctivi modi temporibus, e quomodo sunt etiam hæ tres voces,
amemus, ametis, ament.

Futurum deest in omnibus verbis.

N n n n 3

OPTA-

OPTATIVUS MODUS.

Præsens sing. utinam Amem, ames, amet.

Plur. utinam amemus, ametis, ament.

Præteritum imperf. sing. utinam Amarem, amares, amaret.

Plur. utinam amaremus, amaretis, amarent.

Præteritum perf. sing. utinam Amaverim, amaveris, amaverit.

Plur. utinam amaverimus, amaveritis, amaverint.

Præt. plus quam perfectum, sing. utinam Amavissem, amavisses, amavisset.

Plur. utinam amavissemus, amavissetis, amavissent.

SUBJUNCTIVUS MODUS.

Præsens sing. cum Amem, ames, amet.

Plur. cum amemus, ametis, ament.

Præteritum imperf. sing. cum Amarem, amares, amaret.

Plur. cum amaremus, amaretis, amarent.

Præteritum perf. sing. cum Amaverim, amaveris, amaverit.

Plur. cum amaverimus, amaveritis, amaverint.

Præteritum plus quam perfectum sing. cum Amavissem, amavisses, amavisset.

Plur. cum amavissemus, amavissetis, amavissent.

Futurum sing. cum Amavero, amaveris, amaverit.

Plur. cum amaverimus, amaveritis, amaverint.

INFINITUS MODUS.

Præsens & præteritum imperfectum, Amare.

Præteritum perf. & plus quam perf. Amavisse.

Futurum in omnibus verbis tam activis quam passivis deest: sed loco ejus sumere solemus in activa voce participium in *rus*, & [*esse*], ut *Amaturus* vel *amaturum esse*, pro appellativi adjuncti ratione.

Gerundi voces, Amandi, amando, amandum.

Supina, Amatum, amatu.

Participia præsentis temporis in omni genere, Amans.

In futuro, Amaturus.

Hic antequam declinemus verbum in *or*, quod multa tempora supplere oporteat quæ in ejusmodi verbis desunt, primum verbum [*Sum*] declinare oportet hoc modo.

INDICATIVUS MODUS.

Præsens sing. Sum, es, est.

Plur. sumus, estis, sunt.

Præteritum imperf. sing. Eram, eras, erat.

Plur. eramus, eratis, erant.

Præteritum perf. sing. Fui, fuisti, fuit.

Plur. fuimus, fuistis, fuerunt vel fuere.

Præteritum plus quam perf. sing. Fueram, fueras, fuerat.

Plur. fueramus, fueratis, fuerant.

Futurum sing. Ero, eris, erit.

Plur. erimus, eritis, erunt.

IMPERATIVUS MODUS.

Præsens & præteritum imperf. sing. Sis, es vel esto, sit vel esto.

Plur. simus, este vel estote, sint vel sunt.

OPTATIVUS MODUS.

Præsens sing. utinam Sim, sis, sit.

Plur. utinam simus, sitis, sint.

Præ-

Præteritum imperf. sing. utinam Essem, esses, esset.

Plur. utinam essemus, essetis, essent.

Præt. perf. sing. utinam Fuerim, fueris, fuerit.

Plur. utinam fuerimus, fueritis, fuerint.

Præt. plus quam perf. sing. utinam Fuissem, fuisses, fuisset.

Plur. utinam fuissetis, fuissetis, fuissent.

SUBJUNCTIVUS MODUS.

Præsens sing. cum Sim, sis, sit.

Plur. cum simus, sitis, sint.

Præt. imperf. sing. cum Essem, esses, esset.

Plur. cum essemus, essetis, essent.

Præt. perf. sing. cum Fuerim, fueris, fuerit.

Plur. cum fuerimus, fueritis, fuerint.

Præt. plus quam perf. sing. cum Fuissem, fuisses, fuisset.

Plur. cum fuissetis, fuissetis, fuissent.

Futurum sing. cum Fuero, fueris, fuerit.

Plur. cum fuerimus, fueritis, fuerint.

INFINITUS MODUS.

Præsens & præterit. imperf. Esse.

Præt. perf. & plus quam perf. Fuisse.

Futurum, Futurum esse.

Participium præsentis in usu non est.

Prima Conjugatio passiva.

INDICATIVUS MODUS.

Præsens sing. Amor, amaris vel amare, amatur.

Plur. amamur, amamini, amantur.

Præt. imperf. sing. Amabar, amabar, amabatur.

Plur. amabamur, amabamini, amabantur.

Præt. perf. sing. Amatus sum vel fui, amatus es vel fuisti, amatus est vel fuit.

Plur. amati sumus vel fuimus, amati estis vel fuistis, amati sunt, fuerunt vel fuere.

Præt. plus quam perf. sing. Amatus eram vel fueram, amatus eras vel fueras, amatus erat vel fuerat.

Plur. amati eramus vel fueramus, amati eratis vel fueratis, amati erant vel fuerant.

Fut. sing. Amabor, amaberis vel amabere, amabitur.

Plur. Amabimur, amabimini, amabuntur.

IMPERATIVUS MODUS.

Præsens & præterit. imperf. sing. Amare vel amator, ametur vel amator.

Plur. amemur, amamini vel amamini, amentur vel amantur.

OPTATIVUS MODUS.

Præsens sing. utinam Amer, amaris vel amere, ametur.

Plur. utinam amemur, amemini, amentur.

Præt. imperf. sing. utinam Amarer, amareris vel amare, amaretur.

Plur. utinam amaremur, amaremini, amarentur.

Præt. perf. sing. utinam Amatus sim vel fuerim, amatus sis vel fueris, amatus sit vel fuerit.

Plur. utinam amati simus vel fuerimus, amati sitis vel fueritis, amati sint vel fuerint.

Præt.

Præt. plus quam perf. sing. utinam Amatus essem *vel* fuisssem, amatus esses *vel* fuisses, amatus esset *vel* fuisset.

Plur. utinam amati essemus *vel* fuisssemus, amati essetis *vel* fuissetis, amati essent *vel* fuissent.

SUBJUNCTIVUS MODUS.

Præsens sing. cum Amer, ameris *vel* amere, ametur.

Plur. cum amemur, amemini, amentur.

Præt. imperf. sing. cum Amarer, amareris *vel* amarere, amaretur.

Plur. cum amaremur, amaremini, amaientur.

Præt. perf. sing. cum Amatus sim *vel* fuerim, amatus sis *vel* fueris, amatus sit *vel* fuerit.

Plur. cum amati simus *vel* fuerimus, amati sitis *vel* fueritis, amati sint *vel* fuerint.

Præt. plus quam perf. sing. cum Amatus essem *vel* fuisssem, amatus esses *vel* fuisses, amatus esset *vel* fuisset.

Plur. cum amati essemus *vel* fuisssemus, amati essetis *vel* fuissetis, amati essent *vel* fuissent.

Futurum sing. cum Amatus fuero, amatus fueris, amatus fuerit.

Plur. cum amati fuerimus, amati fueritis, amati fuerint.

INFINITUS MODUS.

Præsens & præt. imperf. Amari.

Præt. perf. & plus quam perf. Amatus *vel* amatum esse, pro ratione nominis adjecti.

Futuri autem loco, Amandum *vel* amandus esse.

Gerundi voces, Amandi, amando, amandum.

Supinum, Amatu.

Participium præteriti temporis, Amatus.

Futuri, Amandus.

Quæcunque verba secundum alterutram harum formarum declinantur, vocantur primæ conjugationis.

In secunda Conjugatione activa.

INDICATIVUS MODUS.

Præsens sing. Doceo, doces, docet.

Plur. docemus, docetis, docent.

Præt. imperf. sing. Docebam, docebas, docebat.

Plur. docebamus, docebatis, docebant.

Præt. perf. sing. Docui, docuisti, docuit.

Plur. docuimus, docuistis, docuerunt *vel* docuerunt.

Præt. plus quam perf. sing. Docueram, docueras, docuerat.

Plur. docueramus, docueratis, docuerant.

Futurum sing. Docebo, docebis, docebit.

Plur. docebimus, docebitis, docebunt.

IMPERATIVUS MODUS.

Præsens & præt. imperf. sing. Doce *vel* doceto, doceat *vel* doceto.

Plur. doceamus, docete *vel* docetote, doceant *vel* docento.

OPTATIVUS MODUS.

Præsens sing. utinam Doceam, doceas, doceat.

Plur. utinam doceamus, doceatis, doceant.

Præt. imperf. sing. utinam Doceam, doceres, doceret.

Plur. utinam doceremus, doceretis, docerent.

Præt. perf. sing. utinam Docuerim, docueris, docuerit.

Plur. utinam docuerimus, docueritis, docuerint.

Præt.

Præt. plus quam perf. sing. utinam Docuissē, docuissēs, docuisset.

Plur. utinam docuissēmus, docuissetis, docuissent.

SUBJUNCTIVUS MODUS.

Præsens sing. cum Doceam, doceas, doceat.

Plur. cum doceamus, doceatis, doceant.

Præt. imperf. sing. cum Docerem, doceres, doceret.

Plur. cum doceremus, doceretis, docerent.

Præt. perf. sing. cum Docuerim, docueris, docuerit.

Plur. cum docuerimus, docueritis, docuerint.

Præt. plus quam perf. sing. cum Docuissē, docuissēs, docuisset.

Plur. cum docuissēmus, docuissetis, docuissent.

Fut. sing. cum Docuero, docueris, docuerit.

Plur. cum docuerimus, docueritis, docuerint.

INFINITUS MODUS.

Præsens & imperf. Docere.

Præt. perf. & plus quam perf. Docuisse.

Futurum, Docturum esse.

Gerundi voces, Docendi, docendo, docendum.

Supina, Doctum, doctum.

Participium præsentis temporis, Docens.

Futuri, Docturus.

In secunda Conjugatione passiva.

INDICATIVUS MODUS.

Præsens sing. Doceor, doceris vel docere, docetur.

Tom. II.

Plur. docemur, docemini, docentur.

Præt. imperf. sing. Docebar, docebaris vel docebare, docebatur.

Plur. docebamur, docebamini, docebantur.

Præt. perf. sing. Doctus sum vel fui, doctus es vel fuisti, doctus est vel fuit.

Plur. docti sumus vel fuimus, docti estis vel fuistis, docti sunt, fuerunt vel fuere.

Præt. plus quam perf. sing. Doctus eram vel fueram, doctus eras vel fueras, doctus erat vel fuerat.

Plur. docti eramus vel fueramus, docti eratis vel fueratis, docti erant vel fuerant.

Fut. sing. Docebor, doceberis vel docebere, docebitur.

Plur. docebimur, docebimini, docebuntur.

IMPERATIVUS MODUS.

Præsens & præt. imperf. sing. Docere vel docetor, doceatur vel docetor.

Plur. doceamur, docemini vel doceminor, doceantur vel docentor.

OPTATIVUS MODUS.

Præsens sing. utinam Docear, docearis vel doceare, doceatur.

Plur. utinam doceamur, doceamini, doceantur.

Præt. imperf. sing. utinam Docerer, docereris vel docerere, doceretur.

Plur. utinam doceremur, doceremini, docerentur.

Præt. perf. sing. utinam Doctus sim vel fuerim, doctus sis vel fueris, doctus sit vel fuerit.

Plur. utinam docti simus vel fuerimus.

Q O O O

mus, docti sitis *vel* fueritis, docti sint *vel* fuerint.

Præt. plus quam perf. sing. utinam Doctus essem *vel* fuisssem, doctus esses *vel* fuisses, doctus esset *vel* fuisset.

Plur. utinam docti essemus *vel* fuisssemus, docti essetis, *vel* fuissetis, docti essent *vel* fuissent.

SUBJUNCTIVUS MODUS.

Præsens sing. cum Docear, docearis *vel* doceare, doceatur.

Plur. cum doceamur, doceamini, doceantur.

Præt imperf. sing. cum Docerer, docereris *vel* docerere, doceretur.

Plur. cum doceremur, doceremini, docerentur.

Præt. perf. sing. cum Doctus sim *vel* fuerim, doctus sis *vel* fueris, doctus sit *vel* fuerit.

Plur. cum docti simus *vel* fuerimus, docti sitis *vel* fueritis, docti sint *vel* fuerint.

Præt. plus quam perf. sing. cum Doctus essem *vel* fuisssem, doctus esses *vel* fuisses, doctus esset *vel* fuisset.

Plur. cum docti essemus *vel* fuisssemus, docti essetis *vel* fuissetis, docti essent *vel* fuissent.

Fut. sing. cum Doctus fuero, doctus fueris, doctus fuerit.

Plur. cum docti fuerimus, docti fueritis, docti fuerint.

INFINITUS MODUS.

Præsens & imperf. Doceri.

Præt. perf. & plus quam perf. Doctus *vel* doctum esse *vel* fuisse.

Fut. Docendus *vel* docendum esse.

Gerundi voces, Docendi, docendo, docendum.

Supinum, Doctu.

Participium præteriti temporis, Doctus.

Quæcunque verba secundum has formas declinantur, vocantur secundæ conjugationis.

In tertia Conjugatione activa.

INDICATIVUS MODUS.

Præsens sing. Lego, legis, legit.

Plur. legimus, legitis, legunt.

Præt. imperf. sing. Legebam, legebas, legebam.

Plur. legebamus, legebatis, legebant.

Præt. perf. sing. Legi, legisti, legit.

Plur. Legimus, legistis, legerunt *vel* legere.

Præt. plus quam perf. sing. Legeram, legeras, legerat.

Plur. legeramus, legeratis, legerant.

Fut. sing. Legam, leges, leget.

Plur. legemus, legetis, legent.

IMPERATIVUS MODUS.

Præsens & præter. imperf. sing. Leger *vel* legito, legat *vel* legito.

Plur. legamus, legite *vel* legite, legant *vel* legunto.

OPTATIVUS MODUS.

Præsens sing. utinam Legam, legas, legat.

Plur. utinam legamus, legatis, legant.

Præt. imperf. sing. utinam Legerem, legeres, legeret.

Plur. utinam legeremus, legeretis, legerent.

Præt. perf. sing. utinam Legerim, legeris, legerit.

Plur. utinam legerimus, legeritis, legerint.

Præt.

Præt. plus quam perf. sing. utinam Legissem, legisses, legisset.

Plur. utinam legissemus, legissetis, legisissent.

SUBJUNCTIVUS MODUS.

Præsens sing. cum Legam, legas, legat.

Plur. cum legamus, legatis, legant.

Præt. imperf. sing. cum Legerem, legeres, legeret.

Plur. cum legeremus, legeretis, legerent.

Præt. perf. sing. cum Legerim, legeris, legerit.

Plur. cum legerimus, legeritis, legerint.

Præt. plus quam perf. sing. cum Legissem, legisses, legisset.

Plur. cum legissemus, legissetis, legisissent.

Fut. sing. cum Legero, legeris, legerit.

Plur. cum legerimus, legeritis, legerint.

INFINITUS MODUS.

Præsens & imperf. Legere.

Præt. perf. & plus quam perf. Legisse.

Fut. Lecturus vel lecturum esse.
Gerundi voces, Legendi, legendo, legendum.

Supina. Lectum, lectu.

Participium præsentis temporis, Legens.

Futuri, Lecturus.

In tertia Conjugatione passiva.

INDICATIVUS MODUS.

Præsens sing. Legor, legeris vel legere, legitur.

Plur. legimur, legimini, leguntur.

Præt. imperf. sing. Legebar, legebaris vel legebare, legebatur.

Plur. legebamur, legebamini, legebantur.

Præt. perf. sing. Lectus sum vel fui, lectus es vel fuisti, lectus est vel fuit.

Plur. lecti sumus vel fuimus, lecti estis vel fuistis, lecti sunt, fuerunt vel fuere.

Præt. plus quam perf. sing. Lectus eram vel fueram, lectus eras vel fueras, lectus erat vel fuerat.

Plur. lecti eramus vel fueramus, lecti eratis vel fueratis, lecti erant vel fuerant.

Fut. sing. Legar, legeris vel legere, legetur.

Plur. legemur, legemini, legentur.

IMPERATIVUS MODUS.

Præsens & præt. imperf. sing. Legere vel legitor, legatur vel legitor.

Plur. legamur, legimini vel legimimur, legantur vel leguntur.

OPTATIVUS MODUS.

Præsens sing. utinam Legar, legaris vel legare, legatur.

Plur. utinam legamur, legamini, legantur.

Præt. imperf. sing. utinam Legerer, legereris vel legerere, legeretur.

Plur. utinam legeremur, legeremini, legerentur.

Præt. perf. sing. utinam Lectus sim vel fuerim, lectus sis vel fueris, lectus sit vel fuerit.

Plur. utinam lecti simus vel fuerimus,

mus, lecti sitis *vel* fueritis, lecti sint *vel* fuerint.

Præt. plus quam perf. sing. utinam Lectus essem *vel* fuisset, lectus esses *vel* fuisses, lectus esset *vel* fuisset.

Plur. utinam lecti essemus *vel* fuisset, lecti essetis *vel* fuissetis, lecti essent *vel* fuissent.

SUBJUNCTIVUS MODUS.

Præsens sing. cum Legar, legaris *vel* legare, legatur.

Plur. cum legamur, legamini, legantur.

Præt. imperf. sing. cum Legerer, legereris *vel* legerere, legeretur.

Plur. cum legeremur, legeremini, legerentur.

Præt. perf. sing. cum Lectus sim *vel* fuerim, lectus sis *vel* fueris, lectus sit *vel* fuerit.

Plur. cum lecti simus *vel* fuerimus, lecti sitis *vel* fueritis, lecti sint *vel* fuerint.

Præt. plus quam perf. sing. cum Lectus essem *vel* fuisset, lectus esses *vel* fuisses, lectus esset *vel* fuisset.

Plur. cum lecti essemus *vel* fuisset, lecti essetis *vel* fuissetis, lecti essent *vel* fuissent.

Fut. sing. cum Lectus fuero, lectus fueris, lectus fuerit.

Plur. cum lecti fuerimus, lecti fueritis, lecti fuerint.

INFINITUS MODUS.

Præsens & præf. imperf. Legi.

Præt. perf. & plus quam perf. Lectus *vel* lectum esse *vel* fuisse.

Fut. Legendus *vel* legendum esse.

Gerundi voces, Legendi, legendo, legendum.

Supinum, Lectu.

Participium præteriti temporis, Lectus.

Futuri, Legendus.

Omnia vero quæ ad hunc modum declinantur, vocantur tertiæ conjugationis.

In quarta Conjugatione activa.

INDICATIVUS MODUS.

Præsens sing. Audio, audis, audit.

Plur. audimus, auditis, audiunt.

Præt. imperf. sing. Audiebam, audiebas, audiebat.

Plur. audiebamus, audiebatis, audiebant.

Præt. perf. sing. Audivi, audivisti, audivit.

Plur. audivimus, audivistis, audiverunt *vel* audivere.

Præt. plus quam perf. sing. Audiveram, audiveras, audiverat.

Plur. audiveramus, audiveratis, audiverant.

Fut. sing. Audiam, audies, audiet.

Plur. audiemus, audietis, audient.

IMPERATIVUS MODUS.

Præsens & imperf. sing. Audi *vel* audito, audiat *vel* audito.

Plur. audiamus, audite *vel* audite, audiant *vel* audiunto.

OPTATIVUS MODUS.

Præsens sing. utinam Audiam, audias, audiat.

Plur. utinam audiamus, audiat, audiant.

Præt. imperf. sing. utinam Audirem, audires, audiret.

Plur. utinam audiremus, audiretis, audirent.

Præt.

Præt. perf. sing. utinam Audiverim, audiveris, audiverit.

Plur. utinam audiverimus, audiveritis, audiverint.

Præt. plus quam perf. sing. utinam Audivissem, audivisses, audivisset.

Plur. utinam audivissemus, audivissetis, audivissent.

SUBJUNCTIVUS MODUS.

Præsens sing. cum Audiam, audias, audiat.

Plur. cum audiamus, audiatis, audiant.

Præt. imperf. sing. cum Audirem, audires, audiret.

Plur. cum audiremus, audiretis, audirent.

Præt. perf. sing. cum Audiverim, audiveris, audiverit.

Plur. cum audiverimus, audiveritis, audiverint.

Præt. plus quam perf. sing. cum Audivissem, audivisses, audivisset.

Plur. cum audivissemus, audivissetis, audivissent.

Fut. sing. cum Audivero, audiveris, audiverit.

Plur. cum audiverimus, audiveritis, audiverint.

INFINITUS MODUS.

Præsens & præter. imperf. Audire.

Præt. perf. & plus quam perf. Audivisse.

Fut. Auditurum vel auditurus esse.

Gerundi voces, Audiendi, audiendo, audiendum.

Supina, Auditum, auditu.

Participium præsentis temporis, Audiens.

Futuri, Auditorus.

In quarta Conjugatione passiva.

INDICATIVUS MODUS.

Præsens sing. Audior, audiris vel audire, auditor.

Plur. audimur, audimini, audiuntur.

Præt. imperf. sing. Audiebar, audiebaris vel audiebare, audiebatur.

Plur. audiebamur, audiebamini, audiebantur.

Præt. perf. sing. Auditus sum vel fui, auditus es vel fuisti, auditus est vel fuit.

Plur. auditi sumus vel fuimus, auditi estis vel fuistis, auditi sunt, fuerunt vel fuere.

Præt. plus quam perf. sing. Auditus eram vel fueram, auditus eras vel fueras, auditus erat vel fuerat.

Plur. auditi eramus vel fueramus, auditi eratis vel fueratis, auditi erant vel fuerant.

Fut. sing. Audiar, audieris vel audiere, audietur.

Plur. audiemur, audiemini, audientur.

IMPERATIVUS MODUS.

Præsens & præter. imperf. sing. Audire vel auditor, audiat vel auditor.

Plur. audiamur, audimini vel audimur, audiantur vel audiuntur.

OPTATIVUS MODUS.

Præsens sing. utinam Audiar, audiaris vel audiare, audiat.

Plur. utinam audiamur, audiamini, audiantur.

Præt. imperf. sing. utinam Audirem, audireris vel audirere, audiretur.

Plur. utinam audiremur, audiremini, audirentur.

Præt. perf. sing. utinam Auditus sim

O o o o &

vel.

vel fuerim, auditus sis vel fueris, auditus sit vel fuerit.

Plur. utinam auditi simus vel fuerimus, auditi sitis vel fueritis, auditi sint vel fuerint.

Præt. plus quam perf. sing. utinam Auditus essem vel fuisssem, auditus esses vel fuisses, auditus esset vel fuisset.

Plur. utinam auditi essemus vel fuisssemus, auditi essetis vel fuissetis, auditi essent vel fuissent.

SUBJUNCTIVUS MODUS.

Præsens sing. cum Audiar, audiaris vel audiare, audiatur.

Plur. cum audiamur, audiamini, audiantur.

Præt. imperf. sing. cum Audirer, audireris vel audirere, audiretur.

Plur. cum audiremur, audiremini, audirentur.

Præt. perf. sing. cum Auditus sim vel fuerim, auditus sis vel fueris, auditus sit vel fuerit.

Plur. cum auditi simus vel fuerimus, auditi sitis vel fueritis, auditi sint vel fuerint.

Præt. plus quam perf. sing. cum Auditus essem vel fuisssem, auditus esses vel fuisses, auditus esset vel fuisset.

Plur. cum auditi essemus vel fuisssemus, auditi essetis vel fuissetis, auditi essent vel fuissent.

Fut. sing. cum Auditus fuero, auditus fueris, auditus fuerit.

Pluraliter, cum auditi fuerimus, auditi fueritis, auditi fuerint.

INFINITUS MODUS.

Præsens & præt. imperf. Audiri.

Præt. perf. & plus quam perf. Au-

ditus vel auditum esse vel fuisse.

Fut. Audiendus vel audiendum esse.

Gerundi voces, Audiendi, audiendo, audiendum.

Supinum, Auditum.

Participium præteriti temporis, Auditus.

Futuri, Audiendus.

Omnia verba quæ declinantur ad alterutram harum formarum, vocantur quartæ conjugationis.

DECLINATIO VERBORUM ANOMALORUM.

Quædam sunt verba quæ non sequuntur formam harum quatuor conjugationum in omnibus temporibus; velut hæc quæ sequuntur, cum nonnullis aliis.

Eo.

INDICATIVUS MODUS.

Præsens sing. Eo, is, it.

Plur. imus, itis, eunt.

Præt. imperf. sing. Ibam, ibas, ibat.

Plur. ibamus, ibatis, ibant.

Præt. perf. sing. Ivi, ivisti, ivit.

Plur. ivimus, ivistis, iverunt vel ivere.

Præt. plus quam perf. sing. Iveram, iveras, iverat.

Plur. iveramus, iveratis, iverant.

Fut. sing. Ibo, ibis, ibit.

Plur. ibimus, ibitis, ibunt.

IMPERATIVUS MODUS.

Præsens & imperf. sing. I vel ito, cat vel ito.

Plur. eamus, ite vel itote, eant vel cunto.

OPTA-

OPTATIVUS MODUS.

Præsens sing. utinam Eam, eas, eat.

Plur. utinam eamus, eatis, eant.

Præt. imperf. sing. utinam Irem, ires, iret.

Plur. utinam iremus, iretis, irent.

Præt. perf. sing. utinam Iverim, iveris, iverit.

Plur. utinam iverimus, iveritis, iverint.

Præt. plus quam perf. sing. utinam Ivisssem, ivisses, ivisset.

Plur. utinam ivissemus, ivissetis, ivissent.

SUBJUNCTIVUS MODUS.

Præsens sing. cum Eam, eas, eat.

Plur. cum eamus, eatis, eant.

Præt. imperf. sing. cum Irem, ires, iret.

Plur. cum iremus, iretis, irent.

Præt. perf. sing. cum Iverim, iveris, iverit.

Plur. cum iverimus, iveritis, iverint.

Præt. plus quam perf. sing. cum Ivisssem, ivisses, ivisset.

Plur. cum ivissemus, ivissetis, ivissent.

Fut. sing. cum Ivero, iveris, iverit.

Plur. cum iverimus, iveritis, iverint.

INFINITUS MODUS.

Præsens & præt. imperf. Ire.

Præt. perf. & plus quam perf. Ivisse vel isse.

Fut. Iturum esse.

Gerundi voces, Eundi, eundo, eundum.

Supina, Itum, itu.

Participium præsentis temporis, Iens.

Futuri, Iturus.

QUEO similiter declinatur.

Volo.

INDICATIVUS MODUS.

Præsens sing. Volo, vis, vult.

Plur. volumus, vultis, volunt.

Præt. imperf. sing. Volebam, volebas, volebat.

Plur. volebamus, volebatis, volebant.

Præt. perf. sing. Volui, voluisti, voluit.

Plur. voluimus, voluistis, voluerunt vel voluere.

Præt. plus quam perf. sing. Volueram, volueras, voluerat.

Plur. volueramus, volueratis, voluerant.

Fut. sing. Volam, voles, volet.

Plur. volemus, voletis, volent.

Deest huic verbo modus Imperativus.

OPTATIVUS MODUS.

Præsens sing. utinam Velim, velis, velit.

Plur. utinam velimus, velitis, velint.

Præt. imperf. sing. utinam Vellem, velles, vellet.

Plur. utinam vellemus, velletis, vellent.

Præt. perf. sing. utinam Voluerim, volueris, voluerit.

Plur. utinam voluerimus, volueritis, voluerint.

Præt. plus quam perf. sing. utinam Voluisssem, voluisses, voluisset.

Plur. utinam voluisssemus, voluissetis, voluissent.

SUBJUNCTIVUS MODUS.

Præsens sing. cum Velim, velis, velit.

Plur.

Plur. cum velimus, velitis, velint.

Præter. imperf. sing. cum Vellem, velles, vellet.

Plur. cum vellemus, velletis, velent.

Præter. perf. sing. cum Voluerim, volueris, voluerit.

Plur. cum voluerimus, volueritis, voluerint.

Præter. plus quam perf. sing. cum Voluissē, voluisses, voluisset.

Plur. cum voluissēmus, voluissetis, voluissent.

Fut. sing. cum Voluero, volueris, voluerit.

Plur. cum voluerimus, volueritis, voluerint.

INFINITUS MODUS.

Præsens & præter. imperf. Velle.

Præter. perf. & plus quam perf. Voluisse.

Fut. deest.

Participium præsentis temporis, Volens.

Nolo.

INDICATIVUS MODUS.

Præsens sing. Nolo, non-vis, non-vult.

Plur. nolumus, non-vultis, nolunt.

Præter. imperf. sing. Nolebam, nolebas, nolebat.

Plur. nolebamus, nolebatis, nolebant.

Præter. perf. sing. Nolui, noluisti, noluit.

Plur. noluimus, noluistis, noluerunt vel noluerē.

Præter. plus quam perf. sing. Nolueram, nolueras, noluerat.

Plur. nolueramus, nolueratis, noluerant.

Fut. sing. Nolam, noles, nolet.

Plur. nolemus, noletis, nolent.

IMPERATIVUS MODUS.

Præsens & præter. imperf. sing. Noli vel nolito, nolit vel nolito.

Plur. nolimus, nolite vel nolitote, nolint vel nolunto.

OPTATIVUS MODUS.

Præf. sing. utinam Nolim, nolis, nolit.

Plur. utinam nolimus, nolitis, nolint.

Præter. imperf. sing. utinam Nollem, nolles, nollet.

Plur. utinam nollemus, nolletis, nollet.

Præter. perf. sing. utinam Noluerim, nolueris, noluerit.

Plur. utinam noluerimus, nolueritis, noluerint.

Præter. plus quam perf. sing. utinam noluissem, noluisses, noluisset.

Plur. utinam noluissemus, noluissetis, noluisissent.

SUBJUNCTIVUS MODUS.

Præsens sing. cum Nolim, nolis, nolit.

Plur. cum nolimus, nolitis, nolint.

Præter. imperf. sing. cum Nollem, nolles, nollet.

Plur. cum nollemus, nolletis, nolent.

Præter. perf. sing. cum Noluerim, nolueris, noluerit.

Plur. cum noluerimus, nolueritis, noluerint.

Præter. plus quam perf. sing. cum Noluissem, noluisisses, noluisisset.

Plur. cum noluissemus, noluissetis, noluisissent.

Fut.

Fut. sing. cum Nolucero, nolueris, malueris, maluerit.
noluerit.

Plur. cum noluerimus, nolueritis, malueritis, maluerint.

INFINITUS MODUS.

Præsens & præter. imperf. Nolle.

Præter. perf. & plus quam perf. Noluisse.

Futurum deest.

Participium præsentis temporis, Nolens.

Malo.

INDICATIVUS MODUS.

Præsens sing. Malo, mavis, mavult.

Plur. malumus, mavultis, malunt.

Præter. imperf. sing. Malebam, malebas, malebat.

Plur. malebamus, malebatis, malebant.

Præter. perf. sing. Malui, maluisti, maluit.

Plur. maluimus, maluistis, maluerunt vel maluere.

Præter. plus quam perf. sing. Malueram, malueras, maluerat.

Plur. malueramus, malueratis, maluerant.

Fut. sing. Malam, males, malet.

Plur. malemus, maletis, malent.

IMPERATIVUS deest.

OPTATIVUS MODUS.

Præsens sing. utinam Malim, malis, malit.

Plur. utinam malimus, malitis, malint.

Præter. imperf. sing. utinam Mallem, malles, mallet.

Plur. utinam mallemus, malletis, mallent.

Præter. perf. sing. utinam Maluerim,
Tom. II.

malueris, maluerit.

Plur. utinam maluerimus, malueritis, maluerint.

Præter. plus quam perf. sing. utinam Maluissẽm, maluisses, maluisset.

Plur. utinam maluissẽmus, maluissetis, maluissent.

SUBJUNCTIVUS MODUS.

Præsens sing. cum Malim, malis, malit.

Plur. cum malimus, malitis, malint.

Præter. imperf. sing. cum Mallem, malles, mallet.

Plur. cum mallemus, malletis, mallent.

Præter. perf. sing. cum Maluerim, malueris, maluerit.

Plur. cum maluerimus, malueritis, maluerint.

Præter. plus quam perf. sing. cum Maluissẽm, maluisses, maluisset.

Plur. cum maluissẽmus, maluissetis, maluissent.

Fut. sing. cum Malucero, malueris, maluerit.

Plur. cum maluerimus, malueritis, malucrint.

INFINITUS MODUS:

Præsens & præter. imperf. Malle.

Præter. perf. & plus quam perf. Maluisse.

Futurum, deest.

Voces item Gerundi & Supina de-sunt.

Fero.

INDICATIVUS MODUS.

Præsens sing. Fero, fers, fert.

Plur. ferimus, fertis, ferunt.

P p p p

Præter.

Præt. imperf. sing. Ferebam, ferebas, ferebat.

Plur. ferebamus, ferebatis, ferebant.

Præt. perf. sing. Tuli, tulisti, tulit.

Plur. tulimus, tulistis, tulerunt *vel* tulere.

Præt. plus quam perf. sing. Tuleram, tuleras, tulerat.

Plur. tuleramus, tuleratis, tulerant.

Fut. sing. Feram, feres, feret.

Plur. feremus, feretis, ferent.

IMPERATIVUS MODUS.

Præsens & præt. imperf. sing. Fer *vel* ferto, ferat *vel* ferto.

Plur. feramus, ferte *vel* fertote, ferant *vel* ferunto.

OPTATIVUS MODUS.

Præsens sing. utinam Feram, feras, ferat.

Plur. utinam feramus, feratis, ferant.

Præt. imperf. sing. utinam Ferrem, ferres, ferret.

Plur. utinam ferremus, ferretis, ferrent.

Præt. perf. sing. utinam Tulerim, tuleris, tulerit.

Plur. utinam tulerimus, tuleritis, tulerint.

Præt. plus quam perf. sing. utinam Tulissem, tulisses, tulisset.

Plur. utinam tulissemus, tulissetis, tulissent.

SUBJUNCTIVUS MODUS.

Præsens sing. cum Feram, feras, ferat.

Plur. cum feramus, feratis, ferant.

Præt. imperf. sing. cum Ferrem, ferres, ferret.

Plur. cum ferremus, feretis, ferrent.

Præt. perf. sing. cum Tulerim, tuleris, tulerit.

Plur. cum tulerimus, tuleritis, tulerint.

Præt. plus quam perf. sing. cum Tulissem, tulisses, tulisset.

Plur. cum tulissemus, tulissetis, tulissent.

Fut. sing. cum Tulero, tuleris, tulerit.

Plur. cum tulerimus, tuleritis, tulerint.

INFINITUS MODUS.

Præsens & præt. imperf. Ferre

Præt. perf. & plus quam perf. Tulisse.

Fut. Laturum esse.

Gerundi voces, Ferendi, ferendo, ferendum.

Supina, Latum, latu.

Participium præsentis temporis, Ferens.

Futuri, Laturus.

Feror.

INDICATIVUS MODUS.

Præsens sing. Feror, ferris *vel* ferre, fertur.

Plur. ferimur, ferimini, feruntur.

Præt. imperf. sing. Ferebar, ferebaris *vel* ferebare, ferebatur.

Plur. ferebamur, ferebamini, ferebantur.

Præt. perf. sing. Latus sum *vel* fui, latus es *vel* fuisti, latus est *vel* fuit.

Plur. lati sumus *vel* fuimus, latistis *vel* fuistis, lati sunt, fuerunt *vel* fuere.

Præt. plus quam perf. sing. Latus eram.

eram *vel* fueram, latus eras *vel* fueras, latus erat *vel* fuerat.

Plur. lati eramus *vel* fueramus, lati eratis *vel* fueratis, lati erant *vel* fuerant.

Fut. sing. Ferar, fereris *vel* ferere, feretur.

Plur. feremur, feremini, ferentur.

IMPERATIVUS MODUS.

Præsens & præter. imperf. sing. Ferre *vel* fertor, feratur *vel* fertor.

Plur. feramur, ferimini *vel* ferimini, ferantur *vel* feruntur.

OPTATIVUS MODUS.

Præsens sing. utinam Ferar, feraris *vel* ferare, feratur.

Plur. utinam feramur, feramini, ferantur.

Præter. imperf. sing. utinam Ferrer, ferreris *vel* ferrere, ferretur.

Plur. utinam ferremur, ferremini, ferrentur.

Præter. perf. sing. utinam Latus sim *vel* fuerim, latus sis *vel* fueris, latus sit *vel* fuerit.

Plur. utinam lati simus *vel* fuerimus, lati sitis *vel* fueritis, lati sint *vel* fuerint.

Præter. plus quam perf. sing. utinam Latus essem *vel* fuisset, latus esses *vel* fuisses, latus esset *vel* fuisset.

Plur. utinam lati essemus *vel* fuisset, lati essetis *vel* fuissetis, lati essent *vel* fuissent.

SUBJUNCTIVUS MODUS.

Præsens sing. cum Ferar, feraris *vel* ferare, feratur.

Plur. cum feramur, feramini, ferantur.

Præter. imperf. sing. cum Ferrer, ferreris *vel* ferrere, ferretur.

Plur. cum ferremur, ferremini, ferrentur.

Præter. perf. sing. cum Latus sim *vel* fuerim, latus sis *vel* fueris, latus sit *vel* fuerit.

Plur. cum lati simus *vel* fuerimus, lati sitis *vel* fueritis, lati sint *vel* fuerint.

Præter. plus quam perf. sing. cum Latus essem *vel* fuisset, latus esses *vel* fuisses, latus esset *vel* fuisset.

Plur. cum lati essemus *vel* fuisset, lati essetis *vel* fuissetis, lati essent *vel* fuissent.

Fut. sing. cum Latus fuero, latus fueris, latus fuerit.

Plur. cum lati fuerimus, lati fueritis, lati fuerint.

INFINITUS MODUS.

Præsens & præter. imperf. Ferri.

Præter. perf. & plus quam perf. Latum esse *vel* fuisse.

Fut. Ferendum esse.

Gerundi voces, Ferendi, ferendo, ferendum.

Supinum, Latu.

Participium præteriti temporis, Latus.

Futuri, Ferendus.

Edo.

INDICATIVUS MODUS.

Præsens sing. Edo, edis *vel* es, edit *vel* est.

Plur. edimus, editis *vel* estis, edunt.

Præter. imperf. sing. Edebam, edebas, edebat.

Plur. edebamus, edebatis, edebant.

P p p p 2

Præter.

Præt. perf. sing. Edi, edisti, edit.
Plur. edimus, edistis, ederunt *vel* edere.

Præt. plus quam perf. sing. Ederam, ederas, ederat.

Plur. ederamus, ederatis, ederant.

Fut. sing. Edam, edes, edet.

Plur. edemus, edetis, edent.

IMPERATIVUS MODUS.

Præsens & præf. imperf. sing. Ede *vel* edito, edat *vel* edito.

Plur. edamus, edite *vel* editote, edant *vel* edunto.

OPTATIVUS MODUS.

Præsens sing. utinam Edam, edas, edat.

Plur. utinam edamus, edatis, edant.

Præt. imperf. sing. utinam Ederem *vel* essem, ederes *vel* esses, ederet *vel* esset.

Plur. utinam ederemus *vel* essemus, ederetis *vel* essetis, ederent *vel* essent.

Præt. perf. sing. utinam Ederim, ederis, ederit.

Plur. utinam ederimus, ederitis, ederint.

Præt. plus quam perf. sing. utinam Edissem, edisses, edisset.

Plur. utinam edissemus, edissetis, edissent.

SUBJUNCTIVUS MODUS.

Præsens sing. cum Edam, edas, edat.

Plur. cum edamus, edatis, edant.

Præt. imperf. sing. cum Ederem *vel* essem, ederes *vel* esses, ederet *vel* esset.

Plur. cum ederemus *vel* essemus, ederetis *vel* essetis, ederent *vel* essent.

Præt. perf. sing. cum Ederim, ederis, ederit.

Plur. cum ederimus, ederitis, ederint.

Præt. plus quam perf. sing. cum Edissem, edisses, edisset.

Plur. cum edissemus, edissetis, edissent.

Fut. sing. cum Edero, ederis, ederit.

Plur. cum ederimus, ederitis, ederint.

INFINITIVUS MODUS.

Præsens & præf. imperf. Edere *vel* esse.

Præt. perf. & plus quam perf. Edisse.

Fut. Esurum esse.

Gerundi voces, Edendi, edendo, edendum.

Supina, Esurum, esu.

Participium præsentis temporis, Edens.

Futuri, Esurus.

Fio.

INDICATIVUS MODUS.

Præsens sing. Fio, fis, fit.

Plur. fimus, fitis, fiunt.

Præt. imperf. sing. Fiebam, fiebas, fiebat.

Plur. fiebamus, fiebatis, fiebant.

Præt. perf. sing. Factus sum *vel* fui, factus es *vel* fuisti, factus est *vel* fuit.

Plur. facti sumus *vel* fuimus, facti estis *vel* fuistis, facti sunt, fuerunt *vel* fuere.

Præt. plus quam perf. sing. Factus eram *vel* fueram, factus eras *vel* fueras, factus erat *vel* fuerat.

Plur. facti eramus *vel* fueramus, facti eratis *vel* fueratis, facti erant *vel* fuerant.

Fut.

Fut. sing. Fiam, fies, fiet.
Plur. fiemus, fietis, fient.

IMPERATIVUS MODUS.

Præsens & præter. imperf. sing. Fito, fiat vel fito.

Plur. fiamus, fite vel fitote, fiant, vel fiunto.

OPTATIVUS MODUS.

Præsens sing. utinam Fiam, fias, fiat.

Plur. utinam fiamus, fiat, fiant.

Præter. imperf. sing. utinam Fierem, fieres, fieret.

Plur. utinam fieremus, fieretis, fierent.

Præter. perf. sing. utinam Factus sim vel fuerim, factus sis vel fueris, factus sit vel fuerit.

Plur. utinam facti simus vel fuerimus, facti sitis vel fueritis, facti sint vel fuerint.

Præter. plus quam perf. sing. utinam Factus essem vel fuisset, factus esses vel fuisses, factus esset vel fuisset.

Plur. utinam facti essemus vel fuisset, facti essetis vel fuissetis, facti essent vel fuissent.

SUBJUNCTIVUS MODUS.

Præsens sing. cum Fiam, fias, fiat.

Plur. cum fiamus, fiat, fiant.

Præter. imperf. sing. cum Fierem, fieres, fieret.

Plur. cum fieremus, fieretis, fierent.

Præter. perf. sing. cum Factus sim vel fuerim, factus sis vel fueris, factus sit vel fuerit.

Plur. cum facti simus vel fuerimus, facti sitis vel fueritis, facti sint vel fuerint.

Præter. plus quam perf. sing. cum Factus essem vel fuisset, factus esses vel fuisses, factus esset vel fuisset.

Plur. cum facti essemus vel fuisset, facti essetis vel fuissetis, facti essent vel fuissent.

Fut. sing. cum Factus fuero, factus fueris, factus fuerit.

Plur. cum facti fuerimus, facti fueritis, facti fuerint.

INFINITUS MODUS.

Præsens & præter. imperf. Fieri.

Præter. perf. & plus quam perf. Factum esse vel fuisse.

Futurum, Faciendum esse.

Gerundi voces, Faciendi, faciendū, faciendum.

Supinum, Factu.

Participium præteriti temporis, Factus.

Futuri, Faciendus.

Possū.

INDICATIVUS MODUS.

Præsens sing. Possū, potes, potest.

Plur. possumus, potestis, possunt.

Præter. imperf. sing. Poteram poteras, poterat.

Plur. poteramus, poteratis, poterant.

Præter. perf. sing. Potui, potuisti, potuit.

Plur. potuimus, potuistis, potuerunt vel potuere.

Præter. plus quam perf. sing. Potueram, potueras, potuerat.

Plur. potueramus, potueratis, potuerant.

Fut. sing. Potero, poteris, poterit.

P p p p 3

Plus.

Plur. poterimus, poteritis, poterunt.

IMPERATIVUS MODUS deest.

OPTATIVUS MODUS.

Præsens sing. utinam Possim, possis, possit.

Plur. utinam possimus, possitis, possint.

Præt. imperf. sing. utinam Possẽm, posses, possẽt.

Plur. utinam possẽmus, possẽtis, possẽnt.

Præt. perf. sing. utinam Potuerim, potueris, potuerit.

Plur. utinam potuerimus, potueritis, potuerint.

Præt. plus quam perf. sing. utinam Potuissẽm, potuissẽs, potuissẽt.

Plur. utinam potuissẽmus, potuissẽtis, potuissẽnt.

SUBJUNCTIVUS MODUS.

Præsens sing. cum Possim, possis, possit.

Plur. cum possimus, possitis, possint.

Præt. imperf. sing. cum Possẽm, posses, possẽt.

Plur. cum possẽmus, possẽtis, possẽnt.

Præt. perf. sing. cum Potuerim, potueris, potuerit.

Plur. cum potuerimus, potueritis, potuerint.

Præt. plus quam perf. sing. cum Potuissẽm, potuissẽs, potuissẽt.

Plur. cum potuissẽmus, potuissẽtis, potuissẽnt.

Fut. sing. cum Potuero, potueris, potuerit.

Plur. cum potuerimus, potueritis, potuerint.

INFINITUS MODUS.

Præsens & præt. imperf. Possẽ.

Præt. perf. & plus quam perf. Potuissẽ.

Participium præsentis temporis, Potens.

PARTICIPIA.

Participia finita in *ans* vel in *ens*, imitantur tertiam nominis inflexionem, *Amans, amantis: legens, legentis.*

Cæterorum participiorum masculina & neutra imitantur secundam declinationem: fœminina vero primam, sicut adjectiva finita in *us, aum*, declinari solent, ut *Amaturus, amatura, amaturum; Genitivus, amaturi, amaturẽ, amaturi: Aman-dus, amanda, amandum; Genitivus, amandi, amandẽ, amandi.*

PRÆPOSITIONES.

Præpositiones sunt hæ, *Ad, apud, ante, adversus vel adversum, cis, citra, circum, circa, circiter, contra, erga, extra, infra, intra, inter, juxta, ob, pone, prope, propter, per, præter, post, penes, secus, secundum, trans, ultra, usque, versus. A, ab, abs, absque, cum, coram, de, e, ex, pro, præ, palam, sine, tenus. Clam, in, sub, super, subter.*

ADVERBIA.

Adverbia, aut temporis sunt, ut *Hodie, cras, heri, perendie, quotidie, quum, quando, dum, jam, nunc, modo, mox, diu, semper, aliquando, dudum, pridem, olim; sepe, raro, nunquam.*

Aut loci, *Ubi? hic, istic, illic, ibi, intus, foris. Quo? huc, illuc, illuc,*

*illuc, intro, foras. Unde? hinc, ist-
hinc, illinc. Qua? hac, isthac, illac.
Quorsum? horsum, isthorsum, illor-
sum, prorsum, retrorsum.*

Aut numeri, ut Semel, bis, ter, quater.

*Aut ordinis, ut Inde, deinde, de-
binc, deinceps.*

Aut interrogandi, ut Cur, quare, quomobrem, ubi, unde, quo, qua, quorsum, qualiter, quomodo, quando.

Aut vocandi, ut Heus.

Aut respondendi, ut Hem.

Aut affirmative respondendi, ut Etiam, sic, ita, quidni?

*Aut affirmationis seu confirmatio-
nis, ut Certe, profecto, sane, scilicet, videlicet.*

Aut negandi, ut Non, haud, minime, nequaquam.

Aut jurandi, ut Aedepol, castor, berce, mediussidius.

Aut hortandi, ut Eia, age, agedum.

Aut prohibendi, ut Ne.

Aut optandi, ut Utinam, si, o, si, o.

Aut congregandi, ut Simul, una, pariter, non modo, non solum.

Aut eligendi, ut Potius, imo.

Aut separandi, ut Seorsum.

Aut qualitatis, ut Docte, pulchre, fortiter.

Aut quantitatis, ut Multum, parum, modicum, minimum, minime, paullulum, nimium.

Aut comparandi, ut Tam, quam, magis, minus, maxime, minime.

Aut intendendi, ut Valde, perquam, longe.

Aut contrariae significationis, nempe remittendi, ut Vix, sensim, paulatim, egre.

Aut rei non plane peractae, ut Pene, fere.

Aut demonstrandi, ut En, ecce.

Aut dubitandi, ut Forsan, forsi-

tan, fortassis, fortasse.

Aut eventus, ut Forte, fortuito.

Aut similitudinis, ut Sic, sicut, sicuti, quasi, cen, tanquam, veluti, velut.

INTERJECTIONS.

Interjectionum aliae sunt dolentis, ut Hei, heu, o, ah, vah.

Quaedam exsultantis, ut Evax.

Quaedam timentis, ut Atat.

Quaedam admirantis, ut Papæ.

Quaedam exclamantis, ut Proh Jupiter! o tempora, o mores!

CONJUNCTIONES.

Conjunctionum quaedam sunt copulativæ, ut, Et, que, atque, ac, quoque, etiam, necnon.

Quaedam discretivæ, ut Sed, quidem, autem, vero, at, ast.

Quaedam disjunctivæ, ut At, ne, vel, sive, seu.

Quaedam rationis redditivæ, ut Nam, namque, enim, etenim, quia.

Quaedam subcontinuativæ, ut Quoniam, postquam, quando, quandoquidem.

Quaedam perfectivæ vel absolutivæ, velut Ut & Quo. Et una quæ definitiva vocari potest, ut Quod.

Quaedam continuativæ, ut Si, sin, ni, nisi.

Quaedam dubitativæ, ut Ne, an, utrum, necne.

Quaedam illativæ, ut Ergo, ideo, igitur, quare, quomobrem.

Quaedam adversativæ, ut Et si, quoniam

quanquam, quamvis, licet. Et red-
ditivæ earundem, ut *Tamen*, *atta-*
men.

Quædam electivæ, ut *Quam*.
Quædam clattotivæ seu diminu-
tivæ, ut *Saltem*.

R U D I M E N T A D E F I N I T I O N U M.

N O M E N.

NOMEN est pars orationis, quæ casibus inflexa, significat aliquid sine ulla temporis adsignifican-
tia. Nomen *proprium* est, quod significat rem non communem, sed propriam uni individuo: ut *Maro*, *Roma*, *Tybris*.

Nomen *appellativum* est, quod rem multis communem significat: ut *Homo*, *animal*, *albedo*.

Interim appellativorum vim obtinent infiniti verborum modi, ut [*studere*] in hac oratione, *Studere est honestum*: interim vero sensus integer, velut [*ut discas*] in hac oratione, *Expediit ut discas*.

Adjectivum nomen est, quod significat rem communem multis, & proprii vel appellativi significationem determinat: & est fere trium generum, aut sub tribus diversis terminationibus, ut *Albus*, *alba*, *album*; aut sub duabus, ut *fortis*, *forte*; aut sub una, ut *Velox*: nec per se in oratione consistere potest, sed semper cum proprio aut appellativo aut expresso aut intellecto ponitur, nisi sit neutrius generis.

Interrogativum nomen est, per quod de re aliqua quærimus. Est au-

tem duplex. Nam per ipsum aut de proprio vel appellativo nomine interrogamus, & *substantiæ interrogativum* vocatur, ut *Quis? uter?* aut de adjectivo, & tum vocatur *accidentis*, ut *Qualis? Of what sort? (Hoe danig?) Quamens? How great? (Hoe groot?) Cujus causa, eujum? Whose? (Dan wie?) Cujus? Of what Countrey? (Waar van dan?) Quorums? Of what Number? De hoe menigste?) Quot? How many? (Hoe veel?)* Prædicta vero nomina interdum nihil quærunt: sed aut subjunguntur hujuscemodi verbis, *Scio*, *intelligo*, *video*: ut *Scio qualis sis*: & tum *infinita* vocantur. Aut nos ad aliud notius remittunt, & tum fiunt *relativa*: ut *Hermolaus erat doctus*, *qualis etiam Politianus erat*.

Nomen *redditivum* est quod interrogativis respondet, quando relativi vim induunt: velut hæc, *Talis*, *tantus*, *tot*. Exemplum, *Talis erat Politianus, qualis Hermolaus*. Hæc autem interdum demonstrative accipiuntur, veluti cum hominem demonstrantes dicimus, *Talis erat Theodorus*.

Nomen *partitivum* est quod aut multos sigillatim significat, ut *Uterque*, *unusquisque*: aut unum ex multis, ut *Alter*, *alius*.

Ad-

Adjectivum nomen, si comparationem recipere potest, *positivum* aut *absolutum* vocatur.

Comparativum nomen est quod significat excessum alicujus qualitatis, respectu unius, aut plurium, & resolvitur per hoc adverbium *Magis*: ut *Prudentior illo*, vel *illis*, *He is wiser than he* / *or than they*: pro *magis prudens*.

Superlativum nomen est quod significat excessum alicujus qualitatis respectu plurium, & resolvitur per adverbium *Maxime*: ut *Doctissimus omnium*, *The most learned of all*: pro *maxime doctus*.

Nomen *possessivum* est quod significat rem ut possidentis, aut ejus ad quem pertinet: ut *Paternus*, *hortensis*, *berilis*.

Nomen *materiale* est quod significat rem tanquam ex materia e qua fit: ut *Lapideus*, *testaceus*, *triticeus*. Quæ vero rem significant, ut ex urbe, aut oppido, vocantur *patria*: ut *Eboracensis*, *Romanus*. Quæ rem significant, ut ex gente, aut natione, appellantur *gentilia*: ut *Græcus*, *Italus*, *Hispanus*, *Anglus*.

Nomen *numerale* est quod numerum significat, ut *Unus*, *duo*, *tres*: & ejus generis nomina, *cardinalia* vocantur. Aut ut *Primus*, *secundus*, *tertius*, quæ *ordinalia* vocantur. Aut ut *Singuli*, *bini*, *terni*, quæ *distributiva* vocantur.

Nomen *collectivum* est quod sub una voce singulari multa significat: ut *Populus*, *gens*, *turba*.

recipit: ut *Vir*, *Theodorus*, *Poëta*. In his autem quæ maris & foeminæ discrimen non recipiunt, id nomen masculinum appellatur, quod apud probatos scriptores solis masculinis jungi solet: ut *Lapis*, *niger*, *qui*.

Fœmininum genus est quod ad fœminas tantum pertinet in eo rerum genere quod utrumque sexum recipit: ut *Cornelia*, *mulier*, *textrix*. In his vero rebus quæ sexus discrimen non recipiunt, fœmininum est quod cum vocibus fœminini generis jungitur: ut *Petra*, *nigra*, *quæ*.

Neutrum genus est quod nec mari proprium est, nec fœminæ, quodque in communi loquendi usu cum dictionibus jungitur quæ nec masculinæ nec fœmininæ sunt: ut *Saxum*, *jumentum*.

Ea vero nomina quæ pariter marem & fœminam significant, & masculini & fœminini sunt generis, *Communia* duum generum appellantur: ut *Bos*, *sus*. Exceptis paucis quæ vocantur *Epicœna*: ut *Passer*, *aquila*, *mustela*, *milvus*: quæ sub uno genere significant utrumque sexum. Quemadmodum e contrario quædam vocantur *Dubii* generis, quod unam rem significant, nunc in masculino, nunc in fœminino genere, solo auctorum arbitrio: ut *Margo*, *dies*, *flex*. Quæcunque vero nomina vocibus cujusque generis possunt convenire, ea *Communia* trium appellantur: ut *velox*.

C A S U S.

Nominativus casus est qui significat rem absolute, vel citra ullam circumstantiam aut respectum ad aliam: & is casus *Rectus* vocatur: cæteri vero *obliqui*.

G E N E R A.

Masculinum genus est quod ad mares tantum pertinet in eo genere rerum quod utrumque sexum

Tom. II.

Q q q q

Aliter.

Aliter.

Nominativus est qui aut præcedit verbum certæ personæ & numeri, & respondet huic quæstioni [*quis?*] aut [*quid?*] præpositæ verbo. Aut si non præcedit verbum, ab hujusmodi nominativo dependet.

Genitivus est qui significat rem ut possidentis: atque ideo potest frequenter in possessiva verti. Ejus vero articulus sive nota, præcipue post appellativa & propria nomina, est hæc vox *Of*.

Dativus est qui significat rem, ut cui accessio, damnum, gratificatio, missio, similitudinis vel æqualitatis collatio sit. Ejus autem nota post adjectiva aut appellativa est hæc vox *To* vel *for*: ut, *I am profitable / unprofitable / like or equal to thee: Sum utilis, inutilis, similis, vel æqualis tibi.*

Accusativus est qui fere verborum activorum transitum & actionem excipit, & qui quasdam præpositiones sequitur quæ construuntur cum accusativo.

Vocativus significat rem ut vocatam vel compellatam, ut *Tityre*: & frequenter jungi solet adverbis: ut *Heus Angele, o Hermolae*: & semper absolute sine ullo verbo consistit.

Ablativus est qui significat tempus, pretium, vel instrumentum, & Anglice has habet notas, *With / from, in / by*.

N U M E R I.

Singularis numerus unam rem significat, ut *Homo, A Man*. *Pluralis* plura significat, ut *Homines, Men*. Nomina vero quæ *collectiva* vocantur, qualia sunt, *gens, populus,*

in singulari numero obtinent vim numeri pluralis. Similiter duo aut plura appellativa vel propria nomina, vel primitiva pronomina, conjuncta per conjunctionem copulativam, ut *Petrus & Paulus, Grammaticus & rhetor, Ego & tu.*

P R O N O M E N.

PRONOMEN est pars orationis, quæ inflexa casibus, significat rem sine certi temporis differentia, & semper definitam significat personam.

Aliter.

Quæ rem significat tanquam demonstratam, relatum aut possessam, cum aliqua certæ personæ differentia: atque ideo quædam vocantur *demonstrativa*, quædam *relativa*, quædam *possessiva*.

Pronomen *demonstrativum* est quod rem demonstrat, ut *Ego, tu, hic, ille.*

Relativum est quod aliquid ex præcedenti oratione repetit, ut *Virgilius legitur, & hic est præcipue audiendus.*

Possessivum est quod significat rem tanquam possessam, interdum ab uno, ut *Meus, tuus*; interdum a pluribus, ut *Noster, vester.*

Pronomen *patrium* est quod significat patriam, cum differentia certæ personæ, ut *Nostras, vestras.*

P E R S O N Æ.

Prima persona pronominis est quæ significat rem ut loquentem, ut *Ego*. Voces autem primæ personæ sunt Anglicæ, *I / me / we / us.*

Secunda persona significat rem ut compellatam, sive ad quam fit sermo,

mo, ut *Tu*, atque ideo omnis vocativus casus est secundæ personæ, ut *Petre*. Voces autem secundæ personæ Anglicæ sunt hæ, *Thou/thee/pou/pe*.

Tertia persona est quæ significat rem, ut de qua fit sermo. Sub hac persona continentur omnia nomina, participia & pronomina, præter duo primitiva, *ego* & *tu*, & vocativos casus, ut antea dictum est.

GENERA.

Masculina pronomina sunt quæ demonstrant aut referunt mares, aut quæ solent in publico Latini sermonis usu dictionibus masculinis jungi.

Fœmininum est quod fœminas refert aut demonstra, aut quod in sermone Latino cum fœmininis dictionibus solet jungi.

Neutrum genus refert aut demonstrat rem neutram, hoc est, neque masculinam neque fœmininam, nec solet jungi cum dictionibus masculinis aut fœmininis.

VERBUM.

VERBUM est pars orationis, quæ modis & temporibus inflexa, aut esse, aut agere, aut pati significat, cum certi temporis differentia: ut *Sum*, *eram*: *amo*, *amabam*: *amor*, *amabar*.

Unum est verbum *Substantivæ*, quod est *Sum*, *es*, *fui*. Aliorum verborum ea quæ per se sensum absolvent, nec dictionem post se expectant, quæ transitum ipsorum excipiat, vocantur *Absoluta*: ut *Sto*, *jaceo*, *ambulo*. Reliqua omnia *Transitiva* vocantur, quorum quædam

sunt *Activa*, quædam *Passiva*, quædam *Communia*, quædam *Neutra*, quædam *Deponentia*.

Activum est quod definit in *o*, & potest fere verti in passivum sensu non mutato: ut *Amo te*, *Tu amaris a me*.

Passivum est quod finitum in *or* potest mutari in activum sensu non mutato: ut *Tu amaris a me*, *ego amo te*.

Verbum *Commune* est quod definit in *or*, & activorum & passivorum significationem complectitur: ut *Largior*, *exporior*.

Verbum *Neutrum* est quod finitum in *o* non potest Latine verti instar activi, ut *Eo*, *palleo*.

Verbum *Deponens* est quod in *or* finitum habet significationem aut activi, ut *Sequor*: aut neutri, ut *Glorior*.

MODI.

Modi sunt sex, *Indicativus*, *Imperativus*, *Optativus*, *Potentialis*, *Subjunctivus* & *Infinitus*.

Indicativus modus est qui rem ut narratam significat, ut *Amo*, *I love*. Interdum ut interrogatam, aut *Amo ego?* *Do I love?*

Imperativus modus rem significat ut imperatam, aut jussam: ut *Ama*, *Love thou*.

Optativus modus rem significat ut optatam, & nonnunquam cum adverbio optandi, interdum sine eo: ut *Utinam amer*, *I wish I be loved*.

Potentialis modus est qui significat potentiam aut debitum: notæ ejus Anglicæ sunt hæ, *I can* / *or I ought* / pro præsentis & præterito perfecti *I might* / *or I could* / *or I should* / pro præterito imperfecto *I might* / *or I*

Q q q q 2

could/

could / or *I should have* or *had* / pro plus quam perfectio. *I will have* / pro futuro.

Habet autem in omni verbo quinque tempora subjunctivi temporibus (quod ad vocem attinet) similia: ut *Amem*, *I can love*. *Amarem* / *I might love* / or *I should love*. *Amaverim*, *I would willingly love*. *Amavissem*, *I might have* or *had loved*. *Amavero* / *I will love*.

Hic autem modus potest etiam interrogative, aut dubitative sumi: ut: *Amemne ego inimicum?*

Subjunctivus modus indicativo quidem significatione similis est, sed nunquam eo utimur nisi post aliud verbum aut expressum aut subauditum: ut *Rogo ut facias*.

Infinitus modus significat esse, agere, aut pati, sine numero aut persona.

TEMPORA.

Præsens tempus significat actionem quæ nunc agitur, ut *I love* / *Amo*.

Præteritum imperfectum actionem præteritam, non tamen absolutam significat: ut *I loved* / *Amabam*.

Præteritum perfectum, actionem præteritam & absolutam significat: ejus nota Anglica est, *I have*: ut *I have loved* / *Amavi*.

Præteritum plus quam perfectum significat rem perfectam, sed respectu præteriti: & ejus nota Anglice est, *I had*: ut *I had loved* / *Amaveram*.

Futurum tempus significat rem in futurum gerendam: ejus autem notæ Anglicæ sunt hæ, *I shall* / or *I will* / ut *I will love* / *Amabo*.

PARTICIPIUM.

Participium est pars orationis casibus inflexa, quæ significat actionem cum differentia temporis: in voce quidem activa præsentis temporis aut futuri, ut *Amans*, *amaturus*: in passiva vero præteriti aut futuri, ut *Amatus*, *amandus*.

PRÆPOSITIO.

Præpositio est pars orationis indeclinabilis, significans circumstantiam aut habitudinem rei in loco, ordine, aut causa: ut *In*, *post*, *propter*.

ADVERBIUM.

Adverbium est pars indeclinabilis, quæ determinat significationem verbi, velut adjectiva priorum & appellativorum: ut *Bene facis*, *male facis*: *Clare legis*, *male legis*.

INTERJECTIO.

Interjectio est pars orationis indeclinabilis, quæ sub rudi, imperfecta, & incondita voce aliquam animi affectionem significat, utpote dolorem, metum, indignationem, vel admirationem.

CONJUNCTIO.

Conjunctio est pars orationis indeclinabilis, quæ connectit & ordinat clausulas.

R U D I M E N T A CONSTRUCTIONUM.

PARASCEUE GENERALIS AD CONSTRUCTIONEM.

UT Verba recte in oratione connectas & coagmentes, primum omnium sciendum est, quod verbum certæ personæ & numeri semper habeat secum nominativum aut positum aut subauditum: ut *Ego audio*.

Item, quod omne adjectivum suam vim servans, habeat secum junctum aut proprium aut appellativum, aut aliquid quod eorum vim obtineat: ut *Magnus Alexander*, *Gratus discipulus*, *Velle tuum*.

Item, quod relativum [*qui*] semper habeat secum aut expressum aut subauditum aliquod verbum e præcedenti clausula, quod vocatur *Antecedens*: ut *Maro legitur, qui imitatus est Homerum*. Ibi cum relativo [*qui*] subauditur *Maro*.

Item, quoties duo verba continuamus in una clausula, nullo interveniente nominativo, aut expresso, aut subaudito, posterius erit infiniti modi: ut *Cupio discere*.

Item, præpositio suam vim servans, non potest consistere sine dictione per casus inclinabili, in eo casu posita quem ea præpositio exigit: ut *Ad templum, ab urbe*.

De constructione intransitiva.

PRIMA INTRANSITIVA.

Præceptor docet, Quare verbum [*docet*] est singularis numeri & ter-

tiæ personæ? Quia verbum certi numeri & personæ semper debet convenire cum nominativo casu in duobus accidentibus, numero & persona: *Ego scribo, tu legis*.

Quanam ratione deprehendes quis sit proprius alicujus verbi nominativus? Per hanc quæstionem [*quis*] vel [*quid*] verbo præpositam. Ea enim dictio quæ huic quæstioni respondet, erit verbi nominativus, ut in hac oratione, *Ego lego*, nominativus est [*ego*] quia respondet huic quæstioni, *Quis vel quid legit?*

SECUNDA CONSTRUCTIO INTRANSITIVA.

Gratus discipulus laudat præceptorem, [*Gratus*] quare est nominativus casus, masculini generis, & singularis numeri? Quia necesse ad adjectivum consentire cum proprio aut appellativo in tribus, nempe casu, genere & numero: ut *vir bonis, Mulier proba*. Præterea omnia nomina interrogativa, relativa accidentis, cum suis redditivis; item partitiva, comparativa, superlativa, numeralia, & pronomina, tum demonstrativa, tum possessiva; item participia, quæ eandem obtinent cum suis propriis & appellativis constructionem, quam habent adjectiva: *Quanta turba, Tanta moles, Neutra acies, Melior fortuna, Maximus lairo, Tres fratres*.

Q q q q 3

fratres, Hic vir, Illa anus, Noster berus, Homo armatus.

Qua ratione deprehendes proprium aut appellativum quod ad adjectivum spectat? Per hanc quæstionem [*quis*] aut [*quid*] adjectivo subiectam: ut in hac oratione, *Velox equus; velox, quid? equus.*

TERTIA INTRANSITIVA.

Vir sapit qui pauca loquitur, Quare est hæc vox [*qui*] nominativus, masculini generis & singularis numeri? Quia relativum [*qui,*] & breviter omnia nomina & pronomina relativa, cohærent cum suo proprio aut appellativo, aut pronomine primitivo, quod ex superiore clausula repetunt, in tribus, casu, genere & numero: ut *Vir sapit qui pauca loquitur, Ego scribo & idem doceo, Est homo studiosus, qualis es tu:* in quibus exemplis, cum, [*qui*] subauditur *vir*; cum [*idem*] ego; cum [*qualis*] *homo*.

Quæ est vox quæ ex clausula præcedenti repetitur ibi cum relativo [*qui?*] Hoc appellativum [*vir*].

Cur subaudis hoc appellativum [*vir*] post relativum in nominativo casu? Quia ita præcipit regula. Dic regulam:

1. Si nullus interveniat nominativus inter relativum & verbum, tum ea vox quæ cum relativo repetitur, erit nominativus verbi.

2. Quod si quis interveniat nominativus inter relativum & verbum, tum ea dictio quæ repetitur a relativo, talis erit casus, qualem verbum post se expetit: ut *Audio fabulam quam Terentius dedit.* Aut talis casus, qualem dictio aliqua, quæ verbum sequitur, expetit post se. Quæ

quidem dictio interim nomen est appellativum: ut *Cujus nomen adoro.*

Interim adjectivum, idque variis modis: ut

Cujus inopem seviſſi.

Quorum optimum ipſe habeo.

Cui ſimilem non vidi.

Quo dignum judicavi.

Quo majorem non vidi.

Interim infinitus modus, participium, gerundi vox, aut supinum: ut,

Quem cupio videre.

Cui velim te obſequentem.

Quem videndo obſtupuit.

Quem ſalutatum venit.

Interim præpositio, vel adverbium: ut,

A quo videor amari.

Quo melius nemo ſcribit.

Aliter.

Relativum convenit cum suo antecedente in tribus, genere, numero & persona. Quod autem ad casum attinet, si nullus nominativus interveniat inter relativum & verbum, tum relativum erit verbi nominativus. Sin autem aliquis nominativus interveniat inter relativum & verbum, tum relativum talis erit casus qualem verbum post se exigit: aut talis casus qualem dictio sequens verbum exigit post se, ut in superioribus exemplis est demonstratum.

Qua ratione deprehendemus dictionem clausulæ præcedentis quæ cum relativo repeti debet? Per hanc quæstionem [*Quis*] vel [*Quid*] verbo subiectam: ut in hac oratione, *Virgilius laudavit Æneam, qui erat Trojanus;* dictio quæ repetitur cum relativo, est [*Æneas,*] quia respondet

det ad hanc quæstionem *Quis vel Quid* subjectam relativo, hoc pacto, *Quis erat Trojanus? Æneas.*

APPOSITIVA CONSTRUCTIONE.

Plato est philosophus, Cur est hæc dictio [*Philosophus*] nominativi casus? Quia dictio per casus inclinabilis subjuncta verbo *Sum, es, fui*, verbis passivis, aut neutris absolutis, ut *judicor, incedo*, modo nulla interveniat præposito, convenit casu cum ea dictione quæ verbum præcedit: ut *Virgilius erat poëta*, *Virgilius vocabatur Maro*, *Incedo rectus*.

Sin autem dictio sequens verbum, sit adjectivum, aut dictio quæ instat adjectivi construatur, necesse est conveniat cum dictione præcedente verbum in casu, genere & numero: ut *The Master is sick. Præceptor est æger.* (*De Meester is sieck.*) Et hæc vocatur *Appositiva constructio*.

PARASCEUE GENERALIS AD CONSTRUCTIONEM TRANSITIVAM.

Audio Terentium quem tu edidicisti, Cur accusativus [*quem*] præcedit suum verbum? Quia ita jubet regula. Quænam est ea?

In universum, omne nomen, verbum, participium, adverbium, aut interjectio, solent obliquo casui, quem regunt, præponi: ut *Domus Pompeji*, *Clementia Cæsaris*, *Video herum*, *Prope fontem*. Nisi forte obliquus hujuscemodi sit nomen interrogativum, aut relativum *qui, quæ, quod*: quæ in hoc genere constructionis semper solent præcedere dictiones a quibus reguntur: ut *Quem quæris? Utri faves? Quos tu perdidderas.*

NOMINA CUM GENITIVO CONSTRUCTA.

Codex Virgilii, [*Virgilii*] quare est genitivi casus post dictionem [*codex*?] Quia omne nomen appellativum potest construi cum genitivo dictionis sequentis, quæ quidem habeat ante se genitivi notam: ut *The point of a knife / Mucro cultelli.* (*De punt van het mes.*)

Amator virtutis, [*Virtutis*] quare est genitivi casus? Quia omnia nomina verbalia, quæ quidem appellativorum significationem habent, modo ab activis verbis deriventur, possunt construi cum genitivo dictionis sequentis, quæ notam genitivi habet ante se: ut *A lover of learned men / Amator doctorum*: (*Een liefhebber der geleerde.*) *Tegmen capius*, *Lectio præceptoris*.

Dives pecoris, Cur [*pecoris*] est genitivi casus? Quia nomina adjectiva, quæ copiam seu abundantiam significant, ut *Dives*, *opulentus*, construuntur cum genitivo dictionis sequentis, quæ habet ante se notam genitivi: ut *I am rich of cattle / Sum dives pecoris*, (*Ik ben rijk van vee.*) *Capax amphoræ*, (*Containing an Amphora, which is the name of a certain measure / houdende een anker.*) *Plenus rimarum*. Sed *Plenus* frequenter cum ablativo construitur: ut *Plena gypso*.

Expers fraudis, Quare [*fraudis*] est genitivi casus? Quia nomina significantia inopiam aut penuriam, possunt construi cum genitivo dictionis sequentis, quæ rem quæ deest significat, & notam genitivi ante se habet: ut *Poor of all things / (Dan alles berooft syn.) Pauper, egenus, inops, indigus, expers omnium: Inops auxilii, Expers fraudis.*

Cupidus laudis, Cur [*laudis*] est genitivi casus? Quia nomina quæ significat.

gnificant inopiam cum desiderio, possunt construi cum genitivo casu dictionis sequentis, cui nota genitivi præponitur: ut *Covetous of money / Avarus pecuniæ. (Covetous of learning / Cupidus, avidus literarum. (Aet- glerig.)* Horum vero quædam construi possunt cum voce gerundi in infinita: ut *Cupidus vivendi, Avidus bibendi.*

Nescius fraudis, Cur [fraudis] est genitivi casus? Quia nomina significantia scientiam aut inscitiam, construuntur cum genitivo dictionis sequentis, quæ habet ante se notam genitivi: ut Peritus, gnarus, ignarus rerum: Anceps, dubius sententiæ: Nescius fraudis: Certus, incertus consilii: Prudens, imprudens, conscius fati: & cum his Compos, Securus, Potens, Reus.

Alter geminorum, Cur [geminorum] est genitivi casus? Quia nomina participativa construuntur cum genitivo plurali dictionis sequentis, quæ ante se genitivi notam habet: ut Alter, uterque nostrum: Quisque, unusquisque majorum: Nemo, unus, vel solus hominum. Adde hæc tria interrogativa, Quis, uter, & quot.

Primus sedentium, Cur [sedentium] est genitivi casus? Quia omnia nomina numeri, quæ ordinalia vocantur, construuntur cum genitivo plurali omnium dictionum habentium ante se notam genitivi: ut Primus, secundus, tertius fratrum.

Sanissima corporum, Quare [corporum] est genitivi casus? Quia nomina superlativi gradus construuntur cum genitivo plurali dictionum sequentium, quæ ante se habent genitivi notam: ut Sanissima corporum, Minimus fratrum. Hic autem geni-

tivus sæpe resolvitur in ablativum cum præpositione *e* vel *ex*: ut *Minimus e fratribus.*

NOMINA CUM DATIVO CONSTRUCTA.

*Gratus præceptor, Cur [præceptor] est dativi casus? Quia omnia nomina significantia gratificationem, commodum, vel incommodum, construuntur cum dativo dictionis sequentis, quæ notam dativi ante se habet: ut *Labour is profitable to the body / Labor est utilis corpori.* Huiusmodi adjectiva sunt, *Utilis, inutilis, damnosus, periculosus, commodus, incommodus, jucundus, & supplex,* cum similibus.*

*Similis regi, Quare [regi] est dativi casus? Quia nomina significantia similitudinem aut æqualitatem, aut quæ his sunt contrariæ significationis, aut quæ relationem ad aliud significant, velut composita cum præpositione [con,] construuntur cum dativo sequenti, cui nota dativi præponitur: ut *Similis, dissimilis, par, impar, æqualis, inæqualis, contubernalis, commilito, conservus, cognatus mihi.* Similiter etiam *Socius & comes.**

NOMINA CUM ACCUSATIVO CONSTRUCTA.

*Latus palmum, Quare [palmum] est accusativi casus? Quia adjectiva mensuram significantia, construuntur cum accusativo nominis significantis definitam mensuram: ut *Latus, longus, crassus pedem unum: Altus, profundus palmum.**

Aptus ad regendum, Cur potius dicis [ad regendum] quam [regere,] post

post adjectivum *Aptus*? Quia post hujuscemodi adjectiva *Aptus*, *idoneus*, *commodus*, *segnis*, *invitus*, *diligens*, *vehemens*, utimur gerundi voce in *dum* finita, cum præpositione *Ad*: infinito non item, etiamsi eadem sit utriusque significatio, ut *Aptus ad dicendum*.

NOMINA CUM ABLATIVO CONSTRUCTA.

Dignus laude, Cur [*laude*] est ablativi casus? Quia hæc adjectiva *Dignus*, *indignus*, *vacuus*, *viduus*, *orbis*, *præditus*, *contentus*, construuntur cum ablativo casu: ut *Vacuus cerebro*, *Viduus pharetra*.

Difficilis auditu, Quare [*auditu*] est posterius supinum? Quia multa adjectiva, cum significatio infiniti modi in sermone vernaculo eis subjicitur, cum posteriore supino construuntur: ut *Facilis, difficilis auditu*. *Suave*, vel *acerbum dictu*. *Horridum visu*. *Incredibile, dignum, indignum memoratu*.

Frigidior glacie, Cur [*glacie*] est ablativi casus? Quia omnia comparativa construuntur cum ablativo dictionis sequentis, quæ habet ante se hanc notam Anglicam, *Than* / (*Als*) ut *Colder than ice* / (*Kouder als ijs*) *Frigidior glacie*. Hic vero ablativus potest resolvi in conjunctionem electivam, *Quam*, & nominativum ejusdem numeri: ut *Doctior Platone*, *Doctior quam Plato*.

CONSTRUCTIO VERBORUM ACTIVORUM.

Amo est verbum activum. Cur ita? Quia in prima sua persona singulari finitur in *o*, & præter nominativum suum potest admittere hanc

quæstionem [*quam rem*,] hoc pacto, *Quam rem amo, doceo, aro, ædifico ego*? Omnia vero hujuscemodi verba (exceptis paucis, quæ quum sint activa, inter neutra tamen numerantur) possunt recipere passivam vocem, nempe quando hujuscemodi quæstio mutatur in nominativum casum, significatio activi in passivam, dictio significans rem agentem in ablativum casum, hoc pacto, *Quæ res amatur, docetur, aratur, ædificatur a me*? Excipiuntur autem ut quæ passivam vocem non admittant, *Volo, nolo, malo, doleo, possum, odi, memini*. Et quædam verba tertiæ personæ, quæ *Defectiva* vocantur, ut *Decet*, cum paucis aliis: quibus etiam si activa sunt, tamen eis consuetudo sermonis Latini passivam vocem non dedit, ut *Facio* cum compositis quæ a servant, velut *Floccifacio, parvisacio*; quorum passiva supplemus per verbum *Fid*, & ejus composita: ut *Stupefio, parvifio*.

Amo studiosos, Cur [*studiosos*] est accusativi casus? Quia omne verbum activum solet construi cum accusativo casu: ut *Doceo literas, Aro terram, Ædifico ædem*.

Cupio equitare, Cur, [*equitare*] est infiniti modi post verbum *cupio*? Quia multa verba activa, loco accusativi casus, possunt construi cum infinito modo, velut *Cupio, volo; nolo, malo, propono, paro, affirmo, nego, incipio, censeo, sentio, judico, indico, dico, puto, existimo, scio, timco, audeo, suadeo, jubeo, impero, opto, disco, debeo*, cum aliis præterea nonnullis, quæ similem habent significationem alicui horum verborum, & quædam ex eorum passivis:

ut *Volo discere, Nolo te ire, Puto te audisse, Cogor adesse.*

CONSTRUCTIO VERBORUM PASSIVORUM.

Amor quale verbum? Passivum. Quare? Quia in prima persona singulari finitur in *or*, & semper Anglice habet unam harum notarum, *Am/ arc/ is/ are/ was/ wert/ were/ shall or will be/ shalt or wilt be.*

Sunt autem passivorum tria genera: Unum quod omnes personas habet & numeros: ut *Amor, doceor, dicor.* Alterum quod fere tertiam personam habet in utroque numero: ut *Bibitur, bibuntur: Arantur.* Tertium quod tertiam personam recipit in singulari numero tantum, quod vulgo *Impersonale* vocatur: ut *Curritur, statur.*

Ledor ab hoste, Cur ablativus cum præpositione subjungitur verbo *Ledor*? Quia verba passiva primi aut secundi generis habent ante se nominativum dictionis significantis rem patientem; post vero, ablativum dictionis significantis rem agentem cum una harum præpositionum, *A, ab, vel abs.* Res agens intelligitur quæ in sermone vernaculo sequitur notam ablativi casus: ut *I am taught by the Master/ Ego doceor a præceptore. Ager feritur a Camillo. Pharmacum bibitur ab Alexandro.* Et fere ablativus qui sequitur verba passiva, potest verti in dativum casum: ut *Amor a te, vel tibi.*

CONSTRUCTIO VERBORUM COMMUNIIUM.

Criminor quale verbum? Communis. Cur ita? Quia finitur in *or*, & habet significationem & activi & passivi.

Criminor te vel a te, Cur ponimus accusativum vel ablativum cum præpositione post verbum *Criminor*? Quia verbum commune, quum eo velut activo utimur, construitur instar activi: quum vero ut passivo, utimur instar passivi.

Communia verba fere vulgo numerantur, *Largior, exerior, veneror, moror, osculor, hortor, criminor, amplexor, interpretor, hospitor.*

CONSTRUCTIO VERBORUM NEUTRORUM.

Sum quale verbum? Neutrum. Quare? Quia in prima persona singulari definit in *um*, & non potest verti in passivam significationem, nec regere potest post se accusativum casum.

Distat abhinc mille passus, Quale verbum est *Distat*? Neutrum. Quare? Quia in prima persona singulari definit in *o*, nec admittit ante se hanc quæstionem [*quam rem:*] nec recipit passivam interpretationem, velut activa verba solent: nec potest regere accusativum, nisi mensuræ solum: ut *Distat mille passus.*

Surgo quale verbum? Neutrum absolutum. Quare? Quia cum suo nominativo sensum perfectum absolvit: atque ideo cum nullo alio casu naturaliter solet construi.

Hujus generis sunt verba quæ Latine definiunt in *sco*, & quæ plerumque affectionem significant, aut corporis habitudinem: ut *Sito, jaceo, sedco, fungo, vigilo, dormio, nauseo, rubeo, turgeo, horreo.* Multa præterea quæ motum corporis significant: ut *Curro, eo, vado, ambulo, venio.* Excipiuntur ex verbis in *sco* finitis,

finitis, *Disco, conquinisco, & assuesco* pro *assuesco*.

Eo in silvam, Cur accusativus cum præpositione sequitur verbum *Eo*? Quia neutra absoluta, quæ motum significant, construuntur cum accusativo casu appellativorum qui respondet ad hanc quæstionem [*quo*], cum præpositione *AD* vel *IN*, velut *Ego eo*. Quo? *In silvam*. Aut cum ablativo cum præpositione *A* vel *AB*, qui responderi potest ad hanc quæstionem, *Unde*.

Eo dormitum, Quare supinum in *um* sequitur verbum *Eo*? Quia neutra absoluta significantia motum, construuntur cum supino in *um* dictionis quæ respondet ad hanc quæstionem, *What to do?* ut *I go. What to do? To sleep. Dormitum*.

Placeo quale verbum? Neutrum transitivum. Cur ita? Quia cum suo nominativo non efficit sensum perfectum sine alia dictione per casus inclinabili.

Placeo præceptori, Cur [*præceptori*] est dativi casus? Quia omnia hæc verba subiecta regunt post se dativum, *Pareo, obedio, servio, inservio, obtempero, satisfacio, acquiesco, placeo, displiceo, subvenio, succurro, resisto, obfisto, obsto, repugno, farveo, studeo, aspiro, noceo, officio, invideo, insulto, asto, hæreo, adhæreo, incumbo, impendit, tempero, pro moderor: propinquo, fido, confido, invigilo, insto, succenseo, præfideo, præsto, prævaleo, præniteo, dis-fideo, consulo, pro eo quod est consilium do: & composita ab hoc verbo Sum, ut Adsum, desum, insum, obsum, præsum, profum, subsum: ex cipe possum.*

Abundo frugibus, Cur [*frugibus*]

est ablativi casus? Quia hæc neutra transitiva construuntur cum ablativo casu, *Affluo, abundo, exubero, gaudeo, careo, egeo, indigeo*: ut *Affluo pecuniis, Abundo libris*. Hæc autem duo, *Egeo, Indigeo*, etiam cum genitivo construuntur: ut *Egeo consilii, Indigeo patris*.

Desine maledicere, Cur [*maledicere*] est infiniti modi? Quia hæc neutra, *Desino, cesso, persevero, & pergo* pro *persevero*, construuntur solum cum infinito modo, velut interdum etiam verbum *Gaudeo*.

CONSTRUCTIO VERBORUM DEPONENTIUM.

Sequor quale verbum? Deponens. Quare? Quia desinit in *or*, & habet significationes activi vel neutri.

Sequor majores, Cur [*majores*] est accusativi casus? Quia omnia deponentia quæ habent significationem activorum, regunt post se accusativum rei patientis, velut activa: ut *Sequor, insequor, aggredior, furor, populo, prædor, opinor*: breviterque omnia quæ, præter nominativum ante se, admittunt quæstionem [*quam rem*] de patiente quærentem: ut *Precor mortem, Loquor iusta*: exceptis paucis deponentibus neutris, quæ inferius recensentur.

Opinor rediisse, Cur [*rediisse*] est infiniti modi? Quia hæc deponentia, *Conor, molior, inficior, reor, opinor, vereor, hortor, precor, gratulor*, construuntur cum infinito modo verbi significantis actionem: ut *Molior auferre*.

Reminiscor huius rei vel hanc rem, Cur sine discrimine genitivum vel

accusativum ponis post verbum *Reminiscor*? Quia hæc deponentia, *Recordor*, *reminiscor*, *obliscor*, possunt construi cum genitivo vel accusativo.

Lamentor quale deponens? Absolutum. Quare? Quia, nulla dictione per casus declinabili sequente, cum suo nominativo sensum perfectum reddit audientibus. Hujusmodi verba sunt, *Philosophor*, *rusticor*, *expergiscor*, *mori*, *jocor*, *nugor*, *spatior*, *vagor*, *labor*, *peregrinor*, *periclitor*, *ratiocinor*, *luctor*, *craspulor*, *pergræcor*, *profisciscor*, *ingredior* pro *gradior*, *revertor*, *congregior*, *altercor*, *tumultuor*, *grassor*, *lamentor*, *orior*, *nascor*, *renascor*.

Profisciscor ad urbem, Cur accusativus cum præpositione sequitur verbum *Profisciscor*? Quia neutra absoluta quæ significant motum, regunt post se accusativos nominum appellativorum quæ respondent ad quæstionem *Quo*, cum præpositione *AD* vel *IN*: ut *Ego profisciscor. Quo? Ad urbem.* Et ablativum, cum præpositione *A* vel *AB*, respondentem quæstioni *Unde*.

Profisciscor visum, Cur supinum in *um* sequitur verbum *Profisciscor*? Quia neutra absoluta significantia motum construuntur cum supino in *um*, quod respondet ad quæstionem hanc, *What to do?* ut *I go. What to do? To see. Visum.*

Suffragor quale deponens? Transitivity. Quare? Quia significatione similis est neutro transitivo.

Suffragor amico, Cur [*amico*] est dativi casus? Quia hæc deponentia transitiva *Auxilior*, *adminiculor*, *opitutor*, *suffragor*, *innitor*, *blandior*, *minor*, *adulor*, *assentior*, *medeor*, *adversor*, *obsequor*, *moderor*, *insidior*,

& *dominor*, cum aliis hujusmodi, construuntur cum dativo.

Utor pulla veste, Cur [*veste*] est ablativi casus? Quia hæc deponentia, *Utor*, *abutor*, *fruor*, *fungor*, *vescor*, & *potior*, construuntur cum ablativo: *Potior* vero etiam cum genitivo: ut *Potior rerum*. Cum genitivo etiam construitur *Misereor*, ut *Misereor inopum*.

VERBA ACTIVA DIVERSARUM RERUM DIVERSOS CASUS REGENTIA.

1. Quæ præter accusativum regunt genitivum aut ablativum.

Accusavit illum ingratitude, Cur hoc verbum regit post se accusativum cum genitivo vel ablativo? Quia omnia verba activa quæ ad accusationem vel criminationem spectant, possunt, præter accusativum, regere genitivum vel ablativum significantem crimen: ut *Culpo*, *arguo*, *accuso te furti vel furto*.

2. Quæ accusativum & dativum regunt.

Dicavit illi librum, Cur hoc verbum habet post se dativum & accusativum? Quia omne verbum activum, præter accusativum, potest regere dativum ejus rei quæ responderi potest ad quæstionem *Cui*: ut *Do*, *trado*, *dedo*, vel *demonstro hominem tibi*. Eodem pacto construuntur deponentia activæ significationis: ut *Loquor*, *testor*, *testificor*, *gratificor hæc tibi*.

3. Quæ duos accusativos.

Doceat te literas, Cur verbum [*doceo*] duos habet accusativos post se? Quia

Quia hæc verba, *Doceo, rogo, interrogo, oro, quaero, flagito, peto, postula, celo, calceo, induo, vestio, cingo*, regunt post se binos accusativos, quorum alter etiam in passiva voce servari potest: ut *Doceor grammaticen, Induor vestem*. Ex prædictis autem verbis ea quæ ad corporis ornatum spectant, possunt loco accusativi, id quod induimur significantis, habere ablativum: ut *Induo testola, aut toga*.

4. *Quæ accusativum & ablativum.*

Spoliavit me libris, Cur hoc verbum regit accusativum & ablativum? Quia hæc verba, *Spolio, privo, exonero, fraudo, levo, vacuo, impleo, farcio, refectio*, & hujus generis verba, præter accusativum, adsciscunt etiam ablativum: ut *Spolio te libris, Impleo cyathum vino*.

Paullo illum superat, Cur verbum præter suum accusativum adsciscit hujusmodi ablativum? Quia in universum verba activa significantia excessum aut præcellentiam, possunt præter suum accusativum regere ablativum dictionis significantis mensuram excessus aut præcellentiæ: ut *Præfero hunc multo, Paullo illum superat, Aliquanto eum præcedit*.

5. *Quæ accusativum cum dativo aut ablativo adsciscunt.*

Abstulit mihi vel a me ensen, Cur verbum præter accusativum adsciscit etiam dativum vel ablativum cum præpositione? Quia omne verbum quod ablationem significat, velut *Aufero, eripio, adimo, furor*, etiam *arceo* & *amolior*, præter accusativum feruntur in dativum vel ablativum cum præpositione: ut *Eripuit mihi*

vel *a me librum*. Similiter etiam verba rogandi: ut *Peto a te, Oro a te, Flagito a te*.

COMMUNES OMNIUM
VERBORUM TRANS-
ITIONES.

1. *In instrumentum.*

Scripsi hæc calamo, Cur [*calamo*] est ablativi casus? Quia omne verborum genus regere potest ablativum ejus rei quæ rationem instrumenti obtinet, præpositione [*cum*] semper quidem subaudita, sed nunquam adhibita: ut *Alo te carne, Cædo te baculo, Servio tibi manibus, Stoppedibus, Video & videor oculis*.

2. *In pretium.*

Emi librum decem denariis, Cur [*denariis*] est ablativi casus? Quia omne verborum genus potest transire in ablativum dictionis quæ rationem pretii obtinet, modo nomen sit appellativum: ut *Vendidi auro, Ematus sum argento, Tacet magna mercede, Loquitur parvo, Dormit nullo pretio, Vigilat magno pretio*.

Diverto extra muros, Cur post verbum [*diverto*] sequitur præpositio cum tuo casu? Quia culibet verbo pro ratione rei subjectæ potest succedere præpositio cum suo casu: ut *Sum vel jaceo in suburbio, vel extra muros, vel prope flumen. Doceo vel doceor in ludo. Servio ad molas. Lætor, jocor cum amicis, vel sine invidia*.

3. *In tempus.*

Habitavi hic annum, Cur [*annum*] hic est accusativi casus? Quia quodvis verbum potest transire in accusativum dictionis significantis tempus, quæ ad hanc interrogationem

R r r r }

Quam-

Quamdiu, respondet, aut etiam in ablativum sine præpositione: ut *Stu-
dii sex menses* vel *sex mensibus*. Ve-
rum dictio, quæ velut ad quæstio-
nem *Quando*, reddita ponitur, in
ablativo usurpatur: ut *Veni hora pri-
ma*. Nisi eam præcedat præpositio-
num harum aliqua, *Ante*, *post*, *cir-
citer*, *intra*, in sermone vernaculo:
tum enim Latine adhibere eam ne-
cesse est, ut *Veni post* vel *ante cœ-
nam*, & *circiter horam sextam*. *Ab-
solvam opus intra paucos dies*, vel *pau-
cis diebus*. *Veni ad diem statutum*,
vel *in ipso tempore*.

GENERALIS CONSTRU- CTIO OMNIUM MODO- RUM, VOCUM GERUN- DI, ET PARTICIPIO- RUM.

Utinam audissem Virgilium, Cur
accusativus [*Virgilium*] subjicitur o-
ptativo *Audissem*? Quia omnes modi
& tempora verborum, cum vocibus
gerundi & supinis, etiam regunt eum
casum post se quem regit indicativus
modus: ut *Audiendi*, *audiendo*, *au-
diendum*, vel *auditum sacrum*.

Constructio participiorum.

Ovidius dictus Naso, Cur [*Naso*]
post participium *dictus*, ponitur in no-
minativo casu? Quia participia habent
constructionem suorum verborum,
tum intransitivam, ut *Simon creditus
est amicus*: tum transitivam, ut *A-
mans virtutem*, *Superaturus hostem*,
Amatus a bonis, *Amandus a civibus*.

Ablativus consequentiæ.

Jacobo regnante hæc sunt edita, Cur
[*Jacobo*] est ablativi casus? Quia in

oratione post nomen & participium,
aut pronomen & participium, quum
sequitur verbum cum nominativo
diversæ rei a nomine aut pronomi-
ne, tum nomen aut pronomen cum
participio erunt ablativi casus, qui
vulgo appellatur ablativus conse-
quentiæ.

Exempla omnium temporum: ut

Cæsare imperante Virgilius est natus.
Me profecturo tu manebis.
Veteribus legendis restornerunt literæ.
Audita lectione veniam.
Præceptoris lectione audita tu abis.

Tempus ferendi frumenta, Cur ac-
cusativus [*frumenta*] ponitur cum
vôce gerundi? Quia omnes voces
gerundi (ut antea dictum est) habent
post se constructionem suorum ver-
borum, ut

Studio videndi patres vestros.
Paratus ad gratificandum amicis.
In tribuendo suum cuique.
Legendo veteres proficio.

Vocum Gerundi Constructio.

Vox activa gerundi in *di* finita se-
quitur appellativa: ut *Tempus abeundi*.
Et certa quædam adjectiva: ut *Cu-
pidus vivendi*.

Vox gerundi in *dum* activæ signi-
ficationis subjicitur tribus præposi-
tionibus,

Ad, ut *Ad dimicandum*.
Inter, ut *Inter agendum*, id est,
dum agis.
Ante, ut *Ante demandum*, id est,
antequam domas.

Alia etiam vox est huic quidem
terminatione similis in nominativo
&c

& accusativo casu, & neutro tantum genere, cum verbo *Sum*, quæ significat aut *debitum*, aut *necessitatem*: ut *Parendum est parentibus*. *Censui de his ad te scribendum*, vel *scribendum esse*.

Cum vero dicimus, *Censui hanc rem tecum*, vel *a te tractandum*, jam participium est, & cum eo subaudiendus est infinitus modus ESSE.

Vox gerundi in *do* activæ significationis, interdum per se posita pro participio præsentis temporis accipitur: ut *Hos occidendo*, illos accusando, *totam civitatem labefactasti*, pro *occidens* & *accusans*.

Interdum subjicitur his præpositionibus, *In*, *de*, *ex*, *a* vel *ab*, *cum*: ut *In navigando*. *De transeundo in agrum*. *Ex defendendo*, quam ex accusando uberius gloria paratur. *Cum a scribendo vacarem*. Ratio rectè scribendi conjuncta cum loquendo est.

De vocibus gerundi passivæ significationis.

Voces gerundi passivæ significationis semper absolute sumuntur. Accusativo passive sumto utimur cum præpositione *Ad*, velut activo: ut

Satis illustria ad cognoscendum.
Facilis ad discendum.

Ablativus item post verba & præpositiones absolute accipitur: ut *Anguis crepat cantando*.

Item, supina in *u* absolute ponuntur: ut *Difficile dictu*, *Incredibile memoratu*.

CONSTRUCTIO PRÆPOSITIONUM.

Apud forum audiivi, Cur [*forum*] est accusativi casus? Quia hæ præ-

positiones construuntur cum accusativo casu, *Ad*, *apud*, *ante*, *adversum*, *cis*, *citra*, *circum*, *circiter*, *contra*, *erga*, *extra*, *inter*, *intra*, *infra*, *juxta*, *ob*, *per*, *prope*, *propter*, *pone*, *præter*, *post*, *penes*, *secundum*, *supra*, *secus*, *trans*, *ultra*, *versus*, *usque*. Hoc pacto, *Ad patriam*, *Apud villam*, *Ante ædes*, *Adversum inimicos*, *Cis Rhenum*, *Citra forum*, *Circum vicinos*, *Circa templum*, *Circiter viginti annos*, *Contra hostem*, *Erga propinquos*, *Extra terminos*, *Inter naves*, *Intra mœnia*, *Infra testum*, *Juxta macellum*, *Ob augurium*, *Per parietem*, *Prope fenestram*, *Pone tribunal*, *Propter disciplinam*, *Præter officium*, *Post terga*, *Penes arbitros*, *Secundum fores*, *Supra cœlum*, *Secus viam*, *Trans ripam*, *Ultra fines*, *Romam versus*, *Usque oceanum*.

Coram testibus, Cur [*testibus*] est ablativi casus? Quia omnes hæ præpositiones construuntur cum ablativo, *A*, *ab*, *abs*, *absque*, *cum*, *coram*, *de*, *e*, *ex*, *pro*, *præ*, *palam*, *sine*, *tenuis*: ut *A domo*, *Ab hoste*, *Abs te*, *Absque invidia*, *Cum exercitu*, *Coram testibus*, *De foro*, *E rure*, *Ex præfectura*, *Pro clientibus*, *Præ timore*, *Palam omnibus*, *Sine labore*, *Pube tenuis*.

Hæ quidem præpositiones, *In*, *sub*, *super*, *subter*, & *clam*, possunt constitui cum accusativo & ablativo: hoc pacto.

Veni in urbem, Cur [*urbem*] est accusativi casus post *In*? Quia [*In*] quando ad locum significat, cum accusativo constituitur: ut *Eo in templum*, *in forum*. Quando vero significat aliquid esse aut fieri in loco, constituitur cum ablativo: ut *Disputo in hortis*.

Missus

Missus est sub terram, Cur [terram] est accusativi casus? Quia [sub] quando significat [subter] cum motu, habebit accusativum casum: ut *Sub terram ibit imago*. Item cum significat [ante] vel [per:] ut

Visa sub obscurum noctis.
Sub ipsum Arcturum. &
Sub lucem exportant calathis.

Cum vero significat in loco, habet ablativum: ut *Sub quercu*.

Super mediam noctem, Cur [noctem] est accusativi casus post præpositionem *Super*? Quia quando [super] accipitur pro *ultra*, construitur cum accusativo: ut

Super Garamantas & Indos.
Super mediam noctem studet.

Alioqui cum ablativo: ut *Fronde super viridi*.

Subter cameram, Cur [cameram] est accusativi casus post *Subter*? Quia *Subter* construitur & cum accusativo, ut *Pugnatum est supra subterque terram*: & cum ablativo, ut *Ferre juvat subter densa testudine casus*.

CONSTRUCTIO ADVERBIORUM.

Elegantius cæteris disputavit, Cur [cæteris] est ablativi casus cum adverbio comparativi gradus? Quia adverbia comparativi gradus & superlativi habent casum nominum comparativi & superlativi gradus post se: ut *Magis illo*, *Maxime omnium*. Sed *Propius* & *Proxime*, præter casum suorum nominum, etiam accusativum admittunt: ut *Propius & proxime urbem*.

Parum fidei, Cur [fidei] est ge-

nitivi casus? Quia adverbia quantitatis possunt construi cum genitivo: ut *Parum pecuniæ*, *Satis fidei*.

Pridie Calendarum, Cur [Calendarum] est genitivi casus? Quia hæc adverbia temporis, *Pridie* & *Postridie*, possunt jungi cum genitivo: ut *Pridie Calendarum*, vel *hujus diei*. Aut etiam cum accusativo: ut *Pridie Idus* vel *Calendas*, *Pridie Palilia*, *Postridie Nonas*, aut *Compitalia*.

Ecce autem alter, Cur [alter] est nominativi casus? Quia hæc adverbia demonstrandi *En* & *Ecce*, possunt construi cum nominativo: ut *En probitas*, *Ecce Deus*. Et cum accusativo, ut *En habitum*.

CONSTRUCTIO CONJUNCTIONUM.

Xenophon & Plato fuere aequalēs, Cur [Xenophon & Plato] ponuntur in simili casu? Quia conjunctiones copulativæ & disjunctivæ conjungunt in simili casu dictiones per casus inclinatas, quæ ad idem verbum referuntur: ut

Xenophon & Plato fuere aequales.
Socrates docuit Xenophontem & Platonem.

Item hæc quatuor, *Quam*, *nisi*, *præterquam* & *an*, instar copulativarum similes casus connectunt.

Quaquam animus horret, Cur [horret] est indicativi modi? Quia *Etsi* & *Quaquam* fere construuntur cum indicativis modis verborum: ut

Quaquam animus horret.
Etsi vereor, judices.

Similiter *Tamet si*: ut *Tamet si jactat*.

Quam-

Quamvis & *Licet* fere cum subjun-
ctivo modo junguntur: ut, *Quam-*
vis exeat, *Licet miretur*.

Si, *donec*, *dum* pro *donec*, *ante-*
quam, *postquam*, *priusquam* cum in-

dicativis & subjunctivis jungi pos-
sunt. [*Ut*] pro *Quo* post verbum,
cum subjunctivo tantum. Similiter
[*Ut*] pro *Quamvis*.

S U P P L E M E N T A.

VERUM ad supplementum re-
gularum de constructione ha-
ctenus datarum, necesse erit hæc
quæ sequuntur cognoscere.

A P P O S I T I O.

Plato philosophus præcepit, Cur
[*philosophus*] est nominativi casus?
Quia semper quum in una clausula
plures dictiones ponuntur, velut a-
gens aut patiens, aut tanquam res
cui aliquid accedit velut commodum
aut incommodum: aut si utraque
res tanquam nominata ponatur, aut
tanquam instrumentum, pretium,
mensura, tempus aut locus: sive ver-
bum substantivum, aut vocandi in-
terveniat, sive nullum interveniat,
in eodem casu debent poni, etiamsi
genere aut numero non conveniant:
ut

Homerus fons poëtarum auditur a
discipulo puero.

Erat ingratus mihi præceptori.

Petrus vocabatur Cephas.

Percussit fusie gravi telo.

Emi centum aureis gravi summa.

Studui viginti annos magnam partem
vite.

Habitat in urbe Roma.

Tom. II.

Igitur quando nullum verbum in-
tercedit inter dictiones ita constru-
ctas, ut in exemplis superioribus est
propositum, ea vocatur *prima con-*
structio appositiva. Altera vero, de
qua in Rudimentis dictum est, *se-*
cunda.

Aliter sic.

Dictio per casus inflexa, quæ
cum altera tanquam eandem rem
significans conjungitur, in eodem
casu ponetur, sive verbum interce-
dat, sive non.

Exempla ubi verbum intervenit.

Tu es civis, aut hæres, aut æger.

Ego vocor Thomas.

Tu sedes incurvus.

Ille discit invitus.

Exempla ubi nullum intervenit
verbum.

Lilius præceptor.

Sequana flumen.

Taurus mons.

Lutetia urbs.

Quando hujuscemodi dictiones pro
eodem re ponentur, deprehendemus
hac quæstione *Quis* vel *Quid* priori
dictioni præposita: nam si posterior
dictio ad hanc quæstionem recte re-

S f f f

spon.

sponderi poterit, tum judicabimus utramque dictionem pro eadem re positam esse.

Exempla ubi verbum intervenit.

Tu es civis, Tu es heres, Tu es ager. Hæ dictiones *Civis, heres, & ager*, eandem rem significant cum nominativo qui verbum præcedit, quia respondent ad hanc questionem *Quis* vel *Quid* præpositam nominativo & verbo: hoc pacto, *Tu es, Quid? Tu es civis, aut ager.*

Exempla ubi nullum intercedit verbum, ut in his clausulis:

Lilius magister, Lutetia urbs. Hæ dictiones *magister & urbs*, pro eadem re ponuntur cum dictione præcedenti, quia respondent ad has questiones *Quis* vel *Quid* præpositas priori dictioni: ut *Lilius. Quis? Lilius magister. Lutetia. Quid? Lutetia civitas.*

DE SUPERLATIVO.

Superlativus gradus, si constituitur intransitive, hoc est, si in casu cum dictione præcedenti convenit, conveniet etiam in genere & numero instar adjectivi, cujuscunque fuerit generis genitivus sequens: ut,

Leo est fortissimus animalium.

Rosa est pulcherrima florum.

Quod si nulla hujuscemodi dictio superlativum præcedat, conveniet in genere cum genitivo sequenti: ut

Maxima animalium degunt in aqua.

Eadem ratio etiam in partitivis observatur: ut

Unus hominum judicatus est ab Apolline sapiens.

Bovæ solæ animalium retro ambulantes pascuntur.

DE RECIPROCO USU GENITIVI PRO DATIVO.

Amicus Cæsaris, Cur [*Cæsaris*] est genitivi casus? Quia nomina transfrentia in dativum, possunt etiam in genitivum transire, quum exhibent personam possidentis, aut ejus ad quem aliquid spectat: ut

Amicus, inimicus Virgilii.

Similis vel dissimilis majorum.

Contra vero, nonnulla quæ in genitivum transeunt, possunt constitui cum dativis dictionum, quibus dativi nota præponitur: ut

Præceptor mihi, Conscius sibi.

DE COMPARATIVO.

Minor fratrum, Cur [*fratrum*] est genitivi casus post nomen comparativi gradus? Quia comparativa quæ habent notam genitivi casus ante nomina pluralis numeri, construuntur cum genitivo instar partitivorum: ut *The elder of the two Brothers. Major duorum fratrum. Peritior nostrum duorum.*

Paullo altior patre, Cur [*paullo*] est ablativi casus, quum comparativus habeat alium ablativum, nempe *patre*? Quia omnis comparativus gradus, præter ablativum, de quo in Rudimentis dictum est, potest regere alium ablativum significantem mensuram excessus: ut

Multo fortior, Paullo altior.

Hic autem ablativus communis est etiam superlativis: ut

Multo jucundissimus.

Item, verborum transitionem excipit, quæ excessum aut præcellentiam

tiam significant: ut

*Multo præstat, prævalet, superat,
aut vincit.*

Item, quatuor adverbia hunc casum recipiunt, nempe *Secus, aliter, ante, post*: ut

Multo secus, Multo post.

Genitivus item qui comparativa sequitur, potest resolvi in ablativum cum præpositione *e* vel *ex*: ut

Major juvenum, Major ex juvenibus.

CONSTRUCTIO PRONOMINUM.

Mei, tui, sui, nostri, & vestri.

Non meministi nostri. Cur hic potius dicimus [*nostri*] quam [*nostrum*?] Quia post omnia verba, voces gerundi, supina & participia, quæ cum genitivo construuntur, utimur genitivis in *i* finitis duorum pronominum primitivorum, *Ego* & *tu*: ut *Misereor tui vel vestri. Indiges mei vel nostri.* Excipe duo verba *Interest* & *Refert*, quæ adsciscunt sibi ablativos scæmininos pronominum possessivorum.

Interest vel refert mea, tua, sua, nostra & vestra.

Memor nostri. Cur dicimus [*nostri*,] non autem [*nostrum*?] Quia omnia adjectiva genitivum regentia, construuntur cum genitivis pronominum in *i*: ut

Plenus vel similis mei.

Nescius vel immemor tui.

Compos vel cupidus vestri.

Expers nostri.

Excipe numeralia, partitiva, & superlativa: quæ quoties cum genitivis pluralibus pronominum con-

struuntur, adsciscunt genitivos in *um* finitos: ut

Unus vel duo nostrum.

Quisque vel uterque vestrum.

Tertius vel quartus nostrum.

Maximus vel minimus vestrum.

SUI ET SUUS.

Pronomine *Sui* nunquam utimur, nisi quum subjectum nominibus aut pronominibus transitum verbi ad ipsa eadem reflectit, nempe ad eandem personam unde progressus est: ut *Cicero diligit se, Reminiscitur sui, Favet sibi, Loquitur secum.* Aut interdum alterius personæ actionem ad prioris verbi nominativum reflectit, idque fere post unam harum trium conjunctionum, *Ut, ne, & quod*: aut infinitum verbi modum: ut *Regat te ut venias ad se, vel venire ad se, Dicit quod oblivisceris sui, vel te oblivisci sui.*

Cum vero actio tertiæ personæ transit in rem ad ipsam spectantem, vel ab ea possessam, tum utemur pronomine possessivo *Suus*: ut.

Cicero meminit clientum suorum.

Cicero prof. exit rebus suis.

DE INFINITO MODO.

Cupio spatiari solus. Cur [*solus*] hic est nominativi casus post infinitum modum? Quia quando infinitus modus est actio passivæ ejus personæ quæ præcedit verbum finitum, tum infinitus modus potest similem ei personæ casum post se recipere: ut *Cupio equitare solus.*

Sin autem infinitus modus sit alterius personæ actio, quam ejus quæ præcessit verbum finitum, tum necesse est quod accusativus significans eam

personam cujus infinitus modus est actio, præcedat: ut *Jubeo te cubare solum*.

Quod si dativus casus hujuscemodi infinitum modum interdum præcedat, is casus, non infiniti, sed præcedentis est verbi: ut *Permitto tibi dicere*.

Delectat me vivere ruri, Quis est nominativus hujus verbi *Delectat*? Infinitus modus *Vivere*, cum his quæ ab eo pendent. Cur ita? Quia hæc tertiæ personæ *Juvat*, *deceat*, *delectat*, *oportet*, possunt loco nominativi habere ante se infinitum modum cum his quæ ab eo pendent: post autem, accusativum: ut *Juvat me incumbere literis*, præter *Oportet*, quod post se accusativum non habet.

Juvat evasisse hoc malum, Cur id quod est loco nominativi, sequitur verbum? Quia quotiescunque infinitus modus ponitur loco nominativi qui verbum præcedit, inter loquendum solet postponi verbo: ut *Delectat vivere in patria*, *Oportet prospicere in futurum*. *Contigit ducere uxorem*, *Miserum est semper timere mortem*.

VERBA IMPERSONALIBUS SIMILIA.

Ex neutris absolutis quædam referuntur aut ad Deum, aut ad vocem aliquam cognatæ significationis: atque ideo fere in tertiis tantum personis comperiuntur singula, ut *Pluit*, pro, *Deus pluit vel pluvia*. Similiter in his, *Tonat*, *ningit*, *grandinat*, *fulminat*, *gelat*, *lucescit*, *resperascit*, &c.

VERBA ABSOLUTA.

Quid facies? *Scribo*. Quod genus

verbi est [*scribo*] in hac forma loquendi? Neutrurum absolutum. Cur ita? Quia quodvis verbum ita in oratione positum, tanquam respondeat ad unam harum quæstionum [*Quid facio ego?* *Quid facis tu?* *Quid facit ille?*] potest fieri absolutum: ut *Amo*, *scribo*, *loquor*, *servio*: si modo ponantur tanquam respondentes ad unam harum quæstionum.

IMPERSONALIUM SIMILIA CUM DATIVO.

Non vacat mihi ludere, Cur [*mibi*] est dativi casus? Quia hæc verba neutra tertiæ personæ, *Accidit*, *contingit*, *evenit*, *competit*, *placet*, *libet*, *licet*, *expedit*, *liquet*, *patet*, *constat*, *sufficit*, *vacat*: ut *Contigit optetere*, *Vacat scribere*: quum infinitum modum habent loco nominativi, possunt regere post se dativum: ut *Contingit tibi ducere uxorem*.

SUM CUM GENITIVO.

Hic ager est Pauli, Cur [*Pauli*] est genitivi casus? Quia hoc verbum *Sum*, *es*, *fui*, constituitur transitive cum genitivo dictionis sequentis, quæ rationem possidentis obtinet: ut *Hic codex est Georgii*. Præterea cum dativo, quando potest resolvi per verbum [*habeo*]: ut *Est mihi noverca*: pro, *habeo novercam*.

VERBA CUM ABLATIVO.

Palleo timore, Cur [*timore*] est ablativi casus? Quia dictiones quæ ponuntur tanquam significantes causam propter quam aut per quam aliquid fit, post quodvis verbi genus possunt poni in ablativo sine præpositione, aut in accusativo cum *ob* vel

propter : ut *Caleo igni*, & *propter ignem*. *Palleo* & *frigeo timore*, *Tremo frigore*, *Mendico egestate*, *Non largior penuria*, *Non maneo vel abeo pudore*.

DE ADJECTIVIS PRETII.

Pluris vendidi quam emi, Cur [*pluris*] est genitivi casus? Quia octo sunt adjectiva quæ sine appellativis in significatione pretii ponuntur in genitivo. Sunt autem hæc, *Tanti*, *quantum*, *pluris*, *minoris*, *quantivis*, *quantilibet*, *quanticumque*, & *tantidem*: ut *Quantum emisti*? *Pluris constitit*. Quod si cum appellativis conjungantur, erunt ablativi casus: ut *Quanto meritis pretio*? *Tanta summa emi*. Excipe *Tantidem*, quod ablativo caret.

PROPRIA NOMINA OPPIDORUM.

Profectus est Eboracum, Cur [*Eboracum*] est accusativi casus? Quia quandocumque verbo subjicitur proprium oppidi nomen, velut ad locum significans, aut velut respondens ad hanc quaestionem *Quo*, fere in accusativo casu ponitur sine præpositione: ut *Eo Romam*. Duobus appellativis *Rus* & *Domus* eodem modo uti solemus: ut *Eo domum*, *Eo rus*.

Veni Roma; Cur [*Roma*] est ablativi casus? Quia quum propria nomina oppidorum ponuntur post verbum velut e loco significantia, aut velut respondentia quaestioni *Unde*, erunt ablativi casus citra præpositionem: ut *Veni Roma*, *Tarento*. Item, *Veni rure*, *domo*.

Eadem ratio est in his quæ per locum significant: ut *Transivi Roma*, *Tarento*, *rure*, *domo*.

Severus Imperator mortuus Eboraci,

Cur [*Eboraci*] est genitivi casus? Quia propria nomina oppidorum primæ vel secundæ declinationis & singularis numeri, quæ reddi possunt ad quaestionem *Ubi*, vel quæ subjiciuntur verbo significanti ut in loco, erunt genitivi casus: ut *Fui Romæ*, *Tarenti*: cum his quinque appellativis, *Domi*, *humis*, *militiæ*, *belli*, *foci*. Si nomen oppidi sit pluralis numeri, aut alterius declinationis, erit ablativi casus: ut *Fui Athenis*, *Sulmone*, *Neapoli*. Unum appellativum etiam in dativo usurpamus, *Ruri*.

INTERIM PERSONALIA,
INTERIM IMPERSONALIA.

Pœnitent me vidisse, Cur [*me*] est accusativi casus? Quia hæc sex verba, *Pœnitent*, *tædet*, *miseret*, *miserescit*, *piget*, & *pudet*, quando tanquam personalia ponuntur, & habent infinitum modum loco nominativi, tunc regunt post se accusativum: ut *Pœnitent me videre hæc mala*. Interdum nec infinitum modum, nec ullum nominativum habent probasi & fundamento: tunc impersonalia vocantur, & construuntur cum genitivo & accusativo, quæ diversas res significant: ut *Pœnitent me erroris*.

Sunt item non paucae rationes privatæ constructionis verborum, quæ idiomatica vocantur, de quibus alibi dicetur.

DE RATIONE MUTANDI
VOCES GERUNDI ACTIVE
SIGNIFICATIONIS IN
PARTICIPIA PASSIVA.

Participia in *du*s interim adsignificant præsens tempus: ut *Amandus*,
S f f f 3

Who & *loved*: sed hoc genere frequentius in obliquis casibus utimur. Interim habent significationem futuri: ut *Amandus*, *Who shall be loved*.

Hoc loco sciendum, voces gerundi cum accusativis constructas, posse verti in participia in *dus*, constructione transitiva mutata in intransitivam; nempe accusativo cum participio conjuncto in eo casu, in quo antea vox gerundi erat. Il autem interdum fieri potest in significatione præsens temporis, hoc pacto:

Per vocem gerundi in *di*: ut
Impediebar hodie occupatione scribendi literas.

Per participium præsens in *dus*,
Impediebar hodie occupatione literarum scribendarum.

Et per vocem gerundi in *do*,
Discendo hæc præcepta proficias.

Per participium præsens,
Discendis his præceptis proficias.

Per vocem gerundi in *dum*,
Inter agendum gratias hoc mihi contigit.

Per participium præsens,
Inter agendas gratias hoc mihi contigit.

Rursus per participium futuri temporis, hoc pacto:

Per vocem gerundi in *di*,
Erit nobis cras libertas comedendi carnem.

Per participium futuri temporis,
Erit nobis cras libertas carnis comedendæ.

Per vocem gerundi in *do*,
Cras erit mihi negotium in enarrando poëtas.

Per participium futuri temporis,

Cras erit mihi negotium in poëtis enarrandis.

Per vocem gerundi in *dum*,
Ibimus cras ad colligendum nuces.

Per participium futuri temporis,

Ibimus cras ad colligendas nuces.

CONSTRUCTIO QUARUNDAM PRÆPOSITIONUM.

Usque.

Quædam præpositiones privatam habent rationem constructionis, velut [*usque*] quod cum alia præpositione conjungitur: ut *Usque in Pamphyliam*, *Usque ad Taurum*, *Usque ad festum*. Præter propria nomina oppidorum, & duo appellativa *Rus* & *Domus*, cum quibus solitaria construitur: ut *Romam usque*, *Neapolim usque*.

Tenus, Versus.

Hæ duæ præpositiones *Tenus* & *Versus* contra naturam præpositionum subjiciuntur dictionibus quas regunt: ut *Romam versus*, *Pube tenus*. Interdum etiam [*cum*] subjicitur: ut *Quicum*, *quibuscum*, *mecum*, *tecum*, *secum*, *nobiscum*, *vobiscum*. Etiam *Versus*, cum dictionibus quæ non sunt propria oppidorum, sæpe jungitur cum *AD* & *IN*: ut *Ad Occidentem versus*, *In Italiam versus*. Sæpe etiam sine his: ut *Italiam versus navigaturus eram*, *Amanum versus profecti sumus*. *Tenus* item sæpe construitur cum genitivo, sed semper pluralis numeri: ut *Aurium tenus*, *Crurum tenus*. Et cum abla-

ablativo singulari & plurali: ut *Pube tenus, Pectoribustenus, Verbistenus.*

CONSTRUCTIO QUARUNDAM INTERJECTIONUM.

Hei mihi, Cur [*mibi*] est dativi casus? Quia hæc interjectiones *Hei* & *Væ* contruuntur cum dativo: ut *Hei mihi, Væ tibi. Heu* cum accusativo: ut *Heu stirpem invisam.* Interim & *Heu* & *Hei* cum nominativo: ut *Heu pietas, Hei miseria.*

Proh cum nominativo & accusativo: ut *Proh Jupiter, Proh dolor, Proh deum atque hominum fidem.*

O cum nominativo jungi potest: ut *O fortunati, quorum jam mœnia surgunt. O ego ne possem.* Cum accusativo: ut *O fortunatos.* Et cum vocativo, sed tum adverbium est compellendi aut vocandi: ut *O Melibæe.*

CONIUNCTIONES COPULATIVÆ DIVERSOS CASUS CONNECTENTES.

Emi equum centum denariis & pluris. Cur conjunctio copulativa hoc loco non coniungit similes casus? Quia nonnunquam ipsarum dictionum proprietas in causâ est quo minus conjunctio similes casus jungere possit: ut *Emi equum centum nummis & pluris. Fui Romæ & Thebis.*

Figure constructionis sunt.

ECLIPSIS, ZEUGMA, SYLLEPSIS, PROLEPSIS & ENALLAGE.

ECLIPSIS.

Quum nihil in oratione, quo minus perfecta sit dictionum constru-

ctio, deest, tum oratio JUSTA & integra dici potest. Sin autem ad legitimam constructionem aliqua dictio abest, siquidem brevitatis gratia omissa sit ex communi consuetudine optimorum in lingua Latina auctorum, (quod facile ex his, quæ in oratione posita sunt, subaudiri possit,) tum oratio FIGURATA potest appellari. Ea vero figura vocatur *Eclipsis*: ut *Lego Virgilium*; ubi ut plenam efficias constructionem, necesse est subaudias pronomem *Ego*.

Subaudiuntur autem in linguæ Latinæ communi consuetudine omnium fere partium voces. *Nomen*, ut post relativum [*qui*,] & post pronomina relativa, ea dictio quæ ex superiore clausula solet repeti in eodem casu, genere, numero, & persona cum relativo: ut *Virgilius recitat quem cupio videre*, ubi post [*quem*] subauditur *Virgilium*. Et, *Audio Virgilium qui longe præstat cæteris poetis*, ubi post [*qui*] subauditur *Virgilius*. In hoc autem genere fere figuratis utimur orationibus; justis autem & integris raro, nisi certis de causis.

Item, post interrogativum [*quis*] in masculino genere sæpe subauditur *Homo* aut *Deus* pro rei subiectæ circumstantia: ut *Quis currit?* pro *Quis homo currit?* *Quis mundum creavit?* pro, *Quis Deus.*

Item, ante hujuscemodi verba, *Pluit, tonat, luceſcit*, subauditur aut *Deus*, ut *Pluit*, pro, *Deus pluit*: aut vox cognatæ significationis, velut *Pluvia, tonitru, lux.*

Item, pronomina fere subaudiri solent, velut ante verba primæ & secundæ personæ hi nominativi *Ego, tu, nos, & vos*: ut *Scribo*, subau-

subaudi *Ego: Scribimus*, subaudi *Nos*. In hoc autem genere frequentius figuratis quam integris utimur, nisi certis quibusdam de causis. Interdum abest pronomen *Ille*, aut aliud similis significationis: ut *Didymus est medicus*, & *tamen scribit pueris*, pro, *tamen ille*, vel *idem*, vel *is scribit pueris*.

Verba non raro subaudiuntur, præsertim verbum [*Sum*] fere in omnibus modis, temporibus, numeris & personis, præter imperativum: ut *Omnia vanitas*, ubi subauditur *sunt*. *Quamvis omnia vanitas*, subaudi *sint*. *Hinc mihi prima mali labe*, subaudi *erat*. *Promissi ultorem*, subaudi *futurum esse* vel *fore*.

Similiter quum ad interrogationes respondemus, si verbum in responsione non adhibeamus, necesse est id subaudiri quod in quæstione positum est: ut *Quis scripsit hæc?* Si respondeas, *Thomas*: oportet subaudias, *scripsit*. Quod si in interrogatione verbum fuerit primæ personæ, in respondendo subauditur verbum secundæ personæ: ut *Quot versus scripsi?* Si alter respondeat, *Decem*, necesse subaudias *scripsisti*. Sin verbum in quæstione fuerit secundæ personæ, subauditur in prima: ut hic, *Quot annos natus es?* Si respondeatur, *Decem*, subaudi *natus sum*.

Quem vocas? *Nicolaum*, Cur [*Nicolaum*] est accusativi casus? Quia semper dictio per casus inflexa, in respondendo consentit in casu cum dictione interrogationis ad quam respondet: ut *Quem recitas?* *Virgilium*. Nisi forte verbum cum aliis dictionibus aliam constructionis rationem obtineat in quæstione, quam in responsione: ut *Emistne tanti?* *Imo*

vilius vel *duplo*. *Damnatusne es furti an sacrilegii?* *Imo utroque*. *Cujus est hic liber?* *Meus*, non autem *mei*.

Similiter ante verba subiunctivi modi frequenter subauditur imperativus [*fac*] cum conjunctione *Ut*: velut *Mittas*, pro, *fac mittas*, vel *fac ut mittas*. Interim sola conjunctio: ut *Velim mittas*, *Careat successibus opto*, pro, *Ut mittas*, ut *creat*.

Similiter subaudiuntur participia: nempe ubi duo nomina, aut nomen cum pronomine ponitur in ablativo consequentiæ sine participio, necesse est participium *Ens*, etiamsi inusitatum sit, subaudire: ut *Cæsare & Bibulo Consulibus*, pro, *entibus Consulibus*. In hoc autem genere figurata constructio solum usu recepta est.

Similiter præpositiones ablativo servientes sæpe defunt: veluti *A*, *cum*, *e*, vel *ex*, *pro*, & *in*: ut *Alcibiades intestino malo patria liberata*, pro, *ab intestino malo*, &, *Duo juvenes candidis equis apparuerunt*, pro, *cum candidis equis*; &, *Projice tela manu sanguis meus*, pro, *e manu*; &, *Multum ille & terris jactatus & alto*, pro, *in terris*, *in alto*.

Z E U G M A.

Interdum duæ aut plures sententiæ junguntur per unum verbum, adjectivum, aut participium singulare, quod in singulis clausulis subauditur, in unâ solum adhibetur; & convenit cum aliqua dictione clausulæ in qua ponitur: ut *Cicero scribit*, & *Homerus*, & *Virgilius*. *Ca-tullus erat doctus*, & *Horatius*.

Hoc autem genus loquendi figuratum

ratum est, figura autem vocatur *Zeugma*.

SYLLEPSIS.

Interim diversæ clausulæ, hoc est, quæ habent dictiones diversorum generum, numerorum, aut personarum, conjunctas cum verbo, adjectivo, aut participio, quod quidem singularis sit numeri, convenit cum proximo appellativo aut nominativo casu: ut

Tu quos ad studium atque usum formabis agrestem.

Utinam aut hic surdus, aut hæc muta facta sit.

Hic illius arma, hic currus fuit.

Sin autem adjectivum aut participium sit pluralis numeri, cum præstantiore dictione aliarum clausularum conveniet in genere & persona.

Ex generibus masculinum est præstantius fœminino. Ex personis præstat prima secundæ & tertiæ: secunda vero tertiæ.

Exempla generum.

Pater & mater mortui sunt.

Personarum:

Ego & tu discimus, Tu & ille discitis.

Similiter in eadem clausula in secunda forma appositivæ constructionis, si fuerint duo nominativi diversarum personarum, verbum conveniet cum præstantiore: ut *Ego Thomas scribo*. Hæc autem forma sermonis est figurata: figura vero vocatur *Syllepsis*.

Multis item aliis modis dictiones in altera duarum clausularum omituntur, quas ex altera repeti necesse est, ut perfectam orationem efficias:

Tom. II.

ut *Multi mortales peste periere, plures ferro cecidere*, pro, *plures mortales: Sol auget ventos & comprimit*, pro, *comprimit ventos. Est doctior quam ego*, pro, *quam ego sum. Scribit melius quam ante*, pro, *quam ante scripsit*, aut *scribebat*.

Hujuscemodi voces fere subaudiuntur, quum clausulæ junguntur per dictiones quæ mutuam inter se habent connexionem, & quæ sibi invicem respondent: cujusmodi sunt, *Tantus, quantus: Non modo, sed etiam: Tam, quam: Ita, sic: Adeo, ut: cum* similibus.

Exempla.

Tantum reposui, quantum tu, pro, *tu reposuisti*.

Non modo nobis invidet, sed etiam tibi, pro, *tibi invidet*.

Sic vivit, ut ego, pro, *ego vivo: Tamest lactis abundans, quam pecoris*, pro, *pecoris abundans*. In his omnibus subauditionibus, si dictio quæ subauditur, fuerit penitus eadem in omnibus suis accidentibus cum dictione quæ in alia clausula adhibita est, figura vocatur *Zeugma*. Sin autem diversi generis, numeri, casus, personæ, modi aut temporis fuerit, figura erit *Syllepsis*.

PROLEPSIS.

Quum generalis dictio, quæ in multitudinis numero fere præcedit, rursus in partibus intelligitur, nec adhibetur, figura vocatur *Prolepsis*: ut *Aquila volant, altera ab oriente, altera ab occidente*: in quo exemplo dictio [*aquila*] bis intelligitur, ut plenam efficias constructionem: *Nos scribimus, tu versus, ego profam*: ubi subaudiendum est *Scribis & Scribo*.

T t t t

Duo.

Duorum fratrum, alter indoctus, alter doctus: ubi bis subauditur Frater.

ENALLAGE.

Auctores etiam interdum aliam orationis partem pro alia ponunt, & tum sermo figuratus est: figura vero appellatur *Enallage*, ut nomen pro adverbio: ut, *Sole recens orto: &, Sublime volat*, pro, *recenter & sublimiter*.

Aut pronomen loco nominis: ut *Non ea vis animo*, pro, *tanta vel talis*. Et, *Quæ tua humanitas est*, pro, *qualis*,

Aut verbum loco nominis, ut *Sci-re tuum nihil*, pro, *scientia*.

Participium pro nomine tribus modis. Quum loco appellativorum ipsis utimur: ut *Cupiens litium, Fugiens laborum*. Quum recipiunt comparisonem: ut *Doctus, doctior*. Quum aliter componuntur quam verba a quibus descendunt: ut *Doceo, indoctus*.

Præpositio pro adverbio, ut [*post*] pro *postea*, & [*ante*] pro *antea*.

Adverbium loco nominis, ut *Sic vita erat*, pro *talis*. Genus unde *Latium*, pro, *a quo*. *Hinc illæ lacrymæ*, pro, *ex hoc*. Et conjunctionis loco, ut [*Cum*] quando ei subjungitur *Tamen*: ut *Cum prævideris, tamen non cavisti*.

Conjunctio pro adverbio, ut [*Quidem*] loco *Profecto*, aut *Certe*.

Interim unius partis orationis species commutantur, utpote appellativum pro adjectivo: ut *Dardana suscitavit arma*, pro, *Dardania*.

Aut unum pronomen pro alio ponitur: ut *Vivite felices, quibus est*

fortuna peracta Jam sua, pro, *Vestra*.

Aut verbum absolutum pro activo: ut *Corydon ardebat Alexim*, pro, *Amabat*.

Aut activum pro absoluto aut passivo: ut *Sistunt amnes, terræque dehiscunt*, pro, *Stant*, aut *sistuntur*.

Sæpe etiam præterita verborum neutrorum absolutorum quæ adsignificant locum, in significatione passiva videntur poni: ut *Ivit, De is gone. Venit, De is come. Surrexit, De is risen*.

Participium passivum pro activo: ut *Tacitus* pro *tacens*.

Una præpositio pro altera: ut *Multa super Priamo rogitans*, pro, *de Priamo*.

Adverbia loci, pro adverbis temporis: ut *Hic & Ibi*, pro *Tunc*.

Conjunctio copulativa, pro disjunctiva: ut *Subjettisque urere flammis*, pro, *subjettisve*.

Interim unum accidens ejusdem partis pro alio ponitur, velut casus pro casu: ut *Projice tela manu sanguis meus*, pro, *mi*. *It clamor cælo*, pro, *ad cælum*.

Genus pro genere: ut *Validi filices*, pro, *validæ*.

Numerus pro numero: ut *Medioque ex hoste recepti*, pro, *mediis ex hostibus*, &, *Pars volucres factæ*.

Persona pro alia: ut *Omnes aquæ quæ super cælos sunt*, pro *estis*.

Modus pro modo: ut *Facile omnes perferre ac pati*, pro, *perferre ac patiebatur*.

Tempus pro tempore: ut *Accedo ad pedisequas, quæ sit rogo*, pro, *accedebam & rogabam*: vel *acceffi & rogavi*. Et, *Samia mihi mater fuit*, pro, *erat*.

GEORGIUS BUCHANANUS LECTORI.

QUUM jam ad umbilicum perductus esset hic Libellus, mihi visus sum non ab re facere, si Lodoici Vivis epistolam De ratione studii huc adjicerem, non tam ut vacuas explerem paginas, quam ut ne malos medicos imitatus esse videar, qui laborantibus sæpenumero pharmaca præscribunt, cæterum rationem illis utendi penitus omittunt: quam qui non in omnibus rebus tanquam scopum intuetur, is quæ alioqui utilissima sunt, ea frustra & ad nullum usum sibi comparata esse sciat. Præterea ut libellus ad filiam, ita epistola ad matrem, atque adeo ad filiam instituendam missa est: in qua quum de aliis rebus pluribus, tum de his Rudimentis habes eruditissimi viri judicium. Vale, & fruiere.

JOHANNES LODOICUS VIVES

D O M I N Æ

C A T H A R I N Æ

Reginæ Angliæ Patronæ unice, S.

JUSSISTI ut brevem aliquam rationem conscriberem, qua in Maria filia tua instituenda præceptor ejus uti posset. Parui libens tibi, cui in rebus multo majoribus obsequi vellem, si possem. Et quoniam institutorem illi doctum in primis hominem ac probum, ut par erat, delegisti, res velut digito indicasse fui contentus: ille reliqua explicabit. Quæ tamen aut obscure tradita, aut prætermissa a scriptoribus *Artis Grammaticæ* putavi, ea paullo pluribus consignavi verbis. CHRISTUM precor ut hæc docendi ratio & ad eruditionem & ad virtutem filiam tuam impense juvet. Vale, & hunc meum animum addictissimum majestati tuæ fco. Oxoniæ, Non. Octob. M. D. XXIII.

T t t t 2

JOHAN-

JOHANNES LODOICUS VIVES

DE

RATIONE STUDII

PUERILIS.

LECTIO.

LITERARUM sonos doceatur plane, diserte & exacte proferre: neque enim parum ad insequentem institutionem interest, quomodo didicerit elementa & syllabas pronuntiare. Sciat ex literis alias esse *Vocales*, alias *Consonantes*: quot sint illæ, quot istæ, & cur sic dictæ. Esse ex consonantibus alias *mutas*, quæ a se incipiunt, & finiunt in vocalem: ut *b*, *c*, *d*: sic vocantur, quod quum fari incipiant, nisi succurrat vocalis, obmutescunt. Alias *femivocales* dici: ex iis quasdam *liquidas*, ut *l*, *m*, *n*, *r*. Tum duas ex vocalibus, *i* & *u*, transire in consonantes, quum post eas sequitur vocalis, cui in sono junguntur, ut *vivo*, *conjicio*, *vinum*, *vulpes*. At in Græcis dictionibus nunquam iōta fit consonans: ideo nec *Iacobus*, nec *Iohannes* consonantem *j* habent. *V* consonans apud eos est βῆτα, vocalis *u* est υ diphthongus, quocirca assuescat scribere *u* vocalem hac forma, propter Græcum υ quod sæpe numero apud Latinos in *u* transit: ut *Sylla*, *Sulla*; *Tybur*, *Tubur*: & consonantem hanc *v*, propter βῆτα Græcum. *Syllaba* dicitur quasi com-

prehensio literarum, sed ex sola vocali potest fieri syllaba: ut *Maria*, *JESUS*. Tum discat syllabam constare, aut ex vocali sola, aut ex vocali & consonante, aut ex vocali & consonantibus. Si ne vocali nunquam fit syllaba, & quot sunt vocales, totidem syllabæ. Ex vocalibus fieri *Diphthongos* quatuor: duas scribi & proferri, duas scribi & non proferri, nisi quod paullo crassior est sonus, quam si esset vocalis simplex. Eadem in literis Græcis ostendenda, ut emendate sciat in utraque lingua legere. Infigenda hæc sunt & inculcanda, ut recte literas & syllabas proferat, nec ullum in ore vitium.

PARTES ORATIONIS.

Deinde sciет esse apud Latinos octo *partes orationis*, quatuor *variabiles*, & quatuor *invariabiles*. Ex variabilibus, quæ significant aliquid fieri, & inflectuntur per modos & tempora, dicuntur *Verba*. Quæ declinantur per casus, & significant aliquid fieri in tempore, dicuntur *Participia*. Certa quindecim sunt *Pronomina*: reliqua *Nomina*. Ex invariabilibus certas quinquaginta esse *Præpositiones*. Eas vero quæ conjungunt partes orationis, vocari *Con-*
jun.

unctiones, *Convictiones* olim : esse nonnullas subitum mentis affectum significantes, quæ vocantur *Interjectiones*; reliquas *Adverbia* nominari. Hæc sint a nobis crasse ac ruditer utcunque ostensa, sicut & alia in hoc libello omnia, magis ut intelligantur, quam ut exacte a nobis tradantur.

SCRIPTIO.

Inter hæc omnia det aliquid temporis formandis literis, non tam eleganter, quam velociter, ut si quid præceptor dicet, ipsa suis scribat digitis. Si quem auctorem legat, & vel verbum, vel sententia placeat, excerptat. Magis hærent memoriæ, quæ nos ipsi scripsimus, quam quæ alii: interim etiam dum scribimus, animus a cogitatione rerum, sive levium, sive turpium, avocatur. Versus, qui ad imitationem proponuntur, contineant gravem aliquam sententiolam, quam juvet edidicisse; nam toties rescribendo, necesse est retineatur. Dabitur opera ut initio saltem imitando castigate scribat.

MEMORIA.

Memoriam quotidie exercent, ut nullus sit dies in quo ipsa aliquid non ediscat. Sic & acuetur ingenium, & facillimam sibi ac promptissimam parabit memoriam, ut postea quæcunque libuerit, nullo retineat negotio, & firmissime. Durantque in reliquam vitam, quæ ista ætate percipiuntur. Initio poterit de nocte cubitum itura, attente bis aut ter relegere quæ memoriæ mandari vollet, & postridie mane a se repetere.

INFLEXIO NOMINUM.

Incipiet nomina inflectere, & discet esse sex nominum genera, *Masculinum*, quod signatur hæc voce, *hic*. *Fœmininum*, quod ista, *hec*. *Neutrum*, quod *hoc*. *Commune*, quod *hic* & *hec*. *Omne*, quod *hic*, *hec*, *hoc*; aut per tres voces. *Dubium*, quod signatur per ista duo, *hic* vel *hec*: id est, quod, si volumus, potest esse masculinum: &, si volumus, fœmininum: ut *Margo*, *cortex*: dicimus enim *Amarus cortex*, & *amara cortex*. Et inter commune & dubium hæc est differentia, quod quum omne genus pertineat ad adjectiva, communi quum additur adjectivum, respiciendum est de quo sexu loquaris, & sic addi genus adjectivi: quod postquam addidisti, non potes mutare de eodem loquens. In ambiguo vero liberum est utrumcunque genus adjectivi libuerit addere, & postquam addideris, de eodem loquens potes mutare; ut si dicas, *Albus canis*, de mare, bene dicis, de fœmina, non bene. Et quum dixisti de mare, *Albus canis*, de eodem non licebit dicere, *Alba canis*. At de quacunque cortice loquaris, dices ut voles, *Albus cortex*, sive *Alba cortex*; & postquam illud dixeris, de eodem loquens cortice, dices, *Alba cortex*. *Promiscuum*, quod Græci *epicœnum*, non est genus, nam hic de natura rerum non loquimur, sed de qualitate vocum. *Substantiva*, sive *substantialia*, sive *appellativa* nomina dicuntur omnia: præter illa quæ sunt omnis generis, hæc vero dicuntur *epitheta*, sive *adjectiva*. Illud annotabit propter sola adjectiva, reperta esse in substantivis.

tivis genera, nam si adjectiva non essent, nihil esset opus generibus, ut quum dicimus *Revereor patrem, Ne lædas hominem, Exclude canem*, non refert cujus sit generis; si sit addendum adjectivum, tunc considerandum est cujus sit generis.

Post hæc tradentur numeri duo; nam *dualem* Græcorum non recipimus Latini, nec magnopere observant Græci. Tum casus seni in utroque numero: additur septimus, cujus meminit Quintilianus, & post eum Servius, ut *Precibus Deum placeo*. *Vocativus* semper similis est nominativo, præterquam in quibusdam nominibus primæ declinationis & secundæ. Nomina neutra habent accusativum & vocativum similes nominativo, & in plurali hi tres casus finiuntur in *a*. Nomina *composita* sic declinantur ut sua *simplicia*. Hinc explicandæ *Declinationes* quinque: quomodo *Prima* cognoscatur ex genitivo singulari vel plurali, & quot habeat finitiones in nominativo, & quemadmodum omnia nomina hujus declinationis finita in *as* vel in *es* sint Græca. Hinc inflectet nomina hujus declinationis. *Secunda* quomodo cognoscatur, & quot habeat fines. *Tertia* itidem, in qua sunt undecim fines, *a, e, o, c, d, l, n, r, s, t, x*. Hinc sequuntur *Quarta* & *Quinta*. Post hæc incipiet discere congruentiam adjectivi & substantivi in numero, genere, & casu: in qua exerceatur aliquamdiu multis exemplis propositis.

DE VERBIS.

Jam ad *verba* veniendum, in quibus duo sunt noscenda: naturæ ver-

borum, & syntaxes, sive constructiones. Quinque sunt *modi* in verbo: *Indicativus*, & quasi *Narrativus*, per quem referimus aliquid; in quo sunt quinque tempora, *Præsens, tria præterita, & futurum*. Inter *præterita* hoc est discrimen, quod *perfectum* significat rem actam, sicut nomen ipsum sonat. *Imperfectum* significat rem nondum fuisse perfectam aut transactam eo tempore de quo loquimur. *Plus quam perfectum* significat rem perfectam ante aliam factam, ut *Veni ad te hora decima, tunc e lecto surgebas, & mater tua jam fecerat rem sacram*. Ita *præteritum imperfectum* & *plus quam perfectum* ad aliquid aliud referuntur, cujus ratione aut imperfectam rem, aut plus quam perfectam denotant. Addunt nonnulli *futurum perfectum*, quod subjunctivi esse dicitur, id propterea perfectum nominatur, nam si dicas, *Quum cœnabo*, significas, *inter cœnandum*: sin vero, *Quum cœnavero*, id est, *perfecta cœna*. *Imperativus* modus, quod per illum imperamus: sed & precamur hoc, & adhortamur. Duo dederunt huic tempora, *præsens* & *futurum subjunctivi* huic modo, ut *Dixeris, feceris*: præcipue cum negatione, *Ne dixeris, ne feceris*: & negatione *ne*, aut *neque, nunquam, non*. *Optativus*, per quem optamus. Huic placet esse quinque tempora, *præsens* & *præteritum imperfectum*, *Utinam discerem, præteritum perfectum*, *Utinam didicerim, præteritum plus quam perfectum*, *Utinam didicissem, futurum*, *Utinam discam*. *Subjunctivus*, quia subjungit aliam orationem: ut *Quum benefeceris, lætare*. Quinque sunt huic tempora, & solent ea inter-

terdum

terdum capi pro temporibus indicati. Dehinc *Infinitivus* cur dicatur, & quot habeat tempora. Addidit Thomas Linacer modum *Potentativum*, idque merito & docte. Hunc trades, quum paullo plus in literis promoverit. Exercenda est in modis & temporibus diligentissime, addita voci Latinæ voce Britannica, quæ illi respondet, & usus ostendendus: nam Britanni ex proprietate vernaculæ linguæ nonnunquam in temporibus peccant. Hæc ubi erunt cognita, sciat numeros esse in verba geminos, personas ternas. Interea inflectet verba per quatuor *Conjugationes*; simul discet quibus hæ conjugationes inter se notis distinguantur: habebitque generalia quædam de illis præcepta, quæ spectent ad *præterita* & *supina*; ut in *Prima* declinatione *præteritum* terminari in *avi*, *supinum* in *atum*: in *Secunda* in *ui* vocales, & *supinum* in *tum* varie; in *Tertia* nonnulla *præterita* & *supina* exempli causa adferrentur, nam res est multiceps; in *Quarta* *præteritum* in *vi* syllabam, & *supinum* in *itum*. Quæ excipiantur ab iis canonibus, procedente tempore paullatim cognoscet. Dehinc quæ tempora ex quibus manant, & quemadmodum formentur. Tum veniendum erit ad eam, quæ Græcis dicitur *Syntaxis*, Latine *Constructio*. Primum intelligat orationem nullam posse constare sine verbo. Nec verbum posse poni sine *supposito*, vel expresso, vel subintellecto, ut in prima persona & secunda. Suppositum hoc & verbum quomodo debeant congruere, ne vitium admittatur. His cognitis, venietur ad quinque verborum genera. *Activum*

quod finitur in *o*, & habet passivum in *or*. Huic datur *nominativus* in re agente, & hoc est *suppositum*: datur *accusativus* in re patiente, seu recipiente actum verbi, ut *Maria amat matrem suam*. Sunt ex his verbis alia, quæ præter istos casus admittunt *genitivum*, ut *Deus accusat genus humanum ingratitudinis*, &, *Superbus postulat superbum arrogantia*. Alia *dativum*, ut *Suade optima etiam inimicis*, *Da egenis necessaria*. Alia *accusativum*, ut *Ne doceas philomelas cantum*, *Roga Deum bonam mentem*. Alia *ablativum* sine præpositione, ut *Exue pavonem plumis*, quibus ornes canem. Alia *ablativum* cum præpositionibus *a*, vel *ab*, vel *e*, vel *ex*, vel *de*, ut *Audi jucundam fabellam a patre*, *ex patre*, *de patre*. Istæ possunt dici formæ sive species verborum activorum. Et casus isti præter nominativum & accusativum rei agentis & patientis dicantur casus *speciales*. *Passivum* verbum est, quod ex activo fit, addita *r*; ut *Amor ab amo*, in re patienti, seu quæ fit, habet *nominativum*, & hoc est *suppositum*: in re agenti, *ablativum* cum præpositione *a* vel *ab*, vel *dativum*; interdum *accusativum* cum præpositione *per*. Casus speciales eodem modo manent in activa & passiva, ut *Maria amatur a matre*, & *ornatur ab ea virtutibus*. *Neutrum* est quod finitur in *o*, & non habet passivum in *or*, nisi in tertiis personis: quandoque nominativum habet pro supposito. Ex istis alia habent *genitivum* post se, vel *ablativum* sine præpositione, ut *Bonus homo iracundia caret*, & *Indiget Dei solius*. Alia *dativum*, ut, *Maria inservit matri*, & *Sapiens temporis paret*. Alia cum præpositione jun-

junguntur, quæ nominantur absoluta, ut *Cænata deambulo in porticu. Pulcher animus habitat in pulchro corpore.* Alia habent ablativum sine præpositione: ut *Ardeo amore recti. Malus flagrat cupidine vindictæ.* Alia ablativum cum præpositione, ut verba passiva, & significant passionem, ut *Desides pueri merito vapulant a præceptore.* Sed multa habent accusativum significantem rem verbi, ut *Servio servitutem, Curro cursum, Vivo vitam. Sum, es, est,* ponitur inter neutra, quod ante se habet nominativum, post se interdum nominativum, quum res pertinent ad idem, ut *Virtus est maximum bonum;* & genitivum, ut *Liber hic est Mariæ;* & dativum, ut *Eruditio est omnibus magnæ voluptati;* & ablativum ut *Sis puella probo ingenio.* Adduntur composita hujus verbi undecim, *Adsum, absum,* &c. quæ post se recipiunt dativum, ut *Adsum virtuti, Desum vitio.* Commune verbum finitur in *or*, sine activo in *o*, & retinet significationem activam & passivam: quum capitur in significatione activa, habet constructionem verborum activorum; quum in passiva, verborum passivorum, ut *Ego veneror probitatem, Probitas veneratur a me:* quod tamen est rarius, & sunt hæc perpauca. *Deponens* finitur in *or*, sine activo in *o*, & alteram significationem retinet, activam in pluribus. Hæc verba pro supposito, quemadmodum & cætera, nominativum habent. Post se vero alia genitivum, ut *Miserere communis naturæ, Recordare accepti beneficii.* Alia dativum, ut *Dominare cupiditatibus, Obsequere bene morientibus.* Alia accusativum, ut *Sequere Deum,* & nan-

cisceris beatitudinem. Alia ablativum sine præpositione, ut *Utor, non fruor pecunia.* Alia cum præpositione quæ passionem significant: ut *Ex paucis verbis magnum bellum oritur.* Habet formulam omnia verba recipere dativum, in re cujus designatur utilitas vel commodum, vel damnum: ut *Cato docebat sibi suum filium, Perde tibi tuam pecuniam.* Sæpe ex proprietate Latini sermonis, quam facilius est intelligere, quam explicare, ut *Ego tibi hunc hominem bellissime tractavi.* Tum & nominativum habet post se, quum pertinet ad idem quod suppositum, ut *Ego disco libens litteras, Inservio tibi letus, Tu vocaris Maria, Tu diceris, prædicaris, scriberis, putaris, habebis bonus, Recta conscientia vivit semper læta, Expeditus currit celerior.* Istorum omnium satis erit in singulis speciebus unum aut alterum, ad summum tria exempla proponere. Inter loquendum vero aut legendum annotari poterit, quæ verba ad quas species pertineant. Sic fiet in verbis impersonalibus, & in aliis quæ dicemus. Danda est opera, ut exempla sint interdum gravia, quæ sancte illam erudiant; interdum festiva, quæ delectent. Admiscébuntur castæ & puræ aliquæ fabellæ, quæ animum ejus reficiant & redintegrent, tum etiam excitent.

PARTICIPIA.

Deinde sequuntur *Participia*, quæ Latini habent trium temporum, & unde formantur. Hæc explicabuntur, & quæ significant actionem, quæ passionem. Ante se nullum habent casum, post se vero casum sui verbi, ut *Inserviens foro, Dilectus a patre,*

atre, Cariturus vitio, Docendus a pono magistro.

VERBALIA.

Sunt quædam voces, quæ habent participiorum faciem, & sunt nomina quæ tempus non denotant: ut *Amans librorum, homo venerandus: verbalia* nominantur. Sunt & *verbalia* in *or*; quæ formantur ab ultimo supino: ut *Amator, suavor*; & alia fœminina in *trix*, quæ sunt a verbalibus in *tor*, ut *Amatrix*: genitivo junguntur. Sciet quæ *participia*, quibus verbis vel adiunt, vel desunt: & verba quæ formulas generales in inflexione sequuntur, quæ non. Illa etiam quæ *anomala* dicuntur; vel *defectu*, ut *Ajo, inquitio, salve, vale*; vel *varia declinatione*, ut *Fero, tuli*. Postea quæ *multiplicem* habent *constrictionem*, id est, quæ variis jungi possunt casibus, ut *Recordor hanc rem, & illius rei. Possulo te huius criminis, & de hoc crimine*. Quæ de re scripsit libellum *Antonius Mancinellus*, quem *Thesaurum* appellavit. Hæc quum erunt semel utcunque exposita (neque enim tradi exacte necesse est) adhibebitur compendium Grammaticæ *Thomæ Linacri*, & libellus *De constructione*, qui circumfertur *Erasmi* nomine; simul & ejusdem *Colloquia*: ex quibus retinebit aliquot vocabula, & loquendi formulas, quibus in sermone quotidiano utetur: quas subinde expediet ab ea reposcere ne excidant, & jubebitur alios sic alloqui. Expediet conscribi illi dialogos aliquot iis de rebus, in quibus quotidie versatur; ut illis Latine nominandis assuescat, velut de indumentis, de partibus ædium, de cibis, de par-

Tam. II.

partibus temporis, de instrumentis musicis, de supellectile. Vocabulorum veræ & propriæ significantiæ explanabuntur, ne improprie utatur. Tum differentia inter illa quæ similia videntur, & congruentia inter ea quæ dissimilia. In hoc proderit non totum *Vallam* enarrare, sed quædam ab illo excerpta, qualia *Nebriensis* collegit, & *Antonius Mancinellus*. Sed acri opus est iudicio; ne frivolas, aut parum observatas, aut falsas quoque præceptor tradat, cuiusmodi sunt haud sane paucæ in *Valla, Nonio, Servio, Donato*, sed maxime in *Gellio*. *Etymologias* quoque multorum cur dicta sint, accipiet. Sic enim verius & certius tum intellet, tum continebit, & ea cognitione delectabitur: multumque in his latet peritiæ, modo recte & acute expendantur, nec undecunque frivola aut ridicula petantur, quod fecerunt patrum & avorum memoria, qui hanc partem tractandam susceperant, Latini & Græci sermonis penitus ignari. Annotabuntur ei, quæ usu ineruditorum barbara vocabula usurpantur, & quæ sunt quidem Latina, sed inversæ significationis.

EXERCITATIO LATINE SCRIBENDI.

Incipiet hoc loco oratiunculas ex Anglico in Latinum vertere, faciles initio; paulatim difficiliore, per omnia genera & formulas verborum, sed partim graves & sanctas, partim festivas & urbanas. Simul cum his discet *Catonis disticha*, & *Mimos Publianos*, & *Sententias septem sapientum*, quæ omnia eodem libello *Erasmus* conjunxit & explicavit. Ediscet ex illis sententiosis aliquot vi-

V v v v

tæ

tæ maxime utiles, quas habeat in posterum velut antidota adversus venenum & prosperæ fortunæ & iniquæ, discatque jam nunc in hac tenera ætate veras & incorruptas opiniones, ut ea sola bona putet quæ vere sunt talia, velut virtutes, & eruditionem; ea mala quæ re vera mala, ut vitia, & ignorantiam, & stultitiam: ne mala pro bonis accipiat; aut e contrario, ne tenuibus & exiguis rebus tanquam magnis capiatur & moveatur; ne etiam magna pretiosa tanquam vilia contemnat. Delectabitur interim fabellis quæ vitam erudiant, quas ipsa aliis referre possit, ut de *Papyrio* prætextato puero apud *Gellium*, de *Josepho* in sacris libris. de *Lucretia* in *Livio*, de *Griselide* & aliis, ut ex *Valerio*, *Sabellico*, & hujus notæ scriptoribus, quæ pertinebunt ad aliquam commendationem virtutis, aut detestationem vitii. Habeat *Dictionary Latinum & Anglicum*, quod sæpe consulat, ut sciat, quid quodque vocabulum significet. Res quum non intelliget, explicabuntur a præceptore. Turpium & foedarum rerum vocabula nec intelligat, nec, si fieri possit, legat vel audiat. Conficiat sibi libellum ex vacua charta, in quo sua manu conscribat sententias, quas memoriæ mandatura est, eritque ei vice cujusdam enchiridii.

REDITUS AD PRIORA EXACTIUS.

Poterit hoc loco repetere quæ de quinque verborum generibus dicta sunt. Post ad verba quæ dicuntur *impersonalia*, quorum alia sunt *activæ vocis*, alia *passivæ*. *Activæ vocis* cur

dicantur, & eorum esse species quinque. Aliorum quæ ante se habent *genitivum*, post se *infinitivum*: ut *Interest hujus parafiti adulari*. Quæ *dativum*, & post *infinitivum*, ut *Stulto non placet audire verum*. Quæ possunt esse *personalia* mutata constructione, ut *Tu proba placebis matri*. Alia quæ ante se *accusativum*, post *infinitivum*, ut *Decet nobilem non superbire*. Alia quæ ante se *accusativum*, post *genitivum* vel *infinitivum*, ut *Pœniteat se peccati*, aut *peccasse*. Alia quæ quum adduntur verbis impersonalibus, sunt *impersonalia*, & habent constructionem eorum: quum vero personalibus, sunt *personalia*, ut *Incipit me tædere ludi hujus*, & *Ne incipias senex insanire*, *Non potest Athenienses pœnitere Phocionis*, qui unus poterat & solebat stultas illorum consultationes improbare. Verba impersonalia passivæ vocis, sunt similia tertiis personis singularibus verbi passivi. Veniunt ab activis & neutris, nullum habent suppositum, post se vero casum verborum a quibus descendunt, ut *A nobis auditur*, *a vobis statur in cubiculo*, *sedetur in triclinio*, *estur*, *bibitur affarim*. Si quis addat suppositum, fit passivum, ut *Scribitur liber*. Sequitur constructio infinitivorum: illa est vulgaris ante se habere *accusativum* pro supposito, post se casum sui verbi, ut *Me legere tibi librum erit utile*. Adduntur verbis, in quibus diligenter est animadvertenda constructio. Nam sunt multa verba quæ ante se & post se, etiam interjecto infinitivo eundem casum requirunt, quum res pertinet ad idem. Exemplis res est declaranda, *Ego volo pudica esse*, *Tu velles fuisse*, *ad tales epulas invitatus*: nisi si quis ad-

adderet accusativum ante infinitivum, ut *Ego volo me esse literatam*. Jam in aliis, *Socrates non potest esse ferox*, *Maria existimatur & dicitur esse castissima*. Et in hoc verbo [*videor*,] *Ego videor tibi esse literata*, *Tu videris mihi esse sancta*, *Romani videntur nobis nimis cupidi belli & pecuniæ*, *Dico vos videri simias*, *Mihi licet esse doctæ*, *Tibi vacat esse disertus*. Hinc de constructione gerundii & supini, quæ est apud *Vallam*, & ex illo apud recentiores istud annotabitur, gerundium adjectivum non venire nisi a verbo cui additur accusativus, & ratione illius casus: non enim dicimus, *Veni huc tui serviendi causa*, vel *ad carendam voluptatem*; nec *ad scribendum te*, vel *scribendo tibi*, ut sit adjectivum: sed *Causa observandi tui*, *Cogito de te docenda*, *Propter vos erudiendos*. Commodum nunc erit explanari vim potentativi modi, quæ sunt voces temporum subjunctivi, ut *Tu virgo hoc dicas*? *Quis crederet mendaci*? *Peccaveris sane, sed semel*, *Nemo sic dixisset*, *Nunquam accessero pravis consultoribus*. His cognitis venietur ad significationem & Syntaxim reliquarum partium orationis, de vi pronominis, de adverbio, de præpositione, de conjunctione, quibus addatur verbi modis, & quomodo jungat. Interjectio cur ita sit appellata, quod per affectum interponatur orationi, ut *Magnum heu! fecerat nefas*. Poterant ista dici a me fusius, sed admonere satis habui, quæ ab aliis essent copiose tractata: quæ omnia usus & lectio auctorum explanabit & expoliet, reddetque, ut aptiora, sic etiam certiora.

S E R M O.

Loquatur cum præceptore & cum discipulis Latine, quas habeat tres aut quatuor; nam solam institui non conducit: sed nec plurimæ sint, & eæ puellæ, atque etiam selectissimæ, liberaliter & sanctissime educatæ, a quibus nihil audire possit, aut discere, quod mores corrumpat, quorum prima semper debet esse cura: Stimuletur modo præmiolis, modo contentione & æmulatione: laudetur ipsa, laudetur & alia, ipsa audiente. Conabitur exprimere quæ apud auctores legerit: & quemadmodum alios audierit loquentes, quos putet eruditos esse, attente auscultatos, sic & loquetur ipsa, in quo est imitatio, res in studiis non parum utilis, præsertim teneræ ætati, quæ nihil melius, quam imitatur: nec solum voces æmulabitur, sed pronuntiationem quoque, ne in accentibus peccet.

A C C E N T U S.

De quibus cognoscat initio generalia præcepta, duo in primis in sermone Latino: penultima syllaba longa, in ea est accentus, ut *Parentis*. Altera, penultima brevi, in antepenultima est accentus, quantacunque sit, ut *Hominis*, *Dominus*. In ultima nullæ Latinæ dictiones accipiunt accentum, præter pauca inflexibilia, ut *Porro*, *una*, *illo*. In dissyllabis omnibus accentus est in penultima, præter ea quæ dixi indeclinabilia. Tum licebit universalia illa cognoscere, de vocali ante vocalem, quæ est brevis, de vocali ante duas consonantes, aut consonantem vim

duarum habentem, quæ longa: & omnis syllaba diphthongo scripta, longa est. Anxia illa de syllabarum quantitate, vel alias discet, vel non eget scire. quod magis puto. Observabit institutor, quemadmodum loquetur, vitiaque tum sermonis, tum linguæ sedulo repurgabit, ne hærescere sinat. Ostendet rationem cur vel solæcismum castigavit, vel barbarismum, vel vitiosam pronuntiationem. Admonebit ut vitet, ne iterum idem peccet: si rursus eodem relabatur, admoneat prioris errati.

ANNOTATIONES.

Habeat librum chartaceum majusculum, in quo manu sua annotet, tum verba, si qua inter legendum graves auctores inciderunt, vel utilia usui quotidiano, vel rara, vel elegantia: tum loquendi formulas argutas, venustas, lepidas, eruditas: tum sententias graves, facetas, acutas, urbanas, falsas: & historias ex quibus exemplum vitæ suæ possit petere. Advertet etiam, ubi, & quemadmodum grammaticorum servantur præcepta, ubi negligentur. Nam ars grammatica ex usu auctorum nata est; ideo hic est arti præferendus, quum discrepant. Ars tamen necessaria est, quæ recte & emendate loqui ex observatione docet. Auctores in quibus versabitur,

ii erunt, qui pariter & linguam & mores excolant atque instituunt; quique non modo bene scire doceant, sed bene vivere. Hujusmodi sunt, *Cicero, Seneca, Plutarchi opera*, quæ sunt a variis versa, aliquot *Platonis dialogi*, præsertim qui ad rempublicam gubernandam spectant; *Hieronymi epistolæ*, & quædam *Augustini opera*, *Erasmi institutio Principis, Enchiridion, Paraphrasæ*, & alia ejus permulta pietati utilia; *Thomæ Mori Utopia*. Historiam poterit leviter cognoscere ex *Justino*, & ex *L. Floro*, & *Valerio Maximo*. Inter hæc omnia, & quum surgit e lecto, & quum ita cubitum, aliquid quotidie ex *Novo testamento* legat. Sunt & *Christiani poëtæ*, quos jucundum fructuosumque erit legere, velut *Prudentius, Sidonius, Paulinus, Arator, Prosper, Juvenius*, qui multis in locis possint eum quovis veterum certare, elegantia carminis dico: nam rebus tanto sunt superiores, quantum bona malis præstant, & humanis divina. Quum hos leget, habeat *Vocabularium Latine linguæ, Calepinum* scilicet aut *Perottum*, ad quem recurrat hærens in Latina voce. Hanc puto esse rudem studiorum delineationem: exactiora tempus admonebit, & prudentia tua inveniet.

F I N I S.

GEOR.

GEORGII BUCHANANI SCOTI

D E

PROSODIA LIBELLUS.

VETERES Latini septemdecim characteribus literarum erant contenti, *a b c d e f g i l m n o p r s t u*.

Adiecta est *h*. quæ formam literæ, vim aspirationis haberet.

X, y, & z, peregrinæ sunt; *q & k* non necessariae. Nam *c, q & k* eundem sonum reddunt. *X* ad pingendi modum compendium facit pro *cs* vel *gs*; pro *necs* & *legs*, scribitur *nex* & *lex*.

Ad sonum Græcarum vocum exprimendum est necessaria.

Loco *z*, veteres duplex *ss* scribebant: ut, pro *patrizo*, *patrissso*.

Dividuntur literæ in *Vocales* & *Consonantes*.

Vocales, a e i o u.

Consonantes, b c d f g l m n p r s t.

Dividuntur Consonantes in *mutas* & *liquidæ*.

Mutæ, b c d f g p t. *Liquidæ, l m n r*.

Ad vocales adjiunt *y* Græcum, medium inter *i* & *u*.

Nam *u* Latinum respondet *æ* Græcorum diphthongo.

Vocales autem sunt dictæ, quod singulæ per se syllabam & sonum perfectum faciant, ut *Eoa*, *Io*, *urit*.

Consonantes, quod perfectum sonum, nisi cum vocali junctæ, non edant.

Mutæ vocantur, quod earum so-

nus obtusius, quam aliarum consonantium, feriat aures.

Liquidæ autem, quod subjectæ mutis cursum orationis minus remorentur, & vocalem brevem præcedentem non necessario faciant longam.

Liquidæ etiam dici possunt, quæ ratione liquidam vocem dicimus, quod earum frequentia orationem non modo minus languidam, quam mutæ; sed etiam grandiore & sonantior reddat: ut

Virg. 8. *Æneid*.

— *Rauco strepuerunt cornua canta*.

Lucan. lib. 1.

Pompejana reum clausurunt signa Milonem.

Quam ob causam reor easdem etiam *semivocales* appellatas, quasi medio inter *mutas* & *vocales* sono.

Duæ vocales, quoties in unam syllabam coalescunt, *diphthongum* efficiunt; ut *æ*, *Eurus*, *aula*, *fætus*: est enim diphthongus duarum vocalium in una syllaba sonus.

In hac tamen vocalium conjunctione, *j* & *v* ambiguum vim habent: nam cum prior in vocalem sequentem incumbit, vim consonantis induit, ut in *Juno*, *Venus*, *Jovis*.

y autem inter duas vocales interjecta, pro duplici consonante accipitur; ut in *ajo*, *Veiovis*.

V v v v 3

Suaz

Sunt & aliæ *duplices*, x & z de quibus superius est dictum.

Ut e literis syllabæ, ita e syllabis pedes, e pedibus fiunt versus.

Hic, ordo naturæ poscere videtur, ut primum de syllabis, mox de pedibus, ultimo loco de versu dicatur: verum ordo resolutionis hoc loco mihi videtur commodior, quam compositionis. Quare a versu incipientes, eum in sua membra resolvemus. *Versus* inde dictus videtur, quod, cum cursus orationis ad certum numerum syllabarum venerit, iterum alium ordimur: ut,

Virg.

Optima quæque dies miseris mortalibus ævi

Prima fugit. —

Is ex pedibus componitur, sic,

-vv	-vv	-vv	--	-vv	--
Opti-	quæque	es misè	ris mor	talibus	ævi.
ma	di				

Hanc dimensionem versuum per pedes vulgo *scansionem* appellant; eamque commode, ad captum puerorum, in sinistræ manus digitos collocant.

Genus versus maxime vulgatum est, quod a materia *Heroicum*, a numero pedum *Hexametrum* dicunt.

Pedes, unde versus componuntur, dissyllabi sunt quatuor.

Pyrrhichius, e duabus brevibus, ut *Deus*, vv

Spondæus, e duabus longis, ut *Harpax*, --

Iambus, e brevi & longa, ut *erunt*, v-

Choreus, e longa & brevi, ut *ardor*, -v

Hunc postremum vulgo *Trochæum* vocant.

Trium syllabarum octo.

Tribrachys, e tribus brevibus, ut *ruere*, vvv

Molossus, e tribus longis, ut *fecerunt*, ---

Dactylus, e longa & duabus brevibus, ut *omnibus*, -vv

Anapæstus, ex duabus brevibus & longa, ut *homines*, vv-

Bacchius, e brevi & duabus longis, ut *parentes*, v--

Antibacchius, e duabus longis & brevi, ut *mentiris*, --v

Amphimacer, e longa, brevi & longa, ut *sordidi*, -v-

Amphibrachys, e brevi, longa & brevi, ut *amare*, v-v

Cæteri pedes oratoribus quam poëtis sunt usitatioris: præter *Proceleusmaticum*, e quatuor brevibus, qui loco *Dactyli* vel *Anapæsti* interdum ponitur; *Choriambum*, ex *Choreo* & *Iambo* compositum, qui sui generis carmen *Choriambicum* facit.

Animadvertendum, non omnes pedes supra enumeratos in omnium carminum genera convenire, sed alios aliis esse familiares. *Hexameter* versus, qui & *Heroicus* vocatur, recipit in quatuor primis locis *Dact.* vel *Spond.* vel *solos*, vel *mixtos*, in quinto raro *Spondæum*, in sexto raro *Dactylum*.

Ennius.

At tuba terribili sonitu taratantara dixit.

Virg. 1. *Æneid.*

Luctantes ventos tempestateque sonoras

Imperio premit. —

Idem, 1. *Æneid.*

Musa mihi causas memora, quo numine læso.

Idem,

Idem, 1. Eclog.

*Silvestrem tenui musam meditaris a-
vena.*

Ovid. 13. Metamorph.

*Longus in angustum qua clauditur Hel-
lespontus.*

Virg. 2. Geor. v. 69.

*Inferitur vero ex fœtu naxis arbutus
horrida,
Et steriles platani malos gessere valen-
tes.*

Observandæ sunt in versibus di-
metiendis figuræ. Nam ultima su-
perioris dictionis vocalis a prima se-
quentis eliditur.

Ovid. 1. Fast.

*Admovero oculis distantia sidera no-
stris,*

Ætheraque ingenio supposuere suo.

Item, *m* cum sua vocali eliditur: ut

Ovid. 1. Fast.

*Et mortem & nomen Druso Germania
fecit.*

Item, in versu *Hypermetro*, qui
una syllaba justo est longior, ultima
vocalis versus, aut *m* cum sua voca-
li, a prima vocali sequentis versus
eliditur.

Virg. 1. Georg. v. 295.

*Aut dulcis musti Vulcano decoquit hu-
morem,*

Et foliis undam tepidi despumat aheni.

Virg. 10. Æneid. v. 781.

*Sternitur infelix alieno vulnere, cœ-
lumque*

*Adspicit, & dulces moriens reminisci-
tur Argos.*

Item syllabæ plures in unam coa-
lescent

Virg. 1. Æneid.

Unius obnoxam & furias Ajacis Oilei.

Ovid. 6. Fast.

*Notus amor Phædræ, nota est inju-
ria Thesæi.*

Virg. 6. Æneid.

*Quin protinus omnia
Perlegerent oculis*

Lucan. lib. 4. v. 216.

*Quique fluat multo non deerit vulnere
sanguis.*

Martial. lib. 2. Epig. 51.

Unus sæpe tibi tota denarius arca.

Idem, lib. 9. Epig. 103.

*Denariis tamen hanc non emo, Bas-
se, tribus.*

Virg. 4. Georg.

Seu lento fuerint alvearia vimine texta.

Buchan. in Franciscan.

*Dum Papa omnipotens capitoli immo-
bile saxum*

*Accolet, imperiumque pater coleatus
habebit.*

Est præterea quædam licentia
poëtica, non illa quidem penitus re-
jicienda, ut qua uli sunt Poëtæ do-
ctissimi; sed non permittenda tiro-
nibus, donec sint firmiori judicio,
& scribendi exercitatione aliquam
facultatem sint consequuti: cujus
generis sunt hæc; Quod vocalem aut
diphthongum longam non elidunt,
sed ancipitem faciunt: ut,

Virg. 3. Æneid. v. 211.

*Insula Ionio in magno, quas dira Ce-
leno,*

Harpyiæque colunt aliæ.

Virg. 5. Æneid.

*Victor apud rapidum Simoenta sub Ilio
alto.*

Idem, 1. Æneid.

*Tunc ille Æneas, quem Dardanio
Anchisæ*

*Alma Venus Phrygiæ genuit Simoen-
tis ad undam?*

Ovid. Epist. Penelop.

*O utinam tunc eum Lacedæmona clas-
se petebat,*

Obrutus insanis esset adulter aquis.

Virg.

Virg. 2. Eclog.

*Te Corydon, O Alexi, trahit sua
quemque voluptas.*

Idem, 8. Eclog.

*Credimus? an, qui amant, ipsi sibi
somnia fingunt?*

Aut cum syllaba solvitur in duas:
ut, *Terrai frugiferai*, pro *terra frugifera*;
Mettio Fufetio, pro *Mettio Fufetio*.
Quintil. lib. 1. cap. 9. ex Ennio,

Seneca in Troade, ver. 824.

Misit infestos Troiae ruinis.

Interim syllaba adjicitur: ut,
Juven. Sat. 10.

*Romanus, Graiusque, ac Barbarus
induperator.*

Lucret. lib. 1. v. 83.

— *viamque Indugredi sceleris* — pro
ingredi.

Ennius apud Gell. lib. 12. cap. 4.

Consilio indu foro, pro *in foro*.

Interim in omnibus cæsuris syllaba brevis pro longa ponitur: ut,

Virg. 4. Æneid.

— *pecudumque reclusis*

*Pectoribus inbians spirantia consulit
exta.*

Idem, Eclog. 10.

*Omnia vincit amor, & nos cedamus
amori.*

Idem, 3. Æneid.

Dona dehinc auro gravia sectoque elephanto.

Idem, Eclog. 6.

Ille latus niveum molli fultus hyacintho.

Hæc licentia videtur durior in aliis versuum generibus.

Statius lib. 4. Silv. 7.

*Fortis Herois Erato labores
Differ.* —

De Syllabis.

SYLLABÆ accidunt tempora & tōni. Longa syllaba duo habet tempora, brevis unum. Tempus enim nihil aliud est, quam mora in syllaba proferenda, quam musici vocis tractu, aut instrumenti percussione longiore vel breviorē metiuntur.

Cognoscitur autem syllabæ quantitas, aut exemplis, aut regulis: exempla e doctorum Poëtarum scriptis petenda sunt.

E REGULIS PRIMA

sit hæc.

VOcalis, etsi natura sit brevis, tamen positione fit longa, sequentibus eam aut duabus consonantibus, aut una duplici, in eadem cum vocali syllaba: ut *est*, *sunt*, *nex*, *nox*; aut diversis, ut *artis*, *partis*, *gaza*, *major*: aut in diversis dictionibus, modo altera saltem consonans adhæreat vocali. ut,

Juven. Sat. 10.

Orandum est, ut sit mens sana in corpore sano.

In hoc versu, ut, *sit*, *in*, syllabæ breves, propter consonantes sequentes, pro longis habentur.

A D M O N I T I O.

VOcalis natura brevis, sequente muta & liquida, non est necessario longa: dicimus enim,

vv-

v.-

Tenebræ & tenebræ.

Ovid. Epist. Dejaniræ.

Hercule supposito sidera fulsit Atlas.

Virg. 8. Æneid.

Electra, ut Graji perhibent, Atlantide cretus.

SECUN-

SECUNDA REGULA.

Vocalis ante vocalem in Latinis
dictionibus est brevis: ut *Deus*.
EXCIPE, *æēr*: ut

Lucan. lib. 1.

— *Dum terra fretum, terramque
levabit*

Atq; longi volvent Titana labores.
Et *Dius*, ut

Perf. Sat. 1.

— *Ecce inter pocula querunt*

*Romulidæ saturi, quid dia poemata
narrent.*

Fio, cum non habet *r*, primam
habet longam, ut

Martial. lib. 12. Epig. 24.

Dic mihi si fias tu leo, qualis eris?

Alias brevem, ut

Ovid. 12. Metamorph.

Pars fieri potuisse negat. —

Genitivi pronominum exeuntium
in *ius*: item nomina similiter decli-
nata penultimam habent commu-
nem; præter *alterius*, quod penul-
timam semper habet brevem; & *a-
lius*, quod genitivi penultimam sem-
per habet longam, ut

Virg. 1. Æneid.

*Unius ob noxam, & furias Ajacis Oi-
lei.*

Idem, 1. Æneid.

*Navibus (infandum! amissis unius ob
iram*

Prodimur. —

Idem, 6. Æneid.

*Quæ regio Anchisen? quis habet lo-
cus? Illius ergo*

Venimus. —

Ovid. 1. Trist. Eleg. 3.

*Cum subit illius tristissima noctis ima-
go.*

Diana primam habet communem.

Item genitivi & dativi quintæ de-

Tem. II.

clinationis penultimam habent lon-
gam.

Lucret. lib. 1. v. 148.

*Non radii solis, neque lucida tela dici
Discussiant,* —

EXC. *Fidei, spei, rei*, quanquam
in hoc Lucretius *rei* facit longam.

Genitivus primæ declinationis,
cum diphthongus *æ* in *ai* solvitur,
penultimam habet longam, ut

Virg. 3. Æneid. v. 354.

Aulæ in medio libabant pocula Bacchi.

Eheu primam habet longam, *obe*
communem.

Virg. 2. Eclog.

Eheu! quid volui misero mihi? —

Mart. lib. 4. Epig. 91.

Obe; jam satis est, obe libelle.

Horat. lib. 1. Sat. 5

— *Huc appelle: trecentos inferis
obe*

Jam satis est. —

TERTIA REGULA.

Diphthongus omnis longa est:
sequente vocali fit brevis;

Virg. 7. Æneid.

*Stipitibus duris agitur, sudibusque
præustis.*

Ovid. 12. Metamorph.

*Raptaturque comis per vim nova nu-
pta præhensis.*

QUARTA REGULA.

Præterita dissyllaba priorem ha-
bent longam; ut

Virg. 8. Eclog.

*Ut vidi, ut perii, ut me malus abstu-
lit error.*

EXC. *Dedi, tuli, bibi, steti, sci-
di, fidi.*

QUINTA REGULA.

Supina dissyllaba habent priorem
longam; ut

X x x x

Ho.

Horat. lib. 1. Sat. 5.

*Lusum it Mæcenæ, dormitum ego
Virgiliusque.*

EXC. *D. itum, satum, statum,
ratum, itum, quitum, litum citum,*

*a cieo; jutum, a jino, rutum, a ruo
in compositis.*

SEXTA REGULA.

Derivata naturam sequuntur ori-
ginis; ut

*Lego, legam, lege, legerem, prima
brevis; legi, legeram, legerim, legis-
sem, legero, legisse, prima longa.*

EXC. *Lucerna, laterna, tegula,
regula, cum paucis aliis, quæ usus
docebit.*

Mart. in Apophor. 61.

*Dux laterna viæ clausis feror aurea
flammis:*

*Et tuta est gremio parva lucerna
meo.*

SEPTIMA REGULA.

Præpositiones in compositione
servant quantitatem quam seor-
sum habebant, ut *Abeo, adamo, de-
duco, amoveo.*

EXC. *Pro* in compositis interim
brevis est, ut in *profiteor, profugus,
profugo, proficiscor, procio, profari,
procella, protervus, pronepos, profa-
nus, profestus.*

Communem habent primam syl-
labam, *procuro, profundo, propello,
propago.*

Di & se præpositiones inseparabi-
les, longæ sunt;

Virg. 7. *Æneid.* v. 144.

*Diditur hic subito Trojana per agmi-
na rumor.*

Idem, 1. *Æneid.*

*Est in secessu longo locus: insula por-
tum*

Efficit. —

EXC. *Dirimo & disertus*, quæ
primam corripiunt.

Reliquæ præpositiones fere corri-
piuntur. *Aperio* ab *ad* potius quam
ab *a* compositum videri potest.

Refert autem pro *interest*, non a
præpositione *re*, sed a nomine *re*,
componi arbitror, quia priorem ha-
bet longam.

OCTAVA REGULA.

Composita a verbis secundæ con-
jugationis, qualia sunt *liquefa-
ctus, reperfactus*, secundam habent
communem: cætera, quæ ex cor-
ruptis, aut ex corrupto & integro
componuntur, si prior pars in *e* vel
in *i* exeat, eam vocalem corripiunt:
ut *terrifico, caussidicus, nefas, nefa-
ctus.*

EXC. *Nequicquam & pridie*, quæ
primam; *veneficus & meridies*, quæ
secundam producant: *quotidie* secun-
dam habet communem, *tibicen* lon-
gam.

NONA REGULA.

Mediæ verborum syllabæ ex con-
jugationibus cognoscuntur.

De ultimis syllabis.

Ultima cujusque versus est com-
munis.

A in fine.

A in fine brevis est: ut

Virg. 1. *Æneid.*

Arma virumque cano. —

EXC. Imperativos primæ con-
jugationis; ut *ama*. Ablativos pri-
mæ declinationis; ut,

Horat. lib. 1. Sat. 9.

Ibam forte via sacra. —

Item, numeri nomina indeclina-
bilia; ut,

Virg.

Virg. 3. *Æneid.* v. 391.

Triginta capitum fœtus enixa jacebat.

Manilius tamen hanc syllabam sæpe facit brevem.

Item, *supra, ultra, contra, citra, frustra, infra, intra, circa, præterea, interea, antea, postea*, quæ interdum corripuntur: ut.

Horat. lib. 1. Sat. 1.

Quos ultra citraque nequit consistere rectum.

Ovid. Fast. lib. 1.

Postea mirabar, cur non sine litibus esset.

Prima dies. —

E in fine.

E in fine brevis est; ut,

Ovid. Trist. lib. 4. Eleg. 10.

Sæpe pater dixit, studium quid inutile tentas?

EXC. Ablativos quintæ declinationis; ut *fide, spe, re*; item *fame* (nam *fames* antiquis fuit quintæ declinationis;) & pluralia in *e*; ut *cete, Tempe*.

Item, imperativos secundæ conjugationis; ut *doce, mone*.

Item, adverbia ab adjectivis secundæ declinationis facta; ut *sancte, sanctissime*.

Bene tamen & *male* ultimas habent breves; *ferme* & *ferè* longas; ut

Juvenal. Sat. 1.

Mobilis & varia est ferme natura malorum,

Cum scelus admittunt. —

Item, monosyllaba, *me, te, se, de, e*, & *ne* prohibendi, longa sunt.

I in fine.

I in fine longum est; ut domini, servi.

Communem habent ultimam, *mi, bi, tibi, sibi, uti, ubi, ibi*, & ab eis composita.

Græcorum dativi & vocativi sunt breves; ut

Stat. in Achill.

Palladi littoreæ celebrabat Scyros bonorum

Forte diem. —

Ovid. Epist. Laodam.

Dax Pari Priamide damno formosæ tuorum.

Sed dativi interim Latinis producuntur, ut

Catull.

Qualis adest Thesidæ, qualis concordia Peleo.

O in fine.

O in fine commune est, ut amo, quomodo.

Item voces gerundii in *do*, quam vim ablativi habeant; ut

Virg. Eclog. 8.

Frigidus in pratis cantando rumpitur anguis.

Tibull. lib. 3. Eleg. 6.

Aufer & ipse meum pariter medicando dolorem.

Dativi & ablativi producunt *o*; item *adeo, ideo, falso*, & *eo*, cum similibus: *modo* & *imo* brevem semper habent ultimam.

Monosyllaba omnia producuntur; ut *do, sto, pro*.

U.

U in fine semper longum est; ut cornu, gelu.

B, D, T.

B, D, T, corripuntur, ut *ab, ad, at*.

C.

In *C* finita longa sunt; ut *dic, duc*.

EXC. *Fac, nec* & *donec*, brevია; hic pronomén anceps.

L in fine.

L brevis est; ut *nihil*.

EXC. *Sol, sal, & nil*, quæ longa sunt.

X x x x 2

N.

N.

N breve est; ut *nomen, numen.*

EXC. *Ren, splen, lien, quin, sin an, non*, & Græca multa; ut *Titan, Pæan, Træzen, Salamin, Delphin, Pandion, Asteon*, & similia.

Item, accusativos primæ declinationis a nominativis in *as* & *es*, ut *Aenean, Anchisen.*

R.

R in fine brevis est, cum quavis vocali; ut *vir, uxor.*

EXC. *Par, impar, compar, Narlar, far, ver, cur, fur*: & quædam Græca tertiæ declinationis; ut *aër, æther.*

Celtiber ultimam habet communem.

As.

In *as* longa sunt; ut *etas.*

EXC. accusativos Græcos tertiæ declinationis Latinorum; ut *Troades*: & nominativos fœmini generis, ut *Pallas.*

Es.

In *es* producunt ultimas; ut *rupes, mones.* Item, *paries, pes, aries, abies, locuples*, & *Ceres.*

EXC. Reliqua quibus genitivi crescunt; ut *miles, hospes, eques.*

Item, Græca nominativi pluralis, ut *Troades*: & neutra singularis numeri, ut *cacoëthes*: & *es* verbum, & *penes* præpositionem.

Is.

In *is* brevem habent ultimam; ut *finis, funis.*

EXC. Pluralia in *is*, *dominis, bonis, quibus, vobis, vis*, nomen & verbum, cum compositis, ut *quidvis.*

Item, secundas personas verborum quartæ conjugationis; ut *scis, audis*: & secundas personas subjunctivorum; ut *possis, velis, nolis*: & quæ

habent in genitivo *iris* vel *iis*; ut *glis, lis, Samnis.*

Item, in secundis personis singularibus futuri subjunctivi, ut *dixeris, miscueris*; *is* est ambiguum.

Os.

Os longum est; ut *dos, mos.*

EXC. *Os, offis, compos, impos*; & Græca quædam neutri generis, ut *Chaos*: etiam masculini & fœminini, ut *Atticos, Delos, Ilios*: & genitivos Græcos, ut *Pallados.*

Us.

Us breve est, ut *tempus, unus.*

EXC. Monosyllaba, ut *pus, rus, mus*: & fœminina quæ crescunt in genitivis; ut *jalus, tellus.* Item gen. sing. nom. acc. & voc. plur. quartæ declinationis, ut *fructus, lusus.*

T̃s.

Græca in *ys* brevissima sunt; ut *Ca-*

Toni, seu Accentus.

Accidunt & syllabis *toni tres*; *acutus*, qui eas attollit, ut *dominus*: *gravis*, qui deprimit, ut in syllabis *mi* & *rus*: *circumflexus*, qui & tollit & deprimit, ut *mês*. Sed corruptus pronuntiandi usus fere acutum cum circumflexo confundit.

REGULA PRIMA.

Monosyllaba omnia attolluntur, & quæ longa natura sunt, circumflectuntur, ut *latus, frons.*

EXC. Tres particulas, quæ vocantur *Encliticæ*, quod accentum præcedentis dictionis ad se retrahant, ac sic legantur, tanquam pars ejus essent. Hæ enim, non secus atque in una dictione, adjectione syllabæ, mutant accentum; ut *corpora, corporaque*, sic, *homines, hominesque*.

Virg.

Virg. 3. Georg. v. 344.

— *teſtumque, laremque,*
Armaque Amyclæusque canem, Cref-
ſamque pharetram.

SECUNDA REGULA.

IN diſſyllabis, penultima habet accentum; ut in *bônus, rarus, pônis.*

REGULA TERTIA.

IN polyſyllabis, e tribus ultimis una ſemper attollitur, nec ultima unquam. Si in polyſyllabis penultima longa ſit, ea attollitur, ut *Românus, ſenêſco.*

Si penultima brevis ſit, quæ eam præcedit, attollitur; ut *Dôminus, Virgilius, Virgiliî, corpôribus, corpôri.*

Hæc eſt vera accentuum ratio, cui qui plura adjiciunt, mihi videntur timuiſſe, ne hæc pars abſque magiſtri opera comprehendere poſſet, ideoque rem per ſe facilem (objectis tenebris) obſcurare voluiſſe. Eorum errorem vir doctiſſimus *Julius Scaliger* ſatis luculenter in libro *De cauſſis linguæ Latinæ* redarguit.

DE GENERIBUS CARMINUM.

DE *Hexametro Heroico* dictum eſt ſuperius: ei ſolet plerumque adjungi *Pentameter Elegiacus.*

1	2	3	4
--	--	vv	vv
-v	-v		

Catull.

Quin tu animum obſirmas, atque iſt-
hinc te uſque reducis:
Et Diis invitis deſignis eſſe miſer?

Ovid. *Epist. Laodam.*

Mittit, & optat amans quo mittitur
ire, ſalutem
Æmonis Æmonio Laodameia viro.

Tibull. *Eleg. 4. lib. 2. ver. 8.*

Quam mallet in gelidis montibus eſſe
lapis.

Ibid. ver. 10.

Naufraga quam vaſti tunderet unda
maris.

Quidam ſic metiri volunt.

1	2	3	4	5
-vv	-vv	--	vv	vv
--	--			

II. *Sapphicus hendecasyllabus pentameter.*

1	2	3	4	5
-v	-v	-vv	-v	-v
--	--			

Catull.

Otium Catulle tibi moleſtum eſt.

Horat. lib. 2. *Od. 16.*

Otium Divos rogat in patenti
Preſus Ægæo.

III. *Phaleucius hendecasyllabus pentameter.*

1	2	3	4	5
--	--	-v	-v	-v
-v	-vv			--

Catull.

Quoi dono lepidum novum libellum,
Arida modo pumice expolitum?
Corneli, tibi: namque tu ſolebas,
Meas eſſe aliquid putare nugas.

IV. *Glyconius, ſive choriambicus trimeter.*

1	2	3
--	-vv	-v
		-vv

X x x x

Horat.

Horat. lib. 1. Od. 3.

Sic te Diva potens Cypri.

Alii sic metiuntur,

1	2	3
--	-vv-	vv
		v-

V. Asclepiadeus, sive Choriambicus tetrameter.

1	2	3	4
--	-vv	-	-vv
			vv
			-v-

Aliter sic,

1	2	3	4
--	-vv-	-vv-	vv
			v-

Horat. lib. 1. Od. 1.

Mæcenatavis edite regibus,

VI. Choriambicus pentameter.

1	2	3	4	5
--	-vv-	-vv-	-vv-	vv
				v-

Horat. lib. 1. Od. 18.

*Nullam, Vare, sacra vite prius se-
veris arborem.*

VII. Versus Iambicus acatalecticus dimeter.

1	2	3	4
--	--	--	--
v-	v-	v-	v-
vvv	vvv	vvv	vv
-vv		-vv	
vv-		vv-	

Sedulius.

*Herodes hostis impie,
Christum venire quid times?
Non eripit mortalia,
Qui regna dat cælestia.*Hoc genere carminis a *Prudentio*
tota *Romani* vita descripta est.

VIII. Versus Iambicus acatalecticus trimeter.

1	2	3	4	5	6
--	--	--	--	--	--
v-	v-	v-	v-	v-	v-
vvv	vvv	vvv	vvv	vvv	vv
-vv		-vv		-vv	
vv-		vv-		vv-	

Laudes feracis prædicemus hortuli.

F I N I S.



GEOR.

GEORGH BUCHANANI
S C O T I
A D

Viros sui seculi clarissimos,

Eorumque ad eundem

E P I S T O L Æ,

Ex ipsis autographis magna ex parte
descriptæ.

L E C T O R I S.

DOLENDUM fane est ex innumeris fere quas inter *Georgium Buchan-
num* & doctissimos istius seculi viros *Epistolas* intercessisse credibile est, adeo paucas superesse. Sed quo pretiosioris thesauri naufragium fecerit Resp. literaria, eo majore studio laborandum nobis videbatur, ut hæ reliquæ, ex ipsis quasi mortis faucibus ereptæ, non modo extra omnem deinceps periculi metum ponerentur, sed etiam quam fieri posset incorruptæ, suisque auctoribus dignæ prodirent. Maximam quidem harum *Epistolarum* partem laudabili instituto primus collegit, ac publici juris fecit *Jacobus Oliphantus Scotus* Anno M. DCC. XI. Sed partim depravatissimorum exemplarium, partim typographorum vitio, tot ubique erroribus deformatur illa editio, ut tam illustria nomina parum inde laudis retulisse videantur. Cui malo ut felicius mederemur, commode admodum ipsorum magna ex parte autographorum, quæ ὁ πᾶν *Archibaldus Pitcairius* M. D. instructissimæ *Juridicorum Bibliothecæ* donaverat, nobis facta est copia: ad quæ tanquam obrusam non *Londinensem* modo editionem, sed exemplaria eorundem MSS. in eadem Bibliotheca reposita, summa diligentia exegimus. Ubi autem *autographa* deerant, quod proximum erat, exemplaria illa *apographa* in subsidium vocavimus; eorumque ope haud pauca editionis *Lond.* sphalmata sustulimus. Supererant demum tres quatuorve *Epistolæ*, quæ in sola *Londinensi* exstarent; quibus non nisi ex nostra conjectura, & parce admodum, remedium adhibere licuit. Ut autem ubique nostra hac in re fides lectori magis probaretur, ad uniuscujusque *Epistolæ* calcem, unde ea deprompta sit indicare visum est. Ubicumque vero nostra (quod infinitis pene locis contingit) a *Londinensi* discrepat editio, ea aut cum ipsis *autographis*, aut cum illis quorum supra meminimus MSS. consentit; id quod semel monuisse suffecerit, ne *variantium lectionum* farragine Lectori fastidium crearem. Quamvis autem summa ope & diligentia nixi simus, ut alias *Buchanani* *Epistolas*, sicubi delitescerent, huic numero adjiceremus, nullas tamen præter septem, II. scil. III. VIII. XXVIII. XXXIV. XXXIX. & XLI. reperire potuimus. Quod ad earum ordinem spectat, etsi vir doctus in iis digerendis *temporis* rationem habuisse videatur, in multis tamen ab ea descivit: unde factum est, ut nobis *temporis* seriem paullo accuratius investigantibus *Epistolæ* diverso multum ab eo quo ille eas ordine posuerat, essent collocandæ; quod & in ima pagina, ubi usus postulabat, monstratum exhibuimus. Ne quis autem *Geo. Buchanani* ad *Moraviæ* Comitem *Epistolam*, quæ in *Edit. Lond.* quarta occurrit, incuria nostra intercidiisse causari possit, monendus est eam suo loco ante *Franciscanum* (cujus nuncupatoria est) esse repositam. Arque hæc de nostra hac *Editione* in genere sint dicta: cæterum, quo industriam nostram æquo Lectori melius testaremur, pauculas etiam visum est subjicere *Animadversiones*.

GEOR-

A D

Viros sui seculi clarissimos,

Eorumque ad eundem

E P I S T O L Æ.

* E P I S T O L A I.

Lucas Fruterius † Brugenſis *clariffimo & doctiffimo viro*
D. Georgio Buchanano.



PERLEGE, nec dubita ſubitas evolvere nugas,
O decus, o ſeculi gloria rara tui:
Forſitan & magno Culicem ſic mittere Caro
Auſus eras, Latii prime Poëta chori.
Atque erit hic aliquid, ſi nos bene novimus ipſi,
Quod tibi ſubtiles aſſeret auriculas.
Atque erit hic aliquid, quod te mihi reddet amicum:
Tu modo ne dubita perlegere iſta mea.
Si quid & offendet, ſcribe offendiſſe fateri,
Acribus in limis ſtat mihi ſtriſta manus.
Plura quidem potui, ſed nolim plura poteſſe,
Ne quid in his nugis ponderis eſſe putes.

EPI-

Ex autographo in Bibliotheca Juridica Edinburgenſi.

* Hanc Epistolam ordine primam poſuimus, quod ea ſequentem tempore præceſſiſſe videatur: & forte tum ſcripta, cum ex Conjectaneis ſuis Veriſimilibus aliqua ad Geo. Buchananum mitteret, de quibus in ſequente facit mentionem. De anno autem quo vel hæc vel illa ad eum data fuerit, nihil conſpicere poſſumus aliud, quam utramque vel alteram ſaltem ſcriptam videri ante annum æræ Chriſtiæ vulgaris 1566, æſtate enim ejus anni Lucas Fruterius ſatis conceſſit, teſtante Jac. Auguſto Thuano, Hiſtoriæ lib. 38. ſub finem.

† Lucas Fruterius] Infinito proximum eſſet omnes Editionis Londinenſis errores recensere: ex iis quæ in brevi hac Epistoſta occurrunt, de aliis facile Lector conſiciet. In Lond. enim pro Fruterius, Truterius; pro nec dubita, ne (dubita;) pro aſſeret, aſperet; pro fateri, fatere; ut alia leviora omittam, inveniet.

Tuus quem noſti,

LUCAS FRUTERIUS Brugenſis.

Y y y y

* E P I S T O L A II.

Lucas Fruterius Georgio Buchanano S. D.

QUOD te nupera nobis proficiscentem, vir clarissime, solemniter non dimisimus, sane, uti debet, molestissimum est nobis: & tamen celeritas profectiois tuæ, ut nobis esse æquior evaleas, efficere una potest, quod ego quidem facturum te mihi persuadeo. Audio, mi Buchananane, non paucis diebus te ventorum fastidia tulisse, & nuper tamen

*Ventis iisse tuis dulcissimæ
Ad alta tecta patriæ,
Quæ te tuosque canulos jamdudum amat:
Vincere caris osculis.
Quid hic amica gaudia eloquar tua?
Quid gaudia illa regia?
O ter beata sorte devinctum caput,
Quod Rexque, paterque, equesque amant!*

Vide, mi Buchananane, cujus hæc curæ sint carmina, quæ mihi cum charta & calamo oborta sunt, aborta velim dicere. Sed quid attinet, dum a Fruterio tuo, qui amicorum auribus & uti & abuti identidem potest? Aliquid majus exspecta, vir clarissime, cum mihi ingenium fecerint versus tui, quos meis *Verisimilibus* præfigi curabo: tunc me

*Ditibus auspiciis audax juvet ire per æquor,
Et caput æternis addere sideribus.*

Tu, si quid meis *Verisimilibus* per te accidere cupis, ut memini velle te, cum isthic esses, quæso commodus imperti quidvis: ego me quidem hoc tuo beneficio beatum putabo, & studiosi homines non minori se beneficio a te affectos fatebuntur, scio. Nunc ego, mi Buchananane, aliquid doctæ cogitationis tibi appingam; sic enim decrevi nullas omnino literas dare, dummodo ad literatos, in quibus non de literis plurima sint. Sed tu, mi Buchananane, unico Plauti loco in præsens uteris fruerisque, dum Fruterius tuus plura alia tibi diffingit, quæ adhuc quidem obtusam aciem ferient, sed brevi tamen limabuntur, spero. Locus est elegantissimus in

Pro-

* Desumpta est hæc Epistola e Lucæ Fruterii Epistolis Philologicis, a Jano Grutero editis Francofurti anno 1605, Thesaur. Crit. tom. V. pag. 392. Quo autem tempore scripta fuerit, non ita facile est statuere. Ex ipsius quidem verbis id saltem elici posse videtur, eam ante annum 1566, aut summum ante ejus anni tempus æstrum exaratum fuisse, quem admodum ad primam Fruterii Epistolam supra docuimus, ac alio etiam loco, cum de G. Buchanani vita agemus, plenius sumus ostensuri.

Prologo Amphitruonis, ubi Mercurius spectatōribus factiosis legem ponit hujusmodi: sed ego ut totus locus legi debeat, ita cum subscribam:

*Nunc hoc me orare a vobis jussit Juppiter,
Conquistores singuli in subsellia
Eant per totam caveam spectatōribus.
Si quōi favitores delegatos viderint,
Uti his in cavea pignus capiantur togæ,
Sive etiam qui ambissit palmam histrionibus,
Seu quoiquam artificii, seu per scriptas litteras,
Sive ipse ambissit, seu per internuntium,
Sive adeo Ædiles perfidiose quōi duint,
Sirempse lege jussit esse Juppiter
Quasi magistratum sibiye altrive ambiverit.*

Ecce, vir clarissime, facinus, quod hic feci: multa erant. quæ non factis pro legum more concepta erant, quæ levissima & lenissima tamen immutatione a me sunt rescripta, ut cum *ambissit* scribo pro *ambissent*, quod est in vulgatis: sed aliud est, quod te ignorare nolo, uno in versu metria quatuorve verba glossatoribus suis remisisse; sunt vero isthæc:

*Similem rem ipse in legem jussit esse Juppiter,
Quasi magistratum sibiye altrive ambiverit.*

Primum, hic nescias mendum latere, ita omnia hæc rotundarunt inepti quidam mendatores; sed miror tamen de versu abisse illos, cum trimeter esse debeat: sed paucis dicam, quod volo. Pompejus Festus (quo auctore nihil omnino præstantius est) *Siremps apud Catonem significare ait Similis res ipsa*, quod omne pulcherrime sentitur in illis:

Similem rem ipse in legem jussit esse Juppiter.

Sospater autem Charisius, doctissimus Grammaticus, *Siremps ab hac Sirempse* facere docet, ut præter duos casus non ferat hoc verbum. Itaque cum quibus verbis & elocutionibus hæ legum partes constarent, non ignorarem, vidi statim legendum:

*Sirempse lege jussit esse Juppiter,
Quasi magistratum sibiye altrive ambiverit.*

Ut dicat Plautus Jovem illum populi ambitum, quem huic vel illi ex histrionibus præstat, ea lege sancire, qua sancitur ambitus in judiciis, vel pro aliorum magistratu, vel pro se conceptus. Omnino scire ex te cupio, mi Buchanane, quid tibi de hac nostra conjectura animi sit: certe illa

mihi Plauto dignissima videtur, atque in legibus diserte scribebatur antiquis, SIREMPS LEX ESTO, ut nuper ex Inscriptionibus duabus didici, tu videbis. Vale, vir clarissime, & Fruterium tibi & posteris tuis commenda. Iphis Calendis Februarii, Parisiis.

Ex J. Gruteri Thef. Critico vol. 5.

E P I S T O L A III.

Georgius Buchananus Petro Danieli suo S. P. D.

INTER occupationes aulicas, & incommoda valetudinis, vix quicquam temporis potui suffurari, quod vel amicis vel mihi impenderem: eoque factum est, ut ad amicos rarius scribam, & mea quæ sparsim jacent carmina non recolligam. Quod ad me attinet, non magnopere laborabam uti ea ab interitu revocarem: argumenta enim fere levia sunt, & quorum hanc ætatem nescio pigeat magis an pudeat. Sed quia tantopere amici, quibus nihil denegare vel debeo vel possum, ea expetebant, in quibus in primis est *Petrus Montaurus*, quædam per otium recollegi, & in capita conjeci. Liber est Elegiarum unus, Silvarum unus, Hendecasyllabon unus, quos ad te in præsentia mitto: tu ea velim, cum per otium licebit, *Montaureo* & *Memmio*, aliisque amicis philologis ostendas, nihilque nisi ex eorum sententia facias. Mittam, ut spero, brevi Iambon librum unum, Epigrammatum unum, Lyricon unum, & si qua alia hujus erunt generis: in quibus omnibus liberum amicorum volo esse iudicium, quando semel statui plus illis, quam mihi ipsi credere. In Psalterio multa typographorum errata correxi, quædam etiam mea non pauca mutavi: quamobrem velim cum *Stephano* agas, ne me inconsulto id operis iterum emittat. De Sphæra mundi nondum vacavit absolvere secundum librum, ideoque primum nondum descripsi: ut quodque erit absolutum, ad te mittam. Saluta Aurelianenses omnes meo nomine, dein cæteros, ut erit commodum. Vale, Edinburgi 24 die Julii 1566.

Hæc Epistola præfixa est Editioni Elegiarum &c. Lutetiae apud Mam. Patissonium 1579.

E P I S T O L A IV.

Clarissimo viro D. Georgio Buchanano, Poëtæ nostræ ætatis principi, amico magno & singulari. S. P.

SUPERIORIBUS mensibus, Buchanane, ad te semel atque iterum literas dedi, æquitate & facilitate tua maxime fretus. Nunc scribo tertium, quando superiores tibi redditas non putem; idque eo facilius, quod hujus mei facinoris auctores habeam populares tuos, *Gordonium*,
Curren-

Cuninghamum, *Guthraëm*, alios, ¹ adolescentes, ut audio tibi carissimos; quibus hic summa cum voluptate & utilitate mea familiariter utor. Quare si meæ hæ literæ molestæ (quod abominor) tibi accidunt; cogita quos tibi auctores adducere & allegare possim, qui nunquam auctoritatem defugere velint: is candor, ea est fides, & in me immerentem eorum studium. Scripseram prioribus illis literis nescio quæ de Cæsaris quibusdam locis, meo iudicio subobscuris, ut ea nobis explicare velles. Nunc hoc peto, ut si quid habeas (ut habere te non dubito) quod in Cæsaris Commentariis observaris, id nobiscum [ut] communices: Dabo operam ego, ut & ipse, & alii intelligant; quam non aliena (quod objecit nimis impudenter nobis ² *Dionysius* ille) pro meis venditem, sed gratissimo animo suum cuique vindicem, & in primis tuum tibi adscribam, qui liberaliter homini fere ignoto & extero ea impertiri sis dignatus. Et si autem non ignorem, te in omni genere scriptorum apprime & callide versatum esse; in Cæsare tamen præter cæteros opem tuam adesse mihi volui, quod cum cum Notis nostris brevi edere in lucem constituerim. Si tamen aut ex Livio, aut ex Ovidio aliisve quid adjeceris, tanquam ³ ἐπιλεξὶν & corollarium, eo me licet ante addictissimum, nunc tamen ⁴ additiorem tibi reddideris; & qui ante plurimum multis nominibus tibi deberem, multo plus tamen debiturum fatebor. Est unum præterea, quod te scire velim, quodque fere solum huic Epistolæ scribendæ causam mihi attulit. *Plantinus* typographus Flander, tibi, ni fallor, notus, cum optima quæque semper formis suis describere consuerit, tum valde Epigrammata Græca, aut omnia, aut majorem partem, illa, quæ in libro pervulgato *Epigrammata Græca* continentur, Latine conversâ cuperet edere: eaque re, cum de popularibus illis tuis intelligerem multa te de Græco in Latinum convertisse, & Plantino nostro quas possem undique copias comparare solitus sim, peropportune accidit sane, ut in hunc mercatorem Scotum inciderimus, qui & te nosset optime, & recta isthuc contenderet: neque enim dubito, quin ubi ex literis his nostris institutum *Plantini* acceperis, id sis probaturus, & primo quoque tempore missis aliquot Epigrammatis a te redditis, etiam adjuturus. Quod equidem te oro, mi domine, quod tamen tuo commodo fiat, ne te nimium urgere videamur. Est vir ille dignus, quem & tuis versibus adjutes & studio: ille jam Psalmos tuos elegantissime formis suis descripsit, & nihil aliud fere, quam tua ardet suis typis expo-

¹ *Adolescentes*] in autogr. *adulescentes*, & paullo inferius *Epistule*; & ita libri quidam antiqui & lapides: sed nos potius vocum originem & vulgatum scribendæ morem sequendum duximus.

² [Lambinum intelligit; mutæ inter eos inimicitæ, expostulationes & querelæ de plagio notæ sunt viris doctis. Vide & quæ nuper ad Epistol. Falkenbergii ad Lipsium v. notavimus.]

³ ἐπιλεξὶν] Hanc vocem, qua ἐπιμύκτην, sive *anthurum*; innuere videtur auctor, alibi nusquam reperio.

⁴ *Additiorem tibi reddideris*] Lond. multo additiorem.

expolire. De rebus aliis, etsi a multis abunde ad te perferibatur, aliquid tamen si adferam, non ingratum fore confido. Jephthes tua & Franciscanus in hac urbe formis describuntur Gallice redditus a *Christiano* tuo. *Basilæ* editus est proxime *Lycophron* a *Cantero* nostro, cum *Scaligeri* filii versione antiquitatis plena, stylo *Pacuviano*. Tua *Astronomica* omnes avidissime exspectant. *Auratus* hisce diebus *Poëtæ Regii* titulo donatus, & satis amplo honorario, & annona annua: docendi munus, ni fallor, omittet. *Ramus* *Prolegomena* quadam *Mathematica* doctissima dicitur quoque in vulgus protulisse. De reipublicæ *Christianæ* rebus ruinam extremam verentur multi: instat *Turca*, & ἀπολατρεῖς mira machinantur, maxime aut primum in *Flandriam*. Deus *Ecclesiā* tamen servabit, quicquid moliantur impii. Vale, vir clarissime, meque ut in tuorum numero habere pergas, omnibus a te precibus oro & contendo,

Aureliano, 17. Cal. Feb. 1567.

Tui studiofissimus

ROBERTUS GIFANIUS.

Si quid ad me scriptum missumque voles, dabis id omne ad typographos *Parisienses*, vel *Andream Wechelum*, vel *Martinum Juvencum*.

Idem illi populares tui, familiares mei, esse nunc isthic doctissimum virum *D. Ramseum*, qui olim *Vitebergæ* Professor fuit, & vertisse eum quoque multa *Epigrammata* commemorabant. Quare cum ille tibi per familiaris sit, rogo te, mi domine, ut & eum admoneas ut suam symbolam conferat.

Ex autographo in *Bibl. Jurid. Edinb.*

E P I S T O L A V.

Domino Danieli Rogerio, summa virtute & doctrina viro.

Georgius Buchananus Danieli Rogerio suo S. P. D.

ACCEPI literas tuas, post tertium quam scriptæ fuerunt mensem, ob quas maximas tibi gratias ago, rogoque ut in posterum quoad potes commode nos facias certiores de statu rerum *Gallicarum*. De novo isto matrimonio etsi prope certa huc feruntur, mihi tamen persuaderi non potest; propemodum enim videre videor tantos motus, tantasque rerum perturbationes id secuturas, ut *Galliam* & *Angliam* sint everfuræ, statum religionis prope commissuræ, ac reliquis circumcirca nationibus tantum belli incendium suscitaturæ, quantum nostra memoria nunquam in *Europa* visum est. Id ego miror homines prudentissimos utrinque vide-

videre. Quod si tecum paucas horas mihi confabulari liceret, facile me demonstraturum reor, quanta perniciēs ex hoc fonte sit emanatura. Nam, ut cætera præteream, qui privatus fratrem majorem ferre non potest, quomodo tot ditionibus, tot titulis, tot factionum opibus auctus eum feret? Deinde, ut spem in exitu belli sibi Anglia proponat, is primum incertus est, deinde ita vires & pecuniam utriusque regni exhauriet, ut quicumque vincat, Cadmæam plane sit relaturus victoriam. Et, ut cætera omittam, qui exitium Reginæ Angliæ hoc imminere non videt, plane meo iudicio nihil videt; siquidem Ægisthus in Clytæmnestram semel oculos conjiciat. Quod ad nostras res attinet, si quis apud vos non videt, quam vestræ Reginæ; magis quam nostræ inter sit, ut melior pars hic rerum potiatur, is quoque nihil videt: si quis autem videt & dissimulat, prius gentis suæ proditor, quam nostræ hostis est: res enim nunc in eo sunt statu, ut ostentatione tantum auxilii communes inimici opprimi possint; quæ occasio si prætermissa fuerit vereor ne omissam frustra requiramus. De statu religionis & literarum quæ scripsisti mihi valde grata fuerunt. Vale, Lethæ ad 4 Cal. Aug. 1571.

Si quando ad me scribas, jube ut literæ dentur Comitissæ *Levinæ*, Reginæ vestræ propinquæ, & Proregis nostri uxori, in aula Anglica; ita commodissime perferentur.

Ex Editione Londinensi 1711.

[*Utrunque non videre.*] Editio Lond. *utrumque*, quod nullo pacto cum prioribus convenire potest. Legendum itaque *utrinque* i. e. Anglos & Gallos.

* EPISTOLA VI.

Geo. Buchananus Henrico Scrimgero, S. P. D.

SCRIPSI ad te sæpiusculum hoc biennio proximo, quam tuæ consuetudinis cupidus esset Comes *Levinæ*, qui nuper erat Prorex, quamque prolixè de sua voluntate me promittere jussisset. Destinarat enim non modo curæ publicæ, & bonorum partem aliquam in te transponere, sed etiam, si quod tempus a laboribus vacuum esset, in tua suavitate conquiescere. Is quamvis nuper decesserit, tamen qui in ejus locum est suffectus *Joannes Areskinus* Marriæ Comes, eisdem de causis eandem rem multo etiam vehementius urget, spondetque etiam omnium suarum & fortunarum & successuum te participem fore. Si quid vero secus acciderit, id te hominem ista virtute, doctrina & rerum usu, defugere non decet; præsertim patriæ causâ, cui deesse sine summo scelere non potes. Neque hic ego te, hominem in Christiana & peregrina Philoſophia eruditum,

* Hanc Epistolam ad illud præcipue exemplar quod in Actis publicis asservatur, exegimus, utpote cui postremus ipsius Auctoris cura accessisse videatur.

ditum; habeo necesse admonere, quid a te patria, quid amici & propinqui postulare suo jure possint. Ac multo minus opus habeo revocare in memoriam eorum exempla, qui in rebus desperatissimis patriæ libenter vitam impenderint. Illud tantum adjiciam ad ea, quæ superioribus literis scripseram, si quæ tum erant, quæ voluntatem tuam (de qua nunquam dubitavi) aliqua ex parte remorari possent, nunc ea omnis excusatio tibi adempta est; & rebus paullo melioribus, & homine in summo magistratu collocato, non modo tibi magis noto, sed cui etiam tutius credi potest. Quid? quod eodem te hortatur orbitas liberorum, quam Epaminondas vir præstantissimus sponte est amplexus, ut minore cum molestia pro patria, cum res posceret, moreretur. Quod si tu is esses, qui emolumentorum & otii magis, quam honesti negotii rationem haberes, tamen nec opinio, quam tot annos peregrinando apud exterarum nationes præclaram comparasti, nec familiæ splendor, nec patriæ postulantis justæ preces in has tam sordidas cogitationes te prolabi siverint, nisi omnia prioris vitæ decora uno momento velis evertere. Neque hæc eo pertinent, ut te commissurum putem, ut quicquam quod non sit te, tuis, & anteacta honeste vita dignum, credam facturum; sed ut ne sis nescius quid de te homines in utramque partem & nunc sentiant & in posterum sint existimaturi. De meo erga te studio nihil in præsentia scribam, ac de *Petro Junio* multo minus, qui omni genere officiorum erga me perfecit, ut jam non minus meum quam tuum eum existimem. Sed utriusque voluntatem malo ex præsentis observantia, quam ex literis absens cognoscas. *D. Bezam & Henricum Stephanum* velim meo nomine diligenter salutes. *Knoxius* noster vivit quidem, sed præceps ad terminum fertur. Vale, *Sterlino*, ad undecimum Cl. Oct.

Ex autographo in Bibl. Jurid. & ejusdem Exemplari in Actis publicis.

E P I S T O L A VII.

Henricus Scrimgerus Georgio Buchanano suo, S. P. D.

TERNAS tuas epistolas, eodem prope argumento scriptas, postremas vero, quas nepos ex forore mea attulit, eodem exemplo geminas, cum hæc ad te scribere volebam, omnes in manibus habebam, ac diligenter & libenter (quod sæpe antea feceram) relegeram. Quibus omnibus gravissime & prudentissime scriptis, singularis & prope incredibilis tuæ in me benevolentiae significatio elucebat: quam ego tanto illustriori gratia amplector, quanto est ipsa nullis meis unquam, quod memini, vel officiis vel beneficiis provocata. Sed quantum me eo nomine tibi debere statuam, alio tempore, vel coram aliquando, Deo concedente, profitebor. Nunc autem ad ea, quæ illustrissimorum & summorum virorum Proregum mandato scribis, respondendum erit. Ego vero,
ini

mi Buchanane , a teneris annis, quibus patriam reliqui, omnes peregrinationis meæ curas cogitationesque in eo semper fixi, ut si quando studiis meis ac primæ juventutis laboribus consequi possem, quo patriam mihi carissimam, si non ornare, juvare saltem & colere valerem; eaque peregre apud externos discerem, quæ aliquando domi docerem, meisque civibus communicarem. Nec me penitus ea spes frustrata fortasse esset, nisi communium temporum instabiles motus, & reipublicæ nostræ conversiones crebræ, eademque dissimiles, totius animi nostri cogitationes de certo & perpetuo studiorum cursu depulissent. Quo enim, quæso, vitæ tuæ rationes, contentionesque sensuum dirigas, si quem tibi scopum proposueris, is derepente ab oculis sublatus est; alius vero, a quo tu longissime aberrare cupias, substituatur? Quod si spatium præteriti temporis animo revolvere ac considerare volumus, consecuta sunt tempora ab ea tua ætate, Buchanane, qua tu magna cum tua laude patriam illustrare scriptis cœpisti tuis, in quibus, præter rerum omnium confusionem, & regni deformitatem, diu absens nil audieris, præsens vero nihil nisi luctuosum & tetrum aspexeris. Quod si aliquando Deus cœlestis pater nostrum misertus pacatæ erga nos mentis signum aliquod attulerat, nosque ad melius de summa rerum sperandum excitarat, subito peccatis irritatus nostris illud e medio velut indignis eripiebat. Quæ res non modo multorum hominum mentibus metum incutere solet, sed etiam densissimas tenebras, & consiliorum omnium perturbationes offundere. Et ipse quidem, tametsi mihi nihil unquam deliberatius foret, quam patriæ, si quando occasio daretur, quibuscunque vel mentis vel ingenii opibus (quæ certe tenuissimæ sunt & prope nullæ) ¹ illi tamen adesse, ac pro viribus opem ferre; tamen ingravescente jam ætate atque inclinata, non putavi mihi pertimescendum, ne patriam aut deseruisse aut neglexisse viderer, si tanquam portum aliquem quietis, & domicilium senectuti delegissem, ubi a populari honore, a quo semper abhorruì, & illustri splendore, quem ferre nequirem, seniculus delitescerem. Quibus tamen in latebris neque patriæ memoriam, neque calamitatum ipsius mœrorem nunquam abjecerim, neque minus amavi afflictam, quam florentem desiderandam mihi arbitrabar.

At, inquis, nunc tandem finem cogitationum ratiocinationumque modum facito, nam eo loco res sunt, ea spes & expectatio meliorum rerum omnium, ut neque dubitare amplius, nec suspensos homines tenere debeas. Fateor equidem, mi Buchanane: at, ut annosam quercum, quæ altissime radices egit, non facile, ac vix sine periculo dimoveas, quantum ruinam trahet rei meæ familiaris præceptis & improvisa mutatio, quæ quanto est angustior, tanto minus sine perniciæ ac periculo, loco quo fixa est

¹ *Illi tamen adesse*] Lond. in qua sola occurrit hæc Epistola, habet *illis*: non dubitavimus tamen *illi* reponere.

est detrahi possit? 'Taceo uxorem, filiolum, taceo etiam alia multa, quæ ipse per te facile intelligis, quæ impediunt. Nam itineris moram, sumtum, incommoda prætereo. Sed quæ mihi hic cum multis rationes resque contractæ sunt, quam difficile expediri queant? Neque enim hætenus ita vixi, ut non sit mihi multis tantæ mutationis ratio reddenda. Quibus tamen omnibus illustrissimorum dominorum voluntates & iustas petitiones opponerem, eorumque auctoritatem in re tam æqua, omnium sermonibus ac vocibus facile obtenderem, si pacis ac quietis artes ac studia, quarum ego semper cultor fuerim, in pretio esse, & a nostris hominibus amari cernerem. Sed quæ ad nos perferuntur quotidie homicidia, & sceleratissimorum hominum non solum perdita consilia, sed etiam audacissima crudelissimaque facinora, ea vero non patiuntur nos de² rerum summarum tranquillitate, ut cupimus; brevi constituenda sperare. Duo tamen mihi ad melius feliciusque augurandum quasi³ signa proposui, quorum alterum falli non potest, alterum non fallere. Quod verbi Dei sinceram prædicationem, numinisque apud bonos omnes reverentiam nondum nobis eripit impietas, indicium est paterni erga nos animi Dei, calamitates ad modum quandam immittentis, quibus perpurget messem suam, non perurat: quem laborem vobis salutarem, illi gloriosum futurum non dubito. Nec falli illud aut decipi signum ullis Satanæ artibus poterit. Quod vobis Regio throno incredibili spe puerum obtulit, quod sanctissima & integerrima disciplina cum primo ubere pietatis amorem surgere voluit, quod tantæ spei alumnos & protectores viros innocentissimos delegerit. Hæc duo spem nobis faciunt tandem fore, ut lætioribus & melioribus temporibus fruamur. Cujus ego felicitatis non auditor, sed spectator, si Deus concedat, esse cuperem. Interea absens, quod facio, Deum precabor, ut misericordia sua regnum illud tueatur, Regiam maiestatem benignitate sua conservet, vitæ prosperitate & gratiis Spiritus indies cumulet, bonos omnes & ⁴ bonarum artium amatores, foveat ac protegat, teque tuique non dissimiles Regi nostro quam plurimos conservet. Beza noster ad vos scribit, & ad *Jounnem Knoxium*. Buchanane, vir doctissime ac integerrime, vale. Genevæ, 3 Id. April. 1572.

De Petro Junio nepote meo, quem tibi plus quam mihi debere judico,

1 *Taceo uxorem, filiolum.*] Hæc pugnare cum Epistola VI. videntur, qua Buchanane inter alia argumenta Scrimgero in patriam reditum persuadere nititur ex eo quod liberis esset oibus. Aut igitur mendax fama Buchanane fefellit, quod ægre crediderim: aut filiolum hanc non Scrimgeri, sed uxoris ejus alio patre progeneratam fuisse oportet.

2 *Rerum summarum tranquillitate*] Forte rerum summæ quidam scribendum malint: sed nulla mutatione opus; Corn. enim Nepos in Eum. 7. de rebus summis consilia capere, & ibid. 9. de rebus summis desperare, utitur.

3 *Signa proposui*] Ita omnino legendum, non *præposui*, ut Lond.

4 *Bonarum artium amatores.*] Lond. *bonarum rerum artium*: unde se importune intrusit hæc vox, rerum?

co, tantum hoc dicam, eumque ea de re monui, nisi omnibus in rebus, tuis prudentissimis amicissimisque monitis obtemperet, nisi te ut patrem colat ac revereatur, recusare non poterit, quin omnis humanitatis & pietatis expers haberi debeat: quod eum non commissurum, sed tibi obsequentissimum semper fore confido.

Ex Editione Lond.

* E P I S T O L A VIII.

From Mr. Henry Scrymger to the Regent.

MY Lord, efter my maist humble Commendatioun of Service to your Grace, I ressavit your Graces Letter the secund Day of *Januar*, writtin at *Striveling* the last Day of *September*; and red te samyn with gryt Blythnes and Contentatioun of my Hart, persaving your Graces guidwill and mynd to my Proffeit and Honour, havand remembrance and thocht of me, quha is sa far out of your Graces sight, and hes bein sa lang Tyme of te Cuntrie. I pray God Almychtie preferue your Grace in Helth and Weilsair, and eik your Grace mair and mair daylie with his sprituall Giftis and Graces, to the maintenance and furthering of his Glorie, to the virtueus upbringing of our Soverane Lordes Majestie, and to the guid gyding and ordering of the Commonweill of the Cuntrie.

My Lord, your Grace requirit me to cum hame and spend the latter part of my lyff in my native Land to my naturall Princes Service, to the Weill and Help of Policie into the Realme, and that with so grit and honest Offeris, that gif I knew my selff worth ane pairt of thame, I could not ressonably aganestand, nor refusis to do what your Grace requiris, thinking weill that sic Requeistis of thame quhome God hes send in sic Auctoritie sould be Commandmentis & Compulsionis to me and all utheris of our Realme, gif we luik weill to our Dewty baith anentis God and Man. Newertheles of the uther pairt, knawing my unablenes, and dreiding fair that being narer your Graces presens, I sall not be fund sa meit to fulfill the Chairge of Service your Grace divisis for me as mony Men belevis, I dar not haistelic offer my selff nor accord thairto. And albeit I have travellit thir mony Zeiris in lundry Cuntries and Landis, and hes bene in mony grit Companies quhair I micht have leirnit mekle guid for to help my Cuntrie, zit I have brocht away so sobir ane deale of all I have hard or sene; that I dreid thay be dissavit of the Houp thay have tane of me: notwithstanding my Mynd and Will

ves

* Hanc Epistolam e publicis regni Aedis desumptam, etsi for loco aliena videatur, hic tamen inferendam duximus, tum quod a viro longe optimo ac eruditissimo, tum vero praecipue quod super eodem quo illa ad Buchananum argumento sit scripta.

Z Z Z Z 2

wes evir, and zit is, to spend all God hes gevin me outhur of Witt and Understanding, or his Giftis, to the furthering of his Glorie, and to the Service of my Soverane Princes Majestie; for this wes alwayes my Butt and Mark I etlit to, sen my first cuming into strainge Cuntries, bot, as mony Tymes cumis to hand that Menis Purposis is brocht to ane uther End then thay luikit for by Godis Will, so in a pairt is happenit in my Cace, that being lang Tyme out of my Cuntrie, and acquaintit with strainge Passiouns of Leving, I have neirly forzett the Use and Custume of my Land that I sould serve intill: And this is cumit to, becaus sundrie Tymes quhen I etlit to cum hame, the trublesum Gyding and State of our Cuntrie sa mony Tymes changeand, sa that na Man micht weill see a lyff for thame that socht Quietnes and Rest and Policie thairin, quhilk wes the caus that I drew me to sum maner of Rest in thir Pairtis, seing the Aige and unablenes of my Body neir to cum within few Zeiris. This, my Lord, is my State. Zour Grace may understand further of zour Graces Servant *Peter Zoung* my Nepho. Desirand zour Grace to pardoun me that I have bene so tarysume to zour Grace, writting sa lang ane Lettre, and that knawand the *Scotts* Tung is nouw forzett with me, speciallic in writting, I have bene sa evill advisit to send this Bill to zour Grace.

I beseik the Father of Hevin be zour Graces Keipar, and gyd al zour Graces Doingis and Futstopis be his Holy Gaist, to the mantening of the Kinrik of his Sone *Jesus*, and to gyd in virtuus Teiching and Upbringing of our Soverane Lordis Majestie to Rest, Peax and Policie of the Realme at all tymes. At *Geneva*, this 12 of *Aprile*, 1572.

*To my maist gracious Lord, my Lord
of Marr, Regent in Scotland,
in the Court.*

*To zour Graces humble Service
reddy and obedient at all
tymes,*

Ex Actis publicis.

HENRY SCRYMGER.

* E P I S T O L A IX.

Theodorus Beza Georgio Buchanano.

NOLUI certum hunc nuntium absque meis ad te literis ¹ prætermittere, partim ut me noris tui memoriam absentis diligentissime retinuisse,

* Hæc est 78 Epistolarum Theologicarum Theodori Bezae ab ipso Genevæ 1572, & iterum 1575 editarum, quæ in multis discrepat ab ea Londini edita 1711, quemadmodum ex variantibus lectionibus hic subnexis videre est.

¹ Prætermittere] Ita Genev. 1575, at Lond. 1711, permittere, partim ut noris me.

nuisse, & coluisse semper; partim ut tibi, vel ¹ toti potius vestro regno id ipsum gratularer, quod Scrimgero nostro ² significas; obtigisse nimirum vobis Regem, in cujus pueritia pietatis virtutumque omnium ea jam signa eluceant, quæ in ³ maximam cujusque boni spem & expectationem ⁴ totius vestræ gentis animos erexerint. ⁵ Prohibeat vero Deus Opt. Max. ne idem vobis, quod superioribus annis vicinæ vobis genti, eveniat. Sed hoc potius largiatur, ut Regem hunc omnibus & corporis & animi dotibus florentem nacta Scotia, tot jam annis bellis cædibusque vexata, tandem aliquando sanctæ pacis beneficio fruatur. De rebus nostris omnia, ut spero, plenissime ex Scrimgero nostro cognosces. Ego Psalmorum tuorum lectione incredibiliter delector: qui etsi tales sunt, quales a te uno proficisci potuerunt, opto tamen ut ⁶ eos, quod tibi minime difficile fuerit, ex bonis etiam optimos reddas, ⁷ vel, si mavis, optimis, quales jam sunt, meliores. Bene vale, vir eximie, cum bonis piisque omnibus. D. Jesus te salvum & incolumem tueatur. *Genevæ, 12 April. 1572.*

Ex Editione Londinensi, & Theod. Bezzæ Epistolis Theol. Gen. 1575.]

¹ Toti potius vestro] Toti vestro potius regno id ipsum gratularer. Lond.

² Significas] Lond. significasti.

³ Maximam] Gen. maximi cujusque boni.

⁴ Totius] Deest hæc vox in Edit. Genev.

⁵ Prohibeat] Gen. Faxit vero Deus Opt. Max. ne idem vobis quod vicinis populis eveniat. Sed ut potius Regem omnibus — tot jam annos domesticis bellis ac cædibus vexata conquiescat. Liberet vos idem ille clementissimus pater a Medea sive Atbalia vestra. Nullum enim illius sceleribus satis idoneum nomen invenio. De rebus nostris ex Junio nostro penitus omnia cognosces.

⁶ Eos] Deest hæc vox in Genev.

⁷ Vel, si mavis, optimis, quales jam sunt, meliores.] Desunt hæc in Edit. Genevensi.

EPISTOLA X.

A Monseigneur,

Monfieur de Sigongues, Chevalier de l'Ordre, & Capitaine & Gouverneur de la Ville & Chasteau de Dieppe.

MONSEIGNEUR, ce que l'ay tant differé de vous escrire, a esté pour l'occasion des troubles, qui ont universellement regné, tant en ces quartiers, qu'en la France, au grand prejudice des deux royaumes. Et comme par la grace de Dieu nous avons en la fin quelque relasche de nos maux, il me semble (je le dis avec regret) que les vostres ne font que recommencer. Mais pour laisser ce propos, la presente sera pour me recommander humblement a vostre bonne grace, ensemble ce present Porteur Thomas Fairlie, qui est fort de mes amys, & autant amy qu'aymé de

¹ Hæc unica superest ex Epistolis Geo. Buchanani Gallico sermone scripta.

Z z z 3

de tous les miens. Le bien & plaisir, que vous luy ferez, je l'estimeray fait a moy même, comme je fais celuy, qu'avez par le passé fait a tous ceux, que je vous ay recommandé, qui se louent grandement de vostre faveur, pour laquelle je vous demeure tres obligé; vous assurant, Monsieur, que si je puy quelque chose pour vous par deca, ou pour les vôtres, que vous me pouvez librement commander, comme celuy qui sera tousjours prest a vous obeyer & faire service. A *Sterlin*, ce douzieme de *Janvier*, 1573.

Ex autogr. in Bibl. Jurid.

Celuy qui est de tout vostre,

GEORGE BUCHANAN.

* E P I S T O L A. XI.

Viro clarissimo Georgio Buchanano Petrus Daniel S. P. D.

ROGAVERUNT me plerique viri docti, & tui studiosissimi, ut te ad Editionem Iambōn, Epigrammatōn & Lyricōn tuorum, quos jam fere per decennium expectamus, per literas adhortarer: facio hoc certe non invitus, & te per sacras Musarum τελευτας obsecro, ut rem adeo desideratam, pro communi omnium studiosorum utilitate amicis non deneges, & cum per otium licebit, sparsa, ut cœpisti, carmina tua recolligas. In eorum editione habebis diligentem typographum Mamertum Patissonum nostratem, Stephani viduæ maritum, & ad vota tua, supra quam dici possit, facilem & propensum. Desiderantur quoque tui Libri de Sphæra Mundi, & si qua alia novissime exarata habes, quæ si ad me miseris, eodem modo & promissi utriusque fidem exsolves, & ab interitu scripta tua vindicabis. Sic fiet, ut qui tua sibi tribuunt, erubescant; & rideantur qui tuo nomine *aliena* vel sua evulgant, ut nuper versus de Admiratio² *facili negotio* judicavimus. Bene vale, V. C. Salutant te omnes docti & pii, præcipue *Scaliger*, *Hatteus*, & *Christianus*. Cujacius est in urbe, & scholam juris civilis brevi aperturum rumor est.

In Psalterio si qua mutaveris, quæso mitte.

EPI-

Ex autograph. in Bibl. Jurid. e cujus margine cum voces nonnullæ, vel situ exesæ, vel casu avulsæ perierint, nos eas partim ex MS. Exemplari & Edit. Lond. partim ex nostra conjectura restituendas, & diverso charactere a reliquis distinguendas curavimus.

* Scripta videtur hæc Epistola exente anno 1575, aut incunte 1576, meminit enim Mamertum Patissonum Roberti Stephani ejus nominis primi Typographorum Principis viduam jam uxorem duxisse. Eas autem nuptias conscribit Mich. Mantuaire in annum 1575, Histor. Steph. pag. 520. Præterea scribit Pet. Daniel se Iambos, Epigrammata, &c. G. Buchanani jam fere per decennium expectare, ab anno, ut videtur, 1566, quo ea Buchanani ipse promiserat. Vide Epistolam III.

¹ Quos jam fere] Ita autograph. quamvis quæ potius videatur: non tamen omni prorsus exemplo caruit P. Daniel.

² Facili negotio judicavimus] Lond. factos judicavimus, errore, ut videtur, exscriptoris; in autogr. plane apparent hæc literæ faci. Quas deinde sequitur lacuna quanta voci negotio, aut simili cuiquam capiendæ suffecerit.

* EPISTOLA XII.

Christophoro Plantino *Typographo Regio, viro optimo, ac amico singulari*, Georgius Buchananus.

PETRUS Junius, clarissimi viri, mihiq̃ue dum vixit amicissimi, *Henrici Scrimgeri* ex sorore nepos, meusq̃ue in Rege nostro instituendo collega, ob perpetuam erga me observantiam est mihi longe carissimus. Is magno labore, nec minoribus sumtibus, avunculi bibliothecam ex ultimis ulque Allobrogibus ad nos transtulit, eamq̃ue non immerito magni facit. In ea sunt varii Græci scriptores, ex vetustissimorum exemplarium fide, vel integritati restituti, vel certe infinitis mendis, quibus scatebant, opera & industria *Scrimgeri* repurgati. In quibus est Strabo, Demosthenes, Athenæus, Eusebii historia Ecclesiastica, aliiq̃ue non pauci: ex Latinis, Cicero, sed Philosophica præsertim. Quos summi viri de literis optime meriti labores, quum ad reipublicæ literariæ utilitatem, tum ad defuncti famam orbi innotescere cupiat *Junius*, maximeq̃ue ea in re tua opera uti velit: tamen, quod tibi tam ignotus sit, quam mihi probe notus, rogavit me ut te de hoc suo instituto certiolem facerem, ut vicissim ex literis tuis quid tua sit sententia sciat. Si quos ergo ex prædictis præsertim auctoribus edere paras, *Junium* in consilium adhibeas censeo, quo emendatiores exeant; eiq̃ue eam gratiam habebis, quam ejus merita poscere videbuntur. Vale.

Ex MS. & Edit. Lond.

Tui amantissimus

GEORGIUS BUCHANANUS.

Catalogum librorum a te editorum una cum singulorum æstimatione ad me mittas velim, erit hoc mihi *Junioq̃ue* meo pergratum. Iterum vale.

* Hanc Epistolam scriptam fuisse ante 24 Maji anno 1576, apparet ex sequente quæ ei responsio est.

I Literis tuis quid tua sit sententia.] Ita MS. in Lond. deest tuis, & pro [tua sententia] tua sententia legitur.

EPISTOLA XIII.

Illustri viro D. Georgio Buchanano Christophorus Plantinus, S. P.

VARIIS & ingratis hoc tempore occupatissimus nobis incommodissimo, vix quicquam audeo Græce suscipere imprimendum. Spero tamen

I Variis & ingratis] Rebus aut negotiis intelligit, quod tamen hoc in loco potius expressum quam intellectum malim.

tamen aliquando me vires animo pares recuperaturum, si pax coalescat, quæ adeo est explosa, & in varias partes dissecta, ut nihil toto hoc decennio videamus, quam pro studiosis virtutum, armatos & sævientes passim milites. Latinorum vero clarissimorum Auctorum nihil recusabo, quod a tanti viri bibliotheca procedat: neque unquam ingrati animi mihi notam, favente Christo, patiar inuri. Doleo vero quod jam nihil habeam offerendum te dignum. *Hadrianus Junius* Magdeburgi non ita pridem obiit. Ejus Nomenclatorem auctum recudo. Catalogum librorum a me editorum mitto, una cum aliquot aliis libellis, quos ut boni consulas rogo, & me, quantum nobis licet, tuum esse tibi persuadeas. Vale, Antuerpiæ, raptim inter ipsos fluctus occupationum & tumultuum, 24 Maji 1576, tumultuarie scriptum.

Ex Edit. Lond.

I [Male adsecutus fuit Cl. Editor. Plantini manum, qui *Medioburgi* scripsit. licet *Arnemudæ*, prope *Medioburgum* in *Zelandia* obierit, sed *Medioburgi* sit sepultus, vide *Valer. Andr. Bibl. Belg.* pag. 13. & *Bayl. Dict. Hist. Critiq.* & plures alios.]

E P I S T O L A XIV.

Daniel Rogersius Georgio Buchanano S. P. D.

EXCIDIT mihi, clarissime Buchanane, biennium integrum, dum serenissimæ Reginæ mandata procuro. Superiori enim anno cum *Thomæ Wilsono* ad Proregem Belgicum Legato comes adderer, illo in patriam redeunte, ego ad Principem Aurasium ablegabar: apud quem cum per sex menses commoratus fuisset, indeque in Angliam redirem, mox ad eundem a Regina remissus fui. Literis enim non facile expresse- ro, quanto studio laboraverim, ut causa, quam Christianissimus Princeps constantissime tueretur, Reginæ etiam patrocinio confirmaretur. Sed nos ea malacia laboramus, ut Ulyssingensium insolentiam non facile hoc bello concoquamus, quantumque religio nos incitat ad suppetias Principi ferendas, tantum ab hoc proposito revocant Ulyssingensium facinora, quos dum in ordinem redigere cogitamus, metuo vehementer ne laboranti causæ obstemus. Dum enim gravissimæ factiones & seditiones inter partes Regias erumpunt, plurimum commodi ex his Princeps in præsentem perciperet, si Regina Ulyssingensium latrocinii excitata non offenderetur. Nam prævideo dissidentes partes facilius conventuras, spe ipsis oblata, offensione Reginæ citius Aurasium Principem superari posse. Cæterum honoratissimi Consilarii brevi spero hanc offensionem tollent, unde Principi nihil a Britannis damni expectandum sit. quæ hæcenus impedimento fuerit, ne plus favoris Regina Principi præstaret. Pluribus ad te e Mattiacis perscriptis, id unice miratus nihil te literarum re- scri-

scripsisse: crebro etenim ex Zelandia & Batavia literas ad te per populares tuos isthinc in patriam redeuntes dedi. Habes autem in illis regionibus plurimos, duos in primis tui nominis studiosissimos, *Janum Douzam*, & *Philippum Marnixium San-Allegondium*, ingenio, genio, & genere nobilissimos, quorum alterum, cum Lutetiæ commorareris, ad te deduxi, cujus ad te poemata, nuper illa edita, ex Auctoris sententia & voluntate transmittito: alterum nosti Parisiis, qui Principi mehercle optimo merito suo est gratissimus. Is, cum nuper a Principe redirem, literas his adjunctas ad te scripsit. Majorem in modum cupio ex te cognoscere, utrum priores meas ad te literas receperis, & num hæc ad tuas manus pervenerint. Aveo etiam scire quid parturias. Ante triennium (abs quo tempore nihil a te literarum accepi) spem injeceram librum illum tuum videndi, quem de origine gentium Britannicarum scripsisti: quod si ab solveris, ne quæso ejus desiderio nos ulterius fraudes. Dialogisum de Regno, ab hoc temporis statu non alienum, avidissime perlegi, ex quo & illud cognovi, quam studiose in Platone versatus esses. Eum ego Philologis Hollandis communicavi, ac typis edituri essent, si de tua voluntate essent certiores. Sphæricorum tuorum ut nobis copiam facias, etiam atque etiam peto. ¹ Ad summam rescribe qua valetudine fruaris. *Joannes Sturm* ut de tuis rebus ad illum perscriberem, nuper literis ad me datis majorem in modum rogat, cujus ad te, sed veteres illas, literas cum his mitto. Hæc raptim exaravi, cum mentio incidisset nautæ in Scotiam redituri, per quem hæc paucula ad te ut transmitterem, amor ille meus erga te, non invito extorsit. Bene vale, clarissime Buchananæ.

² Londino Trinobantum, 3 Cal. Sept. 1576.

Ex autograph. in Bibl. Jurid.

EPI.

Mirum est hujus Epistolæ Edit. Londinensem ab autographo tantopere discrepare; quod cuivis eam cum nostra conferenti observare licet: nos autem hic & alibi semper autographa nobis unice sequenda statuimus.

[¹ Ad summam rescribe] Ita autogr. non *summum*, ut in Lond. Longe enim differunt: *ad summum*, & *ad summam*: *ad summum* enim ad numerum, refertur: quoniam nullum superiorem vel ulteriorem intelligimus, ut Cic. Scies igitur fortasse cras, aut *ad summum* perendie: *Ad summam* autem orationis finiendæ formula est, idem fere valens quod *denique*, *postremo*, ut verbo dicam, ut verbo expediam, &c. ut Horat. lib. I Epist. 2.

Ad summam sapiens uno minor est Fove. -----

[² Londino Trinobantum.] Autogr. *Londinio Trenobantum*: non sumus nescii *Londinium* a Tacito, Ptolemæo, Antonino, *Lundinium* autem ab Ammiano Marcellino constanter appellari; diu tamen receptam scribendi formam potius servandam existimavimus.

E P I S T O L A XV.

Buchananus Tychoni Brahe.

JAM alter agitur annus, Tycho doctissime, ex quo *Gulielmus Lummisdale* cum isthinc domum rediret, librum tuum de nova stella mihi reddidit. Quod munus multis mihi nominibus fuit gratissimum, vel quod abs te esset, *i. e.* ab homine summa generis claritate illustri, ingenii eximia felicitate, & literis perinde expolito, qui illam Philoſophiæ partem, quæ est, ut cecinit vester Manilius,

*Regales animos primum dignata movere,
Proxima tangentes rerum fastigia cœlo,*

jacentem erexisti, & e vulgi sordidis manibus in suam sedem, *i. e.* Regiam reduxisti. Cumulabat etiam muneris maximi gratiam tua humanitas, qui tam excelſo & dignitatis & doctrinæ culmine, nos humiles, & penitus penitusque jacentes, ¹ non solum favens despicias, sed prope manu attollis, & hortaris exemplo, ut nos audeamus *Nube vehi, validisque bumeris insistere Atlantis*: illamque, etsi falsam, plurimis tamen pro vero vulgatam opinionem, tuis monumentis, labore & industria refutas, ingenia scil. hominum sub hac languente & frigida cœli plaga, inertiae esse a natura damnata. Igitur cum omnes populi ad septentriones publice, & nos privatim tibi plurimum debeamus, non existimabis arrogantius a me tactum, quod ad hunc usque diem non rescripserim; ³ procul enim quod abest a meæ vitæ instituto & moribus, qui me non ignorant omnes norunt. Neque etiam eos clam est, quam proximo biennio morbis gravissimis assidue sim ⁴ conflictatus, nullam pene horam ad scribendum vacuum habuerim; adeo ut cum alia multa leviora sim coactus intermittere, tum quinque libros de Sphæra jam dimidiatos omittere, ac spem scribendi carminis in posterum penitus abjicere. Quamobrem tibi gratulor istam claritatem a majoribus, ingenii facultatem a natura tributam, eruditionem

¹ *Quæ est, ut cecinit*] Ita MS. exemplar, in Lond. deest est.

² *Non solum favens despicias*] Ita Lond. & MS. quibusdam tamen magis forte arderet *respicias*: sed nihil mutandum, quamvis enim sæpius vox *despicio* pro *sperno* vel *contemno* accipiat, nativa tamen ejus significatio est *res infra se positas spectare*; quemadmodum Ovid lib. 3. Met.

Manychoſque volans agros gratamque Minervæ

Despiciebat humum cultique arbuſta Lycæi.

Et eo hic sensu a Buchanano usurpatum monstrant quæ superius dixerat, *tam excelſo & dignitatis & doctrinæ culmine.*

³ *Procul enim quod*] Frigide hæc, nec pro Buchanani more, cum prioribus cohererent: forte legendum, *procul enim id abesse a* -- vel, *quam enim procul id abſit.*

⁴ *Conflictatus, nullam pene*] Forte legendum, *ut nullam.*

nem adhuc ætate integra studio & labore comparatam: Nos in hac ætatis effcæta ignavia currenti libenter applaudemus; & si quid officii præterea exigia nobis poterit, tibi quoad potero gratificabor. Hunc *Gulielmum Lumisdale*, qui has tibi tradet, rogamus ut de statu rerum tuarum diligenter me certiores faceret, quem etiam tibi commendamus, ut pro humanitate tua, studio & favore juves, ut pecuniolam quæ illuc ei debetur, si fieri potest, recuperet. Vale. Sterlini, postridie Nonas Sept. 1576.

Ex MS. & Edit. Lond.

* E P I S T O L A XVI.

Georgius Buchananus *Anonymo*.

ACCEPI superioribus diebus literas tuas, multis nominibus mihi gratissimas; & quod abs te essent, & quod tales, ut quæ specimen quoddam ingenii tui non vulgare exhibeant, & spem prope certam promittant fore, ut in tempore maturos ex eodem ingenii feracissimo fundo patria suavissimos fructus brevi carpat. Accedit ad hæc, quod hoc velut pignore te obligatum tenere videamur: neque enim nisi tua desidia fieri potest, ut iis fundamentis quæ jacta sunt, reliqua ædificatio non respondeat: neque tu, pro reliquis tuis virtutibus, & corporis fortunæque dotibus, commissurus es, ut cum cætera tibi natura suppeditaverit, tu unus tibi defuisse videaris. Quare velim ut tecum diligenter cogites, non modo quid patriæ, amicis & propinquis debeas; sed interim etiam succurrat, nos quoque, qui tali pignore te obstrictum tenemus, assiduos flagitatores fore, ut qui non ignoremus optima nomina plerumque non appellando mala fieri. Quod si nostram spem fefelleris, ego, etsi cum multis, tamen tanto præ cæteris vehementius dolebo, quanto pluribus nominibus me tibi debere sentio. Sin, quod omnes cupimus, quod te dignum est feceris, rem mihi cum multis communiter gratam facies, & te genereque vestro dignam; & vetera familiæ vestræ decora renovabis, cujus gloriæ tibi ut infervias necesse est. Illud præterea velim cogites,

* Nobili cuidam adolescenti Scoto scripta videtur hæc Epistola: at quo anno hæc ita facilis est conjectura. Nos (salvo aliorum iudicio) eam ad annum 1577 referimus, adducti præcipue postremis ipsius Epistolæ verbis, quibus eum ad literarum studium Regis exemplo accendit; quem licet ætate inferiorem, in salutatoribus tamen excipiendis occupatum describit. Id vero nulli commodius anno congruere videtur quam 1577. Octavo enim Cal. Maji ejus anni, Jacobus VI. Scotorum Rex annum agebat ætatis 11. Si quis tamen anno uno aut altero citius seriusque hanc Epistolam voluerit, et item non movebimus, quippe quibus non tam tempus quo ea scripta est definire (quæ res nullius fere est momenti) quam nos in Epistolis hisce digerendis temporis, quantum licuit, rationem habuisse, lectori ostendere est propositum.

[Corporis fortunæque] Lond. & corporis & fortunæ, ænigmæque dotibus: in autographo quidem vestigia quædam hujus vocabuli animi apparent, sed ab Auctore deleti, quippe qui prius dixerat, reliquis virtutibus tuis.

res, qualem in eodem gloriæ campo competitorē habeas, REGEM dico, cui ut cætera ingenii adminicula sint paria, certe & ætate est inferior, & in hac ætatis infirmitate vel in solis saluatoribus excipiendis tanto est occupatior quam tu, qui in isto Musarum secessu, liberum omnibus curis animum ad literas, & tu per te debes, & aliorum exemplo prope cogeri applicare. Plura non addam, ne ingenio tuo diffidere videar. Vale. Sterlini ad 8 Cal. Maji.

Ex autographo in Bibl. Jurid.

E P I S T O L A XVII.

Philippus Mornæus D. Georgio Buchanano, viro clarissimo, salutem.

QUÆ te omnibus notum, piis vero clarissimum, fecit eximia virtus tua, vir clarissime, eadem Regi Navarræ patrono meo in primis commendavit. Dederat is mihi literas ad te, ut quem tua educatione omnium amore dignissimum facis, tua etiam cohortatione amicissimum ipsi efficeres. Verum ego in piratas incidi, & jacturam feci: itaque damni mei particeps eris. Interest nihilominus reipublicæ Christianæ, ut ista amicitia fanciatur: uterque Christo deditus, Pontificiis infestus, ad magnas res genitus est: quos Deus, virtus, hostes ipsi conjungunt, quorum eadem studia, eadem odia sunt, eos conjunctissimos faciamus necesse est. Vides ut omnia ferme Christiani orbis regna in exitium prona sunt, impietas & tyrannis funditus corruant oportet. Hi Principes, si pii, si justi fuerint, ex cæterorum fere ruderibus & ruinis parietes suos ad fastigium usque extruunt. Educabis nobis, ni fallor, alterum ex ultima Britannia Constantinum: Tædet orbem superstitionis, pertædet tyrannidis: unum aliquem spectant omnes, qui signum det. Quæ tunc temporis liberatorem orbi peperit regio, producat etiam hoc tempore contentaneum est: Ἀλεξάνδρῳ ad tot monstra evincenda nobis plane opus est. Hunc vero præmanibus habes, qui exuvias leonis vel ex ipso matris utero attulisse dicitur: faxit Deus Opt. Max. ut ista pueritiæ undiquaque respondeat. Ad res nostras quod attinet, Tragœdia nostra ad septimum jam actum pervenit, ut brevi ad Catastrophen vergat necesse sit, ni forte magis quam arte regamur: verum exspectandus omnino Θεὸς ἀπὸ μηχανῆς. Quod unum te Regis patroni mei & omnium Ecclesiarum nostrarum nomine rogo, si qua in re laborantes juvare potes, fac quæ & tuam pietatem & auctoritatem

I Ad septimum jam actum] Ita Lond. editio, quam nos hic sequi alia ope destituti necesse habuimus: mendum tamen subesse videtur, ac pro septimum, quintum reponendum, quum una ex præcipuis Tragœdiæ legibus sit, ut non plures quam quinque habeat actus, juxta illud Horatii in Arte,

Nec minor, neu sit quinto productior actu Fabula; — —

nisi forte Mornæus sub hoc numero septenario aliquid arcani latere voluerit.

tem deceant. Scis nos omnes in iisdem ædibus esse. iisdem parietibus includi. Itaque etsi admoventur ad nostrum parietem machinæ, non minus interea periclitamini quam nos, cum universos eadem ruina oppressura sit. Falluntur enim omnino qui cum Pontificiis fœdus colere volunt, quod sane Ulyssis cum Polyphemo pacti non dissimile videtur, saltem ut ultimus devoraretur. Etenim & nostro primum & suo demum periculo percellentur. Deus suam Ecclesiam, & pios omnes, & te in primis, suæ Ecclesiæ & Reipublicæ Christianæ diutissime conservet, vir clarissime.

Datum Londini, 1577, primo Junii.

Ex Edit. Lond.

E P I S T O L A XVIII.

*Præstantissimo viro, D. Georgio Buchanano, serenissimi Scotorum Regis
Præceptori fidelissimo, Domino suo plurimum observando, S.*

CUM anno superiori meæ in D. Pauli ad Galatas Epistolam homiliæ, serenissimo Scotorum Regi dedicatæ, in publicum prodirent, pridie Cal. Sept. ad te, vir præstantissime, & Domine mihi plurimum observande, literas dedi, & duo mihi ejus libri exempla, quorum unum ut Regiæ Majestati meo nomine offerres, alterum in mei amoris atque observantiæ testimonium tibi retineres, rogabam. Ab eo autem tempore, nihil vel ex Anglia vel Scotia vestra literarum accepi, quibus docerer, quid de libris illis sit factum. Affirmavit quidem nostro typographo Londinensis mercator, cui ille fasciculum curandum dederat, hunc certo & tuto illuc & transmissum fuisse: at mihi ejus fidem suspectam facit, partim tam diuturnum silentium, partim illius avaritia, quæ mihi pluribus aliis argumentis perspecta est, & quæ hominem in iis curandis negligentem facit, quæ nullo cum lucro conjuncta esse videt. Et auxit mihi suspicionem hanc generosus juvenis D. *Georgius Keith*, Comitum Marecalli Scotiæ filius, qui & ipse tale quid factum existimat, cum te sciat in amicitiiis bonorum amplectendis facilem, & cum priinis officiosum esse. Itaque cum Augusto mense de indigna fratris sui *Gulielmi* cæde ad me literas daret, & meum in ejus memoria ac morte celebranda officium requireret, atque intuper operam suam in meis curandis pro sua humanitate mihi offerret, ego occasionem tam optatam minime negligendam putavi, & fratris Manibus officium præstiti, quale potui inter occupationes & curas graves, quæ me a Poëtices studio, quo olim delectabar, avocant: & simul has literas ad illum Lausannam perferendas dedi, ut inde eas cum suis ad te mittat. Quas ut ea fronte accipias oro, mi doctissime Buchanane, qua hominis tui nominis studiosissimi officia accipere soles: & me quaeso hac cura libera, ut num mei Galatæ ad tuas manus pervenerint, &

ut a Regia Majestate excepti sint intelligam. Hoc tibi sancte affirmo, me non aliud meis lucubrationibus quærere, quam ut Ecclesiis prosum: quod si assequor aliqua ex parte, me nullius laboris aut molestiæ piget. Vale, vir præstantissime, & mihi cum reverentia observande. Tiguri, in die Solstitii brumalis. Anno nati Christi 1577.

Ex autographo in Bibl. Jurid.

*Tue præstantie
observantissimus,*

RODOLPHUS GUALTHERUS.

E P I S T O L A XIX.

A Monsieur,

Monsieur Buchanan, Præcepteur du Serenissime Roy d'Escoce.

MONSIEUR, Il y a long temps que je vous honnore, comme font tous ceux, qui aiment les Lettres, & si n'ay encore eu ce bien de vous cognoître, que par voz doctes escrits. Cette année passée pour addoucir la douleur de nos miseres, & meismes apres ceste remarquable calamité de la *S. Barthelemy*, je me mis, en suyvant voz traces, a faire parler Grec *David*: combien que je recognoisse que la premier coup d'Essay ne me donne ouverture pour passer plus outre, comme de faict je n'en ay point affecté de louange, me contentant du bien que j'avois senty de ce remede parmy mes ennuis. C'estoit toutesfois une entrée pour avoir plus privée adresse a vous, comme aussy je vous escrivas des lors, sans que j'aie aucune responce: maintenant ceste occasion se presentant, que par l'advie de mes amis, je dedié a la Maïeste du vostre Roy vne partie de mon labeur, je vous ay bien voulu faire la présente, pour vous prier aimer celui qui vous aime & honnore, & me faire cest honneur de presenter ces livres a sa dicté Maïeste, avec telle recommandation que vostre erudition & bonté estimera estre convenable: vous obligerez vn homme qui n'oubliera ce bien, mais qui priera Dieu pour vostre prosperite. J'aurois beaucoup de choses a discourir avec vous, mais attendant quelque responce de vous qui m'appriivoise en vostre endroiect, je prieray Dieu qu'il benie vostre heureuse vieillesse, & vous faire veoir en vostre trefnoble nourisson l'accomplissement de voz bons desirs. Me recommandant bienhumblement, Monsieur, a vostre bonne grace, vous suppliant me tenir en celle du Roy. De Losane, ce 29 de Feb. 1578.

Vostre bienhumble Amy & Serviteur,

DE SERRES.

Je vous envoie vn exemplaire du Platon, pour tesmoignage, s'il vous plaict, de l'amour & l'honneur que je vous porte.

Ex autograph. in Bibl. Jurid.

* EPI.

* EPISTOLA XX.

Buchananus Rodolpho Gualthero *Ecclesiæ Tigurinæ Ministro, S.*

TUÆ literæ, vir præstantissime, Tiguri scriptæ pridie Cal. Sept. octavo demum post mense, hoc est, ad Calendas Majas, sunt huc perlatae. Ac a Rege quidem tuum munus ut erat amplum & honorificum, ita libenter & benevole est acceptum. Spes vero de eo tuæ, & aliorum qui isthuc sunt bonorum, non modo ipsi, sed nobis quoque qui ei instituendo sumus præfecti, longe gratissimæ acciderunt. Nam si indoles, quæ in eo nunc jucunde efflorescit, cum tempore maturuerit, & expectatione nostra dignos fructus ediderit, erit profecto quod & ille & nos plurimum vobis debeamus: ille, quod ingenium ejus adhuc infirmum laudibus vestris sustentetis, & adhortationibus labores pueris submolestos, velut ostentatis victoriæ præmiis allevetis: nobis, quod oneris impositi tales viri in partem ultro subeatis, non potest non esse jucundissimum; nisi nos ingratißimi esse velimus. Neque enim sola vox Præceptoris studia discen- tium promovet, sed quæcunque etiam animum jacentem exsuscitant, & laborum tædia minuunt, & virtutis veræ speciem ob oculos proponunt, etiam præceptorum vice funguntur. Accedit, quod hæc. quæ dixi, mollius ad aures quam præcepta accidant: ut quæ non velut pro imperio jubeant, sed gloriæ & honoris blandissimis invitamentis illiciant. Habent etiam illa vestra munera, quæ ex locis magno intervallo diffitis adveniunt, longinquitatis gratiam, & adulandi suspicione carent. At domesticorum plerumque officia non ex horreo liberalitatis depromi. sed tanquam æs alienum solvi accipientes existimant. Sed hætenus de Rege. Poëmata mea quod probas, est mihi pergratum: nam sive in eo erras, non judicii infirmitate falleris, sed benevolentia abductus minus errata perspicis: sive jure id facis, ego quoque jure gaudeo (ut apud Nævium Hector) ¹ *a laudato viro laudari*. Sed ne id mihi solidum & sincerum sit gaudium, multa impediunt. Ætatis enim nostræ ea est ignavia, ut nemo libenter magnum in eo studio collocet laborem, unde aut minimum aut nullum speret operæ pretium. Nec desunt, qui ² non [modo] illam clari Poëtæ clarissimam sententiam, qua virtutem ipsam summum sui præmium esse contendit, contemnant, sed & totum hoc scribendi ge-
nus,

* Conferendo hanc Epistolam cum XVIII. & XXIX. veri admodum simile videtur eam anno 1578, & post Kalendas Majas fuisse scriptam.

¹ *A laudato viro laudari*] Hoc ex Cicer. Tusc. Quæst. lib. 4. cap. 21.

——— *Læus sum*

Laudari me abs te, pater, laudato viro.

² *Non modo illam*] Hanc vocem [modo,] quæ non tantum Edit. Lond sed & ipsi autogr. abest, supplevimus, utpote sine qua sensus tibi nullo modo constare queat.

nus, ut inutile, & ad unam aurium voluptatem comparatum abjiciant. Me vero, hominem mediocri ingenio præditum, *Vervecum in patria, crassoque sub aëre natum*, & in re tenui educatum, quæ poterunt ullæ fatis.

Ex autographo in Bibl. Jurid.

E P I S T O L A. XXI.

Christophoro Plantino Georgius Buchananus.

CUM hic adolescens in ipso discessus articulo mihi indicasset, se ad vos profecturum, ctsi angustia temporis circumclusus essem, nolui tamen sine literis meis dimittere. Ex postrema Pflaterii editione, intellexi te meas literas accepisse. Reliqua opera, quæ una acceperas, quando isthic non licet quod volebam, velim ad me remittas. Neque hoc scribo, quod de fide ac diligentia tua quicquam dubitem, sed quod unicum mihi istud erat exemplar, quod nisi remittas, omnia mihi erunt magno cum labore ex adversariis colligenda. Habeo & alia, quæ si res paulo quietiores fuerint, ad te mittam. Est hic apud nos adolescens probus & doctus *Petrus Junius, Henrici Scrimgeri* hominis longe doctissimi propinquus, qui recollegit multas cum magno labore, nec sine sumtu, animadversiones in plurimos Græcos & Latinos Auctores, quas non illibenter ad te mitteret, si tibi commodum esset eos Auctores edere, sed ita ut ratio nonnulla impensarum habeatur. Præterea complures homines docti a me petierunt, ut a te impetrarem, si quem habeas, librorum a te exaratorum catalogum, eum huc mitteres, ut qui cuique usui esset liber, eum per mercatores huc ferendum curares. Vale, Sterlini, 18 die Nov. 1578. EPI

Ex MS. & Edit. Lond.

[18 die Novembris 1578.] Ita exhibet Editio Lond. at MS. in Bibl. Juridica habet 1573. & forte rectius. Nam, ut omittam toties & tam graviter alibi lapsam esse Editionem Lond. ut omnem fere fidem sibi ipsa abrogaverit. verisimile mihi videtur hanc Epistolam ante XII. ad Plantinum super eodem argumento Anno 1576 datam, fuisse conscripam. Cum enim Hen. Scrimgerus diem suum obierit Novembri mense anni 1572, (non 1571, quod Thuanus prodidit; Vid. Epist. VII. VIII. & IX.) non videntur aut Petrus Junius aut Georgius Buchananus commissuri, ut doctissimæ in optimos Græcos Latinosque auctores Scrimgeri animadversiones tam diu laterent. Præterea in hac Epistola Petrum Junium *adulescentem* vocat, qui natus anno 1544 (testante Tho. Smitho in vita ejus,) anno 1578 agebat ætatis annum 34. *Adolescentes* autem veteribus non ultra 30. annum vocari solitos auctor est Censorinus de Die natali cap. 14. Non ignoro a Manutio observatum hanc eos normam interdum non servasse: ille enim ad lib. 2. Ep. 1. Cicer. ad Fam. Alexandrum M. à Livio lib. 9, ætatis anno 33; Crassum a Cicer. lib. 2. de Orat. anno 34; Cæsarem a Salust. in Conj. Catil. anno 36; Brutum denique a Cornelio Nep. in vita Attici anno 40, *adulescentes* appellatos animadvertit. Ægre tamen crediderim Buchananum in familiari Epistola communem loquendi consuetudinem voluisse deferere, præsertim cum biennio fere ante, 4 scil. Februarii 1577. uxorem Petrus Junius duxisset, Vide *Ephemeridem* ipsius vitæ subjunctam, p. 23.

E P I S T O L A XXII.

Sir Thomas Randolphe to Buchanan.

I am not (my good Maister) a litle beholdinge unto yow, for your late remembraunce both of me and my Sonne, by your prettie and fyne Devyse to make him reade before he knowe or handle his Booke. Howe he will prove learnid heirafter, I knowe not, but farre unlyke to resemble him from whome he taketh the Patterne that, longe before my Boyes Yeares, farre passid many in Learninge and Judgement, wherof such encrease ensueth, as in this Age is wonderfull, and amongst Princes most rare. I looke not for the lyke in myne, but shal thinke my selfe happie yf he resemble yours in on Poynt of a Number, that in him more brightly shyne then *Julium sidus * lunas inter minores*. That your worthie and noble Kinge in so short Tyme is become so skillfull, not a litle is to be attributid to the great Diligence and Care of his Maisters, who besydes the Giftes of Nature, haue addid as muche as by Art could be devised. In this, my good Maister, consistith your Prayse, and in this shal your Fame remayne immortall, though many other thinges in this World haue made yow famous for euer. I leave to speake of many thinges donne in your Lyfe, great Prayse worthie, but howe well I lyke of the last litle Treatise, *De Jure Regni*, that lately came into the World, I cannot say as I thinke. This puttith me in Mynd of many thinges more great Prayse worthie donne by yow, especially the *Historie of our whole Isle*, wherin I may iustly complayne of you, my good Maister, that I shall not have so much as a sight therof, before myne Eyes be cleane shutt vp, that nowe are become for Age very dymme. What makith yow to doubt to let it come forth, a Spectacle unto the World, no lesse famous then *Apelles* Table was, and as voyde of Comptrollement as his Worke was, howe curiouse soeuer the Souter would seme to be? I pray yow deferre no more Tyme; at the least let us knowe what yow mynd to doe with it, and employ my Labor, and charge me so farre as yow please, that shortly we may enioy our longe desyrid Hope in a Matter

ter

* *Ignes scriptum oportuit.*

[How curiouse soeuer the Souter] In Editione Lond. scriptum est *Doubter*, aut nullo aut inepto fere sensu: in autographo autem *Souter*, prima quidem litera macula nonnihil obducta. Rem extra controversiam ponit Plin. lib. 35. cap. 10. *Idem* [Apelles] *perfecta opera proponebat pergula transeuntibus, atque post ipsam tabulam latens vitia quæ notarentur auscultabat, vulgum diligentiores iudicem, quam se præferens. Feruntque a Sutore reprehensum, quod in crepidis intra minus pauciores fecisset ansas: eodem postero die superbo emendatione pristinae emendationis cavillante circa tris, indignatum prostrxisse, denunciantem, ne supra crepidam iudicaret, quod & ipsum in proverbium venit.* Vide etiam Val. Maximum lib. 8. cap. 12.

Tom. II.

B b b b b

ter of so great Weight. Wherin yow will I am euer at your Command. And so, my good Maister; I hartely take my Leave. At *London*, the 15th of *March* 1579.

Your verie lovinge and. assured Frende at Commande,

I sende unto you two lyttle Books for two
that I suppose came to me from you.

Yours *De Regno* is greatlye desyered amonge vs.

THO. RANDOLPHE.

[Ex autogr. in Bibl. Jurid.

E P I S T O L A XXIII.

To the right Worshipfull, my very lovinge Freind, Maister Peter Yonge, Scholemaister unto the Kinges Majestie of Scotlande.

AFTER my verie hartie Commendacions. Beinge lately moud with the remembrance of my Maister, Mr. *G. Buchanan*, by the Sight of a Booke of his, *De Jure Regni apud Scotos*, and callinge to Mynde the notable Actes of his Lyfe, his Studie, his Travayle, his Danger, his Wisdome, his Learninge, and to be short, as muche as could be wished in a Man; I thought the Kinge your Maister more happie that had *Buchanan* to his Maister, then *Alexander the Great*, that had *Aristotell* his Instructor. I thought you very lukye that had his daily Company, ioynid in Office of lyke Seruice, and thanckid God not a litle for my self, that euer I was acquaintid with him. For one that hath so great Acquaintance as he hath with many learnid, and Compaignons of his Lyfe, and that hath so wel deseruid of the Worlde, I maruaille that no Man hath written of it: beinge a thinge so common unto all famous Personnes, and most peculiar to the best learnid. Heerin I might chieflye blame you, my good Freind Maister *Yonge*, so neere unto him, so deere unto him, that nothinge can be hid of that which you desyre to knowe. If you say that Tyme yeat seruith, and that he yeat liueth whose Life I wishe to be sett forth, surelie yeat I say unto you, that yf it be donne after his Deathe, many Thinges may be omittid that were worthie of famous Memorie, by him to be better knownen then after his Deathe. The cause of the wrytinge against the *Grey Friars* is knownen to many, but afterwarde howe they preuailid against him, that he was fayne to leaue his Contrey, howe he escapid with great hazard of Lyfe at Godes Hand, the Thieues on the Borders, the Plague in the North of *England*, what Reliefe he found heere at a famous Knightes Handes, Sir *Jon Rainsforde*, the onlie Man that maintaynid him against
the

the Furie of the Papistes; none doth knowe so well as him self, or can giue better Notes of his Life then him self can. As he liuith vertuouſlie, so I doubt not but he will dye Christianly, and may be addid, when the former is perfectlie knowen. This is desirid by many, specially lookid for at your Handes, that can best doe, and are fittest to trauayle in so worthie a Workc. As I craue this at your Handes, so shall you command what is in my Power. And thus wishinge unto yow, my good Freind, hartely well, I take my leaue. *London, the 15th of Marche, 1579.*

Ex autograph. in Bibl. Jurid.

Your verie lovinge Frende,

THO. RANDOLPHE.

And may be added] Lond. which may, nobis autem quidquam in autographo, nisi urgente necessitate, mutare religio fuit.

* E P I S T O L A XXIV.

Buchananus Rodolpho Gualthero.

TUAS priores literas una cum libris accepi, non paucis postquam a te missæ fuerant mensibus. Librum, ut voluisti, dedi Regi, quem ille quo debuit, hoc est, propensissimo in te animo accepit. Rescripsi etiam pro tempore, quæ visa sunt: illud videl. in primis, cum cives omnes mei tibi plurimum debeant, me non solum tibi obæratum, sed prope nexum esse volueris, ut qui in partem oneris gravissimi succedas, & nostrum laborem partim levas, partim animum adhuc rudem velut subigis, & ad semen doctrinæ accipiendum, frugemque bonam proferendum parās: & cum utriusque nostrum labor ad ingenii spectet cultum, nostræ par-

* In Editione Londinensi hæc Epistola Buchanani Beza inscribitur, manifesto errore. Ex Epistola enim XVIII. (quæ est Rodolphi Gualtheri ad Buchananum) cum argumento & verbis, tum loco & tempore quo scripta est, plane constat hanc ad illam responsoriam esse. Ne quis autem dubitandi locus relinquatur, hanc rem ulterius confirmat Epistola XX. præcipue vero XXIX. qua Rodolphum Gualtherum huic Buchanani respondere vel primo intuitu legenti obvium est. Nostro quidem Exemplari ipsius Buchanani manu, ut videtur, scripto, neque Epistola inscriptio, neque loci & temporis designatio adduntur. Editioni Londinensi in calce subiungitur 9 Cal. Aug. anno Christi natî 1579, & ita a Buchanano scriptum fuisse, Rod. Gualtheri [Epist. XXIX] responsio ostendit: quod tamen cum Epistola ipsius verbis aperte pugnat, quibus Gualtheri literas ad se demum perlatas fuisse Idibus Augusti (ita enim legitur in autograph. quanquam vox [Id] Edit. Lond. exciderit.) i. e. 20 diebus post 9 Cal. Aug. Quare vel priore vel posteriore loco Buchananum lapsum esse necesse est: ego potius posteriore, ac pro [Aug.] [Septemb.] scribendum existinem, errore forte inde nato, quod Calendæ a mense sequenti apud Romanos appellari consueverint, quod Buchanani animum aliis rebus occupatum hic non audiuisse est verisimile.

B b b b b 2

partes agriculturalum industriæ, tuæ vero cœlesti illi vi, quæ labores omnes prosperat, & salubri temperie dat segeti incrementum, posse comparari videntur. Posteriores vero literæ tuæ Tiguri bruma datæ, anno 1577, ad nos demum perlatae fuerunt ad Id. Aug. anni 1579. Ego jam quadragesimum, & eo etiam amplius diem, ob adversam valetudinem ab aula absum, sed cum primum eo rediero, dabo operam, ut Rex ipse tantulum suis occupationibus suffuretur, ut ipse sui animi ad te testimonium sua manu det. Sin minus id ipse præstare potero; curabo ut per Collegam meum, virum pium & eruditum, *Petrum Junium* (qui molles aditus & tempora observabit) id conficiatur. Interim ad te mitto Commentariolum nostrum *de Regno*, scriptum quidem temporibus turbulentis; sed nunc demum emissum, spacio modico interjecto, mitesciente tumultu, & auribus hominum ejuscemodi sermonibus assuefactis. Potest fortasse noster labor supervacaneus videri, tot præsertim hominum doctissimorum jampridem ea de re lucubrationibus evulgatis. Sed cum illi sparsa quædam, sed præclara in hoc genere præcepta collegissent, mihi sum visus operam omnino non lufurus, si in methodum ea redigerem, & non temere, sed via & ratione de re tota disquirerem. In hoc genere si quod operæ pretium viri probi & docti me fecisse existiment, multitudinis approbationem nihil moror.

Ex autogr. in Bibl. Jurid.

[*Tiguri bruma datæ*] *Solstitii hiemalis diem* intelligit, Vid. Epist. XVIII. in fine: ea enim est genuina ejus vocabuli significatio; a *brevima* enim, i. e. *brevissima*, secundum Varronem lib. 5. de LL. deducitur. Sic Plin. lib. 8. Nat. Hist. cap. 51. *Diebus decem circa brumam statim dentatos nasci Nigidius tradit.*

E P I S T O L A XXV.

*Clarissimo ac ornatissimo viro D. Georgio Buchanano; illustrissimi Regis
Scotorum Præceptori, amico uni atque unico.* Sterlingum.

Daniel Rogerius Georgio Buchanano S. P. D.

ETSI sub finem superioris Junii pluribus ad te scripsi, ac tuas potius literas expectarem, quam novas ad te dandas existimarem, tamen oblata occasione scribendi commodissima, nolui committere quin hæc paucula ad te exararem, iteratoque scribendi officio, te ad respondendum provocarem. Quid enim possit mihi esse jucundius, cum ob distantiam locorum, quibus sejungimur, mutuis colloquiis coire nequeamus, quam sæpenumero per literas tecum confabulari, non Scotiæ tantum, verum Britannici universæ ornameto? Huc accedit, quod quo citius, & tibi, & amicis, ob extremam senectam, ad quam tua ætas pervenit, ex hac vita migraturus videris, eo majori studio laborem, ut frequentius te salutem, cupiamque tanto vehementius de tuis rebus vicissim certior fieri.

Fuit

Fuit autem longe mihi jucundissimum ex *Jacobo Moravio*, Regis vestri ad Reginam nostram Legato, intelligere, te quamvis corpore minus commode valeres, animo tamen esse constanti, ac ingenio maxime vegeto. Quidam etiam ipsius comites affirmare non sunt veriti, te gentis tuæ *Historiam* pertexuisse, ac *Dialogum* quidem *De Jure Regni* (de quo nuper per *Herculem Rollocium* ad te scripsi) edidisse. Quod si ita est, spero te librum impressum nobis non negaturum, quem, cum publici juris non esset, calamo exaratum, nobiscum tibi¹ communem esse volueris. Ardeo sane cupiditate eum videndi, ut si in eo aliquid immutaveris, typographi, quorum in posterioribus meis ad te literis memini, vestris illum potius typis evulgatum, suis imitentur, quam de manuscripto codice exprimant. *Historiam* vero tanto magis desidero, quod *Joannes Lesleus*, *Rossensis* Episcopus (ut ipse de se prædicat) hoc anno gentis *Scoticæ* *Historiam* Romæ edi curaverit, ut mirifice cupiam cum illius lectione tuam conjungere ac conferre. Rescribes igitur, ut quid de hac tua *Historia* sperare debeam, apud me statuam. Quod ad illa vero attinet, quæ postremo de statu regni nostri ad te perscripsi, non possum decernere, quem finem sint habitura. *Alenconii* Legatus etiamnum apud nos consistit, ac quanquam aula hic commoretur, ille vero Londini habitet, nullus tamen dies elabitur, quo non ad Reginam ex urbe excurrat. Ipse vero Dux his diebus *Luteria* Reginam certiores fecit, se incredibili desiderio ipsam videndi teneri, exspectare autem matris suæ reditum; illa *Lutetiam* reversa, statim in *Angliam* advolaturum. Diu illa in *Languedocensi* ac *Delphinatum* provincia hæsit: hoc mense *Montalbani* exspectatur, ubi comitia vicinorum populorum indicta sunt; ad quæ *Rex Navarræus*, qui egregia virtutum documenta quotidie edit, venturus dicitur, cui miris technis callidissima Princeps imponere conata dudum est, hætenus autem nihil eorum quæ tentavit obtinere evaluit. Interea Ordines *Belgici*, *Trajecto* amisso, ad angustias redacti, Ducis *Alenconii* auxilia invocant, quæ ipse promptissime laborantibus offert, ut in *Belgium* prius quam in *Angliam* descensurum credam. Nec nobis magnopere improbatur, ut afflictis *Belgis* Dux opem ferat. Nam & illis prospectum cupimus, & *Hispano* novum ac potentem hostem creati *Reipublicæ* interesse existimamus. Quin ipsi, qui apud nos has nuptias conciliare student, affirmant, nisi cum Regina *Alenconius* matrimonium contrahat, futurum, ut *Hispani* filiam ducat uxorem: hoc facto, *Gallicas vires*² *Hispanicis* conjunctum iri, quibus *Belgium* pessundari necesse sit. Tum nos impares futuros colligunt, qui *Gallicis*, *Hispanicis* ac *Belgicis* armis resistamus. Gnaviter igitur enitendum, ut nuptiis cum *Alenconio* initis, *Belgio* primum in libertatem asserendo, nobis deinde muniendis invigilemus: qualia (mi Bu-

cha-

¹ Communem esse volueris] Autogr. voluisse, Lond. voluisti.

² Hispanicis conjunctum iri] Ita omnino legendum, quamvis autogr. & Lond. conjunctas habent.

chanane) ego acuta potius esse existimo, quam solida, aut rata futura. Non enim sequitur, si Reginam *Alenconius* non obtineat, illum Hispaniam ducturum. Nam, ut arctam inter hos affinitatem silentio transeam, quomodo hanc cum Hispano *Alenconius* necessitudinem contrahat, qui sibi persuasum habeat, forori ab ipso mortem fuisse acceleratam? Deinde, cum a partibus Ordinum superiori anno contra *Joannem Austriacum* steterit, unde hæc benevolentia inter hos sincere conflabitur? Postremo; ut hi duo arctissimis fœderibus inter se ad Belgium evertendum concurrant, exiguis subsidiis Hollandiam & Zelandiam munire possumus, quæ duæ provinciæ nostris littoribus commodissime respondent, ac non tantum claves reliquarum Belgii provinciarum sunt, sed frena etiam; ut non necesse sit everisionem regni nostri horum fœdera (si coalcant) sequi. Qui vero ex Belgio ad nos de præsentis Ordinum statu perscribunt, plane affirmant, in Belgium *Alenconium* cum milite festinare. Hoc etiam in causa est, ut Cæsaris ac Imperii Legati, qui Colonia Agrippinæ ad pacem in Belgio stabiliendam convenerunt, majori quam ante studio, de concordia ineunda tractent. Pacificationem Gandavensem obtrudunt, ac inculcant: permittunt etiam, ut Hollandia & Zelandia solius reformatæ religionis usum obtineant: Antverpiæ insuper, Gandavo, Amsterodamo ac Ultrajecto liberam ejusdem religionis professionem concedunt. Principem vero *Aurasiûm*, ut Belgio excedat, obtestantur, seque effecturos pollicentur, ut *Comes Buranus* ipsius filius, qui jam XI annos in Hispania fuit detentus, Hollandiæ præficiatur. Ego tamen de hujus conventus eventu valde sum dubius. Cardinalem *Granvellanum* Rex in Hispaniam Roma evocavit, ut consiliis præsit: quo consultore, videbis rerum administrationem mutari, maximamque partem consiliorum omnium. Summa est hominis calliditas, rerum usus incredibilis, dexteritas maxima. Creditur autem Hispanicus exercitus Venlonium Gelriæ oppidum ad Mosam fluvium situm obsessurus, quem locum *Comes Hollachius* immisso equitatu & peditatu muniisse dicitur: reliquas urbes Ordines præsidario milite confirmarunt. Angli Liræ ac Villevordæ urbibus defendendis immissi sunt. Scoti Bruxellas ac Brugas obtinent. Artesiani & Hannoni reliquis Ordinibus infesti sunt: nunc etiam Machlinienses horum partes sequuntur. De Boscumducentibus idem metuitur. Hac civili dissensione impedimur, quo minus Ordinibus succurramus: sed metuo, ne & aliæ remoræ nobis objiciantur. Prorex enim Hiberniæ his diebus ad Reginam scripsit, *Jacobum Morfiaden* perduellem cum 1000 Hispanis in occidentalem provinciæ oram (ubi *Desmondus* Regulus late imperat) appulisse. Naves igitur Regiæ armantur, ut classem hostilem invadant, regni que securitati propicietur, cum incertum sit, quo major illa Hispanorum classis, quæ ad portum Divæ Mariæ in anchoris stare scribitur, evalura sit. Ipse Prorex, Dublino, hoc accepto nuncio, relicto, in ea loca ungulari expeditione contendit, ubi hostis appulit, ut eum prima quaque occasione, factionibus nondum initis aut confirmatis, bello adoriatur.

riatur. Brevi certiora hac de re audiemus. Cætera ex *Jacobo Moravio* facile intelliges: vereor enim ne hac scriptione molestior tibi sim, qui ea perscribo quæ plenius ex ipso cognosces. Quod superest, te valere ex animo cupio, sanamque mentem in sano corpore exopto, ut Reipublicæ, amicis, tuique studiosis, quam diutissime ornamento sis. Raptim Grenovico, ex Regia, Nonis Aug. 1579.

D. *Junium* Collegam tuum, de facie mihi ignotum, ut salutes meo nomine velim, cum enim a communibus amicis insigniter commendetur ac ametur, æquum est (si amicorum omnia sunt communia) ac me etiam diligatur.

Ex autographo in Bibl. Jurid.

EPISTOLA XXVI.

Clarissimo viro, D. Georgio Buchanano Scoto, viro incomparabili.

Daniel Rogerius Georgio Buchanano, S. P. D.

DIIALOGUM tuum *De Jure Regni*, quem ad me per *Zolcherum, Joannis Sturmii* nostri tabellarium, transmisisti, accepi; munus longe gratissimum futurum, si illo uti per importunas quorundam preces licuisset: quo momento enim mihi in manus fuit traditum, D. *Wilfonus* a me mutuo petiit: ille expetenti Cancellario concessit: ab hoc *Thefaurarius* legendum accepit, qui necdum eum reddidit: ita mei juris in hunc diem non fuit. Qui judicio & rerum usu subactum habent ingenium, præsentisque Reipublicæ faciem intuentur, opus commendant: qui vero per assentationes favorem sibi Principum conciliare student, legumque habenas pro arbitrio suo laxari cupiunt, rejiciunt: ingenium ferme omnes admirantur tuum, qui in hac inclinante ætatis hieme Platonicum scribendi morem tam dextere imitari queas. Dedi autem in mandatis integerrimo viro *Vautrollerio*, harum literarum latori, ut exemplaria quædam mihi isthic comparet, ut cum amicis communicem. *Sturmius* enim, *Metellus*, *Hottomannus*, *Douza*, alique amici, eum Dialogum expetunt. Tuas vero literas unice desidero: cum enim plures ad te perferendas dederim, nullas recepi. Quod si respondisses, quid de nostra in Poëmatum tuorum editione sententia (de qua superioribus meis literis tecum egi) judicares, *Vautrollerius* quædam ex ipsis, si non omnia, typis mandasset: nunc intacta jacent, donec quid de ordine in iis imprimendis observando statueris, perspectum habeat: qua de re rectissime cum eo ipso coram nunc egeris. Poteris etiam pluribus ad nos per eundem de omnibus rebus perscribere. Statueram vero per ipsum de Reipublicæ nostræ statu certiorrem te reddere, si opinione nostra citius hinc non discederet. Nunc temporis angustia excludor, vixque hæc paucula exarare licet. Te autem

ma-

majorem in modum obtestor, ut de rerum tuarum conditione, atque adeo valetudine tua; prolixas ad nos literas des; crebriores etiam optarem, si per valetudinem ac negotia tua liceret. Certe hac ratione nos tui studiosissimos beares, expetitaque voluptate perfunderes. Bene vale, clarissime Buchanane, idemque merito tuo nobis carissime. Londino Trinobantum Augusta, 7 Idus Nov. raptim, 1579.

Ex autographo in Bibl. Jurid.

E P I S T O L A XXVII.

Georgius Buchananus Danieli Rogerio, *viro undique doctissimo*,

S. P. D.

QUANTUM prioribus literis animum ad deteriora credenda proclivem levasti tantum pessimarum suspitione rerum posterioribus onerasti. Tantam rem tam negligenter agi? Credamne te credere hæc consilia¹ sanorum hominum esse? ac non parricidarum potius, qui & Reginam vestram & regnum extinguere volunt? Sed operæ pretium est audire eorum ineptias, ut interim levissimo nomine gravissimum scelus appellem. Juvenis Regius, ætate vigens, animi confidens, &² fortunæ nondum fidem mutantis spe fretus, ambit nuptias Reginæ maximæ, sed quæ nunquam, ne in adolescentia quidem, se illis cupiditatibus obnoxiam ostenderit: nec illuc recta, sed cum magna dote venturus, nempe Belgio intra mensem pacato. Sin hac conditione nihil confici possit, adjunget se inimicis; Hispani filiam³ ducet in uxorem; maximas nationes, Hispanias, Gallias, Italiam, magnam Germaniæ partem uno fœdere conjunget, & peregrini militis multitudine hanc insulam, a sociis & amicis desertam, obruet & proculcabit. His fortasse inter pocula natis sermonibus graves auctores, &, ut sibi videntur, civilium rerum intelligentes, non deerunt. Mihi vero diligentius cogitanti singula & dubia & suspecta videntur: id enim quod primum est, quale tibi videtur? Sperat ejus nuptias, cujus fratres, partim regnantes, partim regno imminentes, illa rejeit, & ætate commodiore, & rebus per omnia vicina regna minus turbulentis. Sperat se Belgium uno mense pacaturum. At cum ibi non ita pridem cum copiis fuisset, vix unum pagum invenit, qui se ei com-

mit-

Oportandum esset, ut hujus Epistolæ autographum exstaret, ad quod multa quæ in apographo in Bibl. Jurid. & Edit. Lond. occurrunt tersissimo Buchanani stylo non usquequaque digna examinarentur. Nos hac ope destituti ex utroque exemplari ea selegimus quæ nobis optima videbantur. E. G.

¹ Sanorum hominum] MS. saniorum.

² Fortunæ nondum fidem mutantis] Lond. animi confidens & fortunæ non fidem mutants.

³ Ducet in uxorem] Ita & MS. & Lond. Ducere uxorem tritum est, ducere in uxorem forte caret exemplo, utpote quod cum ipsius phraseos ratione plane pugnat, cui vox domum subintelligenda est.

mitteret. Certe unde nos aliquid de eo speremus, nullum spei pignus adhuc dedit; nisi forte credamus eum, qui expeditione priore majoribus copiis fretus, non potuit amicos stantes confirmare, nunc existimemus eundem, minore conatu, minus valido exercitu, posse dejectos attollere, & prope exanimés ad vitam revocare, idque in transcurso, & prope temporis momento. At brevi illac est venturus in Britanniam. Credam tibi, si vis, sed quorsum eo? Ad nuptias ais, & id credo. Ad quas? cum Regina vestra? Alii ut volunt accipiant, ego, prorsus ejus consilium esse reor, ut vestram trucidet, nostram ducat, forma, ætate, & amicorum opibus florentem, & expertæ jam fœcunditatis. Quid, nostra, inquires, qua in re deficitur? Imo omnibus eis rebus erat non adeo pridem par, ac pene superior. Sed si revoces in mentem, res, si non tuæ, certe meæ memoriæ æquales, regnum vestrum multos jam annos non tam suis viribus, quam discordia Gallorum & Hispanorum stetit. Nunc, utrisque offensis, quid restat, nisi ut mentem, animum, spemque salutis, *non in montes*, ut est in *Psalmo 121*, sed *ad Dominum cæli solique opificem* intendamus, illinc auxilium speremus, ab eo nimirum *qui non dormitabit, neque dormiet, cum custodiet Israël?* Sed ut illuc redeam unde sum digressus, quibus facultatibus hic adolescens, nullis rebus adhuc gestis, nullum suæ prudentiæ experimentum hominibus impertitus, tantum facinus aggreditur? ¹ Nam ne Gallicas copias secum ferat, id, opinor, a vobis curabitur. Non vehet fortasse, sed in Flandria velut in specula relinquet transituras, ubi signum rei gerendæ sublatum ex Anglia viderint, aliquot etiam Hispanorum cohortes secum tracturus. Neque enim sine exercitu in Flandriam veniet, neque cum parvo exercitu aut poterit, aut audebit, nisi Hispanis propitiis. Et istam simulationem Flandricæ expeditionis quis non videt esse confictam, ut sine suspitione hostilis animi exercitum scribere possit? Sed hic timor sit vanus, ut illi non dubito affirmabunt, qui totius fabulæ sunt architecti. Sed nec ego quanquam periculum, non tamen hinc summum metuo: non tam a vi externa, quam a domesticis proditoribus nobis est timendum. Non tu ignoras unus, quod omnes vident, quanta sit & opibus & numero Papanorum factio, quam late fusa, quam animis adversus veritatem obstinatis. Hi velut ex insidiis ad novum istud spectaculum erecti, ac (fortasse animis jam obtorpuimus) sine tumultu, sine suspitione accurrent; ubi vires contemplati suum numerum inibunt, statim se succenturiabunt, & ad novum istum Ducem velut coelitus oblatum se agglomerabunt. Accedent ad eos obæcati. decoctores, scelerati, in bello seditiosi & rapaces, in pace ignavi, & desidia marcelli, rei suæ negligentes, alienæ cupidi. Primum facient impetum in Reginas, quarum si aut alteram trucidabunt, aut alteram e custodia eripient, vides, ut opinor, quid calamitatum sequi sit necesse:

quas

¹ Nam ne Gallicas copias secum ferat] Ita MS. at Lond Numne Gallicas copias secum feret? Eligat Lector.

quas ego non existimavi recensendas tibi homini in Republica ab adolescentia usque versato, qui & civilibus bellis interfuisti ipse, & multa legeris, multa per universam Galliam sparsa e propinquo videris. Ad hunc primum belli strepitum stabunt velut in procinctu acies per totum littus Galliae & Hispaniae: sed quorum hominum? Exterorum videl. qui tot annos, caedibus & rapinis, ¹ in civium miseriis saginati sunt. Hi quem licentiae facient modum, inter veteres inimicos, & nunquam certos amicos grassantes; accedente etiam ad antiquum odium religionum dissidio, nulla interim spe conciliandae gratiae relicta? Quid enim apud eos pacta, conventiona, foedera valeant, satis admoneri superiorum annorum potuimus calamitatibus. Quid autem illa uxoris ambiendae ratio? Non enim illa consuetudo audiuntur,

Mille meae Siculis errant in montibus agnae,

aut, *Canto quæ solitus*, aut, *Nec sum adeo informis*. Quid ergo? Si tu recuses, Hispani Regis filia volet. ² Verum demus ut illa, & gentis & suo vitio superba, facile patiat conditionem sibi offerri inferiorem, quam jam tot annis ulla Regia puella ex aula Hispana acceperit, sed de majorum fastu aliquid remittat, & parentis auctoritati, & generis propinquitati nonnihil concedat, & ille ab incesto matrimonio nuper in Hispaniam recepto non abhorreat, & cereus adhuc in vitium flecti, ³ innuptis nuptiis sororis filiam ducet: *Philippus* autem adhuc filii sanguine sordidus, tam indulgens erit in filiam, ut novum etiam non necessarium bellum ejus causa suscipiat? Et spectabit Gallus Hispanum, aut Hispanus Gallum, alter alterum de regno Angliæ contendentem? Aut alter alterius rebus tantam accessionem fieri æquo animo patietur? Aut si illi inter se consentiant, quem alium sibi habebunt finem propositum, nisi servitutem Britanniae? Sed, crede mihi, non consentient: neque enim tam sanctum hoc affinitatis vinculum pacem sapius quam bellum inter affines contrahere solet. Inter pauperes ac civilis societatis amantes hac ratione nonnihil proficitur: at inter potentiores, quam ut jura putent sibi nata, aut legem imperio se coerceri patiantur, sanguinis propinquitas, affinitas, conjugii fides, promissa, pacta, foedera, non eam vim habent ut amicitiam concilient: sed retia sunt ad nimium credulos illaqueandos, aut ad mutuam captationem instructæ decipulae; quas qui non vident, plane sunt cæci, qui dissimulant suæ salutis proditores, alienæ oppugnatores. Hæc ad 6 Cal. Sept. cum scriberem, repente ad nos allatum est, Ducem

Alen-

¹ *In civium miseriis*] Ita MS. & Lond. forte tamen legendum & *civium*.

² *Verum demus ut illa*] Ita facili unius literæ mutatione emendavimus, cum in MS. & Lond. *dominus* legeretur.

³ *Innuptis nuptiis*] i. e. nuptiis quæ jure sunt nullæ, sive contra jus factæ. Hoc mutuatus est Buch. e Poeta vetere apud Cicer. lib. 3. de Orat. sub finem.

Qua tempestate Paris Helenam innuptis sibi junxit nuptis.

⁴ *6. Cal. Sept.*] Ita MS. editio, at Lond. ad 6. vel 7. Cal. Sept.

Alenconium in Britanniam appulisse: qui subitus rumor mihi scribendi consilium plane excussit. Quid enim negarem, quod tam certis auctoribus accepissem? Evocatum publice crederem? De cujus adventu magnæ & potentes factiones contendebant, qui male suspicantur, in diem id malum dilatum putant; qui bene volunt, non video qui diem tam propinquum non expectatum excusent. Sed hæc utcumque se habebunt, quid ad re? dicet aliquis. Nihil sane, nisi quod

Tum mea res agitur, paries cum proximus ardet,

¹ & quod tot optimorum virorum, tot amicorum periculum complectitur, si qua inde oriatur calamitas, id a me non alienum existimem. Sed quid hic nostræ sollicitudines proficient? præsertim si veri sunt, qui ex aula Gallica rumores huc perferuntur, omnia jam confecta, acta, transacta esse. Hæc quidem si vera sunt, video nos frustra laborare; nec tamen id cum videam, ² *Securus dormire queo pendente ruina.* Hæc hætenus. Apud nos adhuc omnia tranquilla sunt, verum nescio quos ventos e Galliis orientes quidam vel prospiciunt, vel prospicere videri volunt. Hæc si quid minentur procellæ, ad te cum primum potero scribam. De *Dialogo de Regno* isthic edendo tibi facile assentior, vel ob id maxime, quod quidam hic refutationem moliri dicantur. Si qui sunt in eadem apud vos sententia, ut esse non dubito, cuperem ut id me vivo facerent. In *Psalterio* quædam correxi, plura atque etiam integros *Psalmos* mutatu us, nisi ætas ingravescens jamdudum mihi extorsisset Poëmata. Quatuor *Traegœdiæ* meæ sunt editæ, e quibus duæ sunt e Græco translatae. Medeam non in hoc scripseram, ut ederetur, sed, cum Græcis literis abique magistro darem operam, ut verba singula inter scribendum diligentius expenderem: amicis importune flagrantibus edidi; cum Latinas literas *Burdgalæ* docerem, ac fabulam singulis annis pueris agendam dare cogeret. In ea cum multa negligentius elapsa essent, post aliquot annos retractavi eam, & quædam in ea vulnera ita sanavi, ut adhuc cicatrices alicubi appareant. Tres reliquas majore cum labore ibidem effudi. *Franciscanum* in *Scotia* scribere aggressus eram, *Jacobi* quinti *Scotorum* Regis jussu. Postea per otium reverius domum, quæ deesse videbantur, explevi. *Elegias*, *Silvas*, ac pleraque *Epigrammata* amicis poscentibus dedi, quorum nomina hic subijcere non est necesse. Hæc omnia si per amicos licuisset, sempiternæ oblivioni consecrassem. Sed cum illi multis in locis, quædam veluti abortiva, nonnulla depravata, temere edidissent, non fuit mihi integrum ³ in eo consilio perstare. Itaque manum admovi,

&

¹ Et quod tot optimorum virorum, &c.] In MS. deest complectitur. Lond. eam a me non alienam existimem. Nos ita locum restitimus, ut secum & cum prioribus cohereat

² *Securus dormire queo*] Lond. queam.

³ In eo consilio] MS. in meo consilio.

& rem sua natura confusam in ordinem qualemcumque redege, ut si non probari, saltem perferri possent, donec satietate legendi suo fato perfungerentur, & ut temere nata, clam evanescant. Itaque ἐφ' ἡμέρας ipse, cum sciam hanc ἐφ' ἡμέραν foeturam non esse perennaturam, non habui necesse ea vel procœmio vel alio favoris genere in deducendo prosequi. Astro-nomica non tam abjeci, quam extorqueri invitatus tuli; neque enim aut nunc libet nugari, aut si maxime vellem, per ætatem licet. Accessit eo historiæ scribendæ labor, in ætate integra permolestus, nunc vero in hac meditatione mortis, inter mortalitatis metum, & desinendi pudorem, non potest non lentus esse & ingratus, quando nec cessare licet, nec progredi lubet. De cæteris non sum adeo sollicitus, qui velut a parente expositi, non tam de cultu, quam de vita cogitant; quam non tam pater-na indulgentia, quam aliena misericordia, adhuc retinent. Ea opuscula si tibi dicari velis, tu videris: nam ignota ad ignotum patronum mittere non decrevi. Vale. Edinburgi. 9 Nov. 1579.

Ex MS. & Edit. Lond.

[¹ Inter mortalitatis metum] i. e. ne mors eum prius occuparet quam Historiæ suæ imposuisset. Quintil. lib. 6. in Procem. At me Fortuna id agentem diebus ac noctibus, festinantemque metu meæ mortalitatis, ita subito prostravit, ut laboris mei fructus ad neminem minus quam ad me pertineret.

* E P I S T O L A XXVIII.

Buchananus Regi.

ETSI nemo sit tui paullo studiosior, Rex optime, qui ignoret quantum hæc matrona tulerit tua causa damni, laboris & molestiarum: non tamen tam ob hæc meas pro ea preces interpono, quam quod verear ne tibi minus honestum sit, quod in tali causa apud te non obtineat, quantum ab æquitate causæ obtineri potest. Ædibus dirutis expulsa, in publicum omnium rerum inops ejecta, tuas tamen molestias priores habuit, quam suas: & [² quamvis] deesset hospitium, ubi sua negotia seorsum a turba administraret, nunquam tamen vel domi vel foris deerat, ubi ipsa, liberi, amici, propinqui ad omnia momenta tuarum actionum suam operam accommodarent. Cum vero post longam vexationem totius familiæ, domunculam unius ex hostibus publicis, non pretium rerum per vim amissarum, sed reliquiarum prioris fortunæ qualemcumque receptaculum,

* Cum extrema parte mutila sit hæc Epistola, perquam difficile est accurate tempus definire quo scripta fuerit. Nos autem hic ei præcipue locum tribuimus, quod non ante exarata videatur, quam Rex, Mortonio exaudivato, jam sui juris factus, rem Scoticam per se ipse administrare cepisset, 8 scil. Idus Martii anno 1579, quemadmodum ex Actis publicis liquet.

[¹ Et quamvis] Hanc vocem [quamvis] ad sensum perficiendum prorsus necessariam supplevimus.

lum, accepisset, non sperabat sibi in manifesto crimine deprehensi bonafisco donata rursus litem motura.

Ex autograph. in Bibl. Jurid.

EPISTOLA XXIX.

Georgio Buchanano Rodolphus Gualtherus, S. P. D.

MIRABAR equidem, vir præstantissime, & Domine mihi plurimum observande, me de meis ad serenissimum Regem & te toto triennio nullum responsum accipere. At nuper intellexi & tuarum literarum eandem sortem fuisse: nam quas tu ad nonum Cal. Aug. anni proxime elapsi dedisti, ego ultimo Iduum Jan. accepi: quæ quo tardiores ad me venerunt, eo plus voluptatis attulere, quod & librum meum propensissimo animo acceptum esse, & meum hoc officium tibi viro doctissimo, cujus judicium innumeris aliis præfero, probari nuntiarent. Doleo tamen me interea caruisse eo gaudio, quod ex primis tuis literis percipere potueram. Sed cum eas in hunc usque diem non viderim, aut hominum malevolorum perfidia, aut alia aliqua causa interciderint oportet. Sed sufficit, ut dixi, me serenissimo Regi & tibi rem non ingrata fecisse. Quod si accedat Regiæ erga me voluntatis indicium ejus manu scriptum, quod tua humanitas pollicetur, tunc me hac parte beatum prædicabo. Literis tuis conjunctus erat libellus tuus *De Jure Regni apud Scotos*, quem non ipse modo legi, sed Symmytis & Collegis meis legendum & examinandum præbui: quorum omnium idem est de illo judicium quod meum; librum videl. esse non tam docte & graviter, quam pie scriptum. Et utinam quod in eo bene & pie dicis, omnibus Regibus persuaderi posset: ita enim beatiore essent, qui illis subjecti sunt populi, & ipsi non in teris modo beati regnarent, verum etiam cum Rege Regum & Domino Dominantium Jesu Christo regni coelestis consortio fruerentur. At quia pauci ita sentiunt, plerique autem adulatorum ac perditissimorum lenociniis corrumpuntur, dum se Reges esse putant, turpissimorum affectuum & scelerum mancipia fiunt; & insuper suæ fidei commissum populum, cujus *proles* esse debebant, deglubunt, & tandem una secum perdunt. Felicem ergo & beatum prædico serenissimum Scotiæ vestræ Regem, cui hoc tam corrupto seculo talis institutor obtigit, qui animum juvenilem præceptis saluberrimis imbuere, & virtutum vere Regiarum semina in illo plantare potest. Et spero, Deum, qui hac gratia illum complexus est, daturum etiam, ut præceptis salutaribus obediat, & cum populo suo felix & beatus vivat & regnet, ad sui nominis gloriam. Hæc ad literas tuas respondere libuit, simulque monere, ut si tibi nulla literas ad nos transmittendi via compendiosior offeratur, eas ad reverendissimum Eboracensem Dominum *Edwinum Sandium* mittas, cum quo mihi ali-

quot annorum amicitia intercessit, qui eas per Londinenses suos ad nos perferri curabit. Vale, vir præstantissime. Tiguri 8 Id. Martias, anno nati in carne æterni filii Dei 1580.

Ex Edit. Lond.

Tui amantissimus I G I

RODOLPHUS GUALTHERUS.

EPISTOLA XXX.

A Monsieur,

Monsieur Buchanan, Precepteur & Conseiller du Roy d'Ecosse.

A Edinbourg.

Monsieur,

AFFIN que ne trouviez estrange ce, que l'ay a vous escrire maintenant, & nostre *Vautroiller*, & Monsieur de *Moncrif* vous pourront donner plus grande conoissance de moy. Plusieurs gens de bien en nostre France voyans de quelle rage les ennemis de Dieu sont menez pour enfevelir la memoire de l'Evangile en la ruyne de ceux qui en font profession, & ayans senti qu'un des moyens dont principalement ils se sont servis, & taschent encores de faire, est de nous attirer en leur filets par l'appait de leurs aliances. Pour ces raisons ils estiment que l'une des fins ou principalement doivent rendre les gens de bien, est de conioindre par aliances estroictes les Princes qui font profession de la pieté: entre lesquels estans a présent le Roy vostre Maistre, & le Roy de *Navarre*, en France plusieurs desirent grandement de les voir unis par le mariage de Madame sa Sœur. Vous aurez entendu comment nagueres il s'en estoit mis en avant quelques propos pour Monsieur frere du Roy; mais il y a une Dame de marque, prudente, & craignante Dieu, qui nous a escrit, & pryé bien instamment de vous advertir, que si pardela on y a quelque affection, maintenant la saison en est fort propre, & qu'on se peut asseurer d'y estre bien venu. Monsieur de *Chassincourt* est a *Paris* Ordinaire pour les affayres du Roy de *Navarre*, avec lequel on peut communiquer, & par son moyen plus avant. Voyla, Monsieur, ce dont j'avois a vous advertir, dequoy vous ferez vostre profit selon vostre prudence. Le Marechal *Monmorency* a reprins les armes en *Languedoc*, & en *Dauphiné* tout est plein d'esmeures du populaire contre la Noblesse. Monsieur de *Beze* releve d'une longue & perilleuse maladie. Les *Rochelois* ont prins un vaisseau au Roy d'*Espagne*, que l'Ambassadeur fait monter a la valeur de 300000 Δ . Les *Rochelois* ne le prient plus de 200000 livres. Quoy qu'il en soit, on me mande qu'il y a cinq Pippes de Reales de 20 S. piece. Or vous ayant salué de mes plus humbles recommandations,

je

je prie Dieu, Monsieur, qu'il vous benie, & conserve pour sa gloire.
A Londres, ce 14 Mars, 1580.

Ex autographo in Bibl. Jurid.

Vostre Serviteur a vous obeir,

R. LEMACON de la FONTEINE.

Quæ in hac & XXXII. Epistola Edit. Lond. lacune apparent, eas ex ipsis autographis, non sine summo labore, supplevimus, atque ubique veterem scribendi morem retinuimus.

* E P I S T O L A XXXI.

Theodorus Beza, *ornatissimo viro, Domino Georgio Buchanano,*
amico summe observando, Edinburgi

EN tibi, mi Buchanane, duplicis in uno facto insanix luculentum specimen, ut verum esse appareat Poetas insanire, si modo me in istius appellationis participationem admittas. Nugatus sum aliquid in re seria, quod etiam Regi consecrare sum ausus. Hoc utrumque meum factum si tu pro tua humanitate & veteri nostra amicitia excusandum apud Regem susceperis, quod quidem a te vehementer peto, bene rem cessuram confido: sin minus, voto meo excidero. Quid autem hac mea qualicunque commentatiuncula captem, ex ipsa præfatione eognosces, nempe ut quam de se expectationem in omnibus Ecclesiis concitarit, ubi Rex cognoverit, simul quod suum sit munus, variis istis optimis exemplis delectatus, magis ac magis intelligat. Mitto autem ad te quoque istius libelli exemplar, id est, noctuas Athenas; quod meæ in te observantiæ pignus esse velim. Psalterium a me nuper editum, si forte ad vos usque pervenit, tui, ut spero, recudendi desiderium in te, maximo Ecclesiæ bono, accenderit: quod opus ut acceleres, non tam ego, mihi crede, quam Ecclesia tota efflagitat. Bene vale, vir eximie. Dominus Jesus canitei tuæ magis ac magis benedicat, teque nobis quam diutissime conserve. Genævæ, 16 Martii, An. Domini 1580.

De

* Quamvis Theodorus Beza suum huic Epistolæ nomen non subscripserit, eam tamen illius esse constat, non tam ex autographo, quod in Bibliotheca Juridica Edinburgensi inter alia aservatur, cujus eximie parvi adscripta est manu recentiori hic titulus, Beza Buchanano, quam ex ipsius Epistolæ argumento & verbis. Primo enim, scribit se Regi librum consecrasset, varia & optima exempla, quibus delectari possit, complectentem: deinde Psalterii a se nuper editi exemplar ad G. Buchananum misisse. Epistola denique ipsa data est Genævæ 16 Martii 1580. Quæ omnia nemini præterquam Theod. Beza Pastori Genævensi convenire possunt, qui hoc ipso anno Icones sive Imagines virorum doctrina & pietate illustrium edidit, quibus adjecta sunt ipsius Emblemata, quæ utraque Jacobo VI. Scotorum Regi dicavit, Kal. Martii 1580, quod etiam anno Genævæ editum est ipsius Psalterium.

De aureis vere opusculis tuis duobus ad me missis, maximas tibi gratias ago.

Ex autogr. in Bibl. Jurid.

E P I S T O L A. XXXII.

A Monsieur,

Monsieur Buchanan, Precepteur & Conseiller du Roy, en la Cour d'Escoffe,

Monsieur,

IL y a quelque tems que je vous donnois avis, estant aussi adverti par gens de bien & d'honneur, de nos Eglises de France, que les affayres estoient maintenant tellement disposées, que si ceux qui craignent Dieu, & ont auctorité pardela, trouvoient l'aliance de vostre Roy bonne & utile avec la Princesse de Navarre, il est impossible d'avoir meilleure opportunité, qu'elle [qui] se presente maintenant. Depuis j'aye esté fort pressé de mander si j'aurois eu de vous quelque responce, qui est cause que je vous supplie, Monsieur, de m'en écrire quelque mot, affin que je sache que je doy respondre; n'estimant point que par legereté, ou outrecuidance, je me vueille ingerer es affayres des Princes de si grande importance; mais que je suis sollicité a cela, par ceux qui desirent, avec l'avancement de la gloire de Dieu, la prosperité de vostre estate. Nostre Vautroillier, je pense, doit bien tost icy retourner, & sans cela ses lettres, que m'enverrez par l'adresse de Monsieur Randolph, me seront seurement rendues. Devant que j'aye de vous responce, j'espere que nous aurons icy un Gentilhomme resident pres sa Majesté de la part du Roy de Navarre, avec lequel on pourra avoir communication plus ample, si on le trouve bon. La presente n'estant qu'a cette fin, je prie Dieu, Monsieur, apres vous avoir salué de mes plus affectionnées recommandations, qu'il vous conserve en toute prosperité pour servir a sa gloire. A Londres, ce 7 May 1580.

Ex autograph. in Bibl. Jurid.

Votre Serviteur & Amy a vous obeir.

R. LEMACON de la FONTEINE.

E P I S T O L A XXXIII.

Viro tum doctrina tum pietate ornatissimo, D. Georgio Buchanano, instituendo serenissimo Scotiæ Regi præfecto, Edinburgi, S.

STUDUI non ita pridem, mi Buchanane, missis ad te literis veterem nostram amicitiam renovare. Nunc vide quam te mihi benevo-
lum

lum esse confidam, ut qui tibi audeam amicos etiam commendare. Hic adolescens, qui tibi has literas reddidit, a vobis summo loco oriundus, natus autem apud nos optimo & ευσεβέστατω patre, quum ad Regem vestrum esset mittendus, putavi mei esse officii efficere, ut per me quoque tibi innotesceret. cujus & consilio & auctoritate hac in ætate, & isto in loco, ad tenendum quem instituit pietatis omniſque virtutis curſum, incitetur. Hoc te vero, bonorum omnium amantem, etſi ultro facturum non dubito, eo libentius tamen & prolixius id beneficii genus illi te præſtiturum mihi perluaſi, ſi qua mea commendatione apud te uteretur, quæ ſpes ne me fallat etiam atque etiam rogo. De rebus noſtris, valeo ſicuti ſenes plerique ſolent, non tam laboribus, quos tamen multos ſuſtinui, quam perpetua quadam eaque juſtiſſima ægritudine fractus. Cuinam enim non poſſim dolori indulgere, Gallicis Eccleſiis tam dire vexatis, direptis, oppreſſis? Itaque iſti malo ea qua decuit fortassis patientia ferendo imparem eſſe me fateor: cui tamen Dominus finem, ut ſpero, brevi imponet, me videl. in meliorem quietem translato. Precare igitur pro me, cariſſime frater, ut quod mihi ſpatii ſupereſt feliciter decurram, ſicut viciffim eum precor, ut beatæ iſti tuæ ſenectuti cumulatiſſime magis ac magis benedicat. Bene vale, vir eximie, & nos, ut facis, ama. Genevæ, 20 Maji anno ultimi temporis 1580.

Ex autogr. in Bibl. Jurid.

Tuus BEZA.

I Qui has tibi reddidit] Lond. reddet, & ita quidem in autographo primo ſcriptum, poſteaſque in reddidit, non ſine arguta quadam ratione, mutatum; prius enim quam eas literas Buchananus legere poſſet, illas ei tradi erat neceſſe.

* E P I S T O L A XXXIV.

G. Buchananus Jacobo Sexto Regi Scotorum, S. P. D.

CUM intellexi te hunc juvenem *Herculem Rollocum* inter minores Judices allegiſſe, ut patriæ ſuæ jus diceret, tane pro eo ac debui ſum lætatus. Gaudebam enim & te juſtitia tuendæ (quod maxime & prope ſolum munus eſt Regium) ſtudere, & juvenem optimum & doctiſſimum in eo poſitum loco, ubi & ſuæ virtutis, & doctrinæ ſpecimen omnibus poſſit dare: & ſpem ad meritos honores perveniendi præbere omnibus, qui eundem vitæ curſum ſunt ingreſſi. Quamobrem, pro eo, in quo tu me

* Descripta eſt hæc Epistoſa ex autographo in Bibliotheca Academia Edimburgene. De anno nihil aliud conſpicere licuit, quam quod ſuperius de Epistoſa 28, eam ſcil. ſcriptam videri poſtquam Rex regni habenas per ſe ipſe moliri ac Judices conſtituere coepiſſet. Datam eſſe pridie Calendas Auguſti ipſa indicat, an vero anno 1580, an uno, ſive ante, ſive poſt illum, anno, in ambiguo relinquentes, nos inter utrumque medium elegimus

Tom. II.

D d d d d

me ac Tutores tui collocaſtis, loco, videor debere te hortari, ut in hoc pulcherrimo inſtituto de omnibus bene merendi conſtanter perſeveres: pergaſque in eis hominibus ornandis, quorum virtus & tibi honori, & civibus tuis emolumento eſſe poſſit. Vale. Edimburgi, pridie Cal. Auguſti.

Ex autograph. in Bibliotheca Academica Edinb.

E P I S T O L A XXXV.

*Clariſſimo doctiſſimoque viro D. Georgio Buchanano Scoto, Gratia
& Pax a Deo, &c.*

CUM ante decennium in Hibernia viverem, & Domino *Henrico Sydney*, illius regni tunc Proregi, inſervirem, memini me ad te ſcripſiſſe, & a te (preſtantiſſime Buchanane) literas humanitatis pleniffimas accepſiſſe, quæ ut tunc mihi gratiſſimæ fuerunt, ita eas ſtudioſe apud me aſſervo, quarum lectione tui memoriam non ſine incredibili voluptate ſæpe recolo. Ab eo tempore ſtatim in patriam vocatus, Hiberniam (quæ jam inteſtinis bellis concutitur) reliqui. Neque ex eo unquam mihi, tanto locorum intervallo a te dijuncto, opportuna oblata eſt occaſio, ut ad te ſcriberem, tuiſque ſuaviſſimis literis reſponderem. Nunc vero cum hic Ceſtriæ cum optimo ſanctiſſimoque viro *Goodmano* verſarer, huiusque pii ac prudentis viri *D. Larmori* conſuetudine fruerer, intelligeremque eum reditum in patriam adornare, mei officii eſſe exiſtimavi, paucas has lineas ad te, licet ſubito, ſcribere: cum ut meipſum apud te excuſarem, quod tuis literis non reſponderim, tum ut intelligeres te nunquam ex animo meo effluſiſſe, ſed tui nominis memoriam mihi longe jucundiſſimam ſemper fuiſſe. Sæpe ego de te, tuaque vita ac valetudine quæſivi, & intelligere deſideravi. Nuper vero quidam *Franciſcus Bromlejus* juvenis, ſummi huius regni Cancellarii nepos, meusque cognatus, qui Bervici inſerviebat, multa mihi de te retulit: ex quo intellexi te vivere quidem, ſed infirma valetudine frui, ac vix e lecto aut cubiculo tuo repere. Quæ quidem nova varie animum meum diſtrahebant. Quod enim viveres, mihi voluptatem; quod vero adverſa valetudine laborares, dolorem attulit. Quis enim eſt, qui vel primoribus labris humaniores Muſas deguſtavit, tuaque doctiſſima elegantiffimaque ſcripta extremis digitis attigit, qui te diutiſſime vivere, vigere ac valere non optaret? Sed anguſtiæ temporis quibus coarctor non ſinunt me pluribus hæc perſequi. Ante bien-
nium *D. Georgius Bromlejus*, illius *Franciſci*, cujus ſupra mentionem feci, pater, ac Domini Cancellarii frater natu major, Cambriæque ſupremus iudex, vir non modo in jure noſtro, ſed etiam in illis humanioribus literis erudiſſimus, quique mihi indicabat, ſe tecum in ædibus beatæ memoriæ viri, *D. Rogeri Aſchami* ſemel prandiſſe, oſtendit mihi librum quon-

quendam tuum manuscriptum, de statu regni Scotiæ; & quamvis non minorem illius quam pretiosissimæ gemmæ maximique thesauri rationem haberet, mutuo dedit. Illum ego non modo avidissime legi, verum etiam totum mea manu exscripsi. Nunc autem intelligo te eum edidisse, ac illustrissimo vestro Regi dedicasse. Cujus exemplar unum apud D. *Goodmanum* e Scotia missum hic vidi. Bene se habet (mi Buchananæ) quod ipse vivus, illum doctum, disertum, ac Reipublicæ perutilem librum prelo commiseris. Sane si tu naturæ concessisses, ille tuus foetus, tanto parente dignissimus, in tenebris diu non delituisset. Ipse tantum thesaurum Reipublicæ literariæ non invidissem. Sed bene est quod tu ipse tua recognoveris, & plenius ac perfectius quam quisquam alius evulgaveris. Te etiam atque etiam rogo (optime Buchananæ) ut tuas schedas excutias, & quæcunque alia scripta habes, diutius non supprimas. Audio te in Historia conscribenda diu desudasse, quam omnes pii & docti avidissime expectant. Ego vero Deum ex animo precor, ut & tibi vitam proroget, prosperamque valetudinem concedat, quo illam Historiam aliaque omnia plene perficias; & mihi, ut illam tandem aliquando videam, pro infinita sua bonitate largiatur. Si de me intelligere velis, ego jam in natali solo Salopia, celebri oppido, vitam dego, ac Ecclesiæ in Evangelio annuntiando inservio: quod ut aliquo cum fructu fiat Deum Opt. Max. oro. Tibi, præstantissime vir, pluribus non ero molestus, teque vehementer obsecro. ut hæc, quæ singularis benevolentia expressit, pro tuo candore in optimam partem accipias. Deum patrem Domini nostri Jesu Christi precor, ut & Regi vestro summæ spei & expectationis Principi, tibi de re literaria optime merito, Ecclesiæ ac regno vestro, cumulatissime benedicere, ac diutissime conservare dignetur. Amen. Cestriæ, 28 Nov. An. 1580.

Qui te unice diligit,

EDWARDUS BULKELEY.

¹ Legi *Smythonii* librum adversus *Hamiltonum* Apostatam. Vestræ Scotiæ, nunc vera Christi cognitione ac literis illustratæ, gratulor, quod tales ac tam præstantes pietatis assertores habeat, &c.

D. *Goodmanus* me rogavit, ut suo nomine te salutarem, qui tibi omnia fausta ac felicia precatur.

Ex autographo in Bibl. Jurid.

[¹ Legi *Smythonii* librum] Ita autograph. & Lond. at se auctor ipse *Thomam Smythonium* appellat.

E P I S T O L A XXXVI.

Clarissimo ac præstantissimo viro, Domino Georgio Buchanano, Domino suo & amico observando, Edinburgi, S. P. D.

TU, tua virtute, & tot præclaris ingenii tui monumentis, ita innotuisti orbi Christiano, ut vix quisquam reperiatur bonarum artium & disciplinarum amans, qui te non summopere colat & admiretur. Hoc ego magnæ felicitati ascribo, quod Lutetiæ, ante viginti annos, contigerit mihi non solum videre te, & suavissimis & doctissimis tuis colloquiis frui, sed etiam te convivam habere, una cum clarissimis viris, *Turnebo, Aurato, Balduino* Jurisconsulto, *Sambuco Pannonio, Carolo Clusio*, & aliis quibusdam. Varia tunc ex te audivimus, quæ nos erudierunt & delectarunt plurimum: quæ ideo scribo, ut videam an possim tibi in memoriam revocare, quisnam ego sim: quicumque autem sum, scito me esse summum tuæ virtutis admiratorem. Vixi per plures annos cum *Philippo Melancthone*, visusque sum mihi tunc beate vivere. Eo sublato, variis casibus agitatus, tandem recepi me in has regiones, tanquam in portum, quo tutiorem nusquam reperiēbam, etiamsi bellorum civilium procellis jam ab annis plurimis agitentur. Nihilominus inter hos belli tumultus fulget lux Evangelii, & nobis annuntiatur doctrina quæ veram viam salutis ostendit, & frementibus Hispanis pellitur ex Ecclesiis superstitio, quæ ipsorum animi sunt infecti. Jussit me secum huc venire *Arausinus* Princeps, magnum nostri seculi ornamentum. Is robore animi, ac ingenii acumine, ita hætenus certavit cum ingentibus illis Hispanorum opibus, ut immortalem gloriam sibi comparaverit. Eo enim duce, usi hæc provinciæ, exscisso in partes tyrannico Hispanorum imperio, plures Respublicas & Ecclesias pulchre constituerunt, quæ fœdere inter se conjunctæ hætenus hostium vim & arma sustinuerunt. Rex Hispaniæ per plures annos frustra conatus eum vi opprimere, tandem confugit ad arma, quæ tantum Regem parum decere videntur: edidit enim scriptum quo eum proscribit, & sicarios ad eum interficiendum, præmiis propositis, impellere conatur. Quoniam in illo scripto multa ei objicit quæ non sunt vera, fuerunt ei auctores amici, ut contrario scripto suam innocentiam adversus Hispanorum calumnias tueretur, quod scriptum ad te mitto. Per hiemem viximus in his Batavorum lacunis, quæ a natura factæ videntur ut eas ranæ & anguillæ potius quam homines incolant. Hoc tamen oppidum est cultissimum, & hinc abest trium horarum itinere Leida, seu Lugdunum Batavorum, ut isti jam loquuntur, ubi vivunt *Justus Lipsius, Janus Douza* Poëta, & *Donellus* Jurisconsultus Gallus, viri docti & clari. Roterodamum habemus in conspectu, quandocunque prodimus ex hoc oppi-

[Usi hæc Provinciæ] Ita autograph. nec defunt apud probatos auctores exempla.

oppido, cujus conspectus non solum mihi reducit in memoriam magnum illum *Erasmum*, quo cive gloriatur, sed etiam te: non enim satis mirari possum, in locis tam horridis nasci potuisse viros, quibus ingenio pares nec nostra nec patrum aut avorum nostrorum ætas vidit. Invitatus fuit *Erasmus* ad informandum adolescentiam Ferdinandi fratris Caroli Imperatoris, sed laborem illum a se rejecit. Ego te & feliciorum & meliorem judico, qui non denegaveris tuam operam patriæ petenti ut tenerum animum Regis imbueres præceptis, quæ si adultior factus sequutus fuerit, & ipse, & omnes in quos habet imperium, vitam beatam & felicem ducent. *Daniel Rogersius*, communis noster amicus, qui te unice colit, ante quatuor menses captus est a Germanis qui Regi Hispaniæ militant; a quibus ut dimitteretur non potuit hactenus impetrare Regina Angliæ, a qua mittebatur Orator ad Imperatorem, & quosdam alios Germanos Principes. Nuper opera cujusdam mulierculæ evasisse dicebatur, sed ex fuga retractum audimus, & durior custodiâ jam premi. Ego sane boni viri, cum quo arcta mihi a pluribus annis amicitia intercessit, vicem ex animo doleo. Valde cuperem scire, modo id tibi non esset ingratum, quando tuam Historiam Scoticanam sis editurus. Scies ex *Melvilio* viro optimo, quo loco sint res nostræ. Bene vale. Delfis Batavorum, 20 die Feb. 1581.

Ex autographo in Bibl. Jurid.

Tui observantissimus,

HUBERTUS LANGUETUS.

* E P I S T O L A XXXVII.

Georgius Buchananus ¹ Eliæ Vineto suo, S. P. D.

CUM ex mercatoribus nostris, qui isthinc veniunt, de statu rerum tuarum audio, gaudeo mehercule, ac rejuvenescere quodammodo mihi.

* Meminit hujus Epistolæ, eamque luculento admodum elogio ornat nobilissimus Historiarum conditor *Jacobus Augustus Thuanus*, Commentar. de Vita sua lib. 2. cujus verba (*Lebori, quod spondeo, haud ingrata futura*) hic apponam. „ Nec injucunda fuit illi [*ipsi* „ *scil Thuanus, cum Burdegale esset*] atque etiam Pithæo Eliæ Vineti Barbesienſis „ comitas. Is ludum Aquitanicum retro temporibus adeo famosum strenue mo- „ derabatur, & Aufonio suo recensendo incumberebat, olim Turnebi, Mureti, „ Gruchii, Guarentæi socius, atque adeo GEORGII BUCHANANI, a quo „ literas quotannis accipiebat, cum Scoti mercatores ad Vasconicum vinum „ comparandum ad urbem venirent, in iisque ultimas vidit Thuanus manu tre- „ mula sed stylo generoso scriptas, in quibus de senectutis incommodis non tam „ querebatur, quam de vitæ longioris tadio, & se Sterlinum ab Aula concessisse „ agebat: postremoque hæc verba, quæ ille memoriæ infixerat, addebat; IN- „ Terea hoc unum satago, ut quam minimo cum „ strepitu ex inæqualium meorum, hoc est, mor- „ tuus e vivorum contubernio demigrem., Ex hisce ma-

mihi vidcor, quod ex illa peregrinatione Lusitanica reliquias adhuc superesse quasdam intelligam. Nam cum septuagesimum quintum ætatis annum agam, interdum mecum recolo, per quos labores & molestias, omnia quæ hominibus jucunda solent videri præternavigando, in eum scopulum tandem inpegi, ultra quem (ut verissime inquit Psalmus 90) *nisi labor & dolor nil superest*. Una enim illa consolatio restat, cum in æqualium meorum recordatione acquiesco, quorum tu prope solus es superstes. Verum, cum tu nihil (ut opinor) ætate me sis inferior, cives tuos adhuc opera & consilio juvare potes, & commentationibus tuis doctissimis etiam alteri seculo prodes. Ego vero literis jamdudum valedixi. Nunc id unum satago, ut minimo cum strepitu, ex inæqualium meorum, hoc est, mortuorum & vivorum contubernio demigrem. Interea minimum natu libellorum meorum ad te mitto, ut cum hunc senio delirantem videas, minore fratrum ejus desiderio tenearis. Audio adolescentem nostratam, honesto loco natum, *Henricum Wardlaum*, sive Νομοφύλακα, apud vos non ignavam operam literis dare. Etsi tuam erga omnes humanitatem novi, nec ignores peregrinos tibi adeo esse peculiariter commendatos, tamen & iste cupio ut intelligat vetustam nostram consuetudinem apud te sibi prodesse. Vale. Edimburgo, 17 Cal. April. anno 1581.

Ex autographo in Bibl. Jurid.

I *Eliæ Vinetio*] Ita omnino legendum, prout in autogr. suisque operibus se nominat; non *Venetius*, ut in Edit. Lond. appellatur. Scevola Samaritanus eum oriundum dicit e *Vinetorum pago apud Sanctones in agro Barlaenzi*, unde & *Vineti* nomen eum traxisse existimat Menagius, *Ann. Baillet*, tom. I. p. 258.

E P I S T O L A XXXVIII.

Georgio Buchanano viro undecunque doctissimo, Edinburgi,
in Scotia, Elias Vinetus, S.

LITERÆ tuæ ad 17 Cal. Aprilis datæ, tertio Non. Jun. mihi redditæ fuerunt: quibus, ista ætate, tantoque locorum ac temporum intervallo scriptis, & illa Lusitanicæ peregrinationis, feliciorumque longe temporum, quam hæc sint, mentione, jucundius mihi nihil esse potuit. Eas legi, & relegi sæpius, & relego; atque librum quem misisti

co-

qui Thuanus verbis (ut id quoque obiter moneam) palam est Epistolam illam, quam ille viderat, nonnihil ab eo, quo nos usi fuimus, exemplari discrepasse. De Buchanani enim ab Aula discessu nihil in nostro occurrit. Neque tamen hoc mirum cuiquam videri debet, qui animadvertens sæpius usu venire viris doctis, qui literarum suarum prima exemplaria apud se retinere sunt soliti, ut iis secundo exaratis aliqua ad libitum addant vel mutent; quod & bisce accidisse haud injuria licet existimare. Quod vero Thuanus Buchananum Sterlinum concessisse refert, id cum nostro exemplari adversa fronte pugnat, in quo literæ illæ disertis verbis Edinburgi datæ dicuntur: aut ergo apud Thuanum pro [Sterlinum] [Sterlino] legendum, aut error nostro exemplari subrepsit, quod, si primigenium est, & a Buchanani ipsius ore exceptum, vix adduci possum ut credam.

comitem: qui, si quid judico, & multi ex amicis, discipulis quondam tuis, quibus legendum dedi, a delirante nullo modo scriptus fuit. ' Quidam tamen vestras, Pictaviensis Consiliarius, contra sentit, ut audio: librumque scripsit, quem mittam, quum primum editus Pictavis fuerit. Quos vero libri tui fratres dicis, nescio, quorum desiderio teneri possim: sed Tragœdiæ, Psalmi, Elegiæ, Epigrammata Georgii Buchanani, hic prostant. Sphæram tuam desiderant solam multi, ego in primis, quam jampridem scripsisse te audimus: sed huic fortasse nondum extrema manus accessit, ut edatur. Commentationes, quas dicis, meæ, pueriles sunt, & in puerorum gratiam, quos in hoc ludo instituo, scriptæ. Quod verum esse, si dubites, id probabit Somnii Scipioniani conjectio, quam tibi mitto, cum Gelidæ Epistolis. Quod vero *Henricum Wardlaum* tam diligenter mihi commendas, ego cives tuos omnes, ex quo te hic primum cognovi, mores eruditionemque tuam, diligo tua causa, colo, ac prosum pro viribus: quæ sane exiguæ sunt. Raro sine Scoto est schola hæc: duos hoc tempore habet, unum hunc Philosophiæ, alterum Græcæ linguæ & Mathematicum Professore, utrumque bonum, honestum & doctum, suisque auditoribus placentem. Vale: & crebras a me posthac literas expectato, si quis erit, qui perferat. Burdegala, quinto Id. Jun. an. 1581.

Ex autographo in Bibl. Jurid.

I *Quidam tamen vestras*] Adamum Blacwodæum intelligit, qui librum Pictavis hoc anno 1581. edidit hoc titulo, *Apologia pro Regibus adversus Geo. Buchanani de Jure Regni apud Scotos Dialogum*. Quamvis autem id verum sit, non tamen debuit Editor Londinensis has voces *Adamus Blackwodæus*, quæ in autographo non exstant, de suo inferuisse.

E P I S T O L A XXXIX.

G. Buchananus Theodoro Beza, S. P. D.

ET SI variis occupationibus distineor, & valetudine ita sum afflicta, ut nullum mihi otium supersit ad communia vitæ officia, tamen omnes excusationes *Hieronymi Grollotii* [ad suos] discessus mihi discussit. Nam cum pater vir clarissimus, cum in Gallia essem, omni officiorum genere fuisset complexus, & filius me hic tanquam alterum parentem coluisset, non dubitabam me apud vos non posse culpam ingratitude gravissimam effugere, si illorum alterius erga me officia, alterius jucundissimam consuetudinem, & tuam perpetuam erga me humanitatem silentio transmitterem. Nec tamen si id commissem, apud homines rerum mearum non ignaros justæ excusationes mihi defuturæ erant. Illa autem longe justissima, quod omnibus sensibus præmorientibus ex imagine superioris hominis, hoc, quod mihi superest, non me vivere, sed vixisse testari possit: præsertim cum in posterum spes nulla supersit vel novæ consue-

tudinis

tudinis instituendæ, vel veteris retinendæ. Hæc ego eo confidentius nunc loquor, quod præsens tempus hanc vobis suppeditat facultatem, ut mearum rerum statum intelligatis ex Grollotio: quem ut vobis commendem nihil opus esse arbitror. Studia autem adolescentiæ sine nostra commendatione se se prodent. Et tamen commendo, magis quia soleat fieri, quam quia necesse sit. Quod ad me attinet, quando tueri superioris vitæ rationem non possum officiorum vicissitudine, omissis laboribus, quibus jamdudum non sufficio, silentio indulgeo. Vale, Edimburgo, ad Idus Julii, 1581.

HIERONYMUS Grollotius adolescens Aurelianensis, qui hæc fert, etsi sit in urbe illustri parentibus illustrissimis natus, nulla re tamen notior est quam suis calamitatibus. In illa enim omnium rerum perturbatione, & velut universali, quæ in Gallia fuit, insania, patrem & patrimonium amisit, ipse periculum adiit. Et cum domi tuto esse non posset, in Scotia, dum tempestatis illius violentia paulum sedaretur, domicilio locum elegit. Nunc rebus paullo tranquillioribus cum rerum domesticarum ratio eum reduceret, existimavit per Angliam iter sibi faciendum, ut Ulyssis more multorum mores & urbes cognosceret, & hanc, quæ non est postrema civilis sapientiæ pars, obiter quoad posset amplecteretur. Quod, ut spero, (quemadmodum nuper in superiore peregrinatione fecit) non sine emolumento faciet. Nam, dum in Scotia fuit, ita vixit, ut non in aliena regione hospes, sed velut civis inter suos ageret. Ita vero literis operam dedit, ut non modo suæ calamitatis molestias earum suavitate leniret, sed præsidium in omnem vitæ partem sibi suisque inde sperare queat. Hic mihi non persuadendus es, imo ne hortandus, ut adolescentem optimum humanitatis officiis prosequaris. Id enim exposcit a te totius vitæ tuæ ratio, & communium sacrorum societas: coetque etiam, ut dignum te ostendas. Vale, Edimburgi,

Ex autograph. in Bibl. Jurid.

Tui observantissimus, atque unice amicus;

G. BUCHANANUS.

x [Vide de hoc Grollotio, ut aliis dicitur, quæ notavimus ad Lipfii Epist. cccxL.]

E P I S T O L A LX.

Georgio Buchanano viro undecunque doctissimo, Edimburgi in Scotia;
Elias Vinetus S. P. D.

AD epistolam tuam superiore Martio datam, ad Idus Junii rescripti: in eodemque fasciculo Gelidæ Epistolas, & nostra in Somnium Scipionis commentaria inclusi. Qui an tibi redditus sit necne, scire aveo.

aveo. In rebus autem nostris nihil est plane novi quod scribam: sed superioribus meis literis quod sum pollicitus id pulchre memini. De libro, quem Pictavis excudi scripseram, nihil ex eo audiui. Sphæra vero tua hic avidissime expectatur, quicquid de ea statueris. Valetudinem tuam cura diligentissime. Vale 13 Cal. Sept. 1581.

Ex autograph. in Bibl. Jurid.

E P I S T O L A XLI.

Domino Buchanano Poëtarum Latinorum Principi Nicolaus Nancelius. S.

MITTO tibi nova carmina, vel potius prisca illa quidem apud Hebræos, sed recenti interpolatione interpretationeque renovata: quæ ut obiter perlegere, sed non obiter expendere digneris, obnixè rogo. Etsi enim tuus olim apud Lutetiam studiorum focus & laborum consors: at nunc conditione sortis, felicitate ingenii, & Poëtico lepore longe inferior, mea scripta tuæ censuræ submittere non erubesco; quem nullis ego Aristarchis, nullis Criticis inferiorem duco, & cui quæ probata sint, nulli non possint aut debeant comprobari. Tantum enim fama tui nominis apud me valet, nulli ut majorum Poëtarum eximiorum conferre non audeam; si scribendi stylo quibusdam summis ac primariis priscis illis (licet admodum paucis) supparem, at ipso argumento, & materiæ dignitate (de Psalmis Davidicis intelligo; paraphrasi Poëtica abs te decantatis) longe omnibus illis superiorem ac præstantiorem: ut mihi quidem Spiritus Sanctus (absit dicto invidia) dum Davidis Psalmos vario metro, eoque elegantissimo, & concinnitudine aptissimo, Latine exprimis & effers, tuum genium animare, tuum pollicem impellere, tuam argutam chelyn pulsare videatur. Mitto præterea plane diversum aliud descriptionis genus, Oratorium, seu declamatorium: ac meo quidem periculo experiri volui, an simul idem & Poëta & Orator esse possit. Quod tam rarum reddidit antiquitas, ut aliquot seculis vix aliquot paria contigerint: quia, ut Flaccus ait,

— mediocribus esse poëtis,
Non dii, non homines, non concessere columnæ:

bonum autem Oratorem vix singula tulerunt secula, ut Brutus Ciceronis persuadere nititur. Quod tamen fieri posse haud diffido, haud diffiteor: siquidem ego in utroque genere aliquid promovi, licet minime assecutus quod optabam; tamen existere posse aliquem mihi sit verisimile, qui feliciori natus ingenio. (Poëtæ enim nascuntur, ut ajunt,) qui dicendi arte majore & perfectiore instructus, (Oratores enim fieri dicuntur,) & bonum sese Poëtam, & bonum præstet Oratorem: quem & qualem te esse facile mihi persuadeo, totius nostri seculi Poëtarum longe omnium

clarissimum, (& hanc partem jam tibi tuo jure partam habes,) nec dicendi facundia, ut equidem credo, minus instructum. Cujus specimen frequens & nobile jam tum edidisti, cum inde ab annis circiter triginta, tu Lutetiæ in Becodiano profitereris, ego eodem tempore in prælio (ubi Regii tum juvenes Stuarti vestrates dilcebant) sub Ramo antesignano, longe ea ætate eloquentissimo & disertissimo Romuli nepotum, militarem doceremque: qui ex arena Olympionices egressus, ad summum honoris culmen tuo merito diceris eVectus, Regibus Scotis tuis gentilibus longe carissimus. Et quis eo usque Musas Latinas unquam perventuras putasset, in regionem gelu & frigore horridam, ubi, ut Claudianus cecinit,

Scotorum cumulos flevit glacialis Ierne?

in regionem feris immanibus trucem ac terribilem? de qua Martialis speciali exemplo lib. 1.

Nuda Caledonio sic pectora præbuit urso, &c.

At tu contra quasi de gente moribus exulta profiteri audes;

*Nympha, Caledonia quæ nunc feliciter oræ
Missa per innumeros sceptræ tuæ avos.*

Sed de his hæc. Deus tibi istos tuos honores secundet ac prosperet. Vale, vir præstantissime, & Nancelium recognoscere incipe, & cognitum amare perge: ego te vicissim colam. Turone, Idibus Martiis, 1583.

Hæc XXXI. est tom. I. Epistolarum Nicolai Nancelii Trachyeni Noviodunensis. M. D. Paris. apud Claudium Morellum 1603.

F I N I S.



I N D E X.

A.

Adamas annulo infertus ad Elisabetham
Anglie Reginam a Maria Scotorum
regina mittitur. 348. 375
Agnes Cœcili filia. 398
Alisa e marbo pallida & macilenta. 318
Amicus difficilis. 360
Areskinus (Joannes) Comes Marria, Scoto-
rum Prorex. 424
Aschamus (Rogerus) Anglus, librum, in quo
amorem suum significat, ad Buchananum
mittit. 369. 384
Avarus dives. 375
Aulus Caussidicus. 359
Auratus regu poëte titulo donatus. 726

B.

Baco (Nicolaus) Procancelarius Anglie. 417
— ejus Epitaphium. 417
Beleago, Judæus. 347. 353. 354. 363
Belcierius (Franciscus) in senatu supremo Bur-
degalensi Præses. 381
Bellajus (Joannes), Cardinalis. 359
Beza (Theodorus) ejus ad Buchananum episto-
le. 732. 759. 760
— ad eum Buchananani epistola. 767
Blacwodæus (Adamus) edidit apologiam pro
Regibus adversus Buchananani de Fur. Regni
Dialog. 767
Brahe (Tycho), a l eum Buchananani epistola. 738
Bromlejus (Franciscus) Georgii, Cambria
Judicis sup-emi, filius. 762
Bromlejus (Georgius) Cambria supremus ju-
dex. 762
Buchananus (Georgius), ejus hymnus ma:u-
tinus ad Christum. 167
— ejus Carmen ad Joannem III. Lusita-
nie & Algarbie Regem. 168
— ejus Epistole ad varios viros doctos. vi-
de Epistola.
Buchananus (Patricius) auctoris frater. 383
Bulkeley (Edwardus) ejus ad Buchananum
epistola. 762
Budeus (Gulielmus). 378

C.

Cæsar (Caj. Jul.) 360
Calvini (Joannis) Epicedium. 422
Canterus Lycophronem in lucem edidit. 726
Carnicrucius (Robertus) Sanctæ Crucis Ab-
bas. 379
Carolus Lotharingus, Cardinalis. 602
— in eum Satyra Buchananani. ibid.
Carolus V. Imperator Bardegale hospitio pu-
blico susceptus. 324
Catharina Angliæ Regina, Maris mater, de
filia instituenda sollicita. 699
Clemens Alexandrinus. 427
Codrus Atheniensium rex. 360. 361
Cocburnus (Alexander) 384. 415
Coccius (Antonius) habuit filiam egregie do-
ctam. 373
— quæ nupsit Kilgræo. ibid.
Cossæus (Carolus) Franciæ Marecallus, ac
apud Taurinos Regis Franc. Præfectus. 175
— Buchananani ad eum præfatio. ibid.
— Brixiaci Comes. 383
— Brixiaci Dynasta. 421
Critto. 378
Cromelius (Thomas) Anglus. 416
Cucus (Antonius) Eques Anglus. 398
Cunyingamus adolescens Buchananano carissi-
mus. 725

D.

Daniel (Petrus) scripsit notas in Comœdiam
Plauti, cui titulus Querolus sive Aulu-
laria. 169
— ad eum Buchananani carmen. ibid.
— Buchananani amicus. 724
— ejus ad Buchananum epistola. 733
Deploratio status rei Gallicæ. 339
Desiderium Tastæi. 326
— Lutetiæ. 329
Diguallus (Joannes) 380
Dionysius al. Lambinus, ejus expostulatio-
nes cum Buchananano. 725
Dives avarus. 375
Docentium literas humaniores Lutetiæ mise-
ra conditio. 301
Dreillus, Jurisconsultus Gallus. 764
Eccccc2 Douza

Douza (*Janus*) *Buchanani nominis studiosissimus.* 737
 ——— *poëta.* 764

E.

Elizabetha *Anglie Regina.* 390
 ——— *ad eam Uicubovii epigramma.* 573
 Elogium *M. Antonii Mureti.* 169
 Elogium *equi.* 340
 Epitola *Bezzæ (Theodori) Georgio Buchanano.* 732. 759. 760
 ——— *Buchanani Anonymo.* 739
 ——— *Theodoro Bezzæ.* 767
 ——— *Tychoni Brahe.* 738
 ——— *Petro Danieli.* 724
 ——— *Rudolpho Gualibero.* 743. 747
 ——— *Jacobo VI. Regi Scotorum.* 756. 761
 ——— *Christophoro Plantino.* 735. 744
 ——— *Danieli Rogerio.* 726. 752
 ——— *Henrico Scrimgero.* 727
 ——— *A Monsieur de Sigongues.* 733
 ——— *Elia Vineto.* 765
 ——— *Bulkeley (Edwardi) Geo. Buchanano.* 762
 ——— *Danielis (Petri) eidem.* 734
 ——— *Fontaine (R. Lemacon de la) eidem.* 758. 760
 ——— *Fruterii (Lucæ) eidem.* 721. 722
 ——— *Gifanii (Oberti) eidem.* 724
 ——— *Gualtheri (Rodolphi) eidem.* 741. 757
 ——— *Langueti [Huberti] eidem.* 764
 ——— *Mornæi [Philippi] eidem.* 740
 ——— *Plantini (Christophori) eidem.* 735
 ——— *Randolph (Thomas) to the same.* 745
 ——— *To Maister Peter Yonge.* 746
 ——— *Rogerii (Danielis) Geo. Buchanano.* 736. 748. 751
 ——— *Scrimgeri (Henrici) eidem.* 728
 ——— *To John Earl of Marr.* 731
 ——— *Serres (Jean de) a Monsieur Buchanan.* 742
 ——— *Vineti (Elia) eidem.* 766. 768
 ——— *Nancellii (Nicolai) eidem.* 769
 Epithalamium *Francisci Valesii, & Mariæ Stuartæ, Regum Franciæ & Scotiæ.* 332
 ——— *in nuptiis Mariæ.* 400
 Epitaphium *Nicolai Baconis procancellarii Angliæ.* 417

F.

Faber (*Jacobus.*) 379
 Fontaine (*R. Lemacon de la*) *ejus epistola ad Buchanatum, Gallico sermonis conscripta.* 758. 760
 Fontanus (*Immoceñtius*) *Burdegalis Caussidicus.* 381
 Franciscus Valesius *Rex Franciæ & Scotiæ.* 332
 ——— *Mariæ Stuartæ maritus.* ibid.
 ——— *ejus epithalamium.* ibid.
 Fruterius [*Lucas*] *Brugensis scribit Buchanano.* 721. 722
 ——— *ejus epistola a Jano Grutero edita.* 722

G.

Genethliacon *Jacobi VI. regis Scotorum.* 340
 Gifanius (*Obertus*) *Buchanano scribit.* 724
 Goclenius [*Rodolphus*] *Professor philosophiæ Marpurgi.* 531
 ——— *ejus epigramma in libros de Sphæra Buchanani.* ibid.
 Goodmanus [*D.*] *vir Sanctissimus.* 762
 Gordonius *Scotus, adolescens Buchanano carissimus.* 724. 725
 Goveanus [*Andreas*]. 381
 Goveanus [*Antonius*]. 346
 Gavinus *Archiepiscopus Glasguensis.* 370
 Grollotius [*Hieronymus*] *Aureliancensi adolescens, calamitatibus suis notus.* 768
 Gualtherus [*Rodolphus*], *ejus ad Buchanatum epistola.* 741. 757
 Guttræus *adolescens Buchanano carissimus.* 725

H.

Haddonus [*Gualterus*] *libellorum supplicum Angliæ Regiæ magister.* 349
 Hamiltonus [*Joannes*] *Fami Andree Archiepiscopus.* 385
 Hamiltonus *apostatus, adversus eum liber.* 763
 Havarra [*Joanna*]. 396
 Henricus *Scotiæ Rex.* 393. 426
 Henricus *II. Franciæ Rex.* 408. 413
 Henricus *VIII. Angliæ Rex,* 417
 Humaniores *litteras docentium Lutetiæ misera conditio.* 301
 Humii [*Alexandri*] *tetrastichon in Adamæ Regii ad Buchanani Sphæram supplementum* 535
 Hy-

I N D E X.

Hymnus Matutinus Buchanani.	167	Grammatices.	646
- - - in Christi ascensionem.	426	... ejus Dedicatio ad Mariam Cornubie & Wallie Principem.	ibid.
I.		Longinus [Guilielmus Lurius] Senator Burdegalenfis.	347
		Luctuæ desiderium.	329
Jacobus Stuartus, Moravia Comes.	255.	M.	
... Buchanani ad eum prefatio.	395. 399		
Jacobus Stuartus Scotorum Prorex.	384	Magdalena Valesia Regina Scotorum.	377
Jacobus IV. Rex Scotorum.	377	... ejus epitaphia.	ibid.
... ejus epitaphium.	ibid.	Margarita Borbonia, Navarre Regina.	372
Jacobus VI. Rex Scotorum, ad eum Buchanani prefatio.	217	Margarita Valesia Navarre Regina.	361.
... Genethliacon.	340	Margarita Henrici II. Francorum Regis soror.	571
Joannes cognomento Major.	373	... ad eam Buchanani prefatio.	ibid.
Joannes III. Lusitanie & Algarbie Rex.	168	Margarita Regina Navarre.	390
... ad eum Buchanani Carmen.	ibid.	Maria Scotorum Regina adamantem annulo insertum ad Elisabetham mittit.	348
Jonstonus [Joannes] Scolus Helmstadio mittit Epigrammata in libros de Sphæra Buchanani.	530	Maria Regina Scotie puella.	389
Juellus [Joannes].	385, 386	... eadem adulta.	ibid. 394, 395
Junius [Hadrianus] Nomenclatoris Auctor.	Magdeburgi obiit.	Maria Regina Anglie.	390
Junius [Petrus] nepos Scrimgeri.	730	Maria Berona.	407
... quos libros in vulgus proferri studet.	735	Maria Flaminia sorte Regina.	406
... Buchanani collega.	748	Maria Stuarta Francisci Valesii Regis Francie & Scotie uxor.	332
Juvenis [Martinus] typographus Parisiensis.	726	... ejus Epithalamium.	ibid.
K.		Marillacus [Carolus] Viennæ Allobrogum Episcopus.	359
		Marnixius [Philippus] Buchanani nominis studiosissimus.	737
Keith [Georgius] Comitii Marecalli Scotie filius.	741	Matthæus Levinia Comes, Scotie Prorex.	399
Kennedus [Gilbertus] Cassilisse Comes.	378.	Mekerki [Adolphus] Canticum Simeonis.	167
... Rudimenta Grammatices Linacri a Buchanano ei dedicata.	647	Memmius Buchanani amicus.	724
Kilgræus [Henricus] Anglus ducit in uxorem Cocci filiam egregie doctam.	372	Mildreda Gulielmi Cæcili uxore.	396, 397
L.		Monlucius [Marcus Antonius]	414
		Montaureus [Petrus] Buchanani amicus.	724
Lambinus [Dion.] scripsit Commentar. in Ciceronis orationem pro A. Cæcina.	170	Morellia [Camilla]	425
... ubi Buchanani meminit.	ibid.	Morella [Lucretia], argumentum Utenbovis ad eam in Jephthæ tragædiam.	179
Languerus [Hubertus] ejus ad Buchananum epistola.	764	Mornæus [Philippus], ejus ad Buchananum epistola.	740
Leonora Peiridis lenæ filia	320 322. 350, 351, 352. 363, 364, 365, 366. 369.	Murerus [M. Antonius] edidit tragædiam in Julium Cæsarem.	169
Lessæus [Joannes] Episcopus Rossensis genus Scotie Historiam edere gestit.	749	... ejus Elogium à Buchanano.	ibid.
Linacrus [Thomas] Auctor Rudimentorum		N.	
		Nexra Amasia	323. 344. 345. 347. 366, 367. 420
		Nicotiana herba falso nomine Medicea appellata.	420

I N D E X.

O.

Olivarius [Franciscus,] *Francie Cancellarius.* 317. 411
 Otterburnus [Adamus] *Eques.* 380

P.

Peirir *lena.* 412
 Plancius [Petrus] *Parisiensis.* 381, 382
 Plantinus [Christophorus] *typographus Flander.* 725
 . . . *eius ad Buchananum epistola.* 735
 . . . *Buchanani ad eum epistola.* 735. 744
 Pincirius [Joannes] *Medicus.* 508
 . . . *eius supplementum in librum V. Sphære Buchanan.* 508
 . . . *eius argumenta in libros Sphære Buchanan.* 527, 528, 529
 Pinus *pro feribus scholarum erecta.* 361

R.

Ramus *prolegomena Mathematica edidit.* 726
 Randolphus (Thomas) *Anglus.* 390
 . . . *eius ad Buchananum, Anglico sermone conscripta, epistola.* 745, 746
 Ranfortus [Joannes] *Eques Anglus.* 383
 Regius [Adamus] *F. C.* 510
 . . . *eius supplementum libri IV. Sphære a Buchanan non absoluti.* *ibid.*
 . . . *eius supplementum libri V.* 525
 . . . *eius in libros Buchanan de Sphæra argumenta.* 532, 533, 534
 Rogerius [Daniel] *ad eum Buchanan epistola.* 752 726
 . . . *eius ad Buchananum epistola.* 736. 748
 . . . *a Germanis Regi Hispanie militansibus captus.* 765
 Rollocius [Hercules] 749
 . . . *inter minores iudices a Jacobo VI. allelus.* 761

S.

Sandæi [Patricii] *in tres Sphære Scriptores Scotos epigramma.* 534
 Scaligerus [Julius Caesar] 372
 Scrimgerus [Henricus] *ad eum Buchanan epistola.* 727

. . . *eius ad Buchananum epistola.* 728
 . . . *eius epistola ad proregem Scotie.* 731
 de Serres, *eius ad Buchananum, sermone Gallico conscripta, epistola.* 742
 de Sigongues, *Gubernator Diepe.* 733
 . . . *Buchanani ad eum epistola Gallico sermone scripta.* *ibid.*
 Silvius [Jacobus] 379
 Simeonis *verba. Luc. II. in Canticum a Merkerko redacta.* 167
 Siremps *verbum antiquum, quid significet.* 723
 Strena *ad Elisabetham Angliæ Reginam.* 395
 Sturmius (Joannes) *rerum Buchananarum cupidissimus.* 737-393
 Sydneus [Henricus] *Hiberniæ prorex.* 762

T.

Tastæus [Ptolemæus Luxius] *amicus intimus Buchanan.* 314
 . . . *eius desiderium.* 326
 Tevius [Jacobus] *articulati morbo laborans.* 314
 . . . *Lucretia docuit literas.* *ibid. not. 3*

V.

Valla [Laurentius] 389
 Vallius [Briandus] *Senator Burdegali.* 308. 378
 . . . *ad eum Buchanan apologia pro lera.* 308
 Valsingamia (Anna) *Thome Randolphi uxor.* 424
 Vinetus (Elias) *Buchanani ad eum epistola.* 765
 . . . *eius ad Buchananum epistola.* 766. 768
 Vives (Jo. Lodoicus) *Carbarina Regine Angliæ scribit.* 699
 Volusenus [Florentinus] *Scotus.* 379
 Utenhovii [Caroli] *argumentum in Jephthen Tragediam, ad Lucretiam Morellam.* 179
 . . . *Buchanani ad eum præfatio.* 281
 . . . *Buchanani amicus.* 362 426
 . . . *eius epigramma ad Elisabetham Angliæ Reginam in Alcestin Buchanan.* 573

W.

Wardlaus [Henricus] *Scotus.* 766
 Wechelus [Andreas] *typographus Parisiensis.* 726

F I N I S.





